



საქართველოს
საქართველოს

საქართველო

3-4

2007

საუნჯე

(134)

მაისი,

ივლისი,

ივლისი,

თბილისი.

ქვემოთაღნიშნული
ბიზნის ცენტრი



გსოფლიო ლიტერატურის მთარგმნელობითი
ქურონალი

დამფუძნებლები: საქართველოს მწერალთა
კავშირი და ჟურნალ „საუნჯის“ რედაქცია

2007, 3-4

შინაარსი

პროზა და პოეზია

ვახუშტი კოჭიანი. მოგვის დღიური. რომანი. თარგმნა გურამ გოგიაშვილმა	169
ანჯი ბუჩუკაძე. დედასა. პოდონურიდან თარგმნა რენე კადანდიამ	187
ვასილ ა. დიმიტრი. მესკრომტი № 2. მოთხრობა. თარგმნა ჯუმბერ თითმერიამ	203
დავით ბერიძე. თარგმნა სტეფანე მხარგრძელმა	209
გაბრიელ შინკუბა. გაკრებილი მება. რომანი. თარგმნა თამარ ჩიჯავაძემ	

წერილები

გიორგი კაკუშვილი. შავი მთა. (დოკუმენტური პოეზია). პოდონურიდან თარგმნა ამბროსი გრიშინაშვილმა	224
გაბრიელ ბარსია მარკანი. „იტალიკო, რათა მოკვდი“. ესპანურიდან თარგმნა ნინო მეტევირისვილიმა	285
დევი ტონტონი. და მაინც, რა ვაკეთოთ! თარგმნა ანზორ სახვაძემ	300

შემაჯობება

მირზაქანი მორგაძე. სუბიექტური გამოცდილება, ანუ თვადის ახადის გასაღები. როგორ გადავარდეთ სათვადო. თარგმნა ჯემალ ჯედიამ	304
--	-----



ეროვნული
ბიბლიოთეკა

მთავარი რედაქტორი
ნანა ღარჩია-გოლქვაძე

სარედაქციო საბჭო:

ელზა ახვლედიანი
მანანა ამისულაშვილი
ნანა ახობაძე
ჯემალ აჯიაშვილი
ნანა ბართია
გურამ გოგიაშვილი
ნანა გოგოლაშვილი
თამარ ერისთავი
რუსუდან ქეზულაძე
დალი ფანჯიკიძე
ეთერ ყურაშვილი
გივი შაჰნაზარი
ქეთევან ჩიჯავაძე

ვაჟა ჩორღელი
პ/მპ მღივნანი


ფასი სახმადგენლოდ

ჩვენი მისამართია: თბილისი, 380026. ლესელიძის ქ. № 4. ტელ.: 99-73-41,
33-46-80, 60-23-40.

ხელმოწერილია დასაბეჭდად 27. 07. 2007 წ., ქაღალდის ზომა 70x108¹/₁₆, სააღ-
რიცხვო-საგამომცემლო თაბახი 24.02, ფიზიკურ ფორმათა რაოდენობა 20 ფორმა.
ტირაჟი 300. შუკვ. 186.

შ. პ. ს. „გამომცემლობა სამშობლოს“ სტამბა.
თბილისი, მ. კოსტავას 14.

პროზა და პოეზია



პაულო კოელიო (ბრაზილია)



ეროვნული
ბიბლიოთეკა

მოგვის დღიური

რომანი

თარგმნა გურამ გოგიაშვილმა

„მოგვის დღიური“, ანუ „ლოცვადმავლობა“ (1987 წ.), როგორც მეორენაირად იხსენებენ ამ წიგნს, ლეგენდარული სანტიაგოს გზით პაულო კოელიოს მოგზაურობის აღწერაა. შუა საუკუნეებიდან მოყოლებული ამ გზას მილიონობით ლოცვადმავალი იყო ადევნებული. ამ გზაზე მწერალი ხვდება მისტიკურ ეტიკ-მეგზურთ და დემონურ მაცნე-მაუწყებელთ, სწავლობს ჭეშმარიტების ზუნების გავებას, შინაგანი ძალის შესაძენად ეცნობა მისტიკური RMA ორდენის სავარჯიშოებსა და რიტუალებს.

„მოგვის დღიურს“ მნიშვნელოვანი ადგილი უჭირავს კოელიოს როგორც მწერლის ჩამოყალიბებაში. მართალია, ეს მწერლის პირველი წიგნია, მაგრამ სიღრმითა და საზრისის ძიებით იგი არაფრით ჩამოუვარდება ფენომენალურ „ალქიმიკოსს“.

1986 წელს, როცა კოელიო ლოცვადმავლობდა, სანტიაგოს გზა სულ 400 პილიგრიმმა გაიარა. მომდევნო წელს „მოგვის დღიურის“ გამოქვეყნების შემდეგ ეს გზა უკვე ნახევარ მილიონზე მეტი ლოცვადმავლის ფეხქვეშ მოექცა.

მიძღვება

ლოცვადმავლობას თუ მწირობას, ანუ სულის ზრდასა და წმინდა ადგილთა მოლოცვას რომ ვიწყებდი, აგრე მეგონა, ეგ არის და ჩემი სიყმაწვილის ერთ-ერთი ყოველის უფრო სანუკვარი ოცნება მისრულება-მეთქი. შენ ჩემთვის მოგვი დონ ხუანი იყავი, და სასწაულებრივის ძებნა-ძიებაში კასტენადას საგა ცხადში გამოვიარე.

თუმცაღა ჩვეულ სიკერპეს არ იშლიდი და ჯიუტად უძალიანდებოდი შენი გმირად გახდომის ჩემს ყოველ საცადისს. ეს ამბავი ძალზე ართულებდა ჩვენს ურთიერთობას, ვიდრე არ შევიგნე, რომ ყოველივე სასწაულებრივი ჩვეულებრივი ადამიანების გზის ბინადარია. ამის შეცნობა თუ გაგება დღეს ჩემი ერთ-ერთი ყველაზე უფრო ძვირფასი

საქართველოს
პარლამენტის
ეროვნული
ბიბლიოთეკა

ავლადიდება ვახდა, რაც ხელ-ფეხს მიხსნის რაგინდარა საქმის საკეთე-
ბლად. და სანამ პირში სული მიდგას, ის ბოლომდის ჩემთან იქნება.

ამიტომაც, ამ შეცნობა-გაგებისათვის მადლიერების ნიშნად — რა
შეცნობა თუ გაგებაც აწ სხვა ადამიანთაც უნდა ვაწუხირო, — ეს
წიგნი შენ გეძღვნება, პეტრუს.

ერეკლესი
შიზ-ბრძანებრი

წ ი ნ ა თ ქ მ ა

წარმოიდგინეთ რამირ პირველის ზეობა, ბრძოლა ლოგრონიოს-
თან და თეთრონზე ამხედრებული იაკობი, რომელიც ძღვევამოსილ
ქრისტიანულ მხედრობას მეთავეობს და აბღურაჰმან მემორის წინამძ-
ღოლობით მოსაგრე მავრთ ამარცხებს. იმ შორეული ხანიდან მოკიდე-
ბული, ვისაც კი ადგილ-მამული ჰქონია კამპუს-სტელაში, სადაც ხსე-
ნებული ღირსმოსაგონარი ბრძოლა გაიმართა, მოციქულ იაკობს ყო-
ველწლიურად სუყველა ღვინოსა და ხორბალს სწირავს. ბრძოლის შე-
მდგომ მალევე, როს იქაურთ ირწმუნეს, რომ წმინდანის სხეული იქ
იყო დამარხული, ეს პატარა ქალაქი სალოცავ ადგილად იქცა. 997
წელს მავრთ იავარყვეს ის ადგილი, 1809 წლიდან 1814 წლამდე
ფრანგთ ეჭირათ იქაურობა, მაგრამ ეს უკვე წმინდა მხარე იყო, იქით
მიმავალ გზებს კი მაგია, ანუ გრძნებით შემკვრელი ძალა იფარავდა.
სუყველა გზა, ოლონდ ჩვენთა ოცნებათაკენ თუ მივყავართ, მაგიური,
ანუ გრძნებით შეკრული გზაა.

ხოლო ვინც თავისი ოცნების ასახდენად მაგიას თუ გრძნებას არის
აყოლილი, იმას გზა ეჭირვება. ადამიანის სული, რომელიც ადამპაპის
დროიდან ყოველგვარ სახსარს ეძებს, რაც რამ წუთისოფლის საიდუმ-
ლოთა გამოცნობაში წაადგება, რაგინდარა სინათლეს იყენებს, უკეთუ
იმ საიდუმლოთა გარემომცველი წყვდიადის გაფანტვა შეუძლია. მშვე-
ნიერიცა და საოცარიც ეს წიგნი იმით არის, რომ წამკითხველს გაირ-
დება: შენს გასავლელ გზას ისე გაივლი, მზე მალა იქნებაო, შენს ოც-
ნებასაც აიხდენ და შენს მახვილსაც ხელთ მოიგდებო.

სანტიაგო, ანუ წმინდა იაკობი უფროსი, ერთი თორმეტი მოცი-
ქულთაგანი, იოანეს ძმა და მეზადური იყო. ქრისტე რომ შეიპყრეს,
იერუსალიმი დააგდო, მაგრამ სიკვდილით რომ დასაჯეს, კვალად მიბ-
რუნდა იქ და ახალი სარწმუნოების ქადაგად დაეცა. თანაც ისერიგად
მგზნებარე შეიქმნა, რომ პესიოდე აგრიპამ სიკვდილი მიუსაჯა 44
წელს.

და როგორც სანტიაგოში, პაულო კოელიოშიც თვალდასაჩენია
რწმენა და აღმაფრენა. როდესაც პაულოს გავეცანი, ვერც კი წარმო-
ვიდგენდი, თუ ვინმეს შეეძლო ჩემთვის ახალი და უცნობი სამყაროს
აღმოჩენა. და, თექვსმეტი წლისანის სიყვარულისა და ორი წლისანია
ფილოსოფიის მსგავსად, მან თვალცხადლივ დამანახვა, რომ ეს სო-
ფელ-ქვეყანა ბევრად უფრო დიდი და განუზომელია, ვიდრე ჩვენ წარ-



მოგვიდგენია. იმისათვის, რათა დაფარულსა და დამალულს მიაგნო, მკაცრი ლოგიკის მოკავშირედ ზემოაბონების თვალისმომჭრელი ცეცხლი უნდა გაიხადო. იმათ, ვინც თავისი ოცნების მოსახელთუბელ გზაზეა შემდგარი, ტრადიციულ ფილოსოფოსთა თვალსაზრისით, შეუძლებელი უჩვეულო მოვლენები სულიერი მხედველობის შესაძლებლობას უქმნიან.

და პაულოსა და პეტრუსის საუბარ-საუბარში გზა თვითონ ჩვენშივე ჩნდება. აგერ, მიდიან, თავიანთ სავალს, თავიანთ საგზაურს მიჰყვებიან პეტრუსი და პავლე, პეტრე და პავლე. წმინდა პეტრე, იაკობი და იოანე არცროდის ეგრძნობიერებოდნენ წმინდა პავლეს — პირიქით: ვითარცა გულდაჯერებულნი კაბალისტნი ისინი ფრიად მნიშვნელოვან ხარკს უხდიდნენ ათასგვარ წარმართულ საიდუმლოებას. წმ. პავლე, რომელიც ინტელექტუალურად იმათზე მაღლა იდგა, რამეთუ გაცილებით უკეთ იცოდა ფილოსოფია და ბევრად უფრო განათლებული იყო, ძალაუნებურად იტანდა წყენას იმ ხალხისგან, ვინც აბრალებდა, ეგაო გნოზისით, ანუ ბერძნული მისტერიების სიბრძნით მოწამლულიაო. და სულაც არა შემთხვევითად ჰქვიათ პეტრე და პავლე „მოგვის დღიურში“ აღწერილ გზას ადევნებულთ. აგერ, მიდიან, მიბაასობენ დაგზიურებულნი, ცოტ-ცოტას ყლურწავენ კიდევ, ძალას იკრებენ და საკუთარი თავისთვის არცრა სამყაროს აღმოჩენა არ ეძნებებდებათ.

რწმენამ და სასოებამ (აღმაფრენამ) გულმოწყალებასთან (სიყვარულთან) უნდა მიგვიყვანოს. პაულო ამ სამივე ღირსებით მადლმოსილი ადამიანია. მერედა, განა რწმენამ არ შეახვედრა სანტიაგო ცხოვრებას? განა სასოებამ არ აადევნა გზას ცათაფრენაშემდგარი? ნუ დაგვაფიწყდება, რომ ბერძნულად „ენტუზიაზმი“ ღვთაებრივის სინონიმია, ხოლო სიტყვასიტყვით „საკუთარ თავში ღმერთჩასახლებულს“ ნიშნავს. ჭარბად მადლცხებულია პაულო აგრეთვე სიყვარულით, რომელსაც ბერძნული ტრადიციის მიხედვით ყოფს *ეროსად*, *ფილოსად* და *აგაპედ*. ეს უკანასკნელი და უმნიშვნელოვანესი — სიყვარულის იპოსტასი ოდესღაც ითარგმნებოდა როგორც „ტრაპეზი“, რაც უმაღლეს პლატონის დიალოგთ გვახსენებს. პლატონის „ნადიმიც“ ხომ აგრეთვე უფრო თხრობაა, ვიდრე დიალოგი, მერე რა ვუყოთ, თუ გერმანელ ფილოსოფოსთ ლათინური ტრადიციით დამკვიდრებულ სიტყვა „ნადიმს“ სიტყვა „სიმპოზიუმი“ დაამჯობინეს. ამჟამად ნადიმობა და სიმპოზიუმი პრინციპულად სხვადასხვა ხასიათის მოვლენებია. მაგრამ საჭმლის მსგავსად, ცოდნა, რომელიც გვეძლევა, ხომ შეიძლება გავსინჯოთ, დავაჭაშნიკოთ, და თუ გვეგება, მივირთვათ და შევირგოთ კიდევ. როგორც ცოდნა, ისე საჭმელი, სიყვარულის სავნისა არ იყოს, თვითონ ჩვენივე შემადგენელი ნაწილი ხდება. ბერძნები კიდევ ერთხელ გამოდგნენ მართალნი.

ასეთია „დღიური“. ეს საკუთარ თავთან შეხვედრაა. ეს დიდი ოცნებაა, რომელიც გრძელი და ძნელი გზის ბოლოში მოინაგრება. ამ გზის დაქნა სუყველას ძალუძს, ვისაც კი ამის სურვილი გაუჩნდება. კოელიო თავისი საყვარელი უილიამ ბლეიკივით ეუარება ადრინდელ ტრადიციას და თავის საკუთარსა ქმნის. მან გლამური, ანუ გრძნება, ქარიზმა-

ზე ვაცვალა, სტერეოტიპები კი — მოელვარე სიმბოლოებზე. ხილული სამყაროს საგნები „დღიურის“ ავტორისთვის წარმოსახვის თვალთაც ჩანან. მოივარგა რა ბლეიკის გაკვეთილები, იგი თანერს საკუთარი, არანასესხები შემართებით აღიჭურვა და შეიძლო, რომ ერთმანეთის პირისპირ დაეყენებინა ვეფხვი (გამოცდილება) და კრავი (უმანკობა) და ორთავე განესაზღვრა როგორც ერთნაირად მძვენიერი, რამეთუ ერთიცა და მეორეც „უკვდავის ხელით შექმნილა და თვალთ დანახულა“. პაულო კოელიოს გზა თვალწარმტაცი და ნაყოფიერია — ალალი იყოს ჩვენი ტაში. ღმერთმა ქნას, თითოეულ ჩვენგანს ჩვენ-ჩვენი საკუთარი გზა დაგვექნას.

კლაუდია კასტელო ბრანკო

პირველსათქმელის მამიკრად,
ანუ ოცი წლის უამდე

საფრანგეთის სამხრეთით მდებარე პატარა ქალაქის ბალში ვზივარ, და მთებს რომ გავყურებ, მაგონდება, როგორ ვიარე ფეხით ოცი წლის წინათ ამ მთებში, სანტიაგოს გზასთან პირველად შეულლებულმა. და დრო თითქოს უკან მიედინება: ცოტაც და, მოსალამოვდება, მაგიაზე ერთი ფინჯანი ყავა და ერთი ჭიქაც მინერალური წყალია, ირგვლივ ადამიანები ირევიან და ჟრიაბულობენ. ამ სცენას მხოლოდ ამჯერად ლეონის დაბლობები უწევენ დეკორაციის მაგივრობას, და უღერს ესპანური მეტყველება, კარზეა, ახლოვდება ჩემი დაბადების დღე, და უკვე გავლილ-დაკეცილია იმ გზის ნახევარზე მეტი, სანტიაგო-დე-კომპოსტელაში რომ მივყავარ. წინ ვიყურები და ვხედავ ერთფეროვან პეიზაჟსა და ეტიკს, ანუ მეგზურს, რომელიც აგრეთვე ყავას შეექცევა თითქოსდა არსაიდან უცაბედად გაჩენილ ბარში. უკან ვიყურები, და იგივე ერთფეროვანი პეიზაჟია, სხვაობა მხოლოდ ის არის, რომ მტვერში ჯერეთ კიდევ ჩანან ჩემი ლანჩების ანაბეჭდები, მაგრამ ისიც ცოტა ხნით: სანამ ჩამოლამდებოდეს, ქარი ეგრევე წაშლის ნაფეხურებს. ავრე მგონია, ყველაფერი მელანდება-მეთქი. მაინც რა მინდა, რა მესაქმება აქ? ეს კითხვა არა და არ მასვენებს, თუმცაღა უკვე რამდენიმე კვირა გამოსდა.

რა მესაქმება და ჩემს მახვილს დავეძებ. რიტუალს ვასრულებ, RMA-ად წოდებული პატარა ორდენის რიტუალს, რომელი ორდენიც კათოლიკურ ეკლესიას ეკუთვნის და სხვა არცრა სასწაული არ იცის, არცრა საიდუმლო, თვინიერ სოფელ-ქვეყნის სიმბოლური ენის გაგების საცადისისა. ჩემის ფიქრით, შევცდი, ყოველგვარი სულიერი ძიება მოკლებულია აზრსა და ლოგიკას და ბევრად აჯობებდა, უკეთუ ბრაზილიაში ვიჯდებოდი და კვალად ჩემს საქმნელს მივხედავდი. მეეჭვე-

ბა, რომ გულწრფელი და უზაკველი ვიქნები სულიერ ძიებათა ქაშს, რამეთუ უზომოდ ძნელია პოვნა უფლისა, რომელიც ცხადად არცროდის არ გვეხილებ-გვენახვება, ძნელია აგრევე ლოცვად დგომა განსაზღვრულ დროს, ჭირს უჩვევ გზათა ზედა ხეტიალიც და იმ ბრძანებათა სიტყვაშეუბრუნებლად მორჩილება, სუყველა უკლებლივ უაზრო რომ მეჩვენება.

ღიას, ღიას, სწორედ ეს მაფიქრებს — ჩემი გულწრფელობა მაეჭვებს. რაც ერთად მოვდივართ, პეტრუსი სულ მიმტკიცებდა, ეს გზა სუყოველ კაცს ეკუთვნისო, ეს გზა ჩვეულებრივი ხალხის გზააო, და თავისი ამ ჩიჩინით სასოწარკვეთილებაში მაგდებდა. მე კი მეგონა, ჩემი ეგზომ განუზომელი ძალისხმევა საჩინო რამ ადგილს მიმიჩენს-მეთქი იმ მცირეოდენ რჩეულთა შორის, რომელნიც სოფელ-ქვეყნის ღიად არქეტებით მიახლოებიან. ჩემი ვარაუდით, ბოლოსა და ბოლოს უცილოდ დადასტურდებოდა სუყველა იმ ამბის ჭეშმარიტება, რომ ტიბეტელ ბრძენკაცთ არაერთი განმგებელთ-მოძღვარი ჰყავთ, რომ გრძნება-ჩხიბვით შეიძლება სიყვარულის იქ გამოხმობა, სადაც ურთიერთლტოლვა წამლადაც არა ჩანს, რომ ზოგ-ზოგი წეს-ჩვეულების აღსრულებისას უმაღ მოინილავე, ვითარ გაიღება შენ წინაშე სამოთხის ბჭე-კარი.

პეტრუსმა კი, რჩეულნი არ არიანო, მითხრა. რჩეული, სხვათაგან გამოყოფილი და უპირატესია სუყველა, ვინც იმის მაგივრად, რომ თავს იმტვრევდეს, მაინც რა მინდა, აქ რა მესაქმებაო, რალაცის ქმნას ანდა თავის გულში აღმაფრენის გაღვიძებას გადაწყვეტს. სამოთხის კარიბჭესთან რუდუნებას მივყავართ, უფალთან კი — ჩვენსავე გარდამქმნელ-გადამხალისებელ სიყვარულს. და სულიწმიდასთან უწინარესად აღმაფრენა გვაკავშირებს და არა ასჯერ თუ ათასჯერ გადაკითხული კლასიკური ტექსტები. სასწაულთაც იმის რწმენის წყურვილი ხდის შესაძლებელს, რომ თავად ცხოვრებაა სასწაული და არა ყბადაღებულნი „საიდუმლო რიტუალნი“ ანდა „კურთხევის წეს-ჩვეულებანი“. და ადამიანს ადამიანად მხოლოდ თავისი ბედისწერის აღსრულების გადაწყვეტილება აქცევს და არა წუთისოფლის იღუმალებისა გამო ტვინის ჭყლეტა თუ ჩირთიფირთი.

და აი აქა ვარ. უკან კი იმ გზის ნახევარზე ცოტათი მეტი დარჩა, რომელ გზასაც სანტიაგო-დე-კომპოსტელაში მივყავართ.

იმ დღეს ლეონში, აწ უკვე აგრე შორეულ 1986 წელს, ჯერეთ კიდევ არ ვიცი, რომ ექვს თუ შვიდ თვეში წიგნს დავწერ ყოველივე იმის შესახებ, რაც რამ ამ გზაზე მოვიხილე და განვიცადე, რომ ჩემს სულში უკვე ეპირება განძეულის საძებნელად წასვლას მწყემსი სანტიაგო, რომ ქალი, სახელად ვერონიკა, აბს აბზე გადაყლაპავს თავის მოსაკლავად, რომ პილარი მალე ჩაიმუხლებს რიო-პედრას ნაპირზე და ატირდება, და დღიურის წერას დაიწყებს. არცრა ეს ამბავი ჯერეთ კიდევ არ ვიცი. მხოლოდ გაღიზიანებასა და დაძაბულობას ვგრძნობ, და პეტრუსთან საუბრის ვაბმის თავი არა მაქვს, რამეთუ ამწუთას მივხვდი: ვედარცროდის ვერ მოვუბრუნდები ჩემს ძველ საქმეებსა და საზრუნავს, თუნდაც ამას მოჰყვეს გვარიანი თანხა ყოველი თვის ბოლოს,

ჩემი კარგი უცვლელი გუნება-განწყობილება და ის სამუშაო, რომელიც ჩემთვის უცხო არ არის და არცთუ ცუდად გამოძის. სხვა გზა არა მაქვს, უნდა გამოვიცვალო და დავიძრა ჩემი ოცნების მიმართულებით, რაგინდ უაზრო-ბავშვური და სრულიად აუხდენელიც არ უნდა ჩანდეს, — სხვა სიტყვებით თუ ვიტყვი, მწერალი უნდა გავხდე. სულის სიღრმეში, საკუთარი თავის უჩუმრად, საწერად მუდამ მემსახურებოდა ხელი, მაგრამ ვერა და ვერ გამებედა ამ ტვირთის წურვხე მოგდება.

პეტრუსი ბოლომდე ცლის თავის ყავასა და მინერალურ წყალს, მთხოვს დანახარჯის გადახდას და გზის მალევე განგრძობას, რაკი შემდგომ ქალაქამდე სულ რამდენიმე კილომეტრია დარჩენილი. ჩვენ გვერდით ამვლელ-ჩამვლელნი მიმოდინან, ერთმანეთში საუბრობენ, თან ცალი თვალით ორი შუახნის პილიგრიმისკენ იყურებიან და ალბათ ფიქრობენ: „ქვეყნად, იცოცხლე, ბლომად იპოვებიან შერეკილნი, რომელნიც მუდამ მზად არიან დიდი ხნის წინათ გარდაცვლილი წარსულის გასაცოცხლებლად“.* მზე უკვე შუბის ტარზე იხრება, სიცხე 27 გრადუსზე ნაკლები არ იქნება, მე კი მეათასედ ვეკითხები ჩემს თავს, მაინც რა მინდა, აქ რა მესაქმება-მეთქი.

მე რა, ცვლილებათა მომხრე ვიყავი? მგონი, რომ არა, თუმცაღა ამ გზამ სავსებით გამომცვალა. მე რა, საიდუმლოთა ამოცნობა მსურდა? ალბათ, დიან, მსურდა, თუმცაღა ეს გზა უსუსტრად ჩამავიწყებდა, ქვეყნად არცრა საიდუმლოება საერთოდ არ არისო, რამეთუ, ქრისტეს თქმით, არა არის რა დაფარული, რომ არ გაცხადდეს. ერთი სიტყვით, ყველაფერი პირიქით მოხდა მოსალოდნელთან შედარებით.

...ვდგებით და მდუმარედ განვაგრძობთ გზას. საგონებელსა ვარ მიცემული, ეჭვი და ურწმუნოება მტანჯავს, პეტრუსი კი ალბათ მილანში მიტოვებულ თავის სამუშაოზე ფიქრობს, ხოლო აქ იმიტომ აღმოჩნდა, რაკი ტრადიციის რაღაც წეს-ჩვეულებას მისდევს, ოღონდ, უფრო შესაძლებელია, თავადაც იმას ელოდებოდეს, ნეტავი როდის დასრულდება ეს მოგზაურობა და როდის მივუბრუნდები ჩემს საყვარელ საქმიანობასო.

მთელ დანარჩენ დღეს დუმილში ვლევთ. იმხანად ჯერეთ კიდევ არ იყო ფიჭვური ტელეფონი, ფაქსი, ელექტრონული ფოსტა. და ამიტომ ჩაკეტილნი ვართ ჩვენი იძულებული ურთიერთობის ნაჭუჭში. სანტიაგო-დე-კომპოსტელა ჯერეთ კიდევ წინ არის, იმის წარმოდგენაც კი არ შემიძლია, რომ გზა არა მარტო ამ ქალაქში, არამედ მსოფლიოს მრავალ სხვა ქალაქშიც მიმიყვანს. არც მე და არც პეტრუსს ფიქრადაც არ მოგვდის, რომ ლეონის დაბლობზე ჩამომდგარ ამ დაისის უამს იმის მშობლიურ მილანისკენაც მიჭირავს გეზი, სადაც ათ წელიწადში მოვ-

* იმ წელიწადს, როცა ლოცვად ვიყავი მავალი, სანტიაგოს გზაზე სულ 400 კაცმა გაიარა. 1999 წელს, არაოფიციალური ციფრით, აქ მოხსენიებულ ბართან დღეში 400 კაცი გადიოდა.

ხვდები, და უკვე ხელთ მექნება წიგნი, რომელსაც „ალქიმისი“ ერ-
ქმევა. მივალ, მივდივარ ჩემი საკუთარი ბედ-იღბლის შესახებ რად,
რომელზედაც აგრე ძლიერად ვოცნებობდი და რომელსაც აგრე ძლიერად
ვეუარებოდი.

მივალ, მივდივარ, რათა ჩემი აღორძინების ამბავი დაგწერო.

კაულო კოელიო,

სენ-მარტენი, 2006 წლის იანვარი.

იმათ თქვეს: „უფალო, აჰა, აქ ორი მახვილია“.
მან კი უთხრა იმათ: „კმარა“.

ლუკას სახარება 22:38.

პ რ ო ლ ო ბ ი

— აწლა ილონე რამე, შენ წინაშეა RAM თავისი საღმრთო სახით,
შეახე ხელი ცხოვრების სიტყვას და მოინაგრე ძალა, რომელიც უფლისა
მოწმეობისათვის დაგეჭირვება.

მოძღვარმა მალლა აღმართა ჩემი ქარქაშიანი ახალი მახვილი. კო-
ცონს მიმატებული ფიჩხი ტკრციალით აბრიალდა, რაც კარგის მომას-
წავებელი იყო: მაშასადამე, ერთი შვიდთა საიდუმლოთაგანი უნდა გა-
ნგვეგრძო. დავიხარე და შიშველი ხელებით დავიწყე ჩემ ქვეშ მიწის
თხრა.

რასაც გიყვებით, 1989 წლის 2 იანვრის ღამეს მოხდა, აგულიას
ნეგრას (შავი ნემსები) სახელით ცნობილი მთაგრეხილის ერთ-ერთ
მწვერვალზე ვიყავით ასულნი. ჩემ და მოძღვრის გარდა, ამ ამბავს ეს-
წრებოდნენ: ჩემი ცოლი, ჩემი მოწაფე, ადგილობრივ მცხოვრებთაგან
შერჩეული ყოლაუზი და უმსხვილესი კონგრეგაციის წარმომადგენე-
ლი, რომელი კონგრეგაციაც მთელი მსოფლიოს ეზოტერიკულ ორდენტ
აერთიანებს და რომელსაც „ტრადიცია“ ჰქვია. ხუთივენი — ყოლაუ-
ზის ჩათვლით, წინასწარ გვყავდა გაფრთხილებული, რაც უნდა მომ-
ხდარიყო, — შევიკრიბენით RAM ორდენტის ოსტატად ჩემი კურთხე-
ვის ცერემონიაზე.

და აი გავთხარე არცთუ ღრმა, მაგრამ საკმაოდ გრძელი ორმო.
და ამ წამის მნიშვნელობის ღრმა შეგნებით ხელი შევახე მიწას, თანაც
რიტუალურ ფორმულას წარმოვთქვამდი. შედდატანებაზე თავს წამო-
მადგა ცოლი და მახვილი გადმომცა, რომელსაც მთელი ათი წელიწა-
დი ვიყენებდი, როცა კი ვმოგვობდი და სათანადო წესს რასმე ვასრუ-
ლებდი. მრავალგზის აზარათავეებული მახვილი ორმოში ჩავდე, მიწა

წავაყარე, მოვასწორე, და ამასობაში მიმოგონებდად გამირბინა თავში სუყველა გადატანილმა განსაცდელმა, ყველაფერმა ერთად, რაც რამ შეცნობილი მქონდა, და არა ერთმა და ორმა იმ ზებუნებრივმა მოვლენამ, რომელთა გამოსძობაც ჩემი ძველი ერთგული მახვილის წყალობით შესწავლა. აწ ამ ჩემს მახვილს მიწა შეჭამს — მსწრაფლ მკვეთელი ფოლადი და ვადის ხე, ანუ კოტა, იმ წყაროსთან ვეს-ვიჩოყებავენ, საიდანაც ისინი თავიანთ ძალას იცემდნენ.

მოძღვარი მომეახლოვა, ძირს, მიწაზე, ახალი მახვილი დადო — ზედ იმ ადგილას, სადაც ქვეშ ძველი ეფლა. სუყველა იქ დამსწრემ ფართოდ გაშალა ხელები, და მოძღვრის ნებით ჩვენ გარშემო უცნაური, არცრის გამსინათებელი, მაგრამ აშკარად ხილული შუქი გაჩნდა, და აწ, გარდა იმისა, რომ კოცონის უთვალავი მოყვითალო ათინათი გვაციხროვნებდა, ყველანი რაღაც სხვანაირად გავბრწყინდით. მოძღვარმა თავისი საკუთარი მახვილი ამოიწვავა, ჯერეთ შუბლზედ შემახო, მერე ერთ მხარზე, მერე — მეორეზე, და წართქვა:

— **RAM** ორდენის ძალმოსილებითა და სიყვარულით ამიერიდან და სიცოცხლის ბოლომდე ამ საზოგადოების ოსტატად და რაინდად დამინიშნისარ. **R** — *regnum*, **A** — *agnus*, **M** — *mundi**. დაიხსომე, მახვილსა ამას ქარქაშის ტყვედ ნუ აქცევ, რამეთუ იარაღი უმოქმედობით ჟანგდება. ოღონდ, როს იშიშვლებ, უკან მანამ აღარ ჩააბრუნო, სანამ კეთილსა რასმე არ იზამ, გზას არ გააკაფვინებ და მტრის სისხლით არ გააძღობ.

და მახვილის წვერი ოდნავ წამკრა შუბლში. ამ წუთიდან ჩემი დუმილი აღარ ეგებოდა. რის თავიც მქონდა და რაც შემეძლო, უნდა გამომეჩინა. გარშემომყოფთაგან არცვის არ დაფუძალავდი და არ დავუფარავდი სასწაულთა მოხდენის არცრა ახალშეძენილ ცოდნას. ამ წუთიდან მოგვი გავხდი, გრძნეული.

და ხელი გავიწოდე ახალი მახვილისკენ, რომლის მსწრაფლ მკვეთელი ფოლადიც არცროდის არ დალაბრდება და არ დაიკბილება, რომლის კოტავადის შავსა და წითელ ხეს ვერცროდის ვერ შეჭამს მიწა. მაგრამ როგორც კი ჩემი თითები ოდნავ შეეხნენ ახალ შავქარქაშიან მახვილს, მოძღვარმა ანაზდად წინ გადმოდგა ნაბიჯი და ისე მოწყვეტით დამადგა ფეხი ხელზე, რომ ტკივილისგან შევეყვირე და ეგრევე გავუშვი მახვილს.

გაოგნებული, შემცბარი შევეყურებდი მოძღვარს. უცნაური რამ შუქი გაქრა, და კოცონის ანარეკლში ის მოჩვენებასავით ჩანდა, სახის მოხაზულობა მთლად ფანტასმაგორიული გაუხდა.

ყინულოვანი მზერა რომ მიმომაველო, მან ჩემს ცოლს თავისთან მიუხმომ და ახალი მახვილი გადასცა. მერე კი მე მომიბრუნდა:

— აილე ეგ შენი ხელი, მაგან გაცდუნა! ტრადიციის გზა ერთი მუჭა რჩეულთა კი არა, სუყველას გზაა! თავი მგონიაობით ძლევამოსილად მიგიჩნევია, მაგრამ ეგ შენი ძლევამოსილება ჩირადაც არა ღირს,

* *Regnum* — ზეობა, *agnus* — ტარიგი, *mundi* — მშვიდობა (ლათ.).

რამეთუ სხვა კაცთა თანა გაუზიარებელია. ხელი არ უნდა წაგცდენოდა, უნდა უარგეყო, ვალდებული იყავი, და მახვილიც სამართლიანად დაგინარჩუნდებოდა, რადგან სულით სპეტაკი დაშთებოდი. მაგრამ, რისაც მეშინოდა, გადამწყვეტ წამს წაბორძიკდი და წაიქეცი. ამად საკუთარი სიხარბისა გამო დასჯილი კვალად უნდა შეუდგე შენი მახვილის ძეგლს. მედიდურობისა გამო დასჯილმა კი ჩვეულებრივ კაცთა შორის უნდა ექებო. ხოლო სასწაულთმოქმედებით გატაცებისა გამო დასჯილს მრავალი დაბრკოლების გადალახვა და არცთუ ნაკლები სიძნელის დაძლევა მოგიხდება, სანამ იმას ისევ მოიპოვებდე, რაც ღამის სულ იოლად არ ჩავივარდა ხელში.

მომეჩვენა, რომ ფეხქვეშ მიწა მეცლებოდა. კვლავინდებურად მუხლებზე ვიდექი. მეტყველების უნარი წამრთმეოდა და არაფერზე აღარ მინდოდა ფიქრი. ჩემი ძველი მახვილი მიწაში ეფლა და აწ უკვე ვეღარ მოვივარგებდი. ხოლო უახლოდ აღუჭურველი თავად სათავეს მივუბრუნდი და ამწუთას ყოვლის უფრო ჩვეულებრივ კაცად ვიქეცი — უმწეო და უძლურ კაცად. გულსავესების დღეს, კუროთხევის უამს ხელზე რომ შემდგა, მოძღვარმა უკან მომისროლა — სიძულვილისა და დედამიწის სამყაროში გადამიძახა.

ყოლაუზმა კოცონი ჩააქრო. ცოლი წამოდგომაში შემეშველა. ხელთ ჩემი ახალი მახვილი ეჭირა, რომელსაც, ორდენის კანონთა თანახმად, თითსაც ვერ დავაკარებდი, უკეთუ მოძღვარი ნებას არ დამრთავდა. ყოლაუზის ფარანს მდუმარედ ადევნებულთ ტყე გავიარეთ და ვიწრო ყაშირგზაზე დავეშვით, სადაც მანქანები გვეყენა.

არცვინ არ გამომშვიდობებია. ცოლმა მახვილი საბარგულში ჩადო და მანქანა დაქოქა. სანამ ის ოკრობოკრო და ოღროჩღრო ადგილთ ხელა უვლიდა გვერდს, კრინტი არცვის დაგვიძრავს.

— დაწყნარდი, — მითხრა მან გულის გასაკეთებლად. — დარწმუნებული ვარ, რომ იპოვი.

მოძღვარმა რა ვითხრა-მეთქი, ვკითხე.

— სამი რამ მითხრა. ჯერეთ ერთი, თბილად უნდა გვცმოდა, რადგან ზემოთ იმაზე მეტად ციოდა, ვიდრე მეგონაო. მეორეც, რაც მოხდა, სულაც არ აკვირვებს: მსგავსი რამ თურმე ბევრს გადახდენია მანდ, სადაც შენ იყავი, და შესამეც, შენი მახვილი განსაზღვრულ საათს, განსაზღვრულ დღეს და იმ გზის განსაზღვრულ წერტილში დაგელოდება, რომელი გზის გავლაც მოგიწევს. ვერ გეტყვი, არ ვიცი, რა დღე და საათი იქნება. მან მხოლოდ ის ადგილი დამისახელა, სადაც მახვილი უნდა გადავმალო, რათა მერე შენ მოიძიო.

— რა გზა უნდა გაიაროსო, რა თქვა? — ვკითხე აფორიაქებულმა.

— გასაგებად არ განუმარტავს. მარტო ის მითხრა, ესპანეთის რუკაზე შუა საუკუნეების დროინდელი გზა იპოვოს, რომელსაც სანტიაგოს გზა ჰქვიაო.

ბაჰადასის აეროპორტში მეზაუე დიდხანს ათვალეირებდა მახვილს, მერე კი მკითხა, რა მიზნით მივაქვთ, რას უპირებთ. — „იხეოს არაფერს, — მივუგე. — მეგობრები დაგვპირდნენ, შეგიფასებთო, ჩვენ კი აუქციონზე გავიტანთ-მეთქი“. ტყუილი წავვადგა: მშენებელ გვიპირჩია, მახვილი დეკლარაციაში შეიტანეთ და აქეთობისას მშენებელს რასმე წააწყდეთ, დეკლარაცია წარმოადგინეთო.

ავტომობილების გამქირავებელი კომპანიის დახლთან მივედით და დავადასტურეთ ჩვენი დაკვეთა ორი მანქანის დაქირავების თაობაზე. სანამ ერთმანეთს დავშორდებოდით და სხვადასხვა მხარეს წავიდ-წამოვიდოდით, რესტორანში წახემსება გადავწყვიტეთ.

მთელი ღამე თვალი არ მოგვეხუჭა — გადაფრენის შიშმა თავისი ქნა, გულს გვიწვრილებდა იმის წინათგრძნობა, რაც მიწაზე დაშვების მერე გველოდა, მაგრამ ახლა ორივენი აწრიალებულნი ვიყავით: ძილი არც ერთს არ გვეკარებოდა.

— დაწყნარდი, — მეათასედ მიმეორებდა ცოლი. — საფრანგეთში რომ ჩახვალ, იქ სენ-ჟან-პიე-დე-პორში მაღამ დებრილს მონახავ. ის მოგიძებნის საჭირო ხალხს, ვინც სანტიაგოს გზაზე დაგაყენებს.

— შენ რას იზამ? — მეათასედ ვკითხე, თუმცა პასუხი წინასწარ ვიცოდი.

— რას ვიზამ და იქ წავალ, სადაც წასასვლელი ვარ და იმას ვიზამ, რაც დამევალა. მერე რამდენიმე დღე მადრიდში დავრჩები და დავბრუნდები ბრაზილიაში. იქაურ საქმეებს უშენოდაც მივხედავ და არცთუ შენზე უარესად.

— ეჭვიც არ მეპარება, — უნდომანდოდ მივუგე, რადგან არ მინდოდა ამ თემაზე ლაპარაკის გაგრძელება.

თუმცაღა მოსვენება მქონდა დაკარგული ბრაზილიაში დარჩენილი საქმეებისა გამო. აგულიას ნეგრასზე მომხდარი ამბის შემდეგ უკვე ორ კვირაში ყოველივე ხედმიწევნით ვიცოდი, რაც კი რამ სანტიაგოს გზას შეეხებოდა, ოღონდ მთელი შვიდი თვე გახდა საჭირო, ვინემ ყველაფერზე ხელს ავიღებდი და გზას დავემწყემსებოდი. ფეხს მანამ ვითრევდი, ვაჯანჯლებდი წასვლას, სანამ ერთხელაც დილით ცოლმა არ მითხრა, დრო იწურებაო. უკეთუ გუდანაბადს არ ავიკრავდი და გზას არ დავადგებოდი ტრადიციაც გულიდან გადამვარდებოდა და RAM მრდენიც. მოძღვარმა შეუსრულებელი რამ დამაკისრა და ჩემი ცხოვრების წესსა და რიგს აგრე ჰაიპარად ვერ უკუვაგდებ-მეთქი, ვცადე ცოლისთვის ჩემი მდგომარეობის ახსნა. ცოლმა პასუხად გამიღიმა და მითხრა, ტყუილად ნუ ედები ღობე-ყორეს, მთელი ეს შვიდი თვე სულ წასვლა-არწასვლაზე ფიქრობ და სხვა რამ არც გაჯავრებსო. მერე, ვითომც არცრა განსაკუთრებული ამ ამბავში არ იყო, ორი ავიაბილეთი აიღო უკვე გაფრენის თარიღალნიშნული.

— აქ რომ ვართ, სულ შენ გამოა, — პირქუშად ვეუბნებოდი ახლა რესტორნის მაგიდასთან მჯდარი. — მგონი, სწორად არ მოვიქეცი, როცა სხვას გადავაწყვეტინე მახვილის საქებნელად ჩემი წასვლის ამბავი.

ცოლმა, სისულელის ლაპარაკს ის გვირჩევნია, რაც მალე დავემშვიდობებით ერთმანეთს, ჩვენ-ჩვენს მანქანებში ჩავსხდებით და წავალთ-წამოვალთო.

— ნუ იგონებ, შენს გადასაწყვეტს არცროდის ვისმის არ გადაწყვეტინებდი, მით უმეტეს, ამისთანა მნიშვნელოვან საქმეში. წავედით. უკვე გვიანია. — მითხრა ცოლმა და წამოდგა, ჩანთის თანხა მხარზე გადაიგდო და სადგომისკენ გაეჩქარა.

არ შემიჩერებია, არ წახვიდე-მეთქი, არ მითქვამს, ჩემთვის ვიჯექი მაგიდასთან და ვუყურებდი, როგორ დაუდევრად მიჰქონდა ილიაში ამოჩრილი ჩემი მახვილი: ცოტაც და, დაუცურდებოდა. უეცრად შეჩერდა, მაგიდასთან მობრუნდა და ხშიანად ჩამპროშტნა. ამ კოცნამ უცებ მიმახვედრა: ესპანეთის იქით გზა არა მქონდა. რა თქმა უნდა, რა თქმა უნდა, ყველაფერი იქნებ ყირამალაც დადგეს და ჩაიფუშოს, მაგრამ პირველი ნაბიჯი გადადგმულია. და ცოლი გულში ჩავიხუტე, ამ ჩახუტება-ჩაკონებაში მთელი ჩემი სიყვარული ჩავაქსოვე, და ვილოცე ყველაფრისათვის, რაც რამ მწამდა, სუყველასათვის, ვისაც ვენდობოდი, და ზეცას შევენუკვე, ცოლთან და მახვილთან ერთად დაბრუნება შემაძლებინე-მეთქი.

— მართლა, ლამაზი მახვილია, არა? — მეზობელი მაგიდიდან მომესმა ქალის ხმა.

— კარგი, ეგრე იყოს, — გამოეხმიანა მამაკაცის ხმა. — ზუსტად მაგისთანას გიყიდი. აქ სადაც კი სუვენირებით ვაჭრობენ, სუყველგან სავსეა ეგენი.

საჭესთან ერთი საათის ჯდომამ დაღლილობაც მაგრძნობინა და უძილოდ გატარებული ღამეც. და, გარდა ამისა, აგვისტოს პაპანაქებისგან ისე იყო ძაერი გავარვარებული, რომ, მართალია, თავისუფალ გზატკეცილზე კი მიქროდა, მაგრამ მანქანამ გადახურება დაიწყო. მცირე ხნით ერთ-ერთ პატარა დაბაში ჩამოხდომა გადაწყვიტე: გზის მაჩვენებლები იუწყებოდნენ, რომ ეს დაბა ეროვნული ძეგლი იყო. და დამრეცი გორაკის ფერდობს რომ შევუდექი, მესხიერებაში ერთხელ კიდევ გადავჩხრიკე ყველაფერი, თუ რამ სანტიაგოს გზაზე გამეგონა.

როგორც მუსლიმური ტრადიცია ითხოვს, რომ სუყოველი მართლმორწმუნე ცხოვრებაში თუნდაც ერთხელ წინასწარმეტყველი მუჰამადის კვალდაკვალ უნდა შევიდეს მექასა და მედინაში, ამისდა მსგავსად ქრისტიანობის პირველმა ათასწლეულმა სამივე წმინდანთაგან პატივმოსილი სამი გზა იცოდა, რომელთა ზედაც მავალ ყოველთაგანს ღვთის კურთხევა და ცოდვათა გამოსყიდვა ელოდა. პირველი გზა რომში მიდიოდა წმინდა პეტრეს ტაგრუცთან: ამ გზას დამწყემსებულთ თავიანთ სიმბოლოდ ჯვარი აირჩიეს და რომეირო შეირქვეს. მეორე გზას იერუსალიმში მიჰყავდა მლოცველნი უფლის საფლავთან; ამ გზით მავალნი პალმეიროდ იწოდებოდნენ იმ პალმის რტოთა სამახსოვროდ, რომელი პალმის რტოებითაც ქალაქის მცხოვრებნი ქრისტეს გამოცხადებას მიემშვიდობებოდნენ. დაბოლოს, მესამე გზა წმინდა იაკობის — ჩვენებურად სანტიაგოს — გვამთან ბოლოვდებოდა; ის გვამი იბერიის ნა-

ხევარკუნძულზე იმ ადგილას იყო დაფლული, სადაც ერთხელ ღამით მავანმა მეხრემ მოიხილა, ვითარ დაპკაშკაშებდა მინდორს მცხინვარე ვარსკვლავი. თქმულებისდაკვალად არა მარტო სანტიაგო, არამედ თვით ყოვლადწმინდა ქალწული სუფევდა იმ მხარეში მოცხოვრის/სიკვდილისათანავე, იქაურთათვის ღვთის სიტყვა მიჰქონდა და მოაქცევდა, მოაქცევდა სარწმუნოებად. ადგილსა ამას კომპოსტელა¹ ეწოდება. ამ სახელში გაერთიანებულია სიტყვები „კამპო“, ანუ „მინდორი“, და „ესტრელა“, რაც ვარსკვლავს ნიშნავს, — და მალე დაბად გადაიქცა, სადაც ქრისტიანული სამყაროს ყოველი მხრიდან თავს იყრიდნენ ლოცვადმავალნი, რომელთაც **პილიგრიმთ** უხმობდნენ, და ამ ლოცვადმავალთ, ანუ მწირთ, თავიანთ სიმბოლოდ ნიჟარა გაიხადეს

უმაღლესი გაფურჩქვნის ხანაში, რაც XIV საუკუნეზე მოდის, ირმის ნახტომს თუ ცის იკანკლედს (ღამ-ღამ ლოცვადმავალთ ადგილმდებარეობის გარკვევაში რომ შეეწეოდა) ევროპის ყოველი კუთხიდან წლითიწლობით მილიონზე მეტი კაცი იყო ადევნებული. და ამჟამადაც მისტიკოსნი, მორწმუნენი თუ სწავლულნი ფეხით გადიან შვიდას კილომეტრს, საფრანგეთის დაბა სენ-ჟან-დე-პორს ესპანეთში* მდებარე წმ. იაკობ კომპოსტელელის ტაძრისგან რომ აშორებს. ფრანგი მღვდლის ემერიკ პიკოს წყალობით — მან 1123 წელს წმინდა ადგილნი მოილოცა კომპოსტელაში — ეს გზა ახლაც ზუსტად იგივეა, რომელიც შუა საუკუნეებში მრავალ სხვასავით განვლეს კარლ დიდმა, წმინდა ფრანცისკ ასიზელმა, დედოფალმა იზაბელა კასტილიელმა, ხოლო ჩვენს დროში — პაპმა იოანე XXIII.

საქმე ის არის, რომ პიკომ თავის მოგზაურობაზე ხუთი წიგნი დაწერა და როგორც წმ. იაკობის თავგამოდებული მიმდევრის — პაპი კალიკსტე II თხზულებანი, ისე წარმოადგინა, რის გამოც ხსენებულ წიგნთ მოგვიანებით „Codex Calixtinus“ ეწოდა. მეხუთე წიგნში პიკო ჩამოთვლის იმ ბუნებრივ ნიშნებს, წყარო-ფშნებს, სასწიეულოებს, ქარვასლა-ფუნდუკებსა და ქალაქებს, რაც რამ გზად მოიხილა. ხელმძღვანელობს რა პიკოს შენიშვნებით, საზოგადოება „Les Amis de Saint-Jacques“, ანუ „წმინდა იაკობის მეგობარნი“, სულ იმის თვალყურის დევნებაშია, რომ არ განადგურდეს და პირველსახეშენარჩუნებული დარჩეს ამ გზის თითოეული ნიშანსვეტი, რომელიც კი ლოცვადმავალთ ადგილ-მდებარეობის გარკვევაში ესმარება.

სანტიაგოს ხატი ფრიად წაადგა ესპანელთ XII საუკუნეში, როცა დაიწყო რეკონკისტა, ანუ ომი მავრებთან, რომელთაც ნახევარკუნძული დაიპყრეს. სანტიაგოს გზის მთელ სიგრძეზედ რამდენიმე სამხედრო-რელიგიური რაინდთა ორდენი გაჩნდა, და მოციქულის ნეშტი ძალუმ, თუმცაღა იმ არანივთიერ თილისმად გადაიქცა, ესპანელთ მომხდურ

* საფრანგეთის მიწა-წყალზე გამავალი სანტიაგოს გზა რამდენიმე გზისგან შედგება, რომლებიც თავს იყრიან ესპანეთის ქალაქ პუენტე-დე-ლა-რეინაში. ქალაქი სენ-ჟან-პიე-დე-პორი ერთ-ერთ ამ გზაზეა. ეს გზა არც ერთადერთია და არც ყველაზე უფრო გამოცოცხლებული.

მუსლიმთ რომ აგერიებინებდა, ისინი კი, მუსლიმნი, თავიანთი მხრივ, ირწმუნებოდნენ, ვითომ ფასდაუდებარი რამ წმინდა ნაწილის — თვით წინასწარმეტყველი მუჰამადის ხელის მქონებელნი იყვნენ. ხოლო რაჟამს რეკონკისტა ძლევამოსილად გასრულდა, რაინდთა ორდენტ/მხეთი ძალა შეიძინეს, რომ თვითონ სახელმწიფოსთვისაც საშიშარნი შეიქმნენ, და, რათა ამ ორდენტა და არისტოკრატიას შორის უფროსმღება არ ჩამოვარდნილიყო, საქმეში „კათოლიკე მეუფეთა“ და საჭირო. ამა მიზეზისა გამო ნელ-ნელა დავიწყებას მიეცა სანტიაგოს გზა, და თუ არა მხატვრული გენიის იშვიათი გამონათებანი — როგორც, მაგალითად, ბუნიუელის „ირმის ნახტომი“ ანდა ხუან მანოელ სერატის „მწირია“, — დღეს ცოტა ვისმესლა თუ ეხსომებოდა, რომ ამ გზას ათასობით ადამიანი იყო დამწყემსებული, რომელთაც წაღმართ ამერიკა გააკაცრიელეს.

დაბას, სადაც მივედი, სიცოცხლის ნიშან-წყალი არ ეტყობოდა. დიდი ხნის ძებნის შემდეგ ერთ პატარა ბარს მივაღექი, შუა საუკუნეების დროინდელ ძველ შენობაში შეყუყულს. მასპინძელს ტელევიზორისტვის თვალი არ მოუშორებია — რაღაც სერიალს უჩვენებდნენ, — ისე შემეხშიანა, ახლა სიესტაა, ბატონო, და მარტო დამთხვეული თუ გავა გარეთ ამისთანა პაპანაქებაშიო.

რამე გამაგრილებელი მომიტანე-მეთქი, ვუთხარი, და ეკრანს მივაჩერდი, მაგრამ ჩემი აზრები სადღაც შორს ქროდნენ. მთელი არსებით იმის ფიქრში ვიყავი, რომ გაივლიდა კიდევ ორი დღე-ღამე და XX საუკუნის მიწურულს ბედის ვარსკვლავი მცირე რამ ნაწილს მარგუნებდა დიდი კაცობრიული გამოცდილებისას, თვით იმ გამოცდილებისას, რომელმაც ტროიდან წამოიყვანა ულისე, ლამანში ახეტიალა დონ კიხოტი, ქვესკნელში ჩაიყვანა ორფევსი და დანტე, ხოლო ქრისტეფორე კოლუმბი ამერიკის საძებნელად გაუყენა გზას. მე კი უცნობიდუმალისკენ ვეპირებოდი წასვლას.

ცოტა გონს რომ მოვეგე, მანქანასთან მივბრუნდი. ჩემს მახვილს გინდაც ვერ მივაკვლიო, სანტიაგოს გზით სიარული უთუოდ იმით გასრულდება, რომ საკუთარ თავს მაინც ვიპოვი.

სენ-ჟან-პიე-დე-პორი

ქალაქის მთავარ ქუჩაზე ბერიკები და მესაკრავენი მოძრაობდნენ, რომელთაც ზოგს წითელი, ზოგს მწვანე და ზოგსაც თეთრი ტალავერი ემოსა, ანუ აქ საფრანგეთის ბასკონიის ყველანაირ ფერს მოიხილავდით. კვირადღე იყო. ორი დღე და ღამე საჭესთან ნაჯდომს ერთი სული მქონდა, სანამ ხალხის ზეიმს შევუერთდებოდი. თუმცა წინ მაღამ

დებრილთან შეხვედრა მელოდა. დუნდგოში გავლა ჭირდა, მაგრამ მაინც ფრთხილად მივარღვევდი, თუმცა ხან ვინ შემიკურთხავდა, ხან ვინ და, როგორც იყო, ქალაქის ძველ უბანში გავედი, სადაც მაღამ დებრილი მეგულებოდა. აქაც კი, პირენეებში, ამ სიმაღლეზე, კარგა გვარისად ცხელოდა, და, მანქანიდან რომ გადმოვედი, წურწურით გამდიოდა ოფლი.

კარზე დავაკაკუნე. კიდევ ერთხელ. კიდევ. ჩამოვხვეწილად. გულდამძიმებული და დაბნეული ვიდექი. როგორც ცოლმა მითხრა, მგონი, სწორედ დღეს უნდა ვყოფილიყავი აქ. მაგრამ შერეა, კაცი-შვილი არ მეხმიანებოდა. იქნებ ისიც იქ არის, ბერიკაობის მონაწილეა, ანდა იქნებ ძალიან გვიან მოვედი და ამიტომ აღარ მხვდება. სანტიაგოს გზა ისე გასრულდა, ჯერეთ არც დაწყებულა.

უეცრად კარი უნწამდის გაიღო, და გარეთ პატარა გოგოცუნა გამოვარდა. მოულოდნელობისგან შემკრთალმა დამტვრეული ფრანგულით ვკითხე, მაღამ დებრილის ნახვა თუ შეიძლება-მეთქი. გოგოცუნამ გაიცინა და თითი შიგნითა სახლისკენ გაიშვირა. მხოლოდ ახლალა მივხვდი ჩემს შეცდომას: კარი, რომელსაც უზარმაზარ შიდა ეზოში შევყავდით, სადაც შუა საუკუნეების უამინდელი აივნისანი სახლები ემწკრივნენ, თურმე ღია იყო, მე კი შეღება ვერ გავბედე.

ეზოში შესული იმ სახლისკენ გავემართე, საითაც წელან გოგოცუნამ თითი გაიშვირა. შევედი. მავანი ხნიერი დედაკაცი, გვარიანად ჩასუქებული, ბასკურად თათხავდა ერთ წიწლიკანა ყმაწვილს, რომელსაც მუქი თაფლისფერი თვალები ჰქონდა. სხვა რა გზა იყო, დავდექი და დავუწყე ლოდინი, სანამ ურთიერთობა გაირკვეოდა, და ბოლოს და ბოლოს გაირკვა: საწყალი ბიჭი თათხავა-თათხვით სამზარეულოში მი-აბრძანეს. დიასახლისი მხოლოდ მაშინლა მომიბრუნდა და ისე, რომ არც უკითხავს, რა გნებავთო, მსუბუქად მუჯღუგუნის კვრით მეორე სართულზე ამიყვანა, რომელიც მთლიანად ერთი პატარა ოთახისგან შედგებოდა. ეს იყო წიგნებით, სანტიაგოს გამოსახულებებითა და გზასთან დაკავშირებული ათასგვარი სამახსოვრო ნივთებითა თუ საგნებით გადაჭედული კაბინეტი. დიასახლისმა თაროდან წიგნი გადმოიღო და, ჩემთვის დაჯდომა არც შემოუთავაზებია, საწერ მაგიდასთან მოეწყო.

— თქვენ, ალბათ, კიდევ ერთი პილიგრიმი ხართ, — მითხრა მიუკიბავ-მოუკიბავად. — სიაში უნდა შეგიყვანოთ.

იმის შემდეგ, რაც თავი წარვუდგინე, ვიეირები თუ ჩამოიტანეო, მკითხა. ეს ვიეირები დიდი ნიჟარებია, უსალმრთოესის, ანუ წმინდანის საფლავზე ლოცვადმავალთ რომ ესიმბოლოება, და ღვთისმლოცველთ ერთმანეთის ცნობაში ესმარება.* სანამ ესპანეთში წამოვიდოდი, ჯე-

* სანტიაგოს გზამ ერთადერთი კვალი დატოვა ფრანგულ კულტურაში, თანაც მის იმ სფეროში, ეროვნული სიამაყის საგანს რომ წარმოადგენს — გასტრონომიაში: „coquilles Saint-Jacques“, ანუ სავარცხლურები, რაც სუფრაზე ნიჟარით მოაქვთ (აქაც და შემდგომაც, თუ საგანგებოდ მითითებული არ არის, ვისია, შენიშვნები ავტორს ეკუთვნის).

რეთ კიდევ შინ, ბრაზილიაში, მოვიხატულე ყოვლადწმინდა ქალწულის-
ტაძარი, რომელიც აპარესიადა დე ნორტეს სახელით არის ცნობილი,
და ვიყიდე იქ ეგრეთ წოდებული ვიზიტაცია — წმ. ელისაბედთან
სტუმრად მისული ღვთისმშობლის ხატი, რომელიც სამ ნიჟარაში იყო
ჩასმული.

— ლამაზია, მაგრამ მკვიდრი ვერ არის, — განმიცხადეს დროსა-
ლისმა და უკანვე მომცა ნიჟარებიანი ხატი. — ადვილი შესაძლებელია,
რომ გზაში დაგეშალოს.

— არ დამეშლება. მოციქულის ტაგრუცთან დავდებ.
ყველაფრიდან ჩანდა, რომ მაღამ დებრილი დიდ დროს არ დამით-
მობდა. მალევე გადმომცა ბარათი, რომლის წყალობითაც გზის გას-
წვრივ განლაგებულ მონასტრებში თავის შეფარება შემეძლო, ზედ
სენ-ჟან-პიე-დე-პორის ბეჭედიც დაასვა, რათა დაედასტურებინა ადგი-
ლი, საიდანაც ღვთისმლოცველობა დავიწყე, და, დამილოცნიხარო, მი-
თხრა, აწ წადი, გზას ბარაქა დააყარეო.

ეტყვი სადღაა, მეგზური-მეთქი, ვკითხე.

— ახლა რა, ეტიკიც მომინდომე? — გაიკვირვა მან, თუმცა თვა-
ლები რალაც სხვაგვარად გაუბრწყინდა.

და ჩემთვის ნათელი გახდა, რომ ზოგი რამ ძალიან მნიშვნელოვა-
ნი ვიგულმავიწყე. სიჩქარეში პაროლის მსგავსი, რომლის მეოხებითაც
იცნობიან ისინი, ვინც ტრადიციის ორდენტ მიეკუთვნება, ანდა ადრე
მიეკუთვნებოდა. ამ დაუდევრობის გამოსწორებას დავეშურე და ის
სიტყვა-ნიშანი წამოვიღულულე. მაღამ დებრილმა ეგრევე გამომგ-
ლიჯა ხელიდან ბარათი.

— ეს თქვენ არ დაგჭირდებათ, — თქვა მან და დაზვინული ძველი
გაზეთების ქვეშიდან მუყაოს კროჭი, ანუ კოლოფი გამოაცურა. —
იმის მიხედვით ივლით და შეიარაქათებთ, როგორაც თქვენი ეტიკი
ვადაწყვეტს.

კოლოფიდან მან შლაპა და კაპიუშონიანი ლაბადა ამოიღო —
ორივე ძველი, მაგრამ მშვენივრად შენახული. შუა ოთახში დადექიო,
მთხოვა, და ლოცვა დაიწყო. მერე თავზე შლაპა დამახურა და მხრებზე
ლაბადა მომასხა. შევამჩნიე, რომ შლაპის ცასა და ლაბადის კალთას
ნიჟარები ჰქონდა ჩაკერებული. დიასახლისს ლოცვა არ შეუწყვეტია,
ისე აიღო კაბინეტის კუთხეში მიყუდებული არგანი და მარჯვენა ხელ-
ში დამაჭერინა. არგანზე წყლის პატარა მათარა იყო მიმაგრებული.
რალა თქმა უნდა, ალბათ, მაგრა გამოვიყურებოდი: ქვეშ ჯინსი-ბერ-
მუდები და „I LOVE NY“ წარწერიანი მაისური მეცვა, ზემოდან კი —
შუა საუკუნეების სამოსელი მემოსა.

მაღამ დებრილი ზედ მომადგა, ორივე ხელი თავზე დამადო და,
თითქოს ტრანსშიაო, წართქვა:

— აგრემც წმინდა მოციქული იაკობი გფარავდეს; ნეტამც ეპოვ-
ნინებინოს ის ერთადერთი რამ, რასაც ეძებ და რაც უნდა აღმოაჩინო;
ნუმც გაჭიანურებულა შენი მგზავრობა, ნუმც შეწყვეტილა ვადამდე
და იმდენ ხანს გაგრძელებულიყოს, რამდენსაც გზის წესი და რიგი,
გზის აუცილებლობა მოითხოვს... მდუმარედ დაემორჩილე ეტიკსა შე-

ნსა, თუნდაც ისეთი რამ გიბრძანოს, რომ ის ბრძანება მომაკვდინებელ საფრთხედ, მკრეხელობად ანდა აბდაუბდად გეჩვენოს. დაიფიცე, ყველაფერს გავუგონებ და დავუჯერებ-თქო.

დავიფიცე.

— აგრემც გარდასულ დროთა ღვთისმლოცველთა ქუჩაზე ვფარავდეს. შლაპა მზისგან და ავ აზრთავან დაგიცავს, ლაბადაც და კოლოფში ჩატენა. მათარამიმაგრებული არგანი ისევ კუთხეში მიდგა და, დარწმუნდა რა, რომ პაროლი დავიხსომე, წასვლა მიბრძანა, რამეთუ ჩემი ეტიკი თურმე სენ-ჟან-პიე-დე-პორიდან ორიოდ კილომეტრში მიცდიდა.

და კვალად ისეთივე გახდა, როგორც ადრე იყო — ფიცხლავ და არცთუ გაუღიზიანებლად შლაპაც მომხადა, ლაბადაც და კოლოფში ჩატენა. მათარამიმაგრებული არგანი ისევ კუთხეში მიდგა და, დარწმუნდა რა, რომ პაროლი დავიხსომე, წასვლა მიბრძანა, რამეთუ ჩემი ეტიკი თურმე სენ-ჟან-პიე-დე-პორიდან ორიოდ კილომეტრში მიცდიდა.

— ორკესტრთ ვერ ეგუება, გაგონებაც არ უნდა, — ამიხსნა მაღამ დებრილმა. — თუმცაღა მუსიკას ორი კილომეტრის მანძილზეც ვერ დაემალება, რალა პირენეები და რალა საუკეთესო რეზონატორი.

და კიბე-კიბე სამზარეულოსკენ გაეჩქარა, რა არი ცოტა კიდევ ეჯენჯა თვალეზნაღვლიანი ყმაწვილი. მანქანას რა ვუყო-მეთქი, დავეკითხე უკვე წამავალი. გასაღები დატოვეთო, მირჩია მაღამ დებრილმა; ვინმე გადააყენებსო. მანქანის საბარგული ავხადე, დახვეულსაძინებულტომრიანი ტავარჯუხი ამოვიღე, ნიჟარებში ჩასმულ ღვთისმშობელს რაც შეიძლება ღრმად მივუჩინე ადგილი, ტავარჯუხი ზურგზე მოვიგდე და, აჰა-მეთქი, გასაღები გავუწოდე დიასახლისს.

— ციხესიმაგრის კედლის გასწვრივ გაუყევით ქუჩას ზედ ქალაქის კარიბჭემდე და გახვალთ კიდევ ქალაქიდან, — მითხრა მან. — ოღონდ სანტიაგო დე-კომპოსტელაში რომ მიხვალთ, ჩემ მაგივრად წაიკითხეთ „ავე მარია“. უამრავჯერ მითელია ეგ გზა, აწ კი იმასლა ვჯერდები, რომ ახალ პილიგრიმთა თვალეზნაში ვკითხულობ ალტაცებას, რასაც თავად უკვე ველარ განვიცდი — ხანი თავისას შერება. უამბეთ ჩემი ნათქვამი მოციქულს და კიდევ ისიც უთხარით ჩემზე, მალე მოვა-თქო, ოღონდ სხვა გზით მოვა-თქო, ის გზა ბევრად მოკლეა და უფრო ადვილად მივალ...

ქალაქი ესპანური კარიბჭის გავლით დავტოვე, რომელიც ოდესღაც რომაელთა ლეგიონთ ჰქონდათ ამოჩემებული, შემდგომ — კარლ დიდის რაზმთ და ნაპოლეონის პოლკთ. მდუმარედ მივდიოდი, შორიდან მუსიკის ხმა ამეფურებოდა, — და უცებ სენ-ჟან-პიე-დე-პორის შორიასლო შემორჩენილ ძველი დასახლების ნანგრევებთან ისერიგად ავლელდი, თვალზე ცრემლი მომადგა. იქ, იმ ნაოხართან, თითქოს თავრეტი დამესხა, დაურაცრავდი — მტუმრობა სომ არ იყო, ცოტაც და, სანტიაგოს გზას დავადგამდი უფებს.

დიდისი შუქით გაცივრთვებულმა პირენეების პანორამამ, რომელიც შუქის ციხლიც თითქოს ვიდევ უფრო ძლიერდებოდა მუსიკის ხმა-

თავან, ისეთი შეგრძნება გამიჩინა, რომ რასღაც დასაბამიერს და კაცთა მოდგმისგან ფარსაგად დავიწყებულს ვუბრუნდებოდი. მაგრამ რა იყო ეს, გაგებაში არ ვიყავი. ამ უცნაურმა და უჩვეულოდ ძლიერმა შეგრძნებამ ამასწრაფა, ფეხი ამჩქარებინა, რა არი რაც შეიძლება მალე მივსულიყავი იქ, სადაც, მაღამ დებრილის თქმით, ეტიკი მეფრთხეობდა. ნაბიჯი არ შემიძინებია, ეგრევე გავიძრე მაისური და ტავსრჯულში ჩავტენე, რომლის თასმებიც სულ უფრო მაგრად მაჭერდა შიშველ მხრებზე, სამაგიეროდ სიარულში მოფლემილ სპორტულ ჩლარტებს ფეხზე ვერცა ვგრძნობდი. ორმოც წუთში, სანამ ერთ მიგდებულ ჭას მივადგებოდი, ჯერეთ კლდესავით აყუდებულ უზარმაზარ სიპ კაჭარს გვერდი ავუქციე. ჭასთან ასე ორმოცდაათიოდე წლის კაცი იჯდა — შავთმიანი, ბოშასა ჰგავდა — და ხალთაგუდაში იქექებოდა.

— მშვიდობა მითქვამს, — ვუთხარი ესპანურად იმ მოწიწება-მოკრძალებითა და რიღით, რასაც მუდამ ვგრძნობ, როცა კი ახალ ვისმე ვეცნობი. — ალბათ, მე მიცდი. პაულო ვარ.

მან თავის საქმიანობას თავი მიანება და თხემით ტერფამდის ცივად და სულაც არა გაკვირვებულმა შემათვალაიერა. მეც მომეჩვენა, რომ საიდანლაც ვიცნობდი ამ ადამიანს.

— ჰო, შენ გიცდი, ოლონდ არ მეგონა, თუ აგრე ადრიანად დამადგებოდი. რა გინდა?

ამ კითხვისგან რამდენადმე დაბნეულმა, მივუგე, მგონი, შენა ხარ ის კაცი, ვინც მახვილის საძებნელად ირმის ნახტომის კვალდაკვალ უნდა ვამყვეს-მეთქი.

— ეგ რა ბედენაა, — თქვა მან. — თუკი გინდა, გიპოვი. გინდა? ოლონდ ახლავე გადაწყვიტე.

უცნაური საუბარი გამოგვივიდა, მაგრამ დადებული ფიცი მახსოვდა და ჰოობის თქმას იმ აზრით დავეპირე, რომ მახვილის პოვნის თავის თავზე ალების შემთხვევაში უამრავ დროს დამიზოგავდა და მალე დავბრუნდებოდი ბრაზილიაში, სადაც ის ადამიანები მელოდნენ და ის საქმეები, რომელთა დავიწყებაც არ შემიძლო. არ გამოვრიცხავდი, რომ იქნებ სულაც ხრიკს რასმე მიმართავდა, მაგრამ პასუხი ვითომ მაინც რატომ არ უნდა გამეცა?! და ის იყო პირი დავადე, რათა მეპასუხა, მიინდა-მეთქი, რომ ჩემს ზურგს უკან ხმა გაისმა, რომელმაც ძლიერი აქცენტით წარმოთქვა ასეთი რამ: „იმის გასაგებად, მთა მაღალია თუ არა, ზედ ასვლა აუცილებელი არ არის“.

ეს პაროლი იყო! შემოვბრუნდი და დავინახე ორმოციოდე წლის კაცი, ხაკისფერი ბერმუდები და ოფლით გაქლენთილი მაისური ეცვა. დაჩინებული მზერა მიეცივებინა ბოშისთვის. ნახევრად შეჭალარავებული იყო, სახეგარუჯული. მივხვდი, რომ სიჩქარეში უსაფრთხოების ელემენტარული წესები ვიგულმავიწყე და, ცოტას გაწყდა, სხეულიცა და სულიც პირველსავე შემხვედრ უცნობს არ ჩავუგდე ხელში.

— ხომალდს ნავსადგურში არცრა ხიფათი არ ემუქრება, მაგრამ იმისთვის კი არ შეუქმნიათ, რომ ღუზაზე იდგეს, — გასაგონად გავეხმიანე.

ამაობაში კაცი თვალს არ აცილებდა ბოშას, ის კი — კაცს. რამდენიმე წუთს უცქერდნენ ისინი ერთმანეთს და ამ ურთიერთღირღიღში

არც შიში ჩანდა, არც გამოწვევა. მერე ბოშამ ხალთაგუდა ძირს დადო, ერთი აგდებულად გაიღიმა და სენ-ჟან-პიე-დე პორის მიმართულებით დაიძრა.

— მე პეტრუსი* მქვია, — ჩაილაპარაკა კაცმა, როცა ბოშა კაჭარს მიეფარა, რომელსაც სულ ცოტა ხნის წინათ ავუქცევინებდი — სხვა დროს უფრო ფრთხილად იყავი.

ბოშისა და თვით მაღამ დებრილისგან განსხვავებით, ის თითქოსდა კეთილად განწყობილი მეჩვენა. მან მიწიდან აიღო ხალთაგუდა, რომლის წინა მხარეს ნიჟარა იყო გამოსახული, — იქიდან ღვინიანი ბოთლი ამოაძვრინა, მოსვა და გამოძიწოდა. მეც მოვსვი და, ის ბოშა ვინ იყო-მეთქი, ვკითხე.

— ვინაიდან საზღვრიდან შორს არა ვართ, ამ გზას უკვე დიდი ხანია, რაც ბასკონიის ესპანური ნაწილის კონტრაბანდისტები და ტერორისტები ეტანებიან, — ამიხსნა პეტრუსმა. — პოლიცია აქ თითქმის არცროდის არ არის.

— ეგ ვერაფერი პასუხია. რა ვიცი, ერთმანეთს ძველი ნაცნობებით კი უცქეროდით და. მეც ისეთი გრძნობა მაქვს, თითქოს მეცნაურება. ალბათ, ამიტომაც მივმართე.

პეტრუსმა ერთი ჩაიფხუკუნა და, წასვლა სჯობს წარმავალისაო, თქვა. ავიკარი გუდა-ნაბადი, და დავიძარით. ოღონდ ამ ჩაფხუკუნებამ ცხადი განადა ჩემთვის, რომ მეგზურ-ყოლაუზი ჩემი იმაზევე ფიქრობდა, რასაც მე ჩაუეგდე საგონებელში.

ორივენი ეშმაკს ვიყავით გადაყრილნი.

რამდენიმე ხანს მდუმარედ მივაბიჯებდით, და მაღამ დებრილის სიმათლეში დავრწმუნდი: სამ კილომეტრზეც ხშიანობდა ორკესტრი, რომელიც განუწყვეტლივ უკრავდა. ძალიან მინდოდა, რომ შევკითხვოდი პეტრუსს, ვინა ხარ და საიდან ხარ, რას საქმიანობ და აქ როგორ მოხვდი-მეთქი, მაგრამ წინ ერთად გასავლელი შვიდასი კილომეტრი გვედო, და ვიცოდე, ადრე თუ გვიან აუცილებლად დადგებოდა ის წუთი, როცა ყველა ამ კითხვას პასუხი გაეცემოდა. თუმცა ბოშა თავიდან არ გამოძდიოდა, ასე რომ, მაინც ვერ მოვითმინე და დავარღვიე ღუმილი:

— პეტრუს, რატომღაც მგონია, რომ ის ბოშა ეშმაა, უწმინდური.

— ჰო, ეშმაა. — და ამ სიტყვების გაგონებაზე შიშისა და შვების ნაზავი გრძნობა დამეუფლა. — ოღონდ არა ის ეშმა, რომელსაც ტრადიციით იცნობდი.

ტრადიციით კი ეშმა სულია, არც კეთილი და არც ბოროტი: ჰგონიათ, სულ ის ინახავს, რაც რამ ქვეყანაზე საიდუმლოა, ადამიანის შეგნებისთვის მისაწვდომი, ძალაც ერჩის და განაგებს კიდევ მატერიალურ სამყაროს. დაცემული ანგელოზია, თავის თავს კაცთა მოდგმას

* სინამდვილეში პეტრუსი კი არა, სხვა სახელი ჰქვია. ვინაიდან არ მინდოდა ამ ადამიანის პირად ცხოვრებაში შეჭრა, სახელი გამოვუცვალე — თუმცა ეს თითქმის ერთადერთი შემთხვევაა მთელ ამ წიგნში.

აკუთვნებს და მუდამ იმის მომხრეა, რომ ადამიანს ურთიერთხელსაყრელი, ასე ვთქვათ, პირობებით გაურიგდეს — მიმციას მომცია უნდაო, ანუ შენც გამიწიე სამსახური და მეც გაგიწევო.

მაგ ბოშას ეშმაკისგან რა განასხვავებს-მეთქი, დავეკოთხე.

— ჯერ სადა ხარ, გზაში ეგეთები ბლომად შეგვხვდებიან, გაიცინა პეტრუსმა. — თავად მიხვდები სხვაობას. მანამ კარგად რომ მოახელო, სცადე იმასთან შენი საუბრის სრულად გახსენება.

შეხსიერებაში იმ ორიოდ საცოდავ წინადადებას დავუწყე ჩხრეკა, მე და ბოშამ ერთმანეთში რომ გავცვალ-გამოვცვალეთ. მგონი, შენ გიცდიდიო, მითხრა, ფიქრი ნუ გაქვს, მახვილს გაპოვნინებო.

ეგ სიტყვებით, მომიგო პეტრუსმა, შედგამოჭრილი იმ ქურდის სიტყვებია, რომელსაც დანაშაულზე წაასწრესო, — ბოშა ხომ სხვის ტავარჯუხს ქექავდაო, — მაგ სიტყვებით იმას დროის მოგება და უკან დასახვევი გზის პოვნა უნდოდაო. ამასთანავე, იქნებ სულაც სხვა, ბევრად უფრო ღრმა რამ აზრი ჩადოო: მაგ სიტყვებით ბოშამ სწორედ ის გითხრა, რისი თქმაც სჭირდებოდაო.

— რომელი ერთი ვირწმუნო?

— ერთიცა და მეორეც. ნივთიერი სამხილით მოხელთებულმა ბაცაცამ ასლი ის სიტყვები გითხრა, რა სიტყვებითაც უნდა მოემართა შენთვის. მან, ეტყობა, თავიც იქო საზრიანობისათვის, ნამდვილად კი მხოლოდ და მხოლოდ ზენარი ძალის იარაღი იყო. ჩემს გამოჩენაზე რომ დამფრთხალიყო და მოეკურცხლა, ეს ლაპარაკი აღარ დაგჭირდებოდა. მაგრამ შემხედა თუ არა, იმის თვალეში ეშმის სახელი ამოვიკითხე, რომელსაც ბევრჯერ შეხვდები გზაში.

პეტრუსის აზრით, ეს შეხვედრა კეთილის მომასწავებელი რამ ნიშანი იყო, რამეთუ ეშმამ ამთავითვე გამოიმჟღავნა თავი.

— ასეა თუ ისე, ამოიგდე თავიდან ეგ შენი ბოშა, რადგან, როგორც უკვე გითხარი, მაგისთანა ბევრი შეგხვდება შენს გზაზე. იქნებ ეგ ყველაზე მთავარიც არის, მაგრამ ერთადერთად ნუ წარმოიდგენ.

მწირი მცენარეულობა, მსგავსი იმისა, უდაბნოში იშვიათად რომ გვხვდება, კორომებმა, ანუ აქა-იქ ჯგუფ-ჯგუფად მდგარმა ხეებმა შეცვალეს. ალბათ, პეტრუსი მართალია: მოსახდენი თავისთავად უნდა მოხდეს. დროდადრო იგი დუმილს არღვევდა და იმ ადგილებში მომხდარ ისტორიულ ამბებს ყვებოდა, რა ადგილებსაც გზადაგზა გავდიოდით. ერთხელაც ის სახლი მოვიხილე, სადაც დედოფალმა სიკვდილის წინ უკანასკნელი ღამე გაატარა, არ გამომპარვია არც ჭიუხზე შესკუპებული პატარა სამლოცველო — იმ წმინდანის განმარტოებული სავანე, რომელ წმინდანსაც იქაური მრავალრიცხოვანი მოსახლეობა სასწაულმოქმედად მიიჩნევდა.

— სასწაულმოქმედება დიდი საქმეა. შენ რას იტყვი? — დამეკითხა ჩემი მეგზური.

პოობა ვუთხარი, ოღონდ დავძინე, არცროდის ცხოვრებაში ნამდვილი სასწაული არ მინახავს-მეთქი. ჩემთვის ტრადიციის სწავლება უფრო ინტელექტუალური თვალსაზრისით ხდებოდა, მაგრამ მჯერა, რომ ჩემი მახვილის პოვნისთანავე მეც შევიძლებ იმის ქმნას, რასაც ჩემი მოძღვარი იქმს-მეთქი.

— ... თუმცა არც სასწაულია, რაც ჩემს მოძღვარს ხელეწიფება, ვინაიდან არც ერთი ჩემი მოძღვრისმიერი სასწაული არცრა ბუნების კანონს არ ცვლის და არც კიდევ ეწნააღმდეგება იმ კანონთ. ის დალოცვილი ოდენ იყენებს ამ იღუმალ ძალებს, რათა... — და ენა მუცელში ჩამივარდა, რამეთუ არ შემეძლო ახსნა, რარიგ ახერხებდა ჩემი მოძღვარი სულთა ხორცშესხმას, საგანთა ერთი ადგილიდან მეორე ადგილას გადადებ-გადმოდებას და, როგორც არაერთხელ შევსწრებივარ, — ღრუბლიან ამინდში მოქუფრული ცის გაიალკიალებას და ლაჟვარდის ნაფთევებისა თუ გუბეების გამოჩენას.

— ეგება მაგას სულაც იმიტომ შვრება, რა არი დაგანახვოს, ხედავ რა ცოდნა და ძალა მაქვსო? — ივარაუდა პეტრუსმა.

— ეგება-მეთქი, — მივუგე არცთუ მაინცდამაინც გულდაჯერებულად.

და იქვე ქვაზე ჩამოვსხედით, რადგან პეტრუსმა, სიარულში მოწევას ვერ ვიტანო, ფილტვებში ნამეტანი ბევრი ძირიფი ჩამდის, ბოლი კი გულს მირევსო, თქვა.

— დიანაც მაგიტომ არ გადმოგცა შენმა მოძღვარმა მახვილი. იმიტომ რომ არ იცი, რარიგ ახერხებს მაგ საოცარ ამბებს. იმიტომ რომ მთავარი დაგვიწყებია — შეცნობის გზა სუყველასთვის ხსნილია, ყველაზე უფრო ჩვეულებრივ ადამიანთათვისაც. ამ ჩვენი მოგზაურობის დროს ზოგიერთ რამ სავარჯიშოსა და რიტუალს გასწავლი, რაც RAM ორდენში მიღებულია. სუყოველ ადამიანიშვილს თავისი არსებობის ამა თუ იმ ჟამს საცნაური უხდება სულ ცოტა რომელიმე სავარჯიშო თუ რიტუალი. და, უნდა ითქვას, უკლებლივ, უგამონაკლისოდ, სუყველას აკვლევენ ისინი, ვინც ეძიებს, ვინც მოთმინებითა და ჯიუტად ეძიებს. მოპოვებით კი იმ გაკვეთილებიდან მოიპოვებენ, რომელთაც ცხოვრება გვაძლევს.

RAM ორდენის რიტუალები ისერიგად უბრალოა, რომ შენისთანა ადამიანებს, ანუ ყველაფრის გართულება ვისაც გიყვართ, ხშირად უყურადღებოდ გრჩებათ, არცრად მიგაჩნიათ. თუმცა სწორედ იმ რიტუალების წყალობით ეძლევა ადამიანს ყველაფრის მიღწევის საშუალებაცა და შნოც — ყველაფრისა, გესმის? — რაც კი სწადს.

იესო ქება-დიდებას ასხამდა ზეციურ მამას, ოდეს მოიხილა, რომ თავისი მოწაფენი სასწაულთ ახდენდნენ და სატკივართ კურნავდნენ, და მადლსა სწირავდა დამბადებელს, რამეთუ ღმერთმა მწიგნობართა და ბრძენთ დაუძალა ეს საიდუმლონი, ჩვეულებრივ, უბრალო ადამიანთ კი გაუმხილა, ბოლოსა და ბოლოს, თუკი ადამიანს ღმერთი სწამს, ისიც უნდა სწამდეს, ვალდებულია, რომ ღმერთს სამართალი არ ეშლება.

პეტრუსი სავსებით მართალი იყო. ნამდვილად უმაღლესი უსამართლობა იქნებოდა, უკეთუ ჭეშმარიტი შეცნობა თუ შემეცნება ოდენ განსწავლულ კაცთ შეეძლებოდათ, ვისაც დროცა აქვს და არც ფულზე შეიჭრის ხელს ძვირფასი წიგნების შესაძენად.

— სიბრძნის ჭეშმარიტი გზა ოდენ სამი ნიშნით იცნობა, — განაგრძობდა პეტრუსი, — ჯერ ერთი, აგაპეთი, ანუ სიყვარულით უნდა დაიწყოს, ოღონდ ამაზე მოგვიანებით გიამბობ. მეორეც, ცხოვრე-

ბაში პრაქტიკულად უნდა გამოგადგეს, სხვანაირად სიბრძნე უსარგებლო, გამოუსადეგარი გახდება და დაჟანგდება, დალაბრდება, ვითარცა მახვილი, რომელიც ერთხელაც არ მოუქნევიათ. მესამეც, ეს ისეთი გზაა, რომელზედაც შენ შემდეგ სხვანიც შეძლებენ გავლას.

მთელი დარჩენილი დღე ვიარეთ, და მხოლოდ დაისის უამს, მზემ მთათა მწვერვალებს მიღმა რომ იწყო დახლომა, გადაწყვიტე პეტრუსმა მუხლიდან ქარის ამოღება. ჩვენ გარშემო უკანასკნელ მზის სხივებში ჯერეთ ისევ ბრწყინავდნენ პირენეების ყველაზე მაღალი მწვერვალები.

პეტრუსმა მთხოვა, რომ მიწის პატარა ნაჭერი მომეკალიფებინა და ზედ მუხლი მომეყარა.

— RAM ორდენის პირველი საიდუმლო აღორძინების უნარია. ამ საქმეში ზედიზედ შვიდი დღე უნდა ირუდუნო, თანაც სულ იმის ცდაში უნდა იყო, რომ მუდამ ახლებურად, სხვაგვარად შეიგრძნო სამყაროსთან შენი პირველი კავშირი. ხომ გახსოვს, რარიგ გეძნელებოდა იმის გადაწყვეტა, რომ ყველაფრისთვის თავი მიგენებებინა და აქ ჩამოსულიყავი, რათა სანტიაგოს გზას დამწყემსებოდი და შენი მახვილი გეპოვა. მაგრამ ეგ გაძნელება მხოლოდ და მხოლოდ იმ ამბავმა წარმოქმნა, რომ საკუთარი წარსულის ტყვე იყავი. დამარცხება უკვე ბევრჯერ გენახა და ახალი მარცხი გაშინებდა; რალაც-რალაცები უკვე მოპოვებულად გიჩნდა და მონაპოვრის დაკარგვისა გეშინოდა. თუმცა-ღა მახვილის პოვნის სურვილმა მაინც გადაძალა და გადაწონა ყოველივე დანარჩენი. და რისკის გაწევა გადაწყვიტე.

დავეთანხმე, ოღონდ დავძინე, რაც რამ შიში მიხსენე, არც ერთი დღესაც არ მასვენებს-მეთქი.

— მაგას მნიშვნელობა არა აქვს. ვარჯიში ნელ-ნელა მოგხსნის ტვირთს, რომელიც თავად მოიგდე ზურგზე.

და პეტრუსმა მიჩვენა RAM ორდენის პირველი საიდუმლო — მარცვლის სავარჯიშო.

— ამით დაიწყე.

თავი ისე დავდრიკე, მუხლებს შუა მოვიქციე, ღრმად ჩავისუნთქე და დავიწყე რელაქსაცია. სხეული ეგრევე დამემორჩილა — ალბათ, იმიტომ, რომ მთელი დღე ვიარეთ და ქანცგაწყვეტილი ვიყავი. ცხადად მეყურებოდა მიწის ხმა — ყრუ და ხრინწიანი ხმა — და თანდათან გამარცვლება, მარცვლად გადაქცევა დავიწყე. არცრაზე ვფიქრობდი. ირგვლივ ბნელოდა, და მიწის შუაგულში ძილი მერეოდა. წამერთ რალაც შეინძრა. ეს რალაც ნაკვთმა — ჩემი არსების რალაც უმცირესმა ნაწილმა სცადა ჩემი გამოფხიზლება და თან მეჩიჩინებოდა, აქედან უნდა ახვიდე, რადგან „იქ, ზემოთ“ რალაცა სხვა ამბავიაო. მე თავი საძილედ მიკვდებოდა, მაგრამ უმცირესი ნაწილი თავისას არ იშლიდა — და აკი მიაღწია კიდევც იმას, რომ თითები გამიცვიდნენ, თითებმა ხელები ამიმოძრავეს, ოღონდ ეს არც თითები ყოფილა და არც ხელები, ეს პაწაწკინტელა, ერთი ბეწო ღივი იყო, რომელიც თავგამოდებით ებრძოდა დედამიწის ძალას, რათა „იქ, ზემოთ“ აელწია. ვიგრძენი, როგორ აპყვა სხეული ხელების მოძრაობას. სუყოველი წამი მარადიულობად

ჩანდა, მაგრამ მარცვალს დაბადება და იმის გაგება ეჭირვებოდა, რა იყო თავად და რას წარმოადგენდა. გასაოცარი ძალისხმევით ჯერეთ თავმა, მერე კი მთელმა ტანმა იწყო წამოწევა. ოღონდ ნელა, საშინლად ნელა, და, სანამ წამოვიმართებოდი, იმ ძალის დაძლევა მიხდებოდა, ქვევით, სიღრმეში, ისევ დედამიწის ღურღუმში რუმ ქვეყნულად, სადაც ჯერეთ კიდევ სულ ცოტა ხნის წინათ მშვიდად მეძინებოდა. ვატყობდი, რომ ვიმარჯვებდი, ჩემი გამქონდა, და ანაზღეულად თითქოს რალაცა გატყვრა, აინგრა, და წელში გავსწორდი, გავიმართე, და ის ძალა, რომელიც კვალად მიწისკენ მხრიდა და მდრეკდა, გაქრა. მოკლედ, ამოვხეთქე მიწა და იმას მივეახლოვე, რაც „იქ, ზემოთ“ იყო.

„იქ, ზემოთ“ კი მიწის სითბო ვიგრძენი, კოლოს წუილი და შორიახლო ჩამდინარე წყლის ზვირთის დგაფუნის მომეყურა. თვალეზდახუჭული მძიმე-მძიმედ წამოვდექი. მეჩვენებოდა, ცოტაც და, წონასწორობას დავკარგავდი, კვალად მიწაში აღმოვჩნდებოდი, მაგრამ სინამდვილეში ზრდას განვაგრძობდი, ტანსა ვყრიდი. მალე ხელებიც გავშალე, ტანში გავიმართე და ვიდექი აგრე, აღორძინებული, ოცნებად კი ისლა დამრჩენოდა, რომ გარედანაც და შიგნიდანაც მზის შუქის კაშკაშა ნიაღვართ განვებანე, რომელი შუქიც ოდენ იმას მენუკვოდა, ოღონდ მეგვარა და მეხარა, ოღონდ ღრმად დავფესვიანებულიყავი, ტანი ამეყარა და თვით ცისტვის მიმეწვდინა ტოტები. სულ უფრო და უფრო ვიძაგრებოდი, ვიჭიმებოდი, რამდენი კუნთიც მქონდა, სუყველა ერთად მტეხდა, და ვგრძნობდი, ამ გამაღლება-გამაღლებაში იმსიმაღლე გავხდი, თუ მოვინდომებდი, მთებსაც ჩავიკრავდი გულში. და ტანი ჩემი კვალად სულ ზევით-ზევით და სულ სიგანეში მიიწევდა, სანამ კუნთების ტკივილი ისე აუტანლად არ მექცა, რომ ველარ გავუძელი და შელონებულმა შევყვირე.

და გავახილე თვალეზი. პეტრუსი წინ მედგა, ილიმოდა და ეწეოდა. დღის შუქი ჯერეთ კიდევ ძალას ინარჩუნებდა, მაგრამ გაკვირვებული და გასახტებული დავრწმუნდი, რომ ჩემ მიერ გონებაში წარმოდგენილი მზე ცაზე უკვე აღარ იყო. აგიწერო, რა გრძნობებითაც ვიყავი-მეთქი შეპყრობილი, დავეკითხე ჩემს მეგზურ-ეტეკს, პასუხად მან თავი გააქნია:

— ეგ ყველაფერი ძალიან პირადულია, შენი გრძნობები შენადვე უნდა დაიტოვო. მე, აბა, როგორ განვსჯი, რასაც შენ განიცდიდი? შენი გრძნობები შენია, ჩემი ხომ არ არის.

მერე, ღამის თევით აქ დავრჩებითო, თქვა. იქვე პატარა კოცონი დავანთეთ, რაც ბოთლში ღვინო იყო დარჩენილი, გამოვცალეთ, და ხელდახელ რამდენიმე სენდვიჩი გავამზადე, ბატის ღვიძლის პაშტეტისანი, ანუ ფრანგული foie-gras, რომელიც სენ-ჟან-პიერ-დე პორში მისვლის წინადღეს ვიყიდე. პეტრუსმა ფშანში ორიოდ მოზრდილი თევზი დაიჭირა და კოცონზე შეწვა. ნავახშმნი ჩვენ-ჩვენს საძილე ტომრებში შევწექით.

ცხოვრებაში ბევრი რამის მომსწრე და მნახველი ვარ, მაგრამ სანტიაგოს გზაზე გატარებულ ამ პირველ ღამეს ვერცროდის დავივიწყებ. ზაფხულის ღამე ცივი გამოდგა, პირში კი ჯერეთ ისევ ვგრძობდი იმ ღვინის გემოს, რომლითაც პეტრუსი გამიმასპინძლდა. მთელ ცას ავყურებდი, და ჩემს თავზე გადაჭიმული ირმის ნახტომი სრულად მახილვებინებდა მთელ მანძილს, რომლის გავლაც გველმძინარე ვითარებაში ამ საზარელ სივრცეს იქნებ ნაღველი, უიღბლოდ და საკუთარი არარაობის შეგნებაც ჩაენერგა ჩემში. მაგრამ ახლა ახლად გაჩენილი მარცვალი ვიყავი. ჩემდა უნებურად აღმოვაჩინე, რომ რაც არ უნდა კარგი, რაც არ უნდა წყნარი იყოს მიწაში ძილი, ცხოვრება ბევრად მშვენიერია „იქ, ზემოთ“. და აღორძინებითაც იმდენჯერ ავლორძინდები, რამდენჯერაც მოვიპრიანებ, — მანამდე, სანამდეც ჩემი ხელები არ მოიცავენ მთელ დედამიწას, საიდანაც მოვლინებულვარ.

„მარცვლის“ სავარჯიშო

ძირს მუხლებზე დაეშვი. მერე ჩაცუცქდი, ჩაპუბუზდი და ისეთნაირად დაიხარე, თავი მუხლებს რომ შეეხოს. ახლა მუხლებზე შემოიხვიე ხელები და ჩანასახის მდგომარეობაში ჩაიყენე თავი. და მოდუნდი, მოეშვი, ნუ იქნები დაჭიმული და დაძაბული. ისუნთქე ღრმად და მშვიდად. მალე თავს პაწაწინა მარცვლად იგრძნობ ნიადაგის სიმყუდროვესა და იდუმალებაში. შენ გარშემო ყველაფერი სითბოს ასხივებს და საამო შეგრძნებას შეგრძნებაზე გძღვნის. ღრმა, გულის ძილსა ხარ მიცემული. მაგრამ აგერ თითი გაგენძრა. მარცვალს მარცვლობა აღარა სწადს — დაბადება სურს. ნება-ნება იწყებ ხელების გატოკებას, და სხეული თანდათან გისწორდება, წელში იმართები, თუმცა კვლავინდებურად ჩაცუცქული ხარ. მძიმე-მძიმედ დგები. მთელი ამ ხნის განმავლობაში თავი წარმოდგენილი გაქვს მარცვლად, რომელიც ღივდება და ის ღივი ნიადაგის სიღრმიდან ჯიუტად ცდილობს თავის ამოყოფას.

აწ უკვე სამზეოზე მოვლინების უამი დამდგარა. ნელა წამოიძართები. სხეულის სიმძიმე ჯერეთ ერთ ფეხზე გადაგაქვს, მერე მეორეზე. და წონასწორდები, როგორც ის ღივი თუ ლოჯი, სასიცოცხლო სივრცე ბრძოლით რომ მოიპოვა. აგერ, უკვე ფეხზე ხარ მთელი ტანით ამართული. წარმოიდგინე, რომ შენ გარშემოა მინდორ-ველი, მზე, წყალი, ქარი, თავს დაგტრიალებენ ფრინველნი. უკვე ნახარები ღივი ხარ, მიწის ზედაპირზე ამოსული, აღმონაცენი. ნება-ნება აღმართე ხელები ცისკენ. მერე წაეპოტინე, წაეტანე, რაც ძალი და ღონე გაქვს, წაეწოდე, ვითომ საცაა უზარმაზარ ცხრათვალა მზეს უნდა მისწვდე, რომელიც თავს დაგკაშკაშებს, თავისკენ გიზიდავს და ძალ-ღონეს გმატებს. სხეული სუფ უფრო და უფრო გეჭიმება, ყოველი კუნთი გიხვევდება, შენ

კი იზრდები და იზრდები, ტანსა ყრი — და ორთოდენა სდები, ვეებერთელა, დაძაბულობა მატულობს და უკვე გაუსაძლისია, საშინლად მტკივნეული. როს იგრძნობ, რომ ტკივილის ატანის თავი აღარა გაქვს, — წამოიყვირე და გაახილე თვალები.

ეს სავარჯიშო შვიდი დღე ზედიზედ ერთსა და იმავე დროს გაიმეორე.



შეგოქმედი და ნაქმედი

ექვსი დღე პირენეებში ვიარეთ, ვინ მოთვლის, რამდენჯერ დავითავდალმართეთ და რამდენჯერ შევიადმართეთ, და მუდამ, როგორც კი მზე ყველაზე მაღალ მწვერვალთ ოქროთი ავარაყებდა, სავარჯიშო გაიმეორეო, მთხოვდა პეტრუსი. მესამე დღეს გზაზე შეხვედრილმა ყვითელმა ბეტონის ნაჭერმა გვამცნო, რომ საზღვარი გადავლახეთ და იმიერიდან ესპანეთის მიწაზე მივაბიჯებდით. ჩემმა ეტიკმა ნელინელ ამოიდგა ენა და თავის თავზე ზოგი რამ მიაძხო — თურმე იტალიელი იყო და სამრეწველო დიზაინის* სპეციალისტი. „იმდენი საქმის მიტოვება მოგიხდა, რათა პილიგრიმს მახვილის საძებნელად გამომყოლოდი, ალბათ, შეწუხებული ხარ, არა?“ — დავეკითხე.

— უნდა ზოგი რამ ავიხსნა, — მომიგო მან. — მე სულაც იქ არ მოგდევ, სადაც შენი მახვილია. ის მხოლოდ და მხოლოდ შენ უნდა იპოვო. მე აქ მარტო იმისთვის ვარ, რათა სანტიაგოს გზით გატარო და RAM ორდენის მცირეოდენი რამ სიბრძნე ვადმოგცე. თუ როგორ გამოიყენებ ჩემს რჩევა-დარიგებას თუ დათათბირებას შენი მახვილის მოსაპოვებლად, შენ იცი და შენმა ფხიანობამ.

— ჩემს კითხვაზე მაინც არ მიპასუხე.

* კიდევ ერთხელ უნდა დავადასტურო, თუ რა მართალია კოლინ უილსონი, რომლის აზრითაც, სამყაროში შემთხვევით არაფერი არ ემთხვევა ერთმანეთს. ერთხელ სალამოს მადრიდის სასტუმროში, სადაც ჩამოვხტი, პოლში რომ ვიჯექი და გაზეთებს ვფურცლავდი, ყურადღება მივაქციე პრინც ასტურიელის პრემიის მინიჭების გამო დაბეჭდილ რეპორტაჟს — მიქცევით კი ყურადღება იმიტომ მივაქციე, რომ დაჯილდოებულთა რიცხვში იყო ჩემი თანამემამულე უურნალისტი რობერტო მარინიო. წარმოიდგინეთ ჩემი გაკვირვება, როცა ბანკეტის მონაწილეთა ამსახველ სურათს დავაკვირდი და ერთ-ერთ მოხდენილ სმოკინგიან მამაკაცში ჩემი მეგზურ-ეტიკი ვიცანი. სურათის წარწერა გვამცნობდა, რომ ეს იყო „ერთი ყველაზე გამოჩენილი ევროპელი დიზაინერთაგანი“.

— კაცი მოგზაურობაში ვერ ატყობს, ისე იბადება მეორედ. სულ ახალ და ახალ ვითარებაში ხვდება. ერთ ქალაქია დღეს მეორე ქალაქია დღე უცვლის, გარშემო უმეტესად უცხო მეტყველება ესმის. ის ჩვილ ყრმასა ჰგავს, დედის საშოდან ეს-ეს არის მოვლენილს. და მეტყველებას უფრო იმას უთმობს, რაც ირგვლივ აკრავს, რადგან იმაზე და მოკიდებული, გადარჩება თუ არა. სუყოველი კაცის ქვეყნის ფრთხილი და გულისხმიერია, ვინაიდან გაჭირვების უამსრუმო და აღუპყრონ ხელი. და ზეციერთა წამიერ წყალობას ღნინად აღიქვამს და, სანამ პირში სული უდგას, არ იგულმაფიწყებს.

ამავე დროს, რამდენადაც იმისთვის ყოველივე უცხო და ახალია, ის ოდენ სილამაზეს ამჩნევს და ბედნიერია უკვე იმიტომ, რომ ცოცხალია. ამ მიზეზით რელიგიური მწირობა, ანუ წმინდა ადგილთა მოლოცვა, მუდამ იყო ჩაწვდომის ერთ-ერთი ყოველის უფრო პირდაპირი და მოკლე გზა. სიტყვა „ცოდვა“, ლათინურად „pecus“, თავდაპირველად „მტკივან ფეხს“ ნიშნავდა, ესე იგი ფეხს, რომელსაც გზის დაკეცვის უნარი არ შესწევს. ცოდვისგან თავის დასაღწევად კი სულ წინ სიარულია საჭირო, რა ახალ და უჩვევ ვითარებაშიც არ უნდა მოხვდე, უნდა შეეთვისო და შეეგუო, თანაც არ დაგავიწყდეს, ცხოვრება მოიფუტა, და რაც შეიძლება მეტი და მეტი ლოცვა-კურთხევა უნდა გაამეტებინო.

ნუთუ მართლა ფიქრობ, რომ ვლელავ იმ ხუთი თუ ექვსი პროექტისა გამო, რომელთაც თავი მივანებე, რათა შენთან ერთად დავდგომოდი ამ გზას.

პეტრუსმა აქეთ-იქით გაიხედ-გამოიხედა და მზერა იმ მთის წვერზე შეაჩერა, სადაც თხები ძოვდნენ. ერთ-ერთი, ჩანს, ყველაზე ყოჩაღი, ისეთ ჭიუხზე ამძვრალიყო, გაგვიკვირდებოდა, ან როგორ მოხვდა იქ, ან როგორ უნდა ჩამოსულიყო. ნეტავი რას იზამს-მეთქი, სანამ ამ საგონებელში ვიყავი, თხამ ისკუბა და ჩემთვის უხილავი წავარნი-თა თუ კლდის ქიმ-ქიმ დაეშვა, არვეს შეერია. ჩვენ გარშემო სოფელ-ქვეყანა გაურკვეველ ფორიაქს შეეპყრო და ისეთნაირად სუნთქავდა, დაშოშმინებისა არცრა ეტყობოდა რა — ჯერეთ ზრდაც უნდა განეგრძო და ქმნაც, რისთვისაც უსუსტარი მოძრაობა და მოძრაობა იყო გარდაუვალი. შეგრძნება იმისა, რომ ბუნება სასტიკია, უამისად დიდი მიწისძვრის ანდა მომაკვდინებელი ქარაშოტის დროს ჩნდება, მაგრამ ახლა მივხვდი — რაც ხდებოდა, ეს მხოლოდ გზის დაუდგრომლობა თუ დაუდგრობა იყო. თვით ბუნებაც მუდმივად გზაშია, მუდმივად წვდომის ძიებაშია.

— ბედნიერი ვარ, აქ რომ აღმოვჩნდი, — ჩაილაპარაკა პეტრუსმა. — იმიტომ რომ, რა სამუშაოც მივატოვე, ახლა მნიშვნელობა აღარა აქვს, ხოლო რა სამუშაოთაც ამ მოგზაურობის შემდეგ გავასრულებ, ბევრად უკეთესი იქნება.

მახსოვს, კარლოს კასტანედას რომ ვკითხულობდი, ძალიან მინდოდა ძველ შამან დონ ხუანთან შეხვედრა. და ახლა, იმის ხილვისას, თუ როგორ გასცქეროდა მთებს პეტრუსი, მომეჩვენა, რომ გვერდით ვილაც მედგა, ვინც ძალიან ჰგავდა ამ პერსონაჟს.

მეშვიდე დღის მიწურულს, ხშირი ფიჭვნარი რომ გავიარეთ, ერთი გორაკის წვერზე მოვექეცი. აქ კარლ დიდს ესპანეთის მიწაზე თავისი პირველი ლოცვა აღევლინა, და ძველ ობელოსკურ გამოყვანილი ლათინური წარწერა ითხოვდა, რომ ამ მოვლენის აღსანიშნავად ყველა გამვლელს ხამამაღლივ ან თავისთვის წაეკითხა ეს ძველი რეგინა...“ მე და პეტრუსმა ყურად ვიღეთ ეს მოწოდება! ბუნებრივად ეტიკმა სავარჯიშოს უკანასკნელად გამეორება მიბრძანა.

ქარი ქროდა, ციოდა. ის იყო დაუარება დავაპირე; ჯერეთ ადრეა, რა არი, სამი საათია-მეთქი, მაგრამ პეტრუსმა, სიტყვას ნუ მიტრიზავებ, ქენი, რასაც გეუბნებიანო.

და მუხლებზე დავეშვი. ყველაფერი ჩვეულებრივი წესით ხდებოდა მანამ, სანამ ხელები არ გავშალე და მზე არ წარმოვიდგინე. და რაწამსაც უზარმაზარმა მნათობმა ჩემ წინ ცხრავე თვალი ააბრიალა, ვიგრძენი, რომ უკიდურესად უჩვეულო ალტყინება მიპყრობდა. ჩემი კაცობრიული მეხსიერება თანდათან ქრებოდა და სავარჯიშოს უკვე ვეღარ ვასრულებდი, თითქოს ნამდვილად ხედ ვიქეცი. და ძალიანაც კმაყოფილი ვიყავი ამით, უფრო მეტიც — თავს ბედნიერად ვგრძნობდი. მოკაშკაშე მზე თავისი ღერძის გარშემო ბრუნავდა, რაც ადრე არცროდის არ ყოფილა. აგრერიგად გულსავსემ უფრო განზე გავშალე ტოტები, რომელთა ზედაც ქარი ფოთოლთ ბნელხმიანად ამრიალებდა, და გავიტრუნე, ნეტავი ამ ადგილიდან ფეხი აღარ მომაცვლევინა-მეთქი, ვნატრობდი. უცებ რაღაც შემეხო, ვიგრძენი, — და იმწუთას, თვალის დასამხამებაში, ჩამობნელდა.

ეგრევე ვჭყიტე თვალები. პეტრუსი ლოყებზე ხელებს მიტყაპუნებდა, სანაც ანგარიშმიუცემლად მანჯლრევდა, მაჯანჯლარებდა.

— არ დაგავიწყდეს, რისთვის ხარ აქ მოსული! — მრისხანედ იმეორებდა იგი. — არ დაგავიწყდეს, რომ კიდევ ბევრი რამის შეცნობა მოგიწევს, სანამ შენს მახვილს მიაგნებდე!

ქარი ძვალ-რბილში მატანდა, და აძაგძაგებული მიწაზე დავჯექი.

— მუდამ აგრეა ხოლმე?

— თითქმის მუდამ, — მომიგო პეტრუსმა. — მეტადრე შენის-თანებისთვის, ვინც წვრილმანების ტყვეობაში ექცევით და მთავარს ივიწყებთ.

მან ტავარჯუხიდან სვიტური ამოიღო და გადაიცვა. მეც პერანგი გადავიცი ფეხბურთელის მაისურზე, რომელსაც „I LOVE NY“ ეწერა. ნამდვილად ვერ ვიფიქრებდი, რომ „ბოლო ათი წლის მანძილზე არნახულად ცხელ ზაფხულში“ — როგორც დაახლოებით იუწყებოდნენ გაზეთები — სიცივე ამიტანდა. სქელი პერანგი ქარისგან კი მიცავდა, მაგრამ ნაბიჯი ავაჩქაროთ-მეთქი, ვთხოვე პეტრუსს, რა არი ცოტა გავხურებულიყავი.

გზა დათავქვევდა, და სიარული გაადვილდა. აგრევიგად იმიტომ გაფითომე-მეთქი, ვარაუდი გამოვთქვი, რაკი უხეიროდ ვიკვებებოთ, მარტო თევზზე და ხიჩატელზე* ვართ-მეთქი. პეტრუსმა ამიხსნა, მარტომ კი არ გაითომე, უკვე ძალიან მალლა ამოვედით და მთამ გინახავო.

ხუთასიოდუ ნაბიჯის შემდეგ გზა უხვევდა — და იქ უკვე უმცირესი შეიცვალა გარემო. თვალწინ გადაგვეშალა ალაგ-ალაგ სუბალპინური რაკებიანი ვრცელი ტრამალი. მარცხნივ კი გზა ქვემოთ ეშვებოდა, სადაც ორასიოდუ მეტრში საკვამურებაბოლებული კობწია ქათქათა ქალაქი გაჭიმულიყო.

წამერთ ნაბიჯი ავანქარე, მაგრამ პეტრუსმა შემაჩერა.

— აწ, მკონი, ზუსტად ის დროა, რომ RAM ორდენის მეორე საიდუმლოს გაზიარო, — მითხრა მან, მიწაზე დაჯდა და მანიშნა, შენც დაჯექიო.

სხვა რა გზა იყო, დავემორჩილე, თუმცა არ მესიამოვნა, რომ შევეყოვნდით. საკვამურებაბოლებული პატარა ქალაქი ანდამატური ძალით მიზიდავდა თავისკენ და უცებ წამომავიდა, რომ მთელი ერთი კვირა ადამიანების თვალის დამკვრელი არ ვიყავი და ან ტრიალ მინდორში ვათევდი ღამეს ღია ცის ქვეშ, ანდა მუხლჩაუხრელად მივუყვებოდი გზას მზის დახდომამდე. გარდა ამისა, სიგარეტი გამომელია და საშინელი რამ თუთუნის დაღევა მიხდებოდა, რომელ თუთუნსაც პეტრუსი გრეხდა და ისე ეწეოდა. ოცი წლის თუ ხარ, არც ცარიელი თევზის ჭამა გიჭირს და არც ღამე საძილე ტომარაში შეძრომა, ის კი არა, მოგწონს კიდევაც, ოღონდ აქ და ახლა, სანტიაგოს გზაზე, ყოველივე ამას ცოტა ძალისხმევა როდი უნდოდა. სანამ პეტრუსი, ჩემდა გულის გამაწყალებლად, თუთუნს იმზადებდა, მე იმაზე ვოცნებობდი, ერთი ჭიქა ღვინით შევმთბარიყავი ტავერნაში, სადამდეც სულ ხუთი წუთის სავალილა იყო.

მაგრამ პეტრუსს აშკარად არ სციოდა თავის სვიტერში, თავი მშვიდად ეჭირა და უგულისყუროდ გაჰყურებდა თვალგადაუწვდენელ ვაკიანს.

— ჰა, როგორ მოგეწონა პირენეებზე გადასვლა? — მკითხა მან ცოტა ხანში.

— ძალიანაც მომეწონა, — მივუგე უნდომანდოდ, რაკილა ლაპარაკის გაგრძელება არ მინდოდა.

— მოსაწონი რომ არ ყოფილიყო, ერთი დღის სავალს ექვსი დღის სავალად არ გამოვიზოგავდით.

ყურებს არ დავუჯერე, ეს რა მითხრა-მეთქი, მაშინ მან რუკა ამოიღო და ჩვენ მიერ გამოვლილი მანძილი მიჩვენა — ჩვიდმეტი კილომეტრი. აღმართ-დაღმართი, რასაკვირველია, გზას აჭიანურებდა, მაგრამ ექვს საათზე მეტი იმის გავლას მაინც არ უნდოდა.

* არ ვიცი, რა ერქვა ამ მოწითალო ველურ ხილს, მაგრამ პირენეებში ჩემი ხუტიალის დროს იმდენი ვჭამე, ახლაც გული მერევა იმის მარტო დანახვაზეც კი.

— შენ ისე ხარ გართული იმ შენი მახვილის ძეხნით, რომ ზოგი რამ კიდევ უფრო მნიშვნელოვანი გამოგეპარა — იმისკენ სვლაა საჭირო. შენ მარტო სანტიაგო გახსოვდა, მარტო სანტიაგოს იყავი მიჩერებული — ის კი აქედან არა ჩანს, — და ვერ ამჩნევდი: ზოგ-ზოგ ადგილს ოთხჯერ-ხუთჯერ გავდიოდით, ოღონდ სხვადასხვა მხრიდან.

მხოლოდ ახლავა, პეტრუსის სიტყვების შემდეგ, წამოჩნდა, რომ პირენეების ყველაზე მაღალი მწვერვალი — მონტე-ჩიაშევი — დროდადრო მარცხნიდან ჩანდა, დროდადრო მარჯვნიდან. თუმცა, ამ ამბისთვის ყურადღება რომც მიმექცია, მაინც ვერ მივხვდებოდი, ერთ ადგილას ვტრიალებდით თუ არა.

— ხან რომელი გზით მომყავდი და ხან რომლით, ხანაც იმ საიდუმლო ბილიკთ მოვლევდით, კონტრაბანდისტები რომ იყენებენ. შენ ვალდებული იყავი, რომ ეს შეგემჩნია. მაგრამ იმიტომ ვერ შეამჩნიე, რომ შენთვის არ არსებობდა თვითონ გზის პროცესი. არსებობდა მხოლოდ საბოლოო წერტილში მისვლის შენი სურვილი.

— ვთქვათ, და მაინც რომ მივხვდრილიყავი?

— მაშინ სხვა ხერხს რასმე მოვიგონებდი, გზაში შეიდ დღეზე ნაკლები რომ არ ვყოფილიყავით, რადგან RAM ორდენის საიდუმლოთა მიხედვით ასლი ეს ვადაა დაწესებული.

გაოცებისგან სიცივეც ვიგულმავიწყე და ქალაქიც.

— მიზნისკენ როცა მიდიხარ, — განაგრძობდა პეტრუსი, — ძალიან მნიშვნელოვანია იმ გზისთვის ყურადღების მიქცევა, რომელსაც მისდევ. გზა — დიახაც გზა — გვიკონახებს მუდამ ყველაზე საუკეთესო მარშრუტს და გვამდიდრებს, როდესაც ვთელავთ და ვკეცავთ. უკეთუ ამას სექსს შევადარებთ, შეიძლება თქმა: წინასწარი ალერსი ბევრად უფრო მძაფრსა და ძლიერსა ხდის ორგანოს. ამას სუყველა დაგიდასტურებს.

იკვივა მიზანიც, რომელიც დასახული გაქვს. ის იქნებ კარგიც გამოდგეს ანდა უარესიც — იმისდა მიხედვით, თუ რა ზა გაქვს არჩეული მიზნის მისაღწევად, და იმისდა კვალად, თუ როგორ გაივლი ამ გზას. ამიტომაც არის ეგზომ მნიშვნელოვანი RAM ორდენის მეორე საიდუმლო. ამ საიდუმლოს აზრი ის არის, დაფარულსა და დამალულს იქ მივაკვლიოთ, რასაც ყოველდღიურად ვხედავთ და თვალი ისე გვაქვს შეჩვეული, ვეღარც კი ვამჩნევთ.

და პეტრუსმა სინქარის სავარჯიშო მასწავლა.

— ქალაქში, სადაც ყოველდღიურად უამრავი საქმე გვაქვს, ამ სავარჯიშომ სულ ოცი წუთი უნდა დაიჭიროს. მაგრამ, რადგან მე და შენ სანტიაგოს საოცარ გზას მივდევთ, ჩვენ ერთ საათს წაგვართმევს.

ამასობაში კვლავ სიცივემ ამიტანა, და პეტრუსს მავედრებელი მზერა მივაპყარი. მაგრამ იმან ისე დაიჭირა თავი, ვითომ ვერც მამჩნევდა, რა დღეში ვიყავი: წამოდგა, ტავარჯუხი მოიკიდა, და სასოწარმკვეთი ზოზინით შევუდექით ქალაქამდე დარჩენილი ორასი მეტრის გავლას.

თავდაპირველად მხოლოდ ტავერნას გავცქეროდი — ძველებურ ორსართულიან სახლავს, რომელსაც ხის აბრა ჰქონდა კარებზე მიკრული: მალე ისე ახლოს მივედით, სახურავქვეშ ამოკვეთილი აშენების

წელიც გავარკვიე — 1652. ვმოძრაობდით, მაგრამ მეჩვენება, რომ ადგილიდან არ ვიძვროდით. პეტრუსი ძლივს მიათრევდა ფეხებს, მეც უკან მივჩანჩალებდი. მერე ხალთაგუდიდან საათი ამოვიღე და მაგნიტურ მუხები.

— ეგრე უფრო უარესია, — მითხრა მან. — იმიტომ ერთმანეთს მუდამ ერთსა და იმავე რიტმში არ მდინარებს. დროის რიტმს ვერც ვსაზღვრავთ.

და წამისწამ საათის ცქერამ პეტრუსის სიმართლეში დამარწმუნა. რაც უფრო ხშირ-ხშირად დავყურებდი ციფერბლატს, მით უფრო ნელა მილოლავდა ისარი. მეც ავდექი და ჩემი ეტიკის რჩევას დავყევი, საათი შევიხსენი და ჯიბეში ჩავიდე, გულისყურის სხვა რამეზე გადატანა ვცადე: თვალიერება დავუწყე გარემო პეიზაჟს, ვაკვირდებოდი ყოველ ქვას, რომელიც კი ფეხებში შედებოდა, თუმცა თვალი ერთთავად ტავერნისკენ გამირბოდა — და დავრწმუნდი, რომ ერთი მტკაველი რა არის, ერთი მტკაველითაც არ ვიყავით მიახლოებულნი. მერე ახლა მევე დავუწყე ჩემს თავს რალაც-რალაცა ამბების მოყოლა, მაგრამ არაფერი გამომივიდა, სავარჯიშო ისე მაფორიაქებდა, თავი სად მება, აღარ ვიცოდდი. და როცა ველარ მოვითმინე და კვლავ ამოვიღე საათი, დავინახე, რომ მხოლოდ თერთმეტი წუთი გასულიყო.

— წამებად ნუ იქცეი ეგ სავარჯიშო, მაგისტვის სულაც არ მოუგონიათ, — შემეხშიანა პეტრუსი. — შენთვის უჩვევ სიჩქარეში ტკობის მოპოვებას ეცადე. ყოველდღიურობის ნირის შეცვლით თავს ახალ კაცად იშობ. ერთი სიტყვით, თავად გადაწყვიტე.

ბოლო წინადადება ისე ლბილად წარმოთქვა, ცოტა გულზე მომეშვა. მეტი რა გზა მქონდა, თუკი ჩემი გადასაწყვეტი იყო, გარემოებით უნდა მესარგებლა. მეც ავდექი და ერთი ღრმად ჩავისუნთქე, თავს ძალა დავატანე, რომ არც არაფერზე მეფიქრა და ისეთ მდგომარეობაში ჩავმდგარიყავი, როცა დრო სადღაც შორს იდენდა და მე არანაირად არ შემეხებოდა. სულ უფრო მეტად ვწყნარდებოდი და თანდათან სრულიად სხვა თვალთ მოვიხილე ყოველივე, რაც ჩემ გარშემო იყო. და წარმოსახვა, ადრე ჩემს წინააღმდეგ ამბოხებული, ახლა მოკავშირე მიხდებოდა. გავცქეროდი ჩემ წინ გაშლილ პატარა ქალაქს და ათასგვარ ამბავ-ხაბარს ვუგონებდი: ვთხზავდი, როგორ დაეფუძნებინათ და რარიგ აეშენებინათ, როგორ დადიოდნენ გზად იქ წმინდა ადგილთა მოსალოცავად მავალნი და პირენეების ცივ ქართავან შეცივებულნი რარიგ შეჰხაროდნენ იქაურთა სითბოსა და სტუმართმოყვარეობას. და დადგა ის წუთიც, რაჟამს ამ პატარა ქალაქში რალაც ბრძნული და იდუმალი ძალის სუფევა ვიგრძენი. და ჩემმა წარმოსახვამ მთელი ის არემარე რაინდებით აავსო, ის მიდამო კი ბრძოლის ველად აქცია. თვალცხადლივ ვხედავდი, ვითარ ელავდნენ მზეზე ფოლადისპირიანი მახვილნი, ცხადადვე მესმოდა მეომართა საბრძოლო საძახელი. და პატარა ქალაქი უფრო დიდ რალაცად წარმომიდგა, ვიდრე ნანინანატრ ადგილად, სადაც ერთ ჭიქა ღვინოსა და თბილ საბან-ზედსახურს შემომთავაზებდნენ, — ახლა ის ისტორიული ნიშანსვეტი გახდა იმ

ადამიანის საგმირო საქმეთა აღსანიშნავად, ვისაც ყველაფერზე ხელი აელო იმის გულისათვის, რათა ამ დასაკარგავში დამკვიდრებულიყო. მივხვდი, თუ რა იშვიათად ვაქცევდი ყურადღებას ჩემ გარშემო განფენილ სოფელ-ქვეყანას.

ხოლო სინამდვილის აღქმის უნარი რომ დამიბრუნდა — ტავერნის კართან ვიდექით და პეტრუსი მეპატრიუბოდა.

„სინქარის“ სავარჯიშო

ოცი წუთის განმავლობაში ორჯერ შეამცირეთ ის სინქარე, რა სინქარითაც ჩვეულებრივ მოძრაობთ. ყურადღებით დააკვირდით ყველაფერსა და ყველას, რაც და ვინც თქვენ გარშემოა — საგნებს, ბუნებას, ადამიანთ. საუკეთესოა ამ სავარჯიშოსთვის სადილთუკან დრო. სავარჯიშო იმეორეთ ერთი კვირა.

— გეპატრიუები, — მითხრა პეტრუსმა. — დავლით და ცოტა ადრე დავწვეთ დასაძინებლად, რადგან ხვალ დიდ მოგვთან უნდა წარგადგინო.

მთელი ღამე უსიზმრო ძილქუში მანვა. და როდესაც რონსევალად წოდებულ პატარა ქალაქს დღის შუქმა პირი ჩამოხანა, პეტრუსმა ჩემი ნომრის კარს მოაკაკუნა. ღამე ტავერნის მეორე სართულზე გავათიეთ, რომელიც სასტუმროს მაგივრობასაც ეწეოდა.

თითო ფინჯანი შავი ყავა დავლიეთ, ზეითუნისანი პური მივაყოლეთ და გზას გავუდექით. მივხვდი, რომ რონსევალი პატარა მივარდნილი ქალაქი არ იყო, როგორც თავდაპირველად მეგონა: იმხანად, როცა სანტიაგო-დე-კომპოსტელას უამრავი ლოცვადმავალი მიაწყდა, იქ, რონსევალში, იდგა იმ მხარეში ყველაზე უფრო დიდი მონასტერი, რომელიც მიწებს თვით ნაუარის საზღვრამდე ფლობდა. ამის კვალი დღევანდლამდეა შემორჩენილი — აქა-იქ კიდევ შეხვდებით სახლებს, ადრე სამონასტრო სავანეს რომ ეკუთვნოდა. ერთადერთი „საერო“ ნაგებობა ტავერნა იყო, სადაც ღამე გავატარეთ.

ნისლში სამონასტრო ეკლესიამდე მივედით. შევედით. რამდენიმე თეთრ-სპეტაკად მოსილი მონაზონი მოვიხილეთ. ისინი დილის პირველ მესას ასრულებდნენ. გაგებით არც ერთი სიტყვა არ გამეგებოდა, რამეთუ ისინი ბასკურად ლოცულობდნენ. პეტრუსი მერხზე ჩამოჯდა და თავის გვერდით დაჯდომა მთხოვა.

ეკლესია თავისი სიგანე-სიმაღლით უზარმაზარი იყო და იქ გამოფენილ ხელოვნების ფასდაუდებელ ნაწარმოებთ თვლა არა მქონდა. პეტრუსმა ჩურჩულით მითხრა, რომ ეს საუფლო სახლი პორტუგალიის, ესპანეთის, საფრანგეთისა და გერმანიის მეფეთა და დედოფალთა შე-

მოწირულობით აეშენებინათ, ხოლო ადგილი ასაშენებლად ოდესღაც თვით კარლ დიდს შეერჩია. მთავარ საკურთხეველთან რონსველმა ყოვლად წმინდა ქალწულს — რომლის ხატი ვერცხლისგან იყო ჩამოსხმული, სახე კი კეთილშობილი ჯიშის ხეთაგან გამოეკვეთათ — სველი, სპეკალთაგან ქმნილი ყვავილებით დამშვენებული რტო ეჭმრა. მისი ქმნილის სურნელმა თუ კილამონმა, დიდებულმა გოთიკამ და მღვდელმა გუნდმა ისეთ მდგომარეობაში ჩამაგდო, ადრე ტრადიციის რიტუალთა შესრულებისას რომ განვიცდიდი ხოლმე.

— მოგვი სადღაა? — მოვიკითხე, პეტრუსის მიერ წინააღმდეგობაში რომ გამახსენდა.

მან უსიტყვოდ წამისყოფით მიმანიშნა ერთ ხეხელა შუახნის სათვალთან მონაზონზე, რომელიც მთავარ საკურთხეველს გარშემოვლებულ გრძელ მერსზე სხვებთან ერთად იჯდა. ნუთუ შესაძლებელია: ბერი ერთჟამიერად მოგვიც იყოს? ძალიან მინდოდა, რომ ეს მესა რაც შეიძლება მალე დამთავრებულიყო, მაგრამ პეტრუსმა ხომ მითხრა, დროის დინებას მხოლოდ და მხოლოდ ჩვენ განვსაზღვრავთო, და ჩემი გულის მღრღნელი მოუთმენლობის წყალობით მსახურება ერთ საათზე მეტ ხანს გაგრძელდა.

როცა ბოლოსა და ბოლოს უკანასკნელი სიტყვები მიწყდა, პეტრუსმა მერსზე მიმატოვა და თვითონ მონაზონთა კვალდაკვალ უკანაკარით გავიდა. ვათვალთვლებდი ტაძრის ბრწყინვალე მორთულ-მოკაზმულობას და მესმოდა, რომ უნდა მელოცა, მაგრამ ლიტონი სიტყვით ღვთის მოწოდებას ვერა და ვერ ვახერხებდი. მთელი გულისყური ველარაფერზე ვერ გადამქონდა: წმინდანთა გამოსახულებანი იმ უსასრულოდ შორეულ დროებათა კუთვნილებად მეჩვენებოდნენ, რომელი დროებანიც ჩავლილია და აღარცროდის დაბრუნდებიან, როგორც რომ კვლავ აღარცროდის აღარ დადგება სანტიაგოს გზის ოქროს საუკუნე.

პეტრუსი კარებში გამოჩნდა და უსიტყვოდ მიხმო.

მონასტრის შიდა ბაღში შევედით. შუაში შადრევანი იდგა, ქვის ფიალის ქიმზე ჩამომჯდარი გვიცდიდა სათვალისანი მონაზონი.

— მამაო ჰავიერ, ეს ის პილიგრიშია, რომელზეც გელაპარაკეთ, — წარმადგინა პეტრუსმა.

მონაზონმა ხელი გამომიწოდა; მივემშვიდობეთ ერთმანეთს, და გაეჩუმდით. ველოდებოდი, ცოტაც და, რაღაცა მოხდება-მეთქი, მარტო მამლების ყივილი და ხანაც იმ ქორ-ბურაულთა კიპკიკი ისმოდა, ყოველდღიური ნადირობისთვის გასაფრენად რომ ემზადებოდნენ. მონაზონი გაუგებარი გამომეტყველებით შემომცქეროდა — დაახლოებით ისევე, როგორც მადამ დებრილი, როცა ძველი სიტყვა წარმოვთქვი, — და ბოლოს, მაინც პირველმა დაარღვია ხანიერი და შემლონებელი დუმილი:

— ვგონებ, ძვირფასო, ცოტა არ იყოს, ადრე დაგიწყია ტრადიციის საფეხურთა ავლა.

უკვე ოცდათვრამეტი წლისა ვარ და სუყველა ორდალია* პატიოსნად გამოვიარე-მეთქი, მივუგე.

— სუყველა, ოღონდ ერთის გამოკლებით — უკანასკნელისა და ყოვლის უფრო მნიშვნელოვნის გარდა, — წართქვა მან, და ისევ ისე გულგრილად მიმზერდა. — უიმისოდ კი, რაც რამ გისწავლია, არცრად არა ღირს.

— მაგიტომაც ვადგივარ სანტიაგოს გზას.

— ეგ არცრის საწინდარია. გამომყევით.

პეტრუსი ბაღში დარჩა, მე კი მამა ჰავიერს ავედევნე. რამდენიმე დახურული ტალანი რომ გავიარეთ და გვერდი ავუქციეთ იმ ტაგრუსს, სადაც მეფე სანჩო მძლავრის ნეშტი ესვენა, ერთ მცირე საჟამნოში მოვხვდით, რომელიც რონსევალის მონასტრის ძირითად შენობათაგან რამდენადმე მოშორებით იდგა.

შიგ არცრა იყო, ერთი მაგიდის გარდა, რომელზედაც წიგნი და მანჯილი ეწყო. მაგრამ ის ჩემი მანჯილი არ ყოფილა.

მონაზონი მაგიდას მიუჯდა, ჩემთვის დაჯდომა არ შემოუთავაზებია. მერე ერთი ბლუჯა რაღაც ბალახი მოივარგა და ცეცხლი წაუკიდა, საჟამნო კვამლის მსუბუქმა სურნელმა მოიცვა. წამისწამ მომხდარი სულ უფრო და უფრო მახსენებდა მაღამ ღებრილთან შეხვედრას.

— უწინარესად უნდა გაგაფრთხილოთ, — წართქვა მამა ჰავიერმა. — წმინდა იაკობის გზა ოთხთაგან მხოლოდ ერთია. ეს ყვავის გზაა. თქვენთვის ძლიერების მომნიჭებელი კია, მაგრამ ჯერ კიდევ საკმარი არ არის.

— დანარჩენი სამი რომელიაა?

— ორი მაინც ცნობილია თქვენთვის. პირველი იერუსალიმის, ანუ გულის, გრაალის გზაა: ის სასწაულთა ქმნის უნარს განიჭებს. მეორე რომის, ანუ ჯვრის გზა სხვა სოფელ-ქვეყნებთან ურთიერთობას გასწავლის.

ერთი აგურილა გვაკლია, და ბანქოს დასტაც მთლიანად შეივსებოდა-მეთქი, — გავიხუმრე.

— მართალი ბრძანდებით, — გაიცინა მამა ჰავიერმა. — ეგ საიდუმლო გზაა. თუკი ოდესმე მოგიხდათ მავ გზით სიარული, კრინტი არ უნდა დაძრათ, ვალდებული ხართ. ჯერ მაგას თავი დავანებოთ. სად არის თქვენი ნიჟარები?

ტავარჯუხი გავხსენი და ვიზიტაციის ღვთისმშობლის ხატიანი ნიჟარები ამოვიღე. მონაზონმა ისინი მაგიდაზე დააწყო, ხელები ზედ მიმოატარა, ნებისყოფა სრულად დაძაბა და შენც ეგვევე გაიმლორეო, მთხოვა. კეთილსურნელება სულ უფრო მძაფრდებოდა, თვალები გახე-

* ორდალია — შუა საუკუნეებში ბრალდებულის გამოცდა ცეცხლით, გახურებული შანთით და მდულარე წყლით. ვინც წამებას გაუძლებდა, უდანაშაულოდ ჩათვლიდნენ. ცნება გაჩნდა წმინდა ტრიბუნალის, ანუ ინკვიზიციის ხანაში.

ლილი გვექონდა. და უცებ შევამჩნიე, რომ ზუსტად იგივე მოვლენა ხდებოდა, რაც იტალიაში* — სამივე ნიუარაში შუქი ჩადგა, რომელიც არცრას ასინათებდა. მამა ჰავიერის ხორხიდან ამოსულმა ხმამ მომთქვა:

— სადაც შენი საუნჯეა, შენი გულიც იქ იქნება. ეს იყო ფრაზა ბიბლიიდან. ხმა კი განაგრძობდა:

— ხოლო სადაც გულია, ქრისტეს მეორედ მოსვლის აკვანიც აქ იქნება. ვითარცა ეს ნიუარები, ლოცვადმავალიც მხოლოდ და მხოლოდ გარსია. ოდეს გარსი გაიხევა, რაც ცხოვრების ზედა ფენაა, თავად ცხოვრება გამომჩნდება, რაც აგაპესგან** შედგება.

როგორც კი მონაზონმა ხელები მოამორა, ნათება გაქრა. მერე ჩემი სახელი, მაგიდაზე რომ წიგნი იდო, იქ ჩაწერა. მთელ სანტიაგოს გზაზე ჩემი სახელი სამად სამჯერ დაინუსხა — მაღამ დებრილის წიგნში, მამა ჰავიერის წიგნში და — უკვე მერე — ძღვევამოსილების წიგნში ჩემივე ხელით.

— მორჩა და გათავდა, — ჩაილაპარაკა მონაზონმა. — გზა ხსნილი გაქვს. ყოვლადწმინდა ქალწულმა რონსევალელმა და წმინდა იაკობმა დაგლოცონ.

— სანტიაგოს გზა მთელ ესპანეთში ყვითლად არის აღნიშნული, — წართქვა მან, როცა ისევ იქ მივბრუნდით, სადაც პეტრუსი გველოდა. — უკეთუ გზა აგებნეთ, ამ ნიშნით დაუწყეთ ძებნა — ხეებზე, ქვებზე, გზის მარჯვენებლებზე, — გიწადმართებენ, სწორ გეზს გაპოვნინებენ.

— ეგ არ მაშინებს, კარგი ყოლაუზი მყავს.

— ეცადე, რომ უწინარესად საკუთარი თავის იმედი გქონდეს. მაშინ ალბათ აღარ მოგიწევს ექვსი დღე ზედიზედ პირენეებში ტრიალი.

ჩანს, პეტრუსს უკვე ეთქვა ჩემი დაუდევრობის ამბავი.

დავემშვიდობეთ ერთმანეთს, და ჩვენ ჩვენს გზას დავემწყემსეთ. რონსევალიდან რომ გამოვდიოდით, ნისლი უკვე მთლად გაიფანტა. თვალწინ ლარივით სწორი გზა გადაგვეჭიმა, და ყვითელ ნიშანთ დავუწყე ძებნა, რომელთა შესახებაც პადრე ჰავიერმა გაიხსენა. ტავარჯუხს დამძიმება შევატყვე — მართალია, პეტრუსმა დამიშალა, არ გინდაო, მაგრამ ტავერნაში ერთი ბოთლი ღვინო მაინც ვიყიდე. რონსევალის შემდეგ მთელი ჩვენი გზის სიგრძეზე კიდევ ბევრი ქალაქი უნ-

* იტალია — აგულიას ნეგრას (შავი ნემსები) მწვერვალის მეორე სახელწოდება (ბრაზილია).

** აგაპე — ანტიკური ცნებაა, მოყვასის სიყვარულს ნიშნავს. ბერძნულ ფილოსოფიაში განასხვავებდნენ „აგაპე“-ს ცნებას, როგორც მოყვასის საკეთილდღეოდ მიმართულ მოქმედ სიყვარულს, და „ეროს“-ის ცნებას, როგორც კმაყოფილების მომგვრელ ვნებიან სიყვარულს.

და შეგვხვდეს, თუმცა ჭერქვეშ ძილი თიოქმის აღარსად არ მომიწევს.

— პეტრუს, რატომ იყო, რომ პადრე პავიერი ქრისტეს მეორედ მოსვლაზე ისე ლაპარაკობდა, თითქოს ეს მოსვლა ახლა ხდებოდეს?

— ეგრეა, ეგრე. ეგ მუდამ ხდება. ამაშია შენი მახვილის საიდუმლოება.

— და კიდევ... მგონი, მოგვს შეგახვედრებო, პეტრუსო, მითხარი, სინამდვილეში კი მონაზონს შეეხვდი. რა აქვს საერთო კათოლიკურ ეკლესიასთან მაგიას?

პასუხად პეტრუსმა მხოლოდ ერთადერთი სიტყვა წარმოთქვა:

— ყველაფერი.

ს ი ს ა ს ტ ი კ ე

— აგერ აქ, ამ ადგილას გაიგმირა სიყვარული, — თქვა გლესმა ბერიკაცმა და თითი კლდის ძირას შეყუჟულ პატარა სალოცავისკენ გაიშვირა.

ხუთი დღე ზედიზედ მუხლი არ ჩაგვიხრია, გაჩერებით მხოლოდ იმის გულისთვის შევჩერდით, რათა ცოტა წაგვეხემსა და წაგვეძინა. პეტრუსი თავის ცხოვრებაზე ბევრს არას მიყვებოდა, უფრო მეტად ბრაზილიასა და ჩემს სამუშაოზე მეკითხებოდა. ხშირად მეუბნებოდა, რომ მოსწონდა ჩემი ქვეყანა, და კორკოვადოს მთაზე ხელებგაშლილი ქრისტე მაცხოვარი ბევრად უფრო ესათნობოდა, ვინემ ჯვარცმულად გამოსახული. პეტრუსი ყველაფრის მიმართ იჩენდა გულისყურს, მაგრამ მეტადრე ბრაზილიელ დიაკთ უტრიალებდა, ესპანელი ქალებით ლამაზები არიან თუ არაო, კითხულობდა ცნობისმოყვარეობაატანილი. სიცხე იმხანად მართლაც გაუსაძლისი დაიჭირა, და თითქმის სუყველა სახემს-სასაუზმესა და პატარა სოფელში, გზად სადაც კი ვჩერდებოდით, ხალხი ერთპირად გვალვას უჩიოდა. პაპანაქებისა გამო ესპანელებსავით ჩვენც სიესტის დაცვა დავიწყეთ და დღის ორი საათიდან ოთხამდე ვისვენებდით, როცა მზე ნამეტნავად აჭერდა.

იმ დღეს ზეთისხილის კორომს შევაფარეთ თავი, სადაც გლესმა ბერიკაცმა ღვინო მოგვართვა. ესპანელთ ჩვეულებად მოსდევთ ყოველგვარ ამინდში ღვინის სმა, ასე რომ ვერც გაგანია სიცხე უშლით ხელს — უკვე არა ერთი და ორი საუკუნეა, რაც ამ წესსა და რიგს უღალატოდ იცავენ.

— რა იგულისხმეთ, აქ სიყვარული გაიგმირაო, რომ თქვით? — დავეკითხე ბერიკაცს, რადგან მომეჩვენა, რომ ლაპარაკის საღერღელი ჰქონდა აშლილი.

— მრავალი საუკუნის წინათ სანტიაგოს გზით ერთი ლოცვად-მავალი პრინცესა, სახელ-გვარად ფელიცია აკვიტანელი, უკან რომ ბრუნდებოდა, უცაბედად ყველაფერს დაეუარა დედამიწის ზურგზე და

საცხოვრებლად აქ დარჩენა გადაწყვიტა. აქ სიყვარული გაიგვირა-მეთქი, რომ ვთქვი, ის იყო, იმაზე ვთქვი — მთელი თავისი სიმდიდრე უქონელთ დაურიგა, თავად კი უმწეოთა მოვლა-პატრონობას მიჰყო ხელი.

პეტრუსი თითქოს გულგრილად კი იქცეოდა, ბერიკაცს ციფრები უყურს არ უგდებდა, მაგრამ, თუთუნს მოსაწყევად რომ იმზადებდა, მთუაქან ვატყვე, რომ სმენად იყო ქცეული.

— და მაშინ პრინცესას მამამ თავისი ვაჟი, ჰერცოგი გილიერმო, გაგზავნა დის შინ წასაყვანად. ფელიციამ კი უარი სტკიცა, არ გამოგყვებო. რაკი დაყოლიების იმედი გადაეწურა, გაშმაგებულმა ჰერცოგმა ღვიძლი და პირდაპირ ემაგ ეკლესიაში გაგვირა, აქედან რომ მოჩანს. ეგ ეკლესია კი ფელიციამ თავისი ხელით ააგო, რათა ადგილი ჰქონოდა, სადაც უპოვართ უწამლებდა და ღმერთს ლოცვას აღუვლენდა.

როცა ჰერცოგი გონს მოეგო და მიხვდა, რაც ჩაიდინა, ადგა და მოსანანიებლად რომში წავიდა პაპთან. პაპმა საკანონოდ, ანუ ცოდვის შესანანებელ გადასახადად, იმავე სანტიაგოს გზით წმინდა ადგილთა მოლოცვა განუწესა. და სწორედ მაშინ მოხდა ფრიად საგულისყურო რამ: ჰერცოგი უკვე უკან რომ ბრუნდებოდა, ზუსტად ამ ადგილას ანაზღად იგივე დაემართა, რაც ერთხელ იმის დას მოუვიდა. აქედან ფეხი აღარ მოუცვლია, ფელიციას აშენებულ მაგ ეკლესიაში დარჩა და მთელი სიცოცხლე ღარიბ-ღატაკთ შეეწეოდა.

— ეგ ნაცვალგების კანონია, — გაიცინა პეტრუსმა.

ბერიკაცმა ჩემს ეტიკს ვერ გაუგო, მაგრამ მე მივხვდი, რისი თქმაც უნდოდა. გზადაგზა ჩვენ არაერთხელ მოგვსვლია თეოლოგიური კამათი ღვთისა და ადამიანის ურთიერთობაზე. ტრადიციაში მუდამ არის უფალთან კავშირი, თუმც სულაც არა უბრალო-მეთქი, ჩემსაზე ვიდექი ხოლმე. უფლისკენ მიმავალ გზას არცრა საერთო არა აქვს სანტიაგოს გზით იმ ლოცვადმავლობასთან, — თავის მღვდლებმოგვებიანად, ბოშებ-ემშაკებიანად და სასწაულმოქმედ წმინდანებიანად — რასაც ამჟამად ვასრულებთ-მეთქი, ვეუბნებოდი. მეჩვენებოდა, რომ ეს ყოველივე პრიმიტიული და ქრისტიანობასთან ძალიან მჭიდროდ დაკავშირებული იყო. გულს მაკლდა ის ხიბლი, ლაზათი და ალტყინება, ტრადიციის რიტუალთ რომ ახასიათებდა. პეტრუსი სულ იმის მტკიცებაში იყო, სანტიაგოს გზის მთავარი ღირსება სისადავეაო. ამ გზით სიარული სუყველას ფეხეწიფება, რამეთუ თავისი არსით გასაგებია სულაც არა დიდ სიბრძნეში გაწაფული ჩვეულებრივი ადამიანისთვის, და ამიტომაც მხოლოდ ასეთ გზას შეუძლია ჩვენი უფალთან მიყვანაო.

— ღმერთი შენცა გწამს და მეცა მწამს, — თქვა ერთხელ პეტრუსმა. — ასე რომ, ღმერთი ორივესთვის არსებობს, შენთვისაც და ჩემთვისაც. მაგრამ, თუკი ვისმე არა სწამს, ეს იმას სულაც არ ნიშნავს, რომ ღმერთმა არსებობა შეწყვიტა. ეს აგრეთვე არც იმას ნიშნავს, რომ ურწმუნო ადამიანი ცდება.

— ეგ როგორ? მაშ, აბა, ღვთის არსებობა ადამიანის სურვილსა და პირადულ ძალაზეა დამოკიდებული?

— ოდესღაც ერთი მეგობარი მყავდა, რომელიც სულ გადაბმულად სვამდა, გამოფხიზლება რა იყო, არ იცოდა, მაგრამ ყოველ საღამოს ძილის წინ სამჯერ უნდა წაეკითხა „ავე მარია“. დედამ ბავშვობიდან მიაჩვია ამ ამბავს. ის კი არა, გაღეშილიც რომ იყო და პირში ენა არა ჰქონდა, ძილის წინ აუცილებლად სამჯერ ეფხვებოდა ამ ლოცვას, თუმცა ღმერთი სულაც არა სწამდა. რომელიღაც რადიკალის ერთ-ერთ რიტუალს ვესწრებოდი და ძველთა სულს დავეკითხე, ჩემი მეგობარი ამჟამად სად არის-მეთქი. შენს მეგობარს არცრა უჭირს, ნათელშიაო, მიპასუხა სულმა. აი ხომ ხედავ, ურწმუნო კი იყო, მაგრამ ყოველდღე ლოცულობდა და ცხონდა.

ისტორიამდელ გამოქვაბულის ადამიანს ღმერთის ხილვა ბუნების ამა თუ იმ მოვლენაში შეეძლო — ჭექა-ქუხილში, ქარიშხალში, მიწისძვრაში. რაკი ღმერთის ხელი ბუნების მოვლენებში დაინახა, ადამიანმა ღმერთის ყოფნა მალე ცხოველებშიც შეამჩნია, მერე კი კორომნიც, ანუ ჯგუფად მდგარნი ხენიც, საღმრთოდ მიიჩნია, იქაც ქვეყნის დამდგენის ძალა დაიგულა. ძველ ისტორიაში ისეთი დროებანიც ყოფილა, როცა ღმერთის პოვნა მარტო კატაკომბებში შეიძლებოდა, თუმცა მაშინაც კი, უკეთუ სიყვარულის სახეს შეიძენდა, ღმერთი თავისი თავით ავსებდა ძეხორციელის გულს და არცროდის არ იღლებოდა ამ საქმიანობით.

ჩვენს დროში გადაწყვიტეს, რომ ღმერთი მარტოდენ კონცეფციაა, რომლის სამართლიანობის დამტკიცებაც სამეცნიერო მეთოდებით არის შესაძლებელი. თუმცადა, როგორც კი ამ წერტილს აღწევს, ისტორია უკან ტრიალდება და ყოველსავე თავიდან იწყებს. ასეთია ნაცვალგების კანონი. პადრე ჰავიერმა იესოს სიტყვები რომ მოივარგა, სადაც ჩვენი საუნჯეა, ჩვენი გულიც იქ არისო, დიახაც სიყვარულისა და კეთილ საქმეთა მნიშვნელობის უსაკუთრესად აღნიშვნა ეწადა. უფლის სახეს იქ მოიხილავ, სადაც იმის ხილვა გსურს. და რომც ვერ მოიხილო, მნიშვნელობა არა აქვს — ოღონდაც ამ დროს კეთილს რასმე საქმეს უნდა ასხამდე ხორცს. ფელიცია აკვიტანელმა ეს ეკლესია რომ ააგო და უპოვართ ხელი აღუპყრო, მან ვატიკანელი ღმერთი იგულმა-ვიწყა და ქვეყნის დამდგენის ძალა სრულიად მარტივად და ყოვლის უფრო ბრძნული ხერხით — სიყვარულით გამოავლინა. ასე რომ ბერიკაცი სავსებით მართალი იყო, როცა ამბობდა, აქ სიყვარული გაიპყრება.

ბერიკაცი ამასობაში თავს ძალიან უხერხულად გრძნობდა, რადგან ჩვენი საუბრის არც ერთი სიტყვა არ ესმოდა.

— შურისგებისა თუ სამაგიეროს კანონმა თავისი ქნა, როცა ფელიციას ძმამ იმ კეთილ საქმეთა განგრძობის აუცილებლობა იგრძნო, რომელი საქმენიც თავად შეწყვიტა. ყოველივე ნებადართულია და შეიძლება, გარდა ერთისა: არამც და არამც არ ეგების სიყვარულის გამოვლინების შეწყვეტა. თუკი ეს მაინც მოხდა, ვინც ავად ჩარია სიყვარულში ხელი, აღორძინებითაც იმანვე უნდა აღორძინოს.

ჩემს ქვეყანაში სამაგიეროს მიზღვის კანონი იმ აზრით ესმით-მეთქი, ავუხსენი, რომ აწინდელ ცხოვრებაში ვინც შეჭირვებულია და

იტანჯება, წინარე ცხოვრების შეცდომებისთვის აგებს პასუხს და ამგვარად ისჯება-მეთქი.

— ეგ სისულელეა! — მომიგო პეტრუსმა. — ღმერთმა შურისგება არ იცის. ღმერთი სიყვარულია. ერთადერთ სასჯელად ის მხოლოდ იმას იყენებს, რომ სიყვარულს ვინც ნირს უცვლის, თავადვე აუღწიო რძინებინებს.

მაშინ ბერიკაცმა, უკაცრავად ვარ, მაგრამ წავალ, ჩემს საქმეს მივხედავო, თქვა. ჩიტს აფრენა უნდოდა, ხელის აქნევას უცდიდაო, პეტრუსსაც ისე დაემართა ბერიკაცის ნათქვამზე. იმის წასვლა იყო, და ჩვენც ჩვენს გზას ბარაქა დავაყარეთ.

— სიტყვების ფუჭი სარჯვაა, — წარმოთქვა პეტრუსმა, ზეთისხილის კორომს რომ მივუყვებოდით. — ღმერთი ჩვენ გარშემო ყველაფერშია. ის უნდა იგრძნო ან განიცადო. სულ ტყუილად ვეცადი. რომ ეს რაც შეიძლება მალე გამეგებინებინა შენთვის. ვერც ლოგიკურმა მსჯელობამ მიშველა. განაგრძე სავარჯიშო — „სიჩქარე“, ივარჯიშე და დღითი დღე სულ უფრო ცხადად იგრძნობ შენ გვერდით ყოვლადძლიერის ყოფნას.

ორ დღეში შენდობის წვერად წოდებულ მთას ზედ მოვექეცი. ასვლას რამდენიმე საათს მოვუნდით, ხოლო ზემოთ რომ აღმოვჩნდით, მთვრალი ტურისტების დანახვამ შემაცბუნა — მზეზე ირუჯებოდნენ და ლუდსა სვამდნენ. სუყველა მანქანაში რადიო ბოლომდე ამოეწიათ, ყურთასმენა აღარ იყო. მთის წვერზე თურმე სხვა მოკლე გზაც ამოდიოდა, და ისინი იმ გზით ამოსულიყვნენ.

— აგრეა ახლა ყველგან, — დაასკვნა პეტრუსმა. — შენ კი, ალბათ, ფიქრობდი, რომ აქ სიდის რომელსამე რაინდს მოიხილავდი, მაგრამა გზა-კვალის მოდარილეს.

დაშვებისას უკანასკნელად შევასრულე სავარჯიშო — „სიჩქარე“. თვალწინ კიდევ ერთი ტრიალი ტაშირი გადაგვეშალა, ცისფერი მთებით შემოქობილი, სადაც მარტო გვალვისგან დახრუკული იშვიათი მცენარეულობა ჩანდა. ხის ჭაჭანება არ იყო, ხირხატი ნიადაგი აქაიქ ნარ-ეკალს დაეფარა. სავარჯიშოს შემდეგ პეტრუსმა რალაცა მკითხა ჩემს სამუშაოზე, რომელიც უკვე კარგა ხნის გადავიწყებული მქონდა. შუა გზაში მიტოვებული ჩემი საქმეებისა გამო თითქმის აღარც ვღელავდი. მხოლოდ საღამოობით თუ შემახსენებდა ხოლმე თავს საფიქრალი და ისიც უკვე უმნიშვნელო მეჩვენებოდა. მომწონდა, რომ აქ ვიყავი და სანტიაგოს გზას მივუყვებოდი.

ჩემი გრძნობები პეტრუსს რომ გავუზიარე, გამეხუმრა, ემანდ ფელიცია აკვიტანელის ამბავი არ დაგემართოსო.

მერე დაფერხდა და, ტავარჯუხი ძირს დადგო, მთხოვა.

— გარშემო მიმოიხედე და მარჯვე რამ ორიენტირი მოინიშნე, — მითხრა მან.

კარგა შორს ეკლესია რომ ჩანდა, იმის თავზე აღმართული ჯვარი შევარჩიე.

— თვალი არ მოსწყვიტო, ისე იცქირე იქით, მთელი გულსყუ-
რი კი ჩემს სიტყვებზე გადაიტანე. თუნდაც სხვა რამ გრძნობაც გაგი-
ჩნდეს, ყურადღებას ნუ მიაქცევ. რასაც მე გეტყვი, მარტო ისა ქენი.

მოშვებული, მოდუნებული ვიდექი და ჯვარს თვალს არ ვაშორე-
ბდი, პეტრუსი კი ზურგიდან წამომადგა, კეფასა და კისერს/შუა წერ-
ტილი მიპოვნა და თითი დამაჭირა.

— გზა, რომელსაც შენ მიჰყვები, ძლიერებს ^{ერქმუნული} ~~სიგზნა~~ და ~~ქმნის~~ ძლიერდ
იმ სავარჯიშოებს გაგაცნობ, რომელთაც ურთიერთდამოკიდებულება
აქვთ შავ ძლიერებასთან. ამჟამინდელი ჩვენი მოგზაურობა თავდაპირ-
ველად წამებად იმიტომ გეჩვენა, რაკი მიზნის რაც შეიძლება მალე მი-
ღწევა ოცნებად გქონდა გადაქცეული, ახლა კი უკვე გამყოფილებას გა-
ნიჭებს. აწ ძიების სიხარულსაც განიცდი და თავგადასავლებითაც ტკბე-
ბი. თანაც გზადაგზა შენს თავში რაღაც მნიშვნელოვანს აღივებ — შენს
საკუთარ ოცნებებს აჯეჯილებ.

ოცნებას არცროდის არ უნდა დაეუარო! ოცნებები ისევე კვებავენ
ჩვენს სულს, როგორც რომ საზრდო კვებავს სხეულს. ცხოვრებაში რა-
მდენჯერაც არ უნდა წავიმტვრიოთ კისერი და რამდენჯერაც არ უნდა
გაგვიცრუდეს იმედი, მაინც უნდა ჯიუტად ვიოცნებოთ. თუ ეს არ გვი-
ხერხდება, მაშინ გულგრილობა გვიპყრობს და ავაპე ველარ დაისადგუ-
რებს ჩვენს სულში. ამ მიზნდვრებზე, ახლა ჩვენ თვალწინ რომ გაშლი-
ლან, ბევრი სისხლია დაღვრილი. აქ ესპანელთ არა ერთი და ორი სას-
ტიკი ბრძოლა გაუმართავთ მავრთა წინააღმდეგ. ვინ იყო მართალი,
ვის მხარეზე იყო სამართლიანობა, ამას უკვე მნიშვნელობა აღარა აქვს
— მთავარია იმის გაგება, რომ ორივე მტრული მხარე **სამართლიან**
ობს ეწეოდა.

სამართლიან ომს ჩვენი ოცნებების გულსთვის ვეწევი. როცა
საგმირო საქმეთა დროებაში — მოხეტიალე რაინდთა ჟამს — ეს უბ-
რალო ამბავი იყო. ჯერ კიდევ ბევრი იპოვებოდა დასაპყრობი მიწა, გა-
საქანი ჰქონდა ღვაწლსა და გმირობას. მაგრამ დღეს, როცა აგრერიგად
შეიცვალა ცისქვეშეთი, ეს **სამართლიანი ომი** ბრძოლის ველებზე კი
არა, ჩვენს სულეებშია.

სამართლიან ომს ჩვენი ოცნებების გულსთვის ვეწევი. როცა
როგორც იტყვიან, ახალუხლები ვართ და ჩვენი ნანატრ-ნაწადის ხორ-
ცის შესხმას ვიწყებთ. გაბედულება, იცოცხლე, არ გვაკლია, მაგრამ აზ-
რიანად ბრძოლა არ ვიცით. მერე, მოგვიანებით, რის ყოფით ნელ-ნელა
ვსწავლობთ ბრძოლის ხელოვნებას, ოღონდ იმ დროისთვის შემართე-
ბასა და სითამამეს ვკარგავთ, რაც ბრძოლისთვის ფრიად აუცილებელია.
ამიტომ საკუთარ თავს ვუპირისპირდებით და საკუთარი თავის წინა-
აღმდეგ ვიწყებთ ბრძოლას. საკუთარი თავის მტრები ვხდებით. და ვამ-
ტკიცებთ, ვითომ ის ჩვენი ბავშვური ოცნებები სისულელე იყო, რომე-
ლთა ცხოვრებაში განხორციელებაც შეუძლებელია, ანდა ვითომ ყოვე-
ლგვარ ოცნებას გამოუცდელობა და ცხოვრების უცოდნელობა აჩენს.
რაღა ბევრი გავაგრძელო, ვდგავართ და უმოწყალოდ ვხოცავთ ჩვენს
ოცნებებს, რადგან **სამართლიან ომში** ჩართვა გვეშინია.

პეტრუსმა თითი უფრო მაგრად დამაჭირა. მაშინ შევნიშნე, რომ ეკლესიის თავზე აღმართულმა ჯვარმა მოხაზულობა შეიცვალა და ფრთაშესხმულ ძეხორციელად გადაიქცა. ანგელოზად. წამერთ-თვალეები დავახამხამე, და ჯვარი ისევ ჯვარი გახდა.

— პირველი ნიშანი იმისა, რომ საკუთარი ოცნების კვლევით წყნად, — განაგრძობდა პეტრუსი, — ის არის როცა უცაბეოდ აღმოჩნდება ვაჩენთ, რომ დრო არა გვყოფნის. ყველაზე უფრო დატვირთულ და მოუცლელ ადამიანთ, რომელთაც ვიცნობდი, ყოველთვის ჰყოფნიდათ დრო თავიანთი უამრავი საქმის თავდასადგმელად. ისინი კი, ვინც სულ ცუდობაშია, თავს მუდამ დაღლილად გრძნობენ, ჩხირიც რომ გადააბრუნონ, დღე ნამეტანი მოკლეაო, ჩივიან. სინამდვილეში კი უბრალოდ სამართლიან ომში ჩაბმა აშინებთ.

მეორე ნიშანი იმისა, რომ ოცნება გველუპება, გამოცდილების შექენაა. ამ დროს ცხოვრებას ერთ დიდ თავგადასავლად აღარ აღვიქვამთ და ის აზრი გვიჩნდება, რომ ძალიანაც ბრძნულად, სამართლიანად და სწორად მოვიქცევით, თუკი ცხოვრებისგან მეტიმეტად ბევრს არ მოვიტხოვთ. როცა ჩვენი ყოველდღიური არსებობის კედლიდან გარეთ თავის გამოყოფას ვცდილობთ, ჩვენამდე მტვრისა და ოფლის სუნი აღწევს, ვხედავთ მეომართა მწყურვალ მხერას, გვესმის შუბ-ოროლთა ლეწვის ხმა, შევიგრძნობთ დამარცხების სიმწარეს. მაგრამ ვერა და ვერ გაგვიგია ის დიდი სიხარული, რომელიც პირთამდე უვსებს გულს სუყველას, ვინც იბრძვის, რამეთუ იმ მებრძოლთათვის მნიშვნელობა არა აქვს არც გამარჯვებას და არც დამარცხებას — მნიშვნელობა მხოლოდ იმასა აქვს, რომ ისინი **სამართლიან ომს** ეწევიან.

დაბოლოს, დაკარგული ოცნების მესამე ნიშანია, დამშვიდება. ცხოვრება კვირა საღამოს ემსგავსება: ცხოვრებისგან ბევრს არცრასლა ვითხოვთ, მაგრამ შეწირვითაც თითქმის არცრასა ვწირავთ. თავი უკვე მოზრდილად მიგვაჩნია, მოწიფულად, და ჩვენი ფიქრით, ბოლოს და ბოლოს დამთავრდა ბავშვური ოცნებობანას და ყმაწვილკაცური ოცობობობის ხანა, და მხოლოდ და მხოლოდ იმას ვესწრაფვით, როგორც იტყვიან, რამენაირად წარვემატოთ სამუშაოსა და პირად ცხოვრებაში, და ჩვენს გაკვირვებას საზღვარი არა აქვს, როცა ჩვენი ტოლები უცებ აცხადებენ, რომ ცხოვრებისგან კიდევ რალაცა უნდათ. სულის სიღრმეში, რა თქმა უნდა, ნამდვილად ვხვდებით, რაც ჩვენს თავს ხდება, და ისიც ვიცით: იმიტომ ხდება, რა არი უარი ვთქვათ ჩვენი ოცნებისათვის ბრძოლაზე — უარი ვთქვათ **სამართლიან ომში** ჩაბმაზე.

სამრეკლოს მოხაზულობა თუ მოყვანილობა კვლავ და კვლავ იცვლებოდა, ახლა იმის მაგივრად ფრთებგაშლილ ანგელოზსა ვხედავდი. თვალებს სამუშ-სამუშ ვახამხამებდი, მაგრამ ანგელოზი არა ქრებოდა. ძალიან მინდოდა, რომ პეტრუსთან ერთად შემსჯელა იმაზე, რასაც ვხედავდი, მაგრამ სათქმელის დამთავრება ვაცალე.

— როცა ოცნებაზე ხელს ვიღებთ და სიმშვიდეში ვივანებთ, — განაგრძო ცოტა ხნის შემდეგ პეტრუსმა, — წყნარი ცხოვრების მოკლე უამი გვიდგება. მაგრამ მერე ერთიანად დახოცილი ოცნებები ლპობასა და ხრწნას იწყებენ, მთელ არსებობას გვიშხამავენ და გვიწამლავენ, თა-

ვდაპირველად ჯერ ახლობლების მიმართ ვსდებით სასტიკნი, შემდეგ კი საკუთარი თავის მიმართაც. დიასაც მაშინ უჩნდებათ ადამიანთ ათასგვარი სულიერი და ხორციელი სატკივარი. ჩვენს სილაჩრეს სწორედ იმ ამბავთან მივყავართ, რასაც ვერიდებოდით, როცა ბრძოლაზე ხელს ვიღებდით, — გულგატეხილობასთან და მარცხთან მივყავართ. ხოლო შემდგომ, ერთ მშვენიერ დღეს, დამპალ ოცნებათა სიმყრასთან დაპირაუტანელი ხდება, სულს გვიხუთავს და სიკვდილს გვანატრებინებს, სიკვდილს, რომელიც ერთხელ და სამუდამოდ გვიხსნის ჩვენი თავდაჯერებულობისაგან, ჩვენი საქმეებისაგან და კვირა საღამოების მომაკვდინებელი სიმშვიდისაგან.

აწ დარწმუნებული ვიყავი, რომ ნამდვილად ვხედავდი ანგელოზს, და ყური ველარ მივაღვენე, რასაც პეტრუსი ამბობდა. მან, ჩანს, იგრძნო ეს ჩემი უგულისყურობა, რამეთუ კეფიდან თითი ამაღლო და დადუმიდა. მოჩვენებამ კიდევ რამდენიმე ხანს გასტანა და გაქრა. იმის ადგილას კვლავ სამრეკლო გაჩნდა.

მცირე ხანს ორივენი ვდუმდით. პეტრუსმა თუთუნი დაგრიხა და გააბოლა. მე ხალთაგუდიდან ღვინიანი ბოთლი ამოვიღე და მოვიყუდე. ღვინო თბილი იყო, თუმცა თავისი გემო არ დაჰკარგოდა.

— რა მოიხილე? — მკითხა პეტრუსმა.

ანგელოზის ამბავი ვუთხარი. თანაც დავუზუსტე, როგორც კი თვალებს დავახამხამებდი ხოლმე, მოჩვენება უმაღლ ქრებოდა-მეთქი.

— შენც უნდა ისწავლო **სამართლიანი ომი**. ცხოვრების ასავალდასავალი უკვე არ გეშლება, თუ აგტეხა, იცი, როგორც უნდა მოიქცე, არცრა გამოწვევასაც არ გაექცევი, ფათერაკებისთვისაც მზადა ხარ, ოღონდ ზებუნებრივის აღიარება ჯერ კიდევ არა გწადს.

პეტრუსმა თავისი ტავარჯუხნიდან წვრილმანი რალაც ამოიღო და გამომიწოდა. ოქროს ქინძისთავი იყო!

— ეს ბებიაჩემის ნაჩუქარია. RAM ორდენში სუყველა ბრძენკაცს ჰქონდა მსგავსი წვრილმანი რამ. ამას „სისასტიკის წვერი“ ჰქვია. მპილზე პირველად რომ მოიხილე ანგელოზი, თვალებს არ უჯერებდი, ვინაიდან ის ისეთი რამ იყო, რასაც მიჩვეული არა ხარ. ცამყარის შენეულ სურათში ეკლესია ეკლესიაა, მოჩვენებანი კი მხოლოდ იმის შემდეგ ჩნდებიან, ტრადიციის წეს-ჩვეულებანი რომ აღგავზნებენ.

არა, ეგრე არ არის-მეთქი, სიტყვა გავუტრიზავე, ჩემი მოჩვენება იქნებ სულაც იმან გამოიწვია, რაკი კეფასა და კისერს შუა განსაზღვრულ წერტილში თითს მაჭერდი-მეთქი.

— სწორი ხარ, მაგრამ ეგ არაფერს არ ცვლის. ფაქტი ის არის, რომ შენ უარყავი მოჩვენება. ფელიცია აკვიტინელსაც, ალბათ, მსგავსი რამ მოეჩვენა, და მთელი თავისი სიცოცხლე იმას შესწირა. რასაც ის სჩადიოდა, საბოლოოდ ყოველივე სიყვარულის მოქმედება იყო. იგივე მოსდის სუყოველ ადამიანს დღენიადაგ: ჩვენ მუდამ ვიცით, რომელია ყოვლის უფრო უკეთესი გზა, მაგრამ ყველაზე ჩვეულს მივდევთ.

პეტრუსმა გზა განაგრძო, და მეც უკან ავედევნე. ოქროს ქინძისთავი, რომელიც ხელში მეჭირა, მზის სხივებზე ელავდა.

— ჩვენი ოცნების გადარჩენის ერთადერთი ხერხი საკუთარი თავის მიმართ სულგრძელობის გამოჩენაა. თვითგვემის სულ მცირე ცდაც კი უცილობლად უნდა ჩავახშოთ! და რათა ვიგრძნოთ, რა სასტიკი ვართ საკუთარი თავის მიმართ, სულიერი ტანჯვა-წამების განცდის სუყოველი ცდა — სულერთია, რამე დანაშაულით იქნება გამოჩვენდეს სულიერი ტანჯვა-წამება, სირცხვილით, გაუბედაობით, ბნელ სიწყინარით — ფიზიკურ ტკივილად უნდა ვაქციოთ. სულიერი ტკივილის ფიზიკურ ტკივილად გადაქცევისას იმის ცხადად დანახვის შესაძლებლობა გვეძლევა, თუ რარიგ გვვინებს და გვაზნევს სულიერი ტკივილი. და პეტრუსმა სისასტიკის სავარჯიშო შემასწავლა.

„სისასტიკის“ სავარჯიშო

ყოველთვის, როგორც კი თავში ისეთი რამ მოგივა, რაც საკუთარ თავზე ცუდს გაფიქრებინებს, — გინდ ეჭვიანობა იყოს, გინდ საკუთარი თავის სიბრაღული, შური, ანუ მწუხარება სხვისა კეთილსა ზედა, სიძულვილი და ასე შემდეგ, — ადექი და:

სალოკი თითის ფრჩხილი ცერის ძირა ნუნაში შეისე და მანამ აჭირე, სანამ ძლიერ ტკივილს არ იგრძნობ. მთელი გულისყური იმ ტკივილზე გადაიტანე: ის შენი სულიერი ტანჯვა-წამებს შესატყვისი იქნება. სავარჯიშოს შესრულება მხოლოდ მაშინ შეწყვიტე, როცა ავი აზრები შეგეშვებიან.

ეს იმდენჯერ გაიმეორე, რამდენჯერაც აუცილებელი განდება, სანამ მსგავსი აზრები თავს არ დაგანებებენ (თუნდაც ამისათვის კვლავ და კვლავ მოგიხდეს ფრჩხილის მთელი ძალით დაჭერა). დროთა განმავლობაში მტანჯველი აზრები სულ უფრო იშვიათად შეგაწუხებენ და ბოლოს და ბოლოს მთლად გაქრებიან, მაგრამ ვიდრე არ გამქრალან, სავარჯიშო უეჭველად უნდა შეასრულო, როგორც კი საჭიროებას იგრძნობ.

— ძველად ამისთვის ოქროს ქინძისთავს იყენებდნენ, — თქვა მან. — ჩვენს დროში კი ყველაფერი შეიცვალა, წუსტად ისევე, როგორც სანტიაგოს გზის გარემო პეიზაჟი.

პეტრუსი მართალი იყო. ახლა, როცა მთებიდან დავეშვით, ზემოდან რაც ვაკიანად ჩანდა, ღადირი, ანუ გორაკთა წარზიდული სერი გამოდგა, პირდაპირ ჩვენ ცხვირწინ აღმართული.

— გაიხსენე, როდის იყავი დღეს შენი თავის მიმართ სასტიკი, და შეუდექი ამ ვარჯიშს.

ვცადე გახსენება, მაგრამ ვერცრა წამომავონდა.

— მუდამ ეგრეა. სწორედ მაშინ ვხდებით კეთილნი საკუთარი თავის მიმართ, როცა სიმკაცრეა საჭირო.

უცებ გამახსენდა, როგორ მოვინათლე თავი ჩერჩეტად, როცა დავინახე, რომ ის მანძილი, რომელიც მე რის ვაივაგლანით ავიარე შენდობის წვერამდე, ტურისტებს მანქანებით არხეინად დაქვევდნენ. და გულისხმას ჩავხვდი, მოვსაზრე, რომ უსამართლოდ დაქვევდნენ მოვექეცი ჩემს თავს: ტურისტები ხომ უბრალოდ გასართობად და მზის მოსაკიდებლად ეძებდნენ ადგილს, მე კი ჩემს მახვილს დავეძებდი. რასაკვირველია, იმწუთას მართლაც ჩერჩეტად ვიგრძენი თავი, მაგრამ სინამდვილეში სულაც არ ვიყავი შტერი და ჩერჩეტი. ფრჩხილი ძალდაძალ შევასე ცერის ძირა ნუნას, და მწვავე ტკივილი ვიგრძენი. იმისდა მიხედვით, რარიგადაც გულისყური გადამქონდა ტკივილზე, შესაბამისად თანდათან ის შეგრძნებაც მინელდებოდა, რომ ჩერჩეტი ვიყავი.

პეტრუსს წვლილად, დოსტოვრივ ჩავუწიგნე ეს ჩემი ამბავი, მან პასუხად გაიცინა, მაგრამ სიტყვა არ დაუძრავს.

იმ საღამოს ფრიად მოხერხებულ სასტუმროში გავჩერდით ერთ პატარა სოფელში, სადაც ის ეკლესია იდგა, რომლის სამრეკლოც შორიდან დავინახე. ნავახშმევს, საჭმელს უფრო კარგად მოვინელებთო, სოფლის შუკა-შუკა გასეირნება გადავწყვიტეთ.

— საკუთარი თავის ვნების პრავალ ხერხს შორის ყველაზე მტკივნეული ის არის, სიყვარულს რაც უხება. რატომღაც მუდამ გვაწვალებს ის ამბავი, თუ ვისმე არ ვუყვარვართ, ანდა თუ ვინმემ მიგვატოვა, ან, პირიქით, თუ ვინმე გადაგვეკიდა და თავს არ გვანებებს. თუ მარტონი ვრჩებით, ახლა სიმარტოვე გვაწვალებს და გვტანჯავს, თუ ვქორწინდებით, ცოლქმრობას უმალ მონობად ვაქცევთ. საშინელებაა, საშინელება! — ბრაზიანად წარმოთქვა პეტრუსმა.

მალე იმ მოედნამდე მივედით, სადაც ის ეკლესია იდგა, რომელიც გზიდან თვალში მომხვდა. პატარა ეკლესია იყო, უბრალოდ ნაგები, არავითარი ხუროთმოძღვრული ზედმეტობის ნიშანწყალი არ ეტყობოდა. სამრეკლოს შილი თითქოს ცას მიბჯენოდა. იქნებ ანგელოზი კიდევ დავინახო-მეთქი, თვალი გავაფაციცე, მაგრამ არაფერი არ გამომივიდა.

პეტრუსი ჯვარს უმზერდა, და მომეჩვენა — ეგ ნამდვილად ხედავს-მეთქი ანგელოზს, მერე უცებ ხმა ამოიღო, და მივხვდი, რომ ვცდებოდი.

— ოდეს ძე ღვთისა დედამიწაზე ჩამოვიდა, თან სიყვარული მოგვიტანა. მაგრამ ადამიანთ სიყვარული უმსხვერპლოდ და უტანჯველად არ ესმით, და ამიტომაც მალე ჯვარს აცვეს იესო. სხვაგვარად არცვის ირწმუნებდა იმ სიყვარულს, ქრისტემ თან რომ მოგვიტანა, რამეთუ ადამიანები მიჩვეულნი არიან ტანჯვას თავიანთი ყოველდღიური ვნებებისა გამო.

ქვის ყორეზე ჩამოვსხედით და თვალი ეკლესიისკენ გავვექცა. პეტრუსმა კვლავ დაარღვია დუმილი.

— პაულო, იცი, რას ნიშნავს სიტყვა „ბარაბა“? ბარ ძეს ნიშნავს, ხოლო აბა — მამას.

პეტრუსი გამტერებული უცქეროდა სამრეკლოს წვერზე აღმართულ ჯვარს. თვალები უბრწყინავდნენ, და ვიგრძენი: რალაციით იყო აღფრთოვანებული. ეგების, თუმცა მთლად დარწმუნებული არ ვიყავი, იმ სიყვარულით, რომლის გამოც ამდენს მიაბზობდა.

— განგებულება ღვთაებრივი დიდებისა ეგზომ ბრძნული იყო! — წარმოთქვა მან, და უკაცრიელი მოედანიც დაბგერდა, თითქოს დაფიქსირებინებოდა. — როდესაც პონტოელმა პილატემ ხალხს არჩევნისას მიახლოებდა შესთავაზა, მან სინამდვილეში არცრა არჩევანი არ დაუტოვა სამსჯავროზე თავშეყრილთ. მან ხალხის წინაშე ორნი გამოიყვანა: ერთი გამოლტილი იყო და ძლივს იდგა ფეხზე, ხოლო მეორე, ბარაბა, როგორც ავაზაკს შეეფერება, ყინჩად თავაწეული გაჯგიმულიყო. ღმერთმა უწყოდა, რომ ხალხი სუსტის სიკვდილს ირჩევდა, რათა ზეციერს ამგვარად დაემტკიცებინა თავისი სიყვარული.

— მაგრამ, იმისდა მიუხედავად, ხალხი ვის აირჩევდა, სულერთია, ჯვარზე მაინც ძე ღვთისა უნდა გაეკრათ, — აგრე გაასრულა თავისი სათქმელი პეტრუსმა.

მაცნე-მაუწყებელი

— აქ მებოძირია, სად სანტიაგოს მიმავალი გზანი თავს იყრიან მრავლად.

პუენტე-დე-ლა-რეინას დილის კისკასზედ მივადექით — ქალაქის ეს სახელწოდება იმ ალაღმის ცოკოლზე, ანუ ზეძირკველზე იყო ამოჭრეთილი, რომელიც შუა საუკუნეების დროინდელ სამოსელში გამოწყობილ ლოცვადმავალს — პილიგრიმს წარმოსახავდა: თავზე სამკუთხა ქუდი ეხურა, მხრებზე კაპიუშონიანი ლაბადა ესხა, კალთებში ნიჟარებჩაკერებული, ხელთ არგანი ეპყრა. ეს ძეგლი იმ უდიდესი, ოლონდ აწთითქმის დაფიწყებული ლოცვადმავლობის პატივისცემის ნიშნად იყო დადგმული, მე და პეტრუსი ერთად რომ ვალორძინებდით.

წინა ღამე ერთ-ერთ მონასტერში გავატარეთ, რომლისნაირიც ბევრი დგას მთელი გზის გასწვრივ. მნათემ, პირმლიმარობით მოგვიკითხა თუ არა, გაგვაფრთხილა, სააბატოში დუმილის აღთქმას ვიცავთო. ერთმა ახალგაზრდა ტაბლისმიმგებელმა, ანუ მასპინძელმა ბერმა ცალ-ცალკე სენაკები მიგვიჩინა, სადაც მხოლოდ ის ნივთები მოიძვეებოდა, რაც აუცილებლად საჭიროა: კაბიჩა, ანუ ერთგვარი ხის საწოლი, ძველი, მაგრამ გაქათქათებული ზეწრებით გაწყობილი, წყლიანი ტაკუკი, ანუ სურა, და პატარა ტაშტი, ხელ-პირის დასაბანად. არც არავითარი წყალსადენის ონკანი იქ არ იყო და არც არავითარი ცხელი წყალი, გარედან კარზე სამონასტრო ტრაპეზის განრივი ეკიდა.

დათქმულ დროს სატრაპეზოში ჩავედით. დუმილის აღთქმისა გამო მონაზვნები ერთმანეთში მხოლოდ და მხოლოდ მზერის წყალობით

ურთიერთობდნენ, და მომეჩვენა, რომ თვალები სუყველას უფრო მეტად უბრწყინავდათ, ვიდრე ჩვეულებრივ ადამიანთ. ვიწრო ტაბლებზე უკვე დაელაგებინათ საზრდელი. ჩვენ მიხაკისფერსამოსიანი მონაზონთა გვერდით დავსხედით. პეტრუსი მოპირდაპირედ დაგვიხსულ ტაბლასთან მოხვდა და იქიდან მანიშნა თავისი გასაჭირი, და უმაღლ მივხვდი, რისი გაგებინებაც სურდა: კვდებოდა, ისე უნდოდა მკურნალობა, რომ გორც ჩანდა, დილამდე ვერას გახდებოდა. იგივე მელოდა მეც, და მთელი ძალით კარგა ღრმად შევირჭე სალოკის ფრჩხილი ცერის ძირა ნუნაში. არ მიხდოდა, რომ ეგზომ ამალღებული გარემოება საკუთარი თავის მიმართ სისასტიკის გამოვლენით ჩამეშხამებინა.

ვახშმად ბოსტნეულის შეჭამანდი, თევზი, პური და ღვინო მიიღეს. პურის გატეხამდე ლოცვა აღავლინეს, და ჩვენც შევუერთდით, მონაზონთა კვალდაკვალ ვიმეორებდით სიტყვებს. მერე, სანამ ჩვენ ვტაბლობდით, ანუ ვჭამდით, ერთ-ერთი მონაზონი კორინთელთა მიმართ წმ. პავლეს წერილს კითხულობდა:

— არამედ სოფლის უმეცარნი ამოარჩია ღმერთმა, რათა შეერცხვინა ბრძენკაცნი, და სოფლის უძლურნი ამოარჩია ღმერთმა, რათა შეერცხვინა ძლიერნი, — მაღლად სუსტი ხმით წარმოთქვამდა მონაზონი. — ჩვენ უგუნურნი ვართ ქრისტეს გულისთვის... და გავხდით განახვეტი სოფლისა, ყველაფრის ნაგავი დღესაქომამდე... რადგან ღვთის სასუფეველი არის არა სიტყვაში, არამედ ძალაში.

წმ. პავლეს შეგონებანი მთელი ვახშმის მანძილზე გაისმოდა და სატრაპეზოს შიშველი კედლები თითქოს ბანს აძლივდნენ.

პუნტე-დე-ლა-რეინაში რომ შევდიოდით, მე და პეტრუსი სწორედ ბერებთან გატარებულ წინა დამეზე ვმსჯელობდით. ვაღიარე, რომ მაღულად გავაბოლე ჩემს სენაკში და შიშს ვყავდი ატანილი, ემანდ მონასტრის ბინადართაგან ვინმემ სიგარეტის ბოლის სუნი არ იკრას-მეთქი. პეტრუსმა მხოლოდ გაიცინა — და ვეჭვობ, რომ ისიც ჩემსავით მოიქცა თავის სენაკში განმხოლოებული.

— წმ. იოანე ნათლისმცემელი უდაბნოში განმარტოვდა, ხოლო ქრისტე ცოდვილთა შორის ქადაგებდა და მთელი ცხოვრება ხიზნობდა. — წამოიწყო პეტრუსმა. — მეც ეს გზა მგონია უპირატესი.

და მართლაც, უდაბნოში გატარებული დროის გარდა, იესო მუდამ ხალხში ტრიალებდა.

— იმისი პირველი სასწაული ვიღაცის სულის ცხოვრება, სნეულთა განკურნება და ეშმაკის განკვეთა კი არ ყოფილა, არამედ წყლის თავანკარა ღვინოდ გადაქცევა იყო, რაც იმ უბრალო მიზეზისა გამო მოახდინა, რომ მასპინძელთ ღვინო შემთაკლდათ.

ამის თქმა იყო და პეტრუსი ეგრევე შედგა. ეს იმდენად მოულოდნელი იყო, შევცბი, და ადგილზევე გავშეშდი. ხიდის ყურთან ვიდექით, რომელ ხიდსაც თავისი სახელი დაენათლებინა მთელი დაბა-ქალაქისათვის. პეტრუსი წინ გზას არ უყურებდა, მდინარის პირას ორი პატარა ბიჭი ბურთს რომ აგორებდა, იმათ არ აცილებდა მხერას. ბიჭები რვა-ათი წლისანი იქნებოდნენ, ეტყობოდათ, რომ ვერც გვამჩნევდნენ. ხიდ-

ზე ასვლის მაგივრად პეტრუსი რატომღაც ნაპირისკენ დაეშვა და ბიჭებთან მივიდა. მე, როგორც ყოველთვის, ახლაც უკან ავედევნე, ხმაამოულეებლად მივყვებოდი, არცრა მიკითხავს.

ბიჭები კვლავინდებურად ყურადღებას არ გვაქცევდნენ, პეტრუსი ძირს დაჯდა და იმათ თამაშს დაუწყო ყურება, ხოლო ბურთი ჩვენ ახლო რომ დაეცა, დაავლო ხელი და მე გადმომიგდო.

ბურთი ჰაერშივე დავიჭირე და, აბა, რა მოხდება-მეთქი, ხელიდან არ გავუშვი. უფროსი ბიჭი დაგეზილი წამოვიდა ჩემკენ. ვიფიქრე, გადავუგდე-მეთქი, მაგრამ პეტრუსი ისე უცნაურად იქცეოდა, გადავწყვიტე, მოდი, ჯერეთ გავარკვევ, რა ხდება-მეთქი.

— მომე, ძია, ჩემი ბურთი, — მითხრა ბიჭმა, რომელიც ორ მეტრში იდგა ჩემგან, და შევატყერდი, თვალი შევაცვიე. ჩემდა გასაკვირად, რაღაც მეცნო ამ პატარა ბიჭში. იგივე განცდა დამეუფლა, რაც ბოშის დანახვისას დამემართა.

ბიჭუნამ რამდენჯერმე გამიმეორა, ბურთი დამიბრუნეო, მაგრამ ყური რახან არ ვათხოვე, დაიკუზა და ქვას წამოავლო ხელი.

— გადმომიგდე, თორემ, იცოდე, შიგ შუბლში მოგხვდება! — შემიყვირა გაბრაზებულმა.

პეტრუსი და მეორე ბიჭი დუმილით გვადევნებდნენ თვალყურს. მუქარამ, ცოტა არ იყოს, გული მომაყვანინა.

— არ გაბედო. თუ მომარტყი, ვერ გადამირჩები, — ვუთხარი გამოსასროლად ქვამომარჯვებულს.

ბიჭი ჩემმა ნათქვამმა შეაფრთხო, ქვა დააგდო და ახლა სხვა ხერხი სცადა მოსადგომად.

— აქ პუენტე-დე-ლა-რეინაში ერთი კიდობანაკია, ზანდუსჩა, მდიდარ პილიგრიმს ეკუთვნის. ნიუარებზე და ხალთაგულებზე გატყობთ, თქვენც მოგზაური მლოცველები ხართ. თუ ბურთს დამიბრუნებთ, იმ კიდობანაკს მოგცემთ. ნაპირზე ქვიშაშია ჩაფლული.

— მე ეს ბურთი უფრო მჭირდება, — ვუთხარი, ოღონდ მაინცდამაინც მაგრად ნათქვამი არ გამომივიდა.

ისე, მართალი რომ ითქვას, რასაკვირველია, კიდობანაკის მოცემა მერჩივნა. თანაც მომეჩვენა, რომ ბიჭი ტყუილს არ ამბობდა. მაგრამ პეტრუსს ბურთი, ალბათ, რაღაცისთვის სჭირდებოდა, ასე რომ იმისი განაწყენება არ მინდოდა. ყველაფერს რომ თავი დავანებოთ, ჩემი ეტიკი იყო, მეგზური.

— რად ვინდა, ძია, ბურთი? — მწვიტინებდა ბიჭი. — შენ დიდი კაცი ხარ. მთელი ქვეყანა მოვლილი გაქვს. მე კი ჩვენი მდინარის მეტი არაფერიც არ მინახავს. მარტო მაგ ბურთით ვერთობით ბიჭები. მოგვეცი რა, გეხვეწები.

ბიჭის სიტყვები გულზე მომხვდა. მაგრამ ამ მდგომარეობამ და გრძნობამ, თითქოს, არ ვიცი, წაკითხული, არ ვიცი, განცდილი რომ მქონდა, კვლავ უარი მათქმევინეს.

— ვერა, ვერ მოგცემ, ეს ბურთი მე მჭირდება! ფული არ გირჩევნია? ახალს იყიდი. ეს უკვე ჩემია.

ამის თქმა იყო, და დრო თითქოს წამიერ გაჩერდა. თუმცა პეტრუსი გვერდით არ მედგა და კისერზე თითს არ მაჭერდა, მაგრამ ირგვლივ ყველაფერი უეცრად შეიცვალა — თვალის დახამხამებში შიშის მომგვრელ გადახრუკულ უდაბნოში აღმოვჩნდი, ვერც ერთ მხარეს თვალს ვერ ვატანდი, იქ არც პეტრუსი იყო, არც მეორე ბიჭი, უმცროსი. მხოლოდ ის ბიჭუნა მედგა გვერდზე, წელან ბურთს და მელაპარაკებოდა. ახლა უფრო დიდი ჩანდა, სიბრაზეგადავლილი, გამომეტყველებადამინებული. ოღონდ თვალეებში ცბიერება ჩასდგომოდა, და ამან რატომღაც შემაკრთო.

მოჩვენებამ სულ ერთ წამს გასტანა. მერე ისევ პუნტე-დე-ლარეინაში გავჩნდი — იმ ადგილში, სადაც თავს იყრის სანტიაგოს სუყველა გზა, ევროპის სხვადასხვა მხრიდან მომავალი. ჩემ წინ პატარა ბიჭი იდგა, ბურთი დამიბრუნეო, მეხვეწებოდა, და გულის ამარყებლად ნალვლიანი სახე ჰქონდა.

პეტრუსი მომეახლოვა, ბურთი გამომართვა და ბიჭს გადასცა.

— აბა, სად არის შენი დაპირებული კიდობანაკი თუ ზანდუხჩა? — ჰკითხა მან ბიჭს.

— რა კიდობანაკი, რის ზანდუხჩა? — გაიკვირვა ბიჭმა, მერე ხელი წაავლო თავის ამხანაგს, და ორივენი გაიქცნენ, წყალში მოადინეს ტყაპანი.

ჩვენ ნაპირიდან გზაზე ავედით და ხიდზე გადავედით. ის იყო პეტრუსისთვის უნდა მეკითხა, რა მოხდა-მეთქი, და ისიც უნდა მეთქვა, როგორ აღმოვჩნდი უდაბნოში, მაგრამ მან უცაბედად სიტყვა გადააბრუნა, გეზი შეუცვალა ლაპარაკს, მაგაზე მერე ვისაუბროთ, როცა აქაურობას გავეცლებითო, მითხრა.

ნახევარ საათში გზის იმ მონაკვეთს მივალწიეთ, სადაც რომის ქვაფენილია შემორჩენილი. იქვე ახლოს ძველი ხიდის ნანგრევებზე მოვეწყეთ სასაუზმოდ, საჭმელი ბერებმა გვინუზლეს — ჭვავის პური, იოგურტი და თხის ყველი.

— მითხარი ერთი. რატომ არ აძლევდი, რად გინდოდა ის ბურთი? — მკითხა პეტრუსმა.

მე სულაც არ მინდოდა, ოღონდ შენ ისე იქცეოდი, მომეჩვენა, რომ რაღაც მნიშვნელოვანი ამბისთვის გჭირდებოდა-მეთქი, განვუმარტე.

— ეგ მართლა მნიშვნელოვანი ამბავი გამოდგა. მაგან შენი პირადი დემონი დაგამარცხებინა.

ჩემი პირადი დემონი? არცრა უფრო უცნაური არა გამიგონია რა მთელი ჩვენი მოგზაურობის მანძილზე! ექვს დღეში, რაც აქეთ-იქით დავბორიალობთ პირენეებში, უკვე მოვასწარი შეხვედრა გრძნეულ მღვდელთან, რომელსაც არცრა უგრძნეულია, და კარგა გვარიანად დაატყავება ცერისა, რომელსაც მუდამ ვიჯიჯგნი, როცა კი შავნალვლიანობა მიპყრობს, ანდა რამე დანაშაულის, ან არასრულფასოვნების გრძნობა მიჩნდება. თუმცა პეტრუსი ამ საქმეში მართალი გამოდგა — ცუდს რასმე ბევრად უფრო იშვიათად ვფიქრობ საკუთარ თავზე. მაგრამ რაღაც პირადი დემონი რომ არსებულა, აქამდე არცროდის არ მსმენია, და ამ სიახლის მონელება ადვილი არ იყო.

— დღეს იმ ხილთან უჩვეულო სიცხადით ვიგრძენი, თითქოს ვილაცა გვედგა გვერდით და რალაცის გამო გვაფრთხილებდა. თანაც ის გაფრთხილება უფრო მეტად შენ გეკუთვნოდა და არა მე, რადგან მაღლიან მალე სწორედ შენ მოგელის სამართლიანი ომი.

სანამ არ გასცნობიხარ შენს პირად დემონს, ის ჩვეულებრივად მელიმე შენი ახლობელი ადამიანის სახით წარმოგიდგება. გავიხედ-გამოვიხედე, და როგორც კი ის ორი მობურთალი პატარა ბიჭი დავინახე, ვიფიქრე, რომ იქნებ სწორედ იმ ბიჭების საშუალებით მოეხერხებინა იმას შენი გაფრთხილება. მაგრამ ეს უბრალოდ წინათგრძნობა იყო. დარწმუნებით კი, ნამდვილად შენს პირად დემონთან რომ გვექონდა საქმე, მხოლოდ მაშინ დავრწმუნდი, როცა შენ ბურთის დაბრუნებაზე უარი უთხარი.

მე კიდევ ერთხელ გავუმეორე პეტრუსს, ბურთი შენი გულისთვის არ დავუბრუნე, მეგონა, რალაცისთვის გჭირდებოდა-მეთქი.

— მე მჭირდებოდა? სიტყვაც არ დამცდენია.

უცაბედად გული წამომერია. შესაძლოა, სულაც საჭმლის ბრალი იყო, რომელსაც დაქიმიტებული ვეცი უზმოდ ერთი საათის სიარულის შემდეგ. და ამასთანავე ისეთი გრძნობა მქონდა, რომ ის ბიჭი სადღაც მყავდა ნანახი.

— შენმა დემონმა სამივე კლასიკური ხერხი მოსინჯა: მუქარაც, დაპირებაც და თავის შეცოდებაც. მოსალოცად გაქვს საქმე, — ჩინებულად გეჭირა თავი.

ამის თქმა იყო, და წამომაგონდა, როგორ ჰკითხა პეტრუსმა ბიჭს კიდობანაკის ამბავი. იმ დროს, როცა ის ეკითხებოდა, გადავწყვიტე, რომ ბიჭს არცრა სათქმელი არა ჰქონდა — უბრალოდ გამაცურა. თუმცა, შესაძლოა, იმ კიდობანაკში თუ ზანდუხჩაში მართლაც რამე რელიკვიაა-მეთქი, ვფიქრობდი, ვინაიდან, ჩემი ვარაუდით, დემონებს ტყუილი დაპირება არ უნდა სცოდნოდათ.

— როცა ბიჭმა წმინდა ნაწილთა ამბავი ვერ გაიხსენა, შენი დემონი უკვე გაქრა, — თქვა პეტრუსმა.

და იქვე დასძინა:

— სწორედ ის დროა, უკანვე გამოიხმო, ძალიან წაგადგება.

ძველი ხიდის ნანგრევებზე ვისხედით. პეტრუსმა ნასუფრალ-ნახორხალი ერთად მოაგროვა და ქალაქის პაკეტში ჩაყარა, რომლისთანა პაკეტებითაც ბერებმა მოგვამარაგეს. გარშემო რაც მომცრო მინდვრები იყო, ყველგან გუთნეული გაეშალათ და კვალში გუთნისდედები მისდევდნენ, თუმცა ისინი ჩვენგან იმდენად შორს იყვნენ, არ შესმოდა, რას ლაპარაკობდნენ. ნახნავი მიწა და ტალღა-ტალღა მიყრილი გორაკები ერთობლივად საოცარ სურათსა ქმნიდნენ. იქვე ჩვენს ფეხებთან თითქმის უხმაუროდ დიოდა გვალვისგან გვარიანად ჩამოკლებულ-დამშრალი ნაკადული.

— სანამ სოფლად გავიდოდა, იესო ჯერ უდაბნოში წავიდა და იქ დაელაპარაკა თავის პირად დემონს, — განაგრძო პეტრუსმა. — მან იმისგან გაიგო ყოველივე, რისი ვაგებაც კაცხორციელთა შესახებ აუცილებელი იყო. ოღონდ დემონს ნება არ მისცა, რომ თამაშის თავისი წესები მოეხვია — და დიახაც ამით მოერია იმას.

ერთმა პოეტმა ოდესღაც თქვა, ადამიანი კუნძული როდიაო.* სამართლიანი იმის გადასახდელად მხარდაჭერა გვჭირდება. მეგობრები უნდა გვყავდნენ. უკეთესი ისინი ჩვენ გვერდით არ აღმოჩნდებიან, ჩვენს მთავარ იარაღად მარტოობა უნდა ვაქციოთ. და მაშინ რაც გვართყია, ყოველივე შეგვეწევა მთავარი მიზნისკენ წინ წაწევაში. ჩვენ გარშემო კი რასაც ხელს დავადებთ, ის გამოგვაჩენს საშარტილიან ომში გამარჯვების მოსაპოვებლად საჭირო გამბედაობას. უამბობდ, ანუ იმის შეუგნებლად, რომ ყველაფერი და ყველას თავი გვჭირდება, უბრალოდ ყოყონა მკვეხარებად გადავიქცევით და ბოლოს და ბოლოს დი-ახაც ყოყონობა და ქედმაღლობა დაგვლუპავს, რამეთუ მეტისმეტად თავდაჯერებულმა მეომარმა ვაითუ ვერც შენიშნოს ბრძოლის ველზე დარწყმული უამრავი მახე.

პეტრუსის მიერ მეომრებსა და ბრძოლაზე ჩამოგდებულმა სიტყვამ კვლავ წამომაგონა კარლოს კასტანედა თავის დონ ხუანიანად. და ამ დროს ჩემდა უნებურად ამეკვიტა ფიქრი: „ნეტავი ბებერი შამანი დი-ლაადრიანად, სისხამზე თუ აწყებინებდა მეცადინეობას თავის მოწაფეს, ჯერეთ კიდევ მანამდე, სანამ ის თავის საუზმეს მოინელებდა?“

ამასობაში პეტრუსი განაგრძობდა:

— ფიზიკური სოფლის საზღვრებს გარეთ, რომელი სოფლის ძა-ლებსაც ვეყრდნობით, ჩვენ გვერდით ორი ძირითადი სულიერი ძალა სუფევს: ანგელოზი და დემონი. ანგელოზი ღვთიური მადლის გამოვლი-ნებაა, ნიადაგ გვიცავს, იმას გამოხმობა არ უნდა. ანგელოზის სახე სულმუდამ ჩანს, ოღონდ თუ სოფელ-ქვეყანას სიყვარულით უმზერ. იმ-ის დანახვა ყველგან შეგიძლია, მდინარის დაკლაკნილ კალაპოტშიც, მი-ნდვრად გამოსულ გლეხკაცშიც და ლურჯ ცაზე აცურებულ ღრუბლებ-შიც. ანგელოზის სახის ანაბეჭდს ინახავს უცნობ რომაელ ლეგიონერთა ხელით აგებული ეს ძველი ხიდიც. ჩვენი წინაპრები იმას მფარველ ან-გელოზს უხმობდნენ.

დემონიც ანგელოზია, ოღონდ დამოუკიდებელი, მეამბოხე ანგე-ლოზი. მე უფრო მაცნე-მაუწყებლად მიჩვენია იმისი მოხსენიება, რა-დგან ის აბამს კავშირს შენსა და გარესკნელს შორის. ძველად იმის გან-სახიერებად ითვლებოდა მერკური, ანუ ერძი, პერმესი, ღმერთების მა-ცნე-მაუწყებელი. არე იმის საქმიანობისა მატერიალური, ნივთიერი სო-ფელ-ქვეყანაა. იმისთვის თვალის შესწრება შეიძლება, მაგალითად, ეკ-ლესიის ოქროკაზმულ მორთულობაში, რადგან ოქრო მოიპოვება მი-წაში, ხოლო დემონი მიწისქვეშა სამეფოს ნაშიერია. ის ყოველგვარ სა-მუშაოშია დაბუდებული, ფულთან ჩვენს ურთიერთობაშიც. თუ გავა-თავისუფლებთ და გავუშვებთ, ჩვეულებრივ ქრება. თუ განვდევნით, ყოველსავე კარგს დავკარგავთ, რის სწავლებაც კი იმას შეუძლია, რა-დგან დემონი მრავლისმცოდნეა და ჩინებულად ერკვევა ამ სოფელ-ქვე-ყნის ამბებშიც და ამსოფელქვეყნელთა ასავალ-დასავალშიც. ოღონდ თუ ერთი მოგვხიბლა და თავისი ძლიერების ბადეში გაგვხვია, ველარც და-

* ინგლისელი პოეტის ჯონ დონის (1572-1631) გამოთქმა.

ვუსლტებით, თავისად გაგვიხდის, და აღარც სამართლიან ომს გადაგვახდევინებს.

ასე რომ, მაცნე-მაუწყებელთან ურთიერთობის ერთადერთი სერსია მეგობრობა, ყურადღება იმისა, რასაც გირჩევს, ანუ როგორც ძველად იტყოდნენ, რასაც გივაზირებს, და თუ აუცილებელია, მეოხების თხოვნა, ოღონდ თამაშის წესები არამც და არამც არ უნდა აკარგავს. შენ სწორედ აგრე მოექეცი იმ პატარა ბიჭს. არაფრის დიდებით არ უნდა და დავუშვათ, რომ მაცნე-მაუწყებელმა თავისი წესები მოგვასხვიოს: ამისათვის საჭიროა, ჯერ ერთი, გაგება, თუ რა გვინდა, და მეორეც, სახელის ცოდნაც და სახით ცნობაც იმისი.

— მერე მაგას როგორ გავიგებ? — დავეკითხე გაოცებული.

და მაშინ პეტრუსმა მაცნე-მაუწყებლის რიტუალი შემასწავლა.

— ამის შესრულება უკეთესია საღამოთი ან ღამით. დღეს, თქვენი პირველი შეხვედრის დროს, ის თავის სახელს გაგიმხელს. საიდუმლოდ შეინახე, არცვის არ გააგებინო, მეც კი. ვისაც შენი მაცნე-მაუწყებლის სახელი ეცოდინება, ის თავის ხელქვეითად გაქცევს.

პეტრუსი წამოდგა, და გზა განვაგრძეთ. მალე ერთ მინდორს მივადექით, სადაც ადგილობრივი გლეხები ოფლს ღვრიდნენ. მივემშვიდობეთ და ჩვენს სავალს მივყეთ.

— თვალსაჩინოებისთვის შეიძლება თქმა, რომ ანგელოზი შენი აბჯარ-აბგარია, მაცნე-მაუწყებელი კი — შენი მახვილი. აბჯარი ყოველგვარ ვითარებაში გიცავს, ხოლო მახვილი, ადვილი შესაძლებელია, რომ გაგანია ბრძოლაში დაკარგო, არც ის არის გამორიცხული, იმით უნებლიეთ მეგობარი შემოგაკვდეს და, გარდა ამისა, იმას თავისი პატრონის წინააღმდეგ დატრიალებაც შეუძლია. რისთვისაც ინებებ, მახვილს იმისთვის გამოიყენებ, ოღონდ... ზედ დაჯდომა არა ღირს, — და პეტრუსმა გადაიხარხარა.

დაბა-ქალაქში სადილად გავჩერდით. ახალგაზრდა ოფიციანტი, რომელიც გვემსახურებოდა, მეტად ცუდ გუნებაზე იყო. არც კითხვებზე გვაძლევდა პასუხს და თეფშებსაც დაუდევრად აწყობდა, ხოლო ყოველივე ამასთან ერთად ისიც მოახერხა, რომ პეტრუსს პირდაპირ შორტზე გადაასხა ყავა. მაშინ კი ჩემი ეტიკი სრულიად გარდაისახა — გამძვინვარდა და დაწესებულების პატრონის მოყვანა მოითხოვა, მაჩვენეთ ერთი, ვინ აჩერებს ამ თავგასულ, უნიათო და უზრდელ ოფიციანტსო, ხმამაღლა გამოხატავდა თავის აღშფოთებას. პეტრუსს მაკაცთა ტუალეტში მოუხდა გასვლა და შორტის გახდა, შეფუცხუნებულ მეპატრონეს კარგა ხანს გამოჰყავდა ყავის ლაქა, მერე გაატანა და გარეთ გაკიდა შარვალის გასაშრობად.

სანამ ველოდით, როდის მოიყვანდა ნაშუადღევის მცხუნვარე მწე — ორი საათი იყო — პეტრუსის შორტს წესრიგში, საკმარისი დრო მქონდა ჩვენი დილანდელი საუბრის ასაწონ-დასაწონად. რაც პეტრუსმა მდინარის პირას შეხვედრილ ბიჭზე თქვა, ვალიარე, რომ ბევრი რამ ყურადსაღები იყო. მით უმეტეს, უდაბნო და ვილაცის სახე მომელანდა. მაგრამ მაცნე-მაუწყებლის ამბავი კი რამდენადმე პრიმიტიულად მეჩვენა. XX საუკუნის მცხოვრები სულ ოდნავადაც წიგნიერი ადამიანი-

სთვის ნამდვილად უკვე არაფრის მოქმედია ჯოჯოხეთის, ცოდვისა თუ ეშმაკის ცნებები. ტრადიციაში, რომლის მოძღვრებასაც მნიშვნელოვნად უფრო დიდხანს მივდევდი, ვიდრე სანტიაგოს გზას, მაცნე-მაუწყებელი, პირდაპირ და მიუკიბ-მოუკიბავად, ეშმაკის სახელით ცნობილი სულია, დედამიწის ძალთა განმგებელი, რომელიც მუდამ ადამიანის სასარგებლოდ მოქმედებს. ამ სულს ხშირად იყენებენ მკაცრი ადათ-წესებში, მაგრამ არცროდის არ მიმართავენ როგორც მეგობარს ანდა მრჩეველს ყოველდღიურ ცხოვრებაში. პეტრუსი კი ჩემს დარწმუნებას ცდილობდა, რომ მაცნე-მაუწყებელთან მეგობრობა კეთილად წამადგებოდა და, თუ მარჯვედ გამოვიყენებდი ამ მეგობრობას, სამსახურშიც წარვემატებოდი და საერთოდ — სოფელ-ქვეყანაშიც. თვითონ ეს იდეა გულწრფელად მიწიერი, და კიდევ მეტიც — ბავშვურად მიაბიჭური მეჩვენა.

მაგრამ მაღამ დებრილს რახან შევფიცე, მეგზურს სიტყვის შეუბრუნებლად დავემორჩილები-მეთქი, ფიცს სად გავექცეოდი. და კვლავ მომიხდა ფრჩხილის შეთხრა ანთებიან და გასისხლიანებულ თითში.

„მაცნე-მაუწყებლის“ რიტუალი“

1. დაჯექი და სრულად მოდუნდი, რაც შეიძლება გაიფანტე გონება, თავი არ შეიკავო, აზრები თავისუფლად მიუშვი ნებაზე. ცოტა ხნის შემდეგ დაიწყე გულში გამეორება: „მოდუნდი, ძილქუშმა წამილო“.

2. როცა იგრძნობ, რომ გონებაში სხვა, უცხო აზრები აღარ დაგრჩა, შენგან მარჯვნივ აბურბურებული ცეცხლის ალი წარმოიდგინე. თითქმის ხანძარი. მერე წყნარად თქვი: „ჩემი ქვეცნობიერებისათვის თავის ჩენა მიბრძანებია. მიბრძანებია აგრეთვე, რომ თვითონაც გაცხადდეს და თავისი მაგიური საიდუმლონიც გააცხადოს“. მერე სულ ცოტა დაიცადე, მარტო, ცეცხლს დაჰყარე გულისყური. უკეთუ სახე რამ გაჩნდა, ის შენი ქვეცნობიერების გამოვლინება იქნება. ეცადე იმ სახის დახსომებას.

3. შენგან მარჯვნივ ცეცხლი არ ჩააქრო და დაიწყე ისეთივე, როგორც იტყვიან, დოჩხაურის, ანუ აბურბურებული ცეცხლის აღის წარმოდგენა მარცხნივაც. როცა ეს ალიც აკამკამდება, წყნარად, რაც შეიძლება დინჯად წარმოთქვი შემდეგი სიტყვები: „დაე მფარავდეს მაცნე-მაუწყებლისგან მოხმობილი ძალა ტარიგისა, რაც გამოვლენილია სუყოველ საგანსა და სუყოველ მშვინვიერ-სულდგმულში! გამომეცხადე აწვე (მაცნე-მაუწყებლის სახელი)“!

4. დაელაპარაკე მაცნე-მაუწყებელს, რომელიც ორ ცეცხლს შუა უნდა გამოჩნდეს. ემსჯელე შენს გადასაჭრელ ამბებზე, რჩევა სთხოვე და უბრძანე, თუ რამ უცილობლად საბრძანებელია.

5. როცა საუბარს დაამთავრებთ, მაცნე-მაუწყებელს გზა გაუთავაზე და უთხარი: „მადლობას გწირავ ტარიგის სასწაულისთვის, აგრერიგად რომ მომახდენინე! დაე უმაღლესი დამიბრუნდეს ჩემი (მაცნე-მაუწყებლის სახელი), როცა კი არ უნდა ვუხმო, და, სადაც არ უნდა იყოს, დაე მფარავდეს ყოველ ჩემს საქმეში!“

ერეკლე
ზიზნიძე

შენიშვნა:

პირველი გამოსმობისას (თუ პირველი გამოსმობებისას — ეს იმ ადამიანზეა და მოკიდებული, ვინც რიტუალს ასრულებს), როცა გულისყურს იკრებ, — მაცნე-მაუწყებლის სახელს ნუ წარმოთქვამ. უბრალოდ თქვი ხოლმე „იგი“. თუ რიტუალი სწორად შესრულდა, მაცნე-მაუწყებელმა მაშინვე ტელეპათიურად უნდა გაცნობოს თავისი სახელი. თუ სეანსი არ გამოგვივიდა, მანამ იმცდელე, სანამ იმის სახელს არ შეიტყობ, და მხოლოდ მაშინ ვაუბი საუბარი. რაც უფრო ხშირად ვასრულებთ რიტუალს, მით უფრო ძლიერად იგრძნობა მაცნე-მაუწყებლის ჩვენ გვერდით ყოფნა და მით უფრო სწრაფად მოქმედებს იგი.

— ისე არ უნდა ვცემოდი, — თქვა პეტრუსმა, როგორც კი კაფედან გამოვედით. — იმან ყავა მე კი არა, იმ ქვეყანას გადაასხა, რომელიც აგრერიგად მოსძულებია. ეს სოფელ-ქვეყანა უზარმაზარია, და ბევრ ისეთ რასმე იტევს, რაზედაც იმ ჩვენს ოფიციალტს წარმოდგენაც არა აქვს. მონაწილეობით კი იმის მონაწილეობა იმ სოფელ-ქვეყნის საქმეებში იმით განისაზღვრება, რომ ყოველდღე სისხამზე დგება, კაფეში ფეხათრეული მიდის, იქ სრულიად შემთხვევით შესულ ხალხს ემსახურება, ხოლო ღამით სარცხვინელს ხელით იწვალებს, რასაც ძველები ხელითდაცემას, ჩუკენობას ეტყოდნენ, ქალებზე ოცნებობს, რომელთაც ვერცროდის შესწვდება.

დადგა დრო, როცა ჩვეულებრივ ვიფერხებდით დასასვენებლად და ჩვენს სიესტას ვიწყებდით ხოლმე. ამჯერად კი პეტრუსმა გზის განგრძობა გადაწყვიტა. ჩემი თავშეუკავებლობისთვის ვისჯებო, თქვა. და თუმცა მე ცუდი არცრა ჩამიდენია, მაგრამ, სხვა რა ჩარა იყო, მაინც კუდში უნდა ავდევენებოდი და მეჩანჩალა თაკარა მზეში. გზაში სამართლიან ომზე და იმაზე ვფიქრობდი, რომ მთელ დედამიწის ზურგზე მიმოფანტული მილიონობით ადამიანი ბევრ ისეთ საქმეს ჩაჰკირკიტებდა რაც გულზე სულაც არ ეხატა. მერე რა ვუყოთ, თუ სისასტიკის სავარჯიშოს გამო ცერიდან სისხლი მდიოდა, სამაგიეროდ ის სავარჯიშო ნამდვილად წამადგა. მივხვდი, როგორ ვღალატობდი საკუთარ თავს, როცა ხან იმისთანა საქმეს ვკიდებდი ხელს, სულ რომ არ მიტაცებდა, და თანაც ისეთ გრძნობებს მიჩენდა, რაც არაფერში რომ არ მჭირდებოდა. და ვინატრესავით, ნეტავი პეტრუსი სხვა რამეშიც გამოდგეს-მეთქი მართალი, კერძოდ: მაცნე-მაუწყებელი ნამდვილად არსებულიყო და პრაქ-

ტიკულ საქმეებზე დავლაპარაკებოდი, ყოველდღიური გადასაჭრელი ამბების მოგვარებაში მეოხება მეოხვნა. და ამიტომაც ერთი სული მქონდა, სანამ მოსალამოვდებოდა.

ამასობაში პეტრუსი ისევ და ისევ ოფიციალტზე მსჯელობდა. ბოლოს და ბოლოს, როგორც იყო, დაირწმუნა თავი, რომ სწორად მოიქცა, ხოლო თავისი ეს მოსაზრება ამ შემთხვევის შესაფერის სასარგებლოდ ამბით გაამაგრა:

„— ქრისტემ მრუმს მიუტევა, ხოლო ლელვის ხე დასწყევლა, რაკი იმ ხემ არცრა ნაყოფი არ მიაგო. არც მე ვაპირებ დაუსრულებლად მადლის მქმნელად და კეთილმოწყალედ ყოფნას.

საქმე დამშია! მერე რა კობტად გამოსდის ყველაფერი. ბიბლია კიდევ ერთხელ წამოიშველა.

ესტელიას რომ მივალწიეთ, თითქმის ცხრა საათი იყო. შხაპი გადავივლე, და საჭმელად ჩავედი.

ამ გზის პირველი გზამკვლევის ავტორი ვმერიკ პიკო ესტელიას აღწერდა, როგორც „ფრიად ნაყოფიერ ადვილს, სადაც კარგ პურს აცხობენ, ჩინებულ ღვინოს, ხორცსა და თევზს მოგართმევენ. წყალი მდინარე ეგაში კამკამა და ანკარაა, რასაცა შინა გასჭვირს ნათელი, ვითარ ბროლი“.

მდინარის წყალზე ვერაფერს ვიტყვი, ოღონდ რესტორნის მენიუს რაც შეეხება, პიკო მართალი გამოდგა, თუმცაღა რვა საუკუნეა გასული. დავსხედით თუ არა, ჩაშუშული ცხვრის ფენი და ღვინო „რიონა“ შემოგვთავაზეს, მეტად იღბლიანი წლის მოსავლისა. სუფრას კარგა ხანს შევრჩით, როგორც იტყვიან, ხან იმ მთისა ვთქვით, ხან ამ ბარისა, და თან სიამოვნებით ვწრუპავდით შუმ ჭაჭანაურს. დაბოლოს, პეტრუსმა ახლა კი დროა შენი წასვლისა შენს მაცნე-მაუწყებელთან პირველი კავშირის დასამყარებლად.

ცოტა ხანს ქალაქში ვიწრიალეთ, შესაფერ ადვილს ვარჩევდით. აქა-იქ ვიწრო შესახვევები პირდაპირ მდინარისკენ ეშვებოდნენ — მთლად როგორც ვენეციაშია, და გადავწყვიტე, რომ სადმე მდინარის პირას მომეკალათებინა. რაკი იცოდა, რომ ცერემონიის დროს თავსელ-მარტოკა უნდა ვყოფილიყავი, პეტრუსი ფეხს ითრევდა, შორიასლო მომდევდა.

დიდხანს ვიჯექი და უბრალოდ გავყურებდი მდინარეს. წყლის ჩხრიალის ხმას სულ უფრო და უფრო შორს მივყავდი ამ სოფელ-ქვეყნიდან და ღურღუმ სიმშვიდეში ვიძირებოდი. თვალეზდახუჭულმა ჩემგან მარჯვნივ ცეცხლის პირველი სვეტი წარმოვიდგინე. ჯერეთ გამიჭირდა, მაგრამ ბოლოს და ბოლოს საქმე მომიმარჯვდა.

რიტუალით დაწესებული სიტყვები წარმოვთქვი თუ არა, ცეცხლი მარცხნივაც გაჩნდა, ნამდვილი დოჩხაური. ორ ცეცხლს შუა განათებული სივრცე სრულებით ცარიელი იყო. მე კვლავ იქით განვაგრძობდი ცქერას და ვცდილობდი, რომ არც არაფერზე მეფიქრა, რა არი გამო-

ჩენის საშუალება მიმეტა მაცნე-მაუწყებლისთვის. მაგრამ იმის მაგივრად ჩემ თვალწინ ანაზღად ნაირ-ნაირი მოჩვენებები ჩნდებოდნენ — პირამიდაში შესასვლელი, ოქრომოსილი ქალბატონი, ცეცხლის გარშემო პროკავი ვილაც შავკანიანები. სახეები მსწრაფლ ენაცვლებოდნენ ერთმანეთს, და მე ჩემდათავად ხელს არ ვუშლიდი. თავსაშირველად ჩემ თვალწინ გზის ის მონაკვეთები გაკრთნენ, პეტრუსთან ერთად რომ გამოვიარე, — გზაწვრილები, სასაუზმეები, ტყის ბარდნარები, — და მერე უეცრივ, სავსებით არათანამიმდევრულად, ორ ცეცხლის სვეტს შუა გამოჩნდა ის გადაბუგული უდაბნო, რომელიც დილით მოვიხილეთ. იქ, პირდაპირ ჩემკენ მზირალი, სახესანდომიანი კაცი ვინმე იდგა, თუმც თვალეში ცბიერების ნაპერწკლები უროკავდნენ.

მან გამიცინა, მეც პასუხად ღიმილი შევაგებე ტრანსიდან გამოუსვლელად. აიო, თავმოხინძული გუდა მიჩვენა, მერე გახსნა და შივისე ჩაიხედა, მე რომ არა დამენახა რა. შემდეგ გონებაში სახელი „ასტრაინი“* გამიჩნდა.

გულში იმნაირად წარმოვიდგინე ეს სიტყვა, რომ იმისი გამოსახულება ცეცხლის სვეტებს შუა აცეკვდა; მაცნე-მაუწყებელმა პასუხად თავი დამიქნია, რაც დასტურს ნიშნავდა, სწორედ გამიგეო, — და ახლა უკვე სახელიც ვიცოდი, რა ერქვა.

სავარჯიშოს დამთავრების დროც დადგა. რიტუალით დაწესებული სიტყვები წარმოვთქვი და ცეცხლი ჩავაქრე — ჯერეთ მარცხნივ, ხოლო მერე მარჯვნივ. და გავახილე თვალები — ჩემ წინ მდინარე ეგა დიოდა.

— ბევრად უფრო ადვილი საქმე გამოდგა, ვიდრე მეგონა, — იმის შემდეგ ვუთხარი პეტრუსს, ყველაფერი ზუსტად რომ აღვუწერე, რაც რიტუალის დროს ხდებოდა.

— ეგ შენი პირველი კავშირი იყო. აუცილებლად უნდა გასცნობოდი და დამეგობრებოდი. მაცნე-მაუწყებელთან ბაასი და საუბარი სარგებლობას მხოლოდ იმ შემთხვევაში მოგიტანს, თუკი ყოველდღე გამოუხმობ და დაწვრილებით იმსჯელებ შენს გადაუჭრელ ამბებზე. არ იგულმაფიწყო, უტყუარი და ნატყუარი შეწევნის ერთმანეთისგან გარჩევაც უნდა ისწავლო. ყოველი შეხვედრისას მახვილი ხელსატაცად გქონდეს.

— მახვილი ჯერეთ არა მაქვს, და ხელი რას უნდა ვტაცო, — გავუტრიზავე სიტყვა.

— მით უკეთესი, — ის დიდად ვერცრას გავნებს. მაგრამ სულერთია, — მაინც არაფერი არ შეარჩინო.

რიტუალის შემდეგ პეტრუსს დავცილდი და სასტუმროში, ანუ, როგორც აქ ძველებურად ეძახდნენ, უცხოთსადგურში დავბრუნდი. უკვე ლოგინში ვიწვექი, რომ ის საწყალი ოფიციანტი წამომავიდა, რომელიც სადილობისას გვემსახურა. და გავიფიქრე, ნეტავი ერთი ისევ

* რასაკვირველია, ეს გამოგონილი სახელია.

მიმიკვანა იქ და იმ ყმაწვილკაცისთვის მაცნე-მაუწყებლის* რიტუალი მასწავლებინა-მეთქი. ერთი სული მქონდა, სანამ გავაგებინებდი, რომ ადამიანს ყველაფრის შეცვლა შეუძლია თავის ცხოვრებაში, თუკი მართლაც ძალიან მოინდომებს. ისე, კაცმა რომ თქვას, უცნობ მძინც რატომ მომეპრიანა მთელი ქვეყნიერების გადარჩენა? მე სომ ჯერეთ ჩემი თავის გადარჩენაც მიჭირს!

უცნობ მძინც რატომ მომეპრიანა მთელი ქვეყნიერების გადარჩენა? მე სომ ჯერეთ ჩემი თავის გადარჩენაც მიჭირს!

სიყვარული

— მაცნე-მაუწყებელთან ლაპარაკი სულაც არ ნიშნავს სულების სამყაროს შესახებ შეკითხვებს, — მიხსნიდა მეორე დღეს პეტრუსი. — მაცნე-მაუწყებელი მხოლოდ ერთ როლს ასრულებს: ის მატერიალურ სამყაროში გვეხმარება. და დახმარებაც მხოლოდ იმ შემთხვევაში ძალუძს, უკეთუ ზუსტად იცი, რა გინდა.

დაბა-ქალაქში იმის გულისთვის გავჩერდით, რათა ცოტა რამ დავეგელია. პეტრუსმა ლუდი შეუკვეთა, მე მინერალური წყალი მოვიტხოვე. მაგიდასთან მჯდარი ჩემდა უნებურად ვაყოლებდი თითს ჭიქის დაორთქლილ ზედაპირს, რაღაც აბსტრაქტული ფიგურები გამოძყავდა, გუნებაზე ვერ ვიყავი.

— შენ ამბობ, რომ მაცნე-მაუწყებელმა იმ ბიჭში იმიტომ გამოივლინა თავი, რადგან რაღაცის გამო ჩემი ვაფრთხილება უნდოდა?

— დიახ, და თანაც ძალიან სასწრაფოდ, — დამიდასტურა პეტრუსმა.

ჩვენ კიდევ ვილაპარაკეთ მაცნე-მაუწყებლებზე, ანგელოზებსა და დემონებზე. ჩემთვის ძნელი იყო ტრადიციის მისტიკური რიტუალების მიმართ ეგზომ პრაქტიკული მიდგომის გაზიარება. პეტრუსი ჯიუტად ამტკიცებდა, ადამიანი თავის წილ მისაგებელს მუდამ უნდა მოითხოვდესო. მაშინ იესოს სიტყვები შევახსენე იმის თაობაზე, რომ უმაღლესი გაძვრება ნემსის ყუნწში, ვიდრე მდიდარი შევა ღვთის სასუფეველში.

* მაცნე-მაუწყებლის რიტუალში ჩემი პირველი ცდის ეს აღწერა სრული არ არის. სინამდვილეში პეტრუსმა დაწვრილებით ამიხსნა იმ მოჩვენებათა და მიმოგონებათა აზრი, ცეცხლის სვეტებს შორის რომ ვაკრთნენ ჩემ თვალწინ, ამიხსნა აგრეთვე იმ გულის მნიშვნელობაც, რომელიც ასტრაინმა მიჩვენა. მაგრამ მაცნე-მაუწყებელთან ყოველი ადამიანის შეხვედრა რახან სულ სხვადასხვაგვარია, ვარჩიე, რომ თხრობა ჩემი პირადი გამოცდილებით არ დამეტვირთა, რათა ნეგატიური აზრით არ მომეხდინა ზეგავლენა სხვათა გამოცდილებაზე.

— მაგრამ იესო ჰგონებდა, რომ ის კაცი, ვინც თავისი ბატონის ვერცხლს ვერცხლი მიუმატა, საზღაურს იმსახურებდა. და ხალხს მართო იმიტომ კი არ სჯეროდა ქრისტესი, რომ ენამჭევრი იყო და დაბაჯრებელი ლაპარაკი იცოდა, — იმას კიდევ სასწაულთა ქმნაც და თავის მიმდევართა დაჯილდოებაც მოეთხოვებოდა.

— აბა, აბა, ჩემს დაწესებულებაში უფაღს ნუ ბილწობენ, — ჩემს დაწესებულებაში ჩაგვერია ბარის პატრონი, რომელიც თურმე ყურს გვიგდებდა.

— არცვინ არ ვბილწავთ, — მიუგო პეტრუსმა. — ქრისტეს წაბილწვა, როცა ქრისტეს სახელი გვაკერია პირზე, ცოდვის ჩადენას ნიშნავს. გაისსენე, რა მოხდა ოდესღაც ამ მოედანზე.

ბარის პატრონი წამიერ ჩაფიქრდა. მერე ფიცხლად წარმოთქვა:

— მე მაგ საქმეში სრულებით არ ვურევივარ. მაშინ სულ პატარა ბიჭი ვიყავი.

— დამნაშავენი, რა თქმა უნდა, მუდამ სხვები არიან, — წაიბურტყუნა პეტრუსმა.

ბარის პატრონი სამზარეულოში გავიდა. მხედველობაში რა გქონდა-მეთქი, ვკითხე პეტრუსს.

— ორმოცდაათი წლის წინათ, ჩვენს კულტურულ XX საუკუნეში, მოედანზე, ამ დაბა-ქალაქში ბოშა ცოცხლად დაწვეს. კუდიანობა დააბრალებს, ნაწილნი ზიარებისა, ანუ წმინდა საუფლო ძღვენი შებღალაო. იმ ათასგვარ სიმხეცეში, რაც მაშინ ხდებოდა, სამოქალაქო ომის უამს, ეს შემთხვევა მალე მიივიწყეს. ამჟამად აღარცვის არ ახსოვს, აქაურთა გარდა.

— შენ როგორღა გაიგე?

— სანტიაგოს გზით აქ უკვე გავლილი ვარ.

ცარიელ ბარში ვისხედით და ვსვამდით, მზე უღმერთოდ აჭერდა, სიესტის დრო იყო. რამდენიმე წუთში კვლავ გამოჩნდა ბარის პატრონი, ოღონდ მარტო კი არა, სამრეველო მღვდლის თანხლებით.

— ვინა ბრძანდებით? — მკაცრად გვკითხა პადრემ.

პეტრუსმა ჩვენს გუდახალთებზე ამოქარგული ნიჟარები უჩვენა. მთელი თორმეტი საუკუნის სიგრძეზე ამ ბარის, ანუ, უფრო სწორად, სატრაპეზოს გვერდით გზად დადიოდნენ პილიგრიმნი, და ადათ-წესი ყოველგვარ ვითარებაში სტუმართმოყვარეობის, ესე იგი ტაბლაკეთილობის გამოჩენას ითხოვდა. მღვდელმა კილოს დაუწია.

— როგორ მოხდა, რომ სანტიაგოს გზით მავალ მსხემთ იესოს ძრახვა იკადრეთ? — ისეთნაირად გვითხრა, თითქოს კატეხიზისის ერთ-ერთი კითხვა ჩაიკითხაო.

— არც ერთ ჩვენგანს იესო არ უძრახავს. ჩვენ იმ დანაშაულთ ვძრახავდით, ვითომ ქრისტეს გულისთვის რომ სჩადიოდნენ. ერთ-ერთი ასეთი დანაშაული იყო იმ ბოშისთვის ანგარიშის გასწორება, რომელიც ამ მოედანზე დაწვეს.

რაკი პეტრუსის ტავარჯუხზე ნიჟარის ნიშანი დაინახა, ბარის პატრონმაც უფრო თავაზიანად დაგვიწყო ლაპარაკი.

— იმ ბოშის მიერ ნაქნარი ჯადო დღესაც ისევ ისეა, — ჩაილაპარაკა მან მღვდლის გამკიცხავი მზერის ქვეშ.

პეტრუსი დაგულისყურდა. მღვდელი ზოგიერთ უგუნურ მრევლ-
თაგანზე ალაპარაკდა, უაზრო ზღაპართ ჰყვებიან, რომელთაც ეკლესია
არა ცნობსო. მაგრამ ბარის პატრონი თავისას განაგრძობდა:

— სიკვდილის წინ იმ ბოშას აქაურთათვის დაუბრუნებია, თქვენი
ქალაქის ყველაზე ნორჩი მცხოვრები ვინც არიხ, ისევე რომ ვინც
ლენ, რაც ჩემში ეშმაკებიაო. ხოლო როცა ის დაგვრდება, დაბრუნდება
და მოკვდება, ეშმაკნი ახლა სხვა ბაღში გადაინაცვლებენო. და აგრე
იქნება დაუსრულებლადო.

— ჩვენში ნიადაგი ისეთივეა, როგორც ამ მხარის სუყველა სხვა
დაბა-ქალაქშია, — ბრაზგარეული ხმით წარმოთქვა მღვდელმა. —
რალა ჩვენ და რალა სხვანი. გვალვისგან ყველანი ერთნაირად ვიტა-
ნჯებით. ხოლო სხვაგან თუ კარგი მოსავალია, არც ჩვენ ვუჩივით მო-
უსავლიანობას. მთავარია, ამინდი შეგვწეოდეს. ჩვენში არაფერი ისე-
თი არ ხდება, რაც გარშემო სადმე არ მომხდარა ან არ მოხდება. ასე
რომ ამ კაცის მონაყოლი მტკნარი სისულელეა.

— არაფერი ისეთი იმიტომ არა ხდება, რაკი ჯადოს გავემიჯ-
ნეთ, — შეესიტყვა ბარის პატრონი.

— ოჰო! მაშ, აბა, ნება გვიბოძეთ და შეგვახედეთ, რა ჯადოა მა-
გისტანა! — თქვა პეტრუსმა.

მღვდელმა ჩაიციხა და, რას ამბობენ, თვითონაც არ იციანო, თქვა,
ბარის პატრონმა კი პირჯვარი გადაიწერა. ოღონდ ადგილიდან ფეხი
არც ერთს არ მოუცვლია.

პეტრუსმა ანგარიში გაასწორა და კვლავ თავისაზე დადგა, იქნებ,
ვინმე გამოგვყვეს და ის შეჩვენებული თუ ჯადონაქნარი კაცი გვაჩ-
ვენოსო. მღვდელმა აწ ბოდიში მოიხადა, უნდა წავიდე, ეკლესიაში გა-
დაუდებელი საქმე მელოდებაო, და ისე უმაღ გაქრა, ხმის ამოდება
ვერცვინ ვერ მოვასწარიო.

ბარის პატრონმა დამფრთხალმა შესედა პეტრუსს.

— ნუ გეშინიათ, — დაამშვიდა ჩემმა ეტიკმა. — თქვენ მარტო
ის სახლი გვიჩვენეთ, სადაც ჯადოა დაბუდებული. ჩვენ კი შევეცდე-
ბით, რომ კრულება ავხსნათ და იმისგან ვიხსნათ ქალაქი.

ბარის პატრონი ჩვენთან ერთად გამოვიდა მტვრიან, შუადღის
ალმურადენილ ქუჩაში. ქალაქის განაპირამდე გამოგვყვა და დაგვანახ-
ვა ის სახლი, რომელიც სხვათაგან გვერდზე იდგა თითქმის ზედ გზის
პირას.

— საჭმელსაც აქ გადავცემთ ხოლმე, ტანსაცმელსაც, ყველაფერს,
თუ რამ საჭიროა, — ბოდიშიანი კილოთი წარმოთქვა მან. — ჩვენი
პადრე კი აქამდეც არ მოდის.

ბარის პატრონს დავემშვიდობეთ და სახლისკენ წავედით. ის კი-
დეც ცოტა ხანს იდგა, ეტყობა, იფიქრა, სახლს გვერდს აუვლიან და
თავიანთ გზას გაუყვებიანო, მაგრამ პეტრუსს გვერდის ავლა არც
უფიქრია, ეგრევე კარს მიაღვა და დააკაკუნა. მე უკან მივიხედე —
ბარის პატრონი აღარსად ჩანდა.

კარი ვინც გაგვიღო, შესახედად სამოცდაათი წლის დედაკაცი იქ-
ნებოდა. თითქოს სტუმრების მისვლა გაუხარდაო, დედაკაცის გვერდით
კუდს აქიცილებდა ვეებერთელა შავი ნაგაზი. დიასახლისმა, რა გნება-

ვთო, იკითხა და, სარეცხი მაქვს, თანაც ცეცხლზე საჭმელი მიდგასო, დასძინა. ჩვენი მისვლა რაღაც არ გაპკვირვებია. ბევრ ჭერის მაძიებელ პილიგრიმს, ვისაც ყური არ მოუკრავს ამ კრულებისა თუ ვადოს ამბისთვის, ამ კარზე, ვინ იცის, რამდენჯერ დაუკაკუნებია-მეთქი, ვივარაუდე გულში.

— ლოცვადმავალი ხალხი ვართ, კომპოსტელაში მივდივართ, ცოტა ადუღებული წყალი გვინდა. — სთხოვა პეტრუსმა. — ვინაა, უარს არ გვეტყვი.

დედაკაცმა, რომელსაც აშკარად უკმაყოფილო გამოქვეყნება ჰქონდა, შინ შეგვიშვა. გაწკრივლებულ, მაგრამ ღარიბულად გაწყობილ პატარა სასტუმრო ოთახში შევედით. იქ ერთი დაგლეჯილტყავიანი დივანი, კომოდი, პლასტიკატგადაკრული მაგიდა და ორი სკამი იდგა. კომოდზე იესოს წმინდა გულის გამოსახულება, ზოგიერთი წმინდანის ხატი და სარკის ნატეხთაგან ნახელოვნები ჯვარცმა ეწყო. ოთახში ორი კარი იყო, ერთ-ერთი, როგორც მივხვდი, საძინებელში გადიოდა. დიასახლისი პეტრუსთან ერთად მეორე, განის კარით სამზარეულოში გავიდა.

— ადუღებული წყალი როგორ არა გვაქვს, — თქვა დედაკაცმა. — რამეში ჩაგისხამთ და წადით, გზას ბარაქა დააყარეთ.

მე ვეებერთელა ნაგაზთან მარტო დავრჩი. ძალღი კუდს აქიცი-ნებდა, წყნარად იქცეოდა და ცხოვრებით აშკარად კმაყოფილი იყო. დედაკაცი მალევე შემობრუნდა, ხელში წყლით სავსე ძველი თანაჯა, ანუ თუნუქელა ეჭირა, რომელსაც პეტრუსს აჩეჩებდა.

— წაიღეთ ეს ადუღებული წყალი და წადით! ღმერთმა ხელი მოგიმართო!

მაგრამ პეტრუსი ადგილიდან არ იძვროდა. მან ტავარჯუხიდან ერთი ჩაყრა ჩაის პარკუჭუნა ამოიღო, მდულარეში ჩააგდო და სტუმართმოყვარეობისთვის მადლობის ნიშნად ჩაით უნდა გაგიმასპინძლედო, უთხრა დედაკაცს.

დედაკაცმა უხალისოდ და უნდომანდოდ მაინც მოიტანა ორი ფინჯანი და პეტრუსთან ერთად მიუჯდა მაგიდას. მე თან ნაგაზს ვათვალიერებდი, თანაც იმათ საუბარს ვუგდებდი ყურს.

— ქალაქში მითხრეს, რომ ამ სახლს ჯადო აქვს ნაქნარი. — ფრიად დარბაისლური ვილოთი დაიწყო პეტრუსმა.

ამის თქმა იყო, და ძალღს ცეცხლი ჩაუდგა თვალებში. თითქოს მიხვდა, რაც ითქვა, დიასახლისი მაშინვე წამოდგა მაგიდიდან.

— ეგ სიცრუეა! ძველი ბრმარწმენაა! თუ შეიძლება, მალე მიირთვით თქვენი ჩაი. ათასი საქმე მაქვს სახლში.

ნაგაზმა იგრძნო, რომ დიასახლისს გუნება-განწყობილება შეეცვალა. გაინაბა და ყურები დაცქვიტა. პეტრუსი კი ისე იჯდა, ვითომც არაფერიც არ მომხდარაო. ჩაიანი ფინჯანი პირთან კი მიიტანა, ოღონდ არც მოუსვამს, ეგრევე დადგა მაგიდაზე.

— ძალიან ცხელია, — თქვა მან. — ცოტა გაცივდეს.

მაგრამ დედაკაცი მაგიდასთან აღარ დამჯდარა. ჩანდა, ჩვენი იქ ყოფნა ძალიან არ უნდოდა, თავ-პირი ჩამოსტიროდა და ალბათ ნანობდა კიდევ, რომ საერთოდ ზღურბლზე ფეხი გადმოგვადგმევინა. შემამჩ-

ნია, ძაღლს თვალს რომ არ ვაშორებდი, და ნაგაზს თავისთან დაუძახა. ისიც უმაღლ დაემორჩილა, ოღონდ ისევ ჩემკენ მობრუნდა და მომაჩერდა.

— აი რატომ ჩასახლდა შენი მაცნე-მაუწყებელი გუშინ რომ ბიჭში სწორედ ამიტომ, — თქვა პეტრუსმა.

ანაზღად მივხვდი, რომ სულაც მე არ ვაუწყებდები ნაგაზს. ზღურბლს როგორც კი გადმოვაბიჯე, იმან დამაპყრო ხელი თავლის არიდების საშუალება არ მომცა. დიახაც ნაგაზი მიყურებდა და მასრულეობინებდა თავის ნებას. რაღაც ძლიერი მოთენთილობა ვიგრძენი. ძილი მომერია, აქვე ამ გადატყავებულ დივანზე მიგდება და დაძინება მომიწინადა, მზარავდა ისევ სიცხეში თრევა. უცნაური რამ ხდებოდა ჩემს თავს და ვიგრძენი, რომ ცოტაც და რაღაც მახეში მოვხვდებოდი. ნაგაზი კი ისევ ისე მომჩერებოდა, და რაც უფრო ხანგრძლივად მიყურებდა, მით უფრო მინდებოდა ძილი.

— ჰა, დალიე, — მითხრა პეტრუსმა და ჩაიანი ფინჯანი გამომიწოდა, — რახან სენიორას ჩვენი დიდხანს დარჩენა არ უნდა.

მცირედ კი შევეყოყმანდი, მაგრამ მაინც ავიღე ფინჯანი, და ცხელი ჩაის ერთმა ყლუპმა ცოტა გრძნობაზე მომიყვანა. რაღაცის თქმა დავაპირე, კითხვა მინდოდა, ძაღლს რა ჰქვია-მეთქი, მაგრამ ხმამ მიღალატა. რაც პეტრუსს ჩემთვის არცროდის არ უსწავლებია, რაღაც ისეთმა გაიღვიძა და მძიმედ იჩინა ჩემში თავი. ანაზღად ლაპარაკის დაუოკებელი სურვილი ვიგრძენი. პირზე მომადგნენ სრულიად უცნობი სიტყვები, რომელთა აზრი თავად არ მესმოდა. ერთი გაფიქრება ისიც კი გავიფიქრე, პეტრუსმა ჩაიში ნამდვილად რაღაც ჩამიყარა-მეთქი. გარემომცველი საგნების მოხაზულობა ნელ-ნელა იღლაბნებოდა და ძლივს მესმოდა, რა ჯიქურ მიმართავდა დედაკაცი პეტრუსს, ჩემი სახლიდან ახლავე მიბრძანდითო. მეყსეულად უცნაური, ანგარიშმიუცემელი ლხინითა და სიამით ავივსე. და გადავწყვიტე, რომ მაინც წარმოემთქვა ხმამალლა ის უცნობი სიტყვები, პირზე რომ მომდგომოდნენ.

მარტო ნაგაზსლა ვარჩევდი მკაფიოდ. და როგორც კი ორიოდე სიტყვა წარმოვთქვი გაუგებარ ენაზე, პასუხად ღრენა შემომესმა. ძაღლს ჩემი ენა ესმოდა! აღგზნებული სულ უფრო ხმამალლა და სწრაფად ვმეტყველებდი. ძაღლი ალაზე დაჯდა, ეშვები დაკრიჭა, ახლა უკვე დასტურ ის სათნო ოთხფეხი აღარ იყო, პირველად რომ ვნახე, ახლა ავად და თვალბედითად მიყურებდა და არც გამიკვირდებოდა, თუ ამ წუთში მეცემოდა კიდევ. მაგრამ ვიცოდი, რომ ჩემივე წარმოთქმული სიტყვები მიცავდნენ, და სულ უფრო მალლად ვლაპარაკობდი, თანაც ვგრძნობდი, რომ რაღაც ახალი, ადრე ჩემთვის უცნობი ძალა გადმოჩქეფდა და ის არ აძლევდა ნაგაზს ჩემზე მოვარდნის ნებას.

ამ წუთიდან, რაც კი რამ ხდებოდა, ყოველივე დაყოვნებულ გადაღებას დაემსგავსა. ვხედავდი, როგორ მოიწევდა ჩემკენ დიასახლისი, რომელიც რაღაცას გულშემზარავად კიოდა, როგორ მომადგა ზედ და მუჯღუგუნის კვრით როგორ მაგდებდა გარეთ. ვხედავდი, როგორ სტაცა პეტრუსმა ხელი და როგორ შეაკავა. ძაღლი კი არცვის არ აქცევდა ყურადღებას. პირდაღრენილი და ეშვებგადმოყრილი კვლავინდებურად მარტო მე მიყურებდა. ერთი ცდა ვცადე, იქნებ რო-

გორმე ჩაეხვედუ იმ ენას, რომელზედაც ვლაპარაკობ-მეთქი. მაგრამ როგორც კი ვჩერდებოდი და ამ ამბავს ვუფიქრდებოდი, ჩემს შიგნი-შიგან ძალა კლებულობდა, ნაგაზი კი მიახლოვდებოდა. მაშინ ენაში გარკვევის ყოველგვარ ცდაზე ხელი ავიღე და რაც ძალი და ღონე მქონდა, უცნობი სიტყვების წამოყვირება დავიწყე, დედაკაცი კი მოძალანძილს მეუბნებოდა! ნაგაზმა დაიყუდა, მაგრამ ვიცოდი: სახლში ვერაფერს ვაკობდი, არცრა მემუქრებოდა. ულუმელად, ანუ მოულოდნელად ვი-ღაცის კისკისი გაისმა, გაგებაში არ ვიყავი, მეჩვენებოდა თუ მართლა კისკისებდა ვინმე.

მერე თვალის დახამხამებაში და ერთჟამიერად მოხდა ყველაფე-რი — ოთახში ქარი შემოვარდა, ნაგაზმა კი დაიყმუვლა და დასაძგე-რებლად ისკუპა ჩემკენ. მე სახეზე ხელი ავიფარე, რაღაც წამოვიყვი-რე და შესაბამელად მოვემზადე.

ნაგაზი მთელი თავისი სიმძიმით დამეძგერა და დივანზე ზღარ-თან მოვადინე. რამდენიმე წამს ერთმანეთს პირდაპირ თვალებში ვუ-ცქეროდით, მერე ნაგაზი გადახტა და გარეთ გავარდა.

უცებ რატომღაც გული ამომიჯდა, მდულარება წამსკდა და ავ-ზლუქუნდი. ჩემი ახლობლები წამომაგონდნენ, ცოლი, მეგობრები. ერთდროულად უდიდეს სიყვარულსაც განვიცდიდი და რაღაც გაუგე-ბარ ბედნიერებასაც, რომელიც ერთბაშად გაჩნდა, როგორც კი მოუ-ლოდნელად ყველაფერს მივხვედი იმ ოთხფეხზე.

პეტრუსმა მკლავში ხელი გამომდო და გარეთ წამიყვანა, უკნიდან დედაკაცი გვჯგვლემდა. ქუჩაში ირგვლივ მიმოვიხედე: არსად ძაღლის ჭაჭანება არ იყო. პეტრუსზე ჩამოკიდებული სულ ვტიროდი მთელი ის დრო, ვიდრე თვალისმომჭრელი მზისგან აღმურადენილ გზას მივუ-ყვებოდით.

გზის შემდეგი მონაკვეთი მეხსიერებიდან ამომვარდა. რომ გა-მომელვიდა, შადრევანთან ვიწექი. პეტრუსი სახეზე წყალს მასხამდა, კეფას მისველებდა. ცოტა დამალევიინე-მეთქი, ვუთხარი, არ შეიძლე-ბაო, ამიხსნა, ერთი ყლუპიც თუ მოსვი, ეგრევე გული აგერევაო. ოდნავი გულის ზიდილი კი მქონდა, მაგრამ საერთოდ თავს ჩინებულად ვგრძნობდი — ამქვეყნად ყველასა და ყველაფრის მიმართ აუწერელი სიყვარულით ყელამდე ვიყავი სავსე. გარშემო ვიყურებოდი და ყურს ვუგდებდი გზის ორსავე მხარეს წამოზრდილ ხეებს, მზერით ვესიყ-ვარულებოდი იმ პატარა შადრევანს, რომელთანაც შევჩერდით, ვგრძნობდი გრილი ნიავის ალერსიან ქროლას, ტევრში რომ ჩიტები გალობდნენ, ის გალობაც მესმოდა. ირგვლივ ყველაფერში ჩემი ან-გელოზის სახეს ვხედავდი, ყველაფერი პირწავარდნით ისე იყო, რო-გორც პეტრუსი მიხსნიდა. მერე იმ დედაკაცის სახლის ამბით დავგუ-ლისყურდი, დიდი ხანია, რაც იქიდან წამოვედით-მეთქი, ვკითხე, სულ თხუთმეტი წუთიაო, მიპასუხა.

— ალბათ, გაგება გინდა, რა მოხდა, არა? — დამეკითხა პეტრუ-სი.

მართალს თუ ვიტყვი, ახლა ეს ამბავი ჩემთვის სულერთი იყო. უბ-რალოდ ვიდექი და შევხაროდი სიყვარულის იმ გრძნობას, მთელი ჩემი არსება რომ მოეცვა. ნაგაზიც, დედაკაციც და ბარის პატრონიც შორს

დარჩნენ ჩემგან — უკვე მკრთალ მოგონებად მეჩვენებოდა თავს გადანახადი, რასაც არცრა საერთო არა ჰქონდა იმასთან, ახლა რომ განვიცდიდი. თავს საუცხოოდ ვგრძნობ, გზა განვაგრძოთ-მეთქი, მივუბნე პეტრუსს.

აღარ დავყოვნებულვართ, წამოვდექით და კვალად სანტიაგოს გზას დავემწყემსეთ. ახალ გრძნობათაგან ისე ვიყავი დატყვევებული, რომ დღის მთელი დარჩენილი ნაწილი ვდუმდი. ხან თავში გამიელვებდა სოლმე აზრი, რომ პეტრუსმა ჩაიში რალაცა ჩამიყარა. მაგრამ ამას მნიშვნელობა არა ჰქონდა, მნიშვნელოვანი ის იყო, რომ ვხედავდი მთებს, ფშანაკადულებს, გზის პირებში ათასფრად ამოჩუხჩუხებულ ნაირ-ნაირ ყვავილთ. და ყველგან ჩემი ანგელოზის კვალსა ვგრძნობდი.

სალამოს რვა საათისთვის სასტუმროს რომ მივადექით, ჯერეთ კიდევ ნეტარების მდგომარეობაში ვიყავი. თუმცა შეგრძნებათა სიმძაფრემ რამდენადმე იკლო. მისვლისთანავე სასტუმროს პატრონს მივაწოდე ჩემი პასპორტი, რომელიც რეგისტრაციისთვის სჭირდებოდა.

— ძალიან კარგი, ბრაზილიიდან ბრძანებულსართ! მე იქ ნამყოფი ვარ. იპანემაზე ვცხოვრობდი სასტუმროში.

ამ უადგილო, უაზრო შეტყობინებამ წამერთ რეალობაში დამაბრუნა. როგორი ამბავია — წმინდა იაკობის გზას მიუყვები და უცებ მრავალი საუკუნის წინათ დაარსებულ პატარა დაბაში გადააწყდე სასტუმროს პატრონს, რომელიც თურმე იპანემის პლაჟზე ისვენებდა.

— ბარემ დავილაპარაკოთ, — ვუთხარი პეტრუსს, — ძალიან მინდა იმის გაგება, რაც დღეს იქ მოხდა.

ნეტარების გრძნობა წარსულს ჩაბარდა, გაქრა. საქმეში გონება ჩაერთო და გონებასთან ერთად განუცდელის შიშიც დამიბრუნდა. ამას გარდა, უმწვავესი და გადაუდებელი მოთხოვნილება გამიჩნდა, რომ კვლავ მეგრძნო ფეხქვეშ ნიადაგი.

— ვახშმის შემდეგ, — გაისმა პასუხად.

პეტრუსმა მასპინძელს ტელევიზორის ჩართვა სთხოვა. ოღონდ უხმოდ. ეს ყველაზე საუკეთესო საშუალებაა, რომ მეტიმეტად ბევრი არა შემეკითხო რაო, რადგან ეკრანზე დანახული შენს ყურადღებას მიიქცევსო. მერე კი, ყველაფერი წვლილად მიამბე, რაც დაგამახსოვრდაო. დამახსოვრებით ყველაფერი მახსოვს, გარდა იმისა, შადრევნამდე როგორ მივედი-მეთქი, ვუთხარი.

— ეგ არც მნიშვნელოვანია, — მიპასუხა პეტრუსმა.

ტელევიზორის ეკრანზე რალაც ფილმი დაიწყო ქვანახშირის მახტებზე. მსახიობთ საუკუნის დამდეგის სამოსელი ემოსათ.

— გუშინ, ზეშთაგონებამ რომ ჩამჩურჩულა, შენს მაცნე-მაუწყებელს სასწრაფოდ რალაცის შეტყობინება უნდაო, აშკარა გახდა, რომ შენი ბრძოლა სანტიაგოს გზაზე საცაა დაიწყება, შენ აქ იმიტომ ხარ, რათა შენი მახვილი მოიძიო და RAM ორდენის რიტუალები შეისწავლო. მაგრამ ყოველთვის, როცა კი მეგზურს თუ ეტიკს, როგორც გინდა, ისე თქვი, ლოცვადმავალი ამ გზით მოჰყავს, ისინი — თუნდაც ერთხელ — გაუთვალისწინებულ მდგომარეობას რასმე აწყდებიან. ამ

მდგომარეობის აზრი იმის პრაქტიკული შემოწმებაა, თუ რა შეისწავლა ლოცვადმავალმა. შენს შემთხვევაში მსგავსი შემოწმება იმ ნაგაზთან შეხვედრა გამოდგა.

შეზმა-შეტაკების დეტალებსა და იმ ამბავსაც, თუ დემონები რად ცხოველებად რატომ გვეჩვენებიან, მერე ავიხსნი. აწ კი ერთი რამის გაგებაა მთავარი, ანუ ის დედაკაცი უკვე შეეჩვია თავის მდგომარეობას და მოკიდებულებას თავის მიმართ ის ისე აღიქვამდა, როგორც ჯეროვანს და ნორმალურად მიაჩნდა. მან ისწავლა მცირედით დაკმაყოფილება, თუმცა ცხოვრება, ჩვენდა გასაკვირად, სულგრძელია და მუდამ ჩვენი დასაჩუქრების მოწადინება.

ის საცოდავი ეშმაკთაგან რომ დაცალე და უწმინდურება დააყრევინე, მაგით თავისი ჩვეული სამყაროს შინაგანი წონასწორობა დაურღვიე. როგორმე ერთხელ ერთად განვსაჯოთ, რატომ არიან ზოგჯერ ადამიანები ეგზომ სასტიკნი თავიანთი თავის მიმართ. ხშირად, როცა ცდილობ, იქნებ რამენაირად დაარწმუნო მავანნი და მავანნი, თქვენს ცხოვრებაში ადგილი სიკეთესაც და სულგრძელობასაც მოეძევაო, ისინი თვითონ ამ აზრს უარყოფენ, როგორც ეშმაკისეულ მონაჩმებს. და მცირედითაც კმაყოფილნი არიან, ვინაიდან წაგებისა ეშინიათ. მაგრამ კაცი თუ სამართლიან ომში ჩაბმას აპირებს, ეს ქვეყანა ფასდაუდებელ საუნჯედ უნდა ესახებოდეს, რომელი საუნჯეც მხოლოდ იმის მოლოდინშია, რომ აღმოაჩინონ და ბრძოლით მოიპოვონ.

გესმის თუ არა, რატომ ხარ აქაო, სანტიაგოს გზას რატომ ადგახარო, მკითხა პეტრუსმა.

რატომ და, ჩემს მახვილს ვეძებ-მეთქი, მივუგე.

მერედა, რისთვის გინდა ის შენი მახვილიო, მითხრა.

რისთვის და, ტრადიციის ძალასა და სიბრძნეს მაზიარებს-მეთქი.

ვიგრძენი, რომ პეტრუსი დიდად არ გაუხარებია ჩემს პასუხს.

მაგრამ ის მაინც თავისას განაგრძობდა:

— შენ აქა ხარ, და შენი ჯილდოს მიღებას ესწრაფვი. რაკი ერთი გაბედე და ირწმუნე შენი ოცნება, ახლა ყველაფერს ღონობ, რათა აიხდინო კიდევ. რასაკვირველია, ბევრად აჯობებდა, უკეთუ უკეთესად გაიაზრებდი, რისი გულისთვის ეძებ იმ შენს მახვილს, და ამას ჯერ კიდევ მანამ იხამდი, სანამ იპოვიდე. ოღონდ ერთი რამ, რაც უეჭველად შენ სასარგებლოდ მეტყველებს, ის არის, რომ ჯილდოს მიელტვი. სანტიაგოს გზას მეტადრე იმიტომ ასდევნებინარ, რაკი შენი მომწირნეობისა და რუდუნებისთვის სახლაურის მიღება გწადს. შეგამჩნიე: იმგვან ნასწავლ სუყოველ სავარჯიშოს ჯიუტად ასრულებ, ანუ რაც რამ ახალ ჩვევას იძენ, უშალ საქმეში გამოყენებას ცდილობ. ეს ძალზე პოზიტიური მიდგომაა.

ერთადერთი, ჯერხანად თუ რამე გაკლია, ეს RAM ორდენის რიტუალთა შენს საკუთარ ინტუიციასთან შეხამების უნარია. ყური დაუგდე შენი გულის ხმას — დიახამც ის გასწავლის სწორ გზას და მახვილს გაპოვინებს. უკეთუ გულის ხმის გაგონებას ვერ შეიძლებ, RAM ორდენის სუყველა რიტუალი და სავარჯიშო ერთიანად ტრადიციის უსარგებლო სიბრძნეში ჩაიკარგება.

პეტრუსი ამის თაობაზე ადრეც მელაპარაკა, ოღონდ სხვაგვარად, და თუმც თანახმა კი გავუხდი, მაგრამ ახლა სულ სხვა რამის გაგონებას ვისურვებდი. ორი გარემოება ამ ამბავში აუხსნელი ჩანდა: უცნობი ენაკავი, რომელზედაც ვმეტყველებდი, და გაუგონარი გრძნობა სიყვარულისა და ის ბედნიერება, რაც ძალის გაგდებისთანავე განვიცადე.

— ლხინთა და სიამით შენი ავსება იმით იყო განსაკუთრებული, რომ ავაპემ შეგიპყრო.

— შენ უკვე პირველად არ ახსენებ მაგ ავაპეს, ოღონდ ერთი წესიერად ვერ ამიხსენი, რა არის მაგისტანა. ისეთი შთაბეჭდილება მექმნება, რომ ეგ სიყვარულის რაღაც უმაღლესი ფორმაა.

— მართალი ბრძანებაა. დადგება დრო და ნამდვილ სიყვარულსაც ჩახვდები, რომელი სიყვარულიც სულ ერთიანად ნთქავს მყვარებელს. ჯერხანად კი იმას დასჯერდი, რომ ეს სიყვარული თავის ნებაზე გამოვლინდა შენში.

— რაღაც მსგავსი უწინაც განმიცდია, ოღონდ ძალიან წამიერად და ცოტა სხვაგვარად. ასეთი რამ ჩვეულებრივ მაშინ მომსვლია, პროფესიულად რომ წარვმატებულვარ, ანდა რომელსამე საქმეში გამიმარჯვია, ან თუ მიგრძნია, რომ ფორტუნა მწყალობდა. ოღონდ როცა კი ამგვარი გრძნობა გამჩენია, ყოველთვის გული დამხურვია და ჩამთხრობია, რადგან ამ გრძნობის სრულად დახარჯვა მაფიქრებდა — ვაითუ ჩემს ბედნიერებას სხვათა თვალში შური აღედრა და ვაითუ არც ვიყავი ამ ბედნიერების ღირსი.

— ავაპეს ვინც არ განიცდის, სუყველა ზუსტად ეგრე იქცევა, — მიპასუხა მან, ტელევიზორის ეკრანს მიჩერებულმა.

მაშინ აღარ დავაყოვნე და, ანაზღეულად რომელ ენაზე ავლაპარაკდი-მეთქი, ვკითხე.

— ეგ ამბავი ჩემთვის სრული მოულოდნელობა იყო, — მომიგო პეტრუსმა. — ვინაიდან სანტიაგოს გზისთვის უცხო რამ პრაქტიკას შემასწარი. ეგ ქარიზმაა, ზეგარდმო ნიჭი, ანუ ღვთის საბოძვარი, და RAM ორდენის რიტუალებში მოქცეული, რომელი რიტუალებიც რომის გზაზეა წარმოქმნილი.

ქარიზმის თაობაზე ზოგი რამ გაგონილი მქონდა, მაგრამ პეტრუსს უფრო წვლილად განმარტება ვთხოვე.

— ეგ სულიწმიდის ნიჭთ, ანუ საბოძვართ ეკუთვნის, ნიჭი თუ საბოძვარი კი ღვთის მადლია, რაც ადამიანებში ვლინდება, თანაც სულ სხვადასხვანაირად: ზოგს განკურნების ნიჭი დაჰყვება, ზოგს სასწაულთა მოხდენისა, ზოგსაც მერმისის განჭვრეტისა. შენ კი ენაკავთა ნიჭი გებოძა, იგივე, რა ნიჭიც მეერვასე დღეს, ანუ სულიწმიდის მოფენის დღეს, მოციქულთ ეწყალობათ.

უცნობ, თუ უფრო სწორად, იდუმალ ენაზე ლაპარაკის უნარს სულიწმიდასთან პირდაპირი ურთიერთობა გვანიჭებს. ეს ენა განკუთვნი-

ლია ერთად თავმოყრილი, მოჯარული ზღვა ხალხის წინაშე ქადაგების-
თვის, ეშმათა გაძევებისთვის — როგორც ეს შენს შემთხვევაშიც მო-
ხდა, — და აგრეთვე უჩვეულო სიბრძნის ნიშანია. ამ გზაზე გატარებ-
ბულმა დღეებმა და RAM ორდენის რიტუალებმა, რომელთაც გულმო-
დგინედ სწავლობდი, იმ საფრთხესთან ერთად, რომელშიც ნაგაზინაში
ვდასხმამ ჩაგადო, შემთხვევით გააღვიძეს შენში ენაკავთა ნიჭი.
სამუდამოდ — ცოტა ხნით. უნდა იცოდე, ის აღარ დაგიბრუნდება, უკე-
თუ, მასვილს რომ იპოვი, რომის გზით წასვლას არ გადაწყვეტ. მაგრამ,
ასეა თუ ისე, ეს ამბავი კეთილის მომასწავებელია.

ვიდექი და დადუმებულ ეკრანს შევცქეროდი. ქვანახშირის მაღა-
როების ნაცვლად ეკრანზე ერთმანეთის მონაცვლე კადრები კრთოდნენ
— კაცები და ქალები გაუთავებლად რალაცას ლაპარაკობდნენ, ლაქლა-
ქებდნენ, დავობდნენ, დროდადრო კი ერთმანეთს კოცნიდნენ.

— და კიდევ ერთი რამ უნდა გითხრა, — დასძინა პეტრუსმა. —
გამორიცხული არ არის, რომ ისევ შეხვდე იმ ძალს. ოღონდ მერე ნუ-
ღა ეცდები შენში ამ ნიჭის გაღვიძებას — მაინც არა გამოგივა რა. ზე-
შთაგონებით მოიქეცი. მე კი ამჯერად RAM ორდენის კიდევ ერთ სავა-
რჯიშოს შეგასწავლი, რაც ინტუიციას, აღლოს ავითარებს. ინტუიციის
წყალობით შენი სულის საიდუმლო ენას დაეუფლები, ხოლო ის ენა
მთელი შენი ცხოვრება გზად და ხიდად დაგედება.

პეტრუსმა სწორედ მაშინ გამორთო ტელევიზორი, როცა ცოტა
თავი და ბოლო გავუგე სიუჟეტს. მერე ბართან მივიდა და ერთი ბოთ-
ლი მინერალური წყალი იყიდა. ცოტა დავლიეთ და ქუჩაში გავედით,
დარჩენილწყლიანი ბოთლი პეტრუსმა თან წამოიღო.

სუფთა ჰაერზე დავსხედით და რამდენსამე ხანს ვდუმდით. ჩამი-
ჩუმი არ ისმოდა, დამეულ ცაზე ირმის ნახტომის ციალმა კვლავ გამახ-
სენა სანუკვარი მიზანი — მასვილის პოვნა.

ოდნავ მოგვიანებით პეტრუსმა წყლის სავარჯიშო ამიხსნა.

— რალაც დავიღალე, წავალ, დავიძინებ, — თქვა მან. — ოღონდ
შენ დღესვე შეასრულე სავარჯიშო. შენი სულის სიღრმეში ჩაბუდებუ-
ლი ინტუიცია, ანუ ძველების ენაზე ჩმუნვა, გრძნობით მიხვედრა,
თუგინდ აღლო თქვი, უნდა გამოაღვიძო. ლოგიკა ნუ გაგიტაცებს, რად-
გან წყალი მედინი, ანუ მდინარი მატერიაა, მეტად ძნელი დასამორჩი-
ლებელია, სამართავად კი კიდევ უფრო ძნელი სამართავია. თუმცა თა-
ნდათან, ნელ-ნელა, ნება-ნება სწორედაც წყალი დავესმარება სოფელ-
ქვეყანასთან ახალი ურთიერთდამოკიდებულების დამყარებაში.

და ვიდრე კარებს მიეფარებოდა, დააყოლა:

— ნაგაზი სუყველას როდი ეხმარება.

საპარჯიშო ინტუიციის განსაპიოთარეზლად
(„წყლის“ საპარჯიშო)



შეარჩიე სწორი ზედაპირი, რომელიც წყალს არ უშვებს, და წყალი ზედ ისე დაასხი, პატარა გუბურა გაჩნდეს. რამდენსაღმეზენს უბრალოდ უცქირე წყალს. მერე რალაც ჩიხინი დაუწყე, სურცრაპიზანს რასმე დაისახავ. მაგალითად, უმიზნოდ გაავლ-გამოავლე ზედ ხელი, არცრა სურათის მოხაზვაზე იფიქრო.

ეს საპარჯიშო ერთი კვირა ყოველდღიურად შეასრულე, ათ წუთზე ნაკლები დრო არცროდის დაუთმო.

არავითარ პრაქტიკულ შედეგებს არ ესწრაფო, ამ საპარჯიშომ უბრალოდ თანდათანობით უნდა გაგივითაროს ინტუიცია, ალლო. როცა შენი ინტუიციური უნარი სხვა დროსაც იჩენს თავს (მეცადინეობის დროის გარდა), მუდამ ენდე.

ვიჯექი და ღამის სიგრილეს შუბლმიშვერილი ჩემებურად ვნეტარებდი. სასტუმრო სხვა სახლებისგან განზე იდგა, ასე რომ ქუჩაში მარტოდმარტო ვიყავი. და წამომავონდა აქაური სასტუმროს პატრონი, რომელიც იპანემის პლაჟზე ისვენებდა: აქ, ამ გვალვიან და გავარვარებული მზისგან გადაბუგულ ადგილას რამ ჩამოიყვანაო, ალბათ, იფიქრა-მეთქი ჩემზე, უნებლიეთ გავივლე გულში.

რადგან მეც ძილი წამომერია, სასწრაფოდ ვარჯიშის დაწყება გადავწყვიტე. დარჩენილი მინერალური წყალი პლასტმასის ბოთლიდან ცემენტის იატაკზე დავასხი და საჭიროებისდაგვარი პატარა გუბურა გავაჩინე. თავში არავითარი მოსაზრება არა მქონია, თუ რა უნდა მექნა, და ამას არც ვესწრაფოდი. ჩავცუცქედი და თითი გრილი წყლის ზედაპირს მივაავლ-მოვაავლე, მაინცდამაინც დიდ დროს არ გაუვლია, და ვიგრძენი, რომ ჰიპნოზურ მდგომარეობაში ვექცეოდი, რაც ძალიან ჰგავდა იმ შეგრძნებას, რასაც ცეცხლის ყურებისას განვიცდით. არცრაზე ვფიქრობდი, უბრალოდ, ვეთამაშობდი — წყლის პატარა გუბურას ვეთამაშებოდი. გუბურის საზღვრებიდან სხვადასხვა მხარეს რამდენიმე ხაზი გავავლე, და გუბურა სველ, ნოტიო მზეს დაემსგავსა. მაგრამ სუყველა ხაზი მალევე გაქრა, ისევ გუბურაში ჩაიწურა. მერე გუბურას ხელისგულით ტყაპუნე დავუწყე — და პაწაწინა მუქ ვარსკვლავებად ქცეული ამხეფებული წყლის წვეთები ცემენტის ნაცრისფერ ზედაპირს წინწკლავდნენ. კიდევ კარგა ხანს ვატყაპუნე ხელი სულ ერთიანად ჩანთქმულმა ამ უსაგნო მეცადინეობასა თუ საპარჯიშოში, რასაც არავითარი საგანგებო რამ მიზანი არა მქონია რა, მაგრამ სიამოვნებას მგვრიდა. გონება მთლიანად გამომეთიშა, და ისეთი შეგრძნება დამეუფლა, რასაც ადრე ხანგრძლივი რელექსაციისა და მედიტაციის გზით ვალწევდი. თანაც, ამავე დროს, სადღაც შიგნიშიგან, სადაც ჩემი ცნობიერება ვერც ატანდა, როგორც ვგრძნობდი, ჩემში უცნობი რამ ძალა იღვიძებდა, რომელიც მზად იყო თავის გამოსავლინებლად.

გუბურას ხანიერად ვეთამაშე — ამკარად მიჭირდა საპარჯიშოს შეწყვეტა. უკეთუ პეტრუსი რალაც მსგავს რასმე ჩვენი მოგზაურობის

დასაწყისშივე შემასწავლიდა, ამ ამბავს უეჭველად დროის ფუჭ ხარჯვად ჩავთვლიდი. მაგრამ ახლა, როცა არა ერთ უცნობ ენაკავზე ვმეტყველებდი და ავსულ ქასქანჯიელთაც ვდევნიდი, პატარა გუბურის წყალი წამერთ იმ ძაფად იქცა — თუნდაც სუსტ ძაფად, მის ნახტომთან რომ მაკავშირებდა, რომელიც თავს დამკავშირებდა. წყალში არეკლილი ვარსკვლავები უცნობ თანავარსკვლავედებდავად დაგვირგნინდნენ, და ისეთი შთაბეჭდილება მექმნებოდა, რომ დროს ფუჭად ვიყენებდი, არ ვკარგავდი, არამედ სრულიად ცამყართან ურთიერთობის მავან ახალ ენასა ვქმნიდი. ეს დასტურ სულის ის საიდუმლო ენა იყო, რომელიც ყველასა აქვს, ოღონდ ცოტა ვისმე თუ ეყურება.

რომ გამომეღვიძა, კარგა გვიანი იყო. სასტუმროს შესასვლელის თავზე დაყენებული ნათურა უკვე ჩაქროთ, ჩემს ნომერში სულ ფეხაკრეფით შევედი. ოთახში კვლავ ვუხმე ასტრაინს. უმაღ გამომეცხადა და ბევრად უფრო მკაფიოდ ჩანდა, ვიდრე სულ პირველად, და შევბედე — ცოტა რამ მახვილზეც ვუამბე და ცხოვრებაში რისი მიღწევაც მინდოდა, ისიც ვუთხარი. ეს ჩემი მაცნე-მაუწყებელი ჯერხნობით არ მეპასუხებოდა, მაგრამ პეტრუსმა როგორც ამიხსნა, უკეთუ ასტრაინს ცისმარე დღე გამოვუხმობდი, თანდათან ის ჩემს მხარდამჭერ ცოცხალ და აქტიურ ძალად გადაიქცეოდა.

მორწილი

ლოგრონიო სანტიაგოს გზაზე მდებარე ერთ-ერთი მოზრდილი ქალაქია, უკეთუ სათვალავში არ ჩავალთ პამპლონას, სადაც არ გავჩერებულვართ. როს მოსალამოებულზე ლოგრონიოს მივალწიეთ, იქ თურმე დიდ ზეიმს რასმე ეპირებოდნენ, და პეტრუსის წინადადება იყო, რომ თუნდაც დილაამდე მაინც დავეყოვნებულიყავით ქალაქში.

რაკილა ამ ხნის განმავლობაში მრავალ სოფელ ადგილას სიწყნარესა და სიმშვიდეს მივეჩვიე, პეტრუსის იდეას სულაც არ აღუფრთოვანებივარ. ნაგაზთან რომ ამბავი შემემთხვა, იმის მერე უკვე ხუთი დღე იყო გასული, ყოველ საღამოს ვეძახდი ასტრაინს და წყლის სავარჯიშოს ვასრულებდი. ამ ხუთმა დღემ სულიერად დამაწყნარა და დამამშვიდა, რადგან შევიგნე, რომ სანტიაგოს გზა ფრიად მნიშვნელოვანი იყო ჩემს ცხოვრებაში, და ახლა სულ უფრო ბევრს ვფიქრობდი იმაზე, რაც უნდა მერე მექნა, როცა ლოცვადმავლობა გასრულდებოდა. თუმცა უდაბური ადგილიც ბევრი გამოვიარეთ და მცირე საჭმლითაც თავი ძლივს გაგვქონდა, მუდამ დღე გაუთავებელი სიარულით განცვანყვეტილნი ხომ ფეხზე ძლივს ვიდექით, მაგრამ ეს ყველაფერი მაინც მშვენიერი იყო.

ხოლო ლოგრონიოს რომ მივაღექით, ყოველივე უკან დარჩა, მინდვრების ცხელი, ოღონდ კამკამა ჰაერის ნაცვლად ახლა ბენზინის ბუღს ვსუნთქავდით, ქალაქი გახეთებისა და ტელევიზიების ხალხს

ეპურა, ირგვლივ მანქანების ტევა არ იყო. პეტრუსი პირველსავე ბარში შევიდა, რათა გაეგო, რა ხდებოდა.

— რა, არ იცით? პოლკოვნიკი მ. დღეს ქალიშვილს ათხოვებს! — უთხრა პეტრუსს ბარმენმა. — მთავარ მოედანზე ყველა მსურველისთვის პურმარილს გაშლიან, ასე რომ დღეს ადრე დასრულდება.

სასტუმროში, ცხადია, ადგილები არ იყო, მაგრამ მსახურთა და ბოლოს მოვახერხეთ და ერთი ხნიერი ცოლ-ქმრის ოჯახში მოვეწყეთ, რომელ ცოლ-ქმარზეც აშკარად შთაბეჭდილება მოახდინეს პეტრუსის ტავარჯუხზე გამოსახულმა ნიჟარებმა. შხაპი გადავივლე, წამოვიცვი ის ერთერთადი შარვალი, თან რომ მქონდა წამოღებული, და ქალაქში გავედით.

თავიანთ შავ ფრაკებში ოფლმოდენილი ათობით მსახური და ოფიციალტი საბოლოოდ აპეწიან-ალაზათიანებდა მთელ მოედანზე დადგმულ მაგიდებს. ესპანეთის ტელევიზიის გადამღებთა ჯგუფი საქორწილო ზეიმის სამზადისს იღებდა. ჩვენ პატარა ვიწრო ქუჩას გავყევით, რომელიც სანტიაგო ელ რეალის სამრევლო ეკლესიისკენ მიდიოდა, სადაც ცერემონია უნდა დაწყებულიყო.

ეკლესიასთან სულ ერთიანად გამოწყებილ-გამოპრანჭული ქალაქელი ხალხი გროვდებოდა. ქალებს სიცხისაგან სახეზე მაკიაჟი ადნებოდათ, თეთრად გამოკვანწული ბავშვები მოუსვენრად ცქმუტავდნენ და ჭუჭყუნებდნენ. ატკრციალდა ფეიერვერკი, ვეება შავი ლიშუზინი მთავარ შესასვლელთან მიგორდა. სასიძო მობრძანდა. ეკლესიაში ჩემი და პეტრუსის ადგილი აღარ იყო, ასე რომ, მოედანზე მიბრუნება გადავწყვიტეთ.

პეტრუსმა გარეშემო ხეტიალი მოიპრიანა და წავიდა, მე კი ერთერთ მერხზე ჩამოვჯექი, ცერემონიის დამთავრებასა და ბანკეტის დაწყებას დაველოდე. გვერდით ბატიბუტის გამყიდველი მედვა თავის ხონჩიანად: ჩანდა, ცოტაოდენი ფულის მოვნას იმედოვნებდა, როცა ხალხი ეკლესიიდან გარეთ გამოიხენცებოდა.

— ქორწილის სტუმრები ბრძანდებით? — დაგულისყურდა მე-ბატიბუტე.

— არა, პილიგრიმები ვართ, კომპოსტელაში მივდივართ, — მივუგე.

— მადრიდიდან იქით პირდაპირი მატარებელი მიდის, ხოლო პარასკევს თუ წახვალთ, სასტუმროში უფასო ნომერი შეგხვდებათ.

— კი, მაგრამ ჩვენ ლოცვადმავლობას ვასრულებთ. მე-ბატიბუტემ აღმაცერად გადმომხედა და ხმაში პატივგარეულმა წარმოთქვა:

— ლოცვადმავლობას მხოლოდ წმინდანები ასრულებენ. გადავწყვიტე, არ შევკამათებოდი ამ საკითხისა გამო. არცრა მიკითხავს, ისე მაუწყა, ჩემი ქალიშვილი უკვე გათხოვდა და გამოთხოვდა კიდევცო.

— ფრანკოს დროს მეტი ზნეკეთილობა იყო, — დაიჩივლა მან, — მაშინ ოჯახურ კავშირს ფასი მქონდა.

მართალია, უცხო ქვეყანაში კი ვიყავი და აჯობებდა, თუ პოლიტიკაზე სიტყვას არ ჩამოვაგდებდი, მაგრამ მე-ბატიბუტემ ისეთი რამ

თქვა, უპასუხოდ ვერ დავტოვებდი. მეც ავდექი და პირდაპირ მივახალღე, ფრანკო დიქტატორი იყო და ამიტომ იმის დროს უკეთესი ვერც ვერაფერი ვერ იქნებოდა, ვიდრე დღეს არის-მეთქი.

მებატიბუტე წამოჭარხლდა.

— ეგეთი ვინა ბრძანდებით, რომ ეგრე ლაპარაკობთ?

— ბრძანება რა შუაშია, თქვენი ქვეყნის ისტორია ვიცნობი. ცნობილია, რომ ხალხი აქ თავისუფლებისთვის იბრძოდა. წამოჭარხლდა იმ შრავალი დანაშაულის შესახებაც, ფრანკოელნი ესპანეთში სამოქალაქო ომის დროს რასაც სჩადიოდნენ.

— წაგიკითხავთ? მე კი, დღეის ამას იქით იცოდეთ, სწორედ იმ ომში ვიბრძოდი! ლაპარაკის უფლება იმიტომ მაქვს, რომ აქ ჩემი ახლობლების სისხლია დაღვრილი. სულაც არ დავეძებ, რომელი წიგნიდან რა ამოგიკითხავთ, — მე მხოლოდ ჩემი ოჯახის მდგომარეობა მინალვლებს. დიახ, ფრანკოს წინააღმდეგ ვიბრძოდი, გამარჯვებით კი იმან გაიმარჯვა, მაგრამ უკეთესი ცხოვრება დადგა. გაჭირვებული კაცი არ მეთქმის, ჩემი ფარდული მაქვს, ბატიბუტეს ვყიდი. და სოციალისტების მთავრობა, ახლა სათავეში რომ არის, არც არაფერში არ წამდგომია. ამისთანა მძიმე ცხოვრება არცროდის არა ყოფილა.

უცაბედად პეტრუსის ნათქვამი წამომავიწყდა იმის თაობაზე, რომ ადამიანებს ხშირად ცხოვრების ნასუფრალით უხდებათ თავის გატანა. კონფლიქტი კიდევ უფრო არ გავამწვავო-მეთქი, ავდექი და სხვა მერხზე გადავჯექი.

პეტრუსი როგორც კი მობრუნდა, მებატიბუტესთან ჩემი დავის ამბავი უკლისად ჩავუწიგნე.

— მოსაზრებათა განხილვა მუდამ ერთსა და იმავე რასმე ემსახურება, — თქვა მან. — ამდაგვარი განსჯა-განხილვა ადამიანებს ეხმარება საკუთარი თავის დაჯერებაში, რომ ისინი მართალნი არიან. ასე რომ იცოდე, მე იტალიის კომუნისტური პარტიის წევრი ვარ და არ მეგონა, თუ ფაშისტებს მხარს უჭერდი.

— რას ლაპარაკობ?! — აღშფოთებულმა ვუთხარი.

— რას ვლაპარაკობ და, ეგ მებატიბუტე საბოლოოდ დაარწმუნე, რომ ფრანკო კარგია. ადრე იქნებ არც გაეგებოდა, რატომ იყო კარგი. ახლა უკვე იცის.

— მართლა? მაინც რამდენი ხანია, რაც იტალიის კომუნისტური პარტიის წევრთ სულიწმიდის მადლისა გჯერათ?

— კაცნი ვართ, გვინდა, არ გვინდა, მუდამ გვაფიქრებს, რას იტყვიან მეზობლები ჩვენზე, — გაიცინა მან და პაპი წარმოსახა, აივნიდან ხალხის მაკურთხებელი.

და ცაში კვლავ აიჭრა უამრავი შუშხუნა, ხოლო მემუსიკენი ესტრადაზე ავიდნენ და საკრავების აწყობას შეუდგნენ. ზეიმის დაწყებას აღარცრა უკლდა.

ცას თვალს ვერ ვაშორებდი. ბინდი ხშირდებოდა, აქა-იქ პირველი ვარსკვლავები დაჩნდნენ. პეტრუსი ოფიციალტის საძებნელად წავიდა და ორი ღვინით სავსე პლასტმასის ჭიქა მოიტანა. ერთი მე გამომიწოდა და თან დააყოლა:

— ამბობენ, ზეიმის დაწყებამდე, ცოტას დალევს საქმეს ადგება რა იცი, მებატიბუტე იქნებ დაგავიწყოს კიდევ.

— ის ისედაც უკვე დავიწყებული მყავს!

— მაგ ამბავს მთლადაც ნუ გააარაფრებ! რაც მოხდა, ეს სიმბოლური გზავნილია: იმის ნიშანია, რომ არასწორად მოქცევა ეგვრება. მუდამ სხვათა ჩვენს რჯულზე მოქცევას ვესწრაფებით, რომ ჩვენს მსოფლგაგებას ვაზიაროთ ისინი. ჩვენი აზრით, რაც უფრო მეტი ადამიანი ირწმუნებს ჩვენს სასოება-სარწმუნებელს, მით უფრო მალე იქცევა სინამდვილედ ჩვენი ესა თუ ის წარმოდგენა. არაფერიც.

მიმოიხედე გარშემო. საცაა დიდი დღესასწაული დაიწყება. საზეიმო ცერემონია. დღეს ერთდროულად სულ სხვადასხვაგვარ ოცნებებსა და იმედებს ესხმის ხორცი: მამას ქალიშვილის გათხოვების იმედი უსრულდება, ქალიშვილის გაბედნიერების იმედი, სასიძოს დაოჯახების იმედი, რაც ძალიან კარგია, რადგან სუყველა ცალ-ცალკე ოცნებობდა და ახლა უნდათ, რომ სხვათაც დაანახვონ, როგორ აუხდათ ოცნებები. ეს ზეიმი სულაც იმიტომ არ ეწყობა, რათა ვინმე რამეში დაარწმუნონ, ამიტომაც აქ ნაღდი ლხინი და მხიარულება იქნება. ყველაფერი იმას მეტყველებს, რომ აქ ის ადამიანები არიან თავშეყრილნი, ვინც სამართლიან ომს ეწეოდა თავისი სიყვარულის გულისთვის და გაიმარჯვა.

— მაგრამ, პეტრუს, სანტიაგოს გზით რომ მიგყავარ, განა შენც რალაცაში ჩემს დარწმუნებას არა ცდილობ?

მან ყინულივით ცივი მზერა შემაველო.

— მე მარტოოდენ RAM ორდენის საქმიანობას გასწავლი. მანვილის საპოვნელად კი გულის სიღრმეში დაფარული გზა, ჭეშმარიტება და ცხოვრება უნდა შეიცნო.

პეტრუსმა ხელი ცისკენ აიშვირა, სადაც უკვე მკაფიოდ ჩანდნენ ვარსკვლავები.

— ირმის ნახტომი კომპოსტელასკენ მიმავალ გზას გვიჩვენებს. არ არის რელიგია, რომელსაც სუყველა ვარსკვლავის ერთად თავმოყრა შეეძლოს. ხოლო ასეთი რამ თუკი მოხდებოდა, ცამყარი გიგანტურ სიცარიელედ გადაიქცეოდა და თავისი არსებობის აზრს დაკარგავდა. თითოეულ ვარსკვლავს — და თითოეულ ადამიანს — თავისი საკუთარი სივრცე და თავისი განსაკუთრებული თვისებები აქვს არიან ცისფერი, ყვითელი, მწვანე და წითელი ვარსკვლავები, არიან აგრეთვე კომეტები, ანუ კუდიანი ვარსკვლავები, მეტეორები, ანუ ცისიერნი, მეტეორიტიებად რომ ცვივიან დედამიწაზე, არსებობს უამრავი ვარსკვლავიერი ნისლოვანება და უამრავივე ბაკმი, ანუ ხილული ნათლის სარტყელი, პლანეტათა თუ ცთომილთა გარეშემო მოვლებული. რაც რამ აქედან, დედამიწიდან, ჩანს როგორც ერთგვაროვანი დიდძალი პაწაწინა ლაქა, სინამდვილეში ყველაფერი უთვალავი სხვადასხვა საგანი და მოვლენაა მიმოფანტული სივრცეში, რომლის არსშიც ჩაწვდომა კაცობრიული გაგების უნარს აღემატება.

და კვლავ ტკრციალით აიჭრა ცაში ურიცხვი ფერადი შუშხუნა, რომელთაც წამიერ ვარსკვლავნიც კი დაჩრდილეს. მოციმციმე მწვანე ნაპერწკლების ბურჯღალი გადაშლილი ჩამოწვიმდა მიწაზე.

— წელან ფეიერვერკის მხოლოდ ხმის გაგონება შეგვეძლო, ახლა კი, როცა ბინდი ჩამოწვა, უკვე დანახვაც შეგვიძლია, — თქვა პეტრუსმა. — და ეს ერთადერთი რამ ცვლილებაა, რასაც შეიძლება რომ სასოებდეს ადამიანი.

ნეფე-პატარძლის ეკლესიიდან გამოსვლას ჟრიაშულითა და შეძახილებით შეხვდა ხალხი, ზოგნიც სულ ახლოს მიიჭრნენ და მღვდელ-ბლუჯა აყრიდნენ ბრინჯს. დედოფალს, თექვსმეტობდე წლის სწრაფ გოგოს, მაგრად ჩაეველო ხელი კოხტად გამოწყობილი ნეფისთვის. ახალჯვარდაწერილთ უკან მაყრიონი მოჰყვა, და ყველანი მოედნისკენ გაემართნენ.

— აგე პოლკოვნიკი... აუ, რა კაბა აცვია პატარძალს! რა ლამაზია! — დაიყვირეს ბავშვებმა ჩვენ შორიანს.

სტუმრებმა თავ-თავიანთი ადგილები დაიკავეს მაგიდებთან, ოფიციატებმა ღვინო დაასხეს, იგრიალა ორკესტრმა. მებატიბუტეს გარშემო პატარებს ჟივილ-ხივილი გაჰქონდათ, სუყველანი ერთდროულად აწვდიდნენ ხურდა ფულს, სიმიინდიან პაკეტებს ართმევდნენ და ძირსა ფანტავდნენ. მომეჩვენა, რომ ლოგრონიოელთათვის, ამ საღამოს მაინც, მთელმა დანარჩენმა ქვეყნიერებამ — თავის პრობლემებიანად: უმუშევრობითა თუ ატომური ომის მუქარით, მრავალი ბოროტმოქმედებითა და ათასი სხვა უბედურებით — უბრალოდ შეწყვიტა არსებობა. დღეს აქ ზეიმია, მოედანზე დადგმულ მაგიდებთან ყველასთვის მოიძებნება ადგილი, და არცვინ დაჩაგრულად არ იგრძნობს თავს.

ჩვენკენ მეტელევიზიითა პატარა ჯგუფი გამოეჩქარა, და პეტრუსი სწრაფად შებრუნდა, ზურგი შეაქცია. მეტელევიზიენი ჩვენი გვერდის ავლით ერთ-ერთ სტუმარს მიაღვნენ, რომელიც ჩვენგან ორიობე ნაბიჯზე უჯდა მაგიდას. შევხედე თუ არა, მაშინვე ვიცანი: ანტონიო მანოლო იყო, რომელიც მეხიკოში მყავდა ნანახი როგორც ფეხბურთში მსოფლიო ჩემპიონატზე ჩამოსულ ესპანელ გულშემატკივართა თავკაცი. ინტერვიუ რომ დათავრდა, მივედი მანოლოსთან და, ბრაზილიიდან ვარ-მეთქი, ვუთხარი, რის პასუხადაც მან ვითომც გულისწყრომით მომიგო, თქვენ მსოფლიო ჩემპიონატის პირველ ტურში ესპანელთ გოლი მოგვპარეთ.*

მაგრამ მერე გულში ჩამიკრა და დასძინა, ბრაზილიას მსოფლიოში საუკეთესო ფეხბურთელები ძალე კვლავაც გამოუჩნდებიანო.

— მითხარი ერთი, თამაშის ყურებას როგორღა ახერხებ, თუ მინდვრისკენ სულ კურთუკულმა, ზურგშექცეული დგახარ და შენს ტორსიდას დირიჟორობ? — ვკითხე ალაღად დაგულისყურებულმა.

ეს ამბავი ყოველთვის მაკვირვებდა, როცა კი მატჩების ტრანსლაციას ვუყურებდი.

* 1986 წელს მეხიკოში გამართულ მსოფლიო ჩემპიონატზე ესპანეთისა და ბრაზილიის გუნდების შეხვედრისას ესპანელთა მიერ გატანილი ბურთი მსაჯმა არ ჩათვალა, რადგან ვერ დაინახა რომ ძელზე ასხლეტილი ბურთი ჯერ კარის ხაზს გადასცდა და მერეღა გამოგორდა უკან.

— ტყუილია უფრო მეტი სიამე, ვიდრე ჩვენს ფანატებში გამარჯვების რწმენის მხარდაჭერაა.

და მერე, თითქოს ისიც სანტიაგოს გზას იყო ადევნებული, წარმოთქვა:

— რწმენის უქონელ ტორსიდას უკვე პრაქტიკულად მოგებული მატჩის ჩაფლავება შეუძლია.

მანოლოს ახლა სხვა ადამიანები შემოეხვივნენ, ნაუბარი გაუბეს, მე კი ვიდექი და რაც იმან მითხრა, იმაზე ვფიქრობდი. ის არცროდის დამწყემსებია სანტიაგოს გზას, მაგრამ ესმოდა, რა არის სამართლიანი ომი.

პეტრუსი სადღაც ხეების ჩრდილს თავშეფარებული აღმოვაჩინე, სადაც, ალბათ, სტუმრებისკენ მიმართულ სატელევიზიო კამერებს ემალებოდა. მხოლოდ როცა იუპიტერები ჩაქრნენ, მაშინლა გადაწყვიტა მან თავშესაფრიდან გამოსვლა და ცოტა მოწყდა, მოეშვა. თითო ჭიქა ღვინო კიდევ ავიღეთ, მე კანაპედან ჩვენთვის თეფში მოვახელე, პეტრუსმა კი მაგიდასთან ადგილი გამოძებნა, სადაც სხვა სტუმრებთან ერთად მოვეწყეთ.

ახალჯვარდაწერილნი უკვე ჭრიდნენ ვეება საქორწილო ღვეხელს. სტუმრები ხმამაღლივ ულოცავდნენ გაბედნიერებას.

ერთმანეთი, ალბათ, ნამდვილად უყვართ-მეთქი, ვთქვი.

— რა თქმა უნდა, უყვართ, — დასტური დამცა მუქ კოსტიუმში გამოწყებილმა კაცმა, გვერდით რომ მიჯდა. — აბა, როგორ? სხვა მიზეზით რა, განა ვისმე მოჰყავს ცოლი?

უცებ მებატობუტეზე ჩემი და პეტრუსის ლაპარაკი გამახსენდა, და ხმამაღლა პასუხის გაცემას მოვერიდე. მაგრამ ჩემი მეგზური არ გაჩუმებულა.

— მაინც რომელი სიყვარული გაქვთ მხედველობაში: ეროსი, ფილოსი თუ ავაპე?

ჩემ გვერდით მჯდომ კაცს სახეზე გაოგნება აღებეჭდა. პეტრუსი წამოდგა, სასმისი შეავსო და, ცოტა გავიაროთო, შემომთავაზა.

— სამივე ბერძნული სიტყვა სიყვარულს აღნიშნავს, — დამიწყო ახსნა მან. — რასაც დღეს მე და შენ ვხედავთ, ეს ეროსია, ანუ ორი ადამიანის დამაკავშირებელი სიყვარულის გრძნობა.

ნეფე-დედოფალი ფოტოგრაფს უღიმოდა და მილოცვებს შეჰხაროდა.

— ამ ორთ, მგონი, მართლაც უყვართ ერთმანეთი, — თქვა მან. ნეფე-პატარძალს თვალშეჩერებულმა. — და სჯერათ, რომ თავიანთი სიყვარული სულ უფრო გაძლიერდება. მალე ესენი დედ-მამას გამოეყოფიან და თვითონ მიხედავენ თავიანთ ოჯახს, ერთად გასწევენ ცხოვრების ჭაპანს. ერთ უღელში შებმა კი აკეთილშობილებს და ღირსეულსა ხდის სიყვარულს. ნეფე ჯარში წავა თავისი ვალის მოსახდელად. პატარძალი კი შინ დატრიალდება, რაც ოჯახისთვის საჭიროა, ყველაფერს ისწავლის და კარგი დიასახლისი დადგება, რადგან პატარაობიდანვე ამზადებდნენ ამ ამბისთვის. მოსიყვარულე ცოლ-ქმარს მალე შვილებიც დაეხვევნიან, და ორივენი ალაღად მიიჩნევენ, რომ რაღაც ახალი შექმნეს. ერთი სიტყვით, ეს წყვილი სამართლიან ომში ჩაებმება. და

თუნდაც კარგა ბლომად თავსატეხიცა და თავსამტვრევაც გაუჩნდეთ, არაფერია, მაინც სვებედნიერნი იქნებიან.

თუმცა საქმე იქნებ სულ სხვანაირადაც წარიმართოს. ^{კაცმა ვაითუ} თავი შეზღუდულად იგრძნოს, რადგან თავისი ეროსის, ანუ სხვა ^{ქალ-}თა მიმართ თავისი სიყვარულის გამოხატვის უფლება არ ^{ეჭვსა და} მა კი ვაითუ დაიდარდოს, ქმრის გულისთვის ბრწყინვალე ^{წარჩევა და} ვკარგეო. მაშინ იმის მაგივრად, რომ კვლავაც ის აზრი უტრიალებდეთ, მხარიმხარმიცემულნი რაღაცას საერთოს, საზიაროს ვქმნითო, პირიქით, ერთიც გაქურდულად იგრძნობს თავს, მეორეც და დაასკვნიან, ჩვენს სიყვარულს აზრი არა აქვსო. ამ დროს ეროსი, ანუ ის მთავარი რამ, რაც ამ ორ ადამიანს აერთიანებდა, თავის მეორე მხარეს, ანუ ცუდ პირს გამოაჩენს. და ყოვლის უფრო კეთილშობილური გრძნობა, უფალმა კაცთათვის რომ განჭვრიტა, მძულვარებისა და ნგრევის წყაროდ იქცევა.

გარშემო მიმოვიხედე, და დავინახე, რომ დამსწრეთაგან ბევრი იყო ეროსით გადაჯაჭვული. წყლის სავარჯიშომ გულის ხმა გამომიღვიძა და ადამიანთ ახლა სულ სხვანაირად ვხედავდი. არ ვიცი, ვხაში გატარებულმა მარტოობის გრძელმა დღეებმა იჩინეს თავი, თუ იქნებ, სულაც RAM ორდენის პრაქტიკა გამოვლინდა ამდაგვარად, მაგრამ ჩემთვის ცხადი გახდა, რასაც პეტრუსი აღწერდა როგორც სიკეთის ეროსს და ბოროტების ეროსს.

— ერთი რამ ფრიად საგულისყურია, — განაგრძო მან, ისევ ნეფე-დედოფალზე თვალშეჩერებულმა. — ეროსი — მნიშვნელობა არა აქვს კეთილია თუ ბოროტი — ყველა ადამიანს სხვადასხვა ევლინება. ეს იმის მსგავსი რამ ამბავია, რასაც წელან ვარსკვლავებზე გეუბნებოდით. ეროსის გვერდის ავლა არცვის არ ძალუძს. ეროსი სუყველას სჭირდება, თუმცა ის ხშირად გვაიძულებს, რომ თავი ამ სოფელ-ქვეუნისგან მოწყვეტილად და მარტოობის მახეში გაბმულად ვიგრძნოთ.

ორკესტრმა ვალსი დაუკრა. სტუმრები წყვილ-წყვილად გამოდიოდნენ ასფალტის პატარა მოედანზე ესტრადის წინ, სადაც ორკესტრანტები ისხდნენ. ღვინოს უკვე თავისი ექნა, ირგვლივ ხმამაღალი ლაპარაკი და სიცილი ისმოდა. ჩემი ყურადღება ერთმა ცისფერკაბიანმა ქალიშვილმა მიიპყრო: ამ ქორწილს ის, მგონი, იმისთვის ელოდა, რა არი ცეკვის საშუალება მისცემოდა — ოცნებად ჰქონდა გადაქცეული, რომ ვალსში ვისმე დაეზრიალებინა, ვის ჩასახუტებლად გამოწვდილ მკლავებსაც ჯერეთ კიდევ გოგოობისას ზმანებებში ხედავდა. ქალიშვილი თვალს არ აცილებდა მეგობარ ბიჭებში ჩამდგარ ერთი ღია ფერის კოსტიუმში გამოწყობილ ჭაბუკს. ბიჭები რაღაცას უყვებოდნენ ერთმანეთს და ვალსის დაწყება არც შეუმჩნევიათ. არ შეუმჩნევიათ ბიჭებს აგრეთვე ის ცისფერკაბიანი ქალიშვილიც, იქვე შორიახლო რომ იდგა და იმედის თვალით უცქეროდა ერთ იმათგანს.

ჩემდა უნებურად შემომაწვა ფიქრი პატარა ქალაქების ცხოვრებაზე და ქორწინებაზე, რაზეც მავანი და მავანი ბავშვობიდანვე ოცნებობს.

ცისფერკაბიანმა ქალიშვილმა შეამჩნია, რომ ვუთვალთვალებდი და თავის დაქალთ მიაშურა. როგორც კი ის გაუჩინარდა, იმისგან თვალდადგმულმა ჭაბუკმა უმაღ ქებნა დაუწყო, ხან საით გზისხედა, ხან საით. მაგრამ დარწმუნდა თუ არა, თავის დაქალეებშიაო, ისევ შეწყვეტილ საუბარს მიუბრუნდა.

პეტრუსს ორივენი დაგანახვე. იმანაც ცოტა ხანს იყუყუდა, როგორ აპარებდნენ ისინი თვალს ერთმანეთისკენ, მერე ის-ის იყო გვერდზე გადადგმული ღვინიანი სასმისი პირთან მიიტანა და თქვა:

— ეგენი ისე იქცევიან, თითქოს თავიანთი სიყვარულისა რცხვენიათო.

ვილაც გოგონა, ჩვენ გვერდით რომ იჯდა, ერთობ თვალეებდაჭყეტილი გვიყურებდა მე და პეტრუსს. ის დაახლოებით ორჯერ ახალგაზრდა იყო ჩვენზე. პეტრუსმა სასმისი ასწია, ვითომ იმის სადღეგრძელოსა სვამდა. გოგონამ შეცბუნებულმა გაიცინა, მერე იქვე ახლოს მსხდომი მშობლებისკენ გაიშვირა ხელი, როგორც ჩანს, გვანიშნა, არ შემიძლია, ვერ მოვალ თქვენთანო.

— ეს უკვე ლამაზი მხარეა სიყვარულისა, — ჩაილაპარაკა პეტრუსმა. — ტრფიალია ორი უცხოტომელის მიმართ, საიდანღაც რომ მოსულან, ხვალ კი ისევ განაგრძობენ გზას იმ თვალგადაუწვდენელ სოფელ-ქვეყანაში, სადაც მოხვედრას იქნებ ოცნებობდეს კიდევ ეგ სახემცინარი ცირა.

ლაპარაკზე ეტყობოდა, რომ ღვინოს პეტრუსიც შეექვიფიანებინა.

— დღეს უნდა სიყვარულზე ვილაპარაკოთ! — შესძახა ჩემმა მეგზურმა იმაზე უფრო ხმაძალლა, ვიდრე საჭირო იყო. — მოდი და ნამდვილ სიყვარულზე ვილაპარაკოთ, იმ სიყვარულზე, რომელსაც უჭირავს ეს ქვეყნიერება, და რომელიც ჭეშმარიტად აბრძენებს ადამიანთ!

ერთ კარგად ჩაცმულ ქალს, ჩვენ გვერდით რომ მიმოდიოდა, თითქოს აინუნშიც არ მოსდიოდა ეს ბედნიერი დღე, ხან ერთ მაგიდასთან მიდიოდა, ხან მეორესთან და ჭიქებს, ჭურჭელს, სუფრის იარაღს ასწორებდა, აწესრიგებდა, რაც თავითავს არ იყო მოყვანილი.

— ხედავ ემაგ ქალს? — დამეკითხა პეტრუსი, — სუფრის იარაღს თავის ადგილს რომ უჩენს? როგორც ვითხარი, ეროსს მრავალი სახე აქვს, და ეგ ერთ-ერთია. აგრე გამოიყურება უბედური სიყვარულის, ანუ იმედგაცრუებისა თუ გულგატეხილობის ერთი ვარიანტთაგანი. ეგ ქალი, რასაკვირველია, ნეფესაც აკოცებს და პატარძალსაც, ოღონდ გულში ღრმად არის დარწმუნებული, რომ ქორწინება ყულფში თავის გაყოფაა. ხომ ხედავ, როგორ აწესრიგებს გარშემო ყველაფერს, ხელშეუხებელი არცრა დარჩა მაგიდეებზე, და ამას იმიტომ სჩადის, რაკი ჩილიც, — ისე გამოიყურება საყოველთაოდ მიღებული ეროსი. ეს საერთო-ერთ ცოლ-ქმარზე მიმანიშნა: ქმარი განსაკუთრებულად არცრით გამოირჩეოდა, ხოლო ცოლი ზომაზე მეტად იყო შეღებილიცა და გაჩეჩილიც, — ისე გამოიყურება საყოველთაოდ მიღებული ეროსი. ეს საზოგადოებრივი პირობითობისთვის გადახდლი ხარკია, რომელშიც ვნების ნატამალიც არ ურევია. აგრეა, როცა ცოლი თავის როლს კისრუ-

ლობს, გარესკნელთან, ანუ გარესამყაროსთან ყოველგვარ კავშირს წყვეტს და უარს ამბობს სამართლიან ომზე.

— შენს მსჯელობაში, პეტრუს, რაღაც ბევრი სიმწარეა. ნუთუ ამათგან აღარავის შველა აღარ შეიძლება?

— რასაკვირველია, შეიძლება. იმ ცირას, ჩვენ რომ თვითღმერთობა პრაწავდა ანდა ახალგაზრდებს, რომლებიც ცეკვავენ, ჯერჯერობაშია გაეგებათ, რა არის სიკეთის ეროსი. და თუკი თვალთმაქცურად არ მოიქცევიან სიყვარულის მიმართ, როგორც უფროსი თაობა იქცეოდა და სცოდავდა, სულ სხვანაირი გახდება ჩვენი წუთისოფელი.

მან ხნიერი წყვილი დამანახვა, ერთ-ერთ მაგიდასთან მჯდომარე.

— ეგენი სხვათ არა ჰგვანან. მაგათ არც ყალბობისა ეტყობათ რა-მე, არც სიმრუდისა. გლეხები ჩანან. შიმშილი თუ გაჭირვება მუდამ იძულებულსა ხდიდა, რომ ერთმანეთის მხარდამხარ ეშრომათ. მაგათ იგივე აქვთ ნასწავლი, რასაც შენ ახლა სწავლობ როგორც RAM ორდენის პრაქტიკულ გამოცდილებას, თუმცაღა ვაგონილიც კი არა აქვთ ამ ორდენის ამბავი. რადგან ეს ქვეყანა ოდენ საგარჯილოდ უჩანთ, ეგენი სიყვარულს თავიანთი გარჯიდან და შრომიდან ხაპავენ, შრომაგარჯაში იხვეჭენ სიყვარულისთვის საჭირო ძალას. ამ შემთხვევაში ეროსი თავის ყველაზე უფრო მშვენიერ სახეს აჩენს, რამეთუ ფილოსს ერწყმის.

— ეგ რაღაა?

— რაღაა და სიყვარულია, რომელიც მეგობრობის სახეს იძენს. ეს იგივეა, რასაც მე განვიცდი შენ მიმართ და ბევრი სხვა ადამიანის მიმართაც. როცა ეროსის ცეცხლი აღარ გიზგიზებს, ქორწინებას ნგრევისგან ფილოსი იცავს.

— აბა, აგაპე?

— მაგაზე ჯერ ადრეა ლაპარაკი. აგაპე სიყვარულის ორსავე სხვა ფორმაშია — ეროსშიც, ფილოსშიც, — ოღონდ შენთვის ეს ჯერჯერობით მხოლოდ სიტყვებია. წამო, ჩვენც საერთო ლხინს შევუერთდეთ, ავრე აჯობებს. ხოლო ყოვლისმომცველ სიყვარულზე მოდი, ნუ ვილაპარაკებთ.

და პეტრუსმა კიდევ დაისხა ღვინო.

მოედანზე გამეფებული საზეიმო განწყობილება გადამდები გამოდგა. პეტრუსი კარგა გვარიანად შეთვრა, და პირველად, ცოტა არ იყოს, გამიკვირდა კიდევ, მაგრამ მერე გამახსენდა, რომ ერთხელ უკვე ამიხსნა, — RAM ორდენის პრაქტიკას მხოლოდ მაშინ აქვს აზრი, თუ იმის ძალა ჩვეულებრივ ადამიანთ შესწევთ.

და ამ საღამოს პეტრუსი ყველაზე უფრო ჩვეულებრივ ადამიანად მეჩვენებოდა, რომელიც არაფრით არ განსხვავდებოდა იმათგან, ვინც გარს გვეხვია. ყველას ეფერებოდა, ესიყვარულებოდა, ყველას მხარზე ურტყამდა ხელს და ყველას ებაასებოდა, ვისაც კი იმასთან ლაპარაკი ეწადა. ცოტა უფრო გვიან ისე დათვრა, მხარში შევუდექი და ბორძიკ-ბორძიკ ძლივს მივიყვანე სასტუმროში.

სასტუმრომდე დიდი გზა არა გვქონდა გასავლელი, მაგრამ მაინც მოვასწარი შექმნილი ვითარების გააზრება. ჩემი მთვრალი მეგზურის მხარდაყრდნობილი უცებ მივხვდი: მთელი ჩვენი მოგზაურობის მანძი-

ლზე პეტრუსს ერთხელაც კი ოდნავადაც არ უცდია, რომ ჩემზე უფრო ალმატებული, უფრო ბრძენი და უცოდველი გამოჩენილიყო. ის მხოლოდ RAM ორდენის პრაქტიკით შეძენილ თავის გამოცდილებას მიზნობდა. ოღონდ ამასთანავე მუდამ ხაზს უსვამდა, შენთვისვე ვარ, როგორც სუფველაა, ვინც ეროსიც უწყის, ფილოსიც და ავავეცო და ამ ამბავმა ძალა გამიათქცა. სანტიაგოს გზა ჩვეულებრივ ადამიანთ ეკუთვნით.

ა ლ მ ა ზ რ ე ნ ა

„უკეთუ ადამიანთა და ანგელოზთა ენით ვლაპარაკობ... წინასწარმეტყველების ნიჭიც რომ მქონდეს... სრული რწმენაც რომ მქონდეს, ხოლო სიყვარული არა მქონდეს, არარაობა ვიქნებოდი“.

პეტრუსი კვლავ იშველიებდა წმ. პავლეს, რომელიც, როგორც ის ფიქრობდა, ყოვლის უკეთესად გადასცემდა ხალხს ქრისტეს სიტყვებს. მთელი დილა წინ ვიარეთ, ხოლო სადილთუკან მდინარის პირას სათევზაოდ მოვეწყვეთ. ანკესს ერთი თევზი არ გაჰკარებია, მაგრამ პეტრუსს ეს სულაც არ ანაღვლებდა. როგორც ის ამბობდა, თევზაობა ადამიანისა და სოფელ-ქვეყნის ურთიერთობის ძირითადი სიმბოლოა: რისი მიღწევაც გვინდა, ვიცით, და თუკი საჭირო შეუპოვრობას გამოვიჩინოთ, მივალწევთ კიდევ ჩვენსას, ოღონდ მიზნამდე როდის მივალთ — ეს უკვე ღვთის წყალობაზე ჰკიდია.

— სანამ რალაცას მნიშვნელოვანს გადავწყვეტდეთ, სასარგებლოა რისამე აუჩქარებელ ჭვრეტას მივცეთ თავი. — თქვა პეტრუსმა. — ბუდას მიმდევარნი ბერნი მიყურადებულნი არიან, როგორ იზრდებიან მთები, მე კი თევზაობას ვამჯობინებ.

მაგრამ ამგვარ პაპანაქებაში წითელ მცონარ თევზთ, თითქმის წყლის ზედაპირზე რომ დაცურავდნენ, სატყუარას გადაყლაპვა არ სურდათ. ადგილის გამოცვლა საქმეს არა შველოდა. ამიტომაც იქვე ახლოს გასეირნება ვარჩიე. და ძველი გავერანებული სასაფლაოს ალაყაფის კარებამდე მივედი ზედ მდინარესთან — ეს ალაყაფის კარები წარმოუდგენლად დევერხინა იყო, დიდი და სრულებით არ შეეფერებოდა იმ ერთ მტკაველ მიწას, ფაენისად, ანუ სასაფლაოდ რომ გამოეყოთ, — მერე კი ისევ პეტრუსთან მივბრუნდი, რომელიც კვლავ ანკესმოვარგებული იჯდა. და შევეკითხე, იცოდა თუ არა რამე ამ ფაენის-სასაფლაოს შესახებ.

— ეგ ძველად პილიგრიმთა სასწეულოს ალაყაფის კარები იყო, — მიპასუხა მან. — ის სასწეულო დიდი ხანია, რაც დაიკეტა, მერე კი ვილაცას აზრად მოუვიდა მაგ კარების ჭიშკრად გამოყენება, ხოლო ჭიშკრის უკან სასაფლაოს მოწყობა.

— რომელიც იმ სასწულსავით გავერანდა.

— რას იზამ, ამქვეყნად ყოველივე ხანმოკლეა.

როცა ვუამბე, რა საზიზღრადაც იქცეოდა გუშინ ქორწილში, როგორ ძრახავდა და კილავდა სუყველა იქ დამსწრე სტუმარს, პეტრუსს განცვიფრდა. მან დარწმუნება დამიწყო, რასაც გუშინ ვამბობდი, სწორად იმაზე მეტია და არცრა იმაზე ნაკლები, ცხოვრებაში მე და შენ რაც განგვიცდიაო. ყველანი ეროსს დაგეძებთ, და მერე, როცა ეროსი ფილოსად იქცევა: გვგონია, სიყვარული მოკვდაო. არ გვესმის, რომ სწორედაც ფილოსს ძალუძს სიყვარულის უმაღლეს ფორმასთან — ავაპესთან ჩვენი მიყვანა.

მიაამბე მაგ ავაპეზე რამე-მეთქი, ვთხოვე.

პეტრუსმა, ავაპეზე ლაპარაკს აზრი არა აქვს, თავად უნდა განიცადო, მომიგო პასუხად. და დღეს, თუ მოხერხდა, შევეცდები, რომ ავაპეს ერთ-ერთი რომელიმე მხარე გიჩვენო. ოღონდ იმისათვის, რათა ეს მოხერხდეს, ჩვენი გარემომცველი ცამყარი — როგორც რომ თევზაობისასაც — ჩვენს მხარეზე უნდა იყოს, რა არი წაგვეშველოს სასურველის მიღწევაშიო.

— მაცნე-მაუწყებელი გშველის, ხელს გიმართავს, მაგრამ არის ისეთი რამ, რაც მაცნე-მაუწყებლის ძალის საზღვრებს გარეთაც არის, შენი ნება-სურვილის ძალისაც და თვითონ შენისაც.

— რა არის მაგისტანა?

— რა არის და, ღვთიური ნაპერწკალი. რომლის მადლითაც წარემატება ადამიანი.

როცა მხემ ცოტა შეასუსტა თავისი აუტანელი მცხუნარება, კვლავ სანტიავოს გზას დაგუბრუნდით. იმჟამად სრულიად უკაცრიელი, ის მიწოდვრებსა და ვენახებზე გადიოდა. მალე გზატკეცილი გადავჭერით — ისიც სრულიად უდაბური — და ისევ ტყე-ტყე წავედით. შორს სან-ლორენსის მთის, კასტილიის სამეფოს ყველაზე მაღალი წერტილის, მწვერვალი მოჩანდა. მე ძალიან გამოვიცვალე იმის მერე, რაც პეტრუსს პირველად სენ-ჟან-პიე-დე პორში შევხვდი. ბრაზილია და ყველა ჩემი წამოწყებული და შუაგზაზე მიტოვებული საქმე, ადრე აგრერიგად რომ მალეღვებდა, აწ სულ გადამავიწყდა. ერთადერთი, რაც ცოცხალი რჩებოდა, ჩემი მიზანი იყო, და ყოველდამ ხანგრძლივ ველაპარაკებოდი ასტრაინს, რომელიც სულ უფრო საცნაური და ახლობელი მინდებოდა.

ვხედავდი, როგორ გამუდმებით მომიჯდებოდა ხოლმე გვერდით, და შევამჩნიე, რომ მარჯვენა თვალი ნერვიულად უთამაშებდა, ხოლო თუ ჩემს მოსაზრებას რასმე ან ვარაუდს ვიმეორებდი, რათა დავრწმუნებულიყავი, გაფაგებინე-მეთქი, ბაგეზე დამცინავი ღიმილი უჩნდებოდა. ჯერეთ კიდევ რამდენიმე კვირის წინათ — ლოცვადმავლობის დასაწყისში — სერიოზულად ვშიშობდი, რომ გზის ბოლომდე მისვლას ვერ შევძლებდი. იმ დღეს, როცა გზად რონსევალს გავდიოდით, ყოველივე სამომავლო რამ საძინელ სევდასა მგვრიდა, და დაუყოვნებლივ სანტიავოში მოხვედრა მინდოდა, კვალად ჩემი მახვილის ხელში ჩაგდებას უინი მკლავდა და ერთი სული მქონდა, მალე ჩაეხმულიყავი იმ ბრძოლაში, რომელსაც პეტრუსი „სამართლიან ომს“ ეძახდა. აწ კი ცივილიზაციის სუყოველი სიკეთე, რომელთა განშორებაც ეგზომ ძნელი

ადგომა აღარ მინდოდა, მაგრამ რაღაც მაფორიაქებდა ამ ქოხში, მოუსვენრად ვიყავი. გვერდით პეტრუსი რომ არ მყოლოდა, ეს მოუსვენრობა უთუოდ შიშად გადამექცეოდა.

— ვინც აქა ცხოვრობს, ძილით სადღა სძინავს? — ისე, ხიტყვებუ/ ვიკითხე.

— მანდ, სადაც შენა ზინარ, — მიპასუხა პეტრუსმა და ^{მსროსანსუნი} მიმითითა.

გადაჯდომა დავაპირე, მაგრამ მან არ დამანება. არ გადაჯდეო, მიბრძანასავით. გარეთ, ალბათ, სუსხმა იმატა, რადგან სიცივემ ამიტანა.

თითქმის მთელი ერთი საათი ვიცადეთ. პეტრუსმა კიდევ ორჯერ გასძახა ვილაცას, შემდეგ კი გაჩუმდა. ის იყო გავიფიქრე, ახლა კი ჩვენს გზას გავუდგებოთ-მეთქი, რომ პეტრუსი მოულოდნელად აძრახდა:

— აქ აგაპეს ორი გამოვლინებიდან ერთ-ერთია, — მაუწყა მან და მესამე სიგარეტის ნამწვი ჩააქრო. — არა ერთადერთი, ოღონდ ყოვლის უფრო ხალასი. აგაპე არის სრულქმნილი სიყვარული, ყოვლისმომცველი სიყვარული, რომელიც სულ ერთიანად ნთქავს იმ ადამიანს, ვისაც ჩაუსახლდება. ვინც აგაპე შეიცნო, ის ხედავს, რომ ამქვეყნად, სიყვარულის გარდა, არცრას მნიშვნელობა არა აქვს. ამდაგვარ სიყვარულს განიცდიდა ქრისტე ადამიანთა მიმართ, და იმისი სიყვარული იმზომ ძლიერი იყო, რომ საწუთრო წაღმა შეატრიალა, ისტორიის ჩარხის ბრუნვა შეცვალა. მან თავისი განდგომილობით ისეთი რამ მოიმოქმედა, რაც მბრძანებელთა ამა სოფლისათა მთელი თავიანთი სპა-ჯარებიანად ვერ შეიძლეს.

ცივილიზაციის ათასწლოვანი ისტორიის სიგრძეზე ბევრ ადამიანს მოუხდა ყოვლისმომცველი სიყვარულის შეცნობა. და ისინი სოფელ-ქვეყნისთვის იმზომ ბევრის მიცემას ეპირებოდნენ, — სოფელ-ქვეყანა კი ძალიან ცოტას ითხოვდა, — რომ ჩვეულებრივ მიდიოდნენ უდაბნოებსა და სადმე განმარტოებულ სავანეებში, რადგან სიყვარული, რომელსაც ისინი განიცდიდნენ, სუყველას ცვლიდა, ასხვაფერებდა, ისინი წმინდა განდევნილნი ხდებოდნენ, რომელთა სახელები დღესაც ვუწყით.

მე და შენ, სულ სხვაგვარი აგაპეს მიმყოლო, იმ ადამიანთა მკაცრი, დუხჭირი ცხოვრება იქნებ შემზარავადაც მოგვეჩვენოს. მაგრამ ყოვლისმომცველი სიყვარულით შეპყრობილთათვის ყოველივე დანარჩენი — აბსოლუტურად ყოველივე — სავსებით კარგავს თავის მნიშვნელობას. ეს ადამიანები მარტო ამ სიყვარულის გულისთვისდა ცოცხლობენ.

პეტრუსმა მიამბო, რომ ამ ქოხში ცხოვრობდა ვინმე ბერი, სახელად ალფონსო, რომელსაც კომპოსტელაში თავისი პირველი ლოცვადმავლობის დროს შეხვედროდა, როცა ის თურმე ახლომახლოში საზრდოდ კენკრასა და ხიჩატელს რასმე აგროვებდა. ჩემი მეგზური, რომელიც ჩემზე ბევრად განათლებული კაცი იყო, მიყვებოდა პეტრუსი, ალფონსოს მეგობარი გამოდგაო, ასე რომ სამივემ ერთად შევასრულეთ რიტუალი აგაპე, ანუ ცისფერი სფეროო. ასეთი მართლაც

საოცარი რამ შთაბეჭდილება ჩემს ცხოვრებაში არცრას მოუხდენიაო, აღიარა პეტრუსმა. ის კი არა, ახლაც რომ ვასრულებ ამ საგარჯიშოს, ეს ქოხი და თვითონ ალფონსო რომ არ წარმომიძვებს, არ შეიძლებაო. არასოდეს ადრე არა მსმენია, რომ პეტრუსს ავრე/მღელვარედ და გზნებით ელაპარაკოს.

— აგაპე ყოვლისმომცველი სიყვარულია, — ^{მეტივეს უფროსელ გა-}იმეორა მან, თითქოს ამ ფრაზამ ყველაზე უკეთესად განსახლვრა სიყვარულის ეს უჩვეულო ნაირსახეობა, — მარტინ ლუთერ კინგმა ერთხელ როგორღაც შენიშნა, როცა ქრისტე ამბობდა, გიყვარდეს მტერი შენო, მხედველებაში აგაპე ჰქონდაო. იმიტომ რომ „შეუძლებელია შენი მტრის სიყვარული, ვინც შენი ბოროტმოხარულია, ვინც სულ იმის ცდაშია, რომ ჩვენი ისედაც არცთუ იოლი ცხოვრება სრულიად გაუსაძლისი გახადოს“, მაგრამ აგაპე ბევრად მეტია, ვიდრე ჩვეულებრივი აზრით გაგებული სიყვარული, რომელიც ვინმესადმი შინაგან სწრაფვას ან ლტოლვას გულისხმობს. ამ გრძნობის წყალობით, სულ ერთიანად რომ გვიპყრობს და არცრა თავისუფალ უჯრედს წამლადაც არ გვიტოვებს, უმაღ იცარება აგრესიის ყოველგვარი საცადაელი.

შენ უკვე ისწავლე საკუთარი თავის აღორძინება, შენი თავის მიმართ სისასტიკის უარყოფა, შენს მაცნე-მაუწყებელთან ურთიერთობა. მაგრამ რასაც ახლა აკეთებ, და ისიც, რასაც სანტიაგოს გზის გავლის შემდეგ მიაღწევ, აზრს მხოლოდ მაშინ შეიძენს, თუ იმ ყველაფერს ყოვლისმომცველი სიყვარული გააცისკროვნებს.

შენ აგაპეს ორ იპოსტასზე ლაპარაკობდი-მეთქი, შევახსენე პეტრუსს. და რახან განდევილი არა ხარ, როგორც ჩანს, რაც პირველ ფორმას იყენებ-მეთქი.

— ბატონი ბრძანდები. შენცა და მეც, და იმ ხალხის უმრავლესობა, ვინც სანტიაგოს გზას ადგას და RAM ორდენის პრაქტიკას სწავლობს, აგაპეს სხვაგვარად განვიცდით — ის აღმაფრენად, ანუ შთაგონებულად გვევლინება.

ძველად ამ შთაგონებას ტრანსის, ანუ ექსტაზის — ღმერთთან კავშირის სახე ჰქონდა. აღმაფრენა ის აგაპეა, რომელიც მიმართულია რაღაც ნივთიერისა თუ გონების თვალთ განჭვრეტილისკენ. ეს ყველას გამოვლილი გვაქვს. როს ვინმე გვიყვარს ან რაღაცა მთელი სულითა და გულით გვწამს, თავს წუთისოფლის ბორბალზე უფრო ძლიერად ვგრძნობთ და გასაოცრად გულდაჯერებულნი ვხდებით, რაც იმის შეგნებიდან გამომდინარეობს, რომ ვერცვინ რწმენას ვერ შეგვირყევს. ეს უჩვეულო ძალა ბევრს რასმე დროულად და მართებულად გვაწყვეტინებს, და უკვე მიზანმიღწეულთ ხან თავად გვიკვირს, რაც შევძელით და გავახერხეთ. შეძლებით კი იმიტომ შევძელით, რომ როცა **სამართლიან ომს** ეწევი, არცრა დანარჩენს მნიშვნელობა აღარა აქვს, და აღმაფრენის ტალღა ჩვენი მიზნისკენ მიგვაქანებს.

აღმაფრენა მთელი თავისი ძალმოსილებით ჩვეულებრივ ჩვენი ცხოვრების პირველ წლებში ვლინდება. იმხანად ჯერ კიდევ **ფუფალად** სახელდებული ზეციერის ხმა გვესმის და თამაში ისე გვიტაცებს, რომ თოჯინები ცოცხლდებიან, ხოლო კალის ჯარისკაცუნები ნამდვილ ჯა-

რისკაცთ არ ჩამოუვარდებიან. ქრისტე რომ ამბობდა, სასუფეველი ცათა შინა ყმაწვილთ ეკუთვნითო, აღმაფრენად გამოვლენილი პქონდა მხედველობაში. ყმაწვილთ აინუნშიც არ მოსდიოდათ არც სასწაულნი, რომელთაც ის ახდენდა, არც იმის სიბრძნე, არც ფარისევლებნი, არც მოციქულნი. ყმაწვილნი თამაშ-თამაშ აღმაფრენის ქრისტესთან.

პეტრუსს გულახდილად გავუზიარე, რაც მხოლოდ დღეს გახდა ჩემთვის ცხადი: სანტიაგოს გზამ სულ ერთიანად შემიპყრო. ესპანეთის ცის ქვეშ პეტრუსთან ერთად გატარებულმა დღეებმა და ღამეებმა თითქმის გადამავიწყეს მახვილი, რომელსაც დავეძებდი, და ისინი მექცნენ ღირებულ და თავისებურად ერთადერთ შთაბეჭდილებად. ყოველივე დანარჩენმა კი თავისი წინანდელი მნიშვნელობა დაკარგა.

— აგერ დღეს მე და შენ თევზაობა გვინდოდა, თევზი კი ანკესს არ მოჰყვა, — განაგრძო პეტრუსმა. — ჩვენი აღმაფრენა ჩვეულებრივ ამდაგვარ წვრილმან და ნაკლებმნიშვნელოვან უსიამოვნებათა მსხვერპლი ხდება, რომელი უსიამოვნებანიც არცრა სახსენებელია სიცოცხლის სიდიადესთან შედარებით. აღმაფრენას ხშირად სულ უმნიშვნელო რამ მარცხი ან ის ხელის მოცარვა გვაკარგვინებს, რაც გარდაუვალია სამართლიან ომში. და რადგან ვერ გაგვიგია, თუ რაზომ დიდია აღმაფრენის ძალა, რომელსაც გამარჯვებისკენ მივყავართ, ამიტომაც არცთუ იშვიათად ხელიდან ვუშვებთ, შეველევიტ ხოლმე და, ის კი არა, ვერც ვამჩნევთ, რომ იმასთან ერთად ხელიდან გვისხლტება ცხოვრების ჭეშმარიტი აზრიც. მერე კი ვდგავართ და ღამის მთელ ქვეყნიერებას დავაბრალთ ჩვენი ნაღვლიანობაცა და მოწყენილობაც, ჩვენი მარცხიცა და ზიანიც. არადა არ გვინდა იმის გაგება რომ ჩვენივე მიზეზით დაგვარგეთ ეს აღმაფრენად გამოვლენილი მომსვრელ-გამაცამტვერიბელი და ყოვლისგამამართლებელი ძალა — აგაპე.

ანაზღად მდინარის პირას მიგდებული სასაფლაო გამახსენდა. უაზროდ დევერხინა, დიდი ალაყაფი დაკარგული აზრის სრული განსახიერება იყო. იმ ალაყაფის უკან მხოლოდ მკვდრები დარჩენილიყვნენ.

პეტრუსი თითქოს მიმიხვდა მიმოგონებას, რაღაც მსგავს ამბავზე ალაპარაკდა.

— იმ დღეს, ალბათ, ძალიან გაგიკვირდა, ოფიციალტს რომ ვეცი, რომელმაც ყავა გადამასხა შორტზე. მართალი გითხრა, ჩემი ჭუჭყიანი საგზაო შარვლის დარდი სულაც არა მქონია, უფრო იმ ბიჭის მდგომარეობამ შემაწუხა, — თვალეზზე შევატყვე, რომ აღმაფრენა, როგორც გადაჭრილი ვენიდან სისხლი, ისე გადმოსდიოდა. სიცოცხლითა და ძალ-ღონით სავსე ჭაბუკი ჩემ თვალწინ ნელ-ნელა გვამი ხდებოდა, ცხედარი, რადგან აგაპეს ძალას კარგავდა. ცხოვრებაში ბევრი რამ მინახავს და ბევრ რამესთან შეგუებას მივეჩვიე... მაგრამ შეხედულებამაც და საქციელმაც იმ ბიჭისამ, რომელსაც ამქვეყნად არცთუ ცოტა სიკეთის ქმნა შეეძლო, მომშალა და თავზარი დამცა. ოღონდ ვიცი, რომ ჩემმა გულისწყრომამ გულში გადარჩენილი ნაპერწკალი გამოუღვიძა და შეუჩერა, თუნდაც მცირე ხნით, აგაპეს სიკვდილი.

შენ რაც გეხება, უნდა იცოდე, — როცა ეშმაკის განდევნა შეი-

ძელი, რომელიც ნაგაზად მოგვევლინა, აგაპე ყველაზე უფრო ხალასი სახით განიცადე. მართლაც ვაჟკაცურად მოიქეცი, და ვამაყობ, რომ შენი ყოლაუზი ვარ, მეგზური. ამიტომაც, რაც ამ გზას დაუადექი, პირველად შევასრულებ შენთან ერთად მომდევნო სავარჯიშოს და შემდეგ პეტრუსმა აგაპეს რიტუალი — ცისფერი სფეროს სავარჯიშო შემასწავლა.

— წაგეხმარები, აღმაფრენას გამოგალვინებ და შენთან შევექმნი ძალას, რომელიც ცისფერი სფეროს სახით მთელ დედამიწას მოიცავს, — მითხრა მან. — რითაც დაგიმტკიცებ, თუ რა დიდი პატივისცემის გრძნობით ვარ გამსჭვალული როგორც შენი პიროვნების, ისე შენი ძებნა-ძიების მიმართ.

აქამდე პეტრუსს არანაირად — არც ცუდად, არც კარვად — არ გამოუთქვამს თავისი აზრი, როგორ ვასრულებდი სავარჯიშოებს. მან დამამყარებინა პირველი კავშირი ჩემს მაცნე-მაუწყებელთან და დროულად გამომიყვანა ტრანსიდან, როდესაც სავარჯიშო — „მარცვალს“ ვასრულებდი, მაგრამ არცერთხელ არ გამოუხატავს თავისი რამენაირი დამოკიდებულება ჩემი რომელიმე წარმატებისა თუ მიღწევის მიმართ. ვინ იცის, რამდენჯერ ვუთხარი, რატომ არ მეკითხები, როგორ ვმეცადინებ, რას ვაკეთებ-მეთქი, ის კი მუდამ ერთსა და იმავეს მეუბნებოდა, როგორც შენს მეგზურსა და ეტიკს, ერთადერთ მოვალეობად მაკისრია, რომ ამ გზით გატარო და RAM ორდენის პრაქტიკა შეგასწავლო. ხოლო მიხარია თუ არ მიხარია, როცა წარმატები ხოლმე, ან მწყინს თუ არა მწყინს, როცა რასმე თავს ვერ ადგამო, ეგ ჩემი პირადი საქმეაო.

და ამიტომ რახან მითხრა, მომდევნო სავარჯიშოს შენთან ერთად მეც შევასრულებო, უცებ თავში დამკრა, ეტყობა, პეტრუსი ჩემით მთლად გულსავსედ ვერ არის-მეთქი. ყველაზე კარვად, რასაკვირველია, მე თავად ვიცოდინი, რაშიც სუსტი ვიყავი და ხშირად ვეჭვობდი, ვაითუ სანტიაგოს გზა ბოლომდე ვერც გამატაროს-მეთქი. ერთი დაპირება დავაპირე, რომ ეს ყველაფერი პირდაპირ მეთქვა, მაგრამ სიტყვა შუაზე გამაწყვეტინა.

— ნუ იქნები სასტიკი შენი თავის მიმართ, თორემ ისე გამოვა, რომ წინა გაკვეთილები არ ავითვისებია. კეთილად მოექეცი საკუთარ თავს, დაიჯერე, რომ დაიმსახურე და ძალადი შეფასების ღირსი ხარ.

„ცისფერი სფეროს“ სავარჯიშო

მოხერხებულად მოეწყე და მოდუნდი. არავითარი ფიქრი, ნურაფერზე ნუ იფიქრებ.

1. შეიგრძნე, რა სასიხარულო ამბავია, ცოცხალი რომ ხარ. გული მოსიყვარულე და ლაღი იქონიე, აპყე შენს გულს და თავი მეცხრე ცაზე მოაქცევი, სადაც ყოველდღიური ცხოვრების პატარ-პატარა პრობლე-

მეზი უმნიშვნელონი და არაფრის მთქმელნი ჩანან. შენი ბავშვობის დროინდელი რომელიმე სიმღერა გაიხსენე და წაიღიღინე. წარმოიდგინე, რომ გული გიდიდდება, გეზრდება და თანდათან ჯერ მთელ ოთახს, მერე კი მთელ სახლსაც, სადაც ბინა დაგიდვია, — ~~კაშკაშა~~ ცისფერი ნათლით ავსებს.

2. ამ წუთამდე რომ მიხვალ, იგრძნე შენ გვერდით ^{ეგრეთვე უნდა} ყოფნა (ანგელოზთა ან სხვა არსებათა), რომელნიც გწამდნენ შენს ბავშვობაში. ეცადე, რომ დაინახო, როგორ გაახლოვდებიან ისინი ყოველი მხრიდან, გიღიმიან, რწმენასა და ნდობას გიმტკიცებენ.

3. შემდეგ წარმოიდგინე, როგორ მოგადგნენ ზედ ისინი, სუფველა თავზე ხელს გადებს და ერთპირ გისურვებენ სიყვარულს, მშვიდობას, სრულიად სოფელ-ქვეყანასთან თანაზიარობას — ეს წმინდანთა ზიარებაა, შვიდთა საიდუმლოთავანი.

4. ეს შეგრძნება როს გაგიძაფრდება, წარმოიდგინე, რომ შენი წილ-გვამის გავლით, როგორც მოციაგე მდინარე, დის ცისფერი ნათლის ღვარი. ეს ნათელი მთელ შენს სახლს მოედება, მერე გარემო სახლებს, მთელ ქალაქს, სრულიად ქვეყანას. დაბოლოს, უზარმაზარ ცისფერ სფეროდ გადაიქცევა, რომელიც მთელ ქვეყნიერებას მოიცავს. ეს დიდი სიყვარულის გამოვლინებაა, რაც შენი ყოველდღიური ცხოვრების საზღვართ გადადის, სულს გიმხნეებს და ძალ-ღონეს გმატებს, ენერგიით გმუხტავს და გამშვიდებს.

5. განაგრძე მეცადინეობა, ყველაფერი იღონე, რომ არამც და არამც არ ჩაგიქრეს ეგ მთელ ქვეყნიერებას მოდებული ნათელი, ანუ შენი გადახსნილი გულიდან ამოფრქვეული სიყვარული. სავარჯიშოს ამ ნაწილის შესრულება საჭიროა არანაკლებ ხუთი წუთის განმავლობაში.

6. ნელა და თანდათან გამოდი ტრანსიდან და ჩვეულ მდგომარეობას დაუბრუნდი. წმინდანთა გუნდი კვლავაც შენ გვერდით დარჩება. ცისფერი ნათელი ისევ მთელ ქვეყნიერებას იქნება მოდებული.

ეს რიტუალი შეიძლება, სასურველიც კია, რომ ერთმა არ შეასრულოს. ასეთ შემთხვევაში მონაწილენი ხელისხელჩაკიდებულნი არიან მთელი სავარჯიშოს მანძილზე.

თვალეზე ცრემლი მომადგა. პეტრუსმა ხელი მომკიდა და ქოხიდან გამომიყვანა. ღამე დღეს ჩვეულებრივზე ბევრად ბნელი იყო. გვერდიგვერდ დავსხედით და სიმღერა წამოვიწყეთ. ჰანგი ჩემში თავისთავად იბადებოდა, ისიც ხალისიანად ამდევდა. სიმღერასთან ერთად წები ნებსა ვკარი და სუსტი ტაშის ხმაში თან მთელი ტანით ვირწეოდი. ტაშის ხმა ნელ-ნელა მატულობდა, სავალობლად ქცეული სიმღერა კი ღამეულ წყვდიადში სულ მალლა და მალლა მიიწევდა, უდაბურ მინდორ-

ველს ეფრქვეოდა და უსიცოცხლოდ აყუდებულ კლდეებში ხშიანობდა. უცებ ჩემ თვალწინ წმინდანთა სახეები გაჩნდნენ, ხატები — პატარაობაში სუყველა მწამდა, ოღონდ მერე ცხოვრებამ გაგვეყარა, — და მაშინ მივხვდი, რაოდენ ბევრი რამ დავკარგე, როცა ჩემში აგაპეს ნაწილი ჩავკალი. მაგრამ აწ ყოვლისმომცველი სიყვარული სულგრძელად დამიბრუნდა, და წმინდანთა გუნდი ცით ისევ გულბრუნებულად და ნაზად ჩამომლიმოდა, როგორც ამას არაერთხელ შევსწრებივარ ჩემს პატარაობაში.

ხელები გავშალე, აგაპეს ძალას თავისუფლად დინების სავალი დავუგდე; და ცისფერი ნათლის იღუმალმა ღვარმა განმიბანა სული, თუ რამ ცოდვა მქონდა სულ ჩამომრეცხა. ჩემგან გამომავალმა ნათელმა ჯერეთ შემოგარენი დატბორა, მერე სრულიად ქვეყნიერებას მოედო, და ავტირდი. ავტირდი, რადგან ჩემში მკვდრეთით აღდგა ის **ალმაფრენა**, რომელსაც ბავშვობაში განვიცდიდი, სიცოცხლეს კვლავაც ურმად მოვევლინე, და ამ წუთისოფელში აღარაფერს არ შეეძლო ჩემი ვნება. უეცრად ვიგრძენი, რომ მარჯვნივ ვილაცა მედგა გვერდით. ვიფიქრე, ალბათ, ჩემი მაცნე-მაუწყებელი თუ მოვიდა-მეთქი, რამეთუ მხოლოდ იმას შეეძლო ამ კაშკაშა ცისფერი ნათლის ხილვა, ავრერივად რომ იღვრებოდა ჩემში და თანაც გადმოედინებოდა ჩემგან მთელი ქვეყნიერების დასატბორავად.

ნათელი სულ უფრო კაშკაშებდა, და ისეთი შეგრძნება გამიჩნდა, რომ ის, მთელ ქვეყნიერებას მოდებულის, ახლა სუყველა ჭერქვეშ აღწევდა, თუ სადმე ერთი სახლი იდგა. ყოვლის უფრო მივარდნილ და ყრუ ადგილთ ასინათებდა და დედამიწის ზურგზე თითოეულ ცოცხალ არსებას, თითოეულ მშვიინვიერს თუნდაც წამიერად მაინც ეხებოდა.

... ვილაცამ თავისი ხელები წააშველა ჩემს აპყრობილ, თითქმის თვით ცამდე აწვდილ ხელებს. და იმწუთას ცისფერი ნათლის იმისთანა ნიაღვარი მეტაკა, მიკვირს, ცნობა როგორ არ წამერთუა. მაგრამ მაინც შევძელი და ნიაღვრად მოვარდნილ ცისფერ ნათელს კიდევ რამდენიმე წამს გავუძელი, ვიდრე სულ არ მიწყდა და მიჩუმდა ჩემში აქლერებული მუსიკა.

სრულ უილაჯობას კი ვგრძნობდი, ოღონდ ამავე დროს საოცრად თავისუფალი და უბედნიერესი კაცი ვიყავი იმის გამო, რაც ერთი წამის წინ განვიცადე, და ერთბაშად მოვეშვი. ხელები, რომელთაც ორსავე მხრიდან ვეჭირე, მომეხსნა. მივხვდი, რომ მარცხნივ პეტრუსი იყო და სულის სიღრმეში უკვე საცნაურ-ვიყავი, ვინც მარცხნივ მედგა.

თვალეები გავახილე და ჩემ გვერდით მართლაც ბერი აღფონსო დავინახე. მან გამიღიმა და ესპანურად მითხრა, სალამო მშვიდობისათ. პასუხად მეც ღიმილი შევაგებე, მერე ხელი გამოვართვი და მაგრად მივიკარი გულზე. არ შემწინააღმდეგებია, ოღონდ მალევე ფრთხილად გამაშვებინა.

კრინტი არ დაგვიძრავს. ცოტა სნის შემდეგ აღფონსო წამოდგა და თავის გზას გაუყვა ხირხატ ვაკიანზე. მიმავალს თვალი გავაყოლე და მანამ ვუცქირე, სანამ სულ არ გაუჩინარდა სიბნელეში.

მაშინ პეტრუსმა დუმილი დაარღვია, ოღონდ ალფონსოზე სიტყვა არ დასცდენია.

— რაც შეიძლება სშირად იმეორე ეს სავარჯიშო და ავაპე კვლავ გაცოცხლდება შენში. არ დაივიწყო, მუდამ შეასრულე შენს რიტუალურებაში ყოველი მნიშვნელოვანი ნაბიჯის გადადგმის წინ, ყოველმხრივ ურობის დაწყებამდე, ძლიერი სულიერი დაძაბულობს ჟამს. თუკი შესაძლებლობა მოგეცა, ყოველთვის ვინმე შენს სათნო ადამიანთან ერთად შეასრულე. ამ რიტუალს მარტოკაცია არ უყვარს.

ჩემ წინ უწინდელი პეტრუსი იდგა: მოძღვარი, ინსტრუქტორი და მეგზური, რომლის შესახებაც თითქმის არაფერიც არ ვიცოდი. სუყველა ის გრძნობა, რაც მან განდევილის ქოხში გამოაჩინა, უკვე გაქრა. თუმცა, სავარჯიშოს შესრულების დროს ხელით რომ ვეჭირე, მაინც ვიგრძნე, რა დიდი სულის ადამიანიც იყო.

გარეთ დიდხანს არ დავყოვნებულვართ, ისევ განდევილის ქოხში შევბრუნდით, სადაც ჩვენი ხაბაკუბაკი გვექონდა დატოვებული.

— მასპინძელი დღეს აღარ მოვა, ასე რომ, აქ ჩვენ მოგვიწევს წოლა, — თქვა პეტრუსმა და სოხანეზე დასაძინებლად მოეწყო.

მეც გავშალე ჩემი საძილე ტომარა, ბოთლიდან ცოტა ღვინო მოვსვი და შევწექი. სავარჯიშოს შესრულების შემდეგ ყოვლისმომცველი სიყვარულის ნიაღვართან ერთად საშინელმა დაღლილობამ მშთანთქა და დამძირა. ოღონდ ეს დაღლილობა სასიამოვნო იყო, არავითარ დაძაბულობას არა ვგრძნობდი, და სანამ ძილს თავს მივცემდი, კიდევ გავიხსენე ის ხმელ-ხმელი დაფანჩული ბერი, გვერდით რომ მეჯდა და მშვიდობის სადამო მისურვა. სადღაც გარეთ, წყვდიადში, მიაბიჯებდა იგი ახლა მთლად ღვთაებრივი სიყვარულის ცეცხლმოდებული. იქნებ იმიტომაც მეჩვენებოდა ეს ღამე აგრერიგად ყურჭივით ჩაკუნაპეტებული, რომ სულ იმან შეიწოვა ამ ჩვენი უბარაქო წუთისოფლის მთელი ხათელი?

სიკვდილი

— ლოცვადმავალნი ბრძანდებით? — გვეკითხა მოხუცმა დიასახლისმა, რომელმაც დილის ყავა მოგვართვა.

ეს ამბავი ასოფრად სახელდებულ დაბაში მოხდა, სადაც კოკროჭინა სახლებია, ფასადებზე გერბებგამოსახული, ხოლო მოედანზე შადრევანია, რომლის წყლითაც წელან ჩვენი მათარები აგავსეთ.

მოხუც დიასახლისს თავისი ვარაუდი რომ დავუდასტურეთ, სახე პატივისცემითა და სიამაყით გაუბრწყინდა.

— ჩემს ბავშვობაში, მახსოვს, დღე არ ყოფილა, რომ აქ სანტი-აგოს გზით მიმავალ ვინმე პილიგრიმს არ შემოეველო. არ ვიცი, რა

მოსდა ომის შემდეგ, როცა ფრანკო გაბატონდა, მაგრამ ლოცვადმავალთა ლიანგი საგრძნობლად შეწყდა. ალბათ, ავტოსტრადა თუ გაიყვანეს. ახლანდელნი უმანქანოდ ნაბიჯს აღარ ადგამენ.

პეტრუსს ხმა არ ამოუღია — ამ დილით რალაც მარცხენა ფეხზე ადგა და უჟმურ გუნებაზე იყო. მე კი დავეთანხმე მისთვის დიასახლისს და წარმოვიდგინე ახალი ასფალტდაგებული მაგისტრალი, კამოტებზე ნიჟარებგამოხატული ავტომობილები, მონასტერთა კარიბჭეებთან დადგმული სუვენირების კარვები.

საუზმეს რომ მოვრჩი — ერთ ფინჯან რძიან ყავასა და ზეითუნის ზეთიან პურის ნაჭერს — ემერიკ პიკოს გზამკვლევს ჩავხედე, წაკითხული ავწონ-დავწონე და მივხვდი, რომ დღის მეორე ნახევარში სანტო-დომინგო-დე-ლა-კალსადას მივალწევდით, ხოლო ღამეს, როგორც ჩანდა, ერთ-ერთ იმ ციხე-დარბაზში გავითევდით, რომლისთანა ციხე-დარბაზებიც ესპანეთის მთავრობამ კეთილმოწყობილ სასტუმროებად აქცია. მერე საფულეც მოვიჩხრიკე და შევამჩნიე, რომ დღეში მუდამ სამჯერ კი ვჭამდით, მაგრამ ფული იმაზე მნიშვნელოვნად ნაკლები გვეხარჯებოდა, ვიდრე ჩვენი ანგარიშით უნდა დავხარჯოდა. გვინდოდა თუ არ გვინდოდა, ჩანს, დრო დადგა, როცა ცოტა უნდა მოგვეგეჟიანიებინა თავი და რალაც უჩვეულო რამ გველონა, რათა არც ერთ სხვა ორგანოსა და ასო-ნასხამს კუჭთან შედარებით თავი დაჩაგრულად არ ეგრძნო.

გალვამებითაც დღეს უცნაური გრძნობით შეპყრობილს გამეღვიძა — ვითომ რალაც არ უნდა დამჯდომოდა, დაუყოვნებლივ სანტო-დომინგოში უნდა მოვხვედრილიყავი, — ამ გრძნობამ ორი დღის წინათაც განმაცდევინა თავი, როცა სავანეს მივადექით, და თითქოს აღარ უნდა განმეორებულყო. პეტრუსიც ჩვეულებრივზე უფრო მელანქოლიური და სიტყვაძვირი ჩანდა, ხუთუ ალფონსოსთან გუშინწინდელი შეხვედრას ამის მიზეზი-მეთქი, გავიფიქრე. ძალიან მინდოდა, რომ ასტრანინისთვის მეხმო და გავსაუბრებოდი ამა ამბისა გამო. მაგრამ ჯერეთ ერთი, ჩხიბვა-სახვრას არცროდის დილაობით არ მოვეყოლილვარ, მეორეც, დარწმუნებული არ ვიყავი, რომ ამას რამე აზრი ექნებოდა.

მოკლედ, ყავა შევსვით და გზას დავემწყემსეთ. გავცდით ერთ შუა საუკუნეების ჟამინდელ ნაშენებ სახლს, ფრონტონზე გერბგამოსახულს, ლოცვადმავალთათვის აგებულ, აწ კი უკვე ნადგურცემულ ფუნდუკს, ანუ უცხოთსადგურს, უკან მოვიტოვეთ ქალაქის ფარგლებში გაშენებული კარგა გვარიანად მოზრდილი ბაღნარიც. და ის იყო მინდორ-მინდორ სიარულის პროცესში ჩაღრმავებას ვეპირებოდი, რომ მარცხენა ფერდმა საშინლად გამჭვალა, გამივლის-მეთქი, მაინც არ შემინელებია ნაბიჯი, მაგრამ პეტრუსმა ხელი წამავლო და მომწია.

— ნუ გარბისარ, — მითხრა მან. — გაჩერდი და მიიხედე.

ერთი წაყრუება წავუყრუე, ვითომ ვერ გავიგონე, რაც მითხრა და, უნდა ვიარო-მეთქი, გადავწყვიტე, მაგრამ მუცელში ისეთნაირად მომიარა, ნაბიჯის გადადგმა გამიჭირდა. ერთი-ორი წუთი თავს ვირწმუნებდი, სულ იმ ზეითუნის ზეთში დამბალი პურის ბრალია-მეთქი, თუმცა რა აზრი ჰქონდა თავის მოტყუებას. არ ვიცოდი თუ რა, რაც დაძაბულობას და შიშს ამოსდევს.

— მიიხედე! — პეტრუსის ხმა უჩვეულოდ დაჟინებული იყო. — მიიხედე და შეხედე, სანამ გვიან არ არის.

მეც ეგრევე მივიხედე. ჩემგან მარცხნივ სიცხისგან შექმნილ ხე-ებში გავერანებული რამ სახლი იდგა. ერთ-ერთ ტოტებდაკრუნხულ ხეთისხილსა და იმ სახლს შუა დაყუნცული ნაგაზი თვალეჭო მჭამდა.

შავი ნაგაზი იყო. ზუსტად იგივე, რომელიც იმ დღეში დადო ხე-არი დედაკაცის სახლიდან გამოვაცდე.

პეტრუსი სულ გადამავიწყდა, და ძაღლის ავ გამოხედვას ცივი მზერა შევაგებე. შინაგანი ხმა — ოღონდ არ ვიცი, ვისი: ასტრაინისა თუ მფარველი ანგელოზისა — მაფრთხილებდა, თვალს როგორც კი მოაშორებ, ნაგაზი უშალ მოგვარდებაო. და რამდენიმე ხანს, რაც დაუსრულებელი მეჩვენა, დაძაბულ-გაფაციცებულნი მივშტერებოდით ერთმანეთს.

ვგრძნობდი — იმის შემდეგ, რაც ყოვლისმომცველი სიყვარულის მთელი სიდიადის განცდა მომიხდა, კვლავ წამომიყელყელავდა წუთისოფლის არაერთი ყოველდღიური და განუწყვეტელი მუქარა-ქადილი. ბოლოსა და ბოლოს მაინც რა უნდა ჩემგან ამ ნაგაზს, რას გადამკიდებია-მეთქი, ვფიქრობდი. მე ხომ მხოლოდ და მხოლოდ ერთი ლოცვად-მავალი კაცი ვარ, რომელიც თავის მახვილს დაეძებს და რომელსაც არცრა მოთმინება არ გააჩნია, არცრა სურვილი, რაც აგრერიგად აუცილებელია იმ ადამიანებთან და ცხოველებთან საურთიერთოდ, სადმე რომ გადაეყრებიან ხოლმე გზას ადევნებულს-მეთქი, თავს არ მანებებდა ფიქრი.

მერე ახლა უსიტყვოდ ლაპარაკის ხელოვნებას დაუფლებული ბერები წარმომაგონდნენ, და ყოველივე ამ ნაფიქრალის მზერით გამოთქმა ვცადა — მაგრამ ნაგაზი არც განძრეულა. ის კვლავაც თვალეჭომო-უშორებლივ მიყურებდა ავად დაყურსული და გამოხედვაზე ეტყობოდა, რომ მყისვე ყელში მწვდებოდა, როგორც კი გვერდზე გავიხედავდი ან შიში ამიტანდა.

შიში! შიში კი არა ჩანდა. იმხომ მტკივნეულად სულელურ ვითარებაში ვიყავი მოხვედრილი, რაღას უნდა შევეშინებინე. მუცლის გვრემაც არა და არ მეშვებოდა, და უკვე ზიდებაც დამეწყო. დაძაბული, ცხადია, ვიყავი, ოღონდ შეშინებული — არა, თორემ თვალეჭო გამცემდნენ, და, შიშს შემატყობდა თუ არა, ამ ორთოდენა მხეცსაც მეტი არ უნდოდა, ეგრევე მომეტანებოდა, როგორც იმ დღეს. და მაშინაც კი არ გამიქანებია თვალი, როცა უფრო ვიგრძენი, ვიდრე დავინახე, რომ მარჯვნივ ბილიკით რაღაც ბუნდოვანი სილუეტი მიახლოვდებოდა.

სილუეტი შორიახლო წამიერ შეჩერდა, მერე დაადო თავი და პირდაპირ ჩვენკენ წამოვიდა. გადმოჭრა უხილავი ხაზი, ნაგაზის თვალეჭიდან ჩემს თვალეჭამდე გამოჭიმული, და რაღაც წარმოთქვა, რა — ვერ გავარჩიე. მხოლოდ იმას მივხვდი, რომ ხმა ქალს ეკუთვნოდა, და იგი საკეთილოდ და სამოყვროდ იყო მოსული, რაც ნათლისა და კარგობის დასაბამს მოასწავებდა.

და იმ ერთ წამსაც კი, რა წამსაც ქალის სილუეტი ძაღლს ჩამოეფარა, ვიგრძენი, რომ მთელი შიგანი დამიამდა, აღარცრა მგვრემდა, აღარცრა მუცელში მივლიდა. სად იყო, სად არა, ძლევამოსილი სა-

თანადო მოყვასი გამოძინდა, მეგობარი, რომელმაც ჩემი მხარე დაიჭირა ამ უაზრო და უსარგებლო შეტაკებაში. და სილუეტი როგორც კაადგილიდან დაიძრა, იმწუთას ისევ ძაღლის მზერის არეში მოვხვდი. მან უცებ თავი ჩაღუნა, მერე წამოხტა, სახლის უკან გავეარდა, თვალს მიეფარა.

და მხოლოდ მაშინლა შემეკუმშა შიშისგან გულში. მშვენიერულად თუ ვიტყვით, იმისთანა ტახიკარდია ამივარდა, ვიფიქრე, ალბათ, გული წამივა და ზღართანს მოვადენ-მეთქი. ვგრძნობდი, როგორ ატივტივდა ჩემ თვალწინ ყველაფერი. და გზისკენ გავიხედე, რომელსაც სულ რამდენიმე წუთის წინათ მე და პეტრუსი მოვდევედით, — გავიხედე, რათა იმ ქალის სილუეტი მომეხილა, ვინც ძაღლის ძლევა შემადლებინა.

ქალი მონაზონი გამოდვა. ასოფრას მხარეს მიდიოდა, სახე არ დაშინახავს, მაგრამ ხმა მახსოვდა, და ვიაზრიკვალე, მოვსაზრე, რომ ოცი წლისაზე ცოტა მეტის თუ იქნებოდა. გავყურებდი და ძლივს ვარჩევდი გზაწვრილს, რომელსაც ის მიუყვებოდა.

— ეგ იყო... მაგან მიშველა, — ვბუტბუტებდი ჯერეთ კიდევ რეტდასხმული.

— ამ ქვეყანას ისედაც არ აკლია არც გამოცანები და არც სასწაულები, ასე რომ უფანტაზიოდ თუ იოლად გახვალ, აჯობებს, — თქვა პეტრუსმა და ხელი გამომდო. — ეგ ქალი კანიასის მონასტრიდან მოდიოდა. იქამდე ხუთი კილომეტრი მაინც იქნება. რა თქმა უნდა, აქედან არა ჩანს.

ჩემს გულს ისევ ბაგაბუგი გაჰქონდა, და ისევ ვერ ვიყავი კარგად. მომხდარი და განცდილი ჯერეთ ვერ მომენელებინა, ამიტომაც ხმას არ ვიღებდი და არც არანაირ ახსნა-ანმარტებას არ ვითხოვდი. მიწაზე დავეჯექი, და პეტრუსმა წყლით დამისველა შუბლი და კეფა. გამახსენდა — ასევე იქცეოდა, როცა ჯადონაქნარი დედაკაცის სახლიდან გამოვედით, მაგრამ მაშინ თუმცა კი ვტიროდი, ოღონდ თავს კარგად ვგრძნობდი. ახლა ყველაფერი პირიქით იყო.

პეტრუსმა ცოტა სულის მოთქმა შემადლებინა. ცივმა წყალმა გულისრევა გამიჩერა. თანდათან თვალში გამოვიხედე და, როცა საბოლოოდ გამოვმჯობინდი, ჩემმა მეგზურმა, გზა განვაგრძოთო, მთხოვა, და მეც დავემორჩილე. მაგრამ თხუთმეტ წუთში კვლავ სრული უილაჯობა მომერია. ორივენი ჯვრით შემკობილ ბოძკინტთან დავსხედით, — ამდაგვარი ქვის ნიშანსვეტებით იზომებოდა შუა საუკუნეებში სანტიაგოს გზის მონაკვეთები.

— შიშმა უფრო მეტი გავნო და გაზნია, ვიდრე ძაღლმა, — თქვა პეტრუსმა, სანამ ქარს ვიღებდი.

ერთი სული მქონდა, სანამ ამ უცნაური შეხვედრის მიზეზს ბოლომდე ჩავწვდებოდი.

— ცხოვრებაშიც და სანტიაგოს გზაზეც ბევრი რამ ისეთი ხდება, რაც ჩვენს ნება-სურვილზე სულაც არა ჰკიდია. ხომ გახსოვს, პირველად რომ შევხვდით, ვითხარი, ბოშის გამოხედვაში იმ დემონის სახელი ამოვიკითხე, რომელსაც აუცილებლად გადაეყრები-მეთქი. ძალიან გაკვირვებული დავრჩი, როცა შევიტყვე, რომ ის დემონი ძაღლად მოგე-

ვლინებოდა, მაგრამ მაშინ ამაზე არაფერი არ ვითხარი, და მხოლოდ მერე, იმ დედაკაცის სახლში რომ მივედი და შენ პირველად გამოხატე ყოვლისმომცველი სიყვარული, დავინახე შენი მტერი. გამოგდებოდა გამოგდე ძალღი, მაგრამ ის აღარ მიგიყოლებია, სად უნდა წასულიყო, გახსოვს? არადა ამქვეყნად არაფერი არ იკარგება, ყველაფერი მარტოა, სხვანაირდება. შენ ღორებში არ შეგირეკავს ეშმაკთა ლეგიონი, როგორც ქრისტე მოიქცა. შენ უბრალოდ კუდი ამოაძუებინე ძალღს. და აწ ამღვრეული ძალა გიდგას კვალში. სანამ შენს მახვილს იპოვიდე, უნდა გადაწყვიტო, რა გინდა — ამ ძალას უნდა დანებდე, თუ უნდა გადასძლიო, აჯობო.

თავს უკვე უფრო მხნედ ვგრძნობდი. საგზაო ბოძკინტის ცივმა ქვამ, რომელსაც ბეჭებით ვიყავი მიყრდნობილი, სულთქმა გამიადვილა. პეტრუსმა კიდევ ცოტა ცივი წყალი შემასვა და განაგრძო:

— გათანგულობა იმან იცის, როცა ადამიანები ამქვეყნიურ ძალებს ველარ ერევიან. ბოშის ჯადომ თუ კრულვამ სამუდამოდ ჩაუსახლა შიში იმ დედაკაცს, შიშმა კი ბზარი გაუჩინა, საიდანაც სიკვდილის მაცნემ შეაღწია. ეს ამბავი არც მაინცდამაინც ხშირად ხდება, ოღონდ არც ძალიან იშვიათად. და უმთავრესად იმაზეა დამოკიდებული, რარიგ უპასუხებ შენთა მოყვასთა მუქარას.

ამჯერად მე თავად წამომამგონდა იობის წიგნიდან ერთ-ერთი ბიბლიური მუხლი: „რადგან მეწია შიში, რომელიც მაძრწუნებდა, და რაც მაშინებდა, ის მომივიდა“.

— სანამ მუქარა ყურად არ გიღია, არცრა გემუქრება. სამართლიან ომში ჩაბმისას ნურცროდის ნუ იგულმავიწყებ ამ ამბავს. და ისიც მუდამ გახსოვდეს, რომ უკან დახევა, ისევე როგორც შეტევა, ბრძოლის უცვლელი ნაწილია. ხოლო გულშემზარავი და შემაძრწუნებელი შიში კი — არა.

იმწუთას მე არავითარ შიშს არა ვგრძნობდი-მეთქი, თავადვე გაკვირვებულმა ვუთხარი პეტრუსს.

— მესმის. სხვაგვარად ნაგაზი ეგრევე მოგვარდებოდა. და საეჭვოა, რომ იმ შეტაკებაში გაგემარჯვებინა. ვინაიდან არც ნაგაზი ყოფილა შიშატანილი. პირდაპირ გასაოცარია, რარიგ შეხვდი მონაზვნის გამოჩენას. ნამდვილად წინათგრძნობამ გაგიმართლა. შენმა ნაყოფიერმა წარმოსახვამ უყოყმანოდ გადაგაწყვეტინა, რომ ვილაც მოგვევლინა ხელის ასაპყრობად. დიახაც მაგ შეუყოყმანებლობამ გიხსნა. თუმცაღა, ღმერთი მალლიდან იყურება, ეგ შენი უჭოჭმან-უყოყმანობა სრულიად ცრუ რასმე საფუძველს ეყრდნობა.

პეტრუსი მართალი იყო. ერთი გულიანად გადავიხარხარე, და ისიც ამყვა სიცილში. მერე წამოვდექით და გზა განვაგრძეთ. უკვე სიმსუბუქესაც ვგრძნობდი და სიმხნევესაც.

— კიდევ ერთი რამის ცოდნა გჭირდება, — თქვა პეტრუსმა. — ნაგაზთან ორთაბრძოლა საარვისოდ არ დამთავრდება — აქ შესაძლებელია მხოლოდ გამარჯვება ან დამარცხება. ნაგაზი ისევ გამოჩნდება, და დაუმარცხებელი არ გაუშვია. საქმე დამში მოიყვანე. არადა მაგ ნაგა-

ზის აჩრდილი სიცოცხლის ბოლო დღემდე თავს არ გაგანებებს, სულ კვალდაკვალ აგედევნება.

ჯერეთ კიდევ მაშინ ბოშასთან შეხვედრის შემდეგ, პეტრუსმა, ვიცი, მაგას რაცა ჰქვიაო, მითხრა და ახლა ვკითხე სახელი

— ლეგიონია მაგის სახელი, — მომიგო ჩემსა-სურსმა. — ვინაიდან, ეგენი ბევრნი არიან.

მიწას, რომელსაც მივყვებოდით, გლესკაცნი თესვისთვის ამზადებდნენ. ალაგ-ალაგ ადამიანის დროინდელ ტუმბოებს მართავდნენ — ხირხატ, ანუ ქვავნარ ნიადაგთან ბრძოლის თავიანთ ოდინდელ იარაღს. სანტიაგოს გზის ორსავე მხარეს გროვა-გროვა ეყარა აგროვილი ქვები. იქნებ კაცს ისიც კი ეფიქრა, გზის გასწვრივ ერთ გაბმულ კედელს რასმე აშენებენო. თვითონ მინდვრებიც ნაირ-ნაირი ქვებით იყო მოფენილი, ადგილ-ადგილ უცხოდ მოოჭვილი გეგონებოდა. ვინ იცის, უკვე რამდენი საუკუნეა, რაც ამ ხირხატ მინდვრებს ამუშავებენ-მეთქი, ვფიქრობდი გულში, და მაინც ამოდის და ამოდის სულ ჯურა-ჯურა ქვა, რომელსაც თუ არ ააგროვებს და არ გაიტანს, გლესკაცს ერქვნის სახნისსაც პირს მოუტებს, დაუაბედებს. ეს ბრძოლა ყოველ წელიწადს იწყება, ბოლო კი არცროდის არ ექნება.

პეტრუსი ჩვეულებრივზე უფრო წყნარი ჩანდა, და გამახსენდა, რომ დილიდანვე სიტყვა თითქმის არ დასცდენოდა. სამიჯნო ბოძკინტებთან ჩვენი საუბრის შემდეგ მან პირში წყალი ჩაიგუბა და, თუკი რასმე ვეკითხებოდი, უმეტესად მასუხის ღირსად არა მხდიდა. მე კი უფრო უკეთ მინდოდა შეტყობა, თუ რას ნიშნავდა „ემშაკთა ლეგიონი“. მან ჯერეთ კიდევ ადრე ამიხსნა, რომ თითოეულ ადამიანს მხოლოდ და მხოლოდ თითო მაცნე-მაუწყებელი ჰყავს. მაგრამ ახლა ამკარად არ იყო ამაზე სალაპარაკოდ განწყობილი, ასე რომ უფრო ხელსაყრელი შემთხვევისთვის დაცდა გადავწყვიტე.

მალე რომელიღაც გორაკს მოვექეციით თავზე, და იქიდან სანტოდომინგო-დე-ლა-კალსადას ეკლესიის სამრეკლო გამოჩნდა. ამ სანახაობამ კიდევ უფრო გამომაყოჩაღა; ჩემდა უნებურად „პარადორას“ სიმყუდროვესა და მაგიურ გარემოზე ოცნებამ გამიტაცა, რომელი „პარადორაც“ ერთი იმ შუა საუკუნეების ცინე-დარბაზთაგანი იყო, ეს ნანეთის ხელისუფალთა მზრუნველობამ კომფორტაბელური სასტუმროები რომ გახადა. ჩემი თვალით წაკითხული მაქვს, რომ თავად წმინდა დომინიკეს აუგია აქ უცხოთსადგური, სადაც ერთხელ კომპოსტელაში გზად მიმავალ ფრანცისკ ასიზელსაც დაუღამებია. ამ ამბის მიმოგონებამ ახალი ძალ-ღონით ამავსო და ფრთები შემასხა.

უკვე საღამოს შვიდი იქნებოდა, პეტრუსი რომ დაფერხდა. გამახსენდა რონსევალი, იმჟამინდელი მყოვარი გზა, როცა ერთი ჭიქა ღვინო სანატრელი გამიხდა, რათა გავმთბარიყავი, და, ცოტა არ იყოს, შემინებულმა გავიფიქრე ეს ჩემი მეგზურ-ეტიკი ამჯერადაც მსგავს რასმე ხომ არ მიპირებს-მეთქი.

— ერთი მაცნე-მაუწყებელი არცროდის მოგეშველება მეორე მაცნე-მაუწყებლის დამარცხებაში. მაცნე-მაუწყებელთ არ უწყიან, რა

არის კეთილი და ბოროტი, თუმცა, ტყუილია, იმათ რომ ერთმანეთის ერთგულება იციან. ასე რომ ნაგაზთან შეტაკებისას ასტრაინის დახმარების იმედი ნუ გექნება, — წართქვა პეტრუსმა.

ოლონდ ახლა უკვე მე არ ვიყავი ლაპარაკის ხასიათზე, ლემა მალე მინდოდა სანტო-დომინგოში მისვლა.

— მიცვალებულთა მაცნე-მაუწყებელნი შიშატანილი ადამიანის სხეულს ეტანებიან, იქ იბუდებენ. სწორედ იმიტომ არიან ეგზომ ბევრნი, ვინაიდან ლეგიონია იმათი სახელი. იმათ დიაცთა შიში იჩვევს, იშინაურებს. სივრცეში მარტო ერთი მოკლული ბოშის მაცნე-მაუწყებელი კი არა, სხვანიც ბევრნი დაძრწიან და მიწიერ ძალებთან შეხვედრა-ურთიერთობის ხერხს ეძებენ.

მხოლოდ აწლა ინება პეტრუსმა ჩემს შეკითხვაზე პასუხის გაცემა, ანუ როგორც თვითონ იტყოდა ხოლმე, სიტყვისგება. მაგრამ მეჩვენებოდა — თითქოს სულ სხვა რამის თქმა უნდოდა ჩემთვის.

— მაინც რა გინდა, პეტრუს? — დავეკითხე არცთუ უწყინრად.

ჩემს მეგზურ-ეტიკს არცრა უპასუხნია. გზიდან გადავიდა და, მინდორში რომ ოლე იდგა, მარტოხე, აქედან ათიოდე ნაბიჯზე, იქით წავიდა. ბებერი, ფოთოლგაძარცული ხე საცოდავად გამოიყურებოდა. პეტრუსს, გამოძყევით, არ დაუძახია, და არც გავყოლილვარ, ისევ გზაზე დავრჩი. და უცნაური რამ სცენის მოწმე გავხდი: პეტრუსმა გარშემო შემოუარა ოლეს, თან მიწას ჩახცქეროდა, და რამდენიმე სიტყვა იხმა-მყივარა. მერე მანიშნა, მომიახლოვდიო.

— დაჯექი, — მიბრძანა მან, და ხმა ახლა სულ სხვაგვარად უქდერდა: არ ვიცი, ალერსიანად, არ ვიცი, ბრალგარეულად. — ამაღამ აქ დარჩები. ხვალ სანტო-დომინგო-დე-ლა-კალსადაში შევხვდებით.

და სანამ რისამე თქმას მოვასწრებდი, განაგრძო:

— ამ დღეებში — თავს დაუდებ, რომ დღეს არამც და არამც არ მოხდება, — შენს მთავარ მტერთან მოგიწევს შეტაკება სანტიაგოს გზაზე, და ეს მტერი ნაგაზია. როცა ის დღე დადგება, დარწმუნებული იყავი, რომ ახლომანლო გავჩნდები და, რაც იმ შეტაკებისთვის ძალ-ღონე დაგჭირდება, უხვად აღგჭურავ. დღეს კი შენს სხვა მტერს და ავის მნდომს შეხვდები. იმას შენი მოსპობაც შეუძლია, შენს უღალატო ამხანაგად გახდომაც. იმ მტრის სახელი სიკვდილია.

— ადამიანი დედამიწის ზურგზე ერთადერთი სულდგმულია, რომელსაც შეგნებული აქვს, რომ ოდესმე უნდა მოკვდეს, — განაგრძობდა იგი. — ამის გამო, მხოლოდ ამის გამო მივაგებ უდიდეს პატივს ადამიანთა მოდგმას და ამიტომ მჯერა კიდევ, რომ ადამიანს მომავალი აწმყოზე შეუდარებლად უკეთესი ექნება. მართალია, მან იცის, ჩემი დღეები დათვლილიაო, მართალია, ერთხელაც, როცა სულაც არ ეგონება, ყველაფერს ბოლო უნდა მოელოს, მაგრამ ის თავის წუთისოფელს მაინც ბრძოლად აქცევს, თანაც ისე ღირსეულად, თითქოს უკვდავი არსება იყოს. რაც ზოგიერთის თვალში ამას სიქადულად თუ ზვაობად მოჩანს — თუნდაც, ვთქვათ, ის სწრაფვა, რომ ჩვენი ხსოვნა ჩვენს შვილებში ან ჩვენს ქმნილებებში თუ ნაქმედში დავტოვოთ, ან ისე ვაცხოვროთ, ჩვენ რომ წავალთ, ამქვეყნად ჩვენი კეთილი სახელი

დარჩეს, — მე ადამიანური ღირსების კვინტესენციად მიცნია.

ადამიანი მალალი, ნაზი არსებაა, ამიტომაც მუდამ იმის ცდაშია, რომ თავის თავს როგორმე დაუმალოს სიკვდილის დიადი უცილებლობა. ადამიანს, როგორც სიკვდილის შვილს, აზრადაც არ მოსდის, რომ სწორედ სიკვდილი აგულიანებს ყოველივე იმას, რასაც იმის შესაქმნელად, რასაც ის ცხოვრებაში იქმს. დედის მუცელში მისი მშობლის თავზარსა სცემს წყვილიადში ნაბიჯის გადადგმა, ტანჯავს მძვინვარე შიში უცნობისა და შეუცნობლის წინაშე, და მარტოოდენ ერთადერთი ხერხი, რაც ამ შიშს უმკლავდება, იმის დავიწყებაა, რომ წუთისოფლის დღეებდათვლილი სტუმარი ხარ. რახან სიკვდილის გარდაუვალობა შეიგნო, ადამიანს ისიც უნდა ესმოდეს, მაგრამ არ ესმის, რომ მეტის გაბეჭვა ძალუძს, რომ ყოველდღიურად სულ მეტის და მეტის მოპოვებასა თუ მონაგრებას უნდა ესწრაფოდეს — რადგან სიკვდილი თუ უცილოა, მას დასაკარგავი არცრა ჰქონია.

პეტრუსი გაჩუმდა. სანტო-დომინგოში ღამის თევა უკვე შორეულ ამბად მეჩვენებოდა. ჩემი მეგზურის თითოეული სიტყვა ღრმად ჩამბეჭდვოდა გულში. ცის დასავალზე, პირდაპირ ჩვენ თვალთა წინ მზემ კვდომა დაიწყო. ეგება ეგეც პეტრუსს უგდებდა ყურს?

— სიკვდილი ჩვენი ერთგული თანამგზავრია, რამეთუ ის ააზრიანებს ჭეშმარიტად ჩვენს ცხოვრებას. ოღონდ სიკვდილის უტყუარი სახის გასარჩევად ჯერ სუყველა ის საშინელება და შიში უნდა შევიცნოთ, რაც თითოეული ადამიანის სულში იღვიძებს სიკვდილის თუნდაც მარტო ხსენების დროს.

პეტრუსი ხის ძირში დაჯდა და, შენც დაჯექიო, მანიშნა. მივუჯექი თუ არა, გული გადამიშალა, წელან ამ ხეს იმიტომ შემოვუარე, რათა ცხადად წარმომედგინა, რაც რამ თავს ვადამხდა, როცა თავად ვიყავი ლოცვადმავალი და სანტიაგოს გზას პირველად მოვდევი. მერე ტავარჯუხიდან ორი ბუტერბროდი ამოიღო, სადილობის უკან ნაყიდი.

— მაგ ადგილას, სადაც ახლა შენ ზიხარ, დამუქრებით არცრა გემუქრება, — მითხრა მან და ის ორი ბუტერბროდი მომცა. — აქ არც მხამიანი გველებია და ნაგაზიც ხელახლა მხოლოდ მაშინ გადაწყვეტს შენზე თავდასხმას, როცა თავისი დღევანდელი მარცხის ამბავს იგულმავიწყებს. იყავი შენთვის უშიშრად. არც ვინმე მძარცველნი შეგაწუხებენ, არც თულ-ავაზაკნი. საშიში შენთვის მხოლოდ ერთი რამ არის — ისევ შენი საკუთარი შიში.

და პეტრუსმა კიდევ ისიც მითხრა, ამ ორი დღის წინათ შენ ისეთი რამ განიცადე, რაც არც თავისი სიშმაგით, არც თავისი სიცხადით სიკვდილს არ ჩამოუვარდებაო, — ყოვლისმომცველი სიყვარული მონილუო, და წამიერადაც არ შემდრკალხარ, არ შემკრთალხარ, არ გიმხდალია, რამეთუ სიყვარულის თაობაზე წინასწარ აკვიატებული ავი აზრი არა გქონიაო. სიკვდილის მიმართ კი ყველანი ათასგვარი ცრურწმენითა თუ ბრმარწმენითა ვართ შეპყრობილნი, რადგან ვერ შეგვიცნია, რომ სიკვდილი აგაპეს მხოლოდ და მხოლოდ ერთ-ერთი გამოვლინებააო.

მე-მეთქი, მივუგე, მაგიისთვის მიძღვნილმა წლებმა თითქმის მთლიანად გამათავისუფლეს სიკვდილის შიშისაგან-მეთქი, და მართალი უნ-

და გითხრა, როგორ და რისგან მოვკვდები, თვითონ სიკვდილზე ბევრად უფრო მაშინებს-მეთქი.

— რას იზამ, მაშ, აბა, ამაღამ სიკვდილის ყველაზე მეტად შემაზარავი სახე ნახე, — მითხრა პეტრუსმა და — „ცოცხლად დამარხების“ სავარჯიშო შემასწავლა.

— ამას მხოლოდ ერთხელ იზამ, — დასძინა მან, სანამ მისი სხეული ვიძახსოვრებდი, რომელიც ძალიან მაგონებდა თეატრალურ ეტიუდს. — ჭეშმარიტება უნდა გამოადვილო, რაც რამ სულში შიში გაქვს, სულ უნდა შეანჯღრიო, რათა სავარჯიშო შენი სულის თვით ფესვებს ჩაატანოს, — და მაშინ ჩამოეხსნება საშინელებას ნილაბი, სიკვდილის კეთილ ხატს რომ მალავს.

პეტრუსი წამოდგა. და იმის სილუეტი დაისის შუქით მოგიზგიზე ცის ფონზე ჩემი ეტიკის ფიგურა თანდათან დიდი და დიდი ხდებოდა, უჩვეულოდ შთამბეჭდველი.

— კიდევ ერთი რამ უნდა გკითხო.

— რა?

— ამ დილას რაღაც უცნაურად დუმდი. და ჩემზე ადრე იგრძენი ნაგაზის გამოჩენა. რა იყო, როგორ მოხდა?

— როცა მე და შენ ერთად განვიცდიდით ყოვლისმომცველ სიყვარულს, ჩვენ აბსოლუტს ვიზიარებდით. იგი ადამიანთა უტყუარ არსს ავლენს, გვიჩვენებს, რარიგ დაუსრულებლად ეხლართება ერთმანეთს აურაცხელი მიზეზი და შედეგი, და იმასაც ცხადყოფს, როგორ ეხმაურება ერთის სრულიად უმნიშვნელო მოძრაობა მეორეს სიცოცხლეს. და დღეს დილით აბსოლუტის ეს გამოძახილი ჯერ კიდევ მკაფიოდ ისმოდა ჩემს სულში: მე არა მარტო შენი, არამედ ამქვეყნად ყოველივე არსებულისა შესმოდა, თან არც დრო ყოფილა ჩემთვის დაბრკოლება, არც სივრცე. აწ ამ გამოძახილსა თუ ნახმევს სული ხდება და მხოლოდღა იმის მერე გამოცოცხლდება, როგორც კი ყოვლისმომცველი სიყვარულის სავარჯიშოს შევასრულებ.

სათქმელი დაასრულა თუ არა, გამახსენდა, რა პირქუში იყო პეტრუსი იმ დილით. უკეთუ სუყველაფერი მართალია, რასაც ლაპარაკობს, ქვეყნიერება ამჟამად ძალიან მძიმე დღეში ყოფილა.

— „პარადორაში“ დაგელოდები, — მითხრა მან უკვე მიმავალმა. — პორტიეს ვეტყვი შენს სახელს.

მზერა გავაყოლე ნაბიჯაჩქარებულს და მანამ მივაცილებდი თვალგადევნებულს, სანამ სულ არ მიიმაღა. ჩემ მარცხნივ მინდორი მინდორს მისდევდა: გლესკაცთ თავიანთი დღიური საქმე მოეთავებინათ და უკვე შინ წასვლას ეპირებოდნენ. სავარჯიშოს შესრულება იმ დროისათვის გადავწყვიტე, როცა ღამის წყვილი მთელ სოფელ-ქვეყანას დაძირავდა.

დაწყნარებული ვიყავი. სანტიაგოს უჩვეულო გზას რაც დავადექი, იმ წუთიდან პირველად აღმოვჩინდი სრულ მარტობაში. წამოვდექი, ცოტა გავიარე, მაგრამ ისე სწრაფად ბნულდებოდა, შემეშინდა, ემანდ გზა არ ამებნეს-მეთქი, და კვლავ ხის ძირში დაბრუნება ვამჯობინე. და ვიდრე თვალს ჯერეთ კიდევ შეეძლო ზოგი რამის გარჩევა, გულში მაინც განვსაზღვრე მანძილი ხიდან გზამდე. არცრა სინათლე

არა მჭრიდა თვალს, მაგრამ ცის კამარაზე ახლახან ამოცურებული ახალშობილი მთვარის შუქი საკმარისზე მეტი იყო, რათა გამერჩია ბილიკი და სანტო-დომინგოსკენ გავყოლოდი.

კვლავინდებურად უშიშრად ვიყავი, ასე რომ თავდაპირველად მეგონა, წარმოსახვის ერთობ დაძაბვა მომიწვევს-მეთქი, რათა სულში მტანჯველი სიკვდილის შიში გამომეღვიძებინა. არაფერს ველოდი მნიშვნელობა არა აქვს, რამდენი წელიწადი გვიცხოვრობს ამ ქვეყნის ქვეყნიერებას წყვილიადში რომ ახვევს, ღამეს თან სუყველა ის შიში მოაქვს, რაც კი ბავშვობიდან ჩვენში ჩაბუდებულია. და ბინდის გახშირებასთან ერთად ვგრძნობდი, რომ მყუდროებას ვკარგავდი. —

მთელ ტრიალ მინდორში თავხელმართოკა ვიყავი და რომც მეყვირა, არცვინ არსით არ შემეხშიანებოდა. და გამახსენდა, კინალამ წერილი რომ წავიღე დღეს დილით. არასოდეს, ცხოვრებაში ჯერეთ არასოდეს არ განმეცადა ამისთანა გულის ფანცქალი.

რომ მოვმკვდარიყავი? მოვკვდებოდი და სიცოცხლეს დამთავრებოდა — ასეთია ყველაზე ლოგიკური დასკვნა. იმ დროის მანძილზე, რაც ტრადიციის გზით ვიარე, უკვე არაერთხელ მომიხდა სულელებთან საუბარი. სიკვდილის შემდგომ რომ სიცოცხლე არსებობს, ამაში სრულიად დარწმუნებული ვიყავი, ოღონდ ერთხელაც კი არ გამჩენია კითხვა, თუ როგორ ხდება ერთი განზომილებიდან მეორეში გადასვლა. რარიგად არ უნდა იყოს ადამიანი ამ ამბისთვის შემზადებული, მაინც საშინელებაა სულისა და ხორცის გაყრაზე გაფიქრებაც კი.

თუკი, მაგალითად, დღეს დილით მოვკვდებოდი, ალარავითარი მნიშვნელობა აღარ ექნებოდა აღარც სანტიაგოს გზას, აღარც სწავლის წლებს, აღარც ახლობელთა მონატრებას, აღარც ქამარს მიბმულ ქისაში გადანახულ ფულს. უცაბედად ყვავილი წამომავიდა, ქოთანში მოყელყელავე ჩემს საწერ მაგიდაზე რომ იდგა ბრაზილიაში. ის, რასაკვირველია, ჩემ შემდეგაც იარსებებდა, — ისიც და სუყველა სხვა მცენარეც ამქვეყნად, სუყველა ავტობუსიც, ქუჩის კუთხეში მიკუნჭული მემწვანილეც, თავის მწვანილეულს მუდამ სამჯერ ძვირად რომ ყიდის, და მეტელეფონე ქალიც, ცნობარში აღუწუსსაგ ნომრებს რომ გვატყობინებს.

ყოველივე ამ წვრილმანმა, რაც უმაღლ გაქრებოდა, თუკი ამ დილით სიკვდილი მომაკითხავდა, უცებ უდიდესი აზრი და მნიშვნელობა შეიძინა ჩემს თვალში. დიახაც ეს წვრილმანები მარწმუნებენ და არა ვარსკვლავები, არა მონაგრებული სიბრძნე, რომ სული მიდგას და ცოცხალი ვარ.

სულ ჩამობნეიდა, და ოდენ ცის დასალიერზელა ვარჩევდი ქალაქის ჩირაღდნების სუსტ ნათებას, მიწაზე დავწექი და ჩემ მალლა ტოტებს დავუწყე ცქერა. ჩემამდე უცნაური რამ ბგერები აღწევდნენ — უცნაური და სულ ნაირგვარი. როგორც ჩანს, ღამის ნადირი გამოვიდა სანადიროდ. უკეთუ პეტრუსი ჩემისთანა ადამიანია, ხორცისგან და ძვლებისგან შემდგარი, შეუძლებელია, რომ ყოველისმცოდნე იყოს. ვინ ჭკუათმყოფელი იკისრებს თავდებობას და იტყვის, აქ შსამიანი გველი არ იცისო?! ახლა მგელს არ იტყვით, ამოუწყვეტელ ვეროპულ მგელს? ვაითუ ჩემი სუნი იკრეს და უკვე აქეთ მოყმუიან? და უცებ სულ სხვა-

ნაირი ხმა გაისმა — თითქოს ტოტი ჩამოტყდაო, — რამაც გული ისევ გადამიქანა.

ცოტა ხანს დაძაბული ვუგდებდი ყურს და თან ვფიქრობდი, ვადადებოდა ალარ ეგების, სავარჯიშო რაც შეიძლება მალე უნდა შევასრულო, და სასტუმროს მივაკითხო-მეთქი. მოვეშვი, ხელები გულზე დავკრავდი, როგორც მიცვალებულმა. წამიერ გვერდით რაღაც ვადადებოდა ვაიმე-მეთქი, გავივლე გულში და ერთ მუქარაზე წამოვფრინდი.

არსად არცრა იყო. ღამე მძიმე-მძიმედ აპირთავებდა და აპირთავებდა სივრცეს, თან ადამიანისთვის დამახასიათებელი შიში და შარი მოქონდა. კვლავ გავიშოტე მიწაზე და საბოლოოდ გადავწყვიტე, რომ სავარჯიშოსთვის აღმძვრელ ბიძგად შექცია ყოველგვარი შიშის შემოტევა და მივხვდი, რომ ღამის სიგრილის მიუხედავად, ოფლმა დამასხა.

გულხელდაკრეფილმა წარმოვიდგინე: კუბოს თავსახურს ახურავენ, კუთხეებში ჭანჭიკებს უყრიან, არ ვიძვრი, მაგრამ ცოცხალი ვარ და ერთი სული მაქვს, სანამ ჩემს ახლობელთ ვეტყვოდე, ყველაფერს ვხედავ, ყველანი მიყვარხართ-მეთქი, — ოღონდ ბგერები ვერ გამომიტყვამს, ტუჩებს ვერ ვიმორჩილებ. მამაჩემი და დედაჩემი თავებს ისოცავენ, მეგობრები კუბოს გარს შემორტყმიან, მაგრამ მაინც მარტოდ-მარტო ვარ! ამდენი მოსიყვარულე ადამიანი მახვევია და არცვის იმის ვაგების თავი არა აქვს, რომ ჯერეთ კიდევ ცოცხალი ვარ, რომ ამქვეყნად ყველა ჩემი საქმე, რაც განზრახული მქონდა, ჯერეთ კიდევ თავითავს არ მომიყვანია. ჯიუტად ვლამობ თვალების გახელას, კუბოს თავსახურის დარახუნებას ანდა სხვა რამ ნიშნებას, რომ ცოცხალი ვარ. მაგრამ ამაოდ.

ვგრძნობ, როგორ ირწევს კუბო, — უკვე სასაფლაოზე წამილეს. მესმის, როგორ ხრჭიალებენ ლითონის სახელურები, მესმის სამგლოვიარო ასაბიის მონაწილეთა ფეხის ხმა და ლაპარაკიც. აგერ, ვილაცამ, ვახშმის ცოტა გადადება მოგვიწევსო, თქვა, მეორემ კი, ნამიტანი ადრე მოკვდაო, შემიბრალა. ყვავილების სუნმა ღამის დამახრჩოს.

წამომავიწყდა, ერთი-ორჯერ როგორ გავუარშიყდი ვილაც ქალებს, და იმის შიშით, ვაითუ თვალში არ მოვუვიდე, ხელი მკრან-მეთქი, შევეშვი, თავი გავანებე. მერე ახლა ერთი ჩემი დაუმთავრებელი საქმე მომავიწყდა, სულ რომ მეგონა, მოვასწრებ-მეთქი. ცოტაც და, გული გამისკდება, ისე შეცოდება ჩემი თავი, ოღონდ მარტო იმიტომ კი არ მეცოდება, რაკი ცოცხლად ჩამდებენ მიწაში, არა — უფრო იმიტომ, რომ ცხოვრება შიშსა მგვრიდა. მერე რა, თუ ვინმე „არას“ მეტყვოდა ანდა დაწყებული საქმე თავისთავს ვერ მოვიყვანე?! მთავარია, ადამიანი სრულად დატკბეს სიცოცხლით. აი ვწევარ ახლა ლუსკუმაში ჩაჭედილი, და უკვე შეუძლებელია წაგებულის ამოგება და სიმამაცის გამოჩენა, ადრე უნდა მეფიქრა.

აწ მე ისა ვარ, ვინც საკუთარი თავის იუდად ვიქეცი, ვინც საკუთარ თავს ვულალატე. აწ მე ისა ვარ, ვისაც თითიც ველარ გამინძრევია, ვინც უხმოდ ვითხოვ შეწევნას, გარეთ კი ადამიანები ყოველდღიურობის ყლარტსა და ჭაობში ფართხალებენ, საღამოსთვის გვეგმებს აწყობენ, ჭიტა ვარსკვლავებს ასცქერიან, თავაწეულნი დგანან

მაღალი სახლების წინ, რომელთაც მე ვეღარ დავინახავ. ლამის დამახრჩოს ამისთანა უსამართლობისა გამო ყელში ბურთივით გაჩხირულმა გრძნობამ: რა ხდება? მე ცივ მიწაში უნდა ჩავწვე, სხვებმა კი კლავინდებურად უნდა იცხოვრონ? ამას მირჩევნია, რომ დედამიწა გასკდეს და, ვინც კი ერთი ხომალდის გემბანზე შევყრილვართ, ყველანი ერთად ჩავცვივდეთ იმ შავ ნაპრალში, სადაც აწმარტო მშტყქანები მიშველეთ! ცოცხალი ვარ! არ მომკვდარვარ, და თავი ჯერეთ კიდევ მიმუშავებს.

კუბო სამარის პირას დადგეს. საცაა მიწაში ჩამდებენ. ცოლს მალე აღარც ვეხსომები, სხვას გაპყვება, და მალე ერთად დახარჯავენ იმ ფულს, რომელსაც რის ვაივაგლახით ვაგროვებდით და ვინახავდით მთელი ეს წლები! თუმცა, საქმე რა, ფულშია? არა, ხალხო და ჯამათონო, ცოლის გვერდით ყოფნა მინდა, ცოცხალი ვარ, ცოცხალი!

ტირილი მესმის, და ვგრძნობ, როგორ ჩამომიგორდა ქუთუთოთაგან ორი კურცხალი. ვინმე ახლა კუბოს რომ ახდიდეს, დამინახავენ აცრემლებულს და მიშველიან. მაგრამ ახდიდეს კი არა, უკვე სამარის ძირზე დამიშვეს. ანაზღად სულ ჩამობნელდა. წელან, სანამ თავსახურავი მჭიდროდ არ მეხურა, ცოტა შუქი კიდევ შემომდიოდა, აწ კი სრულ წყვდიადში ვარ. მესმის, რა ბრახაბრუხით მაყრიან მიწას ნიჩბებმოვარგებული მესაფლავენი. მე კი სული მიდგას! ცოცხლად ვარ დამარხული! ჰაერი არა მყოფნის, ყვავილების სუნს ვეღარ ვიტან. ნაბიჯების ხმა აირია — ხალხი იშლება. თავბრუ მესმის. ვერ გავნძრეულვარ. თუკი სუყველა წავა, ღამე მით უფრო ვის რასლა გავაგონებ!

ნაბიჯების ხმა თანდათან მიწყდა. ჩემი ცნობიერების ყრუ დრტვინვა არცვის ყურს არ მისწვდენია. წყვდიადსა და მარტოობაში ვარ დარჩენილი და ვგრძნობ, როგორ მემღვრევა გონება ჰაერის ნაკლებობისა და ყვავილთა გამაბრუებელი სუნისაგან. მოულოდნელად ჩქროსავით რამ ხმა მეყურება, ადრე რაც არა მსმენია: მატლებს ფული გააქვთ! ცივი, ნოტიო მატლები ზედ დამფუთფუთებენ და მზად არიან ჩემს შესაჭმელად. ცხადია, ცოცხალი უფრო ვეგემრიელები. რაც ძალი და ღონე მაქვს, ვიძაგრები, რა არი თითი მაინც გავანძრიო, მაგრამ გახევებული სხეული არ მომდევს. მატლები უკვე სახეზეც დამდიან, კისერსაც მისინჯავენ, შარვალშიც მიძვრებიან. ერთმა სწორი ნაწლავიც მიპოვა, მეორე ნესტოში შემიცოცდა. მიშველეთ! ცოცხლად მხრავენ! ვყვირი, ვიჭაჭები, მაგრამ იყვირე რამდენიც გინდა — არცვინ გამგონი არა ჩანს.

ნესტოდან მატლი ყანყრატოში გადამდის. ვგრძნობ, რარიგ ჩამეხრახნა ყურში კიდევ ერთი. რა ვქნა, როგორ ვუშველო თავს?! როგორ ამოვიდეთ აქედან?! ღმერთი მაინც სად არის, რატომ არ ესმის ჩემი ხმა?! საცაა ეს ქვეწარმავალი ჭიაჭუანი ყელს გამომამაჭამენ, და მერე რაღას ვიყვირებ! უკვე ყოველმხრივ შემომესივნენ, ადგილი აღარ დამიტოვეს გულ-გვამში შეუძრომელი: ზოგი ყურებიდან მიძვრება, ზოგიც პირიდან, ის კი არა, შარდსადენ მილსაც მიაგნეს, მთელ გულმუცელში ვგრძნობ ამაზრზენ ფუთფუთს. უნდა ვიყვირო! როგორმე უნდა დავიხსნა თავი! არადა, როგორი ამბავია — სველ და ბნელ სამარეში ვგდივარ, ზედ მიწა მაყრია და მატლები მჭამენ.

ჰაერი არა მყოფნის... როგორმე უნდა ავმოძრავედე! როგორმე
 კუბო უნდა გავანგრიო! ღმერთო, ყოველადღლიერო, მომეცი განძრევის
 ძალა! აქედან უნდა დავალწიო თავი! უნდა დავალწიო... როგორმე გა-
 ვინძრევი! გავინძრევი! ცოტაც კიდევ... ცოტაც კიდევ...
 აკი ვთქვი, გავინძრევი-მეთქი!

განძრევის
 ძალა

კუბო სულ ფიცარ-ფიცარ დაიშალა და მიმოიფანტა, სამარეც გა-
 ქრა, და მთელი მკერდით ჩავისუნთქე სანტიაგოს გზის გრილი ჰაერი.
 სულ ერთიანად ვკანკალებდი, ოფლში ვცურავდი. გავინძრევი და მივბ-
 ვიძრევი, რომ დედის ხსენი არ შემრჩენოდა. ჯანდაბას, რაც იყო, იყო! მთა-
 ვარია, რომ ცოცხალი ვარ!

ცახცახატანილი კი ვიყავი, მაგრამ არცრა მილონია იმის დასა-
 ცხრომად. განუზომელმა შინაგანმა სიმშვიდემ მომიცვა, როცა ვიგრ-
 ძენი, რომ გვერდით ვილაც მედგა. თავი მივაბრუნე და ჩემი სიკვდილის
 სახე მოვიხილე. არა, ეს ის არ იყო, ჩემი წარმოსახვით შექმნილი და
 ჩემივე შიშისაგან შობილი სიკვდილი, რომლის მოსვლასაც სულ რა-
 მდენიმე წუთის წინ ტანი მიგრძნობდა, — არა, ეს ჭეშმარიტად ჩემი
 სიკვდილი მომეახლა, სათანადო მოყვასი და კეთილი მრჩეველი, რო-
 მელიც ერთი წამითაც შეკრთომის ნებას არ მომცემს.

ამიერიდან და საკვლავოდაც ის უფრო მეტად შემეწევა, ვიდრე
 პეტრუსის ხელი და რჩევა-თათბირი. ის ნებას არ დამრთავს, რომ „მე-
 რესთვის“ შემოვიტოვო რამე, რისი გაღებაც ამჯერად ეგების. ის არამც
 და არამც განზე არ დამაყენებს ყოველდღიურ ბრძოლათაგან, ის აუცი-
 ლებლად გამამარჯვებინებს **სამართლიან ომში**.

დღეის ამას იქით რასმე რომ ჩავიდენ თავს აღარცროდის ურიგმა-
 რიგობაში არ დავიდანაშაულებ, რამეთუ აგერ ის წინ მიდგას და მეუბ-
 ნება, ოდეს ამა სოფლით გაღმა გავაბიჯებინებ, თან ყოველთა ცოდვა-
 თაგან უმძიმესი ცოდვის, ანუ სინანულის თრევა აღარ დაგჭირდებაო.
 ვუცქერი ამ დალოცვილის ალერსიან სახეს, ვიცი, რომ უამისობა არ
 იქნება, ბევრიც რომ ვეცადო, ვერსად ვერ გავექცევი, და ვიდრე ჩემი
 დროა, ხარბად უნდა დავეძაბრო უკვდავების წყლის მჩქეფარე წყაროს-
 თვალს, ანუ ჩვენს წილ წუთისოფელს.

და ღამემ აღარცრა საიდუმლო არ შეირჩინა, აღარცრა შიში. ბე-
 დნიერ და მშვიდობიან ღამედ იქცა. ცახცახმა გამიარა, წამოვდექი და
 იქითკენ წავედი, სადაც გლუხკაცთ თავიანთი ტუმბოები დაეტოვებინათ.
 რაც ზედ შარვალი მეცვა, გავინადე და გავრეცხე, ხალთაგუდიდან კი
 სხვა ამოვიღე და ჩავიცვი. მერე ისევ ხესთან მივბრუნდი, პეტრუსის
 მიერ დატოვებული სენდვიჩებით ცოტა თავი მოვიმავრე. და, კაცობას
 ვფიცავ, ჩემს სიცოცხლეში უფრო გემრიელად არაფერი არ მიჭამია,
 იმიტომ რომ ცოცხალი ვიყავი, იმიტომ რომ სიკვდილი აღარ მაშინებდა.

დასაძინებლად იქვე ხის ძირას მივწექი. და არცროდის წყვდიადში
 თავი ესოდენ მოსვენებულად არ მიგრძნია.

„ცოცხლად დამარხულის“ სავარჯიშო

მიწაზე დაწეტი და მოდუნდი. ხელები მიცვალებულზე გულზე დაიკრიფე.

წარმოიდგინე შენი დაკრძალვა მთელი თავისი წყნარებით, ვითომ ხვალ უნდა დაგმარხონ, განსხვავება მხოლოდ ისაა, რომ სამარეში ცოცხლად ჩაგასვენებენ.

იმისდა მიხედვით, თუ როგორ წარიმართება სრულად პროცედურა: წესის აგება, გამოსვენება, კუბოს მიტანა სასაფლაოზე, სამარეში კუბოს ჩაშვება, მატლები — სულ უფრო ძლიერად ძაგრავ კუნთებს და ჯიუტად, ოღონდ უშედეგოდ ცდილობ განძრევას.

ვერა და ვერ იძრევი. უკვე მეტის მოთმენის თავი აღარა გაქვს და მთელი ტანის მოძრაობით მიაშსხვრ-მოამსხვრევ კუბოს, ერთს ღრმად ჩაისუნთქავ — და განთავისუფლდები. ეს მოძრაობა დიდ ეფექტს მოახდენს, თუკი თან გულ-გვაშიდან წამოსული ყვირილისდამავარი უგვანი რამ ხშიანობა ეხლება.

ს ი ს უ ს ტ ე ნ ი

მე და პეტრუსი ცის დასალიერამდე გადაჭიმული პურის ყანის შუაგულში ვიდექით, რომელი ყანის მოსაწყენ ერთფეროვნებასაც შუა საუკუნეების ჯვარგამოსახული ბოძკინტი არღვევდა — ლოცვადმავალთა გზის ნიშანსვეტი. იმ ბოძკინტს რომ მივადექით, პეტრუსმა მუხლი მოიყარა და „შენც დაიმუხლეო, მთხოვა.

— მოდი ვილოცოთ. იმ ერთადერთი რამისთვის ვილოცოთ, რასაც თავისი მახვილის მპოვნელი პილიგრიმის დამარცხება შეუძლია, — ადამიანის დამახასიათებელ სისუსტეთათვის ვილოცოთ. რა სრულყოფილადაც არ უნდა ფლობდეს ის პილიგრიმი დიდ მასწავლებელთაგან ნამოძღვრალ ბრძოლის ხელოვნებას, ერთ-ერთი თავისივე ხელი შეიძლება რომ უბოროტეს მტრადაც გადაექცეს. მოდი ვილოცოთ, რომ შენი მახვილი, — თუკი, რასაკვირველია, იპოვე — მუდამ იმ ხელში გეპყრას, რომელიც არ შეგარცხვენა.

დღის ორი საათი გახდა. პეტრუსმა სრულ სიჩუმეში დაიწყო:

— უფალო, შეგვიწყალე ჩვენ, რამეთუ სანტიაგოს გზას ადევნებულნი ლოცვადმავალნი ვართ, და ამაღ მანკიერებაც ბევრი გვახლავს და სისუსტეც. ისერიგად მოგვანაკოფიერე ენით აუწერელი წყალობა შენი, რომ ვერცროდის ვერ შევიძლოთ შექენილი ცოდნის საკუთარი თავის წინააღმდეგ წარმართვა.

შეიწყალე ყოველნი, ვისაც საკუთარი თავი იბრალება, ვინც პკონებს, რომ თვითონ ძალიანაც კარგია, ხოლო ცხოვრება ექცევა უსამართლოდ და სულაც არ იმსახურებს იმას, რაც იმის თავს ხდება, — რამეთუ ვერცროდის ვერ შეიძლებს სამართლიან ომში ჩაბმას. ოღონდ კიდევ უფრო მეტად განუზომელი მოწყალება მოჰფინე იმათ, ვინც სას-

ტიკად ექცევა საკუთარ თავს, ვინც თავის საქციელში ოდენ ვერაგობასა და სიბოროტეს ხედავს, ვინც წუთისოფლის სუყოველ უსამართლობაში თავისთავს ადანაშაულებს. რამეთუ ისინი არ იცნობენ შენს სამართალს, ის კი გვაუწყებს: „...თქვენს თავზე თმაც კი დათვლილია“.

შეიწყალე ყოველნი, ვინც მბრძანებელია, და ისინიც, ვინც მსხვერპლად სწირავს ცისმარე დღე თავჩაღუნული რუდუნებს და თავს მსხვერპლად სწირავს ერთ კვირადღეს, როცა ყველაფერი დაკეტილია და წასვლითაც ვერსად ვერ წასულა. ოღონდ კიდევ უფრო მეტად განუზომელი მოწყალეობა მოჰფინე იმათ, ვისაც სამუშაო წმიდათაწმიდად მიუჩნევია, ვინც თავისი სიშლეგის საზღვართ ჯიქურ გადადის და ბოლოს ან ვალებში ეფლობა, ან თავისივე ძმად ხმობილთა შეწევნით ჯვარზე აღმოჩნდება ხოლმე. რამეთუ ისინი არ იცნობენ შენს სამართალს, ის კი გვაუწყებს: „...იყავით გონიერნი ვითარცა გველნი და უმანკონი ვითარცა მტრედნი“.

შეიწყალე სიკვდილისშვილი, ვისაც მთელი ქვეყნიერების ძლევა ძალუძს, ხოლო თავის თავთან სამართლიანი ომის მოგების ძალა არ შესწევს. ოღონდ კიდევ უფრო მეტად განუზომელი მოწყალეობა მოჰფინე იმათ, ვინც სამართლიან ომში თავის თავს მორევია, ან კი სადმე ცხოვრების კუთხე-კუნჭულსა და ბარებშია ატუზული, იმიტომ რომ ქვეყნიერებას ვერა სძლია. რამეთუ ისინი არ იცნობენ შენს სამართალს, ის კი გვაუწყებს: „...ყველას, ვინც ისმენს ამ ჩემს სიტყვებს, ვამსგავსებ გონიერ კაცს, რომელმაც სახლი კლდეზე აიშენა“.

შეიწყალე ყოველნი, ვისაც შიშით ხელში ვერ აუღია კალამი ანდა ფუნჯი, საჭრეთელი ანდა სხვა რამ იარაღი, რადგან ჰგონია, რომ იმაზე ბევრად უფრო ადრე და ბევრად უფრო კარგად უკვე სხვამ გაართვა ამ დანიშნულებას თავი, ვინც ღირსად არ მიიჩნევს თავის თავს ხელოვნების კურთხეულ სრასახლში შესასვლელად. ოღონდ კიდევ უფრო მეტად განუზომელი მოწყალეობა მოჰფინე იმათ, ვინც გაბედა და ხელში აიღო კალამი ანდა ფუნჯი, საჭრეთელი ანდა სხვა რამ იარაღი, მაგრამ თავიანთ შთაგონებას თვითკმაყოფილებისა და სხვათა მიმართ თავიანთი უპირატესობის უბადრუკ და უსახურ ფორმაში აქცევენ. რამეთუ ისინი არ იცნობენ შენს სამართალს, ის კი გვაუწყებს: „...არ არის რამ საიდუმლო, რომ არ გაცხადდეს, და არც რამ დამალული, რომ არ გამჟღავნდეს“.

შეიწყალე ყოველნი, ვისაც არც სასმელ-საჭმელი აკლია და ყველაფერი თავზე საყრელი აქვს, მაგრამ უბედური და მარტოსულია თავის სიმდიდრეში. ოღონდ კიდევ უფრო მეტად განუზომელი მოწყალეობა მოჰფინე იმათ, ვინც მარხულობს და ითმენს, განიკითხავს და კრძალავს, რისა გამოც თავს სიწმინდეზე დებს და შენს სახელს მოედნებზე მოიხსენიებს. რამეთუ ისინი არ იცნობენ შენს სამართალს, ის კი გვაუწყებს: „... უკეთუ მე ჩემსავე თავს ვმოწმებ, მოწმეობა ჩემი არ არის ჭეშმარიტი“.

შეიწყალე ყოველნი, ვისაც სიკვდილისა ეშინია, ვინც არ უწყის, უკვე რაოდენ ბევრი სამეფო გაცამტვერდა, უკვე რაოდენ ბევრი მკვდარი მოკვდა, ვინც უბედურია იმის გაფიქრებით, რომ ერთხელაც სოფელს ბოლო უნდა მოეღოს. ოღონდ კიდევ უფრო მეტად განუზომელი

მოწყალემა მოჰფინე იმათ, ვინც მრავალი თავისიანის სიკვდილს მოესწრო, თვითონ კი თავი სიკვდილუხდელი ჰგონია. რამეთუ ისინი არ იცნობენ შენს სამართალს, ის კი გვაუწყებს: „...ვინც ხელახლად არ იშვება, ვერ იხილავს ღვთის სასუფეველს“.

შეიწყალე ყოველნი, ვინც სიყვარულის აბრეშუმის უბედეში გაბმულა, ვისაც ვისიმე ბატონად მიუჩნევია თავი, დასტყვევანათ იტანჯება, ვინც სამსალათი იკლავს თავს და იდაგვის, ეწამება, ვინაიდან ვერ მიმხვდარა, რომ სიყვარული ისევე ცვალებადია, როგორც ქარი და ყოველივე არსებული ამ ქვეყანაზე. ოღონდ კიდევ უფრო მეტად განუზომელი მოწყალემა მოჰფინე იმათ, ვინც შიშისაგან კვდება, ემანდ ვინმე არ შემიყვარდესო, და სიყვარულს უარყოფს ვითომ ჭეშმარიტი სიყვარულის გულისთვის, რომლის გაგებაშიც არ არის. რამეთუ ისინი არ იცნობენ შენს სამართალს, ის კი გვაუწყებს: „...ვინც შესვამს წყალს, რომელსაც მე მივაწვდი, საუკუნოდ არ მოსწყურდება“.

შეიწყალე ყოველნი, ვინც დამდგარა და ცამყარის საიდუმლოს სულ უბრალოდ ხსნის, ვისთვისაც ღმერთი ოდენ ჯადოსნური კვერთხია, ვისაც ადამიანი ოდენ თავის მოთხოვნილებათა დასაკმაყოფილებლად გაჩენილი ჰგონია, რადგან თავად ყრუა ციური მუსიკის მოსასმენად. ოღონდ კიდევ უფრო მეტად განუზომელი მოწყალემა მოჰფინე იმათ, ვინც ბრმამორწმუნეობას შეუპყრია და თავის რეტორტათა შიგან სინდიყის ოქროდ ქცევას ცდილობს, ვინც იმ წიგნების ციხე-კოშკში ჩაკეტილა, სადაც ტაროს საიდუმლოთა და პირამიდათა ძლევა მოსილენის ამბავია მოთხრობილი. რამეთუ ისინი არ იცნობენ შენს სამართალს, ის კი გვაუწყებს: „გამოუშვით ბავშვები და ხელს ნუ უშლით ჩემთან მოსასვლელად, ვინაიდან მაგათნაირებისაა ღვთის სასუფეველი“.

შეიწყალე ყოველნი, ვინც თავისი თავის გარდა, ვერა ხედავს ვერავის, ვინც თავისი ლიმუზინის ფანჯრებიდან ისე გასცქერის სხვა კაცთ, როგორც შორ და დაშორებულობისა გამო გაბუნდოვანებულ პეიზაჟს, ვინც ზედა სართულზე კონდიციონერიან კაბინეტშია გამომწყვდეული და მდუმარედ იტანს ყოვლისშემძლეობის ლიტონ წამებას. ოღონდ კიდევ უფრო მეტად განუზომელი მოწყალემა მოჰფინე იმათ, ვინც გულმოწყალე და სულგრძელია, მთელ თავის ავლადიდებას ალაღად გასცემს და ბოროტის დამარცხების ერთადერთ გზას სიყვარულში ეძიებს. რამეთუ ისინი არ იცნობენ შენს სამართალს, ის კი გვაუწყებს: „ვისაც ქისა აქვს, აიღოს, ასევე გუდა. ხოლო ვისაც არა აქვს, თავისი ტანსაცმელი გაყიდოს და მახვილი იყიდოს“.

უფალო, შეგვიწყალე ჩვენ, ვინც ვეძიებთ და ვსასოებთ შენგან გაცხადებული მახვილისა ხელში აღებას, შეიწყალე მთელ დედამიწის ზურგზე მიმოფანტული მართალი და ცოდვილი ხალხი. რამეთუ საკუთარი თავი ვერ გვიცნია და ხშირადრე ვგონებთ, რომ ტანთ გვაცვია, არადა შიშველნი ვართ; სულ გვეგონია, რომ დანაშაული რამ ჩავიდინეთ, არადა ვილაც გადავარჩინეთ. ნუ გვიგულმავიწყებ შენს გამოუთქმელ მადლში ნურცვის ჩვენგანს, — ვისი ხელიც, მახვილისა მპყრობელი, — ერთჟამიერად ანგელოზის ხელიც არის და დემონის ხელიც. რამეთუ ამა სოფელ-ქვეყნად დავმკვიდრებულვართ, აქა ვრჩებით და გვეჭირვება თავი შენი. თავი შენი და სამართალი შენი, ის კი

გვაუწყებს: „...ოდეს უქისოდ, უგუდოდ და უხამლოდ გაგზავნიდით, ვაკლდათ რამე?“

პეტრუსმა ლოცვა გაასრულა. კვალად ისეთივე სიჩუმე იდგა. ჩემი მეგზური თვალგამტერებული გაჰყურებდა ჩვენ გარშემო ამხეკაბანებულ პურის ყანას!

ეროვნული
ბიბლიოთეკა

მონაბარ-ნასისხლი

იმ დღის ბოლოს ერთი ციხის ნაშალს მივადექით, რომელი ციხეც ადრე თურმე ტამპლიერთა ორდენს ეკუთვნოდა; ეს ადგილი სულის მოსათქმელად ზედგამოჭრილი გვეჩვენა და დავფერხდით. პეტრუსმა თავის უცვლელ სიგარას მოუკიდა, მე სადილიდან შემორჩენილი ღვინო გამოვწრუპე. მერე გარშემო მიმოვიხედე — თვალი შევაავლე გვერდი-გვერდ მიდგმულ რამდენიმე გლეხურ კარ-მიდამოს, ციხის გოდოლს, გადაშავებული ანეულის ტალღიან ზედაპირს. მოულოდნელად ჩემგან მარჯვნივ ციხის კედლების ნანგრევებიდან მწყემსი ვინმე გამოჩნდა თავის ცხვრებიანად. ცის კამარას დაისის ცეცხლი ეკიდა, და ცხვრის ჩლიქით აყენებულ მტვრის კორიანტელში ყველაფერი სიზმრისეულად მინისლული და დაბუნდებული იყო... არემარე ჯადოსნურ სურათს რასმე ჰგავდა. მწყემსმა ხელი აგვიწია, მოგვემშვიდობა. ჩვენც ხელის აწევითვე მივესალმეთ.

ცხვრებმა გვერდით ჩაგვიარეს და თავიანთ გზას გაუყვნენ. პეტრუსი წამოდგა. ძალიან შთამბეჭდველი სანახაობა იყო.

— წავედით! უნდა ვიჩქაროთ, — თქვა მან.

— რატომ?

— იმიტომ! შენ რა, არ გესმის, ნამეტანი რომ გავიგრძელეთ სანტიაკოს გზა?

მაგრამ რალაც მიკარნახებდა, რომ ჩემი მეგზურის უცაბედი აჩქარება იდუმალ უკავშირდებოდა მწყემსისა და ცხვრების მაგიურ გამოჩენას.

ორ დღეში სამხრეთით აყუდებული მთების ძირას აღმოვჩნდით, რომელი მთებიც ნირს უცვლიდნენ პურის ყანების თვალგადაუწვდენელი სივრცის ერთფეროვნებას. კორტოსებ-ბორცვებიანი დაბლობი ადგილ-ადგილ ჰადრე ჰავიერის მიერ ხსენებული ყვითელი ნიშნებით იყო მოფენილი. პეტრუსმა კი დაადო თავი და არცრა უთქვამს, არცრა აუხსნია, სულაც გვერდი აუარა იმ ნიშანთ, ჯიუტად გაუტია ჩრდილოეთისკენ. შეცბუნებულმა რამდენჯერმე ვკითხე, საით მივდივართ-მეთქი, იმან კი, მეგზური მე ვარ და მომყევი, ვიცი, საითაც მივდივართო, ცოტა არ იყოს, ბრაზი დაიტყო ხმაში.

ნახევარ საათზე მეტი თუ არა, ნაკლები არ იქნებოდა გასული, როცა ჩანჩქერის ხმაურისდამაგვარი ჩხრიალი გაისმა. გარშემო მარტო მზისგან გადამწვარი ყანობირი ჩანდა, და გავიფიქრე, ალბათ, თაველ-თავთავთ თუ აშრიალებს-მეთქი ქარი. მაგრამ ხმაური ურველ გადადგმულ ნაბიჯთან ერთად თანდათან ძლიერდებოდა, ხანჩქეფისულ არ გამიქრა: ჩვენ თვალწინ ნამდვილად ჩანჩქერი გადმოსუქსდა, წყალუხვი, ჩაბარუნნი. საოცრება კი ის იყო, რომ თავი აქეთ-იქით ბევრი ვატრიალდე, მაგრამ ახლომახლო მთა ვერ შევამჩნიე, საიდანაც წყალს ვარდნა შეეძლო.

მხოლოდ ერთი დაფერდებული გორაკის კინჭუნთხეში რომ გადავიარეთ, მაშინლა მივხვდი მისახვედრს და სუნთქვა შემეკრა ბუნების ამ უჩვეულო ქმნილება-ნაქმედის ხილვით აღტაცებულს: ხუთსართულიანი სახლის დამტევნელ ღრანტეებში წყალი დუღდა და გადმოდუღდა დედამიწის გულისკენ დაქანებული. ამ ერთობ დევერხინა ღრანტობ-დარანის ნამზღვლევ ნაპირთ კი ხშირად ატეხილი ხასხასა შალდაყი მოსდებოდა, აჩოყებული და გაბარდნული. რაც გასაოცრად განსხვავდებოდა იმ შემჭკნარ-შეჭმაქული მცენარეულობისგან, გზადაგზა არცთუ იშვიათად ფეხქვეშ რომ გვედებოდა.

— ქვემოთ აქედან ჩავალთ, — თქვა პეტრუსმა.

და დავეშვიოთ, ნელ-ნელა, გვერდულად, და უმაღლ უიულ ვერნი გამახსენდა — მეჩვენებოდა, რომ დედამიწის გულისკენ მივემართებოდით. ციცაბო ფერდობზე დაშვება იოლი არ იყო: ემანდ არ დავგორდემეთქი, ხან რომელ ეკალბარდს ვეჭიდებოდნი, ხან რომელ ეკალჯაგს, ხანაც ალაგ-ალაგ გამოშვერილ ბასრ ქვის ღოჯთ ვებლაუჭებოდნი. ასე რომ, როცა ძირს ჩავალწიეთ, ხელები სულ მთლად დაგაზულ-დაკაწრული მქონდა.

— ბუნების საოცარი ქმნილებაა, — თქვა პეტრუსმა.

დაუთანხმებლობა არ ეგებოდა. შუაგულ უდაბნოში გაჩენილი ეს ოაზისი, მთელი თავისი ალაღანებულ-აბიბინებული მცენარეულობით, წყლის ნაშიშხალ-ფარდახტი ზედ უთვალავ ცისარტყელად რომ დასციმციმებდა, ახლოს ისეთივე თვალწარმტაცი იყო, როგორიც ზემოდან ჩანდა.

— აქ ბუნება თავის ძალას აჩენს, — დაბეჯითებით წარმოთქვა პეტრუსმა.

მართალი ხარ-მეთქი, დავეთანხმე.

— და ჩვენც ჩვენი ძალის გამოჩენის საშუალებას გვაძლევს. წამო, კლდე-კლდე ავყვეთ ჩანჩქერს, წყლის ღვარის გასწვრივ.

ერთხელ კიდევ შევათვალაიერე სურათი, რომელიც ჩემ თვალწინ გადაშლილიყო, აწ უკვე აღარ მხიბლავდა ტურფა ოაზისი, ბუნების ეს უცხოდ განატიფებული იკლიკანტური სიჩქურე თუ ნაოცნებარ-გამონაგონი. თავაბლენილი ვიდექი თხუთმეტმეტრიანი კედლის წინ, საიდანაც გამაყრუებელი ჩხრიალ-გრიალით მოექანებოდა ნიაღვარი. პატარა ტბა, რომელსაც ქვემოთ ეს ნიაღვარი ქმნიდა, ღრმა არ იყო — კაცის სიმაღლისა იქნებოდა, მაგრამ მგრგვინავი წყალი ღრადო-დარან-

ში მიექანებოდა და ღმერთმა უწყის, სად, რომელ უფსკრულში ინთქმე-
ბოდა. კლდე ფრიალო და პიტალო იყო, სიპი, ხელის მოსაჭიდს-
ლად ვერ უპოვიდი, ტბას კი სიმარჩხისგან ძირი უჩანდა, სხე რომ,
თუ დაგორდებოდი, განწირული იყავი — წყალი ზღართანს ვერ შეგვი-
მსუბუქებდა. ნამდვილად შეუსრულებელი ამოცანის წინაშე აღმდგომი

ჩემდა უნებურად ხუთი წლის წინანდელი ამბავი გამახსენდა, რო-
დესაც უალრესად საშიში რიტუალის შესასრულებლად აგრევე სიმალ-
ლეზე ასვლა იყო საჭირო. მოძღვარმა მაშინ არჩევნის შესაძლებლობა
მომცა — გინდ ადი, გინდ — არაო. იმ დროს ბევრად ახალგაზრდა
კაცი ვიყავი, თანაც ჩემი მოძღვარი ქვეყანაზე ყოვლის უძლიერესი
მეგონა, ტრადიცია კი — მთლად სასწაულთათვის შექმნილი, და ავ-
რერიგად გატაცებულმა გადავწყვიტე, რომ უკან არ დამეხია. ყველა-
ფერს რომც თავი დავანებოთ, ჩემი სიქველისა და ვაჟკაცობის გამო-
ჩენა მინდოდა.

ერთი საათის ბლოტიალის შემდეგ, როცა დავალების ყველაზე
რთული ნაწილი უნდა შემესრულებინა, ისეთი ქარი ამოვარდა, ძირს
რომ არ დავგორებულიყავი, იმ პატარა ბუსნოს დავებლაუჭე, რომელ-
ზედაც ვიდექი. ჩემს გაკვირვებას საზღვარი არა ჰქონდა, როცა თით-
ქმის იმწუთასვე ვიგრძენი, რომ ვილაც ხელს მაშველებდა, მიჭერდა,
რათა ქარს ქვევით არ წაველე. თვალები რომ გავახილე, ჩემ წინ მო-
ძღვარი იდგა.

მან რამდენჯერმე ააქნია ხელები და ქარი მოულოდნელად ჩადგა.
მერე, თითქოს ფრთები გამოისხაო, წარმოუდგენელი სისხარტით ჰკრა
კამარა, — რომელ სისხარტეშიც ხანისად ლევიტაციის გამომუშავე-
ბული ჩვევა, ანუ ჰაერში ცორვა-ლივლივის უნარი მჟღავნდებოდა, —
ცქვიტად დაეშვა მთიდან და, მომყევით, მიბრძანა.

ფეხებაკანკალებული ძირს რომ ჩავედი, გაბრაზებულმა ვკითხე,
ქარი რატომ მანამ არ ჩააყენე, სანამ დამექგერებოდა-მეთქი.

— ეგრე მინდოდა, განგებ დაგაძგერე, — იყო პასუხი.

— რათა დაგელუპე, არა?

— რათა გადამერჩინე. სხვანაირად მთის წვერზე ვერ ახვიდოდი.
როცა შეგეკითხე, მთაზე ასვლა გინდა თუ არა-მეთქი, შენს ვაჟკაცო-
ბას კი არა, სიბრძნეს ვამოწმებდი. შენ იმ ბრძანებას ასრულებდი, რო-
მელიც მე არ მიბრძანებია შენთვის. ლევიტაციის ხელოვნება თუ გე-
ცოდინებოდა, ყველაფერი რიგზე იქნებოდა. მაგრამ სიმამაცისა თუ
სიჩაუქის გამოჩენა შენ იქ ამჯობინე, სადაც მხოლოდ და მხოლოდ კე-
თილგონიერება იყო საჭირო.

და მაშინ იგი მოგვთა ამბავს მომიყვა, რომელი მოგვნიც გონების
თვალის ახელისას კეთილგანმსჯელობის უნარს კარგავდნენ და თავი-
ანთ საკუთარ ძლიერებას ველარ განასხვავებდნენ თავიანთივე მოწა-
ფეთა ძლიერებისგან. ჩემი ცხოვრების იმ მონაკვეთში, ტრადიციის შე-
სწავლას რომ მივუძღვენი, სამ უდიდეს მოძღვართან მომიხდა შეხვე-
დრა — ერთი იმათგანი იყო ჩემი საკუთარი მოძღვარიც, — სამთავეს
თავიანთი ფიზიკური ძლიერების ისეთ სფეროებში გადატანა ხელე-
წიფებოდა, რომელთა ხილვაც ჩვეულებრივ ადამიანს სიზმარშიც კი

არ შეუძლია. ჩემი თვალით ვხედავდი არა ერთსა და ორ სასწაულს, ჩემი ყურით ვისმენდი მომავლის არა ერთსა და ორ ზუსტ წინასწარმეტყველებას, ვიცნობდი გარდასულ რეინკარნაციათა მთელ წყებას. ჩემმა მოძღვარმა ორი თვით ადრე მითხრა არგენტინელთაგან მალვინის კუნძულების დაპყრობის ამბავი. მან დაწვრილებით ვეძებო, როგორ მოხდებოდა მოვლენათა განვითარება და ასტროლოგის მხატვარისით ამიხსნა შეიარაღებული შეტაკების მიზეზები.

თუმცა იმ დღიდან იმასაც ვამჩნევდი, რომ ისეთი მოგვნიც არიან, რომელთაც, ჩემი მოძღვრის თქმით, „გონების თვალის ახელისას კეთილგონიერება დაუკარგავთ“. ისინი თითქმის ყველაფერში — თავიანთ ძლიერებაშიც კი — მოძღვართ არ ჩამოუვარდებოდნენ: სხვის ნათქვამს არ ვამბობ, მე თვითონ მოვიხილე, უკიდურესი კონცენტრაციის თხუთმეტი წუთის განმავლობაში, როგორ გააღივა და ამოზარდა, აღმოაცენა ერთ-ერთმა მოგვმა მიწაში ჩაგდებული მარცვალი. მაგრამ იმანაც და ზოგიერთმა სხვამაც უკვე სიგიჟემდე და სასოწარკვეთილებამდე მიიყვანეს არაერთი თავიანთი მოწაფე. ზოგ-ზოგნი იმ მოწაფეთაგან ფსიქიატრიულ კლინიკებში მოხვდნენ, და ერთი შემთხვევა თვითმკვლევლობითაც კი დასრულდა. ეს მოგვნი ტრადიციის „შავ სი-აში“ შეიყვანეს, თუმცა ყველას კონტროლი შეუძლებელი იყო, ასე რომ, რამდენადაც ვიცი, ზოგიერთნი დღესაც განაგრძობენ თავიანთ საქმიანობას.

მთელმა ამ მიმოგონებამ წამერთ გამიელვა თავში, როგორც კი თვალი შევაავლე ჩანჩქერს, რომლის ძლევაც ყოველგვარ ადამიანურ ძალას აღემატებოდა. კიდევ ისიც გავიფიქრე, რა ხანია, რაც მე და პეტრუსი ერთად მოვდივართ-მეთქი, გამახსენდა შავი ნაგაზიც, მე რომ მეცა, ჩემი მეგზურისთვის კი არცრა უვნია, გამახსენდა რესტორანში ჩვენი მომსახურე ოფიციალტის ამბავიც, გამახსენდა აგრეთვე, როგორ წავუქეიფეთ ქორწილში. გამახსენდა და ჩემდა უნებურად წარმოვთქვი:

— პეტრუს, ცოცხალი თავით ამ ჩანჩქერზე ამსვლელი არა ვარ. მხოლოდ ერთადერთი მიზეზისა გამო: შეუძლებელი ამბავია.

მან არცრა მიპასუხა. ბალახზე დაჯდა. მეც დავჯექი. თითქმის მეოთხედი საათი დუმილში გავატარეთ. და რახან მივხვდი, რომ დუმილი ფარ-ხმალს მაყრევიანებდა, პირველი ავძრახდი:

— ამ ჩანჩქერზე ასვლა არ მინდა, ვიცი, ჩამოვვარდები. ვიცი, არ დავიღუპები: როცა ჩემი სიკვდილის ხატი მოვიხილე, დღეც დამეთქვა, რომელ დღესაც ის ჩემს წასაყვანად უნდა მოვიდეს. თუმცა, ამ სიმაღლიდან ჩამოვარდნილი, ალბათ, მთელი ცხოვრება სეიბარი დავრჩები.

— ეჰ, პაულო, პაულო... — პირმლიმარმა შემომხედა მან და სულ მთლად გადასხვაფერდა: ხმაში ყოვლისმომცველი სიყვარულის კილო აუქლერდა, თვალებში კი ციაგი გაუჩნდა.

— ალბათ, ფიქრობ, რომ შენი მორჩილების ფიცსა ვტყებ, რომელიც გზის დასაწყისში მოგეცი, არა?

— არა, შენ ფიცს არა ტენ. შენში ახლა შიში კი არა, უბრალოდ სულიერი უხალისობა ლაპარაკობს. და არც ისა მგონია, რომ ჩემზე გეფიქროს, უაზრო რამ მიბრძანაო. ჩანჩქერზე ასვლა იმიტომ არ გინდა, რაკილა ახლა უთუოდ შავ მოგვთა* ამბავი გაგახსენდა. თუკი რასმე დამოუკიდებლად გადაწყვეტ, ფიცის გატებას სრულებითაც ვერ შეძლებ ნავს. ლოცვადმავლის ამ უფლებას არცვინ საეჭვოდ არა უფიქრებდა.

ჯერეთ ჩანჩქერს შევხედე, მერე — პეტრუსს. ხან ავწონე, ხან დავწონე, არის თუ არა ჩანჩქერზე ასვლის რამენაირი შესაძლებლობა-მეთქი, და ვერცრა შესაძლებლობა ვერ დავინახე.

— ყურადღებით მისმინე, — განაგრძო მან. — პირველი მე წავალ და არავითარ ზეუნარს არ გამოვიყენებ. წავალ და ავალ კიდევ და თუ მე მხოლოდ იმიტომ შევძლებ ასვლას, რაკი ვიცი, ფეხი სად უნდა დავადგა, შენც შეძლებ. შენ მარტო ჩემი ყოველი მოძრაობის გამეორება მოგიწევს. ამრიგად, გისპობ რისამე გადაწყვეტის უფლებას. ხოლო, თუკი არც იმის შემდეგ ამოხვალ, უკვე წყალზევით ასულს რომ დამინახავ, ცხადია, ფიცის გატება გამოგივა.

და სპორტული ფეხსაცმლის გახდა დაიწყო. პეტრუსი სულ ცოტა ათი წლით მაინც იქნებოდა ჩემზე უფროსი, ასე რომ, უკეთუ მან შეძლო ასვლა, როგორც იტყვიან, საპასუხოდ სათქმელი აღარცრა დამრჩებოდა. ჩანჩქერის მარტო შეხედვაზედაც კი გულის კოვზის ქვეშ საშინელმა სიცივემ გამკრა.

მაგრამ პეტრუსი არ იძვროდა. ფეხთგახდილი ისევ თავის ადგილას იჯდა. მერე ცას ახედა და აძრახდა:

— აქედან რამდენიმე კილომეტრზე 1502 წელს ერთ მავან მწყემსს ყოვლადწმინდა ქალწული გამოეცხადა. დღეს სწორედ გზის ყოვლადწმინდა ქალწულის დღეობაა, და ჩემს ღონისძიებას იმას ვუძღვნი. შენც ამასვე გირჩევ. მარტოოდენ ბასრ ქვათაგან ნალღეტი და დაგაზულ-დაკაწრული შენი ხელ-ფეხის ტკივილს ნუ მიუძღვნი მაცხოვრის დედას. თუმცაღა, მთელი კაცობრიობა აგრე იქცევა, ოდენ თავის ტანჯვასა და წამებას სძღვნის ყოვლადწმინდა ქალწულს. ვერა, ვერცრა დასაძრახს ვერა ვხედავ ამ ძღვნობაში, მაგრამ მაინც ვგონებ, იგი ბევრად უფრო გაიხარებდა, უკეთუ ადამიანები არა მარტო თავიანთ დარდსა და მწუხარებას, არამედ მეტ სიხარულს შესძღვნიდნენ.

სრულებით არ ვიყავი განწყობილი საუბრის განსაგრძობად და კვალად ვეჭვობდი, რომ ჩემს ეტიკს სადმე ასვლის ძალა შესწევდა. რალაც ოინს თუ მიწყობს-მეთქი, ვფიქრობდი, და გულის სიღრმეში მწამდა, რომ ბრტყელ-ბრტყელი სიტყვების კორიანტელში განგებ მხვევდა, რათა მერე ის ექნევიინებინა, რისი ქმნაც არ მეწადა. და აგ-

* ტრადიციაში ეს სახელი იმ მოგვთ დაერქვათ, რომელთაც ზემოთ გადმოცემული მიზეზებისა გამო დაკარგეს მაგიური კავშირი მოძღვრებასთან. ტერმინი გამოყენებულია აგრეთვე იმ მოგვთა მიმართაც, ვინც შემეცნების პროცესში იმის შემდეგ გაჩერდა, როგორც კი მხოლოდ დედამიწის ძალების დამორჩილება შეიძლო.

რერიგად დაეჭვებულმა წამიერ მაინც მივლულე თვალები და გზის ყოვლადწმინდა ქალწულს ვუხმე. თანაც აღვუთქვი, თუკი მე და პეტრუსი ამ ციცაბოზე როგორმე ავბლოტდით, აქ ისევ დაგბრუნდები-მეთქი.

— რაც რამ აქამდე გისწავლია, მხოლოდ იმ შეგნებულმა ექნება აზრი, უკეთუ საქმეს მოახმარ. მგონი, უკვე ათასჯერ მოქმედებულ წმინთის ნათქვამი, რომ სანტიაგოს გზა იმ ხალხის გზაა, ვინც ერთობლივ მოქმედებს. გინდ სანტიაგოს გზაზე და გინდ ჩვეულებრივ ცხოვრებაში ჩვენგან შეძენილი სიბრძნე მარტო მაშინ არის ფასეული, როცა ის ჩვენს მოძმესა თუ თვისტომს ძნელბედობის ჟამს წაადგება. აბა, რა საჭირო იქნებოდა ჩაქუჩი, თუკი ლურსმანი არ გვექნებოდა? გინდა ლურსმანი რომც ყოფილიყო, ხოლო ჩაქუჩს მარტო ეტრაბახა, მე ვერანაირი ლურსმანი ვერ გამიძლებს, ორი დარტყმით სადაც მინდა, იქ ჩავარჭობო, ის არც მაშინ ეღირებოდა რამედ, როგორც უმიზნო, და უაზრო საგანი. ჩაქუჩი უნდა მოქმედებდეს. თავი პატრონის ხელს უნდა მიანდოს, და თავისი დანიშნულება შეასრულოს.

ჩემდა უნებურად იტატიაიელი მოძღვრის ნათქვამი წამომავიდა: ხმალი მუდმივად თუ არ შეამოწმე და არ გამოსცადე, ქარქაშის ტყვედ დარჩენილს ფხა დაუჟანგდებაო.

— ჩანჩქერი ის შესაძლებლობაა, სინამდვილეში და რიტუალურად რომ შეგამოწმებინებს ყოველსავე, რაც კი რამ გისწავლია და შეგიცნია, — განაგრძობდა ამასობაში ჩემი მეგზური. — ერთ რასმე სასიკეთოს მაინც აუცილებლად ინიშნება: რახან შენი სიკვდილის დღე უკვე უწყვი, მაშასადამე, აღსასრულის შიში ველარ გაგაშეშებს, როცა ცქაფად დაგჭირდება იმის მიხვედრა, თუ რას უნდა დაეყრდნო და დაეხმონო. ოღონდ უნდა გახსოვდეს, რომ წყალთან გექნება საქმე და წყლის კვალობაზე უნდა იმოძრაო. ამიტომ, თუ ცუდი რამ აზრი მოგივიდა, უმალ ფრჩხილი იტაკე ბერა თითის ნუნაში, და რაც მთავარია — მთელი შეღმართი ყოვლისმომცველ სიყვარულს დანდობილმა აიარე, რამეთუ დიახაც ის წარმართავს და ამართლებს სუყოველ შენს ნაბიჯს.

პეტრუსი გაჩუმდა. პერანგი გაიძრო, შორტიც მიაცოლა, დედიშობილა შევიდა პატარა ტბაში, ერთი ჩაიყურყუმელაფა და ხელები ცისკენ ალაპყრო. ვხედავდი, რომ ტკბებოდა და ნეტარებდა ათასფრად ამხეფებულ გრილ წყალში.

— კიდევ ერთი რამეც უნდა ვითხრა, — თქვა პეტრუსმა, ვიდრე ჩანჩქერის ფარდას ამოეფარებოდა. — ეს წყალი იმასაც გასწავლის, როგორ უნდა გახდე ოსტატი. მე ასვლას დავიწყებ, მაგრამ მე და შენ წყლის კედელი გაგვეყოფს. შენ ვერ დამინახავ, ფეხს სად დავადგამ და ხელებით რას ჩავებლაუჭები. ზუსტად აგრევე მოწაფე ვერცროდის ვერ შეძლებს თავისი მასწავლებლის მოძრაობათა ზედმიწევნით გამეორებას. რადგან სუყოველას თავისი შესედულება აქვს ამ სოფელ-ქვეყანაზე, დაბრკოლებათა გადალახვისა და მოპოვება-მონაგრების თავისი ხერხი აქვს. სწავლება იმას ნიშნავს, რომ ვიღაცას უჩვენო, დაახახო, რაც შესაძლებელია. სწავლა კი იმას ნიშნავს, რომ იმ ვიღაცამ ის შესაძლებელი თავისად გაიხადოს.

ნათქვამისთვის აღარცრა დაუმატებია, პეტრუსი წყალვარდნილს უკან მოექცა და ასვლა დაიწყო. როგორაც დაბინდულ მინაში, ისედა ვხედავდი, მხოლოდ სილუეტს ვარჩევდი, მაგრამ მაინც დაგრწმუნდით რომ აღმა მიცოცავდა. ნელა, ოღონდ ჯიუტად. რაც უფრო ცოტა რჩებოდა თავამდე, მით უფრო მეტად მიპყრობდა შიში — სუტრცხაქაქაქაში მეც ხომ კვალდაკვალ უნდა მივყოლოდი. და დადგა კარტუზიქაქაქაზე საშინელი წამი: საჭირო იყო წყლის სქელი კედლის გავლა, წყალი კი ისეთი ღვართაშით გადმოჩქეფდა, ვაითუ წაექცია პეტრუსი და ძირს ზღართანი მოედინებინა. მაგრამ მალე თავი წყალზევით გამოუჩნდა, და წამიერ მომეჩვენა, რომ ჩანჩქერი პეტრუსს მხრებიდან გადმოსჩანჩქარებდა ვერცხლისფერ მოსასხმად. ეს სულ ერთ წამს გაგრძელდა: მან სწრაფად ახიდა ტანი, არ ვიცი, რას მოეჭიდა — და უკვე ფეხმოკიდებული წყლის ღვარს მიეფარა. მერე თვალთაგან დაშეკარგა.

დაბოლოს, ზევით გამოჩნდა, თხემზე. სველი ტანი მზეზე უბრწყინავდა. იღიმებოდა.

— აბა, ჰე! — ჩამომძახა და ხელი დამიქნია. — შენი ჯერია!

დასტურ ჩემი ჯერი იდგა. ან უნდა ავბლოტებულებიყავი, ან არა — და სამუდამოდ უარი უნდა მეთქვა ჩემს მახვილზე.

გავიხადე და ისევ შევევედრე გზის ყოვლადწმინდა ქალწულს. ბევრი აღარ მიყოყმანია, ეგრევე გადავეშვი ტბაში და ჩავიყურეუბელავე. ცივი წყლისგან მთელი სხეული დამეძაგრა, მაგრამ უმალ თავით ფეხამდე სიცოცხლის უჩვეულო სიხარულის შეგრძნებით განვიმსჭვალე და ჩანჩქერისკენ წავედი გულმოცემული.

სულ ერთიანად აჩქეფებულ-ამხეფებულმა ცინცხალმა წყალმა ცხადში დამაბრუნა, ანუ ის უსაზრო გრძნობა ჩამინერგა, აგრერიგად რომ აღუნებს ადამიანს სწორედ მაშინ, ოდეს ყოვლის უმწვავესად ეჭირვება თავისი რწმენაც და თავისი ძალაც. მივხვდი: ღვართაში, ანუ წყლის მოწოლა, ბევრად ძლიერი იყო, ვიდრე ადრე მეგონა, — და თუ ვარდნილი წყალი მკერდზე მომეხეთქებოდა, ეგრევე წამაქცევდა, თუმცა ლიბ ქვაზე კი არა, ტბის ძირზე მყარად მედგა ფეხი. წყლის ღვარს მოვუარე და კლდესა და წყალს შუა მოვექეცი, ვიწრო სივრცეში, სადაც მხოლოდ ჩემი სხეული ეტეოდა, კლდეს მჭიდროდ მიკრული. და უცებ აღმოვაჩინე, რომ ამოცანა არც ისეთი რთული იყო, როგორც შორიდან ჩანდა.

წყალი კლდის კალთას ზედ არ ეცემოდა და, რაც ტინის კედლად წარმომედგინა, ის არ გამოდგა, — ადვილ-ადვილ ფოსო-ბელლოჯთაც მოვატანე თვალი, ნაბზართაც და წამონაშვერთაც. კინალამ თავში სისხლი ამივარდა იმის გაფიქრებისას, რომ სულ ტყუილუბრალოდ უარეყოფდი ჩემს მახვილს, თუკი შიშატანილი ვერ ავბლოტდებოდი ამ კლდეზე, არაფრით რომ არ განსხვავდებოდა იმ კლდეთაგან, რომელთა ზედაც არაერთხელ ვიყავი ასული. და პეტრუსის ხმა ჩამომესმა: „ჰა, რაღას უცდი? ხომ ხედავ, როცა ამოცანა გადაწყვეტილია, უკვე ადვილზე ადვილი გეჩვენება, არა?“

თითქმის ზედ ავეკარი ნოტიო კლდეს და დავიწყე ასვლა. ათ წუთში მთელი მანძილი ავიარე. გზის ბოლო მონაკვეთილა მქონდა დარჩენილი, ანუ ის ადგილი, სადაც წყალი დიოდა, სანამ ძირს ჩაჩქერალდებოდა. მაგრამ მთელი ამოვლილი გზა ნანაჯოგინად დაგარგავდა აზრს, უკეთუ ვერ გადავლახავდი ამ პატარა მონაკვეთს უღმარაჯვებისგან რომ მყოფდა. აქ იბადებოდა ასლი მთავართი საფრთხე თანაც ვერ დავინახე, როგორ გაართვა პეტრუსმა თავი ამ ადგილს, და ამიტომ მხოლოდლა ჩემი სიჩაუქის იმედად უნდა ვყოფილიყავი. ერთად მოვუყარე თავი მთელ ჩემს გამარჯვების რწმენას, კეთილი დასასრულის სასოებაც წამოვიშველე და კვლავ ვუხმე გზის ყოვლადწმინდა ქალწულს, რომლის შესახებაც უწინ გაგონილიც კი არა მქონდა რა. მერე ნელა, ძალიან ფრთხილად შევუშვირე თავი წყლის ამქუხარებულ ნიაღვარს.

და წყალმა მშთანთქა, ყოველი მხრიდან და თავით ფეხამდე დამბურა, შუქს ჩამოეფარა. მძვინვარე ღვართაშის ქვეშ რის ვაივაგლახით ვებლაუჭებოდი კლდეს და თავი ისე მქონდა დახრილ-დადრეკილი, რომ მცირეოდენი რამ საპაერო დამეტოვებინა. უსიტყვოდ ვიყავი მინდობილი ჩემს ხელთა და ფეხთ, რომელ ხელთაც ოდესღაც უკვე სჭეროდათ ჩემი ძველი მახვილი, ხოლო ფეხთ სანტიაგოს გზა საკმარისად ეგებნათ. ოთხივენი ჩემი მეგობრები იყვნენ და აკი არც უღალატიათ. მაგრამ წყლის ნიაღვარი გამაყრუებლად მქუხარებდა, და მალე სუნთქვა გამიძნელდა. გადავწყვიტე, რომ თავით წინ ნიაღვარში შევჭრილიყავი, და რამდენიმე წამს უცებ თვალთ დამიბზნელდა.

რაც ძალი და ღონე მქონდა, ხელებითა და ფეხებით ვებლაუჭებოდი კლდეს, მაგრამ მეჩვენებოდა, რომ ჩანჩქერის მქუხარებას სადღაც შორს, იდუმალ დასაკარგავში მივყავდი. და გინდ წამიერადაც თუ დავნებდებოდი ამ მსახვრელ, წარმტყვევნელ ძალას, უმაღ იქ აღმოვჩნდებოდი, სადაც არცრას აქაურს აღარავითარი მნიშვნელობა არა მქონდა. სულაც არაადამიანური ძალისხმევა არც იყო საჭირო, რათა კლდეს ჩემი ხელებიც შერჩენოდნენ და ფეხებიც, და მყის დაისადგურებდა სიმშვიდე და მყუდროება.

მაგრამ არა, ჩემს სურვილს არც ხელები აყვნენ ჩემი და არც ფეხები, ოთხივენი წინ აღუდგნენ მომაკვდინებელ ცდუნებას. და თავმა ისევე მძიმე-მძიმედ იწყო ნიაღვრიდან ამოყურყუმელავება, როგორადაც წელან ჩაყურყუმელავდა. არ დავმაღლავ, უღრმესი მადლიერების გრძნობით განვიმსჭვალე ჩემი სხეულის მიმართ, რომელიც აგრერიგად წამომეშველა საბედისწეროდ ახირებულს — რადაც არ უნდა დამჯდომოდა, ჩანჩქერის კლდოვან კალაპოტს ავეყოლოდი მახვილის ძებნა-ძიებაში.

და როგორც კი თავი ჩანჩქერზევით დაჩნდა, დავინახე, რარიგ დამნათოდა ცხრათვალა მზე, და ერთი ღრმად ჩავისუნთქე. ჰაერმა ჯავარზე მომიყვანა. ირგვლივ მიმოვიხედე, იქვე ერთი ფეხის გადადგმაზე ის თავკვეთილა დავლანდე, ვაკიანი გორა, მე და პეტრუსმა რომ გამოვიარეთ. უკვე გზის ბოლოში ვიყავი გასული. ერთი სული მქონდა, რასმე მოვჭიდებოდი და ტანი წამომეზიდა, წამოვზვზვევებულისყავი,

მაგრამ წყლის ნიაღვარში ვერცრა ოღროს ვარჩევდი, ვერცრა ჩოღროს. არა, მოპოვება-მონაგრების ჟამი ჯერეთ არ დამდგარიყო, და სწრაფ-ვას ალაგმვა უნდოდა. ყოვლის უფრო საძნელო წინ მელოდა: წყალი ისეთი მძვინვარე ღვართაშით მუხლებოდა მკერდზე, ცოტად და, უკან ჩამიტანდა, ძირს ჩამახეთქებდა, საიდანაც ჩემი ნაოცნებარის ფეხდაფეხ დევნა გავბედე.

მოდღვრებსა და მეგობრებზე ფიქრის დრო არ იყო, და გვერდზე გახედვა არ შემეძლო, რათა დამენახა, რომ პეტრუსი შემართული იდგა და ხელის წაშველებას არ დამიყოვნებდა, თუკი დაცურებას დავიწყებდი. მაგას, ალბათ, უთვალავჯერ აქვს-მეთქი ამოვლილი ეს კლდინი გვერდობი, ანუ ფხაკო, ვფიქრობდი გულში, და ჩემი ვარაუდით, აუცილებლად უნდა სცოდნოდა, რომ სწორედ აქ და ახლა მეჭირვებოდა ხელის აპყრობა. მაგრამ, როგორც ჩანდა, პეტრუსს მივეტოვებინე. ან იქნებ არც მივეტოვებინე და სადმე გვერდითაც მედგა, მაგრამ თავი ვერ მიმებრუნებინა, რათა წონასწორობა არ დამკარგვოდა. ყველაფერი თავადვე უნდა მომელონისძიებინა. მარტოდმარტოს უნდა მომერეწა და მომენაგრებინა ჩემი მოსარეწ-მოსანაგრებელი, ჩემი ნასისხლი, ანუ სისხლით და ბრძოლით მოსაპოვებელი.

ორივე ფეხი მაგრად დავაყრდნე კლდის წამონაშვერს და იმასვე ცალხელჩაჭიდებულმა მეორე გავითავისუფლე, რომლის საშუალებითაც წყალთან შერიგება ვცადე. წყალს კი მცირე რამ წინააღმდეგობაც ვეღარ უნდა გაეწია, რადგან უკიდურესად ძალღონემოკრებილი ვმოქმედებდი. ეს რაკი უწყოდა, ხელი მყის თევზად მექცა, რომელიც ვითომ დანებდა დინებას, მაგრამ იცოდა, სადაც უნდა მიეცურა. და წამომავონდა პატარაობისას კინოში ნახახი: ტოფობისას ქვირითის დასაყრელად გამალებული ორაგულები ზედ როგორ აფრინდებოდნენ ჭორომთ — იმათაც თავიანთი მიზანი ამოქრავებდათ და ვალდებულნი იყვნენ, რომ იმ მიზნისათვის მიეღწიათ.

ხელი ნელ-ნელა, თითქოს თავისთავად, ჩემგან სავსებით დამოუკიდებლად, იწევდა მალლა-მალლა, სრულიად წონადაკარგული, და აი, ბოლოს, ამოვყავი კიდევ წყლიდან, ამოვყავი და, როგორც კი დასაყრდენი მოვიძიე, სხვას რასმე კი არა, მხოლოდ იმას, მხოლოდ და მხოლოდ ჩემს თევზად ქცეულ ხელს ვანდე ჩემი სხეულის ბედი. აი ბავშვობის დროინდელი კინოსურათის ორაგულივით იმანაც კვლავ ჩაყვინთა წყალში პატარა ბაქანთან, ანუ კლდეში მცირე რამ ვაკესთან, და ფათურით დაუწყო ძებნა წერტილს რასმე, რომელსაც უნდა დავნდობოდი ბოლო, დამაგვირგვინებელი ნახტომისთვის.

მაგრამ კლდე სარკესავით მოეპიტალოებინა წყალს, რომელსაც საუკუნეთა სიგრძეზე ერეცხა ეს ალმა ამართული ტინი. თუმცა აქ უთუოდ უნდა ყოფილიყო ან ბელლოჯი, ანდა ნაბზარ-ნაპრალი მაინც — თუკი პეტრუსმა შეძლო ზევით ასვლა, მეც უნდა შევძლო. გული გასკდომაზე მქონდა: ვიცოდი, რომ ბოლო ნაბიჯილა დამრჩენოდა, არადა სწორედ ამ დროს ღალატობს ადამიანს ძალა, და თავისი თავის რწმენასაც ამ დროს კარგავს. ერთხელ უკვე დამემართა აგრე — ოკეანის ჭრელთავა ტალღებს გავუძელი, მცირე ზვირთცემაში მოყოლილი კი

ვიხრჩობოდი. მაგრამ სულ მუდამ ერთსა და იმავეს ხომ არ უნდა ველოდო და ტყუილად ხომ არ დავადექი სანტიაგოს გზას — დღეს აუცილებლად უნდა გავიმარჯვო!

თავისუფალი ხელი პიტალო კლდეზე მისხლტებოდა, წინა კი წამისწამ მალლა მიწევდა. ვგრძნობდი, რომ ტანი მიშემდებოდა და აღარ შემორჩილებოდა, ხოლო ფეხებს დაწყებულ კრუნჩხვებს ვგრძნობდი. წყალი საზარდულშიც ღონივრად მცემდა, და აუტანელი ტკივილი მიპყრობდა. და აი მაინც მოვახერხე და ტინში მცირე რამ ნალრანტს მივაგენი, მართალია, ცოტაოდენ გვერდზე იყო, მაგრამ ვიცოდი, იმისი დროც მოვიდოდა, და მეორე ხელის საყრდენად გამომადგებოდა. წინასწარ განვსაზღვრე ის ადგილიც, სადაც უნდა მოვხვედრილიყავი, თავისუფალი ხელი კი ისევ გადარჩენის გზას ეძებდა. პირველისგან სულ რამდენიმე სანტიმეტრში კიდევ ერთი საყრდენი წერტილი მელოდა.

აგერ ისიც. და იმ ალავს მოვატანე თვალი, საუკუნეთა განმავლობაში სამსახურს რომ უწევდა სანტიაგოს გზას ადევნებულ ლოცვადმავალთ. მივხვდი თუ არა ამას, მთელი ძალ-ღონით ჩავებლაუჭე მეორე საყრდენ წერტილს. კლდის წამონაშვერს ჩარიდებული ხელი კი გაშმაგებულმა წყლის ღვართქაფმა უკან გადამიგდო, მაგრამ მხარი ისეთნაირად მოვიქნიე, კამარა შევკარი — და ხელი იქ აღმოჩნდა სადაც უნდა აღმოჩენილიყო. მერე მთელი ჩემი სხეული ერთ მუჭარაზე გადაევლო ხელთაგან გაკვალულ გზას და იმათ კვალდაკვალ უკვე წყალზევით თხემზე გადაეშვა.

ბოლო ნაბიჯი, დიდი ნაბიჯი გადავიდვა. სხეულმა გააპო წყალი, და უკვე მომდევნო წამს შმაგი ჩანჩქერი მდოვრ, თითქმის შეუჩმნევლად მდინარ ღვარად გადაიქცა. ღონემიხდილი ნაპირზე მივეგდე. მზე დამჩქეფდა და მათბობდა, და გამახსენდა, რომ გავიმარჯვე და რომ სიცოცხლე ჩემში სრულებითაც არანაკლებ დულდა, ვიდრე იქ, ქვევით, ჩაბარუხის ძირას გაჩენილ პატარა ტბაში. წყლის ხმაურმა ვერ დაახშო პეტრუსის ნაბიჯები.

სული მიმდიოდა ფეხზე წამოსადგომად, რათა ჩემი მეგზურისთვის ჩამეწვლილა, რა სისხარულითაც ვიყავი პირთამდე სავსე, მაგრამ გატანჯული სხეული აღარ მნებდებოდა.

— იწექი, იწექი, დაისვენე, — მითხრა მან. — ღრმად სუნთქვას ეცადე.

დავუჯერე და მყის უსიზმრო გულის ძილში დავიძირე. ხოლო როცა გამომეღვიძა, მზე სრულიად სხვა წერტილიდან ანათებდა, პეტრუსი კი უკვე ჩაცმული იყო, ჩემს შარვალსა და მაისურს მაწვდიდა და, ჩვენი წასვლის დროაო, მეუბნებოდა.

— ძალიან დავიღალე.

— ნუ ღელავ. ახლავე გასწავლი, ენერგია როგორ უნდა შეიწოვო ყველაფრისაგან, რაც ჩვენ გარშემოა.

და მან RAM სიოს ქიქინი მასწავლა.

ამ საგარჯიშოს სულ ხუთი წუთი ვასრულებდი, და მართლაც მოვითქვი სული. წამოვდექი, ჩავიცვი, ჩემს სალთაგუდას დავწვდი.

— მოდი აქ, — მითხრა პეტრუსმა.

ფლატიანის ნაპირთან მისულმა ჩემს ფეხებთან გადამქუსარე ჩანჩქერს ჩავხედე და ვკითხე:

— რატომ არის, რომ აქედან სრულებითაც ძნელი დასადგენია ჩანს? არადა ქვევიდან დაუძლეველი რად გვეჩვენება?

— სავსებით მართალს ამბობ. აქედან რომ დამენახებოდა, ვილაღ შენი ღალატი გამომივიდოდა. ვერცრა შენს შესადგენობას და შეძლებას ვერ შეაფასებდი.

ჯერეთ კიდევ სისუსტეს ვგრძნობდი. და სავარჯიშო გავიმეორე. ნელინელ ცამყართან ერთსულოვნებას მივალწიე და ისიც მსწრაფლ შემომეჭრა სულში. ეს სიბრძნე რატომ წინათვე არ მასწავლე, ვკითხე პეტრუსს, სანტიაგოს გზაზე ხომ დაღლაც ბევრი შემხვდა და სულიერი უხალისობაც-მეთქი.

— იმიტომ რომ ეგეთი რამ ადრე არ გამოგიმუღავენებია, — სიცილით მომიგო ეტიკმა და, ასტორგაში ნაყიდი გემრიელი ბისკვიტები კიდევ თუ შემოგრჩაო, დამეკითხა.

„RAM სიოს ჰიჰინის“ რიტუალი

ღრმად ამოისუნთქე, შეეცადე ფილტვების სრულ დაცლას. მერე ნელ-ნელა ისევ ჩაისუნთქე, ერთდროულად ხელები აღმართე. ჩასუნთქვისას მთელი გულსყური იმ შეგრძნებაზე გადაიტანე, რომ ცამყართან ერთად შენს შიგანს აღწევს სიყვარული, მშვიდობა, შეხმატკბილებულობა.

სუნთქვა შეაყოვნე და რაც შეიძლება დიდხანს არ დაუშვა ხელები, ინეტარე შინაგანი და გარეგანი შეხმატკბილებულობით. ზღვრის დადგომას როცა იგრძნობ, სწრაფად ამოისუნთქე და ერთდროულად წარმოთქვი სიტყვა „RAM“.

იმეორე ხუთი წუთის განმავლობაში.

ს ი ბ ი უ ე

სამი დღე გადაბმულად ვიარეთ, მუხლი არ ჩავვისრია, რასაც „მარშნასტომს“ თუ დავარქმევდით, ზედგამოჭრილი იქნებოდა: პეტრუსი დილაუთენია მაყენებდა, დაფერხებით კი მხოლოდ საღამოს ცხრაზე ვიფერხებდით. დაღლილ მუხლთაც ქარს მარტო მაშინ ვაღებინებდით და ისიც ძალიან ხანმოკლედ, როცა ცოტა უნდა წაგვეხემსა, ანუ როგორც პეტრუსი იტყოდა ხოლმე, მუცლისთვის ბოძი შეგვედგა, მით უმეტეს, რომ დღის მეორე ნახევარში „სიესტაზე“ მან უკვე კარგა ხნის წინათ

თქვა უარი. ზოგჯერ მეჩვენებოდა — ის რაღაც იდუმალ პროგრამას ასრულებდა, რომელიც მე არ უნდა მცოდნოდა.

გარდა ამისა, იგი საერთოდ საოცრად შეიცვალა. თავდაპირველად ამას იმ ეჭვიანობას ვაბრალებდი, ჩანჩქერზე ასვლის გამო რომ გამიჩნდა მაგრამ მერე მივხვდი, რომ აგრე არ იყო. ხშირად უსაბაბოდ ფხუკიანობდა და დღის განმავლობაში რამდენიმე სიტყვებოდა საათზე. მეც ავდექი და თავისი საკუთარი სიტყვები გავახსენე: აკი „დროის“ ცნებას ყველა ადამიანი თავისთვის თვითონ განსაზღვრავს-მეთქი.

— შენ დღითი დღე სულ უფრო ჭკუაში ვარდები, — მიპასუხა მან. — ვნახოთ, როცა დაგჭირდება, საქმეში როგორ გამოიყენებ მაგ შენს ჭკუას.

მაგრამ ერთხელ საღამო უამს ჩვენი მუხლჩაუხრელი სიარულისგან ისეთი უილაჯობის გრძნობა დამეუფლა, უბრალოდ ფეხზე ვეღარ ვდგებოდი. მაშინ პეტრუსმა, პერანგი გაიხადე და ხის ტანს ხერხემლით აეკარო, მითხრა. სულ რამდენიმე ხანს ვიდექი ხის ტანს ხერხემალაკრული და ერთბაშად უკეთესობაც ვიგრძენი და მხნეობაც. პეტრუსმა ამიხსნა, მცენარეებს, მეტადრე კი ბებერ ხეებს, ჰარმონიის გადაცემის უნარი აქვთ, თუკი ადამიანი ხის ტანს ნერვული ცენტრით მიეყრდნობაო, და რამდენიმე საათს ზედმიყოლებით ათას რასმე მიაძობდა ფლორის ფიზიკურ, ენერგეტიკულ და სულიერ თვისებებზე.

ეს ყველაფერი თავის დროზე საღამო უკვე წაკითხული მქონდა და ამიტომ არც არაფერს ვიწერდი. თუმცა პეტრუსის ნაუბარს უქმად არ ჩაუვლია — მიყვხვდი, რომ სულაც არ იყო ჩემზე გაჯავრებული. თუკი სიტყვაძვირობდა, ყოველთვის გაგებით ვეკიდებოდი, ისიც უფრო თბილად და კეთილმოსურნედ მექცეოდა, რამდენადაც თავისი ამჟამინდელი გამუდმებულად ცუდი გუნება-განწყობილება ამის ნებას აძლევდა.

ერთხელაც გზად ერთ ხიდს მივადექით — უზომოდ დიდს იმ პატარა მდინარისთვის, რომელზედაც ის იყო გადებული. კვირადღე დაგვესწრო, თანაც სისხამი დილა, ამიტომაც ქალაქში არც ერთი კაფე და ბარი ჯერეთ არ გაეღოთ. მივედით და მდინარის პირას დავსხედით.

— ადამიანსა და ბუნებას მსგავსი რამ ახირებულობა სჩვევიათ, — ვცადე სიტყვის ჩამოგდება.

— ადამიანი დიდებულ ხიდებს აგებს, ბუნება კი მიმართულებას უცვლის მდინარეებს.

— ეს მდინარე გვალვისგან არის გათავთხელებული, — მომიგო პეტრუსმა. — გაათავე ეგ შენი სენდვიჩი, წასვლის დროა.

ავრერიგად თუ რატომ ჩქარობდა, გაგება გადავწყვიტე.

— რატომ ვჩქარობ და, კარგად მოგეხსენება, რა ხანია, რაც აქა ვარ, სანტიაგოს გზაზე, — მიპასუხა მან. — იტალიაში კი უამრავი საქმე მაქვს თავითავს მოუყვანელი. მალე დაბრუნება მინდა.

ამ სიტყვებმა ვერ დამარწმუნეს. იქნებ მართალიც მითხრა, მაგრამ მთელი სიმართლე არა თქვა. როგორც კი ჩაძიება დავუპირე, პეტრუსმა სიტყვა გადააბრუნა.

— იცი რამე ამ ხიდზე?

— არაფერიც არ ვიცი. წყლის დონეს მართლა გვაღვისაგან რომც დაეწია, ხიდი მაინც ნამეტანი დიდია. ჩემი ფიქრით, მდინარეში წალკა-პოტი შეიცვალა.

— მაგაზე ვერაფერს ვერ ვეტყვი. — მომიგო პეტრუსის ხიდი სანტიაგოს გზაზე ცნობილია როგორც „ღირსების ხიდი“. ველ-მინდვრებზე ოდესღაც სისხლისმღვრელი ბრძოლები იყო გაჩაღებული სვებებსა და ვესტგოთებს შორის, მერე კი მეფე ალფონს მესამის მომრები მავრთ ებრძოდნენ. ამოდენა ხიდი სულაც იქნებ იმიტომ გადაეს, რათა სისხლის მდინარეებს ქალაქი არ დაეტბორათ.

ამ, ჩემი აზრით, უადგილო ხუმარსიტყვას ყური წავუგდე. პეტრუსი, ცოტა არ იყოს, დაბნეული, გაჩუმდა, მაგრამ მერე ისევ განაგრძო:

— თუმცა არც ვესტგოთების ურდოებს და არც ალფონს მესამის ძლევამოსილ მხედრობას არ უნდა უმადლოდეს ეს ხიდი თავის სახელწოდებას, აქ უფრო სიყვარულისა და სიკვდილის ამბავია.


სანტიაგოს გზა რომ გაჩნდა, აქეთ მთელი ევროპიდან დაიძრნენ ლოცვადმავალნი, რომელთა შორისაც იყვნენ მღვდლები, დიდგვაროვნები და თვით მეფენიც კი, ვისაც წმინდა იაკობისთვის პატივის მიგება სურდა. აქვე აღმოჩნდნენ — თანაც კარგა ბლომად — ავაზაკიც. ცნობილია ძალიან ბევრი შემთხვევა, როცა ისინი თავს ესხმოდნენ ლოცვადმავალთა ულამ-ქარავანთ და არცრა თითზე გადასახვევს აღარ უტოვებდნენ. მით უმეტეს, შავ დღეში ჰყავდათ გზას მარტოდმარტოდ ადევნებულნი.

ყველაფერი მეორდება-მეთქი, გავიფიქრე.

— და ამიტომ, — განაგრძობდა თხრობას პეტრუსი, — რამდენიმე კეთილშობილმა რაინდმა ლოცვადმავალთა დაცვა გადაწყვიტა, და თითოეულმა გზის მცირე რამ მონაკვეთი შეირჩია, რაზედაც პასუხს აგებდა. მაგრამ მსგავსად იმისა, როგორც მდინარეები იცვლიან დინებას, იცვლება კაცობრიული იდეალიც. ბოროტმოქმედნი რაინდებმა გაყარ-გამოყარეს, მაგრამ საქმე ამით არ დამთავრებულა: ახლა ერთმანეთში მოუვიდათ ჩხუბი და რიალი იმის გულისათვის, თუ ვის უნდა რქმეოდა გზის ყველაზე უფრო ჩაუქი და სახელოვანი დამცველი. ძალიან მალე სიტყვიერი შეხლა-შემოხლა ნამდვილ ბრძოლაში გადაიზარდა. ორივე მხრიდან იარაღი მუსაიფობდა. ავაზაკთ ისარგებლეს ამ შინაშუღლით და კვლავ დაუსჯელად დაიწყეს გზებზე პარპაში.

აგრე გაგრძელდა კარგა ხანს — მანამ, სანამ ერთ ლეონელ რაინდს მავანი ასული არ ჩაუვარდა გულში. რაინდს დონ სუერო დე კინიონესი ერქვა, მდიდარიც იყო, ძლიერიც და ყოველნაირად ცდილობდა იმ ასულის ხელისა და გულის მონადირებას. მაგრამ ის ასული — რომლის სახელიც უამთააღმწერელს არ შემოუნახავს — გულგრილად შეხვდა რაინდის სიყვარულს და, როგორც იტყვიან, ცივი წყალი გადაასხა ცეცხლმოკიდებულ მიჯნურს.

კვდებოდი, ისე მინდოდა გაგება, რა იყო საერთო გათხოვებაზე უარის თქმასა და მოხეტიალე რაინდთა შეხლა-შემოხლას შორის. პეტრუსმა დაგულისყურება შემატყო და დაძპირდა, ყველაფერს გიამბობ,

აკვირებდა, მეორე დღით სახელიანი გაიღვიძებდა და იმიერიდან დიდებით მოსილი ივლიდა ქვეყანაზე. ოღონდ მეტოქენი თუ მარტოოდენ დიდების მაძიებელნი იყვნენ, თვითონ კინიონესი ბევრად უფრო ამალ-ლებულ მიზანს ესწრაფოდა — თავისი სატროფოს გულის დაპყრობა ეწა-და. და დიახაც, ეს იდეალი ხდიდა ამ გამიჯნურებულ რაინდს 
ველს.

9 აგვისტოს ყოველგვარი ბრძოლა და ჭიდილი გასრულდა, და სანტიაგოს გზის რაინდთაგან ყველაზე ქველ და მამაც რაინდად დონ სუერო დე კინიონესი აღიარეს. იმ დღიდან უკვე კაციშვილი ველარ ბედავდა ტრაბახს, ესა ვარ და ისა ვარო, და კეთილშობილი რაინდნი ერთმანეთს კი აღარ ებრძოდნენ, ახლა სუყველას საერთო მტერი ჰყავდა — ლოცვადმავალთა მძარცველი ავაზაკი, რომელიც ავად მომრავლებულიყო. აგრე დაედო დასაბამი სანტიაგოს რაინდულ ორდენს.

ამასობაში ქალაქი გავიარეთ. უცებ უკან მიბრუნება და მრავალჭირგადახდილი ხიდისთვის ახალი თვალით შეხედვა მომინდა. მაგრამ პეტრუსმა წინ გამაშურა.

მერე რა ბედი ეწია-მეთქი დონ კინიონესს, ვკითხე.
— რა ბედი ეწია და სანტიაგო-დე-კომპოსტელაში წავიდა, ოქროს სირზა, ანუ ფარლული შესძღვნა წმინდანს. ის სირზა-ფარლული დღესაც ამშვენებს იაკობ უმრწემესის ალაღმას.

— ეგ კი, მაგრამ ბოლოს და ბოლოს ეღირსა თუ არა იმ ასულის ხელი და გული-მეთქი, გეკითხები.

— ჰოო, მაგას ნამდვილად ვერ გეტყვი. იმხანად მათიანეს მხოლოდ მამაკაცნი წერდნენ. და, როგორც ჩანს, დაუბოლოებელი დატოვეს ეს love story.

დონ სუერო დე კინიონესის ამბის მოყოლა რომ გაასრულა, ჩემი ეტიკი კვლავ დუმილში გამოიკეტა. ასე რომ, მომდევნო ორი დღე ხმა-ამოუღებელივ და თითქმის დაუფერხებლად ვიარეთ. ბოლოს, მესამე დღეს, პეტრუსმა სისწრაფე შეანელა. ამ ერთ კვირაში მაინც სულ წამერთვა ილაჯიო, დაიჩივლა, თანაც აღარც იმ ხნისა ვარ, რომ ამხელა გზა აგრერიგად აჩქარებული ნაბიჯით ვკეცოო. მე კი ერთხელ კიდევ დავრწმუნდი, რომ ცრუობდა: სახის გამომეტყველებით დაღლილზე მეტად უფრო შეფიქრიანებული ჩანდა — თითქოს ელოდა, რომ რაღაც განსაკუთრებული უნდა მომხდარიყო.

იმ დღით ფონსებადონში შევედით. კარგა მოზრდილი დაბა იყო, ოღონდ სულ მთლად დაქცეული. ქვის სახლების კრამიტიანი სახურავები სიძველისგან დაწოლილიყო, ხის ნივნივები დამპალიყო. ერთი ბოლოთი დაბა ღრმა ხევის ებჯინებოდა, პირდაპირ ჩვენ წინ კი, მთის უკან, ლოცვადმავალთა ერთ-ერთი თვალსაჩინო საგზაო ნიშანი — „რკინის ჯვარი“ იდგა. ახლა უკვე მე ვიჩენდი მოუთმენლობას და ვჩქარობდი, რათა მალე მივსულიყავი ამ არცრის მსგავს მონუმენტთან: ამეტრიან ძირაქვაზე დაფუძნებული რკინის ჯვარი აქ ჯერეთ კიდევ ანტიკური ხანიდან იყო აღმართული — ესპანეთში შეჭრილმა კეისარმა

ის მერკურის პარტივისციემის ნიშნად დადგა. წარმართული ტრადიციისა-
მებრ ლოცვადმაფალნი კვარცხლობეკთან შორიდან მოტანილ ქვასა დებ-
დნენ. გარშემო ბლომად ეყარა ნამტვრევი კრამიტიც, ახუ / ფარჩიმი,
ერთი ცალი სამახსოვროდ თან წამოვიღე.

და ნაბიჯი ავაჩქარე, მაგრამ შევამჩნიე, რომ ^{მერკურის} ძალიან
ნელა მოდიოდა, რათა თვალი მიმოევლო ნანგრევებისთვის, დაშლილ-
დაფურცლული წიგნები მოეჩხრიკა, მერე კი სულაც ფესი მოირთხა მო-
ედანზე, რომლის შუაშიც ჯვარი იდგა — ოღონდ ხისა.

— მოდი, ცოტა შევისვენოთ, — თქვა ჩემმა ეტიკმა.

ჩემი ვარაუდით, ერთი საათი რომც დავყოვნებულიყავით, რკინის
ჯვართან მისვლას დაბნელებამდე მაინც მოვასწრებდით.

მეც იქვე გვერდით მივუჯექი და თვალი ჩემ წინ გადაშლილ ნგრე-
ვა-რღვევისა და უდაბურების სურათს მივაშტერე. მსგავსად იმისა,
როგორც მდინარეები იცვლიან კალაპოტს, ადამიანებიც ცვლიან მშო-
ბლიურ ადგილთ. სუყველა ეს სახლი მკვიდრად იყო ნაგებ-ნაშენი და
ცოტა დრო როდი გავიდა, ვიდრე დაიღრიცებოდნენ და დაიქცეოდნენ.
უნებლიეთ ჩნდებოდა კითხვა: რამ დაატოვებინა აქაურთ ესოდენ კურ-
თხეული ტაშირი?

— შენ რა, დონ სუერო კინიონესს გიყად მიიჩნევ? — მკითხა პეტ-
რუსმა.

— არა, — ვუპასუხე და თან დავფიქრდი: მართალი ვუთხარი თუ
არა-მეთქი.

— მე კი გიჟი მგონია. იმას ისეთივე სიგიჟე სჭირდა, როგორც ალ-
ფონსოს შეპყროდა. სომ გახსოვს, რომელ ბერზეც გეუბნები? ის სიგი-
ჟე მეცა მჭირს და ყველაზე ძალიან ჩემს ნახატებში ვლინდება. შენცა
გჭირს, მახვილის საძებნელად გზას გადებულს. სულში სუყველას გვი-
ნთია წმინდა სიგიჟის ცეცხლი და გვდაგავს. აგაპე კი ჩაქრობის საშუა-
ლებას არ აძლევს.

არადა ამ ცეცხლის გასაჩაღებლად და ასაგიზგიზებლად სულაც
საჭირო არ არის ამერიკის დაპყრობა ანდა წმინდა ფრანცისკ ასიზოლის
მიბაძვით ჩიტებთან საუბარი. სადმე კუთხე-კუნჭულში ატუხულ მემწ-
წვანილესაც შეუძლია თავის თავში ამ სიგიჟის აღმოჩენა და გამოვლე-
ნა, თუკი მოსწონს, რასაც იქმს. აგაპე ადამიანურ წარმოდგენათა და
ცრუ რწმენათა ზემოთ და გარეთ სუფევს და, თავისი თვისებებისდა თა-
ნახმად, ერთი სულიერიდან მეორეს გადაეცემა, რადგან სოფელ-ქვეყა-
ნას მწვავედ ეჭირვება იგი.

პეტრუსმა კიდევ ისიც მითხრა, რომ ცისფერი სფეროს წყალობით
ჩემს თავში აგაპეს გაღვიძება შევძელი. მაგრამ, რათა არ ჩაგიქრეს, შე-
ნი ცხოვრების შეცვლა არ უნდა გეშინოდესო. რასაც იქმ, თუკი მოგ-
წონს — ჩინებულიაო, თუ არ მოგწონს — არცროდის არის გვიან
რისამე შეცვლაო. რაკი შენს ცხოვრებაში ცვლილებათა შესაძლებლო-
ბას არ გამორიცხავ, საკუთარ თავს ნოყიერ ნიადაგად აქცევ და შემო-
ქმედებითი აღმაფრენის თესლის აღმოცენებას ხელს უწყობო.

— რაც კი რამ შენთვის მისწავლებია, ცხადია, აგაპეს ჩათვლით, აზრი მხოლოდ მაშინ აქვს, თუკი შენი თავის კმაყოფილი ხარ. და თუ გულნაკლულად გრძნობ თავს — სავარჯიშოები, რომელთაც დაუფლებული ხარ, გარდაუვალად მიგიყვანენ ცვლილებათა აუცილებლობაში. ხოლო იმისათვის, რათა სუყველა ეს სავარჯიშო ცუდად არ გამოგდეს, იმ ცვლილებებს უეჭველად მოხდენის საშუალება უნდა მოსცეს.

მერწმუნე, ადამიანის ცხოვრებაში არ არის იმაზე უფრო ძნელი დრო, ვიდრე ის წამია, როცა სამართლიან ომს ხედავს, მაგრამ გრძნობს, რომ არც ცხოვრების შეცვლის თავი აქვს და არც კიდევ ამ ომში ჩაბმის ძალა შესწევს. როცა ასეთი რამ ხდება, მონაგრებული სიბრძნე კი არა რგებს, არამედ გნებს მომნაგრებელს.

კვლავ თვალი მიმოვაგლე ფონსებადონს. ვინ იცის, აქაურთ ეგება — სუყველამ ერთბაშად და ერთსულ — უეცრად მწვავედ იგრძნეს ცვლილებათა გარდაუვალი საჭიროება. იქნებ პეტრუსმა სულაც განგებ და წინასწარი განზრახვით მომიყვანა ამ ნადგურცემულ ადგილას, რათა სწორედ აქ ეთქვა თავისი გულისპასუხი?

— არ ვიცი, ვერ გეტყვი აქაურ ამბავს, — თქვა პეტრუსმა. — ადამიანთ ხშირად ბედი აიძულებს და ის ახდენინებს ცვლილებებს, მაგრამ ახლა ამაზე არ ვლაპარაკობ. მე მხედველობაში მაქვს იმის შეგნებული და გარკვეული სურვილი, რომ წინ აღვუდგეთ და ავუმხედრდეთ ყოველსავე, რაც ჩვენს ყოველდღიურობაში გულსაფსედ ვერა გვხდის, ვერ გვაკმაყოფილებს.

ჩვენი წუთისოფლის გზაზე მუდმივად ვაწყდებით უძნელეს ამოცანებს. აი თუნდაც ჩანჩქერზე ისე ასვლა თქვი, რომ ძირს არ ჩაგიტანოს. ასეთ დროს შენი შემოქმედებითი აღმაფრენა უნდა ამოქმედო. შენ მაშინ სიცოცხლესა და სიკვდილს შუა იდექი, ან ერთი უნდა აგერჩია, ან მეორე, ფიქრის დრო კი არა გქონდა: და აგაპეს მდგომარეობამ ერთადერთი გზა გიჩვენა.

მაგრამ ცხოვრებაში ისეც ხდება, როცა საჭიროა არჩევა, რომელ გზას უნდა დაადგე. ცხოვრება ამ ამოცანებს ჩვენ წინაშე ყოველდღიურად და ყოველ სფეროში აყენებს: ხან შეყვარებულთან უთანხმოებას გამოგვიტყვრენს, ხან კომერციულ კომბინაციას, ხანაც საზოგადოებაში შეხვედრას რასმე. და სუყველა ის წვრილ-წვრილი გადაწყვეტილება, რომელთაც ყოველწუთიერად ვიღებთ, იქნებ სიცოცხლესა და სიკვდილს შორის არჩევანსაც ნიშნავდეს. როცა დილით სამსახურში მიდიხარ, რა სახის ტრანსპორტს აირჩევ, ძალიან ბევრია იმაზე დამოკიდებული, მთელი და უვნებელი მიხვალ შენი კანტორის კარამდე თუ ავარიაში მოხვდები. ეს ყველაზე უფრო თვალსაჩინო მაგალითია იმისა, რარიგ შეუძლია სულ უბრალო გადაწყვეტილებას ადამიანის ცხოვრების ძირფესვიანად შეცვლა.

პეტრუსი ლაპარაკობდა, მე კი ჩემს თავზე ვფიქრობდი. ჩემი მახვილის საძებნელად მე არჩევანი მოვახდინე და სანტიაგოს გზას დავადექი. მახვილზე უფრო მნიშვნელოვანი რამ ახლა ჩემთვის არცრა იყო — გველის ფხაშიც რომ დამჭირვებოდა გაძრომა, მაინც უნდა მეპოვა.

გადასაწყვეტი სწორად უნდა გადაწყვეტიტა და ეს ჩემი გულისნადები პეტრუსს ჩავუწვლილე.

— სწორი გადაწყვეტილება რომ მივიღოთ, ერთადერთი ხერხი ის არის, ვიცოდეთ, რომელი გადაწყვეტილებაა მცდარი, — მომეგო მან. — არცრამ არ უნდა შეგაშინოს, ჯერ მეორე გზა უნდა შეიძინო და ამის მე-რე უნდა გადაწყვიტო გადასაწყვეტი.

და მან ჩრდილების სავარჯიშო შემასწავლა დასასრულ, მითხრა:

— შენი ამოცანაა მახვილის პოვნა.

მეც დავეთანხმე.

— მაშ, დაუყოვნებლივ შეასრულე ეს სავარჯიშო. მე ცოტას ვავივლი. როცა მოვბრუნდები, მეცოდინება, რომ გადასაწყვეტი გადაწყვიტე და უკან აღარ დაიხევ.

გამახსენდა, როგორ მოჩქარეობდა პეტრუსი მთელი ეს დღეები. გამახსენდა ჩვენი ბოლო საუბარი ნადგურცემულ ქალაქში. მომეჩვენა, დროის მოგებას ცდილობს, რათა თავადაც რამე გადაწყვიტოს-მეთქი თავისთვის. გული მომეცა და სავარჯიშოს შევუდექი.

რა არი ჰარმონია დამემყარებინა ჩემსა და იმ ყოველსავე შორის, რაც ჩემ გარშემო იყო, რამდენიმე RAM სიოს ქიქინი შევასრულე. მე-რე საათზე დრო დავნიშნე — თხუთმეტი წუთი — და ჩრდილთ დავაცქერდი — დაქცეული სახლების, ქვებისა და ხის, ჩემს ზურგს უკან აღმართული ძველი ჯვრის ჩრდილთ. ამ ცქერა-ცქერაში კი მივხვდი, თუ რა ძნელია გაგება, სახელდობრ რაზე ფიქრობ. ადრე ეს აზრი არცროდის თავში არ მომსვლია. როცა მრგვალ ორძელზე ფიქრობ, ის სწორკუთხა ხდება, უსწორმასწორო ქვები ბურთივით მრგვალდებიან. აგრე გრძელდებოდა პირველი ათი წუთი. გულისყურის მოკრება არ გამძნელებია — ამოცანამ უმაღვე გამიტაცა. მერე მახვილის ძებნა-ძიებისას მიღებულ მცდარ გადაწყვეტილებაზე დავიწყე ფიქრი. აურაცხელმა იდეამ გამიარა გონებაში: სანტიაგოში ავტობუსით ჩასვლის შესაძლებლობიდან ცოლთან დარეკვის ვარიანტამდე, და ტელეფონთან მოსულს თავს თუ შევაცოდებდი, ჩემი სიყვარულითა და სიბრალულით გულაჩუყებული როგორმე გამომეტეხა, სადა ჰქონდა გადამალული მახვილი.

„ჩრდილების“ სავარჯიშო

მოდუნდი.

ხუთი წუთი შენ გარშემო თვალი არ მოაშორო არც საგნებისა და არც ადამიანების ჩრდილთ. ეცადე, რომ ზუსტად განსაზღვრო, იმათი რა ნაწილია განათებული.

მომდევნო ხუთი წუთი, ამ მეცადინეობის შეუწყვეტლივ, მთელი გულსყურის იმ პრობლემაზე გადატანას ეცადე, რომელიც გადაწყვე-

ტას ითხოვს, და ყოველი ღონე იხმარე, რომ გადაწყვეტილების ყველა შესაძლო მცდარი ვარიანტი იპოვო.

და ბოლო ხუთი წუთი, კვლავ ჩრდილთა ცქერა-ცქერაში, იმაზე იფიქრე, რა სწორი გადაწყვეტილებანი დარჩა. მერე ისინი ერთიმეორის მიყოლებით მოსპე, სანამ ერთადერთიღა არ დარჩება, რომელიც სწორედ გადასაწყვეტ პრობლემას ეხება.

ბიზლიჩიშვილი

... უკან მობრუნებულ პეტრუსს ღიმილიანი შევხვდი.

— რას იტყვი? — მკითხა მან.

— ახლა უკვე ვიცი, როგორ თხზავდა აგათა კრისტი თავის რომანებს, — მივუგე ხუმრობის კილოთი. — მცდარ ვერსიას ყველაზე უფრო სწორ ვერსიად აქცევდა. ჩანს, ჩრდილების სავარჯიშოს ტექნიკას ფლობდა.

მაინც სად არის შენი მახვილი, მკითხა პეტრუსმა.

— არა, ჯერეთ ყველაზე უფრო უსაზრო ვერსიას ვეტყვი, რომელიც ჩრდილების ცქერა-ცქერაში დავამუშავე. ამ ვერსიის მიხედვით, მახვილი სანტიაგოს გზის გარეთ არის...

— გენიოსი ხარ. ბოლოს და ბოლოს მიხვდი, რომ ამდენი ხანი მახვილის ძებნა-ძიებაში ვართ. მე მეგონა, ეს ამბავი ჯერ კიდევ ბრაზილიაში ვითხრეს.

— ... და გადამალულია საიდუმლო რამ ადგილას, სადაც ჩემს ცოლს არ მიესვლება. მახვილი სრულიად ღიად დევს, ოღონდ ისეა შეხამებული და შერწყმული ყველაფერთან, რაც გარს აკრავს, რომ ადამიანს თვალში არა ხვდება.

ამჯერად პეტრუსს ჩემი გაბიაბრუება არ დაუწყია, და განვაგრძე:

— და რამდენადაც დიდი უაზრობა იქნებოდა იმის ფიქრი, რომ ის კაცრიელ, ანუ კაცმრავალ ადგილას არის გადამალული, მაშასადამე, სადმე თითქმის უკაცრიელ ადგილას უნდა ვიგულოთ. გარდა ამისა, რათა ჩემთვის განკუთვნილი მახვილი ვინმე თვალის დამდგმელს იმ უტყუარ ესპანურ დაშნათაგან ვერ გაერჩია, რომელთაც სუვენირებად ყოველ ნაბიჯზე ყიდიან, ამიტომ ის იქ უნდა მოვიძიოთ, სადაც ადამიანები ცივი იარაღის ნაირ-ნაირ სტილსა და სახეობაში მაინცდამაინც ვერ ერკვევიან.

— შენი ფიქრით რა, აქ სადმეა?

— არა, აქ არ არის. არამც და არამც არ შეიძლებოდა ამ სავარჯიშო კაცრიელ ანუ კაცმრავალ ადგილას არის გადამალული, მაშასადამე, ის უთუოდ სადმე ამ დაბისნაირ ქალაქში ან სოფელშია, ოღონდ არა მცხოვრებთაგან მიტოვებულში. უმოსახლო და დაცარიელებულ ქალაქში მახვილი უეჭველად მიიქცევა როგორც პილიგრიმთა, ისე ჩვეულებრივ მოგზაურთა ყურადღებას. ძალიან მალე ის უკვე რომელსამე ბარში ეკიდებოდა კედლის დასამშვენებლად.

— კეთილი და პატიოსანი, — თქვა პეტრუსმა, და შევამჩნიე, რომ ნამდვილად კმაყოფილი იყო ჩემით ანდა იმ სავარჯიშოთი, რომელიც აგერ სულ ახლა შემასწავლა.

— ერთი რაღაც კიდევ... — დავძინე.

— რა?

— მოგვის კუთვნილი მახვილისთვის ყოვლის უფრო უკადრისი ადგილი საერო ადგილი იქნებოდა. ის წმინდა ადგილას უნდა იყოს. ეკლესიაში, მაგალითად, — იქიდან იმის გატაცებას კაციმხირი ვერ გაბედავს. ამრიგად: სადმე სანტიაგოს ახლოს მდებარე რომელიმე ეკლესიაში, ყველას დასანახად, ოღონდ გარემომცველ სივრცეს კარმონიულად შერწყმული დევს ჩემი მახვილი. მაშასადამე, გზად რომელიმე ეკლესიას შეგვხვდება, ყველგან უნდა შევიდე.

— არ არის საჭირო, — თქვა პეტრუსმა. — მოვა დრო და გაიგებ, რაც გასაგებია.

— თუ კაცი ხარ, მითხარი ერთი, თავდაპირველად ისე რატომ ვჩქარობდით, ახლა კი ამდენი ხანი აქა ვყურუტებთ?

— როგორი პასუხი იქნება ყველაზე უსწორო?

წამიერად ჩრდილთ შევავლე თვალი. პეტრუსი მართალი იყო. ტყუილუბრალოდ არ შევყოვნებულვართ — ამ ამბავს თავისი მიზეზი ჰქონდა.

მზე მთების უკან დახდა, მაგრამ შუქი ჯერეთ კიდევ საკმარისზე მეტი იყო, რათა ზოგი რამ მოგვესწრო და თავითავს მოგვეყვანა. ერთი გაფიქრება გავიფიქრე, რომ მზე ზედ ადგა რკინის ჯვარს, რომლის ნახვაც ავრერიგად მეოცნებებოდა, არადა — სულ რამდენიმე ასეულ მეტრში იყო ჩემგან. დაყოვნების მიზეზის გაგება კი მაინც არ მასვენებდა: მთელი კვირა მუხლჩაუხრელად ვიარეთ. მერედა მიზანი? მიზანი, ეტყობა, ის იყო, რომ აქ ამ დღეს და ამ დროს უნდა ვყოფილიყავით.

სიტყვის ჩამოგდება ვცადე, იქნებ დრო მალე გავიდეს-მეთქი, მაგრამ პეტრუსი დაძაბული და ამღვრეული იყო. გუნებაარეული და პირქუფრი ადრეც ბევრჯერ მინახავს, მაგრამ არ მახსოვს, რომ ოდესმე ესოდენ დაძაბული ყოფილიყო. არა, ვტყუი! მახსოვს, როგორ არ მახსოვს? მაშინ რომელიღაც პატარა ქალაქში ვიყავით — სახელწოდება გულიდან გადამვარდა — კაფეში ყავასა ვსვამდით, დილა იყო... ჯერეთ კიდევ მანამ, სანამ...

უცებ ჩემდა უნებურად შევბრუნდი. და აგერ ისიც. ნაგაზი.

სწორედ ის, პირველი შეხვედრისას რომ წამაქცია, ხოლო მეორედ ილაჩრა და გაიქცა. მესამედაც თუ მოგიხდა იმასთან შეხვედრა, უსიკვდილოდ წაგეშველებიო, შემპირდა პეტრუსი. თავი კი მივატრიალე და გულმბული ეტიკისკენ, მაგრამ გვერდით არავინ არ მედგა.

ნაგაზს თვალი თვალში გავუყარე, და უამრავმა ვარიანტმა გამირბინა თავში, თუ რარიგ უნდა მოვქცეულიყავი ასეთ ვითარებაში. არც ერთი არ ვინძრეოდით, გაშეშებულნი მივშტერებოდით ერთმანეთს, და ამ წაბზირებულ მზერათა ჭიდილმა წამიერ ვესტერნის სცენა გამახსენა. თუმცა იქ ორთაბრძოლაში ადამიანები ეჭიდებოდნენ თუ ერკინებოდნენ ერთმანეთს: ადამიანისა და ნაგაზის შებმა ჯერეთ არცვის თავში არ მოსვლია — ნამეტანი დაუჯერებელი რამ იქნებოდა. მე კი აწ მხეცის პირისპირ ვიჯექი და სინამდვილეში განვიცდიდი მას, რაც კინოში უხვირო გამონაგონად გამოჩნდებოდა.

და ჩემ წინ ის იყო, ვისი სახელიც ლეგიონია, რამეთუ ისინი ბევრნი არიან. იქვე გვერდით ერთი ოხერ-ტიალი სახლი იდგა, უპატრონო. თუკი ვიყოჩაღებდი, სახურავზე ასვლას მოვასწრებდი, იქ კი ლეგიონი

ველარ მომწვდებოდა, რომელიც ძალის სხეულში იყო გამომწვევდუ-
ლი და შეძლებითაც მხოლოდ ძალისოდენი შეეძლო.

მაგრამ მტრულად მზირალი მხეცისთვის კვლავინდებურად თვალი
ვასწორებულმა გაქცევა გადავიფიქრე. სანტიაგოს გზას ადევნებულს
ბევრჯერ განმეცადა ამისთანა შიშინი წუთი, და ახლა ისევ მისივე გზაზე
სანამდე ჩემს მახვილს ვიპოვიდე, მტერთან შეხვედრას ვერ ვეცდები
ან უნდა ვძლიო, ან უნდა, უნდა დავმარცხდე. როგორც ჩანს, თავი უნდა
გადავდო და შევება, სხვა გზა არ არის. თუ გავიქცევი, მახეში გავებმე-
ბი. ნაგაზი ამის შერე იქნებ აღარც გამოჩნდეს. მე კი სულ შიშატანი-
ლმა უნდა ვიარო თვით სანტიაგო-დე-კომპოსტელამდე. მერეც მთელი
ღამეები სიზმრად უნდა მემაჯლაჯუნოს, ყოველ წუთს სულ იმის ცდაში
უნდა ვიყო, ან ახლა გამოჩნდება, ან ახლა-მეთქი, და სამარის კარამდე
ზარხდომილმა უნდა ვწიო წუთისოდელის ჭაპანი.

ვიდრე ამ საგონებელში ვიყავი, ნაგაზი გაინძრა. და ელდანაცემს
ერთი ფიქრილა შემრჩა — შებრძოლება, რის წუთიც, პოეტის თქმისა
არ იყოს, ცოტაც და, დადგებოდა. პეტრუსი სადღაც მიფანიერდა, მარ-
ტო დამტოვა. როგორც კი შიში ვიგრძენი, ნაგაზი ღრენა-ღრენით წა-
მოვიდა ჩემკენ. ეს ყრუ, მოგუდული ღრენა უფრო მეტად მოქმედებდა,
ვიდრე თავზარდამცემი ყეფა, და შიში გამიძლიერდა. რახან თვალეზზე
შემატყო, რა დღეშიც ვიყავი, ნაგაზმა კამარა შეკრა.

და შურდულის ქვის სიძლიერით მეცა მკერდში. წამაქცია და ზედ
შემდგა. აწ ბუნდადღა მახსოვდა სიკვდილთან ჩემი შეხვედრა და ისიც,
რომ ასეთი ბოლო არ მელოდა, მაგრამ შიშმა სულ ერთიანად ამიტანა,
და ნაგაზის მოგერიებას ვილა ჩიოდა, ნეტავი როგორმე ყელი და სახე
მაინც დამეცვა. დაგლეჯილმა ფეხმა ისე შემალონა, სისხლიან ნაკბილა-
რზე ჩემდა უნებურად ხელი მივიჭარე. ნაგაზმა დაუცველი ყანყრატო
დამინახა თუ არა, უმაღ ჩაფრენა სცადა. სწორედ ამ დროს მიწაზე აფა-
თურებული ჩემი ხელი ქვას წამოედო, რომელიც მყის მუჭაში მოვიქ-
ციე და — ეტყობა, სასოწარკვეთილებამ მომამძლავრა თუ რა იყო,
უღმერთოდ დავუწყე ნაგაზს რტყმა.

ძალლი განსე გახტა — უფრო მოულოდნელობამ დააფრთხო, ვი-
დრე ტკივილმა — და წამოხტომა მოვანერხე. ის კვლავ უკან-უკან იწე-
ვდა, და იმის სისხლისაგან გაწებოვნებული ქვა აღმაფრთოვანებდა.
ადრე ნამეტან პატივისცემას შთამაგონებდა ამ მხეცის ძალა, და ამიტო-
მაც კინალამ მახეში გავები. არადა ჩემზე უფრო ძლიერი ვერ იქნება!
მკვირცხლი — კი, ბატონო, ყოჩალიც, ოღონდ ძლიერი ვერა, რადგან
ტანითაც მეტი ვარ და წონითაც. შიში დაოკდა, აღარ მატულობდა, მაგ-
რამ თავს ველარ ვიჭერდი და ქვაჩაბლუჯული მხეცზე არანაკლებ თავად
ვიღრინებოდი. ნაგაზმა კიდევ ცოტა დაიწია უკან და გაირინდა.

ის თითქოს ჩემს აზრებს კითხულობდა. რა სიცხადეც ოდენ სასო-
წარკვეთილებაში ჩავარდნილს ეუფლება, იმ სიცხადით ვგრძნობდი სა-
კუთარ ძალას, მაგრამ თანაც მესმოდა, რამდენად უსაზრო იყო ნაგაზ-
თან ჩემი შებრძოლება. სიძლიერის შეგრძნება მამორგებდა, მამობოქ-
რებდა, გაუკაცრიელებული ქალაქიდან კი თბილმა ქარმა წამოუბერა.
ვიგრძენი, რა მოსაწყენი ხდებოდა ამ ორთაბრძოლის განგრძობა: ერთს

გავუქანებდი ნაგაზს შუბლში ქვას — და გამარჯვებაც მე დამრჩებოდა. და უცებ ყველაფერი ყელში ამომივიდა. მხოლოდ ერთი რისამესლა მნდომელი ვიყავი — ძალისგან დაგლეჯილი ფეხისთვის მიმეხედა და ერთხელ და სამუდამოდ შევშვებოდი ამ უაზრო თავგადასავლებს, რომელთაც ბოლო არ უჩანდათ სულელურ გზებზე სულელურად მახვილთა ძებნა-ძიებაში.

მაგრამ ესეც მახე იყო. ნაგაზი კვლავ წინ გამოიჭრა და ძირს დამცა. ამჯერ სულ ადვილად მოახერხა ქვისთვის თავის არიდება და ისეთნაირად გამკრა კბილი ხელზე, რომ მოკუმშული თითები გამეშალა და ჩემი საჭურველ-იარაღი გამჟარდა. სხვა რა ჩარა იყო, შიშველი ხელეზით დავუწყე ბუბნა, მაგრამ ბევრი ვერაფერი ვაუნე, ერთი ეგ იყო, ჩემს სხეულზე კბილი არ მოვაკიდებინე. მეტი არაფერი. სამაგიეროდ თავისი ბასრი კლანჭებით სულ შემომათულითა მთელი ტანსაცმელი და ხელებიც კარგა გვარიანად დამისისხლიანა; ცხადი იყო, რომ მალე ქვეშ ამომიდებდა.

და უცაბედად სადღაც ჩემ შიგნიშიგან ხმა გავიგონე, რომელი ხმაც მეუბნებოდა, ეგ თუ მოხდა, ბრძოლაც დამთავრდება, და ცოცხალი გადარჩებიო. დამარცხებული, ოღონდ ცოცხალიო. დაგლეჯილი ფეხი მღრღნიდა, დაგაზულ-დაღადრული სხეული მეწვოდა, ცეცხლი მეკიდებოდა. ხმა ჯიუტად შემაგონებდა ბრძოლის დამთავრებას, და აწ უკვე მივხვდი, ვისი ხმაც იყო — ასტრაინი, ჩემი მაცნე-მაუწყებელი მეძრახებოდა. ნაგაზი წამიერად გაიციქნაფა, თითქოს ისიც უსმენდა ასტრაინს, მე კი კვლავ ყოველივეზე ხელის აღების ეინმა შემიპყრო. ჯანდაბას, რაც იქნება, იქნება-მეთქი, ვფიქრობდი. მერე რა, თუ ბევრმა ამ ცხოვრებაში თავისი მახვილი ვერ იპოვაო, ჩამჩინებდა ასტრაინი. რაც მართალია, მართალია, მეც უარს არ ვიტყოდი, თუ ჩემს ჭერქვეშ აღმოვჩნდებოდი, ჩემს ცოლთან, თუ დავწვრილშვილდებოდი და იმას ვიზამდი, რაც მენდომებოდა. როდემდე შეიძლებოდა ამდენი გიჟობა, ჩანჩქერებიან კლდეებზე ბობღვა და ნაგაზებთან ღონეში გაჯიბრება! უკვე მეორედ გამიჩნდა ეს ფიქრი, ოღონდ ახლა უკვე ჯიუტად ჩამეჭიდა თავში. დარწმუნებული ვიყავი, რომ სულ რამდენიმე წამში დავყრიდი ფარ-ხმალს.

გაუკაცრიელებული ქალაქის ერთ-ერთ ქუჩაში რაღაც ხმაური გაისმა, თრიალი, და ნაგაზმა ყურები ცქვიტა, ყურადღება იქით გადაიტანა. მეც თავი შევაბრუნე და მწყემსს მოვკარი თვალი, მინდვრიდან ცხვარს მოერეკებოდა. და მყის გამახსენდა, რომ ის ერთხელ უკვე ნანახი მყავდა — მაშინ ძველი ციხე-დარბაზის ნანგრევებთან შემოგვხვდა. ნაგაზი ცხვრების დანახვაზე ეგრევე თავს გადამევლო და შესატევად მოემზადა. ეს ჩემი ხსნა იყო.

მწყემსმა შეჰყვირა — ცხვრები გაიფანტნენ. ნაგაზმა ჯერეთ ვერ მოასწრო მივარდნა, მე კი ცხვრებისთვის ცოტა შორს წასვლის დრო რომ მიმეცა, ნაგაზს უკანა მარცხენა ფეხში წავწვდი. ერთ-ორ წუთს მაინც გავუწყევ-მეთქი წინააღმდეგობას, ვიფიქრე, რახან ვიგრძენი,

რომ გულში იმედის ნაპერწკალი ვამიჩნდა, — საკმაოდ აბსურდული — მწყემსი წამეშველება და დამიხსნის-მეთქი. და წამიერ ის იმედიც დამიბრუნდა, რომ ჩემს მახვილსაც მოვინაგრებდი და RAM ძლიერებდაც შევიმატებდი,

ნაგაზი ფეხის წართმევას ცდილობდა. ახლა უკვე იმისთვის მტერი ვი არა, გულდასაწყვეტი, საწყენი დაბრკოლება ვიყავი. ბრძოლაში იმას სჭიროდა, თვალწინ ჰყავდა. მაგრამ არ ვუშვებდი, ისევ ფეხით მეჭირა და ველოდი, როდის წამომეშველებოდა მწყემსი, ის კი არ მეშველებოდა, უცდიდა, ცხვრები შორს გაიქცნენო, არადა — ისინი არსად მირბოდნენ.

დიახაც, უამის ამ ერთმა მესამოცედმა ნაწილმა იხსნა ჩემი სული. რალაც უზომო ძალამ იწყო ჩემში ადიდება, ოღონდ ახლა ეს ძლიერების ის ილუზია არ იყო, რომელიც კაემანსა და იარალის დაყრის სურვილს აჩენს. კვლავ მომესმა ასტრაინის ჩურჩული, მაგრამ უკვე სულ სხვა რამეზე უბნობდა. ეს სხვა რამ კი ის იყო, რომ წუთისოფელს იმავე იარალით უნდა წინაღუდგეთ, რა იარალითაც წუთისოფელი თავს გვესხმის. მაშასადამე, რათა ნაგაზი მომეგერიებინა, ნაგაზად უნდა გადავქცეულიყავი.

ეს ნამდვილად იგივე სიგიჟე იყო, რაზედაც დილით მელაპარაკებოდა პეტრუსი. და ნელინელ განაგაზება დავიწყე. კბილები დავკრიჭე, ავღრინდი და ყოველ ჩემს ნაღრენ ბგერასა თუ კაპუნში მძულვარება ჟონავდა. თვალმოკვრით მოვასწარი შეშინებული მეცხვარის სახის დანახვა და არც ის გამომშარვია, რომ მეც ისევე გამიფრთხა ცხვარი, როგორც წელან ნაგაზმა გააფრთხო.

ეს ცვლილება შეამჩნია ლეგიონმაც. შეამჩნია და თვითონაც შეფრთხა. მაშინ — ბრძოლის მთელი დროის განმავლობაში პირველად — შეტევაზე გადავიდი. კბილებდაღრჭენილი ვეცი ლეგიონს, ფრჩხილები ჭანგებსაკვით გამოვჩინე და ყელში წასაჭერად დავუმიზნე, — ანუ იგივე ვქენი, რასაც იმისგან ველოდი — და თან შიშის ქარი მივლიდა ტანში. გამარჯვების ყოვლისმომცველი უინის გარდა აღარცრას ვგრძნობდი. ყოველივე დანარჩენმა მნიშვნელობა დაკარგა. წამისყოფით ნაგაზი მიწას გავაკარი და მთელი სხეულით ზედ დავაწექი. ნაგაზი ფართხალებდა, დასხლტომას ცდილობდა და ფართხალ-ფართხალში სულ დამასისხლიანა, ხან სად გამომდო კლანჭები, ხან სად, მაგრამ არც მე ვაკლებდი — ვკბენდი კიდევ და, რაც შემეძლო, ფრჩხილებით ვლადრავდი. ვიცოდი, თუკი დამისხლტებოდა, მალე ისევ გამოჩნდებოდა და ამიტომ ხელიდან გაშვება არ მინდოდა. მტრისთვის აწვე უნდა გამეჩეჩქვა თავი და მომესპო.

ნაგაზის თვალეში შიშის გაკროთმა შევამჩნიე. ახლა მე გავხდი ნაგაზი, ის კი ჩემს თვალში ადამიანად გადაიქცა. თვით ის შიში თუ შარი, ადრე მე რომ მბრჯლალავდა, ახლა ნაგაზში მძვინვარებდა — და აძალიანებდა, ასე რომ ბოლოს მაინც ვასხლტა. მაგრამ გაქცევის საშუალება არ მივეცი და ნახევრად დანგრეული სახლის დაბალი ზღუდის

უკან გადავუძახე, სადაც ხევი გადიოდა. იქიდან ის ამომსვლელი აღარ არის. იქ ოდესმე მოიხილავს თავისი სიკვდილის ხატს.

უცაბედად მივხვდი, რომ რაღაც აგრე არ იყო საქმე. ძალ-ღონის საოცარი მოჭარბება ვიგრძენი. გონება დამენისლა. გამირბინა ბოშის სახემ და კიდევ რამდენიმე ბუნდმა ხატებმა დაეჯარდავისახე ლეგიონად. სწორედ აქედან წარმოდგებოდა ჩემი ეს ახალშემატებული ძლიერება. ჩემ თვალწინ გარბენილმა სახეებმა ბედის ანაბარა მიაგდეს უბედური ნაგაზი, რომელიც ერთ-ორ წამში სადმე უფსკრულში ჩაიჩეხებოდა. და ჩემში ჩასახლდნენ. ჯერეთ კიდევ გავლილი არ მქონდა უმწეო ქმნილების ჩემს გემოზე დატოტნის სურვილი. „შენ ხარ თავადი, ეგენი შენი ლეგიონია“, — მომესმა ასტრაინის ჩურჩული. თუმცა თავადობა სულაც არ მინდოდა და, გარდა ამისა, შორზე შორი მხრიდან მოძღვრის მედგარი ხმა მეყურებოდა — შენ მახვილს უნდა მიაგნო, მეუბნებოდა ის ხმა. როგორმე კიდევ ერთ წუთს უნდა გამეძლო. არამც და არამც არ უნდა მომეკლა ეს ნაგაზი.

მწყემსს აღმაცერად გავხედე და იმის მხერაში ჩემი აზრების დასტური ამოვიკითხე. რადგან ახლა ჩემი უფრო მეტი შიში ჰქონდა, ვიდრე ნაგაზისა.

უცებ თავი ცუდად ვიგრძენი — თვალეზი ამიჭრელდა. მაგრამ გონების დაკარგვის დრო არ იყო. უგრძნობლად დარჩენილს ჩემში ჩასახლებული ლეგიონი მძლევდა, ბოლოს მომიღებდა. გადაწყვეტილება იყო საპოვნელი. ახლა მხეცს კი არა, იმ ძალას ვიყავი შებმული, რომელმაც იმის ნებით დამიპყრო. თითქოს ბამბის ფეხებზე ვიდექი და, რათა არ წაგქცეულიყავი, კედელს მივეყრდნე, მაგრამ ჩემს სიმძიმეს ვერ გაუძლო და გადაწოლილი კედლის ნანგრევ-ნაშალში პირქვე დავემხე მიწას.

მიწა. ლეგიონი მიწაა, მიწის ნაშობია, დედამიწის მუცლის ნაყოფია. სხვადასხვაგვარ ნაყოფს — კეთილსა და უკეთურს — მოგვანაყოფიერებს იგი, ოღონდ მხოლოდ იგი. საბრძანის-სამკვიდრებელი აქა აქვს, აქედან მართავს ცამყარს ანდა, პირიქით, იქნებ ცამყარი მართავს თვითონ იმას. აგაპე თითქოს შიგნიშიგან ამიფეთქდა და ფრჩხილები მთელი ძალით დავარჯე მიწას. თანაც ავყმუვლდი, ჩემი ყმუილი ალიკვალად ჰგავდა იმ ყმუილს, ნაგაზისგან რომ გავიგონე მაშინ, როცა პირველად გადავეყარე, და ვიგრძენი — ჩემსხეულგავლილი ლეგიონი მიწაში ჩავიდა, რადგან ჩემ შიგან აგაპე სუფევდა, ლეგიონს კი არ ეწადა, რომ თავად ის ყოვლისმომცველ სიყვარულს შთაენთქა, ასეთი იყო ჩემი ნება, სწორედ ამ ნებამ მომაკრებინა ბოლო ძალ-ღონე და შემაბრძოლა გულყრას, ჩემი ნება კი იგივე ნება იყო აგაპესი, ჩემს სულში ფესვგამდგარი, რომელიც წინააღმდეგობას მაწევინებდა, ამასთანავე, თანთახმა ამიტანა, თავით ფეხამდე ვთახთახებდი.

ლეგიონი ძალისძალად მიიწევდა მიწაში. ზიდება დამეწყო, გულის რევა, მაგრამ ვგრძნობდი, როგორ მეზრდებოდა აგაპე, როგორ მომყოვნავდა ფორებიდან. ჩემი სხეული კი თახთახს განაგრძობდა, და კარგა

ხანმა გაიარა, ვიდრე ვიგრძნობდი, რომ ლეგიონი თავის საუფლოს დაუბრუნდა.

ამას მაშინ მივხვდი, როცა ლეგიონმა თავისი ბოლო კვალი ჩემი თითების წვერებზე დატოვა და გადაიხვეწა. დაგლეჯილ-დაღადრული ძლივს წამოვჯექი და უცნაური რამ სურათი მოვიხილე: გუსტავო-ბული ნაგაზი კუდს აქიცილებდა, მწყემსი კი დაფეთებულნი მდებარეობდა.

— გეტყობა, რალაც შეგყვა საჭმელში, — ისე თქვა მან, თითქოს საკუთარი თვალებისთვის დაჯერება არ უნდოდა. — მაგრამ რახან ამოიღე, გაგივლის.

მე თავი დავუკანტურე. იმან მადლობა გადამიხადა, რომ ჩემი წყალობით ვერ მიეტია „ჩემი“ ძაღლი, და წავიდა, გაირეკა ცხვარი.

ზედდატანებით პეტრუსიც გამოჩნდა. ხმა არ ამოუღია, პერანგზე პატარა ნაჭერი ჩამოიხია და ჯერეთ კიდევ სისხლმდინარი იარა გადამიხვია. მერე, ცოტა ავჩქარდეთო, თქვა და, ისეთი არაფერი მომხდარა, უარესიც შეიძლებოდაო, ნათქვამს დააწონა.

— ისე, საცოდავად კი გამოიყურები, — მითხრა პირმლიმარმა: ბოლო დროს ეგ ზომ იშვიათი კარგი გუნება-განწყობილება დაბრუნებოდა. — დღეს რკინის ჯვართან თუ არ გამოჩნდები, კარგს იზამ. თორემ ნამდვილად დააფრთხობ ტურისტებს.

ტურისტები სულ ფეხებზე მეკიდნენ. წამოვდექი, მტვერი ჩამოვიბერტყე, მივხვდი, რომ ნაკბენი ფეხი სიარულს არ მიშლიდა. პეტრუსმა RAM სიოს ქიქინის რიტუალი შეასრულეო, მირჩია და ჩემს ხალთაგუდას წამოავლო ხელი. სავარჯიშოს შესრულების შემდეგ თავი სრულიად სოფელ-ქვეყანასთან შეხმატკბილებულად ვიგრძენი. ნახევარ საათში რკინის ჯვართან ვიქნებით.

ვიცი, ოდესმე ფონსებადონი ნანგრევებიდან აღდგება — ლეგიონმა იქ ბლომად დატოვა თავისი ძლიერება.

ბრძანება და მორჩილება

რკინის ჯვართან პეტრუსმა ძლივძლივობით მიმათრია: იარა ისე გამომიხეზდა, ფეხს ველარ ვადგამდი. ყურადღებით რომ აწონ-დაწონა, თუ რა ზარალი მომადგა ნაგაზისგან, ჩემი ეტიკის აზრით, მანამ უნდა მეწამლა, სანამ კარგად არ მოვმჯობინდებოდი, რათა სანტიაგოს უჩვეულო გზა განმეგრძო. იქვე მახლობლად ერთი პატარა სოფელი იყო, სადაც თავშესაფარს პოულობდნენ ის ლოცვადმავალნი, ვინც ღამის წყვილადში მთების გადავლას ვერ ბედავდა. პეტრუსმა ადგილობრივი მჭედლისგან ორი პატარა ოთახი იქირავა და იქ დავბინავდი.

ჩემს ამუამინდელ სადგომ-სამყოფელს ვერანდა ჰქონდა მიშენებული — ჭეშმარიტად რევოლუციური არქიტექტურული სიახლე, რომელიც VIII საუკუნეში აქედან გავრცელდა მთელ ესპანეთში ვერანდიდან კარგად ვხედავდი ლადირს, ანუ გორაკთა წარზიდულ ქედს და მესმოდა, რომ ადრე თუ გვიან ის უნდა გადაძვლებოდა, რაფა სანტიანგოში აღმოვჩენილიყავი. საწოლზე მივეგდე თუ არა, ძილქუში დღიურს ვაქვია და გავღვიძებით მეორე დღეს გამეღვიძა — ცოტას კი მაყიყინებდა, მაგრამ თავს ჩინებულად ვგრძნობდი.

პეტრუსმა თავწყაროდან წყალი მოიტანა, რომელ წყაროსაც იქაურნი „უძირო ჭას“ უხმობდნენ, და ნაკბენები მომბანა. ხოლო საღამო ხანს იქვე ახლოდან მავანი დედაბერი მოიყვანა. ორთავემ ერთად ნაკბენ-ნალადრებზე სამკურნალო ბალახებისგან დამზადებული მაღამო რამ წამცხო, ექიმბაშმა დედაბერმა კი რაღაც მწარე ნაყენიც შემასვა. მახსოვს, პეტრუსი პირდაპირ მოითხოვდა ჩემგან, დადექი და მანამ ილოკე ეგ შენი იარები, სანამ ლოკვა-ლოკვაში სუყვილა პირს არ შეიკრავსო. პირში ისეთი გემო მქონდა, თითქოს მოტკბო რამ ლითონი შედო და, ის კი არა, მაზიდებდა კიდევ, თუმცა ჩემი ეტიკი მარწმუნებდა, საკუთარი ნერწყვი გამაუსნებოვნებლად მოქმედებს და შესაძლო დაჩირქებას თავიდან აგაცილებსო.

მეორე დღეს სიცხე მომცა. პეტრუსი და დედაბერი იარებზე ცხელსაფენებს მადებდნენ, ნაყენს მასმევდნენ, მაგრამ ტემპერატურა — თუმცა არც მაინცდამაინც მაღალი — არ მივარდებოდა. მაშინ ჩემმა ეტიკმა სახვევი მასალისთვის სოფლის ბოლოში მდებარე სამხედრო ბაზას მიაშურა — მთელ სოფელში წამლად ვერ იშოვიდი ერთ ნაჭერ მარლას ანდა წებოვან სალბუნს.

და ერთ-ორ საათში მარლა-სალბუნთანად დაბრუნდა, თანაც ვილაც ახალგაზრდა სამხედრო ექიმიც წამოეყვანა, რომელმაც გამოკითხვა დამიწყო, ახლა სად არის ის ძაღლი, შენ რომ დაგკბინაო.

— შენი იარა-ჭრილობების მიხედვით თუ ვიმსჯელებთ, ის ძაღლი ცოფიანი ყოფილა, — თავისი საქმის ფრიად მცოდნე კილოთი დაასკვნა მან.

— როგორ გეკადრებათ, — შევესიტყვე, — ვეთამაშებოდი და ცოტა მეტი მოუვიდა... ძველი ნაცნობი ძაღლია.

მაგრამ ჩემი ნათქვამი ოფიცერმა ერთი ყურიდან მეორეში გაუშვა. ახლავე შრატი უნდა გავიკეთოო, და დაუყოვნებელი პოსპიტალიზაციის მუქარით, როგორც იყო, ერთ ნემსზე დამიყაბულა. მე რე ისევ, არა, მაინც მითხარი ძაღლი სად არისო, ატყდა.

სად არის და ფონსებადონში-მეთქი, ვუთხარი.

— ფონსებადონი დაქცეულია. იქ ძაღლს რა უნდა, — თქვა ყოვლისმცოდნე ექიმმა, და თან ისეთი გამომეტყველება ჰქონდა, ვითომ ტყუილში დაგიჭირეო.

მაშინ რამდენჯერმე თვალსაფრივ მოსაჩვენებლად დავიკვნესე, და პეტრუსმა ოფიცერი ოთახიდან მიაბრძანა. თუმცაღა, მან ყველაფერი დატოვა, რაც საჭირო იყო — სტერილური ბინტი, სალბუნი და ჭრილობის სწრაფად პირის შემკვრელი მაღამო.

თუ არ ავჩქარდებოდით, არც არაფერი დაშავდებოდა, რადგან დანიშნული შეხვედრა უკვე შედგა.

რაც დრო გადიოდა, თანდათან სულ უფრო მხნედ ვგრძობდი თავს და შეამაყებოდა, რომ ჩანჩქერქვეშ კლდეზე ავედი და გზის დემონს ვძლიე. თუმცა წინ ყველაზე უფრო საძნელო საქმე მქონდა ჩემი მახვილი უნდა მეპოვა. გულისნადები პეტრუსს ჩავუწვდი.

— მართალი ხარ, ლამაზად გაიმარჯვე, ოღონდ ყველაზე უფრო მთავარ საქმეში ვერ წარმატე, — თავისი პასუხით მან ცივი წყალი გადამასხა ეგრევე.

— რას მიქარაგმებ?

— იმას გიქარაგმებ, რომ მტერთან შებმის ზუსტი დრო ვერ გამოიცანი. მე ეს მარშ-ნახტომი იმისთვის მოვაწყე, ამასაც უნდა მიმხვდარიყავი, შენ კი მარტო ის ფიქრი გაგიჩნდა, რომ შენს მახვილს ვეძებდით და ეგ იყო. მითხარი ერთი, აბა, რა ოხრად უნდა მახვილი იმ კაცს, ვინც არ იცის, მტერს სად გადაეყრება?

— ის მახვილი ჩემი ძლიერების იარაღია.

— ნამეტანი დარწმუნებული ხარ შენს ძლიერებაში. ჩანჩქერმა, RAM რიტუალებმა, შენს მაცნე-მაუწყებელთან დალაპარაკებამ სულ დაგავიწყეს ის ამბავი, რომ მტრის დასამარცხებლად მტერია საჭირო. და ისიც გულიდან გადაგიგდეს, იმასთან შეხვედრა რომ გქონდა დანიშნული. სანამ ხელი შენი მახვილს ჩაბლუჯავდეს, მანამ უნდა იცოდინო, სად არის მტერი და პირისპირ სად უნდა გადაეყარო. მახვილს მარტოოდენ გაკვეთა შეუძლია. მაგრამ გაკვეთამდე, სანამ მოიქნევდე, ხელი უკვე გამარჯვებულია ან დამარცხებული.

კი, ბატონო, ლეგიონს უმახვილოდ სძლიე. ჩვენს ძებნა-ძიებაშიც რაღაც მუღამია, რისი მიკვლევაც ჯერხანად ვერ მოგიხერხებია. არადა უიმისოდ ვერცროდის ვერ იპოვი, რასაც ეძებ.

მე ხმას არ ვიღებდი. როგორც კი ვირწმუნებდი ხოლმე, მიზანთან უკვე ახლოსა ვარ-მეთქი, პეტრუსი მუდამ ჯიუტად შემაგონებდა, რომ ჩვეულებრივი ლოცვადმავალი ვიყავი, ხოლო რისამე სანუკვარის მისაგნებად ხან რა მაკლდა და ხან რა. და ის ალტყინება, რასაც ამ საუბრამდე ერთი წუთით ადრე განვიცდიდი, უკვალოდ გაქრა.

კვლავ სანტიაგოს უჩვეულო გზას გავედე, და ნალველი მომეძალა. ამ გზით, რომელსაც ახლა მივკეცავდი, თორმეტი ასეული წლის სიგრძეზე მილიონობით ადამიანს გაევილო — ერთნი თუ სანტიაგო-დეკომპოსტელაში მიდიოდნენ, მეორენი იქიდან ბრუნდებოდნენ. ყველა ამ ადამიანისთვის დანიშნულების ადგილას მისვლა მხოლოდ დროის ამბავი იყო. მე კი ტრადიციის მახეები და ხაფანგები სულ ახალ და ახალ დაბრკოლებებს მალახვინებდნენ, ხან რა ახალ და ახალ განსაცდელთ მახვედრებდნენ, ხან რა ხიფათ-ფათერაკთ.

დავიღალე-მეთქი, ვუთხარი პეტრუსს, და გრილოში დავსხედით. გზის პირად, ორსავე მხარეს, მაღალი ხის ჯვრები ემწკრივნენ. პეტრუსმა ორივე ტავარჯუხი მიწაზე დადო და განაგრძო:

— მტერი მუდამ ჩვენს სუსტ ადგილს პოულობს — გინდ ფიზიკური ტკივილის შიში თქვი და გინდ სიხარული ჯერ კიდევ მოუპოვე-

ბული გამარჯვებისა გამო. ანდა ბრძოლისთვის ზურგის შექცევა, როცა გვეჩვენება, რომ საქმე იმად არა ღირს.

ჩვენი მტერი ბრძოლაში მხოლოდ მაშინ ებმება, როცა ჩვენს დამარცხებაშია დარწმუნებული. თანაც ზედ იმ დროს, როს გაყოყლორინებულთ თავი უძლეველი გვგონია. ბრძოლაში მუდამ ჩვენი სტრატეგია გილის დაცვასა და დაფარვას ვცდილობთ, არადა მტერი დაუცველ გილზე გვირტყამს, დაუცველს კი იმ ადგილს იმიტომ ვტოვებთ, რაკილა დარწმუნებული ვართ, შეუვალიაო. და ბოლოსა და ბოლოს ვაგებთ ბრძოლას, რადგან ის ამბავი ხდება, რაც არამც და არამც არ უნდა მომხდარიყო: მტერს თავადვე ავარჩევინეთ ბრძოლის ხერხი.

რასაც პეტრუსი უზნობდა, ყველაფერი თან ახლდა ნაგაზთან ჩემს ბრძოლას. და ამავე დროს გავგონებაც არ მინდოდა, რომ ვინმე მტერი მყავდა და უნდა მებრძოლა იმ ჩემს ავის მნდომთან. თუმცა მალევე მივხვდი, რომ პეტრუსი სამართლიან ომს გულისხმობდა, მე კი ტყუილად მეგონა, სიცოცხლისთვის ბრძოლაზე მელაპარაკა-მეთქი.

— მართალი ხარ, — მითხრა მან იმის მერე, ჩემი ნაგუმანევი რომ გავუზიარე. — მაგრამ სამართლიანი ომი მთლად ეგრე არ უნდა გავიგოთ. შებრძოლება ცოდვის ჩადენას არ ნიშნავს. შებრძოლება ნიშნავს სიყვარულის მოქმედებას. მტერი ზუსტად ისევე გვაფითარებს და სრულგვყოფს, როგორც შენ ნაგაზი მოგექცა.

— მგონი, შენ არცროდის ხარ კმაყოფილი, მუდამ რალაცას ისაკლისებ. ჩემი მახვილის მულამზე მიაბზე რამე, თუ კაცი ხარ.

პეტრუსმა, ეგ ჯერ კიდევ მაშინ უნდა გცოდნოდა, სანამ გზას დაადგებოდიო. და მტერზე მსჯელობა განაგრძო:

— მტერი აგაპეს ნაწილია და იმად გავგჩენია, რათა მკლავიც გამოგვიცადოს, ნებაც და მახვილის ფლობის ხელოვნებაც. უნებლიეთ და შემთხვევით კი არა, ის განზრახ და განგებ არის ჩვენს ცხოვრებაში ჩაწერგილი, ისევე როგორც ჩვენა ვართ იმის ცხოვრებაში დაწიღნული. და ეს განზრახულება უნდა აღსრულდეს. ამიტომ არცრა არის და არცრა შეიძლება იმაზე უარესი, ვიდრე ბრძოლისთვის თავის არიდებაა. ეს გაცილებით უარესია, ვინემ დამარცხება, ვინაიდან მარცხი ხან გაკვეთილს შეიცავს, ბრძოლის ველიდან გაქცევით კი საქვეყნოდ ვაცხადებთ ჩვენი მტრის გამარჯვებას.

ალარ მოვერიდე, ავდექი და პირდაპირ ვუთხარი, ძალიან მაკვირვებს ძალადობის გასამართლებელი ეგრეთი ლაპარაკი-მეთქი, თანაც ვინმე სხვისგან კი არა, შენგან, ვინც ქრისტეს მოძღვრებასთან ესდენ მკვიდრად ხარ დაკავშირებული-მეთქი.

— აბა, კარგად დაუკვირდი, რაოდენ საჭიროა ქრისტესთვის იუდა, — მითხრა მან. — იესო მტერს თუ არ გაიჩენდა, სხვანაირად იმის ბრძოლას ამქვეყნად არავინ არ განადიდებდა...

გზის გასწვრივ ჩამწკრივებული ჯვრები კი თვალადსაჩენსა ხდიდნენ, რისგან დგებოდა ეს დიდება. სისხლისგან, ღალატისგან, ღვთის ანაბარად დაგდებისგან. წამოვდექი და, გზა განვაგრძოთ-მეთქი, ვთქვი.

და სიარულში ვკითხე, რას უნდა ეყრდნობოდეს ბრძოლაში ადამი-მკვიდრად ხარ დაკავშირებული-მეთქი.

— თავის აწმყოს. ყოვლის უკეთესი მოზავე-მოკავშირე ადამიანი-სთვის ის საქმეა, რომელსაც ამყამად ადგას, რადგან იმ საქმეშია აგაპე, ანუ აღმაფრენით გამარჯვების წადილი.

და კიდევ ერთი რამ უნდა გითხრა: მტერი იშვიათად განასახიერებს ბოროტებას. მტერი იმისათვის გვინდა, რა არის ქარქაშის ტყვედ არ დაგვრჩეს მახვილი და არ დაგვიყვანგდეს, რკინის გამსული არ მოედოს.

ამის თქმა იყო, და გამახსენდა, ქალაქგარეთ სახლს რომ ვაშენებდით, ჩემმა ცოლმა ერთხელ არც აცივა, არც აცხელა და ერთ-ერთი ოთახის განლაგების შეცვლა მოიპრიანა. მე მხოლოდ ისღა დამრჩენოდა, ერთი ნაცნობი კალატოზი ჩამერთო საქმეში. ასე, სამოცი წლის კაცი იქნებოდა. მომისმინა, ამხედ-დამხედა და სულ სხვა, ბევრად უკეთესი გამოსავალი შემომთავაზა, რის მიხედვითაც უკვე ამოშენებული კედელი უნდა გამოგვეყენებინა. ამ ამბავმა ჩემი ცოლი მართლაც აღაფრთოვანა.

პეტრუსი თავისი მიკიბულ-მოკიბული სიტყვა-პასუხით იქნებ ამავე აზრის გამოხატვას ცდილობდა: თუ მტრის დამარცხება გვინდა, იმ საქმის ძალა უნდა გამოვიყენოთ, რა საქმესაც იმყამად ვადგავართო.

ჩვენც ერთი ასეთი რამ მოგვიხდა-მეთქი, კალატოზის ამბავი ვუთხარი.

— ცხოვრება მოცემითაც მეტს გვაძლევს და სწავლებითაც უფრო მკვიდრად გვასწავლის, ვინემ სანტიაგოს უჩვეულო გზა, — მომიგო ჩემმა ეტიკმა. — ოღონდ მაინცდამაინც კარგად ვერ ვითვისებთ ცხოვრების გაკვეთილებს.

გზის გასწვრივ კვლავინდებურად ჯვრები ემწკრივნენ. ეტყობა, ვიღაც ზეადამიანური ძალის მქონე ლოცვადმავალს უნდა აღემაართა ეს მძიმე და მაგარი ხის ძელები. მიწაში ღრმად ჩასმულ ჯვრებს ერთმანეთისგან ზუსტად ოცდაათი მეტრი ამორებდა და ყველაზე ბოლოს თვალი ვერც სწვდებოდა. ეს ჯვარ-ძელები რას უნდა ნიშნავდნენ-მეთქი დავეკითხე პეტრუსს.

— თითოეული ეგ ძელი ძველი, აწ ხმარებიდან გასული წამების იარაღია, — მომიგო მან.

— შერედა, აქ რა დანიშნულება აქვთ?

— ჩემი ვარაუდით, ვიღაცას აღთქმული პქონდა. თუმცა, აბა, რა ვიცი?

ერთ გადაქცეულ ჯვართან ცოტა შევანელეთ ნაბიჯი.

ჩანს, ხე დამპალა-მეთქი, ვთქვი.

— ეგეც იმ ხისაა, რომლისაც დანარჩენია. ისინი კი არ დამპალან.

— მაშ, აბა, მიწაში საკმაოდ ღრმად არ ჩაუსვამთ.

პეტრუსი შეჩერდა და მიმოიხედა. მერე მხრიდან გუდა მოიხსნა, დაჯდა. საქციელს ვერ მივუხვდი — შესვენებით ხომ ავერ სულ ახლახან შევისვენეთ და თითქმის ინსტინქტურად ნაგაზს დავუწყე ძებნა.

— შენ ის უკვე დაამარცხე, — ჩაილაპარაკა პეტრუსმა, თითქოს ჩემს გულში იჯდა. — აირდილებისა კი ნულარ გეშინია.

— მაშ, რაღად გავჩერდით?

მან წამისყოფით მანიშნა, გაჩუმდით, და თავადაც რამდენიმე წუთს კრინტი არ დაუძრავს. მაგრამ მე კვლავ ნაგაზის გამოჩენის შემდეგ ღმა შიშმა შემიპყრო, და ამიტომ ისევ ფეხზე ვიდექი, ველოდი, როდის/ინებებდა ხმის ამოღებას პეტრუსი.

— რამე თუ გეყურება? — მკითხა მან ცოტა ხნის შემდეგ.

— არა. არაფერი. მარტო სიჩუმე მესმის.

— ღმერთმა ქნას, ისერიგად გავნათლებულიყავით, სიჩუმე გაგვეგონოს. არ შეცდეს, მე და შენ მხოლოდ ადამიანები ვართ და ჯერ საკუთარი ლაქლაქის გაგონებაც კი ვერ გვისწავლია. შენ არასოდეს ვიკითხავს, წინასწარ როგორ ვიგრძენი ლეგიონის გამოჩენა. ახლა ვეტიჟი — სმენით ვიგრძენი. ხმა მანამდე ბევრად ადრე მომესმა, მე და შენ ჯერ კიდევ ასტორგაში ვიყავით. და სწორედ მაშინ ავაჩქარე ნაბიჯი, რადგან ყველაფერი იმას მეტყველებდა, რომ ჩვენი გზები ფონსებადონში გადაიკვეთებოდა. შენც იმასვე ისმენდი, რასაც მე, ისმენდი, ოღონდ არ გეყურებოდა.

ყოველივე აღბეჭდილი და განსახიერებულია ბგერებში. ადამიანის წარსულიც, აწმყოც და მომავალიც. ვისაც ყურისგდება არ შეუძლია, იმისთვის გაუგებარია სუყველა ის რჩევა-დარიგება, რასაც ცხოვრება ყოველწუთიერად გვიკარნახებს. ვისაც ყოფიერების ხმაური ესმის და ეყურება, მარტო იმას ძალუძს სწორი გადაწყვეტილების მიღება.

პეტრუსმა, დაჯექი და ნაგაზი გულიდან გადაიგდეს, მიბრძანავით. მერე ახლა სანტიაგოს გზის ერთი ძალზე უბრალო და მნიშვნელოვანი რიტუალი უნდა შეგასწავლო, მითხრა.

და ყურისგდების სავარჯიშო მასწავლა.

თანაც დააწონა, ახლავე შეასრულეო.

მეც დავემორჩილე. ჯერეთ ქარის ხმა მესმოდა, მერე შორიდან ქალის ხმა მომეყურა, ცოტა ხანში კი მივხვდი, რომ მიწიდან რაღაც აღმოცენდა. სავარჯიშო მართლაც ადვილი იყო და თავისი სიმარტივით მხიბლავდა. მიწას როგორც კი ყური დავადე, უმაღლესი ბუყბუყი მომესმა, და მალე უკვე ყველაფერს ცალ-ცალკე ვარჩევდი: უქარობაში ფოთოლი რომ არ იძვროდა, იმის შარიშურსაც, შორეულ რასმე ხმასაც, პერში ფრინველთა ფრთების ფათქუნსაც. მაგრამ რაღაც მცირე რამ ნადირის ღრენა რომ გაისმა, ვერ გავარჩიე, სახელდობრ რა ნადირი იყო. სავარჯიშოს თხუთმეტმა წუთმა უცებ გაირბინა.

— თანდათან დარწმუნდები, რომ ეს სავარჯიშო სწორ გადაწყვეტილების მიღებაში გვეხმარება, — ისე მითხრა პეტრუსმა, არ უკითხავს, რა გესმოდაო. — აგაპე ცისფერი სფეროს წყალობით მეტყველებს, აგრეთვე მხედველობისა და შეხების, ყნოსვისა და სმენის წყალობით. გულის წყალობითაც. დიდი-დიდი ერთ კვირაში ხმებს უკვე გაიგონებ — პირველად ცოტა ყრუ და მორცხვ ხმებს, მაგრამ თანდათანობით იმ ხმათაგან ბევრს რასმე მნიშვნელოვანს გაიგებ. ოღონდ შენს მაცნე-მაუწყებელთან ფრთხილად იყავი — ის აუცილებლად შეეცდება შენს შეცბუნებასა და დაბნევას. მაგრამ რაკილა ენას უსწავლი, საშიში აღარ იქნება.

„ყურისბღების“ სავარჯიშო

მოდუნდი. თვალები დახუჭე.

ეცადე, რომ რამდენიმე წუთში სულ ერთად მოუყარო თავი ყველა ბგერას, რაც შენ ირგვლივ გაისმის, ვითომ დიდ ორკესტრს რასმე უსმენ.

თანდათან თითოეულ ბგერას ცალ-ცალკე გაარჩევი და ადექი და თითოეულზე გადაიტანე გულისყური, ვითომდაც მუსიკალური საკრავის სოლო პარტიას ისმენ. ყველა დანარჩენ ბგერას ნუ აღიქვამ, ეცადე.

თუკი ამ სავარჯიშოს ყოველდღიურად გაიმეორებ, მალე ხმების გაგონებასაც ისწავლი. თავდაპირველად ეს ამბავი შენი წარმოსახვის თამაშად მოგეჩვენება. მაგრამ მერე გაიგებ, რომ ეს ხმები იმათ ეკუთვნით, ვინც იყო, ვინც არის და ვინც იქნება, და ყველანი ერთად ისინი წარმოქმნიან დროის მეხსიერებას.

ამ სავარჯიშოს შესრულება მანამ არ ეგების, სანამ შენი მაცნე-მაუწყებლის ხმას არ შეიცნობ.

მინიმალური ხანგრძლივობა ათი წუთია.

პეტრუსმა კიდევ ისიც მკითხა, შესმოდა თუ არა მტრის მხიარული მოწოდება, ქალის მიპატიჟება ანდა ჩემი მახვილის ხვაშიადი.

— მხოლოდ ქალის ხმა შესმოდა შორად, — მივუგე. — ალბათ, ვინმე გლეხის ქალი თუ ეძახდა შვილს.

— მაშ, მაგ წაქცეულ ჯვარს შეხედე და გონებაში კვლავ წამოაყენე.

ეგ რა სავარჯიშოა-მეთქი, ვკითხე.

— შენი აზრის ძალას გაწამებინებს.

მიწაზე დავჯექი და იოგის პოზა დავიჭირე. ვიცოდი, იმის მერე, რასაც უკვე მივალწიე, ჩანჩქერსა და ნაგაზთან ორთაბრძოლის მერე — არც ამისი ქმნა გამიჭირდებოდა. ჯვარს წავაბზირდი, ჟინიანად დავუწყე მზერა, როგორც იტყვიან, თვალებად დავიცალე. თან წარმოვიდგინე, როგორ დავაგდებდი ჩემს სხეულს, დავწვდებოდი ხის ძელს და ასტრალური სხეულის ჭაპანწყვეტით წამოვაყენებდი. ტრადიციის გზას გადებულს ბევრი ამისთანა წვრილ-წვრილი „სასწაული“ უკვე არაერთხელ მომეხდინა — თვალწაბზირებულ მზერა-მზერაში სირჩაც მრავლად შემომსხვრეოდა და კულაც, ფაიფურის პეპერებიც, ის კი არა, ზოგი რამ საგნისთვის მაგიდაზე ადგილიც გამომიცვლია, გადამიადგილებია. ეს ყველაფერი უბრალო მაგიური ოინები იყო, რაც ძალის დაუფლებას სულაც არ ნიშნავდა, თუმცა „მიწიერთა“ დარწმუნებაში ძალიან მეშველებოდა. მართალია, ადრე ამგვარ ვეება რამესთან, როგორც ეს ჯვარი იყო, ურთიერთმოქმედება არც მეცადა, მაგრამ ვიცოდი — რახან პეტრუსმა მიბრძანა, ამასაც მოვახერხებდი.

მთელი ნახევარი საათი ვიჯახხირე. ხან რა ვიპეიტრე, ხან რა. ასტრალურ მოგზაურობასა და თვითშთაგონებასაც მივმართე. გავიხსენე როგორ ერეოდა ჩემი მოძღვარი სიმძიმის ძალას, და იმ სიტყვების გამეორება ვცადე, ის რომ წარმოთქვამდა ხოლმე. მაინც ვერაფერს გავ

ხდი. ბოლოს უკიდურეს კონცენტრაციას მივალწიე, ჯვარი კი არა და არ იძვროდა ადგილიდან. მაშინ ასტრაინს ვუხმე — და ისიც ცეცხლის სვეტებში გამოჩნდა. მაგრამ ჯვარი ვახსენე თუ არა, ეგ საგანი ზიზღისა მგვრისო, მიპასუხა.

ეროვნული
ზიზღი

პეტრუსმა შემანჯღრია და ტრანსიდან გამოიყვანა.

— გეყოფა, გაწყალდა გული, — თქვა მან. — რახან ჯვარი ახრის ძალით ვერ წამოგიყენებია, მაშ, აბა, საკუთარი ხელებით სცადე.

— რა?

— ქენ, რასაც გეუბნებიან!

და უცებ შიშმა ამიტანა — ჩემ წინ სასტიკი და წარბშეუსრელი კაცი იდგა, რომელიც სრულებით არა ჰგავდა იძას, ვინც ცოტა ხნის წინათ მზრუნველად დამტრიალებდა თავს და მწამლობდა ნაგაზისგან მოწყლულს. აღარ ვიცოდი, რა მეთქვა, რა მეღონა.

— ახლავე შეასრულე, — ძკაცრად თქვა მან. — გიბრძანებ!

ხელ-ფეხი ჯერეთ ისევ დაბინძურული მქონდა — ნაგაზთან შეტაკების შედეგი იოლი არ გამოდგა. ყურისგდების სავარჯიშო კი შევასრულე, მაგრამ ყურებს მაინც არ ვუჯერებდი. აბა, შემხედე, რა დღეში ვარ-მეთქი, მდუმარედ შევაცოდე პეტრუსს თავი. თუმცა გული ვერა და ვერ მოვუღბე. კვლავ ცივად და უგრძობლად მიყურებდა — ელოდა როდის დავემორჩილებოდი.

გაჭრა, უკვალოდ დამეკარგა ჩემი ეტიკი და მეგობარი, რომელმაც ჩემთან ერთად გამოიარა ძთელი ეს გზა, რომელმაც შემასწავლა RAM რიტუალები და მართლაც საოცარ ამბებს მომიყვია სანტიაგოს გზაზე, — უწინდელი პეტრუსის ნაცვლად ჩემ წინ ახლა სულ სხვა კაცი იდგა და როგორც ბატონი მონას, ისე მიცქეროდა, ჯიუტად ითხოვდა თავისი აბსურდული ბრძანების შესრულებას.

— რაღას უყურებ?

ამის თქმა იყო, და ჩანჩქერი გამახსენდა. გამახსენდა, როგორ შემეპარა ეჭვი პეტრუსში, მან კი სულგრძელობა გამოიჩინა, სიყვარული მაგრძნობინა და საკუთარ მახვილზე უარის თქმა ამიკრძალა. და განცვიფრებული ვიყავი, როგორ შეეძლო ასერიგად კეთილშობილ ადამიანს ჩემდამი ახლა აგრე უღმობლად მოქცევა და იმ საშინელების განსახიერება, რის სამუდამო უკუგდებასაც ცდილობს კაცობრიობა, — მხედველობაში მაქვს ადამიანის დათრგუნვა თავისივე მოყვასის მიერ.

— პეტრუს, მე...

— დამემორჩილე, თორემ სანტიაგოს გზა აქავე დამთავრდება, ამ ადგილას.

შიში, რომელსაც პეტრუსი მგვრიდა, იმაზე ბევრად ძლიერი იყო, ჩანჩქერთან რომ განვიცდიდი, და რა თავზარსაც საერთოდ ნაგაზი მცემდა, ისიც მოგონილი იყო ამ შიშთან. სასოწარკვეთილმა ბუნებას და დავუწყე ვედრება, ეგება რაღაც ისეთი მანიშნო, რომ დავინახო ან გავიგონო ამ უაზრო ბრძანების რამე გამამართლებელი-მეთქი. მაგრამ ირგვლივ ყველაფერი დუმდა. სხვა გზა არ იყო: ან უნდა დამემორჩილებოდი პეტრუსს, ან სამუდამოდ უნდა დამევიწყებინა ჩემი მახვილი. კვლავ მივამვირე ჩემს მეგზურს დაღადრულ-დაგაზული ხელები, მაგ-

რამ მან წამერთ მიწაზე მოირთხა ფეხი და თავისი ბრძანების აღსრულებას დაუწყო ლოდინი.

რაც არის, არის, უნდა დავემორჩილო-მეთქი, გადავწყვიტე. მივედი, წაქცეულ ჯვარს ფეხი წავცხე, რათა გამეგო, რამდენად მძიმე იყო, მაგრამ ძელს თავის განივ-გადანაჭდობისადაც ვერ ვუყავი. ხელები ამ დღეში რომც არ მქონოდა, ალბათ, მაშინსაც ვერ ავწყევდი, ახლა ხომ ნამდვილად უაზრობა იყო წაქცეული ჯვრის წამოყენებაზე ფიქრი. არადა, რახან დამორჩილება გადავწყვიტე, რაღაც უნდა მეღონა. თუკი საჭირო გახდებოდა, თავიც უნდა შემეკლა, ოფლი სისხლის წვეთებად უნდა მეპკურებინა მიწისთვის, ვით იესო ქრისტეს, ზუსტად ამისთანავე სიმძიმის მზიდველს, ოღონდაც ღირსება არ შემელახა პეტრუსის წინაშე. იქნებ მაშინ მაინც შემიბრალოს და დამხსნას ამ გამოცდას-მეთქი, ვფიქრობდი.

ჯვარი შიგ ძირში იყო გადამტყდარი, მაგრამ ჯერეთ კიდევ ეჭირა დაჩენილ ბოჭკოვან მერქანს. რით გადამეჭრა ხელთ არცრა გამაჩნდა. თან ტკივილს ვებრძოდი, თანაც მკლავები მოვხვიე ძელს და ჩემი ჭკუით მოგლეჯა დავუპირე, დაგაზულ-დაღადრული ხელისგულეებით შეხებას ვერიდებოდი. თუმცა არც ერთი წინამხარი უკეთეს მდგომარეობაში არა მქონდა, ასე რომ ტკივილისგან ერთი ისეთი შევყვირე, ჩემი ცოდვით, როგორც იტყვიან, ძალლა ცა იწვოდა, დაბლა დედამიწა. პეტრუსს კი ისევ ისე გულგრილად ეჭირა თავი. მაშინ დავიფიცე, ჩემს კვნესა-ვაებას გულში ჩავიკლავ და ამ კაცს აღარ გავაგონებ-მეთქი.

მივხვდი, რომ ჯვარი უწინარესად დაჩენილი ძირისთვის უნდა მომეგლიჯა. მერე უკვე ორმოს გავთხრიდი და ჯვარს შიგ ჩავდგამდი, მიწას მივაყრიდი. ჯაყვა რომ ჯაყვაა, ისიც არა მქონდა, ამიტომ პირბასრი ქვით შევიარაღდი, კბილი კბილს დავაჭირე და დაჩენილ-დაძენილ ბოჭკოვან ძირს გადაჭრა დავუწყე.

ბასრი სალი ქვა გამჭრეობით კი გამჭრეობდა, პირს იკიდებდა დაჩენილ ძირზე, მაგრამ ტკივილი უარდაუარ მიმძაფრდებოდა. საქმეს მალე თუ არ მოვუღე ბოლო, იარა იარაზე გამეხსნება და საერთოდ ველარაფერს გავხდები-მეთქი, ვიფიქრე. თუმცაღა პირიქით მოვიქეცი: ისე მაინცდამაინც ვერ ავჩქარდი, რომ საქმე მანამ მომეთავებინა, სანამ ტკივილი დამძალავდა. წამისყოფით მაისური გავიძრე და ხელებზე დავიხვიე, — რა არი, ისედაც დაგაზულ-დაღადრულს უარესი არ მომსვლოდა. ამჯერად ნაფიქრმა გამიძართლა — ჯერეთ ერთი ნაჩენი ბოჭკო გაიგლიჯა, მერე მეორე, ახლა კიდევ უფრო ბასრი ქვა შევარჩიე. რამდენჯერაც სამუშაოს ვწყვეტდი, იმდენჯერ მეჩვენებოდა, რომ ხელახლა ველარ მივუბრუნდებოდი, რადგან ძალა აღარ მეყოფოდა. მაინც ვძალადობდი. კიდევ რამდენიმე ბასრი ქვა მოვიძიე, გვერდით დავიწყე და შიგადაშიგ ვცვლიდი, აღარ ვჩერდებოდი იმ იმედით, რომ მუშაობაში გახურებული ხელი ისე აღარ შემალონებდა.

ბოლოს, ერთი, ყველაზე სქელი ბოჭკოდა დარჩა, არა და არ ეჭრევიანებოდა ჩემს ბასრ ქვას. ტკივილი კი თანდათან მატულობდა და უფრო გამალებით დავიწყე გარჯა. ველოდი, რომ სულ ახლოს იყო ის წუთი, როცა ტკივილი გაუსაძლისი გახდებოდა. ამიტომ როგორმე

დრო უნდა მომეგო. მეც ვიდექი და ვჭრიდი, ვბალთავდი, ვხერხავდი ჯვრის ძირს, სანამ არ ვიგრძენი, რომ ბინტიქვეშ რაღაცა მქონავდა და ხელის მოძრაობას მიშლიდა. სისხლი წამომივიდა-მეთქი, ვიფიქრე, და შევეცადე, რომ აღარ მეფიქრა, რაც შერჩენილი ძალა და ღონე მქონდა. ერთიც გავუსვი ქვა, და ის ბოჭკო თუ ჩინჩლიც დამნებდა. მერე ჩქარ-ჩქარა გავსწორდი წელში და საოცრად აგზნებულმა წიხლი ვკარი ძელს, რომელმაც ამდენი მაწვალა.

და ბოლოს და ბოლოს თავის ძირს მოწყვეტილმა ჯვარმა ზღარ-თანნი მოიღო მიწასზე.

მაგრამ ჩემი ცის გახსნა სულ რამდენიმე წამს გაგრძელდა. საქმეს კვლავ შევუდექი თუ არა, ხელმა იმისთანა ღრღნა დამიწყო, როგორც იტყვიან, გული ძაფზე გამივიდა. შელონებულმა მხერა პეტრუსისკენ გადაპარე — ალბათ, თვალს არ მაცილებს-მეთქი, მეგონა, იმ დალოცვილს კი გულიანად ეძინა. ერთი ფიქრით ვიფიქრე, მოდი სულაც მოვატყუებ და ისე დავაყენებ ამ ჯვარს, მაგან ვერც გაიგოს-მეთქი, მაგრამ მალევე მივხვდი, რომ პეტრუსს ვერანაირად ვერ მოვატყუებდი, რადგან ის ჯვარი მაინც მართო ჩემი დასაყენებელი იყო.

მერე ყვითელ, გამოძხმარ ნიადაგს დავხედე. როგორც ჩანდა, კვლავაც ქვების გამოყენება მომიწევდა. მარჯვენა ხელის ხმარება უკვე აღარ შემეძლო: მეტისმეტად მალონებდა. მაისური ნელ-ნელა შევიხსენი და დავინახე, რომ სისხლი კარგა უხვად მომჟონავდა ბინტიდან, არადა ამ დროისთვის ყველა იარა უკვე მოშუშებული მქონდა. პეტრუსმა სიბრალული არ უწყოდა.

შესაფერისი ქვით შევიარაღდი — უფრო მოზრდილი და მაგარი მოვიძიე. მაისური ახლა მარცხენა ხელზე დავიხვიე და ჯვრის ერთ-ერთ ბოლოში დავიწყე მიწის ჩიჩქნა. პირველად საქმე კარგად აეწყო, მაგრამ მერე და მერე შეფერხდა; მიწა მეტისმეტად გაქვავებული იყო. ვთხრიდი, ვთხრიდი, ორმო კი ერთი გოჯითაც ვერ ჩავალრმავე. საქმეს ის გარემოებაც ართულებდა, რომ ორმო საკმაოდ ვიწრო უნდა გამოსულიყო, რათა ჯვარი მჭიდროდ ჩამჯდარიყო, ასე რომ მიწის ამოღება ძალიან ჭირდა. სისხლი აღარ მომჟონავდა, მაგრამ რაღაც გულის ამრევი მქენჯნავი სუნი დამიტოვა. რახან მარცხენა ხელით მუშაობას მიჩვეული არ ვიყავი, ქვა წამდაუწუმ თითებიდან მისხლტებოდა.

რამდენ ხანს გაგრძელდა ეს ამბავი, თქმა მიჭირს. ისე მთელ საუკუნედ მეჩვენებოდა. ქვით ორმოს ვალრმავებდი თუ ორმოს ვიწრო ყელიდან მიწის ამოსაყრელად შიგ ხელს ვყოფდი, სულ პეტრუსზე ვფიქრობდი. შიგადაშიგ გავხედავდი ხოლმე, რა უშფოთველად ეძინა, და მთელი გულით მძულდა. არცრა ჩიჩქნის ხმა აწუხებდა, არც ის ბოღმა, მე რომ აგრერიგად ვანთხევდი. ჩანს, ტყუილუბრალოდ არ იქცევა ასეთნაირად-მეთქი, გულში ვლაპარაკობდი, ოღონდ ვერა და ვერ მივმხვდარიყავი, რა ედო სარჩულად ჩემს მონურ მორჩილებას და იმისგან ჩემი ამგვარი დამცირების მისწრაფებას. და ასეთ დროს მიწის მაგივრად ჩემ წინ იმის სახეს ვხედავდი და გაცეცხლებული იმას ვურტყამდი ქვას, გაცეცხლება კი აშკარად მშველოდა მიწის უფრო ღრმად ჩათხრა-

ადრს არად ვაგდებდი. თუკი ჯვარს როგორმე მხარს შევუდგამდი, და წამოვყენებდი, ეგების ბოლოთი ორმოში ჩამეგდო კიდევ.

და გულდაღმა წავწევი, ვგრძნობდი, როგორ გაჰქონდა კბილებში მიწას კაწაკუწი და როგორ მიცვიოდა თვალებში. დაბუჩქებული ხელი უკანასკნელად დაიძაგრა, ოდნავ წამოსწია ჯვარი, და ეგრევე მოვინდი. ძალიან ფრთხილად ავეკარი ხერხემლით მომრგვალო ძელს. რასაკვირველია, მძიმე იყო, გვარიანადაც მძიმე, მაგრამ ადამიანის ძალას მაინც ვერ აღემატებოდა. გავიხსენე „მარცვლის“ სავარჯიშო და თავი ჩანასახად წარმოვიდგინე, თანაც ჯვარი ზუსტად ზურგის შუაში მოვიქციე. რამდენიმეჯერ მომეჩვენა, რომ ცოტაც და, დამიცურდებოდა, მაგრამ სხეულის მდგომარეობის ცვლას ვასწრებდი და წონასწორობას აღვადგენდი ხოლმე. ბოლოს ემბრიონის პოზაში გავშემდი, შუბლი თითქმის მუხლებს შევახე და ამასთანავე ჯვარი ზურგით მეჭირა. ძელის ბოლო ერთი წამოდება ქვის ბოლცომს წამოედო, მაგრამ ჯვარი არ დამცურებია.

კიდევ კარგი, კაცობრიობა არა მყავს გადასარჩენი-მეთქი, ვფიქრობდი გულში ნახევრად გასრესილ-გაჭყლეტილი როგორც თვითონ ჯვრის, ისე ყოველივე იმის სიმძიმისაგან, რასაც ის განასახიერებდა. და გაძახსენდა ზურგზე ჯვარმოკიდებული ძეხორციელი, რომლის დაწყლული ხელებიც — ჩემი ხელებისგან განსხვავებით — ვერ გადაურჩა მქისე, ხენეში ხის მტანჯველ-მტკივნეულ შეხებას. მაგრამ უკვე მომდევნო წუთსვე უცებ გამიქრა ეს ვაი-ვაგლახთან შერეული ალტყინება, რადგან ძელი კვლავ შემიქანდა ზურგზე.

და მაშინ წელში გაშლა და აღორძინება დავიწყე. უკან მიხედვა არ შეიძლებოდა, და ამიტომ ორიენტაცია მხოლოდ ხმის მიხედვით შემედლო, სმენით სამყაროს აღქმის ხელოვნებას კი პეტრუსის წყალობით დაუფლებული ვიყავი — ამ დალოცვილს თითქოს გულმა გაუგო, რომ სულ ძალე შეცნობის ეს გზა-სახსარიც დამჭირდებოდა, და აკრ შემასწავლა კიდევ ყურის დაგდების სავარჯიშო. ტანით ვგრძნობდი, როგორ ერჭმოდა მძიმე ჯვარი თავისთვის გამზადებულ ქვის წიაღს და როგორ ნელ-ნელა სწორდებოდა, იმართებოდა, თან მეც ამ გამოცდისგან მათავისუფლებდა, თვითონაც კვლავ სანტიაგოს გზას შემოვლებული უცნაური ჩარჩოს ნაწილი ხდებოდა.

კიდევ ერთი მუქარაღა იყო საჭირო, და საქმე დამში მოვიდოდა. თუ ჩავცუცქდებოდი, ჯვარი ზურგიდან დამისხლტებოდა და ორმოში ჩაცურდებოდა. თითო-ოროლა ქვა კი გაგორდ-გადმოგორდა, მაგრამ ახლა უკვე თავად ჯვარი მშველოდა, მთელი თავისი სიმძიმით განკუთვნილი ადგილისკენ დაძრული. და რახან ისე აღარ მემძიმებოდა, მივხვდი, რომ ძირი ორმოში ჰქონდა ჩაყოფილი. შორს აღარ იყო გადამწყვეტი წუთი, რომელმაც ჩანჩქერი და ის ამბავი გამახსენა, როგორ უნდა გამეველო წყლის ნიაღვრის ქვეშ.

ეს გადამწყვეტი წუთი თანაც ყველაზე უფრო ძნელი წუთიც იყო, ვინაიდან ადამიანს მოპოვებულის დაკარგვა აშინებს და, სანამ ეს არ მომხდარა, მზად არის ფარ-ხმლის დასაყრელად. და კვლავ ავფორიაქდი, კვლავ გულზე შემომაწვა ამ ჩემი წამოწყებული საქმის მთელი უაზრობა: არადა, მართლაც, რა წაქცეული ჯვრის წამოყენება ამიტყ-

და, უკეთუ ერთადერთ ჩემს მიზნად მესახებოდა საკუთარი მახვილის პოვნა და ამქვეყნად სუყველა ჯვრის დამხობა, რათა ქრისტი-მაცხოვარი მკვდრეთით აღმდგარიყო სააქაოში. თუმცა ამას რა მნიშვნელობა ჰქონდა.

ერთბაშად გავსწორდი წელში და ჯვარი იქ ჩამოვრდამ. სადაც უნდა ჩაცურებულიყო, ჩემთვის კი ერთხელ კიდევ გავსწორდი: ვინც ამ გამასავათებელი სამუშაოს დროს ჩემს ყოველ მოქმედებას წარმართავდა, სახელად ბედი ერქვა.

ერთი თალია მომეჩვენა, რომ ჩემი ერთბაშად წელში გასწორება საქმეს ფარსაგად ვერ წაადგა და საცა იყო, შექანებული ჯვარი ისევ უკან ზურგზე დამეცემოდა, მაგრამ წამიერ ყრუ ხმა შემომესმა და ვისაზრე, დამთავრდა, ძელის ბოლო ორმოს ძირს ჩაეხეთქა-მეთქი.

მძიმე-მძიმედ მოვტრიალდი, ჯვარი ოდნავ კი ირყეოდა, ოღონდ უკვე აღმართული იყო. ქვის ბოლცოში ამოზრდილივით იდგა. ბოლცოშიდან ჩამოვარდნილი რამდენიმე ქვა ჩქარა-ჩქარა ისევ გარშემო შემოვუწყე და ჯვარს ავეკარი, შემოვეჭდე, შემოვეხვიე, რა არი აღარ ელავლაყა. ამწუთას ის ჩემთვის ცოცხალი და თბილი არსება გახდა; და ეჭვიც არ მეპარებოდა, რომ მთელი ამ ჩემი მძიმე სამუშაოს განმავლობაში ნაღდ მეგობრობას მიწევდა. ხელი ფრთხილად გავუშვი და ძირში ფეხით ქვები მივახვეტე.

ერთხანს ჩემი რუდუნების ნაყოფის მზერით ვტკბებოდი, სანამ დაღადრული ხელების ტკივილმა არ მაგრძნობინა თავი. პეტრუსს ჯერეთ კიდევ ეძინა. ზედ მივაღდექი და ფეხსაცმლის ჭვინტი ოდნავ წავკარი.

თვალები ჭყიტა თუ არა, ჯვარს შეხედა და თქვა:

— ძალიან კარგია. მაგ შენს ხელებს პონფერადაში მივხედავთ. ახლად შევახვევინებთ.

ტ რ ა ლ ი ც ი ა

ღმერთმანი, ხის წამოყენება მერჩივნა. არადა მხარზე ჯვარგადებულს მეჩვენებოდა, რომ ადამიანები ვითომც მსხვერპლად მწირავდნენ.

ირგვლივ მიმოვიხედე, და ეს-ეს არის ნათქვამი ჩემი თითოეული სიტყვა სიცარიელეში გამოუკიდა. ჯვრის ამბავმა სადღაც შორს გადინაცვლა, თუმცადა სულაც გუშინ იყო მომხდარი. და საერთო არცრა ჰქონდა რა შავი მარმარილოთი გაწყობილ ჯაკუზიან სააბაზანოსთან, სადაც თბილ წყალში ვნებივრობდი და თან ბროლის სასმისიდან თავანკარა „რიოხას“ ვწრუპავდი. პეტრუსს ვერ ვხედავდი — ის სასტუმროს ნომერში იყო, რომელ დიდებულ სასტუმროშიც ჩამოვხდით.

— შაინცდამაინც ჯვარი რატომ უნდა წამომეყენებინა?

— პორტიე რის ვაივაგლახით დავარწმუნე, რომ მაწანწალა არ იყავი, — გამომძახა მან ოთახიდან.

გამოცდილებით ვიცოდი, — პეტრუსი თემას თუ შეცვლიდა ჩა-
ციება ამო იყო. აბაზანიდან ამოვედი, გრძელი შარვალი და პერანგი ჩავიცვი. ფრთხილად შევიხსენი ბინტი, მეგონა, ალბათ, ყვე-
ლა იარამ პირი გაიხსნა-მეთქი. თუმცა ცოტა სისხლი მარტო იქ გა-
მომსვლოდა, სადაც ქერქი იყო ამძვრალი. თუ რამ ნაგაზის ნაკბილარი
მქონდა, უკვე ხელახლა შუშდებოდა, პირს იკრავდა, და თავს ჩინებუ-
ლად ვგრძნობდი.

ვახშმობით სასტუმროს რესტორანში ვივახშმეთ. პეტრუსის მიერ
შეკვეთილ საფირმო კერძს — პაელიუს ვალენსიურად* — ხმის ამო-
უღებლად მოვუღებინეთ და ზედ ფუცხუნა „რიონა“ დავაყოლეთ. ჭამას
რომ მოვრჩით, პეტრუსმა გასეირნება შემომთავაზა.

სასტუმროდან გავედით და რკინიგზის სადგურისკენ გავწიეთ. პე-
ტრუსი, თავისი ჩვეულებისამებრ, მდუმარებდა, და მთელი გზის სიგ-
რძეზე კრინტი არ დაუძრავს. როცა ჭუჭყიან, მანქანის ზეთის სუნით
გაჟღენთილ ლიანდაგებზე აღმოვჩნდით, ის ერთი დევერხინა ლოკო-
მოტივის შორიანლო ჩამოჯდა და თქვა:

— აქ ვიყოთ.

მაგრამ მე სულაც არ მინდოდა ახალი შარვლის გასვრა და არ
დავმჯდარვარ. ხომ არ აჯობებდა, რომ პონფერადას მთავარ მოედანზე
გავსულიყავით-მეთქი, ვუთხარი.

— სანტიაგოს გზა თავდება, — მიპასუხა პეტრუსმა. — ხოლო
ჩვენი სინამდვილე ვინაიდან ამ რკინიგზის ვაგონებს უფრო ეახლოვე-
ბა, ვიდრე იმ თვალწარმტაც და უშფოთველ ხედებს, რომელთა ხილვი-
თაც ჩვენი მოგზაურობის დროს ვტკბებოდით, სწორედ აქ ლაპარაკი
ბევრად უპრიანი იქნება.

პეტრუსმა, ეგ შენი სპორტული ფეხსაცმელი და პერანგი გაიხა-
დო, ბრძანების კილოთი მითხრა. მერე წინამხარზე სახვევი მომიბო-
შა, ძალიან მოჭერილი გაქვსო, ოღონდ შებანდულ მტევნებს ხელები-
სას არ შეხებია.

— ნუ ღელავ, — მითხრა, — ახლა ხელები აღარ დაგჭირდება. ჩა-
საჭიდებელი არაფერი აღარ გექნება.

ის რალაც უჩვეულოდ დადინჯებული იყო და ისე მრავლისმეტყვე-
ლად უბნობდა, ჩემდა უნებურად შევშფოთდი, — ემანდ მნიშვნელო-
ვანი რამ ამბავი არ მოხდეს-მეთქი.

პეტრუსი ისევ თავის ძველ ადგილას დაჯდა და კარგა ხანს მიყურა.
მერე აძრახდა:

— გუშინდელ ამბავზე არაფერს არ გეტყვი. რაცა ღირხარ, თავა-
დვე შეიგნებ, ოღონდ ეს მხოლოდ იმხანად მოხდება, თუკი ოდესმე,
როგორც ლოცვადმავალი, რომის გზას დაადგები, რომელსაც სხვანაი-
რად ქარიზმისა და სასწაულთა გზაც ჰქვია. მარტო ერთს გეტყვი: ისი-

* ბრინჯის კერძი ბოსტნეულით, ხორციითა და თევზით.

ნი, ვისაც თავი ყოვლისმცოდნედ მიაჩნიათ, იმ დროს არიან გაუბედავნი, როცა უნდა მბრძანებლობდნენ, და მაშინ ჭირვეულობენ, როცა უნდა მორჩილნი იყვნენ. სხვას რომ რამე უბრძანონ, ერცხვინებათ, ხოლო სხვამ თუ რამე უბრძანათ, ეთაკილებათ. ნურასოდეს მოიქცევი ამ ხალხივით.

ნომერში თქვი, სიბრძნის გზას მსხვერპლთან მივყავართო. ეგ შეცდომაა. შენი მოწაფეობა თუ შეგირდობა გუშინ არ დამთავრებულა — ჯერ კიდევ მახვილი გაქვს საპოვნელი და იმ მახვილში რა მუღამიც დევს, ისიც უნდა ამოიციხო. RAM რიტუალები ადამიანს სამართლიანობაში აბამენ და ცხოვრებაში გამარჯვების მეტ შესაძლებლობას უქმნიან. რაც რამ შენ გუშინ შეიცანი, მხოლოდ და მხოლოდ რომის გზისთვის მოსამზადებელი გამოცდა იყო. თუ მოინდომებ, ცხადია, და რა დაგიძალო, ნამდვილად ვნაღვლობ, რომ მაგისტრანა აზრი მოგივიდა თავში.

და პეტრუსის ხმაში მართლაც ნაღველი ჟღერდა. უცაბედად მომაგონდა: მთელი იმ ხნის განმავლობაში, რაც ჩვენ ერთად ვიარეთ, ნამდვილად ყველაფერს საეჭვოდ ვხდიდი, რასაც ის მასწავლიდა. დიახ, კასტენადა კი არ ვიყავი, რომელიც ძლევამოსილ მორჩილებაში აღიქვამდა დონ ხუანის სუყოველ რჩევა-დარიგებას, არამედ RAM რიტუალთა დიდ სისადავეს დაპირისპირებულ ქედმაღალ მეამბოხედ ვგრძობდი თავს. სწორედ ახლა, ამწუთას მინდოდა ამის თქმა, მაგრამ მესმოდა, რომ უკვე ძალიან გვიან იყო.

— დახუჭე თვალები! — თქვა პეტრუსმა. — RAM სიოს ქიქინი შეასრულე და შეეცადე, რომ შეუხმატკბილდე მთელ ამ მანქანის ზეთის სუნით გაჟღენთილ რკინეულობას. ეს ჩვენი სოფელ-ქვეყანაა. სანამ მე იმას არ დავასრულებ, რაც დავალბებული მაქვს, თვალებს უფრო ადრე ნუ გაახელ, და კიდევ ერთ სავარჯიშოს შევასწავლი.

მეც მთელი გულისყური სიოს ქიქინზე გადავიტანე, თვალები დავხუჭე და ვიგრძენი, როგორ მიდუნდებოდა თანდათან სხეული. მეყურებოდა ქალაქის გზისი, შორიდან აღწევდა ძაღლის ყეფა, ხოლო სადღაც იმ ადგილის გვერდით, სადაც მე და პეტრუსი ვიყავით, რაღაც ყრუდ ბუებუებდა. ანაზდად ჩემი ეტიკის ხმაც შემესმა: იმ იტალიურ სიმღერას ღიღინებდა, რომელ სიმღერაზედაც ჩემი ბავშვობის უამს სუყველა გიჟდებოდა პეპინო დი კაპრის შესრულების წყალობით. სიტყვებს ვერ ვარჩევდი, მაგრამ მელოდიამ სულში მიმოგონება ამიფორიაქა და როგორღაც დამაწყნარა კიდევაც.

— ამ ცოტა ხნის წინათ, — აძრახდა პეტრუსი, სიმღერა მოათავა თუ არა, — მილანის პრეფექტურაში ჩემი პროექტის წარდგენას რომ ვაპირებდი, ჩემმა მოძღვარმა მაუწყა, მაგანმა და მაგანმა ტრადიციის გზა ბოლომდე გაიარა და თავისი მახვილი მაინც ვერ იპოვაო. რა ვქნა, ახლა სანტიაგოს გზა უნდა გავავლევინოო.

ამ ამბავს სულაც არ გავუკვირვებივარ: რაღაც მსგავს რასმე წუთი წუთზე ველოდი, რადგან ჩემი ამოცანა ჯერ არ შემესრულებინა — ცაზე გაჭიმული ირმის ნახტომისთვის, ანუ იერუსალიმის გზისთვის, არც ერთი ლოცვადმავალი არ ამედევნებინა ისე და იმგვარად, როგორც

რომ თავის დროზე თავად ვიყავი სხვისაგან აღევნებული. არ გაკვირ-
ვებულვარ, ოღონდ ავღელდი: რაკი პირველად და ერთადერთხელ მო-
მიწევდა ამ საქმის ქმნა, და არ ვიცოდი, შევძლებდი თუ არა, რადგან
ასეთი მისია შესასრულებლად სულაც არ იყო აღვილი.

მე კი მართლაც გაკვირვებული დავრჩი, ვინაიდან მეგონა, რომ პეტრუსს
ტრუსს მსგავსი რამ ერთხელ კი არა, უკვე ათასჯერ მაინც უნდა მოეხდინებინა.

— შენ მოხვედი, მეც ავდექი და წამოგიყვანე, — განაგრძობდა
იგი. — ვალიარებ, თავიდან ძალიან გამიძნელდა, იმიტომ რომ შენ
სწავლების უფრო ინტელექტუალური მხარე გაგულისყურებდა, ვიდრე
ჭეშმარიტი საზრი გზისა, რომელიც ჩვეულებრივ ადამიანთა გზაა. აღ-
ფონსოსთან შესვედრის შემდეგ ჩვენი ურთიერთკავშირი უფრო მკვიდ-
რი და კიდევ უფრო საზრიანი გახდა, მე კი ვირწმუნე, რომ შენი მან-
ვილის საიდუმლოს ამოგაცნობინებდი. მაგრამ არა, არ გამომივიდა,
როგორც ჩანს, მარტოს მოგიწევს ამ საქმის დამში მოყვანა. და თანაც
ეტყობა, გავნერვიულდი, რადგან სიოს ქიქინს გულისყური ვე-
ლარ დავყარე. პეტრუსმა, ალბათ, იგრძნო, ჩემი აფორიაქება — კვლავ
წამოიწყო ძველი სიმღერა და მანამ მღეროდა, სანამ არ მოვდუნდი და
არ მოვეშვი.

— თუ საიდუმლოს ამოიცნობ და მანვილს იპოვი, მაშასადამე,
RAM ხატსაც აღმოაჩენ და ძალთაძალსაც დაეუფლები. ოღონდ ეს
ჯერ კიდევ ყველაფერი არ არის: მთელი სიბრძნის მისაღწევად სხვა
სამი გზის გავლა მოგიწევს, ერთ-ერთი იქნება იდუმალი გზა,
რომელზედაც ამ გზაზე უკვე გავლილი კაციც ვერ გაგიყვანს. ამას იმი-
ტომ გეუბნები, რომ ჩვენ ახლა ერთხელდა შევხვდებით.

გული შემეკუმშა და ჩემდა უნებურად გავახილე თვალები. პეტ-
რუსს შუქი ეფინა, რომელი შუქიც ადრე მხოლოდ მოძღვრისგან მო-
დიოდა.

— დახუჭე თვალები! — და თქმისთანავე დავემორჩილე.

მაგრამ გული ჩემი აღარ იყო და ველარც გულისყურს ვიკრებდი.
ჩემი თანამგზავრი კვლავ იტალიურად ამღერდა და მოვახერხე მოდუ-
ნება, ოღონდ ერთბაშად ვერა.

— ხვალ ბარათს რასმე მიიღებ და იქ ეწერება, სადაც ვიქნები.
ეს იქნება ნადური ანუ კოლექტიური ინიციატივის ცერემონია, ცერე-
მონია, რომელიც იმართება ტრადიციის პატივისცემის ნიშნად. იმ მა-
მათა და დედათა პატივისცემის ნიშნად, რომელთაც მთელი ამ ასწლე-
ულების სიგრძეზე სიბრძნის, სამართლიანი ომისა და აგაპეს ცეცხ-
ლი არ ჩაუქრიათ. შენ შეგიძლია, არც დამელაპარაკო. შეკრების აღ-
გილი წმინდაა და იმ რაინდთა სისხლით არის შეღებილი, ტრადი-
ციის გზით რომ იარეს და თავიანთი ფხაასხმული მანვილებითაც
კი ვერ გააპეს წყვდიადი. რაც იმათ მსხვერპლი გაიღეს, ამათ არ ყო-
ფილა, რის საუკეთესო დამამტკიცებელი საბუთიც ის არის, რომ ამ-
დენი საუკუნის შემდგომ სულ სხვადასხვა გზით ნაგალი ადამიანები
მოვლენ, რათა კეთილად მოიხსენიონ ისინი. ეს ფრიად მნიშვნელოვა-
ნია და, მოძღვარიც რომ გახდე, არცროდის არ უნდა იგულმავიწყო
ერთი რამ: შენი გზა მრავალთაგან ოდენ ერთია, რომელსაც ყოველთა

დამბადებელთან მიჰყავხარ. იესომ როგორღაც თქვა: „მამაჩემის სახლში ბევრი სავანეაო“, ხოლო მან უწყობდა, რასაც უბნობდა, და პეტრუსმა ერთხელ კიდევ გამიმეორა, ხვალ შენსკნელად შევხვდებითო.

— დადგება დღე, და ჩემგან ნაბარათევი მოგივს, ჩემი თხოვნა იქნება შენდამი, რომ შენც ვიღაცას ისევე გაუწიო შეგზაურობა სანტიაგოს გზაზე, როგორც მე გიწევდი. და აი სწორედ მაშინ მიხვდები ამ მოგზაურობის დიდ საიდუმლოს, საიდუმლოს, რომელსაც ახლა გაგიძხელ, ოღონდ მარტო სიტყვიერად. ამ საიდუმლოს ისე ვერ გაიგებ, თუ თავად არ იგრძენი, თავად არ განიცადე.

პეტრუსი დადუმდა. პაუზა იმდენი ხანი გაგრძელდა, რომ ვიფიქრე, ან ლაპარაკი გადაიფიქრა, ანდა საერთოდ დებოდან გავიდა-მეთქი. ძალიან მინდოდა თვალების გახელა და გაგება, რა ხდებოდა, მაგრამ ნებისყოფა დავძაბე და მთელი გულსყური RAM სიოს ქიქინზე გადავიტანე.

— ეს საიდუმლო იმაში მდგომარეობს, — გაისმა ბოლოსა და ბოლოს პეტრუსის ხმა, — რომ რისამე სწავლა მხოლოდ მაშინ არის შესაძლებელი, როცა სხვას ასწავლი. ჩვენ ერთად გამოვიარეთ სანტიაგოს გზა და სანამ შენ RAM რიტუალთ სწავლობდი, მე ამ რიტუალთა იდუმალ აზრს ვწვდებოდი. შენი სწავლებით მე თავად ვსწავლობდი. მე შენი ეტიკი ვიყავი და ამიტომაც შეგძელი ჩემი საკუთარი გზის პოვნა. უკეთუ მოახერხებ და შენს მახვილს მიაკვლევ, მაშინ სხვასაც უნდა ასწავლო ამ გზის დიდი სიბრძნე. და მხოლოდ როცა ეს მოხდება და სხვის მოძღვრობას იკისრებ, მაშინლა შეიძლებ სუყველა კითხვაზე შენს სულში სუყველა პასუხის წაკითხვას. ისე, მართალი თუ გინდა, ყველამ ყველაფერი ჯერ კიდევ მანამდე ვიცით, სანამ ვინმე ამაზე სიტყვას ჩამოგვიგდებს. ცხოვრება მხოლოდ იმის შეგნებაშია, რომ ჩვენს ყოველდღიურობაში სოლომონობაც შეგვიძლია, სიბრძნის თვალსაზრისით, და ალექსანდრე მაკედონელობაც, ძლევა მოსილების თვალსაზრისით. ოღონდ ამას მაშინ ვიგებთ, როცა სხვას ვისმე უნდა ვასწავლოთ და ისეთ სახიფათო მოგზაურობას შევუდგებით ხოლმე, როგორც მე და შენ ეს-ეს არის დავასრულეთ.

ჩემს ცხოვრებაში ჯერ არ მახსოვს ესოდენ მოულოდნელი დამშვიდობება. ვისთანაც კი ასეთი ახლო ურთიერთობა დამიმყარებია, ვისზედაც კი მიფიქრია, მიზნამდე ერთად მივალთ-მეთქი, თვალედახუჭული შუა გზაზე დავუგდივარ მანქანის ზეთის სუნით გაქლენთილ ამ სარკინიგზო ჩიხში. მე არ მიყვარს თქმა, მშვიდობით-მეთქი, — განაგრძობდა პეტრუსი, — ვინაიდან მგრძნობიარე ვარ, როგორც სუყველა იტალიელი. წესისა და რიგის მიხედვით შენი მახვილი მარტომ უნდა იპოვო, რადგან მხოლოდ აგრერიგად ირწმუნებ შენს ძლიერებას. მე რაც უნდა გადმომეცა, ყველაფერი გადმოგეცი. ერთი მარტო ცეკვის სავარჯიშოდაა დარჩენილი, რომელსაც ახლა შევასწავლი, რათა ხვალ ცერემონიაზე შეასრულო.

მცირე ხანს გაჩუმდა და დასძინა:

— დაე, რაც სადიდებელია, ყველაფერი იდიდოს უფალში. ასლა უკვე შეგიძლია თვალების გახელა.

პეტრუსი თბომავლის ბუფერზე იჯდა. არც არაფრის თქმა არა მსურდა, ვინაიდან მეც მგრძნობიარე ვიყავი — როგორც სუყველა ბრაზილიელი. სინდიყის ნათურა, რომელიც გვანათებდა, აცრემლიანდა და სადღაც შორს საყვირის ხმა გაისმა, რაც იმის მაუწყებელი იყო, რომ მატარებელი მალე შემოვიდოდა.

მაშინ პეტრუსმა „ცეკვის“ სავარჯიშო მიჩვენა.

„ცეკვის“ სავარჯიშო

მოდუნდით. თვალები დახუჭეთ.

ეცადეთ, როგორმე გაიხსენოთ ის მელოდია, სიცოცხლეში პირველად რომ გაიგონეთ. თქვენთვის წაიღილინეთ, თანაც ნელინელ თქვენი სხეულის რომელიმე ნაწილი: ფეხი, ხელი, თავი, მუცელი და ა. შ. ააყოლეთ ამ მელოდიის ტაქტს.

ხუთ წუთში ღიღინი შეწყვიტეთ და ყური მიუგდეთ იმ ხმაურს, თქვენ გარშემო რომ ისმის. მერე ისეთი რამ ღონე უნდა იღონოთ, რომ ის ხმაური რაღაც მელოდიად იქცეს, და თქვენც ცეკვით აჰყევით, ოღონდ უკვე მთელი სხეულით. არც არაფერზე არ იფიქროთ, მაგრამ თავში სპონტანურად რა სახეებიც გაგიჩნდებათ, ეცადეთ, რომ გაიხსენოთ ისინი.

ცეკვა უსასრულო გონთან ურთიერთობის ერთ-ერთი საუკეთესო საშუალებაა.

სავარჯიშოს ხანგრძლივობა თხუთმეტი წუთია.

— და კიდევ ერთ რასმე გეტყვი, — თითქოს ჩემი თვალების სიღრმეში რისღაც წაკითხვა სურდა, ისე დასძინა მან. — ჩემი პირველი ლოცვადმავლობის დამთავრებისთანავე უზარმაზარი სურათი დავხატე, სადაც სუყველაფერი ავსახე, რაც კი რამ აქ გადამხდა. ეს ჩვეულებრივ ადამიანთა გზაა და თუკი მოინდომებ, შენც იმისვე ქმნა შეგიძლია. ფუნჯის ხელი თუ არ იცი, მოთხრობა დაწერე ანდა სულაც ბალეტისთვის შეთხზე მუსიკა, და მაშინ ადამიანები — მნიშვნელობა არა აქვს, სად იმყოფებიან ისინი — შეძლებენ წმინდა იაკობის გზის, ირმის ნახტომის, სანტიაგოს უჩვეულო გზის გავლას.

მატარებელიც გამოჩნდა. პეტრუსმა განშორებისას ხელი დამიქნია და ლიანდაგებზე ჩამომდგარ ვაგონებს შორის გაქრა. მე კი ისევ ისე ვიჯექი, ყურს ვუგდებდი რკინის ლიანდაგებზე მოდაგადუგე ბორბლების ხმაურს და ვცდილობდი ირმის ნახტომის საიდუმლოს ჩაწვდომას,

რომელი ნახტომის ვარსკვლავთაც მომიყვანეს აქ, მღუმარედ აღევნებულთ სიმარტოვეს — უცვლელ და საყოველთაო კაცობრიულ ხვედრს.

ბარათში, რომელიც მეორე დღით აღმოვაჩინე, მხოლოდ ეს ეწერა: „სალამოს 7. ტამპლიერთა კოშკი“.



ეროვნული
ბიბლიოთეკა

მთელი დარჩენილი დღე ქალაქში ვიხეტიალე, სამჯერ მაინც ვავიარ-გამოვიარე ყურითყურ ანუ კიდით კიდემდე, და თვალი სულ იქით გამირბოდა, შორს რომ კოშკი ჩანდა, სადაც სალამოთი უნდა ვყოფილიყავი. ტამპლიერთა, ანუ ტაძრის რაინდთა ორდენი, მუდამ ძლიერად მიფორიაქებდა წარმოსახვას, ხოლო პონფერადაში მდებარე კოშკი აქ, სანტიაგოს გზაზე, იმათი ყოფნის ერთადერთი კვალი არ იყო. იმ ცხრა რაინდის ნებით შექმნილმა ორდენმა, რომელთაც გადაწყვიტეს, რომ თავიანთი ჯვაროსნული ლაშქრობანი არ შეეწყვიტათ, საკმაოდ მალე გაავრცელა თავისი ზეგავლენა მთელ ევროპაზე და ჩვენი ათასწლეულის დასაწყისში ნამდვილი გადატრიალება მოახდინა წეს-ჩვეულებებსა და ზნეობაში. იმ დროს, როცა იმჟამინდელი ფეოდალური ზეპური საზოგადოების მნიშვნელოვანი ნაწილი თავის მოხარკეთა და ყმათა ხარჯზე მარტოოდენ გამდიდრებაზე ოცნებობდა, ტაძრის რაინდნი თავიანთ სიცოცხლეს, თავიანთ სარჩო-საბადებელსა და თავიანთ სამხედრო სიქველეს ერთ საქმეს ახმარდნენ — იერუსალიმში მიმავალ გზაზე შემდგარ ლოცვადმავალთ იცავდნენ და ამაში ცდილობდნენ სულიერების იდეალის მოპოვებას, რომელი იდეალიც სიბრძნის ძიებაში უნდა შესწეოდათ.

1118 წელს პუგო დე პაინმა თავის რვა ამხანაგთან ერთად ერთ-ერთი ნაოხარი კოშკის ეზოში კაცობრიობის მიმართ სიყვარულის ფიცი დადო. ორი საუკუნის შემდგომ დედამიწის სუყველა კუთხეში უკვე ხუთასზე მეტი სავანე იყო, რომელთაც იმის გაერთიანება შეძლეს, რაც ადრე შეუთავსებელი ჩანდა — სამხედრო სამსახური და რელიგიური მსახურება გააერთიანეს. ორდენის წევრთა კეთილმოქმედებისა და ათასობით ლოცვადმავლის შეწირულობათა წყალობით ორდენი ძალიან მალე ზღაპრულად გამდიდრდა, თანაც კიდევ მრავალგზის ფულით უმართავდა ხელს მუსულმანთაგან გაძარცვულ ქრისტიანთ. იმდენად თვალადასაჩენი და უზადო იყო ტაძრის რაინდთა პატიოსნება, რომ მეფენი და წარჩინებულნი თავიანთ განძეულთ იმათ ანახვინებდნენ, ხოლო შორეული მოგზაურობისას თან საბუთი მიჰქონდათ, როგორც ამ თავიანთი ქონების მოწმობა, რომლის გადაცვლაც ლითონის ფულზე ყველგან შეიძლებოდა, სადაც კი მეტაძრეთა სავანე შეხვდებოდათ. აგრე გაჩნდა თამასუქი, დღესაც რომ ვიყენებთ.

ხოლო ღვთისმოსაობამ თავის მხრივ ხელი შეუწყო ტამპლიერთ იმ დიდი ჭეშმარიტების შეგნებაში, რომელ ჭეშმარიტებასაც წუხელ პეტრუსი ჩამჩიჩინებდა: „მამაჩემის სახლში ბევრი სავანეაო“. ისინი რელიგიური შუღლისთვის ბოლოს მოღებასა და ერთღმერთობის პრინციპზე დამყარებული სამი უმნიშვნელოვანესი რჯულმოძღვრების —

ისლამის, იუდაიზმისა და ქრისტიანობის გაერთიანებას ცდილობდნენ. და თავიანთ, საუამნო-ეგვიტურთ მრგვალგუმბათიანთ აგებდნენ, სოლო-მონ მეფის ტაძარს რომ აგვირგვინებდა, იმნაირგუმბათიანთ, მუსულ-მანური მეჩეთების რვაკუთხიან კედლებიანთ და ქრისტიანული ტაძრე-ბისთვის დამახასიათებელ ნავებიანთ.

ერეკონსული

თუმცადა მალე ტამპლიერთ, როგორც ყოველივეს, ბრძოლა-სამართალი დროს ცოტათი უსწრებს, ეჭვის თვალთ დაუწყეს ცქერა. მონარქთ შე-შურდათ ტამპლიერთა სიმდიდრეც და ეკონომიკური სიძლიერეც, ხოლო კათოლიკური ეკლესია ამ ტაძრის რაინდთა რელიგიურმა გულანდი-ლობამ შეაშფოთა. და 1307 წლის 13 ოქტომბრის პარასკევს ვატიკანმა და ძირითადად ევროპულმა ქვეყნებმა შუა საუკუნეების ერთ-ერთი გრანდიოზული პოლიციური ოპერაცია განახორციელეს — ღამით ორ-დენის პირველი პირები დაიჭირეს და ციხეში ჩაყარეს. სუყველას ერთ-პირ ბრალად დასდეს, რომ სატანას ეთაყვანებოდნენ, ცილსა სწამებდ-ნენ იესო ქრისტეს, ეწეოდნენ შავ ღვთისმსახურებას, რასაც თან სდე-ვდა თავაშვებული ღრეობა, და სჩადიოდნენ სოდომურ ცოდვას. ამას მოჰყვა შესმენილთა გაუგონარი ტანჯვა-წამება, განკვეთა, სხვა ათას-გვარი სიმუხთლე, და შედეგად ტაძრის ორდენი სულ ამოიშალა შუა საუკუნეების მატეანიდან. ორდენის განძეული ხელისუფალთ მიითვი-სეს, გადარჩენილნი რაინდნი აქეთ-იქით მიმოიფანტნენ, ხოლო ორდე-ნის უკანასკნელი მეთაური ჟაკ დე მოლე ცოცხლად დაწვეს პარიზის მოედანზე. სიკვდილით დასჯის წინ რაინდს უთხოვია, პირი ნოტრ-და-მის ტაძრის სამრეკლოთა მხარეს მაქნევინეთო.

ესპანეთმა კი, რომელიც სწორედ ამ დროს ბრძოლას — რეკონს-კისტას — ეწეოდა მავრთა წინააღმდეგ იბერიის ნახევარკუნძულის დასაბრუნებლად, შესაძლებლად მიიჩნია მთელი ევროპიდან აქ თავმო-ყრილ ტამპლიერთა შეკედლება. და მალე ტაძრის რაინდნი სხვა ესპანურ რაინდულ ორდენებში გაერთიანდნენ. ამ ორდენთა შორის სანტიავოს ორდენი ლოცვამავალთა უსაფრთხოებაზე აგებდა პასუხს.

აი რა აზრები მიტრიალებდა თავში, როცა ზუსტად საღამოს შვი-დზე ტაძრის ძველი კოშკის მთავარ ჭიშკარში შევედი, რომელ კოშკშიც შეხვედრა მქონდა დანიშნული.

არავინ არა ჩანდა. ნახევარი საათი ვიყურეუტე; სიგარეტს სიგა-რეტზე ვეწეოდი, სანამ არ გადავწყვიტე, რომ ნამდვილად დრო ამერია — ცერემონია დილის შვიდისთვის, ანუ ხვალისთვის ყოფილა-მეთქი დანიშნული. მაგრამ ის იყო წასვლა დავაპირე, რომ ორი მავანი ჭაბუ-კი გამოჩნდა, ხელთ ერთსაც პოლანდიური დროშა ეჭირა, მეორესაც, ხოლო სამოსელზე ნიჟარები — სანტიავოს გზის სიმბოლოები ჰქონ-დათ ამოქარგული. ისინი მომეახლოვნენ, დავილაპარაკეთ და მივხვდით, რომ ერთსა და იმავე ამბავს ვუცდიდით. შვებით ამოვისუნთქე, რახან დავრწმუნდი, არც არაფერი არ ამრევია-მეთქი.

ყოველ თხუთმეტ წუთში ერთხელ მოდიოდა ახალი სტუმარი — ჯერეთ ავსტრალიელი მოვიდა, მერე ხუთი ესპანელი, კიდევ ერთი პო-

ლანდიელი. თუ ცერემონიის დროის თაობაზე რამდენიმე ურთიერთშეკითხვას არ ჩავთვლით, — თურმე მარტო მე არ მაწუხებდა ეჭვი, — ერთმანეთში საუბარი არ გაგვიბამს. ყველანი ერთად დავსხვდით ნახევრად მიმონგრეულ პატარა ეზოში, სადაც ადრე სახორავე ჰქონოდათ, და დაცდა გადავწყვიტეთ, ვნახოთ, შემდგომ რა მოხდება. უნდა არცვის არ უნდა მოგვეცვალა თუნდაც კიდევ მთელი ერთი დღე და მთელი ერთი ღამე გეცადა.

მაგრამ რამდენადაც მოლოდინი კარგა ხანს გაგრძელდა, ლაპარაკი მაინც ჩამოვარდა იმის თაობაზე, თუ ვინ რა მიზეზით ვიყავით აქ მოსული. აი მაშინ შევიტყვე, რომ სანტიაგოს გზას ბევრი ორდენი იყენებდა, უმეტესად ტრადიციასთან დაკავშირებული. აქ მოგროვილ ხალხს გამოვლილი ჰქონდა ინიციაციათა მრავალი გამოცდისა და წეს-ჩვეულების დარღვა, რასაც მე ძალიან დიდი ხნის წინათ გავეცანი ბრაზილიაში. ასე რომ პირველი გზის უმაღლეს ხარისხს მხოლოდ მე და ავსტრალიელი ვეძიებდით. ის წვრილმანებს არ იყო გამოდევნებული, მაგრამ მივხვდი, რომ იმისი რიტუალები ძალიან განსხვავდებოდნენ RAM ორდენის რიტუალთაგან.

და დაახლოებით 8:45 რომ გახდა, როცა ბოლოსა და ბოლოს თავი მოვიყარეთ, რათა თითოეული ჩვენგანის ცხოვრებაზე გვესაუბრა, გონგსაც დაჰკრეს. ხმა კოშკის ყოფილი საუბანოდან მოისმა და ჩვენც ყველანი იქით გავეშურენით.

რაც იქ მოვიხილეთ, ყოველივემ ძლიერი შთაბეჭდილება მოახდინა. საუბანო, — ანუ ნაოხარი, რადგან მარტო ნანგრევებილა იყო დარჩენილი, — უამრავი კერეონით გაენათებიანათ. იმ ადგილას, სადაც ოდესღაც საკურთხეველი იდგა, ფოლადის ჩაფხუტიანები და ჯაჭვის პერანგები გაჯგიმულიყვნენ. შვიდნი იყვნენ, შვიდივენი მახვილ-დარაკიანები. სუნთქვა შემეკრა: მომეჩვენა, რომ დრო უკან წაედინა, და ერთადერთი, რამაც ჩვენს სინამდვილეში დამაბრუნა, ჩვენი საკუთარი ტანსაცმელი იყო — ჯინსები და ნიჟარებამოქარგული პერანგები.

კერეონთა მკრთალ შუქშიც კი შვიდ ტამპლიერთაგან ერთ-ერთში პეტრუსი ვიცანი.

— თქვენ-თქვენს მოძღვრებთან მიდით, — წარმოთქვა ყველაზე უფროსი ვინცა ჩანდა, იმან. — მარტო იმათ უყურეთ თვალებში. განიცადრცვენით და იბოძეთ ახალი სამოსელი.

მე პეტრუსს მივეახლოვე და თვალებში შევხედე. ის ერთგვარ ტრანსში იყო და, მგონი, ვერც მიხვდა, წინ ვინ ვედექი. თუმცადა თვალებში ნალველი ამოვუკითხე — სწორედ ის ნალველი, წინა ღამეს ხმაში რომ უჟღერდა. განვიძარცვე, და პეტრუსმა სურნელნაპკური ტუნიკა გამომიწოდა, წარმდინარე, ანუ, როგორც ძველები იტყოდნენ, სამოსელი გრძლადმთრევი. ვიფიქრე, ამ მოძღვართაგან ერთ-ერთს ერთზე მეტი მოწაფე უნდა ჰყავდეს-მეთქი, მაგრამ სახელდობრ რომელს, ვეღარ შევამოწმე, რადგან პეტრუსს წაბზირებულ თვალს ვერ ვაცილებდი.

მღვდელმთავარმა საუბანოს შუაში გასვლა ინება ჩვენი, ხოლო ორმა რაინდმა ლოცვა-კურთხევით მაგიური წრის შემოხაზვა დაიწყო:

— ტრინიტას, სოზერ, მესია, ემანუელ, საბახ, ადონია, ათანატოს იესო...

და მალე, ჩვენი უცილო დაცვის ნიშნად, წრე შეიკრა. წრის შიგნით რისთანავე შევამჩნიე, რომ ოთხნი შემოსილნი იყვნენ თეთრი ტუნიკებით, რაც იმას ნიშნავდა, რომ სრული უბიწოების აღთქმა ჰქონდათ დეპუტი.

წრის შიგნით
ტუნიკები
ქონდათ
დეპუტი

— ამიდეს, თეოდონიას, ანიტორ, — წარმოთქვა მღვდელმთავარმა. — ანგელოზებრივი ძალით, უფალო, ვიმოსები ხსნის სამოსლით და დაე ყოველივე, რასაც კი ვისურვებ, აცხადდეს შენის ნებით, სამგზის წმინდაო ადონაი, მარადიულიმც ყოფილიყოს მეუფება შენი.

და მან ჯაჭვის პერანგზე თეთრი ლაბადა მოისხა, რომლის მხარზედაც ტაძრის ორდენის წითელი ჯვარი იყო ამოქარგული. დანარჩენ რაინდთაც იმის მაგალითს მიჰბაძეს.

ზუსტად ცხრა იყო — დადგა მერკურის, ღვთაებრივი მაცნის საათი. და კვლავ ტრადიციის წრის შუაში ვიდექი. საუამნოში კეთილსურნელებას აკმევდნენ — გუნდრუკს, რეჰანს, პიტნას. დაიწყო დიდი შელოცვა, გრძნებით შეკვრა, ჩხიბვა. სუყველა რაინდი ერთპირად წარმოთქვამდა:

— დიდო და ძლევამოსილო მეფეო ნ., რომელიცა ზენაარსის ნებითა ზეობ მთისა და ბარის ყოველთა სულთა ზედა, და მეტადრე — აღმოსავლეთის მეუფების ჯოჯოხეთურ ორდენსა ზედა, გაფიცებ (გამოტოვებულა), გამოჩნდი და აღასრულე ნება ჩემი, როგორც არ უნდა იყოს იგი, ზენაარსისა და, თუკი რამ სუფევს ზეცასა შინა, დედამიწასა ზედა და ქვესკნელსა შიგან, ყოვლისა დამბადებლის, შემოქმედისა და მბრძანებლის ძლიერებითა.

ღრმა სიჩუმემ მოგვიცვა ყველანი და, მართალია, ვერ ვხედავდით, მაგრამ მაინც ვიგრძენით იმისი იქ ყოფნა, ვისაც გამოუხმეს. ამგვარი იყო საიდუმლოს კურთხევა, ნიშანი, რომელიც მაგიურ რიტუალთა განგრძობის უფლებას გვაძლევდა. მსგავს ცერემონიებში მრავალგზის მიმელო მონაწილეობა და იმათი შედეგები მუდამ ბევრად განსაცვიფრებელი იყო, ვიდრე ახლა, ამჯერად. მაგრამ, ეტყობა, ტაძრის კოშკის საუამნომ ცოტა შემიფუცხუნა წარმოსახვა, რადგან დარწმუნებული ვიყავი, რომ ვხედავდი, როგორ დაქარქარებდა საუამნოს მარცხენა კუთხეში თითქოსდა წინათ არცროდის ჩემგან არნახული უცხონაკრტენიანი რამ ფრინველი.

მღვდელმთავარს მაგიური წრე არ გადმოუბიჯებია, ისე გვასხურა აიანმა. მერე წმინდა ტუშით იატაკზე ის 72 სახელი გამოიყვანა, რომელთაც ტრადიციაში ღმერთს უხმობენ.

და სუყველამ — ლოცვადმავალთაც და რაინდთაც — დავიწყეთ ამ წმინდა სახელთა წარმოთქმა. კერუონთა აღს ტკაცატკუტი გაუდიოდა, და ეს იმის ნიშანი იყო, რომ სული, რომელსაც ვულოცავდით, გვემორჩილებოდა.

დადგა ცეკვის ჯერიც. ახლალა მივხვდი, რატომ მასწავლა პეტრუსმა წინააღმდეგ სრულიად სხვა ცეკვა. ეგზომ განსხვავებული იმისაგან, რომელსაც მიჩვეული ვიყავი ცერემონიის ამ ეტაპზე.

წესები ჩვენთვის არცვის არ უკარნახია, მაგრამ თითოეულმა თავადაც იცოდა, რომ არ შეიძლებოდა ამ დამცველი წრედან გასვლა, რადგან, რაინდთაგან განსხვავებით, არც ერთს სამოსელში მისთვის პერანგი არ გვეცვა. თვალთ გავზომე წრეხაზის რადიუსი და სუსტად ისე მოვიქეცი, როგორც პეტრუსმა მასწავლა.

და დავიწყე ბავშვობის მიმოგონება. სადღაც სულის სიღრმეში ქალის შორეული ხმა ამიბგერდა, ქალი იმ სიმღერას ღიღინებდა, რომელსაც ფერხისას აყოლებენ. მუხლი მოვიყარე, მოვიბლუნძე, ღივს რასმე დავიმსგავსე თავი და მალე ვიგროძენი კიდევ, როგორ ამითამაშდა მკერდი — ჯერეთ მარტო მკერდი, რახან სახადელზე ვიყავი მოსული, სრულად მივენდე ტრადიციის რიტუალს.

მაგრამ აი მულოდია ჩემ შიგან შეიცვალა, მოძრაობაც მკვეთრად ამიჩქარდა და თავდავიწყება დამეწყო, აღტყინებამ შთანთქა. ყოველივე წყვდიადში დაიძირა და სხეული შემიმჩატდა, გამიუწონავდა. ფრთაშესხმულმა აგატის ტბის აყვავებული მინდვრების თავზე გავინავარდე და იქ შევხვდი პაპაჩემსა და ბიძაჩემს — ჩემს ბავშვობაში ერთ-თავე ძალიან ბევრს ნიშნავდა ჩემთვის. თვალდათვალ ვიჭერდი, რარიგ იძვროდა დრო, გზათა დაძონძილ ქსოვილში შეფუთული, რომელი გზანიც ერთმანეთში ირეოდნენ, ურთიმეორეში გადად-გადმოდიოდნენ, სხვაობით თუმცა სხვაობდნენ, ოღონდ ბოლოს მაინც ერთი მთლიანობა ხდებოდნენ.

მცირე რამ დროის შემდეგ წითლად გაბღვრიალებულმა ავსტრალიელმა ჩამიქროლა.

მომდევნო ხატი, მთლიან სახედ რომ მომეველინა, ზიარებისთვის განკუთვნილი ჯამფილა იყო და დისკოსი — ლანგარი, რომლითაც წირვის ჟამს მღვდელი მრევლს წმინდა ძღვენს, შესაწევარს ნაწილ-ნაწილ ურიგებს — და ისე ღიღბანს მედგა ის თვალწინ, თითქოს რალაცის თქმა უნდოდა ჩემთვის. ერთი პირობა ამ სახის გაშიფვრაც კი დავაპირე, მაგრამ ვერ შევძელი, თუმცა არც ვეჭვობდი, რომ რალაცნაირად ჩემს მახვილთან იყო დაკავშირებული. მერე დავინახე, როგორ გაიელვა RAM ხანჯლის შვილმა წყვდიადში, ჯამფილისა და დისკოსის გაქრობის შემდეგ რომ ჩამოწვა. ხანჯლის შვილის პირი მომეახლოვა და ჩვენგან გამომხობილი სულისა და ჩემი ძველი ნაცნობის სახედ იქცა. ოღონდ ამასთან, ამ სახესთან, არანაირი კავშირი არ წარმოქმნილა, და ესეც წყვდიადში შთანთქა, რომელი წყვდიადიც ხან ჩნდებოდა და ხან ქრებოდა.

არ ვიცი, რამდენ ხანს გავგრძელდა ეს ცეკვა. მაგრამ აი უეცრად ხმა გაისმა:

— იაჰვე, ტეტრაგრამატონ...

ტრანსიდან გამოსვლა არ მინდოდა, მაგრამ ხმა თავისას გაიძახოდა:

— იაჰვე, ტეტრ. აგრამატონ...

და მღვდელმთავრის ხმა ვიცანი. ის მეც და სუყოველ გარშემო მყოფს გვაძალებდა ტრანსიდან გაძოსვლას, რაც ჭკუიდან მშლიდა. ტრადიცია ჩემი ყოფიერების ფესვ-ბორჯად რჩებოდა, და კვლავ სინამდვილეში დაბრუნება არა მსურდა. მღვდელმთავარი კი თავისაზე იდგა.

— იაჰვე, ტეტრაგრამატონ...

თავი ველარ დავიჭირე, ნება-სურვილის საწინააღმდეგოდ მიწასე დავეშვი და ისევ პაგიურ წრეში აღმოვჩნდი, ძველი კოშკის საყამნოში. ჩვენ — ლოცვადმავალთ — ერთმანეთს გადავხედეთ. ამ გადასვლის მოულოდნელობა-უგრძნეულობამ ყველას გული გვატკინა. ავსტრალიელისთვის ძალიან მინდოდა თქმა, გნახე-მეთქი. მაგრამ თვალეზით რომ შევხვდით ერთმანეთს, მივხვდი, რომ ამის საჭიროება არ იყო. იმასაც ნანახი ვყავდი.

რაინდნი გარს შემოგვეხვივნენ და მანამდე არახუნეს ყურთასმენის წამლებად მახვილნი ფარებზე, სანამ მღვდელმთავარი არ აძრახდა:

— სულო ნ., რახან ნებასა ჩემს დაჰყე და მოხველ აქ, საზეიმო ვითარებაში გაძლევ განშორების უფლებას, ოღონდ არცრა არ უნდა ავნო და არ დააზიანო არცა მხეცი, არცა ადამიანი. წადი-მეთქი, გეუბნები, ოღონდ მზად იყავ უკან მოსაბრუნებლად პირველი დაძახებისთანავე — ოდეს ტრადიციის წმინდა რიტუალთა შესაბამად კვლავ მოგიხმობთ აქ. გაფიცებ — განგვშორდი მშვიდად და წყნარად, და დაე შენსა და ჩემს შორის მიწყვი და სარწმუნოდ განისვენებდეს საღვთო ზავი. ამინ.

წრე განიხვნა, სუყველამ დავიჩოქეთ, თავები დავხარეთ. ერთ-ერთმა რაინდმა ჩვენთან ერთად შვიდჯერ წაიკითხა „მამაო ჩვენო“, შვიდჯერვე „ავე მარია“. მღვდელმთავარმა ამას კიდევ შვიდგზის „ვესავ“ მოაყოლა. და თქვა, რომ აგრე ინება ყოვლადწმინდა ქალწულმა ხვეველმა, რომლის გამოცხადებაც იუგოსლავიაში 1982 წლიდან აღინიშნებოდა. ახლა ჩვენ ქრისტიანულ რიტუალს ვიწყებდით.

— ენდრიუ, ადექი და მოდი აქ, — თქვა მღვდელმთავარმა.

ავსტრალიელი საკურთხეველს მიეახლოვა, რომლის წინ შვიდი რაინდი იდგა.

და ერთ-ერთმა — ალბათ, იმისმა ეტიკმა — ჰკითხა:

— ძმაო, გეჭირვება თუ არა სახლი?

— დიახ, — მიუგო ავსტრალიელმა.

და მაშინ მივხვდი, რომ ტაძრის რაინდის კურთხევას ვესწრებოდით.

— უწყი თუ არა, რაოდენ მძიმეა ტვირთი იქ შემსვლელთათვის? თვით ჩემი სიცოცხლის ბოლო წუთამდე, — მიუგო ავსტრალიელმა.

— ღვთის გულისთვის ყველაფრის გადასატანად მზად ვარ და მზადს, რომ სამუდამოდ მსახური და მონა გავუხდე საუფლო სახლს, თვით ჩემი სიცოცხლის ბოლო წუთამდე, — მიუგო ავსტრალიელმა.

ამას მოჰყვა რიტუალურ შეკითხვათა მთელი წყება. ზოგთ ამ ჩვენს ამჟამინდელ წუთისოფელში უკვე დაკარგული პქონდათ აზრი, ზოგიერთი კითხვა კი გამსჭვალული იყო ღრმა რწმენითა და სიყვარულით. ენდიუ თავჩაქინდრული უპასუხებდა სუყველა კითხვას.

— ღირსეულო ძმაო, ნამეტან ბევრსა რასმე ითხოვ, რამეთუ ჩვენი რელიგიის ოდენ გარესაფარველსა ხედავ, გარსს — ლაშაშ ცხენთ და თვალმიმტაც სამოსელს, — ჩაილაპარაკა ჩემმა ეტიუმამ. — მაგრამ არ უწყვი, რაოდენ მკაცრია ჩვენი ტიპიკონი, და ამაღ შენთვის, შენი თავის ბატონისთვის, იოლი არ იქნება სხვათა მორჩილ-მსახურად ყოფნა. იმუხიათაღლა თუ შეიძლებ საკუთარი ჭკუით რისამე ქაჯის. შენ აქ დარჩენა გენდომება, მაგრამ ზღვას აქეთ დაგატოვებინებენ, შენ აკრა შეგიყვარდება, მაგრამ ტრიპოლის ანტიოქიის ანდა სომხეთის გზას გაგიყენებენ. და ოდეს საძილედ მოგიკვდება თავი, მთელი ღამის თეთრად გათენება მოგიწევს, ხოლო როს ძილი არ გენდომება, დაწეჟი და დაიძინეო, გიბრძანებენ.

— საუფლო სახლის ჭერქვეშ ყოფნა მწადს და რა ვქნა, — მიუგო ავსტრალიელმა.

მეჩვენებოდა, რომ გარდასულ დროთა რაინდნი, ოდესღაც ამ კომკის ბინადარნი, კეთილი თვალით უმხერდნენ კურთხევის ცერემონიას. კერეონთ განუწყვეტლივ გაჰქონდათ ტკაცატკუცი.

ავსტრალიელი, რომელსაც კიდევ რამდენიმეჯერ შეეკითხნენ გამაფრთხილებლად, სულ ერთსა და იმავეს იმეორებდა, არცრა განსაცდელს არ ვუფრთხი, რამეთუ ჩემი სურვილია საუფლო სახლის ჭერქვეშ ყოფნაო. ბოლოს ავსტრალიელის ეტიკა მღვდელმთავარს მიუბრუნდა და გამოსაცდელის ყველა პასუხი გაიმეორა. მაშინ მღვდელმთავარმა დიდი ამბით ჰკითხა ენდრიუს, თანახმა ხარ თუ არა რომ ამა სახლის სუყოველ წესს და რიგს დაემორჩილოო.

— დიას, მოძღვარო, თანახმა ვარ, უკეთუ ღვთის ნება იქნება. მაშაზეცაერის წინაშე, თქვენსა და ძმათა ჩემთა წინაშე მორჩილად გთხოვთ და უფლისა ჩვენისა და ყოვლადწმინდა ქალწულის სახელით მოგიწოკებთ, რომ თქვენი საზოგადოების წყალი გადამასხათ და მომფინოთ ამა სახლის სულიერი მადლი, როგორაც რომ ყოველ ადამიანს, ვისაც აქ მსახურად და მონად ყოფნა სწადს აწ და მარადის, თავისი სიცოცხლის ბოლომდე.

— უფლისა სიყვარულის გულისთვის შემოიყვანეთ ჩვენს საზოგადოებაში კაცი ესე, — ჩაილაპარაკა მღვდელმთავარმა.

ამის თქმა იყო, და რაინდთ მახვილნი იშიშვლეს და ცად ალაპყრეს. მერე დაუშვეს, ენდრიუს თავის გარშემო ფოლადის გვირგვინისდამავარი რამ წარმოქმნეს. კერეონთა ბრიალში მახვილთა პირთ ოქროსფად დაიწყეს ბღღვრიალი, და რაც აქ ხდებოდა, ყველაფერმა მღვდელმსახურების ხასიათი შეიძინა.

მოძღვარი მედიდურად მიეახლოვა ავსტრალიელს და მახვილი გაუწოდა.

ვილაცამ ხარი დაარისხა და ძველი კომკის კამარებქვეშ რეკვის ნახმევი დაირხა. სუყველამ თავი დავხარეთ, და ამის გამო რაინდნი თვალთაგან დაგვეკარგნენ. და როს თავი ისევ წამოვწიეთ, ათნილა ვიყავით დარჩენილი — ავსტრალიელი რაინდთ გაჰყოლოდა რიტუალურ ნადიმზე.

სამოსელი გამოვიცვალეთ და ერთმანეთს შინაურულად დავემშვიდობეთ. ცერემონია გვარიანად გაჭიანურებულიყო — უკვე თენდებოდა. ჩემი სული უსახლვრო მართობამ მოიცვა.

ვიდექი და შევნატროდი ავსტრალიელს, რომელმაც თავისი მახვილი დაიბრუნა და გზის ბოლოს მიადწია. მე კი კენტად ფაქრჩიულად ამიერიდან აღარც ვინმე ეტიკობას გამიწევდა და აღარც ვარსკვლავს წარმართავდა, რადგან ტრადიციამ — სამხრეთ ამერიკის ერთ-ერთ შორეულ ქვეყანაში არსებულმა, — უარმყო, მომიწყვიტა, ხოლო უკან დასაბრუნებელი გზა არ მიმასწავლა. და თუმცა სანტიაგოს უცხოგვარ გზას კი ვიყავი ადევნებული, რომელიც წართლაც სიარულმა დალია, მაგრამ ვერც ჩემი მახვილის საიდუმლო და ვერც იმისი პოვნის ხერხი ვერ შევიტყვე.

ზარი კი ისევ რეკავდა. კოშკიდან რომ გამოვედი, — უკვე კარგა გათენებული იყო, — მივხვდი, რომ რეკვა მახლობელი ეკლესიიდან ისმოდა და მრევლს ცისკრის ლოცვაზე უხმობდა. ქალაქი თვალებს იფშვნეტდა, იფხიზლებდა და ემზადებოდა სამუშაო კვირისთვის, უიღბლო სიყვარულისთვის, შორიელი ოცნებებისთვის, გაუსწორებელი ანგარიშებისთვის. და არც ზარს, არც ქალაქს აზრადაც არ მოსდიოდათ, რომ ამ ღამეს კიდევ ერთხელ გაიმართა ძველი რიტუალი და, რაც ასწლეულთა მანძილზე მკვდრად ითვლებოდა, ყოველივე კვლავ განაგრძობდა სიცოცხლეს, განახლებას და ადასტურებდა თავის მოურეველ ძალულობას.

ს ე ბ რ ე ი რ ო

— პილიგრიმი ხართ? — მკითხა პატარა გოგომ, გოგუცანამ, რომლის გარდა ამ პაპანაქება გადაშუადღევებულზე ვილიაფრანკა-დელ-ბიერსოს თითის სიგრძე ქუჩა-შუკაში ადამიანის ჭაჭანება არ იყო.

ხმა არ გამიცია, ისე შევხედე. გოგუცანამ — აბრანძული, თვალად რვა წლისა იქნებოდა — შადრევანთან მოირბინა, სადაც სულის მოსათქმელად ჩამოვჯექი.

ერთადერთი ჩემი საზრუნავი ის იყო, რაც შეიძლება რომ მალე მივსულიყავი სანტიაგო-დე-კომპოსტელაში და დამემთავრებინა ეს ჩემი ახირებული ხეტიალი. ვერა და ვერ ვივიწყებდი კოშკში ცერემონიის დროინდელ პეტრუსის ნაღვლიან ხმასა და გაუცხოებულ მზერას — მეჩვენებოდა, რომ რაც რამ იმან ჩემს დასახმარებლად იღონა, ყველაფერმა ფუჭად ჩაიარა. ავსტრალიელს საკურთხეველთან რომ მიუხმეს, უცებ რწმენა გამიჩნდა, პეტრუსს უნდა, რომ შემდეგი მე ვიყო-მეთქი. სულ ადვილად შეიძლებოდა ჩემი მახვილის ამ ლეგენდებითა და ძველი სიბრძნით გაციისკროვნებულ კოშკში აღმოჩენა, რადგან ის კოშკი სრულად აკმაყოფილებდა ყველა მოთხოვნას — დგომით უკაცრიელ ადგი-

ლას იდგა, თანაც წმინდა მიწაზე, სადაც მარტო ლოცვადმავალნი თუ სვდებოდნენ.

მაგრამ საკურთხევლის წინაშე წარდგომა მარტოოდენ სესტრალი-ელს ერგო წილად. და პეტრუსმა, უნდა ვიფიქროთ, თავი დამცირებულად იგრძნო, ვინაიდან ხელგამდგარი მეგზური გამოდგა, რომელმაც თავის მეურვეობაში მყოფს მახვილი ვერ აპოვნინა.

გარდა ამისა, ტრადიციის ცერემონიამ კვლავ განმიახლა დაფარული სიბრძნის ხიბლი, რაც უკვე გულიდან გადამვარდნოდა კიდევ სანტიაგოს უცხოგვარ გზას, ანუ „ჩვეულებრივ ადამიანთა“ გზას აღევნებულს. სულელების გრძნებით შეკვრისა თუ შელოცვის ნიჭი, მატერიალური თითქმის აბსოლუტური კონტროლი, სხვა სოფელ-ქვეყნებთან კავშირი გაცილებით საგულისყურო იყო, ვიდრე RAM რიტუალები. არ გამოვრიცხავ, რომ ისინი ბევრად უფრო პრაქტიკულად წამადგებიან ცხოვრებაში; არც ის არ მაეჭვებს, რომ თავადაც კარგა გვარიანად შევიცვალე იმ დროიდან, რაც სანტიაგოს უჩვეულო გზას აველევნე. სულაც არა პეტრუსის დაუხმარებლად გავიგე, რომ შექენილი ცოდნა მშველოდა ჩანჩქერთა დაძლევაში, მტრის დამარცხებაში, მაცნე-მაუწყებლებთან პრაქტიკულ და რეალურ საგნებზე საუბარში. სხვა არა იყოს რა, მოვიხილე ჩემი სიკვდილის ხატი და ქვეყნიერების ამავსებელი ყოვლისმომცველი სიყვარულის ცისფერი სფერო და მზად ვარ სამართლიან ომში ჩასაბმელად, რათა ჩემი ცხოვრება ერთ გაბმულ ძლევათა წყებად ვაქციო.

ჩემი სულის საკმაოდ დიდი ნაწილი კი ისევ და ისევ ინატრიდა მაგიურ წრეებს, ტრანსცენდენტულ ფორმულებს, საკმლის კმევას, წმინდა საკლავს. რასაც პეტრუსი „ძველთათვის პატივის მიგებას“ აძახდა, ჩემთვის უკვე დავიწყებულ, ადრინდელ გაკვეთილებთან სამკურნალო და ფრიად გამამდიდრებელი შეხვედრა იყო. და მარტო იმის გაფიქრებაც კი, რომ ვაითუ სამუდამოდ, ხელგამოუბრუნებლად დამკარგოდა ამ სამყაროსთან მისადგომი ადგილი, თავგზას მიბზევდა და მრევდა.

ცერემონიის შემდეგ სასტუმროში რომ დავბრუნდი, პორტიემ ნომრის გასაღებთან ერთად „პილიგრიმის გზამკვლევიც“ გადმომცა: პეტრუსი ამ წიგნს მაშინ იყენებდა ხოლმე, როცა ფერგადასულ ყვითელ ნიშანთ თვალი კარგად ვერ არჩევდა, არადა საჭირო იყო მანძილის განსაზღვრა ერთი ქალაქიდან მეორემდე. და დილით უკვე დავაგდე პონფერადა — მთელი ღამე არც დამიძინია — და სანტიაგოს გზას გავუდექი. დღის ბოლოს აღმოვაჩინე, რომ რუკა ზუსტი არ იყო, — და ის ღამე ღია ცის ქვეშ გავატარე, კლდის ნაპრალებში შეყუყულმა.

მეტი რა საქმე მქონდა, ვიდრე და გავლილსა და ჩავლილზე ვფიქრობდი, ყველაფერი თვალწინ დავიყენე, რაც რამ მადამ დებრილთან შეხვედრის შემდეგ თავს ვადამხდა, და ვერა და ვერ ვიმორებდი იმ ბეზარად წამოგონებულ ამბავს, თუ რა ჯიუტად ჩამაგონებდა პეტრუსი — იმის საწინააღმდეგოდ, რასაც მუდამ გვასწავლიდნენ და ჩავგჩინებდნენ, — მთავარი მხოლოდ შედეგიაო. რაოდენ ფარსავი და საჭიროც არ უნდა იყოს ძალისხმევა, ყოველგვარი აზრი ეკარგება, თუ

შედეგს რასმე ვერ მივალწევთო. ჩემი ამდენი ხეტიალისა და ნანახ-განცდილის შედეგი კი მხოლოდ და მხოლოდ ერთი რამ შეიძლებოდა რომ ყოფილიყო — ჩემი მახვილის პოვნა. ის კი არა და არა ჩანდა. ამასობაში სანტიაგომდე ორიოდ დღის სავალია რჩებოდა.

— თუ პილიგრიმი ბრძანდებით, შენდობის ელამონთან, ^{ფრუქტულოზი} რიბჭესთან მიგიყვანთ, — არ შეშვებოდა პატარა გოგო. — ^{ბიჭაჭიჩიჩიჩიჩი} კარიბჭეში გაივლის, უკვე შეუძლია, რომ სანტიაგოში აღარც წავიდეს.

აჰა, შენ რამდენიმე პესეტი-მეთქი, ცოტაოდენი ფული გავუწოდე პატარა გოგოს, რათა ჩემთვის თავი დაენებებინა და თავის გზას სწეოდა. მაგრამ საქმეში ხარ! მან შადრევნის ჭავლს დაუწყო თამაში და იმდენი ქნა, ხალთაგუდაც დამისველა და ბერძულებიც.

— წავიდეთ, წავიდეთ... — ერთსა და იმავეს იმეორებდა პატარა გოგო.

და ზედდატანებაზე წამომავიდა პეტრუსის ერთ-ერთი საყვარელი გამონათქვამი: „მხვნელმა უნდა ხნას იმედით, მლეწავმა კი — წილის იმედით“. ეს იყო სიტყვები მოციქულ პავლეს წერილიდან.

და მაინც, ცოტა კიდევ საჭირო იყო ბრძოლა. ძებნა-ძიების ბოლომდე გაგრძელება და დამარცხების შიშზე გამარჯვება. მახვილის პოვნის იმედის შენარჩუნება. საიდუმლოს ამოცნობა.

და — ვინ იცის? — იქნებ ეს პატარა გოგო ისეთი რამის თქმას ცდილობდა, რისი გაგებაც არამც და არამც არ მენიაზებოდა. და შენდობის კარიბჭემ, ეკლესიაში დაყენებულმა, ეგება მართლაც ისეთივე სულიერი შემოქმედება მოახდინოს, როგორსაც სანტიაგოში მისვლა მოახდენდა. ანდა ჩემი მახვილი თუ სულაც იქ არის?

— კარგი წავედით, — ვუთხარი პატარა გოგოს.

მერე მთას გავხედე, საიდანაც ის-ის იყო დავეშვი: კვლავ უნდა ამეველო, ამეალმართებინა. აქეთ მომავალმა ის შენდობის ელამონი კი გამოვიარე, ოღონდ არ დავგულისყურებულვარ, რამეთუ ჩემი ერთადერთი მიზანი სანტიაგოში მისვლა იყო. და აი ახლა, ზაფხულის ამ გავარვარებულ საღამოს, გზად შავანი გოგუცანა გადამეყარა, რომელიც აგრე ჯიუტად ისევ უკან მეწევა იმის გასაგებად, რაც ჩემი თვალფენობის, ანუ ყურადღების ღირსადაც არა ვცანი. იქნებ მოჩქარეობამ და სულით დაცემამ მიხიბანეს და ამაცდინეს ჩემი მსხეობა-მოგზაურობის მიზანს? ბოლოს და ბოლოს, ფული რატომ არ გამომართვა და არ გაიქცა, თავის გზას არ ეწია პატარა გოგო?

პეტრუსი სულ იმას მეუბნებოდა, მეტისმეტად აღვირაწყვეტილი წარმოსახვა გაქვსო. მაგრამ ის რა, შეუმცდარი ხომ არ არის!..

პატარა გოგოს აღევნებული გზადაგზა შენდობის ელამონის ამბავს ვიხსენებდი. ვინაიდან ამ ადგილიდან მოკიდებული კომპოსტელამდე გზა მთის ხევხუვებს მისდევდა და ძნელად სავალი იყო, ეკლესია თითქოსდა ერთგვარად გაურიგდა ლოცვადმავალთ. XII საუკუნეში რომელიღაც პაპმა რომისამ განაცხადა: ვისაც სნეულებისა თუ სხვა რამ მიზეზისა გამო გზის განგრძობის თავი არა აქვსო, საკმარისია, რომ შენდობის ელამონი გაიაროს და ისევე მიეტევეს და შეენდობა

ცოდვები, როგორც კომპოსტელაში მისულთ. ვითომც ჯადოსნური რამ ჯოხი გაექნოს, ისე იოლად გადაწყვიტა იმ დალოცვილმა პონტიფიკემ ხიფათიანი მთის გზების პრობლემა და ახალ მსხემ-ლოცვად მავალთ შეასხა ფრთები.

იმავე ბილიკით მივუყვებოდით, რომელთაც სულ ახლაც მოვდევიდი, — მიხვეულ-მოხვეულთ და დაცერებულთ. პეტრუსმა ვინ ისეთი წარმოუდგენელი სიმკვირცხლით მიხტოდა, რამდენიმეჯერ ვთხოვე კიდევ, ცოტა უფრო ნელა იარე-მეთქი. თავიდან მისმენდა, მაგრამ ძალიან მალე კარგავდა სიჩქარის შეგრძნებას და კვლავ დოსტორივ იწყებდა ფრენას. და ჩემი გაუთავებელი ჩივილ-წუწუნისა და თხოვნა-მოთხოვნის შემდეგ ნახევარ საათში მივატანეთ შენდობის კარიბჭეს.

— ეკლესიის კლიტე მე მაქვს, — თქვა პატარა გოგომ. — მე პირველი შევალ და კარიბჭეს გაგიღებ, რათა იქიდან შემოხვიდე.

გოგონა შიგნით შევიდა, მე კი გარეთ დავიწყე ტორლიალი. ეს ეკლესიაც არ იყო, უფრო მცირე ეგვიტერი თუ ეთქმოდა, და ჩრდილოეთისკენ მიქცეული კარი ნიჟარებითა და წმინდა იაკობის ცხოვრების სცენებით ჰქონდა შემკობილი. საკლიტეში კლიტე რომ გაჩხაკუნდა, სად იყო, სად არა, ვეება გერმანული ქოფაკი გაჩნდა, მომეახლოვა და ჩემსა და კარიბჭის შუა აღმოჩნდა.

მთელი ტანსხეული უმალ დამეძაგრა, საბრძოლველად განმეწყო. „ისევ, — გავიფიქრე, — ჩანს, ამ ამბავს დასასრული არ ექნება. კვლავ განსაცდელი, ჭიდილი, დამცირება. მახვილზე კი ერთი გადაკრული სიტყვაც არ ისმის“.

მაგრამ უცებ, როგორც ძველად იტყოდნენ, განიხვნა შენდობის კარიბჭე და ზღურბლზე პატარა გოგო გამოჩნდა. ქოფაკის დანახვისას, რომელიც თვალში თვალგაყრილი მიმწერდა, მან რამდენიმე ალერსიანი სიტყვა წარმოთქვა, და ძალღს ერთბაშად დაუცხრა მძვინვარება. კუდი ააქიციანა და ეკლესიაში შერგო თავი.

ვინ იცის, პეტრუსი იქნებ სწორია და მართლაც ნამეტანს ვოცობობობ? ჩვეულებრივი გერმანული ქოფაკი წამს ზებუნებრივ მხეცად გარდავსახე და საფრთხე დავინახე. ეს კარგის მომასწავებელი არ უნდა იყოს, უცილოდ დაღლილობის ნიშანია, რომელ დაღლილობასაც მარცხთან მივყავართ.

თუმცაღა, იმედი ჯერეთ კიდევ არის. გოგონამ უკან გამიყოლა. ვგრძნობდი, როგორ მევსებოდა მოლოდინით გული, და აგრე გადავაბიჯე ზღურბლს, რაც იმას ნიშნავდა, რომ მეც ისევე შემენდობოდა და მიმეტევებოდა ცოდვები, როგორც სანტიაგოს გზას დამწყემსებულ სუყოველ მსხემსა და ლოცვადმავალს.

იმ ერთი საგნის ძებნა-ძიებაში, რომელიც აგრერიგად მაგულისყურებდა, სულ მივჩხრიკ-მოვჩხრიკე თვალით მთელი ტაძარი, სადაც ერთი რა არის, ერთი წმინდანის აღაღმაც კი არ იდგა.

— აქ თქვენ ხედავთ, რომ სვეტისთავებს ნიჟარის სახე აქვთ, — ექსკურსიამძლოლის ხმით დაიწყო პატარა გოგომ. — წმინდა აგედას ხატი განეკუთვნება...

და ძალიან მალე მივხვდი, რომ სულ ტყუილად ამოვბრუნდი აქ.

— ეს კი წმინდა იაკობ მეომრის ხატია, სპათაგანის. ხედავთ მახვილი მოუღერებია და თავისი ცხენის ფლოქვით ათელინებს მავრთ. ქანდაკება შექმნილია...

დიახ, ეგ სანტიაგოს მახვილია, ოღონდ არა ჩემი. მე კიდევ დენიმე პესეტი გავუწოდე ჩემს თანამგზავრს, მაგრამ მან არც თვა. ცოტა არ იყოს, გაწყრა კიდევ, ახსნა-განმარტებას შეეშვა და, მიბრძანდითო, მითხრა.

კვლავ დავითავდალმართე და კომპოსტელას მხარეს წავედი. ვილიაფრანკა-დელ-ბიერსოს ერთ დღეში მეორედ რომ ვკვეთდი, გზად კაცი ვინმე შემომხვდა, რომელმაც მითხრა, ანხელი* მქვიათო, და მკითხა, წმინდა იოსებ სასწაულმოქმედის ტაძრის ნახვას ხომ არ ისურვებდიო. ანხელის სახელის მაგიამ, ცხადია, თავისი შემოქმედება იქონია, მაგრამ ჯერეთ წინა იმედის გაცრუება არ მომენელებინა და დავრწმუნდი, რომ პეტრუსი საოცრად ერკვეოდა ადამიანებში. ადამიანებს კი ერთობ იმის გამოგონება ახასიათებთ, რაც არ არსებობს და ვერცრა სასარგებლოს ვერ სწავლობენ იქიდან, რაც თვალწინ გვიძევს.

და ახლა — განსაკუთრებით იმის გულისთვის, რათა ეს ჭეშმარიტება ერთხელ კიდევ დამედასტურებინა — დავეთანხმე ანხელს ეკლესიაში ერთად წასვლაზე. მაგრამ ეკლესია დაკეტილი დაგვხვდა, გასაღები კი ანხელმა ვერ მოიძია. მან შესასვლელის თავზე გამოკვეთილი წმინდა იოსების ქანდაკი დამანახვა, წმინდანს ხელთ დურგლის სამუშაო იარაღი ეჭირა. ქანდაკი გულდაგულ შევათვალიერე, ჩემს მასპინძელს მადლობა ვუთხარი და რამდენიმე პესეტი შევთავაზე. მან ფულზე უარი თქვა:

— როგორ გეკადრებათ, ფულის გულისთვის სულაც არ მომიყვანხართ. აქაურთ გვეამაყება ჩვენი ქალაქი.

მე კვლავ ჩემს ძველ გზას დავუბრუნდი და თხუთმეტ წუთში უკან მოვიტოვე ვილიაფრანკა-დელ-ბიერსო თავისი ქუჩებიანად, კარიბჭეებიანად და იდუმალ გიდებიანად, რომელნიც მომსახურებისთვის არაფერს არ იღებენ.

კარგა დიდხანს მიფუყვებოდი მთის გზას, — ჯაფა, იცოცხლე, მადგა, შედეგს კი მაინცდამაინც ვერ ვხედავდი. თავდაპირველად მხოლოდ ჩემს ამბებზე ვფიქრობდი — ჩემს მარტოობაზე, პეტრუსს რომ იმედს გავუცრუვებდი და შემრცხვებოდა, იმაზე, არც კიდევ მახვილზე და იმის საიდუმლოზე ფიქრი მანებებდა თავს. მაგრამ მერე პატარა გოგოსა და ანხელის სახეები დამიდგნენ თვალწინ და ფიქრმა ახლა იმათკენ გადაინაცვლა. სანამ განკერძოებით საკუთარ ამბებს ვუტრიალებდი, ეს ორი ადამიანი ყოვლის უფრო ძვირფას რასმე მძღვნინდა, რაც აგრერიგად ჰქონდა ორივეს მომადლებული — ჩემთვის არც ერთი იმურებდა თავის ქალაქის სიყვარულს და არც მეორე. თანაც სრულიად უანგაროდ. სადღაც ჩემი არსების სიღრმეში ბეუტვა დაიწყო ჯერხანად კიდევ ბუნდმა აზრმა. რაღაც ისეთმა, რაც ყველაფერს ერთად უყრიდა

თავს. პეტრუსი ყოველთვის მიმტკიცებდა, იმისათვის, რათა გავიმარჯვოთ, კანონიერ ჯილდოზე ფიქრი უაღრესად აუცილებელიაო. და მუდამ, როცა კი სრულიად სოფელ-ქვეყანა მავიწყდებოდა და მახვილის გარდა სხვა აღარცრა მახსოვდა ხოლმე, ჩემი ეტიკი აუტანელ გამოცდას რასმე მიწყობდა და ნიადაგ ისევ სინამდვილის მიმართ მიმაბრუნებდა. ჩვენი მსხმეობა-ლოცვადმავლობის უამს აგებულებას უკლებლად მომხდარა.

არა, ისინი შემთხვევით, ბედიავად არ შემხვედრიან, ამ შემხვედრას აშკარა კავშირი აქვს ჩემს მახვილთან, მითქვამდა გული. და რაც კი რამ ჩემს სულში დაძირული იყო, უცებ შეირხა, შეთროლდა და გაკამკამდა. ჯერეთ, ალბათ, თავადაც არ ვიცოდი, რაზედაც ვფიქრობდი, მაგრამ ვგრძნობდი, რომ სწორ გზას ვადექი.

და ჩემი ბედის მიმართ მადლიერების განცდა დამეუფლა, რადგან პატარა ვოგოსა და ანხელს შემახვედრა: იმ ნალაპარაკეში, როგორც ისინი თავ-თავიანთ ეკლესიებზე ლაპარაკობდნენ, ყოვლისმშთანთქმელი სიყვარულის ხმა ჟღერდა. და ორივემ იმდენი ქნა, იძულებული გაგზნდი, რომ ორგზის გამეველო დღეისთვის გათვალისწინებული გზა. ამ ამბავმა კი მესხიერებიდან ამომშანთა ტრადიციის რიტუალთა სიბლი და ესპანეთის მიწაზე დამაბრუნა.

და გამახსენდა ის ახლა უკვე შორეული დღე, როცა პეტრუსმა მითხრა, პირენეებში ერთსა და იმავე ადგილას ვტრიალებთო. ნათელი სევდით გამახსენდა. ის მოგზაურობის კარგი დასაწყისი იყო — და, ვინ იცის, გამეორება ეგება იღბლიანი დახასრულის მომასწავებელიც განდეს.

ბევრი ვიარე, თუ ცოტა ვიარე, სალამოს ერთი მოხუცი გლეხის ქალის სახლს მივადექი, რომელმა ქალმაც ერთ ღამეში, თავის ჭამიანად, სათქმელადაც არა ღირს, იმდენი გამომართვა. სანამ დავიძინებდით, როგორც იტყვიან, ხან ამ მთისა ვთქვით, ხან იმ ბარისა. დედაბერმა მიაბზო, რარიგ სწამდა იესოს წმინდა გული და ზედვე ისიც დააწონა, წლეულს გვალვიანი ამინდები დაიჭირა და ზეთისხილის მოსავალმა ცოტა გვიმტყუნაო. შეჭამანდს შევექეცი, ღვინოც მივაყოლე და ადრე დავწექი დასაძინებლად.

ვგრძნობდი, რომ ჩემში მწიფდებოდა და სადაც იყო თავს იჩენდა რაღაც იდეა, და ამიტომ ბოლოსა და ბოლოს სულიერი სიმშვიდე დამეუფლა. ცოტა ვილოცე, პეტრუსისგან ნასწავლი რამდენიმე სავარჯიშო შევასრულე, მერე კი ასტრაინის გამოხმობა გადავწყვიტე.

მაცნე-მაუწყებლისთვის ახლა მაინც უნდა ჩამეწვლილა ყოველივე, რაც ნაგაზთან შეტაკებისას გადამხდა. მაშინ მან ყველაფერი იღონა, რათა ვეგნე, ხოლო ჯვრის წამოყენებისას ხელის წაშველებაზე რომ უარი მტკიცა, ჩემი ცხოვრებიდან სამუდამოდ უნდა გავაძევო-მეთქი, ვიზრახე. არადა, ხმით რომ არ მეცნო, სულ ადვილი შესაძლებელი იყო, ნაგაზთან შებმული, ამ ჩემი მაცნე-მაუწყებლის იმედად დავრჩენილიყავი, ცდუნებას ავყოლოდი და თავიც წამეგო.

— შენ ყველაფერი იღონე, რათა ლეგიონს გაემარჯვა, — ვუთხარი.

— მე ძმათა ჩემთა წინააღმდეგ არ ვიბრძვი, — მომივო ასტრაინმა.

პასუხს დიხაც ასეთს ველოდი. ამ ამბავს წინასწარ ვხედავდი ჯერეთ კიდევ დიდი ხნით ადრე — და სისულელე იქნებოდა, რომ ჩემს მაცნე-მაუწყებელზე გული მომსვლოდა იმის გამო, რატომ შეხსენებდა მათარ ბუნებას არ იცვლი-მეთქი. დიდი-დიდი ამხანაგობის გაწევად მეთქვა, თანაც ისეთ დროს და ისეთ ვითარებაში, ახლა რა დროსაც განვიცდიდი და რა ვითარებაშიც ვიყავი, სხვა რამის თხოვნას არავითარი აზრი არა ჰქონდა, ის ერთადერთ თავის დანიშნულებას მაინც არ უღალატებდა. მეც ავდექი, ხელი ჩავიქნიე ძველ ჯავრზე და სიტყვა ჩამოვაგდე სანტიაგოს გზაზე, პეტრუსზე, ჩემი მახვილის საიდუმლოზე, რომელი საიდუმლოც, როგორც წინასწარ ვგრძნობდი, უკვე სულში დამბუდებოდა. ასტრაინს არცრა მნიშვნელოვანი არ უთქვამს, მით უმეტეს, ყოველგვარ საიდუმლოზე ლაპარაკი აკრძალული აქვს. აყოლით, იცოცხლე, ამყვა, და ჩვენი ჭუკჭუკი მანამ გაგრძელდა, სანამ მოხუცმა დიასახლისმა კარზე არ მომიკაკუნა და არ შემომძახა, ძილში ლაპარაკი გცოდნიაო.

კარგ გუნებაზე გავიღვიძე, თავს მხნედ ვგრძნობდი და დილაადრიანადვე გავუდექი გზას. ჩემი ვარაუდით, საღამოსთვის უკვე გალისიაში უნდა შემებოჯებინა, სადაც სანტიაგო-დე-კომპოსტელა მდებარეობს. გზა სულ მალლა და მალლა მიიწევდა. ასე რომ მთელი ოთხი საათი გაორკეცებული სიჩქარით ვიარე, რათა ჩვეული რიტმი არ დამრღვეოდა. მივდიოდი და თან ვფიქრობდი, აი ამ მთის წვერსაც გადავივლი და თავდაღმართიც დაიწყება-მეთქი. მაგრამ თავდაღმართი არა და არა ჩანდა. ის კი არა, შორიდან კიდევ უფრო მაღალი მთები გამოძქეროდნენ. და ვიცოდი, რომ ადრე თუ გვიან სუყველა ჩემი გადასავლელი იყო. სამაგიეროდ ფიზიკური დაძაბულობა უქმ აზრებს მიფანტავდა, და თანდათან საკუთარ თავთან უჩვეულო შეხმატკბილებას ვგრძნობდი.

არა, მაინც რამდენი კაცი იქნება ქვეყანაზე, ისევ ამეკვიატა ფიქრი, ვისაც ღიმილს არ მოჰგვრის რაღაც მახვილის საძებნელად ლაჯადლებული შერევილი? ისე, კაცმა რომ თქვას, ვითომ რა, ქვეყნიერება დაინგრევა, თუკი იმ მახვილს ვერ ვიპოვი? სანაცვლოდ RAM ორდენის უკვე არაერთ პრაქტიკულ საქმეს დავეუფლე, ჩემს მაცნე-მაუწყებელს შევხვდი, ნაგაზს შევებრძოლე, საკუთარ სიკვდილს სახეში შევხედე, — ვთვლიდი სხვადასხვა დროს გადახდენილ ამბავთ და თავს ვირწმუნებდი, თუ რაოდენ მნიშვნელოვანი იყო ჩემთვის სანტიაგოს გზა. მახვილი კი მხოლოდ შედეგია. რასაკვირველია, იმიტომ დავეძებ, რომ პოვნა მინდა, მაგრამ კიდევ უფრო მეტად იმის ვაგება მსურს, როცა ვიპოვი, მერე რა უნდა ვუყო. რამეთუ უეჭველად უმაღლეს საქმეში უნდა მოვიფარგო, ისევე უნდა გამოვიყენო, როგორც პეტრუსისგან ნასწავლ სავარჯიშოებს ვიყენებდი.

და სუნთქვა შემეკრა. აზრი, რომელსაც მთელი ეს დრო ზედაპირზე ამოწვევრვა უნდოდა, უცებ აფეთქდა. ირგვლივ ყველაფერი თითქოს გასინათდა და აგაპეს დაუოკებელმა ტალღამ სულ ერთიანად დამიტბორა სული. და ძალიან, ძალიან მომიინდა, რომ პეტრუსი ჩემ გვერდით

ყოფილიყო და ის ერთადერთი მთავარი რამ გამეგებინებინა, რისი გაგებაც ჩემ შესახებ აგრერიგად ეწადა: რა ერთადერთი მთავარი რამეც დაავიკრგვინებდა სანტიაგოს უცხოგვარ გზაზე შეძენილ/შეცნობის გამოცდილებას — ჩემი მახვილის საიდუმლოს.

ეს კი, ეს საიდუმლო, როგორც რომ სუყოველი მონაპოვრის საიდუმლო, რომელი მონაპოვრის მოპოვებასაც მთელი ცხოვრება ლამობს ადამიანი, უბრალოზე უბრალო იყო და კითხვად მიტოვებულია თავში — მერე რა უნდა ვუყო ნაპოვნ მახვილს?

ამ ამბისთვის წინათ არცროდის არ შემხედავს ასეთნაირად. სანტიაგოს უჩვეულო გზას დამწყემსებულს მხოლოდ იმის გაგება მინდოდა, სად იყო ჩემი მახვილი გადამალული. და არც ვკითხულობდი, რისთვის ვეძებდი და, როცა ვიპოვი, მერე რა უნდა ვუყო-მეთქი. მთელი ჩემი სულიერი ძალმოსილება იქით იყო მიმართული და ოდენ იმას ვესწრაფოდი, ამდენი ხეტიალი დამფასებოდა, და აზრადაც არ მომდიოდა, რომ რისამე გიჟურად მნდომელი თუ მოსურნე კაცი ძალიან ნათლად უნდა ერკვეოდეს, მაინც რა უნდა, რის მნდომელია. აი, რა არის გაწეული შრომისა და გარჯისთვის საზღაურის ძებნის ერთადერთი მიზეზი, და ჩემი მახვილის საიდუმლოც ეს იყო.

პეტრუსს უთუოდ უნდა სცოდნოდა, რომ მივაგენი ამ საიდუმლოს, მაგრამ რატომღაც სავსებით დარწმუნებული ვიყავი, ერთმანეთს აღარ შევხვდებით-მეთქი. არადა, როგორ ელოდა ამ დღეს — და ვერ მოილოდინა.

მაშინ მდუმარედ მოვიყარე მუხლი, ბლოკნოტიდან ფურცელი ამოვხიე და დავწერე, რის ქმნასაც ვეპირებოდი ჩემი მახვილით. მერე ფურცელი ფრთხილად შუაზე გავაკეციე და ქვის ქვეშ შევდე, რადგან ქვა პეტრუსის სახელს* და იმისი მეგობრობის სიმაგრეს მაგონებდა. დრო, ცხადია, თავისას იზამს და ძალიან მალე მოსპობს იმ ქალაქს, მაგრამ არც იმით დაშავდება რამე, რადგან სიმბოლურად ის უკვე გადავეცი პეტრუსს.

ახლა მან იცის, რასაც მოვიშოვებ ჩემი მახვილით. მე კი ჩემი ვალი მოვიხადე იმის წინაშე.

კვლავ ავუყევი მთის კალთას, და ჩემი სულის წიაღიდან ამოფრქვეული ავაპე მკვეთრი, ხასხასა ფერებით ღებავდა მთებს ჩემ ირგვლივ. ახლა, როცა საიდუმლო ამოხსნილი იყო, ის უნდა მეპოვა, რასაც ვეძებდი. რწმენა, ურყევი რწმენა დაეუფლა მთელ ჩემს არსებას. და ჩემდა უნებურად იმ იტალიური ძელოდიის ღიღინი დავიწყე, თბომავლის საფეხურზე ჩამომჯდარ პეტრუსს რომ წამოაგონდა. სიტყვები არ ვიცოდი და ამიტომ თავად ვიგონებდი გზადაგზა. ირგვლივ არცრა სულდგმული არ ჭაჭანებდა, და, როგორც კი ხშირ ტყეში აღმოვჩნდი, უფრო ხმამაღლივ ავღიღინდი. ამ ღიღინ-ღიღინში კი მალე მივხვდი, რომ ჩემს თავში გაჩენილი იწილობიწილო სოფელ-ქვეყანასთან ჩემი ურთიერთობის საშუალება ხდებოდა, რადგან ეს სოფელ-ქვეყანა, მარტოოდენ ჩემთვის ცნობილი, რიგს მაძლევდა, მასწავლიდა და ჭკუაში მაგდებდა.

* პეტრუს (petrus) — ლათინურად ქვაა.

ეს ერთხელ უკვე გამოვცადე — მართალია, ცოტა სხვაგვარად — ლეგიონთან ჩემი პირველი შეხვედრის დროს. მაშინ ჩემში ენების ნიჭი გამოვლინდა. იქ გონის მსახური ვიყავი, რომელი გონიც იმისათვის მიყენებდა, რომ დედაკაცი გადაერჩინა, მტერი შეესაქმა და ჩემთვის სართლიანი ომის ყოვლის უფრო სასტიკი სახე ეჩვენებინა. ახლა მართალია, სხვანაირად იყო საქმე: ახლა ჩემი თავის მოძღვარი თავადვე ვიყავი და ცამყართან ლაპარაკს ვსწავლობდი.

და ყოველსავე ველაპარაკებოდი, რაც რამ გზად მხვდებოდა: ფოთოლგაცვივრულ ხის ტოტებს, წყლიან დარნებს, ადგილ-ადგილ მოდებულ ხვართქალას. ეს იყო ჩვეულებრივ ადამიანთა გაკვეთილი, რომელსაც პატარები სწავლობენ, მოზრდილნი კი ივიწყებენ. და ჩემი თანამოსაუბრენი ყურიყურ, ანუ იდუმალ მეხშიანებოდნენ: თითქოსდა რასაც ვეუბნებოდი, ყველაფერი ესმოდათ და პასუხად ყოვლისმომცველ სიყვარულს მაფრქვევდნენ. ერთგვარ ტრანსში ვიყავი ჩაძირული, და საკუთარი თავისა მეშინოდა, თუმცა ამ თავდავიწყების თამაშის დამთავრებას მანამ არ ვაპირებდი, სანამ სულ არ გამიწყდებოდა ილაჯი.

და ერთხელ კიდევ დადასტურდა პეტრუსის სიმართლე: როცა საკუთარ თავს ემასწავლებლები, მოძღვრად გადაიქცევიან.

სადილობის დროც დადგა, მაგრამ არ დავფერხებულვარ. გზად ხან ერთი სოფელი მხვდებოდა, ხან მეორე, მივდიოდი და ვდუდლუნებდი, თანაც ჩუმ-ჩუმად ვიცინოდი, და უკეთუ მავანი შემთხვევით ყურადღებას მომაქცევდა, უთუოდ იფიქრებდა, ჩანს, წმინდა იაკობის ტაძარში ამჯერად დამთხვეულნი ლოცვადმავალნი იყრიან თავსაო. მაგრამ აინუნშიც არ მომდიოდა, ვინ რას იტყოდა, რადგან სიცოცხლით ვტკბებოდი და ვიცოდი, რაც უნდა მექნა ჩემი მახვილით, როცა ვიპოვიდი.

მთელი დღე სალამომდე აგრე თავდავიწყებული მივუყვებოდი გზას და მაინც კარგად მესმოდა, სადაც მივისწრაფოდი, მაინც კიდევ უფრო სწორუტყუვრად აღვიქვამდი ჩემს გარემომცველ საწუთროს და ჩემს გამსინათებელსა თუ დამტბორავ ავაპეს. ცაზე კი ამასობაში კარგა ხნის მანძილზე პირველად წამოფუჟდა შავი, საწვიმარი ღრუბელი, და უმაღ ვუხმე წვიმას, რომელიც პაპანაქებაში გამოვლილი მომქანცველი გზის შემდეგ ნამდვილი ცხონება იქნებოდა ბუნების მხრიდან.

სამ საათზე უკვე გალისიის მხარეში შევაბიჯე და რუკაზე განვსაზღვრე, რომ ერთი მთაღა მრჩებოდა გადასავლელი — და მთის კალთაზე შეფენილ პირველსავე სოფელში დავიღამებდი, რომელ სოფელსაც ტრიკასტელა ერქვა, და დიდი მეფე ალფონს XIII სწორედ იქ ეპირებოდა ოდესმე დიდი ქალაქის აშენებას, მაგრამ სოფელი სოფლადაც დარჩა თავისი მცირე თანასახლობით.

და მივლიდინებდი, ისევ ისე ვდუდლუნებდი სოფელ-ქვეყანასთან ურთიერთობისთვის ჩემგანვე მოგონილ უცნობ კილოკავზე და ბოლო მთასაც შევუტყე, სახელად სებრეიროს. ეს სახელი ამ მთას ძველთუძველეს რომაულ ახალშენთაგან შემორჩა და სიტყვა „თებერვლის“ ნამსხვრევს რასმე შეიცავს: როგორც ჩანს, უხსოვარ დროს ამ თვეში აქ რაღაც ფრიად მნიშვნელოვანი ამბავი უნდა მომხდარიყო. ძველად ეს მთა

სანტიაგოს გზის ყველაზე რთულ მონაკვეთად ითვლებოდა, მაგრამ ახლა ყველაფერი შეცვლილია. აღმართი მართლაც კარგა გვარიანად დაცვრებული იყო, სამაგიეროდ მეზობელ მთის წვერზე აღმართული უზარმაზარი სატელევიზიო ანტენა ლოცვადმავალთ ჩინებულ ორიენტურობას უწევდა და გზა-კვალს არ არეუინებდა, რასაც წარსულში ძნელად თუ ვინმე ასცდებოდა.

ღრუბლები კი სულ დაბლა და დაბლა იწევდნენ, და ძალე, ალბათ, ხშირ ნისლში აღმოვჩნდებოდი. ტრიკასტელაში მოსახვედრად ყვითელ ნიშანთღა უნდა მივყოლოდი, ვინაიდან ანტენა სრულებით აღარა ჩანდა რძისფერ ნისლში. გზა-კვალი თუ ამერეოდა, კიდევ ერთი ღამის გატარება კი არ მომიწევდა უბრალოდ ღია ცისქვეშ, არამედ თავსხმაში უნდა მეყურეუტა, რაც კარგს არაფერს მიქადდა. სულ სხვა ამბავია, როცა წვიმის წვეთები გახურებულ თავ-პირს გიგრილებენ, სულმობრუნებულ ბუნებასთან ერთად შენც ლაღად სუნთქავ და იშვებ, თანაც იცი, რომ წინ გელოდება თბილი კერა, ღვინიანი სასმისი და ლოგინი, სადაც ლაზათიანად გამოიძინებ და ხვალ დასვენებული შეუდგები კიდევ ერთი მომდევნო მთის გადავლას. და სულ სხვაა, როცა წინ უძილო ღამეა, რამეთუ მიდი და დაიძინე, აბა, ტალახში, თუ ბიჭი ხარ. ამასთანავე სახვეველდალტობილს, ვინ იცის, რა ინფექცია შემჭროდა.

ერთი სიტყვით, სასწრაფოდ გადაწყვეტა იყო საჭირო. ან უნდა წინ შემოძრავა და მყინვარი გადამევლო, სანამ არ ჩამოხნელებულიყო, ანდა უკან უნდა მივბრუნებულიყავი ისევ იმ სოფელში, საიდანაც სულ რამდენიმე საათის წინ წამოვედი, ხოლო სებრეიროს გადავლა დილაამდე უნდა გადამედო.

სასწრაფო გადაწყვეტილების აუცილებლობა როგორც კი შევიგნე, ჩემთვის ისიც სავსებით ნათელი გახდა, რომ რაღაც უცნაური რამ შემართებოდა. რაკილა იმის რწმენა გამიჩნდა, ჩემი მახვილის მულამს მივაგენი-მეთქი, ერთგვარად გულმოცემული ვიყავი, და შინაგანი ძალა წინ მეწეოდა მყინვარისკენ, რომელიც ძალი ყოველი მხრიდან უნდა შემომრტყმოდა. და ეს გრძნობა საოცრად განსხვავდებოდა იმ გრძნობისგან, პატარა გოგოს რომ ამადევნა შენდობის კარიბჭისკენ ანდა ანხელს — წმინდა იოსებ სასწაულმოქმედის ეკლესიისკენ.

გამახსენდა, ბრაზილიაში დროდადრო მაგიას რომ ვასწავლიდი. დამსწრეთ უფრო თვალსაჩინოდ ავუხსნა-მეთქი, მაგიის დაუფლებას იმ ყველასათვის ცნობილ ამბავს ვამსგავსებდი, თუ როგორ იწაფავს ადამიანი თავს ველოსიპედის ტარების სწავლაში. მოახტები ანჩახს, თუგინდ უნაგირი თქვი, დააჭერ პედალს ფეხს და ჩამოვარდები. წამოდგები, ისევ მოახტები და ისევ ჩამოვარდები, მერე ისევ, მერე ისევ, მერე ისევ, ვინაიდან წონასწორობის უნარი თანდათანობით არ მოდის. მაგრამ უცებ შედმიწევნით ეუფლები, წონასწორობას აღარ კარგავ, და ველოსიპედიც სრულად ემორჩილება შენს ნებას. გამოცდილება არ გროვდება, ის თითქოს „რაღაცა ჯადოსნობით“ მოდის იმ დროს როცა შენ კი არ მიგყავს, არამედ, პირიქით, ველოსიპედს მიჰყავხარ, ანუ სხვა სიტყვებით თუ ვიტყვით, როცა უცებ შენში აღმოაჩენ თავის შემაგრების უნარს და აღარ ვარდები, კორპუსს საჭირო მხარეს გადახრი

ანდა პედალს უფრო მაგრად დააჭერ ფეხს, თუმცაღა გეგონა, რომ უეჭველად ჩამოვარდებოდი.

და აი მაშინ, დღის ოთხ საათზე, სებრეიროს ფერდობზე შევამჩნიე, რომ ეს სასწაული განმეორდა. ამდენი ხანი თუ მე მოვდეგდი სანტიაგოს გზას, ახლა თვითონ სანტიაგოს გზამ წამიტანა, წამაქრუნებდა მე მხოლოდ იმას ვემორჩილებოდი, რასაც ზეშთაგონებას ვუწოდებთ. და ყოვლისმომცველი სიყვარულის წყალობით, რასაც მთელი დღე განვიცდიდი იმის გამო, რომ ჩემი მახვილის საიდუმლოს ბოლოსა და ბოლოს მივაგენი, და კიდევ იმის გამო, რომ ადამიანი კრიზისულ წუთებში ნიადაგ სწორად წყვეტს გადასაწყვეტს, ნისლს პირდაპირ ეგრევე შევერიე უშიშრად.

ერთხელაც ხომ გაიფანტება-მეთქი, ვფიქრობდი ჩამოწოლილ ნისლზე და თვალგაფაციცებულ დავექებდი გზის ყვითელ ნიშნებს ქვებსა და ხის ტოტებზე. უკვე თითქმის ერთი საათი იყო, რაც ხილვადობა ლამის ნულამდე შემცირდა, მაგრამ მაინც მივლილინებდი, შიშს ვაფრთხობდი და ვიმედოვნებდი, რაღაც უჩვეულო რამ უნდა მომხდარიყო. კი არ მივდიოდი, ხშირ ნისლში მივცურავდი, მარტოდმარტო დარჩენილი მივუყვებოდი ზმანებისდამაგვარ ქვეყანას და კვლავ მოვიხილე სანტიაგოს გზა, როგორც კინოფილმი — როცა გმირი ისეთ რასმეს სჩადის, რისი თავიც არავის აქვს, ხოლო მაყურებელი დარწმუნებულია, რომ მსგავსი რამ მხოლოდ კინოში ხდება. თუმცა ეს კინო კი არა, უტყუარი სინამდვილე იყო. ტყის მდუმარება სულ უფრო გაუჯდა არემარეს, ნისლი კი უკვე ისე ხშირი აღარ იყო, მაგრამ უცნაური შუქი, რომელიც ირგვლივ ყოველსავე იდუმალებისა და შიშის ზარის ელფერსა ჰფენდა, იმის საშუალებას არ მაძლევდა, რომ დამენახა, კიდევ დიდხანს უნდა მეხეტიალა თუ არა ამ ჯანლის მორევში.

რომ იტყვიან, სიმსი არ ისმოდაო, მართლაც ისეთი სიჩუმე იდგა ირგვლივ, როცა მოულოდნელად ჩემგან მარცხნივ ქალის ხმა გაისმა. მყისვე გავჩერდი და ყური დავუგდე, იქნებ კიდევ განმეორდეს-მეთქი. მაგრამ არ ისმოდა არც ხმელი ფოთლების შარიშური, არც მწერთა ზუილ-წუილი და არც ტყისთვის ჩვეული სხვა რამ ხმა. საათს დავხედე, ექვსის თხუთმეტი წუთი იყო. ჩემი ვარაუდით, ტრიკასტელამდე ოთხი-ოდე კილომეტრი თუ იყო დარჩენილი და სრულიად ადვილად შემეძლო იქ მზიურ მისვლა.

ხოლო ციფერბლატს თვალი როგორც კი მოვაცილე, ქალის ხმა კვლავ გაისმა. და ამწუთას ჩემი ცხოვრების ერთ-ერთი ყველაზე მნიშვნელოვანი ამბის დაწყება მეწერა.

ის ხმა საიდანმე გარედან კი არა, თავად ჩემგან მოდიოდა. მკაფიოდ და ნათლად ისმოდა. თანაც, რასაც ზეშთაგონებას ვუწოდებთ, იმას უფრო და უფრო აძლიერებდა. და არც მე მეკუთვნოდა, არც ასტრაინს. თქმით მხოლოდ ის მითხრა, წინ იარე და დამემორჩილე, როგორც იტყვიან, თვალის დაუხამხამებლადო. მეჩვენებოდა, რომ პეტრუსი გაჩნდა საიდანღაც და ისევ ბრძანებასა და მორჩილებაზე ჩამომიგდო სიტყვა, მე კი ამწუთს მხოლოდ და მხოლოდ იარაღად ვიქეცი, ჩემზე გამავალი გზის იარაღად. ნისლი სულ უფრო იფანტებოდა და

თხელდებოდა, იცრიცებოდა. მარჯვნივ და მარცხნივ რამდენიმე მარტოხე მომყვებოდა, ფეხქვეშ კი ლიჭყი ნიადაგი მედებოდა და ნაბიჯს მიმოკლებდა ციცაბო აღმართი, რომელსაც უკვე საკმაოდ დიდხანს ვიყავი შეჭიდებული.

და აი ერთ წამში, მართლაც ჯადოსნურად, ~~ენის~~ ~~ნის~~ ~~დღე~~ ~~სხე~~ ~~ბოლო~~ ~~ოდ~~ ~~სულ~~ ~~გაიფანტა~~ და ჩემ თვალწინ მთის წვერზე ჯვარი ~~დაჩნდა~~ ~~დაჩნდა~~ ~~დაჩნდა~~

თვალი შევაღვლე ნისლის ზღვას, საიდანაც ის-ის იყო გამოვცურე, და ახლა მეორეს ავხედე, რომელიც ბოლქვ-ბოლქვად დამტრიალებდა მალლა თავზე. ამ ორ ზღვას შუა კი ცადაზიდული მთების მწვერვალებსა და სებრეიროს წვერს ვხედავდი. და წამერთ ლოცვის დაუძლეველმა ჟინმა დამრია ხელი. ვიცოდი, ეს ტრიკასტილასკენ მიმავალ პირდაპირ გზას ამაცდენდა, მაგრამ მაინც გადავწყვიტე მთის წვერზე ასვლა და ჯვრის ძირას ლოცვის აღვლენა. ასვლამ სრულ მდუმარებაში გავლილი ორმოცი წუთი დაიჭირა, ვდუმდი მე, და დუმდა ყველაფერი ირგვლივ. ჩემი გამოგონილი ენაკავი გულიდან გადამვარდა და უკვე ველარ მაკავშირებდა ველარც ადამიანებთან, ველარც მამაუფალთან. სანტიაგოს გზას მივყავდი და იქ უნდა მივიყვანე, სადაც ჩემი მახვილი იდო. პეტრუსი კვლავ მართალი გამოდგა.

წვერზე კი, ჯვრის გვერდით, მავანი კაცი იჯდა და რასღაც წერდა. თავდაპირველად მოჩვენება მეგონა, ცათა მოციქული, მაგრამ ზემოთაგონებამ წამჩურჩულა: არაო, — და იმწუთას თვალში მეცა კაცის სამოსელში ჩაკერებული ნიჟარა. ჩემისთანა უბრალო ლოცვადმავალი იყო, მსხემი: ჯერეთ კარგა ხანს მიცქირა, მერე კი, ჩემი გამოჩენით აფორიაქებული, გაუჩინარდა. ალბათ, ჩემი არ იყოს, ისიც ანგელოზს ელოდა აქ, მაგრამ ხელთ კაცი შევრჩი. კაცი, რომელიც ჩვეულებრივ ადამიანთა გზას მიუყვებოდა.

ლოცვის ჟინი კიდევ უფრო გამიმძაფრდა, სიტყვას კი ვერა და ვერა ვძრავდი და ჯვართან კარგა ხანს მდგარი ლვცქეროდი მთებსა და ღრუბლებს, რომელთაც ასე დაებურათ ცაცა და დედამიწაც, მარტო მწვერვალ-კინჭუსებსღა არჩევდა თვალი. ას პეტრში ქვევით ერთმანეთის გვერდიგვერდ მიმდგარი ოდა-სახლები და პატარა ეკლესია დავინახე, სადაც აქა-იქ სინათლეც გაკრთა. უკეთუ გზა ინდომებს, ჩანს, ღამის გასათევსაც ვიშოვი-მეთქი, ვფიქრობდი გულში. არ ვიცი, ეს როდის მოხდებოდა, და თუმცა პეტრუსი გვერდით აღარა მყავდა, მაგრამ უმეგზუროდ მაინც არ ვიყავი დარჩენილი. მეგზურობას თუ ეტიკობას თვითონ გზა მიწევდა.

გზააბნეულმა კრავმა მთის კალთა ამოიღმართა და ჩემსა და ჯვარს შუა დადგა. საკმაოდ შეშინებულმა დამიწყო მზერა. მე კიდევ უფრო საკმაოდ დიდხანს ვუმზერდი თითქმის სულ მთლად ჩაშავებულ ცას, ჯვარსა და ჯვრის ძირას განაბულ თეთრ კრავს. მერე როგორღაც ანაზღად მუხლის მომჭრელი დაქანცულობა ვიგრძენი, რაც ესოდენ გაჭიანურებული მთა-მთა ხეტიალისგან, ამდენი განსაცდელისა და ამდენი ჭკუის სასწავლო ვაკვეთილისგან მჭირდა. მწვავე ტკივილი, რო-

მელიც სადღაც მუცლის არეში დამეწყო, ნელინელ ყელისკენ წამოვი-
და და მშრალ, უცრემლო ქვითინად მექცა, და საცოდავად ავზლუქუ-
დი ჯვრისა და ამ თავისიანი ჩამორჩენილი კრავის წინაშე. არა, ამ
ჯვარს ჩემი წამოყენება არ ეჭირვებოდა, ამაყად აღმართული იდგა,
უზარმაზარი, მარტოსული, დრო-ჟამის ღვართქაფს შეჭიდებულნი
ყველა გაკვეთილმა, რომელიც კი სანტიაგოს გზისგან მქონდა წამო-
ღვარი, ზედმიყოლებით გამირბინა თავში, ვიდრე ერთადერთი მოწ-
მის — ამ კრავის წინაშე ვქვითინებდი გულამომჯდარი. ხოლო მერე,
როცა ბოლოსა და ბოლოს ლოცვის დაწყება შევიძელი, ვთქვი:

— უფალო, მე არა ვარ ამ ჯვარზე გაკრული, და ზედ ვერც იმასა
ვხედავ, ვინც გაკრული იყო, აწ ცარიელია და ასეთი იქნება უკუნითი
უკუნისამდე, რამეთუ ჟამი სიკვდილისა ამცდა, და ღმერთი ახლა ჩემს
სულში აღდგება მკვდრეთით. ჯვარი ასე უსაზღვრო სიძლიერის სიმ-
ბოლოა, რომელი სიძლიერეც მომადლებული აქვს სუყოველ ჩვენგანს.
აწ ეს სიძლიერე მკვდრეთით აღდგება სიცოცხლის გულისათვის, ქვე-
ყანა გადარჩენილია, და შენთა სასწაულთა მოხდენის უნარი მე შემ-
წევს. რამეთუ ჩვეულებრივ ადამიანთა გზით ვიარე და იმ ადამიანებში
აღმოვაჩინე შენი საიდუმლო. ასე რომ შენც ჩვეულებრივ ადამიანთა
გზაზე ხარ ნავალი. ამქვეყნად შენ იმისათვის მოხვედი, რათა ჩვენთვის
გესწავლებინა ის ყოველივე, ვისაც რისი თავი გვაქვს, ჩვენ კი არ ვი-
სურვით შენი მოძღვრების შესმენა. შენ გვიჩვენე, რომ დიდება და ძა-
ლა ხელმისაწვდომია სუყველასთვის, და ანაზღად მოვლენილმა იმ
დიდებად და ძალად დაგვაბრძავეს ყოველნი. და ჯვარს გაცვით არა
იმიტომ, რომ უმადურნი გამოვდექით ღვთის ძისა მიმართ, არამედ
იმიტომ, რომ ჩვენი საკუთარი შესაძლებლობის აღიარებამ შეგვაშინა.
ჩვენ ჯვარს გაცვით იმის შიშით, რომ თავად არ გავმხდარიყავით ღვთის
სწორნი. დრო-ჟამისა და ტრადიციის ზემოქმედებით შენ კვლავ
ერთ-ერთ შორეულ ღვთაებად იქეცი, ჩვენ კი ჩვენსავე კაცობრიულ
წვედრს დავუბრუნდით.

სულაც ცოდვის ჩადენა არ არის, უკეთუ ადამიანი ბედნიერი გა-
ხდება. ხუთიოდე სავარჯიშოსა და მახვილ სმენას შეუძლიათ, რომ
ადამიანს თავისი ყველაზე უფრო გაბედული ოცნებები განახორციელე-
ბინონ. მე მეტიმეტად ვცუდმედიდობდი ჩემი სიბრძნით, და ამიტომ
თითოეულისთვის მისაწვდომი გზის გავლა მაიძულე და ის აღმომაჩე-
ნინე, რაც სუყველასთვის საცნაურდება, უკეთუ ცოტა მეტი თვალთ-
ვნობით, ანუ ყურადღებით ჩაგუკვირდებით ცხოვრებას. შენ შემაგნე-
ბინე, რომ თითოეული თავისებურად ეძებს ბედნიერებას, და არ არის
ინეთი რამ ნიმუში, რომლის გადაცემა სხვისთვისაც შეიძლებოდეს. ვი-
დრე ჩემს მახვილს ვიპოვიდე, ჯერეთ მულამი გავუგე, — საიდუმლო,
რაც უჩვეულოდ უბრალო გამოდგა: საჭიროა მხოლოდ იმის ცოდნა, თუ
რა უნდა ვუყო, როცა ვიპოვი. ლაპარაკი მაქვს მახვილსა და იმ ბედნიე-
რებაზე, რომელსაც ის მახვილი განასახიერებს ჩემთვის პოვნის შემ-
დეგ.

ამდენი კილომეტრი იმიტომ გამოვიარე, რათა ის აღმომეჩინა,
რაც უკვე ადრევე ვიცოდი, — მეც ვიცოდი, და სუყველამ ვიცოდით.

განა ადამიანისთვის, უფალო, კიდევ უფრო ძნელია რამე, ვიდრე ანაზ-
დუულად იმის მიხედვით, რომ თურმე ხელეწიფება ძლიერების მიღწე-
ვა? ტკივილი, რომელიც აგრერივად მივლევს გულს და ტარივისდა
დამაფრთხობლად მაქვითინებს, ადამიანისთვის ჩვეულია პირველშექ-
ნიდანვე. ამქვეყნად ცოტა ვინმეს თუ ძალუძს მრავალშემდეგ გამარჯ-
ვების ტვირთის ზიდვა — ძალიან ბევრი უმაღლესი უარს ამბობს თავის ოც-
ნებაზე, როგორც კი იმ ოცნებას ახდენის პირი დაუჩნდება. ადამიანები
ხშირად უარს ამბობენ სამართლიან ომზეც, რომეთუ არ უწყიან, რა
უნდა უყონ თავიანთ საკუთარ ბედნიერებას, და მეტისმეტად არიან
მიბმულნი მიწიერსა და ნივთიერს. ზუსტად ისევე, როგორც მე, რომე-
ლსაც საკუთარი მახვილის პოვნა მეწადა, ოღონდ არ ვიცოდი, რა უნდა
მექნა, როცა ვიპოვიდი.

ჩემში მთვლემარე ღმერთი ნელინელ იღვიძებდა, ტკივილი სულ
უფრო მიმწვავდებოდა. და რაკი გვერდით მოძღვრის ყოფნა ვიგრძენი,
როგორც იქნა, ცრემლად ავღვარღვარდი. მადლიერება მატირებდა,
მადლიერება იმის გამო, რომ მან სანტიაგოს გზას ჩემი მახვილის სა-
ძებნელად ამაღევნა. ვტიროდი და მადლსა ვწირავდი პეტრუსს, რომ
მელმაც სიტყვის წარმოუთქმელად ჩამაგონა, რომ ოცნება აუცილებ-
ლად ამიხდებოდა, უკეთუ წინათვე განვსაზღვრავდი, რა უნდა მექნა,
როცა ჩემს მახვილს ვიპოვიდი. ვიდექი და თვალწაბზირებული ვუც-
ქეროდი ცარიელ ჯვარს. და კრავს, რომელსაც შეეძლო, სადაც უნ-
დოდა, იქ ებაკუნა ამ მთებში, და თავზევითაც მოეხილა ღრუბლები და
ფეხებქვეშაც.

კრავი წამოხეხეურდა, და მეც უკან ავედევნე, ვიცოდი, საითაც
მივყავდი, და სოფელ-ქვეყანა, თუმცაღა ნისლში გახვეული, ჩემთვის
მზესავით ნათელი შეიქმნა. მართალია, ცაზე ირმის ნახტომს ვერ ვხე-
დავდი, მაგრამ ვიცოდი, რომ ის არსებობდა და ვისთვისაც უნდა მიე-
სწავლებინა, ასწავლიდა კიდევ სანტიაგოს გზას. კრავს უკან მივდევ-
დი, ქალაქისკენ დაგეზილს, რომელ ქალაქსაც იგივე სახელი ერქვა,
რაც ამ მთას — სებრეირო. იქ ოდესღაც სასწაული მოხდა — რასაც
იქმ, იმის იმად ფერისცვალების სასწაული, რაცა გწამს. და იქნებ, სუ-
ლაც ეს იყო ჩემი მახვილისა და სანტიაგოს საოცარი გზის საიდუმლო?

და ვინემ ფერდობს ჩავდევდი, ერთი ამბავი წამომავიდა. მეზო-
ბელი სოფლიდან მავანი და მავანი გლუხკაცი არ შეეპუა იმ დღით
უცაბედად ამოვარდნილ ქარაშოტს და სებრეიროში წავიდა წირვის მო-
სასმენად. ბერი, რომელიც წირავდა, თითქმის სრულიად ურწმუნო
იყო და სულის სიღრმეში აბუჩადაც კი იგდებდა თავგანწირულ გლუხ-
კაცს. თუმცაღა ზედ ზიარების უამს პური ქრისტეს ხორცად გადაიქცა,
ხოლო ღვინო — იმის სისხლად. ეს რელიკვიები დღესაქამომდე ინახე-
ბა პატარა უბრალო ეკლესიაში, და იმათი ფასი ვატიკანის სუყოველი
განძის უმეტესია.

კრავი ცოტა შეყოვნდა, ვიდრე საზღვარს მიატანდა ქალაქისას,
სადაც მხოლოდ ერთი ქუჩა იყო, ისიც ეკლესიისკენ მიმავალი. უცა-

ბედად მოურეველმა შიშმა ამიტანა და ავიძრახდი: „უფალო, არა ვარ ღირსი, რომ შენს ჭერქვეშ შემოვიდე“. მაგრამ კრავმა ისეთნაირად შე-
 მომხედა, თითქოს მეუბნებოდა, დაანებე მაგ ლაპარაკს თავი, ნუღა
 იძახი, არა ვარ ღირსიო, — და ჩემში აღდგა ძალთაძალი, როგორც სუ-
 ყოველ ადამიანში, ვინც კი თავისი ცხოვრების სამართლიან ომში
 დაქცევას შეიძლებს. დადგება დღე — ვკითხულობდი კრავის
 ში, — როცა ადამიანი დაბრუნდება და სიამაყით აეცხება გული საკუ-
 თარი თავისა გამო, ხოლო სრულიად ბუნება განადიდებს ღმერთს, რო-
 მელიც თვლემდა ამ ადამიანში, აწ კი გამოიღვიძა.

ღიას, ყოველსავე ამას ვკითხულობდი ჩემკენ მოპყრობილი კრავის
 თვალეში, რომელი კრავიც ამჟამად სანტიაგოს გზის ეტიკი გა-
 მიხდა. წამიერ ჩემ გარშემო ყველაფერი წყვდიადმა მოიცვა და თავში
 ისეთმა სურათებმა გამირბინეს, ძალიან რომ ჰგავდნენ აპოკალიფსურთ:
 მოვიხილე დიადი კრავი ტახტსა ზედა მჯდომარე და უდანდარი, გინდ
 უთვალავი თქვი, თეთრად შემოსილი ხალხი, რომელიც თავის სამო-
 სელს კრავის სისხლით ღებავდა. აგრერიგად ხდებოდა თითოეული
 ჩვენგანის სულში მთვლემარე მამაზეციერის გამოღვიძება. მოვიხილე
 აგრეთვე მრავალი ბრძოლა-საგრობა, გაჭირვებისა და სამყაროს კატას-
 ტროფათა წლები, რომელი კატასტროფანიც უახლოეს ხანს შეარყევენ
 დედამიწას. მაგრამ ყოველივე კრავის გამარჯვებით დასრულდება, და
 თითოეული ადამიანი, რამდენიც არ უნდა იყვნენ ისინი დედამიწის ზუ-
 რგზე, მთელი თავისი ძალმოსილებით გამოაღვიძებს მთვლემარე
 ღმერთს.

და წამოვდექი, ნელი ნაბიჯით ავედევნე კრავს პატარა საყამნოს-
 კენ, რომელიც იმის მერე აეშენებინათ გლესსა და ბერს, რაც ბოლოსა
 და ბოლოს თავიანთი ხელგამომავლობა ერწმუნათ. არავინ უწყოდა,
 ვინ იყო ან ერთი, ან მეორე. ერთსაც უხედწარწერო საფლავის ქვა
 ედო, მეორესაც, — იქვე შორიახლო, უკვე ბალახგადავლილ საფლავ-
 ზე. თუმცა უცნობია, რომელი რომელი ქვის ქვეშ განისვენებს. რა-
 მეთუ სასწაულის მოსახდენად საჭიროა, რომ ორი ძალა ჩაებას
 სამართლიან ომში.

საყამნოს კარს რომ მივუახლოვდი, სულ მთლად შუქით ბღღვრი-
 ალებდა. ღიას, ღირსი ვიყავი და წამიერადაც არ მიჭოჭმანია, საყამ-
 ნოს ზღურბლს გადავაბიჯო თუ არა-მეთქი, — მივაგენი, ჩემს მახ-
 ვილს მივაგენი და ვიცოდი, რაც უნდა მექნა. და ეს აღარ იყო შენდო-
 ბის კარიბჭე, რამეთუ უკვე შენდობილი ვიყავი და სამოსელი კრავის
 სისხლით შევიღებე. აწ ოდენ ერთი რამელა მეწადა — მახვილი ხელთ
 ამელო და სამართლიან ომში ჩავბმულიყავი.

საყამნოში ჯვარი არ იყო. ხოლო საკურთხეველზე სასწაულის
 რელიკვიები ეწყო — დისკოსი და ჯამფილა, ცეკვისას რომ მოვიხილე,
 და ვერცხლის გვადრუცი, რომელშიც იესოს სისხლი და ხორცი ინახე-
 ბოდა. კვლავ დამიბრუნდა სასწაულთა მოხდენისა და იმ დაუჯერე-
 ბელ თუ გაუგონარ ამბავთა რწმენა, რომელ ამბავთათვისაც ხორცის
 შესხმა წამისად ძალუძს ადამიანს თავის ყოველდღიურ ცხოვრებაში.

ჩემი გარემომცველი მთების მწვერვალები კი თითქოს მიმტკიცებდნენ, ჩვენ იმიტომ ვარსებობთ, რათა ადამიანი ბრძოლაში გამოვიწვიოთ, ხოლო ადამიანი იმიტომ არსებობს, რათა ამ გამოწვევას ღირსეულად შეხვდესო.

კრავმა ორიდან ერთ-ერთი მერხი გვერდზე მიაცურა, მე კი წინ გავიხედე. საკურთხეველთან მოძღვარი იდგა, სახეზე მღვდლის ღიმილი ეფინა, ხელთ ჩემი მახვილი ეჭირა.

გავჩერდი. ის მომეახლოვა, გვერდზე ჩამიარა, საუბრო გადაჭრა და გარეთ გავიდა. მეც უკან მივყევი. ავად მოქურუშებულ ცას გახედა, ჩემი მახვილი ამოიწვავდა და, ხელი ვადასა ჰკარო, მიბრძანა, მერე მახვილი მალლა აღმართა და წმინდა ფსალმუნი წაიკითხა იმ კაცთა გამარჯვების თაობაზე, ვინც მიწყვიტ გზებსა კეცავს და საგრობს:

დაეცემა შენ გვერდით ათასი და ათი ათასი შენ მარჯვნივ;

შენ კი არ მოგეკარება,
არ შეგემთხვევა სიავე,
და წყლული ვერ მოგეკარება შენს კარავს;
რამეთუ ანგელოზთ უბრძანა შენზე —
დაგიცვან ყველა შენს გზაზე.

დავიჩოქე, მან მახვილი მხრებზე შემახო და ჩაილაპარაკა:

„ლომსა და უნასს ფეხს დაადგამ,
ლომის ბოკვერს და ურჩხულს ფეხქვეშ გაიღებ“.

და როგორც კი გაასრულა ეს სიტყვები, წვიმაც წამოვიდა. მოდიოდა და წყურვილს უკლავდა, ანაყოფიერებდა მიწას, და წვიმის წყალი ცას ცვარ-ცვარ მხოლოდ იმის მერე უბრუნდებოდა, როს თავის კეთილისმყოფელ ძალას დამორჩილებულ მარცვალს გააღვივებდა, ხეს ტანს აარყევინებდა, ყვავილს გაშლიდა. დიდი, გვიან მომდარებელი წვიმა ასხამდა, დელგმად სახელდებული, მე კი, თავაბლერილი ვიდექი და, რაც სანტიაგოს გზას ვიყავი ადევნებული, მთელი ამ დროის განმავლობაში პირველად ვგრძნობდი ციოთ ჩამოდენილ უანტსა და ტენს. გავიხსენე გვალვისგან დაჭმაქული, გავერანებული ველ-მინდვრები და გავიხარე, რამეთუ ეს წვიმა ამ საღამოს იმათაც გაახარებდა. გავიხსენე ლეონის ქვა-ლოდები, ნავარის პურის ყანები, კასტილიის გადისაშხობებული ნიადაგი, რიოხის წყალმოწყურებული ვენახები, რომელთაც ამაღამ გულს მოუოხებდა ეს მაღლიანი წვიმა, მაცოცხლებელ ციურ ძალთა მბოძებელი.

გამახსენდა, როგორ წამოვყევენი ჯვარი, და გავიფიქრე, რომ ეს ქარნარევი ძლიერი წვიმა, ალბათ ისევ ძირს დასცემდა, რათა ახლა სხვა

ვინმე მსხემი თუ ლოცვადმავალი ჩასწვდომოდა ბრძანებისა და მორჩილების საიდუმლოს. გამახსენდა ჩანჩქერი, რომელიც ამ წვიმის წყალთობით კიდევ უფრო გაძლიერდებოდა და გაძალუმდებოდა. არ მიგულისხმავიწყია არც ფონსებადონი, სადაც იმის გულისათვის, რათა ~~ხელახლა~~ განაყოფიერებულყო ნიადაგი, იმდენი სიძლიერე დატოვა ~~სადაც~~ გულიდან არ გადაშვარდნია არც ერთი ფშა თუ წყარო, ~~სადაც~~ წყალი შემესვა და უზომოდ მსიამოვნებდა, რომ ისინი ახლა უკვე აღარ დაშრებოდნენ. და თავი საკუთარი მახვილის ღირსად მივიჩნიე, რადგან ვიცოდი, რაც უნდა მექნა.

მოდღვარმა მახვილი გამომიწოდა, ხელი ჩავბლუჯე და თვალებით კრავს დავუწყე ძებნა, მაგრამ ის სადღაც გამქრალიყო, თუმცა ამას ახლა არავითარი მნიშვნელობა აღარა ჰქონდა: მაცოცხლებელი წყალი დიოდა ცით და ამ საოცარი წყლის წვეთებში ელავდა ჩემი მახვილის მსწრაფლმკვეთელი რკინა.

ეპილოგი

სანტიაგო-დე-კოპოსტელა

ჩემი ნომრის ფანჯრიდან წმინდა იაკობის კათედრალურ ტაძარსა და შესასვლელთან მოჩოჩოლუ ტურისტებს ვხედავ. კარგად ვარჩევ, ბლომად ირევთან სტუდენტები, შუა საუკუნეების შავი სამოსელი აცვიათ. ფერეზიანი, ანუ ათასგვარი სასაჩუქრო შემუდით მოვაჭრენი სახელდახელო ქულბაქებსა და ფარდულებს მართავენ. სისხამი დილაა და, თუ მგზავრთა ჩანაწერებს არ ჩავთვლით, ეს სტრიქონები პირველია, მე რომ სანტიაგოს გზაზე დავწერე.

აქ გუშინ ჩამოვედი, სარეისო ავტობუსს ჩამოვეყევი, რომელიც სებრეიროს ახლოს მდებარე პედრაფატასა და კომპოსტელას შორის მიმოდის. ორი ქალაქის დამშორიშორებელი ას ორმოცდაათი კილომეტრი ოთხ საათში გამოვიარეთ და, აბა, როგორ არ გამხსენებოდა, რომ მე და პეტრუსი ასეთ მანძილზე ხან ორ კვირასაც ვკარგავდით. მალე სასტუმროდან გავალ და სანტიაგოს აკლდამა-ტაგრუცთან გამოცხადების ყოვლადწმინდა ქალწულის ხატს დავასვენებ, სამ ნიჟარაში ჩასმულს. მერე პირველი შესაძლებლობისთანავე ბრაზილიაში გავფრინდები, რადგან ათასი საქმე მიცდის. მახსოვს, პეტრუსმა რომ მითხრა, ლოცვადმავლობის სუყოველი შთაბეჭდილება ტილოზე გადავიტანეო, და უკვე მეც გამიჩნდა აზრი, რო წიგნად შევკრა, რაც ვნახე. მაგრამ ეს აზრი ჯერხანად ბუნდოვანი და შორეულია, თანაც ახლა, როცა ჩემი მახვილი დავიბრუნე, უამრავი რამ საქმე მაქვს მოსაგვარებელი.

ჩემი მახვილის საიდუმლო მარტო მე, ერთმა ვიცი, და არცვის სხვას არ გავუმხელ. ქალაქდზე კი დავწერე და ქვის ქვეშ დავტოვე, მაგრამ ასეთი თავსხმისა თუ მერეხის მერე საეჭვოა, რომ ის ნაწერი გადარჩენილიყო. ძალიანაც კარგი. პეტრუსს სულაც არ უნდა იმისი ცოდნა.

ჩემი ჩამოსვლის თარიღი როგორ გაიგე-მეთქი, ვკითხე მოძღვარს. თუ უკვე დიდი ხანია, რაც აქა ხარ-მეთქი. მან გპიტიხა და, წინააღმდეგობით ჩამოვედიო, მითხრა, და რომც არ გამოჩენილიყავი, მეორედ დღეს მაინც წავიდოდიო.

მაგას როგორ ასერხებ-მეთქი, ვკითხე, მან არ მიპასუხა, წამიყრუა. მაგრამ გამომშვიდობების უამი რომ დადგა, მოძღვარმა, უკვე მადრიდში წასასვლელად მანქანაში რომ ჯდებოდა, წმინდა იაკობ-მახვილოს-ნის ორდენის პაწაწინა რამ ნიშანი გამომიწოდა. და მითხრა, კრავს თვალეში რომ ჩახედე, დიადი ზეალმაფრენით განისმჭვალეო.

ვინ იცის, უკეთუ საკვლაოდაც ცდას არ დავაკლებ, იქნებ ოდესმე ჩავხვდე კიდევ, თუ როგორ ხდება, რომ სადაც მიგველიან, იქ მუდამ დაუგვიანებლივ მივდივართ.



ანჯეი ბურსა



ლექსები

პოეტის პოეზია

თარგმნა რენე კადანდიამ

კეთილი ადამიანი

კეთილი გახდე! ვის არ უნდა
კეთილად იქცეს?
ჩვენ მოხარულნი ვიქნებით, რომ ვიცხოვროთ
თანხმობაში და სჯა-ბაასში, მაგრამ
გარემოებანი არაა იმგვარი.

ბერტოლტ ბრესტი*

პა მდინარესთან ზის ანკესით
კეთილი ადამიანი
ბებერი ცხვრის ცისფერი თვალებით
წყალზე ლივლივა ფეთქავს ბევრად უფრო ჩუმად ვინემ გული
ნიადაგ განშლად
ზეთოვანსა და მღვრიე ტალღებზე

კურთხეულია ტალღა რომელიც არ მობრუნდება

იგი წყნარი კეთილი ადამიანია
როცა 17 წლისა იყო
მან იმპერატორის მოოქროვილ ძვირფას მაუდში
გამოწკიპულ-ჩაკვეხებულმა
ალპებში ხოშზე მუცელში ზუსტი სროლით მოკლა
ჭაბუკი — იტალიელი

სხივოსანი როგორც დავითი

კურთხეულია ტალღა რომელიც არ მობრუნდება



როცა ის 22 წლის იყო
დანა გაურჭო უცხო მამაკაცს
და დაღვარა ერთი ლიტრი მისი სისხლისა
თავად ხახაში კი ჩაისხა 100 ლიტრი ცეცხლი — არაყი
გრძელდება ქალიშვილის გამო
რომელიც შემდეგ მის ცოლად იქცა

კურთხეულია ტალღა რომელიც არ მობრუნდება

როცა ის იყო 30 წლის
მისმა ცოლმა ვერ აიტანა სილატაკე და ლანძღვა-გინება
და გაექცა
გაიპარა ერთ მუქთმიან მოტოციკლისტთან
სასიკვდილო ტრიუკების ჩემპიონთან
რომელიც მიწას აცილებული ათიოდ მეტრზე
შვეულ კედელზე დაქროდა
სწორედ ამგვარი სიმაღლიდან
ჩამოვარდა ცოდვილ მიწაზე მარიამი

კურთხეულია ასჯერ მაინც
ტალღა რომელიც არ მობრუნდება

მეზობლებ-ებრაელებისგან
რომლებიც შემდეგ სწარეცხ საპონად გადააქციეს
ხოლო მას დარჩა ძონძების გროვა
ვაჟებისგან კი — არავითარი ცნობები
ცოლისგან — საოცრად ფაფუკი და ოქროსფერი თმის ბლუჯა
იგი ჩუმი კეთილი ადამიანია
ბამბაზიის ლურჯ ბლუზაში
დაკლაკნილი როგორც ცხრაფეხა
მას უკვე არაფერი არ სურს
უმზერს ლივლივას
მდინარის ზეთოვან ტალღებზე
რომლებიც ნელა იყრებიან ან შორდებიან ერთიმეორეს
იგი კეთილი თან ჩუმი ადამიანია
ოჰ დიად დასტურ მართლა...

1956.

* ბ. ბრესტი „სამგროშიანი ოპერა“. (მთარგმნელი).

ცხენი



პატივცემულო ბატონებო, გინახავთ კი ოდესმე ცხენი, გაუნძრევლად მდგარი კალოზე, გარშემორტყმულის ცარიელ თავლებითა და სამეურნეო ნაგებობებით? ამგვარი ცხენი გაშეშებული დგას, სვეტივით დარჭობილი, რადგან უკვე მას არა აქვს არავითარი მუშა საქონლის დანიშნულება, ღირებულება-ღირსება. იგი არაფრის მაქნისია და არავის გამოადგება. გაგდებული წვიმაში, ქარში, ყინვასა თუ პანებაში, ხოჭოების და მანუხელების შესაჭმელად განწირულია, მათრახითა და შოლტით ნაცემი იტანჯება ესაა მისი ხვედრი — ცხენის მოვალეობა: ამაშია — მისი ფუნქცია.

ცხენის ტყავი — ალაგ-ალაგ დამწვარი და ნაღვარის კვალით აჭრელებული, — ტკივილის ნამდვილი რუკაა, — სავსე გეოგრაფიული აღმოჩენებით-უცაბედობით და საოცარი პარადოქსებით. მაგალითად, დასანახად საზარელი, შიშის მომგვრელი საშინელება — ვეებერთელა დამწვრობა — ეგ მარტო-ოდენ დაბრულებული და უგრძობელი ნაფლეთია ტყავისა, ხოლო ერთი შეხედვით, თითქოს კიდევ შეუმჩნეველი წყლული საზარდულის არეში, ღრმა ჭრილობა. იგი ინახავს თავის თავში — გამოუთქმელი ტკივილების უმდიდრეს მარაგს.

რამდენადაც ჩვენ, როგორც ადრე ვთქვით, ცხენი ფლოქვებით ჩარჭობილია მიწაში და თანაც ისე ღრმად, რომ არ შეუძლია გადაადგილდეს, ხოლო მისი მთელი ძალის მოკრება ანუ საბრალოს ვაინახრობა, რასაც ის ლამობს შოლტით ცემისას, მხოლოდ ამრავლებს და ამძიმებს მის უსასრულო ტანჯვა-წამებას. ამგვარად ცხენი — ტანჯვის აკუმულატორია. ის საკუთარი ძალდატანებით ავტომატურად იმუხტება და იტენება ტკივილით. ამ ცხენს ტკივილის იმდენად დიდი მარაგი აქვს, რომ მთელ ოჯახებს ეყოფოდა — ამ უსწორმასწორო და გაუტანელ წუთისოფელში.

მაგრამ მიჩვენეთ დღეს, ჩვენს დროში, პატივცემულო ბატონებო, თქვენ ისეთები, რომლებიც ტანჯვას დაეძებდნენ.

ყველაფრისდა მიუხედავად, ცხენი მაინც საჭიროა, რადგან ძნელიც კი იქნებოდა რეალურობის ჩვეული სვლის წარმოდგენა, თუნდაც ერთი ცხენის გარეშე.

1957.

კარნავალი

საკარნავალო სიფხიზლე
 საოცრად ჰგავს
 დასაფლავებას
 როგორც აჩრდილი ფიგურას
 როგორც გამოსახულებას სარკეებიან დარბაზებში

იქ სადაც ბერწი რეალობა რატომღაც კარგავს თავის ფაქტურას
 ცელოფანებით შეფუთული სარიტუალო გვირგვინები
 იპრანჭებიან — დიდებული და ფუმფულა პლუმაჟით ჯოხზე
 აი მიდის აუჩქარებლად
 მიდის მდიდრულად
 კარნავალი კატაფალკით მიემგზავრება



რახრახი ოთხით რახრახი
 დაცარიელდა ქუჩა
 მეეტლეს თვლება ერევა უკვე ნაწნავიც ჩამოუცურდა და
 კონწიალობს შუბლზე
 მაპატიეთ აქ ხომ არაა ნეტავ სასტუმრო გვამებისთვის
 ნერვიულად ხითხითებს თავი ვერცხლის ლანგარზე
 მაგრამ რატომ ასე გვიან თუმცა მობრძანდით გთხოვთ გეთაყვა
 მკვეთრად ანათებს რესტორნის ჩონჩხი
 ანთია ლამპიონები ფერადი ციებ-ცხელებით

აი ახლა კი... ინავარდებს მხიარულება
 წვრილ ნამსხვრევებში ვიბრაცია კრთება სიცილის
 და სირჩებს ისევ ავსებს ვიღაცა
 ის ვისაც ესმის საქმე ლოთურად.

ჩემი დღე

დილით გავრბივარ სასამართლოში
 და უწინარეს ყოვლისა
 ლიპოსან ძიებს და მათ ძვირფას ქალბატონებს ანუ
 ძუკნებს — დედლებს — ჭაკებს
 უმაღ ვთავაზობ ჩემს სამსახურს
 ჩამოვუსწორებ კოსტიუმს ნდობას მოვიპოვებ
 მოკლედ რომ გითხრათ — შევუძვრები და ვეპრანჭები თანაც:
 თქვენ არ გჭირდებათ გამცემი?
 აჰა გრძელ რიგში დგანან უძრავი ქონების მეპატრონენი
 ანუ საშუალო წოდების გადაგვარებული ფაუნა
 და მათთან უფრო მოურიდებლად მივდივარ
 უბოდიშოდ ხელს ვადებ მხარზე როგორც კელნერი ღამის ბარისა
 და პირდაპირ ყურში ვაჯახებ:
 — სიმონ ჩამშვები არ გჭირდება?
 შემკრთალნი ზურგს შემაქცევენ და უკან იხევენ ბლავილით
 მთელი მათი პირუტყვეული ნატურა და უზრდელობა
 გარეთ მოჟონავს —
 გადმოდინდება
 და დასასრულს კი ხეპრე გლესებს ვუახლოვდები —
 გაუთლელები და ბრიყვები

რომელიღაც საუკუნიდან აქამომდე მობობლებულან
 შეუტანიათ რაღაც სარჩელი სასამართლოში და ერთმანეთს ეცილებიან
 მიწის ნაგლეჯს და ცოდვილნი
 ბნელ კუთხეებში მიკუჭულნი ჩაცუცქებულან ბოლჩებზე
 ამგვარ გაგრიებს სახელოში ვტაცებ ხელს და ბალნიან ყურებს
 გამოეუჭედავ ჩაძახილით:



პეი მამილო ეშმაკის მუშა არ გჭირდება?
 და თუკი აქაც არ გამოძდის
 სამორიგეო ჯიხურისკენ მივჩანჩალებ თავჩაქინდრული
 და საღამომდე ვჩხირკედელაობ იქ
 ჩემს ნაცნობ პოლიციელთან
 ხვალ ნაღდად უკეთ იქნება საქმე
 ვეუბნები საკუთარ თავს
 ღმერთმანი
 ხვალ ჩემს ქუჩაზეც დადგება დღესასწაული

1957.

პოეტი

10.00 დან 13.20 მდე
 პოეტს აწუხებს მსოფლიო სევდა
 11.10 ზე
 იგი გადის ფენისადგილში
 ჩაიხდის შარვალს
 შემდეგ აიწევს და შეიბნევს
 ხოლო შემდეგ დაუბრუნდება მაგიდას
 და „ისტეველე“*
 პოეტს აწუხებს მსოფლიო სევდა

იხედო

თუ ასდა ჩვენი ოცნებები
 თუკი კამერულ საუბრებში და ჩვენს ჩამორჩენილ გონებაში —
 კვალსათბურებში მოყვანილი ყველა ვარსკვლავი ბოლოს და ბოლოს
 მართლა ამოვა პორიზონტს ზემოთ
 და ჩვენ უკვე არ მოგვიხდება არაფისი დარწმუნება რომ
 ჩვენ მართლაც ვართ გენიალური
 თუნდაც იმიტომ რომ ჩვენს ნაცვლად ამას იტყვიან სხვები

* ლექსის პერსონაჟი „პოეტი“ მართლწერაში მოიკოჭლებს (მთარგმნელი).

ანუ შარავანდები
 ნათელი შარავანდები
 ... ეჰ რა უნდა თქვა
 თუ ყველაფერი ასე მოხდა
 ბიჭებო ჩვენ ხომ მაშინ ისე მაგრა დავთვრებით ეშმაკებს



ეროვნული
 ბიბლიოთეკა
 ქ. თბილისი

ჯალათის ნაამბობი

ყველაზე უფრო სასაცილოა — რომ მათ არ სჯერათ
 დამნაშავეებს — დიდი სტაჟით
 დროც ხომ ჰქონდათ რომ ყველაფერი გაეგოთ კარგად
 და უეცრად გაოცება
 როგორ — მე ცოცხლად ტყავს გამაძრობენ
 განა ეს შესაძლებელია რომ ამომთხარონ თვალები
 მაპატიეთ და ცოცხლად დაწვას მე მიპირებენ კოცონზე
 შემდეგ ისინი ხმას ჩაიწყვეტენ
 თუმცა რაღაცას ბუტბუტებენ თვალდაჭყეტილნი
 სანამ
 უცებ არ გაიხსენებენ
 თვით ღმერთების სახელებს და
 თვითმარქვია მეფეებისა
 ფრაზებს — ნაგლეჯებს წაუკითხავი წიგნებიდან
 ისინი მათ გაყვირიან გვიან ღამემდე.
 და თავს ურტყამენ უხათქუნებენ ყრუ კედლებს გასახდელისა
 სანამ არ წაათრევენ წამების კამერაში.

1957.

მე ხომ სიკვდილი სულ სხვაგვარად წარმომედგინა
 გულუბრყვილოდ მჯეროდა
 რომ შიშის უმაღლესი ორგაზმი
 ბოლოს მაინც გამტყორცნის და მომისვრის სადმე —
 ჩაწნულ-ჩახლართულ ტკივილის ზონიდან

მაგრამ აღმოჩნდა: თურმე ყველაფერს ვხედავ
 ყოველივეს ვგრძნობ
 თუნდაც გვამადაც გადაქცეული —
 ნებისმიერი მოძრაობის უფლების გარეშე



ეროვნული
ბიბლიოთეკა

კანკალის გარეშე
და კვენესის გარეშე
მთლიანად ჩემი ტკივილით და საშინელებით — ძრწოლით
მე ისევ ვმონაწილეობ

წვერებიან ანეკდოტში დოქტორი ტულპის შესახებ
მორცხვი ჭაბუკი სტუდენტი კი გულმოდგინედ იჩიჩქნება
ჩემს ტანჯულ ტვინში

უიშვიათეს ინსტრუმენტით
ვუმზერ რა ასე მორიდებულ და წარმოუსადევ პირისახეს —
საცოდავ ფიზიონომიას
შემდეგ უბადრუკ ტანსაცმელს

და ბუსუსს ტუჩს ზემოთ
ნიშნის მოგებით ვფიქრობ
რომ იგი ალბათ ჯერ კიდევ არის უმანკო
და ამის გამო ვგრძნობ ცოტაოდენ უკეთ ვხდები
(თუ საერთოდ შესაძლოა რომ ცოტათი უკეთ ვახდე
როდესაც შენს ტვინს ბურღავენ)

მე ვიცი ყველა შეცოდება-დანაშაული
მუხლივით მელოტ და მოხუცი პროფესორისა
სათითაოდ ვიცი უხეში ხუმრობები
სხვათა ქირღვა და ოინბაზობა სტუდენტებისა
დავიმახსოვრე თვით უაზრო სამედიცინო ტერმინებიც კი
რომელთაც ვითომ აქვთ რაღაცა ურთიერთობა
ჩემს ასე ტანჯულ სხეულთან —
გვამთან რომელსაც მისჯილი აქვს აღმოაჩინოს სულ უფრო ახალი
და უფრო მეტად დახელოვნებული
წამების თაიგულები.

1957.

ი ს ლ ა მ ი

მე რომ მოხუცი — ძველი თურქი ვყოფილიყავი
და რომ მჯეროდეს ავტომატური ემიგრაციის
იქ — სერაიში

ურჯულოების მიერ დაცხრილულ სხეულით
მე ფეხებსაც არ დავისვრიდი გამწვევი კომისიის წინაშე
რათა ამ საქონელს — ფერშელს

ვინაც გაეცნო რა ჩემს ნაკვალევს მუყაოზე
დაადასტურა: ბრტყელტერფობა
და გულს არც კი გავიხსენებდი

მაგრამ დღეს ვის შეუძლია რომ დაუდგეს თავდებად სერაის

განა დაჭკვიანებული ახალწვეული ჯარისკაცები?
ან თუნდ გამოსულელებული მოსამსახურენი?

... შენ იცი ყველა ჩემი ფანდი, მე — შენი,
ჩვენ დროს ვკარგავთ.



ქართული
ბიბლიოთეკა

რიჟა პაიანო

შენ იცი ყველა ჩემი ფანდი
ძვირფასო ჩემო
იცი თუ როდის დავიწყებ ყვირილს ღრენას ღმუილს
ლანძღვა-გინების კორიანტელს
და კედელზე შუბლით ხეთქებას
იცი თუ როგორ შემიძლია ვიყო ბოლომდე ჯიუტი და თავმოუხრელი
და როგორი უძლური ვხდები იმ დღეებში
რომელთაც არ აქვთ არავითარი გემო და
არ გააჩნიათ სურნელი
შენ მუდამ წამლავ ჩემ ძილს კოშმარით
რათა წამართვა უკანასკნელი იმედიც
მე ვიცნობ ყველა შენს სატყუარას და მაინც ვკენკავ
მათ ხარბად და კეთილშობილის რაინდობით
თუმცა ამგვარი საკვების შემდეგ
სწორედ მათ გამო მეწყება პირის ღებინება
მე მივეჩვიე შენს სასიკვდილო ხელის მოჭერა-ჩაბლაუჭებას
ისიც ვისწავლე რომ საკუთარ გვამს მწარედ დავსცინო
(შენთვის კარგად ცნობილია ეს ჩემი გამოგონება
ერთ-ერთი უკანასკნელი ფანდი)
სიცოცხლევ ჩემო
და მტერო ჩემო
ჩვენ მოვაბეზრეთ ერთმანეთს თავი
შენ შებორკე და შეჭედე ჩემი ყბები —
გაუსაძლისი ტკივილით და
რა მოხდა მერე
იცოდე გინდა თუ არა მაინც არ შევწყვეტ მთქნარებას.

1957.

მოღარე

რაზე ფიქრობს ნეტავ ეს ტიპი
ეგ ფერმკრთალი და ზაფრა
როცა არჩევს კუპიურებს და გულმოდგინედ ახარისხებს
თანაც კბილებით ჩაჭიდებულა ბუტერბროდს
და რომლის გულისთვის
მას მოუხდა უარი ეთქვა ჰალსტუხისთვის
რაზე ფიქრობს ნეტავ ეს ტიპი



ქართველთა
წიგლისწამბა

როდესაც პალსტუხს ისწორებს ყელზე —
ფერად ნაჭერს რომლის გამო თუ სასარგებლოდ
მან უარი თქვა ბუტერბროდზეც
პალსტუხი პალტო ტაბურეტები კვირის საღამო
ყველაფერს: მტკიცე უარი
რაზე ფიქრობს ნეტავ ეს ტიპი
როცა ინერწყვავს თითებს და
ყოფს-ანაწილებს და ალაგებს ახალ გროვებად ამ
ზეუმალლეს სილამაზეს —
მხოლოდ შეგრძნებით მოცემულს მისთვის
რაზე ფიქრობს ნეტავ ეს ტიპი
ეგ პირნასი და
უარის პროდუქტი
რომელიც ასე გამრავლებულა — უარის თქმის გზით
რაზე ფიქრობს ნეტავ ეს ტიპი
როდესაც იგი ახარისხებს გრავიურებს
როცა ცალკეული მათგანი ბევრად უფრო საუცხოოა ვინემ ჯოკონდა
ნეტავ რომელი რელიგია
აკავებს მას რომ არ გაგიჟდეს საწყალი.

**სიმღერა კიბოთი სნეულისა,
ვინაც რწყავს ყვაპილებს**

კიბო უკურნელი სნეულებაა
სიკვდილი გარდაუვალი მოვლენა
მე — სასაცილო ზოლიან პიყამაში
ვარ და ვრწყავ ბალბიფოთოლას

ბალბიფოთოლები ძოწისფერია
ბალბიფოთოლები თეთრია რძესავით
ზაფხულის მწუხრის ზარებში — ლურჯ მოჩვენებაში
საავადმყოფოს აივანზე ვარ

ჩვენ ფრინველები გვაუწყებენ ცვარ-ნამის ჟამსაც
ხოლო ცვარ-ნამი — პაპანების თეთრ შემლილობას
მაგრამ მე თავად ვარ ბრძენი და თეთრი ექიმი
ჰოდა კიდევ ვრწყავ ბალბიფოთოლებს

კიბო უკურნელი სნეულებაა
სიცოცხლე განუწყვეტელი მოვლენა
თვალის დევნება მომიხდება — გაუსაძლისად ცხელ დღეებში
არ დაჭკნენ ჩვენი ბალბიფოთოლები

1957.

დილით პარკში



დილით პარკში სეირნობისას
განცალკევებულ მერსზე ჩამომჯდარ ადამიანს ვხედავ ჩემოდნით
ვიხედები რაჩემოდანში

ეროვნული
ბიბლიოთეკა

ბრრ — ღებინება ამივარდა —

შიგ ნაკუნ-ნაკუნ დაჩეხილი თოთო ბაეშვია

სუნთქვაშეკრული
უშალ ვუხვევ ხეივანში
და მეფეთება ვილაც უცხო
რომელიც რაღაც ბოხჩას მოათრევს

და უცებ —

თხლაშ!..

ბოხჩიდან მიწაზე ვარდება ქალის ფეხი

საკმარისია! —

ყელამდე ვარ საშინელებით
და გავრბივარ თავქუდმოგლეჯით ყველაზე უშორეს კუთხეში
საღაც პარკი მყრალ სანაგვეს ესაზღვრება

და ვიცი იქ თუ ვინმეს შევხვდები

მხოლოდ ბებერ და ახირებულ ბუხჰალტერს

რომელიც როგორც ყოველთვის

ჩუმად აგროვებს ჰერბარიებს

მაგრამ მოიცათ ეგ ვინაა მოხუცის გვერდით —

ცხენი?

ძალღი?

ვილაც-რაღაც ცხენზე ნაკლები და ძალღზე დიდი

ეჰე... ეს ხომ ქიმერაა

ის ასეირნებს თავის ქიმერას

საბრალო მოხუცი.

1957.

უხეში სილოგიზმი

უფასოდ შენ კარგ ვერაფერს ვერ დაინახავ
ვერასდროს

მზის ჩასვლა მუქთად

მაშასადამე ეგ დაისი სისულელეა

მაგრამ რათა კატეგორიის სამიკიტნოს კლოზეტში რომ ამოარწყყო

მანამდე უნდა გადაიხადო არყისთვის

ერგო* კლოზეტი

საუცხოოა

ხოლო დაისი არა

* მაშასადამე (ლათ.).

მაგრამ აი მე თქვენ გეტყოდით რომ ეს ყველაფერი ზოდვანა

რა დაისი და რა კლოზეტი
ვერ ვხედავ დიდ განსხვავებას
1957.



ქართული
წიგლისათვის

კეთილი ფსიქიატრი

(ქაროაეროთერაპია)

თავდაპირველად ყველაფერი ისე იყო როგორც ვფიქრობდი
კბილებში დარტყმა
ცივი შხაპი
აყროლებული კომპანია
პროვინციული ლოთმანიუების
მაგრამ აჰა კეთილი ფსიქიატრიც მოვიდა
მას ჩვენ სულაც არ დავუტანჯივართ იდიოტური შეკითხვებით

მოგვეცა უფლება
საოცრად გრძელ-უგრძეს თოკებზე
ლაღად გვეფრინა ბალს ზემოთ
თოკების სიგრძე აღემატებოდა
ჩვენს ყველაზე თამამ-გაბედულ იმედებს

და ჩვენც ძალიან კარგად ვგრძნობდით თავს
ის კი უფრო გვაქეზებდა
აბა ბიჭებო მიაწექით — მალლა და მალლა
ოჰ რა ხოშიანად ვიყავით ყველანი

ამ მეთოდს ჰქვია
ქაროაეროთერაპია
ქა-რო-აე-რო-თე-რა-პი-ა
ქა-რო-ბა-ი-ა
აე-რო-ბა-ი-ა
ია! ია! ია!
1957.

იმედის უკანასკნელი სხივი

შავუბერე და დავრჩი ჯიბეგამოფხეკილი —
ჩიტის სკინტლიც კი აბაზი მეგონა
თუმცა მრჩებოდა ბოლო იმედი
და დავახეთქე დახლზე

პატრონი ნაღდად არ ელოდა ამნაირ სვე-ბედს
 მიხვდა რომ მაგრა გაუმართლა
 რადგან მან უკვე კარგად უყწოდა რომ აქ აზრია ჩადებული
 შემდეგ ხელდახელ იმასაც მიხვდა
 რომ მის წინაშე რაღაც უბრალო ნაყარნუყარი — ჩალაბუღბუღი აგლია
 და არც მემკვიდრის ანგარიში
 არც ვაჭრის სარფა
 არც მოქირავნეს გაუმაძღრობა
 არამედ მართლაც უკანასკნელი სასტიკი და აბსოლუტური იმედი
 მშვენიერი
 მრავალჯერადი
 და არისტოკრატიული
 ქვეყნიერების დაქცევის და უეტარი წარღვნის იმედი
 და სულელური ჰაეროვანი კომპეების ახლად აშენებისა
 ოპ ნეტავი თქვენც გენახათ იმ იდიოტის კოტიტა თითებში
 რა სასწაულებრივ აკაშკაშდა
 ელავდა
 კრთოდა
 ჩემი ერთადერთი იმედის უკანასკნელი სიხვი.
 1957.

სიარულის გაკვეთილი

სულაც არ იყო ჩემთვის ადვილი
 დაძლევა მიზიდულობის კანონის მაგრამ
 მაინც ვფიქრობდი
 ბოლოს როდესაც წამოვდგები და მტკიცედ დავდგები ფეხზე
 ყველანი ჩემს წინ მოწიწებით დახრიან თავებს
 ისინი კი კვლავაც სიფათში მილაწუნებდნენ
 რატომ ხდება რას აკეთებენ
 მე ვერაფერი გამიგია — შტერივით ვდგავარ
 მაგრამ მაინც გამირულად ვცდილობ შევინარჩუნო წონასწორობა
 „აი სულელი“ — სისინებენ ნამეტნავად კეთილები (აკი ესენი
 ყველაზე უარესი არამზადებია)
 „ცხოვრებაში საჭიროა ბობლვა-ფოფხვა-ჩოჩვა-ხოხვა“
 ჩამესმის და მაშინათვე პირქვე ვწვები
 წინ გამოვზანიქავ სქელ და ფუმფულა უკანალს როგორც ანგელოზი
 და ცხოვრებაში პირველად ვცდილობ
 ბობლვით როგორმე მივალწიო
 დაბალყელიანი ჩექმებიდან ქოშებამდე
 ხამლებიდან კი ფოსტლებამდე
 ანუ ვსწავლობ სიარულს
 მიწაზე.
 1957.



ეროვნული
ბიბლიოთეკა

რ წ მ ე ნ ა

მე მწამს რომ ღმერთი მტრედს ჰგავს
 ადამიანს კი შეუძლია გადაიქცეს მანქანის ნაწილად
 მაგრამ ეს სულაც არ ნიშნავს რომ მას
 არ შეიძლება გაეზარდოს ლომის ფაფარი
 ანდა ფრთები (მე ანგელოზებისაც მჯერა)
 მე მწამს ყოველი სახელმწიფოს რეგალიების
 მწამს ყველა იდეალის ერთბაშად და განურჩევლად
 როგორც მათი უგუნურების და შემლილობის ვინაც ისინი მოიფიქრა —
 ნაცრის ქექვისას გამოიგონა
 და მე ვუშვებ შესაძლებლობას:
 წარმოშობისა

ანუ უბიწო ჩასახვისა
 მოკლედ: განაყოფიერების თუნდ მანდილოსნის უკანალის
 ერთი უბრალო შეხებისგან
 სკამთან რომელზეც კარგა ხანია არ დამჯდარა მამაკაცი
 მე მწამს რომ თუნდაც ბედუკულმართს
 შესაძლოა მოულოდნელად ეწვიოს ბედი
 მწამს რომ ჩვენი ქვეყნის უდიდესი პოეტი
 ნაღდად არაა ის ჭალარა ვაჟბატონი — კუპონების მპარსავ-მომხვეჭი
 და არც ეგ — უფრო ახალგაზრდა — გაბოზებული რომ ისწრაფვის
 ტაშ-ტუშიან შემოსავლისკენ
 არამედ აი ის ბებერი მტვირთავი
 რომელსაც მთელი თავისი ცხოვრება
 არაფერიც არ დაუწერია —
 წყვილი განცხადების გარდა
 მე მწამს მსოფლიო სულისა და მატერიის პირველადობის
 მე მწამს ყველა შემოსული და გასული დოკუმენტისა
 ყველა მომხრესი და მოწინააღმდეგესი მწამს მათი ანტი და კონტრა
 არ მწამს მხოლოდ ის რომ რაღაცა შეუძლებელია მოხდეს
 ამ სამყაროში ყველაფერი შეიძლება მოხდეს რადგანაც
 იქ სადაც ყველაფერი შედგება
 ჰი-ჰი-ჰი-ხი-ხი-სგან
 მკრთომარე წერტილებისგან რომლებიც
 ჰი-ჰი-ჰი...
 საერთოდ არავის უნახავს არასდროს

პაპროზა ბრძენთან

ის-ის იყო, მან დაიწყო საუბარი, რომ ჩემგან უცებ ავსულებმა
 იწყეს გადმოსვლა. მე კი თავი ისე მეჭირა, თითქოს მთელი გულის-
 ყურით მივსდევ მისი მსჯელობის გზის სვლა-მიმართულებას (რადგან
 იგი, ეჭვი არაა, რომ ჭეშმარიტად აზროვნებდა — დამაჯერებლად),
 ვუსმენდი და თვალს ვადევნებდი ჩემს ბოროტ სულებს. მათი რიცხვი

თანდათან უფრო მატულობდა, რაც მეტი იყო ბრძენის სიტყვები, ის კი უძლურდებოდა, რა გონს კარგავდა. ბოლოს ავსულების რიცხვმა ასტრონომიულ ციფრს მიაღწია. მათ ოთახიდან გააძევეს ან შეისრუტეს მთელი ჰაერი. ეს მეტისმეტად მძიმე იყო, თუნდაც ბრძენისთვის, გაფითრებულმა ნაძალადევი რიდით იკითხა:

— ხომ არ გაგველო ფანჯარა?

არ შევმკრთალვარ, არც განვძრეულვარ. ის არეული ნაბიჯებით მიუახლოვდა ფანჯარას, როცა აღმოაჩინა, რომ ღია ყოფილა, ანთებული მზერა ჩემზე გადაიტანა. მე გაბედულად დავუქნიე მას თავი.

— აჰ-ოჰ-ოხ, რა სტვენა ატყდა ოთახში... ჰოი, როგორ ხალისიანად იცინოდნენ-ხარხარებდნენ და ქირქილებდნენ ჩემი ცელქი ავსულები... როდესაც იგი შლიგინ-ზღართანით... ზუსტად მეოთხე სართულიდან... როცა ტყაპანი მოადინა და დაებერტყა ტყვიისფერ ასფალტზე.

ვარშავის მოჩვენება

როგორც კი მე ჩამოვედი მატარებლიდან ქალაქ ვარშავაში უცებ მივხვდი რომ ჩემს წინაშე მისტიფიკაციაა და ეს სრულიად არაა ქალაქი ვარშავა (ისევე როგორც მატარებელი არაა მატარებელი) არამედ მხოლოდ ვეებერთელა მირაჟია მონუმენტური ფატა-მორგანა ვილაციის ძალზე სულელური და ძვირად ღირებული ხუმრობა თანაც გათვლილი იმაზე რომ თავგზააბნეულს მხარი მეცვალოს ყველგან სიყალბე

ყოველ ნაბიჯზე თვალთმაქცობა და მოლორება თუნდაც საღებავის იმიტაციაში გამოჭვივის ფირფიცარი ჭკუის კოლოფი ვინაც მიმიღო თავის დიდებულ კაბინეტში არსებობს მხოლოდ სანახევროდ

ეგ მაგიდასთან თუ მაგიდას მიხრახნილი მორის ნაჭერი „აღმაფრენითი“ რჩება ბოლომდე

მაგრამ ადგომა არ შეუძლია

ხოლო ისინი ფიქრობდნენ რომ მე ვერ შევამჩნევ:

სკამს ქვემოთ ფეხები საერთოდ არცაა

ო ეგ მუყაოს პროფილები

და ნახერხით გამოტენილი ფიტულები

პროფეტარები — თაბაშირისგან

და ეგ კაროუნა კინობოზები

ყველაფერი სასაცილო და ბანალურია

თითოეული საღამო

სარკმლის იქით

ერთი და იგივე საშინელი მოჩვენებაა —

ვარშავა

არარა



ის არარაა
 იგი არაა სათვალავში ჩასაგდები
 სრული არარაობა
 არის მხოლოდღა პიჯაკი
 მახინჯი შავი ხამლები და
 ტომარასებრი შარვალი
 რასაც ზიზღი ან სიბრაღული შეუძლია გამოიწვიოს ადამიანში
 თუმცა სახეს არა აქვს მნიშვნელობა
 არც თვალებს ტუჩებს ხელებს
 არავითარი მნიშვნელობა არ გააჩნიათ
 ის საათობით იცდის ჭიშკართან
 და იმედოვნებს რომ მოხვდება
 იქითა მხარეს
 მაგრამ იგი ხომ არარაა
 ამიტომაც სულერთია
 რომელ მხარზე იქნება
 ის არარაა
 კითხულობს გაზეთს იგი თავისი არარაობის ნიჟარაში
 შეძვრება როგორც ლოკოკინა
 ხანაც თავისი უბადრუკობით გაიბღინძება ფარშევანგივით
 თუმცა გაზეთში მსჯელობაა ძალზე რეალურ საგნებზე
 ის კი არაა
 იგი საუბრობს
 მაგრამ მისი არავის ესმის
 რადგან მისი ხმის ბგერები
 ყურისთვის განურჩეველი გახლავთ
 იმიტომ რომ ის არარაა
 არარაობა
 თუმცა ამ წუთას იგი სადილობს
 თუმცა მასაც აქვს პიჯაკი შარვალი და ხამლები
 ხანდახან
 ხდება ისეც რომ
 იგი კარგ გუნებაზეა

ყალბიერი ღიბილი

ჰა გამოლადრული ყელი
 იგი მღერის თუმცა ხმადაბლა
 მაგრამ გრძნობით — სულით გულით
 ხოლო ღამე — პირქუში და ბანჯგვლიანი შავი მკერდით
 კვირა გაბმით ლოთობისგან დარბილდა და წუხს სიხინებს
 და — ეცემა გაღეშილი სარკის ნატეხების ქვემოთ

ჰა გამოლადრული ყელი
წყალი ჩხრიალებს და მღერის
წივის — მილში და ონკანში



ქართველი
წიგნიერების
კავშირები

ნარს მიჭედებული საბნით
აღისფერი აფრის გწამდეს
მიწას მიკრულ-მიჭყლეტილი-მიწოლილ-ჩახუტებული უფლის
ქუთუთოებით და
იცინოდე სისხლით სავსე ყელით
1957.

რა ლამაზი კოხტაპრუწა და ჭკვიანია
ზედგამოჭრილი ჭკუის კოლოფი
ზედგამოჭრილი ჭკუის კოლოფი
თუმცა ჭკუას ძალას არ ატანს
არ სჭირდება მეტიჩრობა —
არ ბანდიბუსტობს იმიტომ რომ
კარგად იცის თუ რას აკეთებს რისთვის
გამოჯაქულ-გამობრძმედილი ადამიანი —
თან როგორი თავაზიანი
ანდა როგორი ღმობიერი
ხოლო მთლიანად მისი სახის ანატომია
ამულავნებს მსუბუქ ძალდატანებას
პირის არეში:

რათა რაც შეიძლება ზრდილობიანად თუმცა
ცრუ უურადლებით
მისმინოს

ჰო, მართლა... პატიოსნად ვაღიარებ რომ შევცოდე და
ვერ შევძელი არ მიმეფურთხებინა მისი ქლესა სიფათისთვის.

1957.

უბიწოება

მე გავიარე ლურჯი დარბაზი სადაც სვამდნენ აღისფერ ღვინოს
და გადავჭერი ზურმუხტოვანი დარბაზიც სადაც გაჩალებული იყო
პოკერის თამაში შემდეგ გავიარე ზაფრანისფერი დარბაზი სადაც
უცხო ტიპები ნებიერად ეწეოდნენ ოპიუმს
მოვხვდი ჩაის ოთახში სადაც ღეჭავდნენ პეიოტს
ვიყავი აკლდამასავით ჩაბნელებულ
და პირქუშ მეწამულ კაბინეტში
რომლის დანიშნულება იყო საზიზღარი და დამათრობელი

მხოლოდ გვიან — შუალამისას
როდესაც მივხვდი რომ უკვე ყელში ამომდის ეს ფერები
უცებ გავბედე ქუჩაში გამოსვლა



რას იზამ თუკი თვით ამქაშადაც
ჩემი კუთვნილი სულმდაბლობა-გულნამცეცობის
უძრახველ სითეთრემაც კი
მიიქცია პოლიციელის ყურადღება
სახელმწიფოსთვის ძვირად ღირებული

1957.

ქ ა ლ ა ქ ი

თავდავიწყებით — სიკვდილის ფასად თამაშობს ბანქოს კოჭლი
ქარის წისქვილებთან

მიკიტანი ქალის სიფათი და ყვრიმალებიც კი მოთხუპნულია
ჟოლოს ლაქებით

აქ მარტოოდენ სვიანი ლუდი და მშრალი წვრილი ძეხვებია
და კიდევ ლაქის ბზინვა კედლებზე — ელვარება ზაფრანისფერი

სოციალიზმმა ქვის სამტეხლოში მუშაობით გული იჯერა.
მოყანყალე დრეზინზე შეჯდა და გააქროლა ბუდრუგუნისკენ
ბედაურები უკვე ქუჩებში ჭარბად ყრიან მშრალ-ხეშეშ ფაფარს
და ყაძახები ლოთობაში ცხენის ძალას უხვად ხარჯავენ

ასეთი არის ეს ქალაქი — დინჯია და ამპარტავანიც
საიდანაც ყველა გზები-ბილიკები რომისკენ მიდის —
თამბაქოსთვის და ასანთისთვის თუნდაც ცეცხლივით არაყის გამო
ქუჩების ღია ორმოებში უკვე წვიმების ონკანები მოშვებულია

იქ წვერიანი ობი ჩარჩოში ზის და კუთხეში იცდის
ყეფან ლუმელთა მიღები ტოლჩაში ძოწის ანაბზინია
ძესორციელნი როგორც ქარის წისქვილები ფქვავენ დროს ფქვავენ
სანამ მსუქანი ჯვრის მეფე ხელს აქნევს მძიმედ — დროგამოშვებით

1956.

დოქტორი № მდიდარი და სასწაულმოქმედი
რადგან ყველაფერს მიაღწია თავისი უნარით

(ძნელი ბავშვობა და ასე ფხიანი
სწავლა გიმნაზიაში და ასე მოხერხებული

დოქტორის დიპლომი და ასე ნიჭიერი
ორი ავტომატანა — თავისი მულამით
მოკლედ: ყველაფერი — თავისი ჭკუით)



ქართული
წიგნების
კავშირები

დოქტორი № ცნობილი კოლექციონერია
იგი აგროვებს მანინჯებს — ფეხებისა და ხელების
ისინი მასთან 22-ია

ფეხბურთელთა ორი გუნდი — თითოეულში 11
დოქტორი ამბობს:

აბა ბიჭებო დღეს ვითამაშებთ ნამდვილ ფეხბურთს
— მაგრამ აკი ჩვენ არა გვჭკვს ფეხები — ხინინებენ
გაოცებული მანინჯები
— წისულელეა რას მიქარავთ — იჭმუნება კუშტი დოქტორი
ჩემი ცხოვრება მე შევქმენი ჩემივე ხელებით
დიახ საკუთარი ხელებით და მოხერხებით შეიძლება სასწაულების
ჩადენა და იგი თვალთ ანიშნებს თავის გამოცდილ სანიტარს —
მწვრთნელს ანუ თადარიგის სერჟანტს

და იწყება...

მთელი ნახევარი წელი გადიოდა წვრთნა ეკლიანი მავთულებით
შემოღობილ სანატორიუმში

და მე არ ვიცი იქნებ მათ მართლა გამოეზარდათ ფეხები
არც ის ვიცი თუ საერთოდ როგორ მოხდა მაგრამ

გაზაფხულზე თავად ვხედავდი —

პოეტის დასავსები თვალებით

თამაშობდნენ ბიჭები ფეხბურთს და თანაც როგორ: ერიპა!

1957.

ქუჩები სადაც ჩვენ არ გველიან
და სადაც კარია ჭრიალა საკეტით
იქ აქეთ-იქით ვეხეტებოდით
ჩვენი უიღბლო ბავშვობის წლებში

ქუჩები სადაც ჩვენ არ გველიან
იქ არაფერი არ ავიწყდებათ
რომ აქეთ-იქით ვეხეტებოდით
ჩვენს მშვიერ-ტიტველ სიჭაბუკეში

1955.





მ ო თ ხ რ ო ბ ა

თარგმნა ჯუმაჯარ თითაძე

ის იყო პატარა წერტილი მიუწვდომელი ჰორიზონტის თავზე, პატარა წერტილი, რომელიც არ ახლოვდებოდა და დიდდებოდა, და როცა მზე მის ზურგს უკან რჩებოდა, მარადისობაც დროებით უკან იწევდა, და მაცოცხლებელი სახე მას მრავალ ასეულ კილომეტრზე აჩენდა. ეს სინათლე ყველაფერს აბრმავებდა და არ არსებობდა ძალა, რომელსაც მისი ჩაქრობა ძალუძდა.

მტერს არჩაბარებული, ტყვედ ჩავარდნილი ქალაქის პირველი დამე. შორი და ახლო ბრძოლების ფეთქებადმა ტალღამ ის შორს მოიხროლა და იქ, ფრონტის ხაზის იმ მხარეს დატოვა. თვითმფრინავები უკვე სხვა ქალაქებს ბომბავდნენ, არტილერიული ზაღბები მიყურდნენ, მხოლოდ ავტომატების იშვიათი ჯერი და კივილი ისმოდა. ქალაქი მსხვერპლად მიიტანეს, ის თამაშიდან ისე გავარდა, ომის საჭადრაკო დაფა ისე დატოვა, რომ გულმტკიცუნეული ცრემლები არ უღვრია, და ის შიშისა და როყიო ტყვიების პოლიგონად გადაიქცა. ომის ველიდან გამოქცეული ის ტყვიები ცივად ტკაცუნებდნენ ცარიელ ქუჩებსა და შესახვევებში, ცოცხალ სამიზნეებს ეძებდნენ, და როცა ვერ პოულობდნენ, ადამიანთა მკერდების შეუნგრევლად ქვის კედლებს ესობოდნენ, ქალაქი დაემშვიდობა ომს, ძარცვებსა და დახვრეტების სიკვდილისწინა მოლოდინში ღამის შავ სუდარაში მიიმალა, ტყვე ქალაქის პირველი დამე. როცა იბის ბაქნიდან შიშისმომგვრელი ბრაზაბრუსი მოისმა, ანდრეი მოკუნტული იჯდა მისი მშობლების ფართო საწოლის კიდეზე. ის ელოდა, ყოველ წამს ელოდა, რომ უკვე მისი რიგი დადგებოდა, და მოუწევდა მტრისთვის თვალის გასწორება, და არ უნდა დასტყობოდა შეშინება, უნდა ეჩვენებინა მისთვის, რომ არ შეშინებულა. ის იცდიდა და ესმოდა, თუ როგორ აბრახუნებდნენ კონდახებითა და ფეხებით მეზობელი ბინის კარზე, როგორ გამოგლიჯეს საკეტი, და ის ისევ შეძაგდა, არ გაიქცა, ყველასთან ერთად არ წავიდა, და არც უნდოდა წასვლა. მამის დაბრუნებას უნდა დალოდებოდა, არ შეეძლო, არ შეეძლო დედის საფლავის მიტოვება, სახლის მიტოვება არ შეეძლო. გუშინწინ მთელი დღე ეძებდა დეიდამისი, რომელიც ბოლო ეშელონით აღმოსავლეთისკენ მიემგზავრებოდა. დირექტორი და კლასის დამრიგებელი ეძებდნენ, მთელი კლასი ეძებდა, მაგრამ ვერა და ვერ იპოვნეს. მას არ შეეძლო მოეტყუ-

ებინა მამა, რომელიც უკვე მეორე წელია იბრძოდა, და რომელსაც შეჰპირდა, რომ მას აქ, სახლში დაელოდებოდა. წერილები ფრონტიდან? ისინი მხოლოდ აქ მოსდიოდა. არ გაიქცა.

ანდრეი ელოდა კარის გამოღებას. მეზობელი ბატონი უნდა მოხსნოდა სასოწარკვეთილი, მსასოებელი ხრინწიანი ბლავილი, რომელიც უკვე მიაყუჩა — სული ამოხდა დადამბლავებულ დეიდა ლიზას, რომელიც უკვე რამდენიმე წელიწადია არ ენახა. რა ელის ახლა მის გონაკლულ შვილიშვილ ვიკას, იქნებ ისიც ძალღივით მიახვრიტონ. გაუთავებლად ილეწებოდა ჭურჭელი, გაუგებარ ენაზე ყვიროდნენ, ავეჯი ჭრაჭუნებდა — ოქროს ეძებდნენ. პირდაპირ ორმოცდამეოთხეში შეიჭრნენ, მაგრამ ამ ბინის პატრონები — მთელი ოჯახი — აქედან ჯერ კიდევ ერთი თვის წინათ გაემგზავრნენ და ყველაფერი წაიღეს. ორმოცდამეექვსის რიგი მოვიდა. ანდრეი ელოდა.

კარზე არ დაუკაკუნებიათ, ერთი დარტყმით შემომტვრევას აპირებდნენ, მაგრამ ეს საჭირო არ გახდა. კარი მაშინვე გაიღო — ზღურბლზე იდგა ოთხი კასკიანი ჯარისკაცი, რომლებიც გარეგნულად რალაციტ ბურჟუინებს ჰგავდნენ, მაგრამ უფრო საშინელნი და უფრო რეალურნი იყვნენ. ოთხი გაწვრთნილი ნაგაზი, რომლებიც მზად იყვნენ დაენაკუწებინათ ყველა და ყველაფერი — ცოცხალიცა და არაცოცხალიც, ოთახის ყველა კუთხეს მიესივნენ. ახალი ცენტურიონები სულსწრაფად გაშეშდნენ.

— აბა, ჩვენთან რა ხდება? — მოისმა კიბიდან აქეთკენ მომავალი კაცის ხმა. — ეს, მგონი, ორმოცდამეექვსეა.

ზღურბლზე გამოჩნდა საშუალო სიმაღლის, მოხდენილი შავსამკლავურიანი ოფიცერი — გესტაპოელი. მან ფართოდ გაფარჩხა ფეხები და გაჩერდა.

— მე მგონი, აქ რაღაც სიახლეა.

— ბატონო ოფიცერო, ნება მომეცით ამ ვითარებაში გარკვეულობა შემოვიტანო, — მკვეთრად, მკაფიოდ მიმართა მას კასკიანმა სახემ.

— მიდი.

ავტომატიანი კასკა საწოლთან მიიჭრა.

— არა! სდექ! არაა საჭირო. ნუ ჩქარობთ, კურტ. დღეს თქვენ მთლად გაწონასწორებული არა ხართ. ჩვენ ჯერ ბევრი დრო გვაქვს, თან დიდი სამუშაო გველის. ძალა უნდა გამოიზოგოთ, წინ მთელი ღამე და სვალინდელი დღე გვიდევს. ეს ბავშვი კი, ვფიქრობ, ჩვენ დიდ ზიანს არ მოგვაყენებს. ისედაც ჩვენ აქ მაინცდამაინც ვერ მოვითბობთ ხელს.

ჯარისკაცმა უკან დაიწია.

— უამრავი ასეთი ბინა უნდა დავიაროთ. აი რა მინდა გითხრათ...

ჯარისკაცი თავის ადგილზე დაბრუნდა.

— ბიჭებს გაუფრთხილდით, კურტ. მეოთხე სართულზე ადით, შემდეგ კი მეზობელ სადარბაზოში გადადით. სიის მიხედვით, ამ სახლში კიდევ ორი ებრაელთა ოჯახი უნდა ცხოვრობდეს, თუ ისინი არ გაქცეულან, მე კი თქვენ ცოტა ხანში დაგეწევით. თქვენი ნება-სურვილის შესაბამისად იმოქმედეთ, მაგრამ გახსოვდეთ ის, რაც მე გასწავლეთ: თავი დაიზოგეთ, ყველაფერი ძალის დაუხარჯავად აკეთეთ. ეს

ჩვენივე ინტერესებში შედის. პო, სხვათა შორის, ამ ბინაში, ორმოცდამეექვსეში, ჩემი სპეციალური ნებართვის გარეშე არავინ შემოვიდეს. დღესაც, და შემდეგაც ვიდრე ამ ქალაქში ვიქნებით. ეს ყველას ვადაცით. იმოქმედეთ, კურტ.



— გამადლობთ ნდობისათვის, ბატონო ოფიცერო.

— გახსოვდეთ ჩემი მითითებები და თხოვნა.

ეროვნული
ბიბლიოთეკა

თხელ, დალიანდაგებულ საბანში შეფუთული ანდრეი ცოცხალ-მკვდარი იჯდა, ეშინოდა არ განძრეულიყო, არ შემკრთალიყო, არ ეტირა. შეშინებულ თვალებს არ აცილებდა ოფიცრის შავად მოპრიალე ჩექმებს, მათი ჭრაჭუნნი კი ყურში ეკლებივით ერჭობოდა. მან გერმანელთა დიალოგებიდან ერთი სიტყვაც კი ვერ გაიგო, და მაინც, მაინც ვერ ახსნა, ისე რატომ წავიდნენ ისინი, რომ მისთვის ერთხელაც კი არ გაურტყამთ, ხელი არაფრისთვის არ უხლიათ და მშვიდად მიიხურეს კარი, მაგრამ ყველაზე უცნაური რამ მაინც ის იყო, ოფიცერი აქ დარჩა, ახლა ბოლთას სცემდა, ერთმანეთზე მიყოლებით აფუილებდა სიგარეტს, ზოგჯერ კედელზე ჩამოკიდებულ ანდრეის ახალგაზრდა დედის პორტრეტს და კუთხეში მდგარ პიანინოს ავლებდა თვალს. კიბის ბაქნიდან მოისმოდა რვა წლის ვიკას კრუსუნნი და შეყვირებები, — ეტყობა, ისიც მიხვდა, რომ ბებიას უკვე ვერ დაუძახებდა და მას თავზე ხელს ვერ გადაუსვამდა. მაგრამ მისთვის არავის სცხელოდა, ყველას თავისი უბედურება ბურღავდა, უბედურება, რომელიც მოიტანა ამან, ამ შავსამოსლიანმა, ჯვრებიანმა, ნაპატივებმა წელში აკვართულმა არსებამ. ანდრეის თავის აწვევისა და მისი სახისთვის თვალის შევლებიანა ეშინოდა, ეშინოდა მასთან თუნდაც ასეთი შეხებისა — შესაძლოა, უბედურება ახლავდა აპირებდა დატრიალებას და ის ჯერ მის თვალებში გაიელვებდა. ისა სჯობია, რომ თვალი მის ჩექმებს ადევნოს და ელოდოს, ელოდოს ოფიცრის წასვლას, და თვალებს მალლა არ ასწევს, არ შეამჩნევინებს, რომ ეშინია და უმწეოა. იწყებოდა ახალი ომი, პირადად მისი ომი, ომი ამ ბინაში, მის ბინაში, მამამისის ბინაში, დედამისის ბინაში. ის არ დაიჩოქებს, მაგრამ როგორ გაიმარჯვოს, როგორ გააგდოს აქედან ის, როგორ მიუხუროს კარი, როგორ დარჩეს აქ მარტო. მამას რომ შესძლებოდა წარმოედგინა ის, რომ ახლა მისი ვაჟიშვილი უიარალოდ დგას მტრის პირისპირ თავის სახლში... „შვილო! წერისთვის დრო სულ არ მრჩება. ჩვენ უნდა გადაგვისროლონ. ყოველი დღე ერთმანეთს გავს. სულ წვიმს. ბოლომდე ვიბრძოლებთ. ამის შემდეგ უფრო დაწვრილებით მოგწერ. დედის საფლავს მიაკითხე. აბა, შენ იცი“. ჩექმები განაგრძობდნენ კუთხიდან კუთხემდე დიაგონალების ხაზვას. ფანჯრის იქიდან აფეთქების ხმა მოისმა.

— გეშინია? — დუმილი დაარღვია ოფიცერმა.

ბავშვის თითები კიდევ უფრო დაიკრუნჩხნენ, მას კრიჭა ისე ძალიან შეეკრა, რომ კბილები ასტკივდა, შიში და გაკვირვება ერთმანეთში აირია და ყველაფერი თავდაყირა დადგა. ის უცხო არსება ალაპარაკდა და სიტყვებს რალაცნაირად განსაკუთრებული მანერით წარმოთქვამდა, მაგრამ რუსული სიტყვებით, ანდრეისთვის ასე მშობლიური და გასაგები სიტყვებით ალაპარაკდა.

— ვხედავ, რომ თავზარდაცემული ხარ. შენ უნდა გეშინოდეს

როდესაც ისვრიან და ერთმანეთს ხოცავენ, ყოველთვის გეშინია ადამიანს.



— შენ მშობლებთან ერთად რატომ არ წახვედი? მუფტი გეგატოვს? ამას არავითარი მნიშვნელობა არა აქვს... თქვენს ხეობაში მუსიკოსი ვინ იყო? ნოტების ასეთი ხვავეები მხოლოდ პროფესიონალს შეიძლება ჰქონდეს. შუბერტი, ლისტი, მალერი... უცნაურია, მაგრამ აქ ძირითადად გერმანელი მუსიკოსების ნოტებია. ჩვენს ოჯახში კი ჩაიკოვსკის ანიჭებდნენ უპირატესობას. მაგრამ, ვფიქრობ, რომ ის ამ სახლშიც უყვარდათ. არ შეიძლება ის არ გიყვარდეს... ამ პორტრეტზე დედაშენია? საინტერესოდაა დახატული, საინტერესოდ... სადაა ახლა ის? შენ მასთან რატომ არა ხარ?? დიას, მას კარგი, ძალიან კარგი ხელები აქვს. ის პროფესიონალი მუსიკოსია. აქ ის რამდენი წლისაა? თვალები, თვალები... ვნებით ალგზნებული თვალები. სადაა ის ახლა?

— მე შენ გეკითხები, სადაა ის? რატომ მიგატოვა შენ? ნუ მაიძულებ, რომ გიყვირო.

— დედა სადაა?!!
— მოკვდა.

ის კედელთან შეჩერდა, პიანინოს ნიდაყვით დაეყრდნო, ანდრეის შეხედა, ხელის მსუბუქი მოძრაობით სცადა სახიდან მოეცილებინა დღის დარჩენილი ბოღმა, სიავე და გულგრილობა, დაღლილობის უხილავი ნაფქვი, და თან დაუდევრად ბოდიშობდა თავისი თავის წინაშე. რამ აიძულა ის ამ ბინაში დარჩენილიყო, რატომ არ წავიდა სხვებთან ერთად, თუ მას მობეზრდა ქვითინები და ყვირილი, კეფაში სროლები, მაგრამ დღეს ხომ ომის ბოლო დღე არაა და, შესაძლოა, არც ბოლო თვეა, არც ბოლო წელიც კი, ხოცვა-ჟლეტა გაჭიანურდა, ახლა ის ეშმაკმა იცის ვის ბინაში აბოლებს და შესცქერის საშინლად შეშინებულ ბიჭს, რომლისთვისაც ის დამპყრობი და მკვლელია. დიას, ის დამპყრობი და მკვლელია, რადგან ომია, ყველანი ძარცვავენ და ხოცავენ, ყველას ხოცავენ, და ისიც ამას აკეთებს, მაგრამ ისიც საშინელ დღეშია, ისიც თავზარდაცემულია, რადგან გაცილებით უფრო თავზარდაცემულია, ისევე, როგორც ეს არც არაფერში დამნაშავე ბავშვი, ოღონდ გაცილებით უფრო თავზარდაცემულია, რადგან მოკვლა ყოველთვის უფრო საზარელი რამეა, ვიდრე ის, რომ უბრალოდ სიკვდილის მოწმე იყო. საშინელებაა დაქუცმაცებული თავის ნახვა, საშინელებაა თითი დააჭირო იმ ავტომატის ჩახმახზე, რომელიც მიბრუნით სროლის ჯერით დახოცავს ადამიანებს, საშინელებაა სისხლის, შენ რომ გაქვს, ისეთივე წითელი სისხლის თბილ ჭოჭში სუფთა ჩექმით ჩაბიჯება. საშინელებაა. პიანინოს თავი გაჯახუნდა. იქუხა პირველმა ბგერამ, რომელიც თანდათან შეერწყა მომდევნოებს და ამან ვუსტავისთვის დამახასიათებელ ჭოჭმანს წერტილი დაუსვა. ის გაავეებით და ვნებიანად უკრავდა, თუმცა კლავიშებთან მისი ყოველი შეხების დროს იგრძნობოდა სიფრთხილეს, იგრძნობოდა თავის თავთან, თავის გარემომცველ ყველაფერთან

ბრძოლა. ბოლო ორწლინახევრის განმავლობაში ის პირველად მიუღწევს ინსტრუმენტს, და ცდილობდა ამ ხანმოკლე ქმედებით შეეჩერებინა დროის, ჩექმებით გათელილი, გაქელილი, ცეცხლითა და სისხლით დაძვინკებული დროის მდინარეა, რათა მას გაუთავებელი თვეებში გაეშენებინა ზე არ ეზოზინა, ის მდინარის გადალახვისას წყლით არ გაგუდულიყო, სანგარში არ ამოხუთულიყო, სხვის სახლში არ ჩაფერფლილიყო. ზედაპირზე ამოტივტივდა ყველაფერი, ყველა ფიქრი, რომლებსაც ომი ჩვეულებრივ თავისი მძიმე მასით ნთქავდა, ნანგრევებში მალავდა, დაძახინჯებულ გვამებსა და ცეცხლწაკიდებულ რკინას შორის მიმოპყრიდა, ხევდა კავშირს მოვლენების, ყოველი დღისა და თვის, და უწინდელებისა, სისასტიკეებს შორის, რომლებიც მას ყველა ცალ-ცალკე და დეტალებში ახსოვდა, და ახლებისა, რომლებიც უცაბედად წარმოიქმნა აგერ ახლა, ამ წუთებში, წარმოიშვა. და ეს ყველაფერი მას დაეხვა, და ელვის სისწრაფით შეკავშირდა, შეჯგუფდა სატურნის ერთიან სისხლიან რგოლში, არნახული სარჩილავი ლამპის — სინდისის, თეთრად გავარვარებული სინდისის მკვდარ შუქში.

ანდრეიმ ჩაიკოვსკი იცნო. ის იცნობდა ამ რომანსს, რომელსაც ოდესღაც დედამისი უკრავდა, მაგრამ მისი ზუსტი სახელწოდება არ ახსოვდა, და არც ცდილობდა მის გახსენებას, ამიტომ მეხსიერება არ დაძაბა. შავმა ჩექმებმა თავშესაფარი პიანინოს ქვეშ ჰპოვეს და ახლა აქ თითქმის არ ინძრეოდნენ, მხოლოდ ზოგჯერ აჭერდნენ ინსტრუმენტის პედალს. ახლა თვალს უფრო შავი მხრებიდან მსკუპველი მოუსვინარი ხელები აწუხებდნენ. ისინი უსასრულოდ გრძელნი იყვნენ და მათ თითქოს შეეძლოთ ოთახში ნებისმიერ რამეს მიწვდომოდნენ, დაერბიათ ის, დაეჭმუჭნათ, ჩაეღეწათ ფანჯარა და ისედაც ცივ ოთახში შემოებერთათ ახალი სიცივე, ან კარი გაეღოთ და იარაღმომარჯვებულნი დაებრუნებინათ ისინი, რომლებიც ეს-ესაა წავიდნენ. ეს ხელები უშველებელი შავი ფრინველის მუსიკის აყოლებით მობობოქრე ფრთები იყო. ვაითუ, ამ წუთს ოფიცერი მოტრიალდეს, და დაინახოს, რომ მას უთვალთვალევენ, მიხვდეს, რომ ის წარმოსახული აქვთ მტაცებლად, სისხლით გაუმაძღარ მხეცად, და ეს გრძელი ხელები მოწვდეს მას, ანდრეის, იატაკზე დააზღართოს ის და გრძელი ფრჩხილებით ფხაჭნა დაუწყოს მას, ფხაჭნოს ფხაჭნოს და სისხლი ადინოს, ადინოს. ჯობია თვალეები დახუჭოს, არაფერი არ დაინახოს, და მხოლოდ ელოდოს იმას, რაც მოხდება, — ეს იყო ის ერთადერთი რამ, რასაც ანდრეი ფხიზლად აცნობიერებდა, და რაც ძალუძდა.

მუსიკა ოთახის კედლებიდან გაიჭრა, ის მთელ სახლს აზანზარებდა და მიგრიალებდა დაჩეჩქვილი ქალაქის თავზე გადავლით ბრძოლის გონდაკარგული ველებისკენ, რომლებსაც განთიადზე რაკეტების ზალბი შეაყენებს ყალყზე, და ისინი, ის ველები, სინდისისა და სამშობლოს, სამშობლოს სინდისის დასაცავად ისევ გადავლენ, შეტევაზე, ისე გადავლენ, რომ თავიანთი თავი ოდნავადაც კი არ ეხსომებათ. ეს გაღლეული დასახიჩრებული თავზეხელაღებულობა მას ახლალა გაახსენდა, როცა ისე, როგორც არასდროს, იგრძნო, რომ ის ისეთივე მოკვდავია, როგორც სანგრების ორივე მხარეს მყოფი ყველა სხვა. ის დაკვრას გა-

ნაგრძობდა და თვალწინ უდგებოდა ყველა მოკლულის სახე, რომლებიც მას არასოდეს არ ავიწყდებოდა, და რომლებიც მას მუდამ თან სდევდნენ, სადღაც მის ტვინში ფუთფუთებდნენ, თუმცა თითოეული მათგანი მან მხოლოდ ერთხელ ნახა, და ისიც, უმეტეს შემთხვევაში, თვალის მოკვრითლა. ისინი მის თვალწინ, მიცურავდნენ, რჩებოდნენ და მკვრივად გახრწნილი თევზები ბინძურ მორევში, რომელშიც წყალშიცხარების ნაცვლად ზოგჯერ მთლად ზედაპირამდე ამოშვერილი მავთულხლართები მკვიდრდებოდნენ. მეხსიერება შეშფოთებით ტრიალებდა იმ წვრილ თევზებს შორის, რომლებიც ტბორეში ფუთფუთებდნენ, და რომლებიც ზოგჯერ ანკესს ეკიდებოდნენ. ღამე თავის სიღრმეში ინთქმებოდა, იგუდებოდა. აქ აღარც ძველი ავეჯი იყო, აღარც კედლები, აღარც სახლი, აღარც ქალაქი იყო და აღარც ომი. მის თვალწინ იყო ის, ცოცხალი, გაცილებით უფრო ცოცხალი, ვიდრე ის ფლორენციაში გირლანდაიოს ერთ-ერთ ფრესკაზეა, იმიტომ, რომ ის ახლა რეალური, ცოცხალი იყო. დეკორაციების მკვეთრი ცვლა სუნთქვას უკრავდა. სადა ვარ მე? რა მოხდა? არა-არა, ეს შეუძლებელია... და მხოლოდ ნაზი ძილით შეფუთული ბავშვის სახე აცხრობდა მის უმწეობას. პირველად მიეცა ამ სახის, მისი ყოველი წერტილის ცალ-ცალკე გულმოდგინედ შეთვალერების შესაძლებლობა. ოფიცერი ძლივს წამოდგა და რამდენიმე ნაბიჯი წადგა მოზარდის საწოლისკენ, მიუახლოვდა მას: ახლა ის უკვე ისე გრძნობდა მძინარე ბავშვის სუნთქვას, თითქოს თვითონ სუნთქავდა, მაგრამ ვერანაირად ვერ იჯერებდა, რომ მას ცხადლივ ხედავდა, ჰოდა, ბიჭის ხელი თავის ხელში მოიქცია, იგრძნო მისი სისხლის სითბო, ცერით მაჯისცემა მოუსინჯა და ხელა თვლას შეუდგა. იმ მაჯაში გული სცემდა.

ოფიცერს არ ახსოვდა თუ რამდენ ხანს იჯდა ის იქ. ფანჯრის იქით ღამეული სირენის აუტანელმა ჭყვირილმა აიძულა გონს მოსულიყო. მან სწრაფად დააძრო ჯიბიდან ულუფის შოკოლადის ფილა და, ბოლოს, როცა თავისი სახელი გაახსენდა და ამ ფილის გარეკანზე წითელი ფანქრით მსხვილი რუსული ასოებით წააწერა: **გუსტავ.**

დილით ანდრეიმ თვალეები გაახილა და ვერ მიხვდა, სად იმყოფებოდა, რა მოხდა გუშინ... თითქოს სახლშია, მაგრამ ამავე დროს... დიახ, დიახ, სახლშია, რასაკვირველია. აკურატულად დაკეცილი ტანსაცმელი ელაგა საწოლის გვერდით მდგარ მაგიდაზე. ვინ გახადა მას, ვინ იყო ბინაში და, როდის წავიდა ის, შავოსანი. სულ არ ახსოვდა, როდის დაიძინა, აი, მუსიკა კი ახსოვდა, მაგრამ შემდეგ რა იყო... ეს კიდევ რაა? ანდრეიმ შოკოლადი გადაატრიალ-გადმოატრიალა — როგორ შეიძლებოდა ის აქ გაჩენილიყო? ნამდვილად უნდოდა ის შეეჭამა, და ძალიანაც ისიამოვნებდა, მაგრამ ვის შეეძლო ის აქ მოეტანა? მას!!! მხოლოდ მას შეეძლო ამის დატოვება. არა, არა, არა, ის ამ ფილას არ მიეკარება, მას სხვისი არაფერი სჭირდება, მას ვერ იყიდიან. თანაც, ერთიც ვნახოთ და, მოწამლულია?.. გუსტავი?! რას შეიძლება ეს ნიშნავდეს? ეს, იქნებ, მისი სახელია? დიახ, ეტყობა. მალერსაც გუ-



სტავი ერქვა. მაგრამ ეს მისი სახელი თუ არაა? გუსტავ... გუსტავ მა-
ლერი...

ფანჯრის იქიდან მარშით მიმომავალთა ბრავაბრუგი მოისმოდა. მახვილმა მუსიკალურმა სმენამ ამაში რალაც უხეში, ტლანქი, ღრუბლოვანი კეთო, რალაც ღრიალა და მკვდრისებური, უსიცოცხლობა და ზრუნველობა რივე დაიჭირა, — მას ვაებად, ასაფეთქებელი შექანიზმის მრიცხველის რიტმად აღიქვამდა. ჯარისკაცები შეკრული მწყობრით მიაბიჯებდნენ, და ნაბიჯები ხან რინდდებოდნენ, ხან ისევ, ფურგონების შიშისმოგვრელი გრუხუნით დახშულნი, ღორძინდებოდნენ. ჯერ კიდევ ამ რამდენიმე დღის წინათ ანდრეი მის მეგობრებთან ერთად, რომლებსაც იმ არემარეში რატომღაც ნაძირალებს ეძახდნენ, მიმორბოდა მის მშობლიურ ქუჩაზე, დღეს კი აქ უკვე იყო მტერი, ხალხის მტერი, მისი მეგობრებისა და მამამისის მტერი, პირადად მისი მტერი. ტელეგრაფის ბოძზე რეპროდუქტორი უკვე არ გადმოსცემდა ცნობებს დამარცხებებსა და გამარჯვებებზე, ცოცხალი ძალებისა და ტექნიკის დანაკარგებზე. ის ახლა ნალვლიანად და ჩუმად ადევნებდა თვალყურს მტრის უსასრულო შემოსევას, თუმცა, შესაძლოა მან ისევ განაგრძოს გამარჯვებებსა და დამარცხებებზე მაუწყებლობა, ოღონდ სხვა სიტყვებით განაგრძოს ტროტუარზე ადგილობრივი გამვლელები არ ჩანდნენ, გამვლელები მხოლოდ გარმანელები იყვნენ, რომლებიც, ავტომატებიანები, მიმორბოდნენ და რალაცეებს გაჰყვიროდნენ. ერთნი რალაც ბრძანებებს აქუხებდნენ, სხვები თავქუდმოგლეჯით გარბოდნენ მათი მხედრული მამაცობით შესასრულებლად. ოდესღაც, ორი-სამი წლის წინათ, ისიც ასახიერებდა ხმლიან და ავტომატიან წითლებსა და თეთრებს, მაგრამ ახლა უკვე ომი იყო, აქვე, სარკეში მისი მქრქალი ანარეკლის გვერდით იყო ის, უშველებელი და უთავბოლო, გაუგებარი უკვე დავიწყებული დასაწყისით და ჯერ უჩინარი დასასრულით. ანდრეის მამა გაახსენდა. „შვილო! წერისთვის დრო სულ არ მრჩება. ჩვენ უნდა გადაგვისროლონ. ყოველი დღე ერთმანეთს ჰგავს. სულ წვიმს დედაშენის მიერ მოქსოვილი ნაცრისფერი სვიტერი. ახლა ორჯერ უფრო მათბობს. ერთი თვის შემდეგ უკვე ორი წელი იქნება, რაც ის ჩვენთან არაა. მოუარე მის საფლავს, ჩემო ჭკვიანო ბიჭო. თავს მიხედე“.

სადაა ახლა მამა, რომელ ფრონტზეა, უტევს თუ ალყაშია მოქცეული, მიიღო თუ არა ჩემი ბოლო წერილი. ვაითუ, ის დაჭრილია, კოსპიტალში წევს და ასე ხშირად იხსენებს დედაჩემს? კიდევ უამრავი კითხვა უტრიალებდა, და ვერცერთზე ვერ ღებულობდა პასუხს. უნდა იცადოს, უბრალოდ უნდა იცადოს და ისევ ამ ფანჯარასთან, ისევ და ისევ ამ ფიქრით გაძევილმა.

ქუჩის მოპირდაპირე მხარეს პურის მაღაზიასთან ჯარისკაცი ორივე ხელით რის ვაი-ვაგლახით აკავებდა გერმანულ ნაგაზს. ძალღი გაავთრებით იქაჩებოდა ხორცის ნაჭრისკენ, რომელიც მას ჩავლილი სატვირთოდან ჩამოუგდეს, მაგრამ ვერ წვდებოდა მას, და მხოლოდ მაშინ, როცა პატრონს ის შეებრაღა და ორი ნაბიჯი მარჯვნივ წადგა, მშიერმა ძალღმა შესძლო პირველი სიხარულით გულის ჯერება. მან ხორცი კბილებით აიტაცა, მაგრამ მას კი არ ღრღნიდა და კი არ გლეჯდა, მი-

სიანად გულზვიადად დააბოტებდა ჯარისკაცის ირგვლივ, რითაც ავიწყებდა ორ სხვა ძალს, რომლებიც ცოტა მოშორებით არსდნენ. ჭიშკრის ქვეშიდან მეზობლის ვიკას ცივი წარმოუდგენელი კმული მოისმოდა. ის ცალი ხელით ჩამლრძვალ კნუტს იხუტებდა, მეორით კი ცხვირს იჩიჩქნიდა, და თითს ხანდახან გაზინხლულ კბილებზე ეწმენდდა. და როცა მის ცხვირში არაფერი დარჩა, ის კატის ბალნის ნაფლეთების გამოგლეჯას შეუდგა და ნეტარებით ყნოსავდა მათ. გოგონამ, როცა დაინახა მეზობელი ნაგაზითურთ, გაჩერდა, ჩაიკუნა და უკვე სუნთქვაშეკრული, ნელა ეპარებოდა ნაგაზს, თან, მისი ასაკის კვალობაზე, გათქვირებულ ტუჩებს ილოკავდა. ხორცს ჩაჭიდებული მისი წინ გამოშვერილი რკინის ყბები ისევ აკავებდნენ ხორცს. უცაბედად ბავშვის პატარა ხელი შეეცადა... და უკვე ვერავითარი ბუნებრივი ძალა ვერ შესძლებდა მხეცური სიხარბის დაცხრომას. ახლა ძალს პირში ხორცის ორი ნაჭერი ჰქონდა მოქცეული.

დაძაბულობა აუტანელი გახდა და მან იფეთქა. კასკებიანი გრიმასები თვალების წინ ხტუნაობდნენ, თავიანთი ვიწრო ჩარჩოებიდან ძვრებოდნენ, აბობლდებოდნენ და ადგილებს უცვლიდნენ ერთმანეთს, ძაღლის ყეფას ენაცვლებოდნენ, თითქოს სქელ გამჭვირვალე სითხეში ცურავდნენ. შავი სისხლის შენადედეები ვერცხლიწყალივით ზოზინით ზავდებოდნენ მტკერში. გული ერეოდა. ცრემლები სასუნთქ გზებს ასშობდნენ. რატომ აყოვნებს მტერი, რატომ არ აფეთქებს აქაურობას? მე ხომ დაუცველი და უმწეო ვარ. დაე მეც მაქციონ ნაჭრებად, მეც მომჩვარულ და უძვლო რაღაცად მაქციონ. ოღონდ ჩქარა ჰქნან ეს. ანდრეიმ, რაკი არ იცოდა, ხელები საით წაელო, ისინი თმებს შემოუჭრა. არამზადები და მკვლელები არიან. მაგრამ არა, მე მათ ასე იოლად არ დავნებდები. მე თავს დავიცავ. გრძელი ძველი სანადირო დანა კარს იქით გაფრინდა, და მისი მიყოლებით შოკოლადის ფილა ნაკუნებად იქცა. რჩებოდა გადარჩენის ერთი გზა: გაქცევა. მაგრამ საით გაქცევა? ტყისკენ? ველისკენ? ანდრეის სასოწარკვეთამ დარია ხელი და ის საწოლზე დაემხო. უკვე ეჩვენებოდა, რომ საითაც არ უნდა გაქცეულიყო, თუნდაც სამყაროს კიდისკენ გადაბარგებულიყო, მტრები მას ყველგან მოძებნიდნენ. მასში თითქოს მოქცეულია მაგნიტი, რომელიც მის მტრებს იზიდავს. ისინი, ის მშვიერი მგლები, მე ყველგან მიპოვნიან... კარი გაიღო.

ოთახში იატაკი გაჭრაჭუნდა, აკვნესდა, ის ყოველ შემოტევით ნაბიჯზე რეაგირებდა. იდგა ის, შავოსანი, და ხელში შეკვრა ეჭირა. გუსტაფი იდგა.

— რა მოხდა? შენ ვინმემ გაგანაწყენა?.. აქ ვინმე იყო?.. რა მოხდა?

— . . .

— მე მინდა, რომ შენ მიპასუხო.

— . . .

— შენ ნახე ქუჩაში რაც მოხდა? — გუსტავმა მახვილი სიტყვაზე „ქუჩაში“ გააკეთა და ფანჯრისკენ გაიხედა.

— გარეწარი!.. მკვლელი!..

— დამშვიდდი... მე გამეგება, რომ შენ გეშინია. როცა გვერდით ჩავიარე, მეც კი ჩემი დამემართა. ეს ნამდვილად საშინელებაა. მაგრამ თმში რაღა არ ხდება. ამბობენ, ჯარისკაცის ბრალი არაფერი არ იყო, გოგონა თვითონ წაეტანა ძაღლს, როცა ის ძვალს ღრღნიდაო...

— მომკალი მე!.. მომკალი!!! და წაეთრიე აქედან. მე თქვენს ქვეყნის დანი მძულხართ. შემსანსლეთ მე, შემსანსლეთ...

— გაჩერდი, ანდრეი, კმარა...

— სიძულვილის ამ შემოტევის დროსაც კი ანდრეის თავისი სახელის გაგონება ეუცნაურა. ის ხმამაღლა აქვითინდა და თავი ბალიშში ჩარგო — ის პირველად ვერ აცნობიერებდა რას ამბობდა, და რას აკეთებდა.

— მე შენი შოკოლადი არ მჭირდება... არ მჭირდება... მე... მე მირჩევნია შიმშილით მოვკვდე... ჩავძაღლდე...

გუსტავმა სიგარეტი გააბოლა და ფანჯარასთან მივიდა, მაგრამ ქუჩაში კი არა, მის ზევით იყურებოდა — მას უბრალოდ ის სჭირდებოდა, რომ საითკენღაც ეცქირნა.

— მე მიჭირს ახლა შენთან ლაპარაკი... შენ მე გოგონას სიკვდილში დამნაშავედ მიმიჩნევ... დიახ, მე დამნაშავე ვარ ამაში, სხვა რამეშიც, ყველაფერში, რაც ირგვლივ ხდება... მეც ვარ დამნაშავე.

დიდხანს დუმილის შემდეგ გუსტავი ნერვიულად მოსცილდა ფანჯარას, ინსტრუმენტს მიუჯდა, უცაბედად ორივე ხელი კისერზე მოიხვია, თავზე ხელი სათუთად მოისვა და ნელა დაუკრა რაღაც ძალიან-ძალიან შორეული.

მცხუნვარე მზით დამძიმებული გრძელი გზა იყო გასავლელი. და არსად არც ხე ჭაჭანებდა და არც ბუჩქნარი, რომ თუნდაც წამით შეფარებოდნენ ჩრდილს, არც ნაკადული, არც ტბორე, რათა რამდენიმე ყლუპით მაინც ვითომ მოეკლათ წყურვილი, გზაც კი არ ჩანდა — იყო მხოლოდ ქვიშა, ბორცვებიანი დამსკდარი მიწა, სივრცე და სვატი, და მათ შორის ის. ფეხშიშველას უწევდა სიარული, ფეხსაცმელი მთლად შემოაცვთდა, ტანისამოსი შემოეფლითა, სხეული დაეხრუკა, ფეხები დაუსისხლიანდა. ახალ ჭრილობებზე ქვიშა მოიყარა, რომ სისხლიანი ნაკვალევით ეს გზა არ ამოეცნოთ. ეს წარმოუდგენელი ტანჯვა მხოლოდ მას ერგუნა, და ის ამ გზას მარტო თვითონ გაივლის, სულ ბოლომდე გაივლის, და მხოლოდ ამის შემდეგ დადგება შვების ღამე, რასაც მან უკვე შეაღია ამდენი წელი, და რაც უფრო შორს მიდის, მით უფრო რწმუნდება თავის სისწორესა და დაუცვრობლობაში. მან ხომ ის უკვე რამდენჯერმე ნახა, შორიდან ნახა, მაშასადამე, კიდევ არაერთხელ და, შესაძლოა, უფრო ახლოდანაც ნახავს. შესაძლოა უცებ ხელი გაიწვდინოს და მასში სხვა ხელისგული შეიგრძნოს. ამას შესძლებს. მას ეს ბჯერა და შესასვენებლად წამითაც კი არ ჩერდება. მისი რწმენა მისი ერთადერთი ტვირთია, და ის მას ატარებს ამაყად, ისე ამაყად, როგორი სიამაყითაც თვითონ ის მოევიდნა ქვეყნიერებას, როგორი სიამაყითაც მან პირველად წარმოთქვა „მე“. შიმშილის გრძობას ის ყოველთვის იყუჩებდა მხოლოდ დაღლილობით, და ის მაძლარი და ბედნიერი იყო იმით, რომ მას არ სჭირდებოდა თავისი თავის დატვირთვა დანით, ჩანგლით და თეფშით, ყბების ზედმეტი მოძრაობებით. მას ეზიზღებო-

და ის საკვები, რომელსაც იღებდა მისი ორგანიზმი, და ეს იყო საწინდარი მისი ჯანმრთელობისა, რომელიც ასე აუცილებელია ამ გზაზე. სხვები მას არ შემოჰყრიან, იქნებ, მით უფრო მოკლე ან სხვა, არამიწიერი მარშრუტი აირჩიეს. მაგრამ უცებ, როცა მივა, ის იქ იქნება უკვე არა ერთი, ის დააგვიანებს და მას ვერავინ ვერ გაუშვებს, მხოლოდ ის, სხვა შეიბრალებს მას, როგორც წაგებულს, და ისინი, ზურგისკენ შემობრუნებულნი, წავლენ და მათ უკვე ვერავინ ვერასდროს ვერ დაეწევა. ფლობის, თავგამოდების, მასთან ერთად ყოფნის, მისთვის სამუდამოდ პირველ და უკანასკნელ არსებად ყოფნის სიხარბე მის ყველა ზეადამიანურ უნარს ხდიდნენ ერთ ზეადამიანურ ამტანობად, გამძლეობად. ოფლი იყო ტენი, რომლითაც შეიძლებოდა დაბანა, ქარის მიერ სისხლისგან დაცლილი ტუჩები მარილით დაპურდნენ, ხელები, თუმცა კი სიცოცხლის ნიშნებისგან დაცლილნი, სხეულის პარალელურად ეკიდნენ, ყოველთვის მზად იყვნენ თავის ნებისმიერი მტრისგან დასაცავად, მაგრამ ამ საპარაში იყვნენ მხოლოდ ორნი — ორი მსაჯული — სიცარიელე და დროის არარსებობა. აქამდე ისინი მხოლოდ თავიანთ თავს ეკუთვნოდნენ, მაგრამ გზაზე შემდგარს მას მოუნდა მისთვისაც ეცოცხლა, მისი მონა და ძალა ყოფილიყო, მასთან ერთად ეტანჯა... და აი პორიზონტზე გამოჩნდა პატარა წერტილი, რომელიც ადგილზე სულ ცოტა ხანს დარჩება, მაგრამ თუ უფრო ჩქარა, კიდევ უფრო ჩქარა ივლიან, შეიძლება მის ზურგს უკან დაკიდებული მზე ჩაესვენოს, და ის მას, მის სახეს და ფიგურას სრული ზომით იხილავს. ეს ყველაფერი სულ ერთ წამს გასტანს, და ამისთვის ღირს ფეხის აჩქარება.

— ჯარისკაცს უჭირს ადამიანი იყოს... — გუსტავი შემოტრიალდა და ანდრეის შემოხედა, ხელები კი ისევ კლავიშებზე ედო. — მიხარია, რომ უკვე არ ტირიხარ... შუბერტის გენია ყოველთვის გვამშვიდებს. ხომ ასეა?... რამდენი წლისა ხარ?

— მე ოცდათხუთმეტისა ვარ, შენა?

— თორმეტისა.

— მამა რამდენისაა?

— ერთი კვირის წინათ ორმოცისა გახდა.

— ისიც მუსიკოსია?

— არა, არქიტექტორია.

— ფრონტზე უკვე დიდი ხანია?

— ივლისიდან.

— და შენ მთელი ამ ხნის მანძილზე მარტო...

— ჩემთან ადრე დეიდა კლავა მოდიოდა, საჭმელი მოჰქონდა, ზოგჯერ მირეცხავდა, ცოტ-ცოტა ხანს უკრავდა. ორი დღის წინათ კი მისი ოჯახი მთელ ეშელონთან ერთად აღმოსავლეთისკენ გაემგზავრა.

— დეიდა კლავა მუსიკოსია?

— დიახ... როცა დედა ცოცხალი იყო, ისინი ხშირად ერთად უკრავდნენ. მერე კი ისე მოხდა, რომ ის ჩვენთან სულ უფრო და უფრო იშვიათად მოდიოდა. დეიდა კლავას მამაჩემი არ უყვარდა და ცდილობდა ჩვენთან მაშინ მოსულიყო, როცა მამა სახლში არ იყო.

— ეს ვაშლი გამომართვი. — ცოტა ხანს დუმილის შემდეგ თქვა გუსტავმა, ჯიბიდან დიდი ყვითელი ვაშლი ამოიღო და ანდრეის გაუწოდა. — ძალიან მინდა, რომ შენ ის შეჭამო. ნუ გეშინია, ეს გერმანული არაა, რუსულია, შენია, რუსულია. მე ის შენ მოგიტანე... *შეგეპირებოდა*

— ანდრეი გაოგნდა, აზრზე არ იყო როგორ მოქცეულიყო, რა უნდა ექნა: ვაშლი გამოერთმია მტრისთვის თუ უარი ეთქვა. ერთი ხელი მერეს აკავებდა, ეშინოდა, ვაითუ, რომელიმემ ვერ გასძლოს და ეს ძღვენი მიიღოს. თუმცა, მას ახლა გაახსენდა, რომ მას უკვე მთელი დღე-ღამეა არაფერი უჭამია, მაგრამ, რისკზე წასვლა მაინც არ შეიძლებოდა — ისედაც უკვე ბევრი რამ უთხრა. და ვის? მტერს და მკვლელს. მაგრამ ფიქრის დრო არ ჰქონდა, უნდა ეპასუხა, და ანდრეიმ თავი ასწია, და იმ მტერსა და მკვლელს ხელი კი არ გაუწოდა, მხერა შეაგება.

მტრის, მკვლელის თვალები ჩვეულებრივი თვალები იყო, ისეთები, როგორნიც ხშირად უნახავს: ქუჩაში, სკოლაში, კონცერტზე. დიან, ჩვეულებრივი თვალები იყო, მაგრამ მას ეს სულის მჩხვლელეული უნიფორმა რომ არ ცმოდა, ვიკა რომ არ მომკვდარიყო, ომში სროლები რომ არ ყოფილიყო...

ანდრეიმ ხელი გაუწოდა.

აი ის, ჯარისკაცი, რაიხის გმირი, ცისქვეშეთის დამპყრობი, ვინც შიმს აღუძრავს ყველა სულიერს. აი ის, ცივილიზაციის კეთილშობილი მძღვნელი, სწორუპოვრად ძლიერი და ღირსეული არსება. დიან, ბევრი დაიხოცა, ბევრი ვინმე და ბევრი რამ გაიძარცვა, ბევრი დაიჭრა და ჩამოიხრჩო, ამას ჰიტლერი და დრო მოითხოვდნენ, მას ვინ რას ეკითხებოდა, ის ფრონტმა დაიმორჩილა, დაიქვემდებარა. მაგრამ ის ცდილობდა თავისი თავის ერთგული ერთ რამეში მაინც ყოფილიყო — მიეცა ყველასთვის ყველაფერი, დაეღვივებინა ძალღისთვის, რომელმაც პატრონი დაკარგა, მათარაში ჩარჩენილი წყალი, ნაძარცვი ავლა-დიდება დაერიგებინა თავისი ჯარისკაცებისთვის, — აჰა, ინებეთ, ინებეთო. ის თავს სიმაძღრეზე მალლა აყენებდა, მას არ სჭირდებოდა სხვისი ყოფა, ისევე როგორც, სიტყვამ მოიტანა და, თავისიც. მას თავისი თავიც ჰყოფნიდა. თავისი თავი. მხოლოდ თავისი თავი. საკუთრების სიღრმიდან ამოზრდილი სიკეთე. გუსტავი იჯდა ტყვე თავისუფალი მოზარდის პირისპირ და უმზერდა მას, ვაშლის მღრღნელს. ის ფიქრობდა თუ არა ახლა ყველაფერ ამაზე? ფიქრობდა თუ არა თავის თავზე? მას ერვენებოდა, რომ არა, რომ ამ მომენტში ის არ ცრუობს, მხოლოდ სხვისი შიმშილის ოდნავ-ოდნავ დაცხრომა ეწადა. მას ასე ერვენებოდა. მაგრამ ოთახში მიმოყრილი შოკოლადი... ამ შოკოლადის ნამტვრევებმა ის უფრო მტკივნეულად დაჭრა, ვიდრე პირველმა აფეთქებულმა ნალმმა, უფრო მტკივნეულმა, ვიდრე საველე ჰოსპიტალში ყოფნის მთელმა თვემ. მისგან, მისი გულისგან მიუღებლობა?! მას ასე ერვენებოდა.

— მეც მინდა, რომ ომი ჩქარა დამთავრდეს. მაგრამ გვიწევს ამის, ისევე როგორც სხვა ყველაფრის, დალოდება.

— და შენ ისევ დაინახავ მამაშენს... ომი ხომ მაინც დამთავრდება.

— დამთავრდება.

— მამაჩემი კი უკვე ამ რვა წლის წინათ, როცა ორმოცდაათი წლისა გახდა, იმის შემდეგ მეოთხე დღეს გარდაიცვალა. ის ბოლო ნახევარი წლის შემდეგ თითქმის არ ღებოდა, მე, დედამ და ჩემს ძმას როგორღაც გვწამდა, რომ ის გამოჯანმრთელდებოდა. მაგრამ ექიმები სწორი აღმოჩნდნენ... როგორ ხშირად მართლდებოდა მათი ვარაუდები...

— ვილჰელმ ფონ ლაუტერბახ.

— ვილჰელმ ფონ ლაუტერბახ... ჩვენ ბერლინის ასლოს ვცხოვრობდით, ქალაქამდე ოც წუთში ვალწევდით. მამაჩემი პროფესიონალი მუსიკოსი არ იყო, მაგრამ მან მთელი თავისი სიცოცხლე მუსიკას გადააგო. ის დღე-ღამეში ზოგჯერ ხუთ, ზოგჯერ კი ექვს საათსაც უკრავდა. იქნებ, მე და ჩემი ძმა იმიტომ გავდიოდით შინიდან იშვიათად, რომ ვისმენდით პრაქტიკულად ყველაფერს, რასაც მამა უკრავდა. გვაღიჟებდა გაკვეთილები, საშუალოზე ვსწავლობდით, მაგრამ მშობლები ამის გამო არ გვლანძღავდნენ, მათ ჩვენ სხვაგვარად აღვზარდეს იმით, რომ ჩვენ თავიანთი მუსიკა გვიბოძეს...

— ეს გაგრძელებაა. შუბერტის ექსპრომპტ № 2 მი ბემოლ მაჟორი. დაე, მან შენ მეტი შვება მოგგვაროს.

ის ჩქარობს, ბორძიკობს, ბორცვებზე გადარბის, ხელებს პორი-ზონტისკენ იწვდის, მზეს ეწევა, ოღონდ კი მიასწროს, დაიჭიროს, მოიხელთოს ის მზერა, რომელიც ყოველ წამს შეიძლება გაკრთეს. შუალედებიანი ნაბიჯები, საზღვარი შესუნთქვასა და ნაბიჯს შორის, უწონადობის შეგრძნება, იმპულსი ახალი ნაბიჯისკენ — ამოსუნთქვა, წყვეტები, მთელი ძალის გამცლელი მრუდი, და თუ ის ჩაკეტილია, შეკრულია... სისხლძარღვებში თხევადი მარილი, ის ჭამს, ანადგურებს სისხლძარღვების კედლებს, ყოველ ბირთვის, უჯრედს, ნერვს, საპარსის ბლაგვი პირით იჭრება რბილ ხორცში... კრუნჩხვა... ისევ იჭრება, უკან არ იხევს, მთელ სხეულს სერავს, მზრუნველად ედება ყოველ უჯრედს, ყოველ მყესს, ყოველ კუნთს. შემადგენელ ნაწილებად დაშლა. ტკივილი კეფას უმიზნებს და არ აცდენს. ტვინს ხრუკავს, ტვინსა და სხეულს შორის გრძელ პალოებს არჭობს, ტვინი ტკივილით იმუხტება, ტკივილის ორი ნახევარსფერო... ის დულს შავ კარდალაში, ზოგჯერ კბილებიდან უკანასკნელ წყურვილს ამხეფებს. ის ჩქარობს, ბორძიკობს, ჩქარობს. მას ცოტა დრო აქვს, და თუ ეს უკანასკნელი შანსია, უკანასკნელი შესაძლებლობაა, მისი გამოუყენებლობა ჩემი თავის ღალატია, მისი ღალატია, მისთვის კი ვარ მას პლუს მე. სიარული ჭირს, მძიმეა ყოველი ნაბიჯი, მძიმეა მხოლოდ სიარულს დაქვემდებარებული მაჯის ყოველი ფეთქვა, მაგრამ მიახლოების ყოველი სანტიმეტრი მონახვის იმედს გჩუქნის, დიახ, რასაკვირველია, შემდეგ კი მონახულის ისევ დაკარგვა იგულისხმება, რასაკვირველია. და თუ ეს ასე არაა, მაშინ ის ასე დიდხანს რისთვის დაბორიალებდა...

როცა გუსტავი გონს მოვიდა, ზურგით პიანინოსკენ იჯდა. არც კი უფიქრია, რომ ასე თითქმის მთელ საათს იჯდა და არ უკრავდა, შუ-

ბერტი მესხიერებით, წარმოსახვით მოისმინა ბოლომდე. წინ გაშვერილმა მარჯვენა ხელმა მკვეთრად დაუსვა წერტილი უწონადობას, ქვევით დაეშვა და სადღაც თვით მასში ჩაიკარგა.



ეროვნული
კულტურის მინისტრის
განყოფილება

— მაპატიე, ცოტა წავთვლიშე.

— მე უბრალოდ სიზმარი ვნახე. დიახ, დიახ, ყველაზე ნამდვილი სიზმარი. ბევრი ჯარისკაცი თვალეზგახელილი ხედავს სიზმარს, მაშინაც კი ხედავენ, როცა არ ძინავთ. ომი სხვაგვარად გაგონებას და ნახვას ასწავლის მას. კარგი სიზმარი ვნახე. ძალიან კარგი. შესაძლოა, მხოლოდ დიდი დროის შემდეგ შევძლო მისი ჯეროვნად დაფასება. თუმცა, არ ვიცი, იქნებ, ადრეც, სულაც გაცილებით უფრო ადრეც შევძლო... ვაშლი არ მოგეწონა?

— კი, გმადლობთ.

— აგერ პაკეტით ცოტა ძეხვი მოგიტანე, შეჭამ. მე ხომ ვიცი, რომ შენ არაფერი ვიჭამია... არა-არა-არა. მე შენ არაფერს არ ვაძლევ. უბრალოდ აიღე და ჭამე.

— თქვენ შუბერტი ბოლომდე არ დაგიკრავთ.

— შენ დამშვიდდი და თქვენობით მომმართავ... კი, ახლავე ჩავათავებ. უბრალოდ აიღე და ჭამე. პიანისტები ამ ნაწარმოებს ძალზე იშვიათად უკრავენ. მე ის მხოლოდ მამაჩემის შესრულებით მოვისმინე.

ანდრეი ესპრომტ № 2 მი ბემოლ მაჟორს უსმენდა და ძეხვსა და შიშს ერთმანეთის შენაცვლებით ღეჭავდა. მას ეჩვენებოდა, რომ ვიღაც თავისიანი უთვალთვალებდა და ხედავდა, თუ როგორი სიამით მიირთმევს ის მტრის მიერ მორთმეულ ხორცს და მას ამას არასოდეს არ აპატიებს, ყველას უამბობს, სკოლაშიც, ქუჩაშიც მოჰყვება, მოუყვება მამას, რომელიც ყოველ წუთს შეიძლება მოკვდეს ეს რომაა, ამისთანა არსების ხელით.

ანდრეი მოტრიალდა.

— გმადლობთ, გავძეხი, მეტის ჭამა არ შემიძლია.

— ნუ გეშინია, არც ეს ძეხვია გერმანული, პოლონურია.

— მე ნამდვილად გავძეხი.

— შენ სახლში სადილს ვინ ვიკეთებდა?

— მე თვითონ ვიკეთებდი, ზოგჯერ მამა ან დეიდა კლავა მესმარებოდა.

— . . .

— . . .

— ჯერ კიდევ ომამდე, ჩემს სახლში, გერმანიაში, ჩემს ბევრ სიზმარს ვიწერდი. საუზმის შემდეგ, როცა მამაჩემი ინსტრუმენტს უჯდებოდა, ვიღებდი სქელ რვეულს, რომელსაც ჩემს ოთახში ბალიშს ქვეშ ვინახავდი, და მუსიკის ფონზე ვიხსენებდი ყველაფერ კარგს, რაც ღამე მესიზმრა. ეს ისე დიდი ხნის წინათ იყო, მაშინ მე გაცილებით შენზე უმცროსი ვიყავი. ჩემი ძმა თავიდან დამცინოდა, შემდეგ კი თვითონვე ასე იქცეოდა. ის ჩემზე სამი წლით იყო უფროსი.

— ის ახლა სადაა?

— ჰელმუტი ორი წლის წინათ დაიღუპა პოლონეთში. ბრესლაუში ჩვენი ჯარების შესვლისთანავე დაიღუპა. პოლონეთში გერმანელები

ცოტანი დაიღუპნენ, მაგრამ მათ შორის ჩემი ძმაც იყო, დედა ამით დიდხანს იტანჯებოდა და ყოველთვის, როცა კი მე მხედავდა, — მაშინ ჯერ ისევ ბერლინში ვიყავი, — ქვითინებდა. მას ერთადერთი/ახლობელი არსება მე დავრჩი. მე კი, როცა ჩემს უფროსობას ვეუბნებოდი და ფრონტზე გამომგზავნეს, სწორედ მაშინ დაიწყო რუსეთთან ომი. ჩვენი ბოლო შეხვედრისას მან მითხრა, ვგრძნობ, რომ ჩვენ ერთმანეთს უკანასკნელად ვხედავთო. მაგრამ მე ეს არ მჯერა, არ მინდა დავიჯერო. მე არ შემიძლია ავადმყოფი დედაჩემი მარტოკა დავტოვო. მას გული სტკივა. მე თუ მომკლავენ, ის ამას ვერ გადაიტანს... როგორც ხედავ, მხოლოდ შენ არა ხარ ცუდ დღეში.

— მე...

— არა, ახლა არაფრის თქმა არაა საჭირო.

ანდრეიმ არ იცოდა, რისი თქმა უნდოდა, არ იცოდა, როგორ გამოესატა სათქმელი. არადა, რა შუაშია, რა შუაშია აქ მისი სახლი, რა შუაშია ვიკა და მისი ბებიც, რა შუაშია აქ ის, ან მამამისი? რა შუაშია???

— მოდი, სხვა რამეზე ვილაპარაკოთ.

— მოდი! — გუსტავი მას ისე სთხოვდა, თითქოს ერთდროულად თავისი თავისა და ანდრეას წინაშე დაჩოქილი ღვასო.

— შენ, ალბათ, გაკვირვებს ის, რომ მე ასე კარგად ვლაპარაკობ რუსულად. ვიცი, რომ ცოტა აქცენტი მაქვს, მაგრამ რუს ტყვეებსაც კი უგონათ, რომ მე წარმომავლობით რუსეთიდანა ვარ. თორმეტ წელში მამაჩემმა მოახლედ რუსი ქალი აიყვანა. ჩემს მშობლებთან ის გერმანულად ლაპარაკობდა, მე და ჩემს ძმას კი რუსულის შესწავლის ნება დაგვრთეს. მე ეს პროცესი ისე მომწონდა, რომ ზოგჯერ მთელი დღის მანძილზე გერმანულად ერთ სიტყვასაც კი არ წარმოვთქვამდი. ელიზაბეტა ჩვენ ლექსებს გვიკითხავდა, ზღაპრებს გვიყვებოდა. საკმაოდ წიგნიერი და ნიჭიერი ქალი იყო. ჩვენთან ცხოვრების ერთი წლის შემდეგ გერმანულად თითქმის უაქცენტოდ ლაპარაკობდა, თუმცა ზოგიერთი სიტყვის აზრი ჯერ არ გაეგებოდა. მან გერმანიაში ბევრი რუსული წიგნი ჩამოიტანა, და მე და ჩემი ძმა მათ გატაცებით ვკითხულობდით. ძალიან საინტერესო იყო გოეთეს, ლერმონტოვისა და ჟუკოვსკის ერთმანეთთან ერთდროულად ორ ენაზე შედარება. ჩვიდმეტ წელში კი, როცა რუსეთში რევოლუცია დაიწყო, ელიზაბეტა პეტერბურგში გაემგზავრა, და ჩვენ ის უკვე არასოდეს არ გვინახავს. მთელი ამ წლების მანძილზე როგორ მინდოდა მას შეხვედროდი და მეთქვა: ჩემო ძვირფასო ელიზაბეტა, „ნუ დაძრახავთ ამ სიყვარულს, ის კურთხეული და ნაყოფიერია...“ — აი ვინ გამიგებდა მე. იმ დროს გერმანიაში ბევრი რუსი ემიგრანტი იყო, და მამაჩემმა ისევ რუსი მოახლე აიყვანა. *ოცდასამი წლის შემოდგომაზე ჩვენი ოჯახი იტალიაში ისვენებდა, მამაჩემი იქ მკურნალობდა, და ჩვენ ერთი რუსი მხატვრის ოჯახი გავიცანით. მისი გვარი ახლა არ მახსოვს, მაგრამ ჩვენთან სტუმრად მყოფ ბევრ სტუმარს მე მისი შვილი ვეგონე, ისე თავისუფლად ვლაპარაკობდი რუსულად...*

— თქვენს მოახლეს რა ერქვა?

— ეკატერინა მატვეევა. ის ისევ ჩვენთან ცხოვრობს. დეკემბერში ორმოცდაათისა გახდება... შენ გერმანელი მწერლებისა რა წაგიკითხავს?



— მხოლოდ „პატარა ცახესი“.

— ჩინებუღია, ჩინებუღი... ხა-ხა-ხა-ხა... ჩინებუღი... აქამდე უმოდრაო ლოყები ოდნავ გავარდისფერდა და ტუჩები და, — დიდი ხანია ასე ხალისიანად არ მიციინია.

— სასაცილო აქ რაა? — განაწყენებით ჰკითხა ანდრეიმ, რომელიც თავის თავს გაუბრაზდა იმის აღიარების გამო, რომ გერმანელი მწერლებისა სხვა არაფერი წაუკითხავს.

— არა-არა, სასაცილო არაფერია, არაფერი, პირიქით, ჩინებუღი რამაა, რომ შენ პოფუმენით დაიწყე.

გუსტავს მოეჩვენა, რომ ბინაში ცხელოდა. მან კიტელი გაიხადა, მაგიდაზე დააგდო და ოთახის შუაში ჩაცუცქდა. სიცილმა მისი სხეულის ტემპერატურა გაზარდა, მაჯისცემა გაუხშირა, მეხსიერება დაუცხრო. მაგრამ ვითომ დიდი ხნით? ვნახოთ, როგორც გამოვა.

ოფიცერი პიანინოსა და საწოლს შუა მდგარი იღიმებოდა. ჩვეულებრივმა თვალებმა ახლა ის, უკიტელო, როცა მისი შავი გალიფე და ჩექმები არ ჩანდა, ელექტროშუქის გარეშე, სულის მლაფავი სანთლის შუქზე ჩვეულებრივ ადამიანად აქცია.

— შენ ჩემი ძალიან გეშინია?

— უკვე, ნაკლებად მეშინია.

ასეთი საშინელებიდან უნდა გაიმიჯნო... მერწმუნე, რომ...

— არავინ არაფერი არ იცის, შენ მომავალი უნდა გექნეს. შენ

— არაფერია, ის დროც მოვა, როცა ჩვენ მეგობრები გავხდებით.

— ეს შეუძლებელია, იმიტომ...

— მოდი, მე შენ გერმანიაში წაგიყვან. მოიცა, ნუ გამაწყვეტინებ.

შენ იქ ისე იცხოვრებ... როგორც მოგეწონება, ისე იცხოვრებ... შენ ყველაფერი გექნება. მე დიდი სახლი მაქვს, ბიბლიოთეკა, შენ შეგეძლება იკითხო, ითამაშო, მოისმინო ყველაფერი, რაც კი მოგესურვება. დედაჩემი შენ შვილივით მიგიღებს. კატერინას რუსულად ელაპარაკები.

— არა-არა...

— შემდეგ ომი დამთავრდება, მე ფრონტიდან დავბრუნდები, შინ დავბრუნდები, შენ წამოიზრდები.

— არა, — ანდრეის ხმა თრთოდა.

— დრო ძალიან სწრაფად გარბის, შენ იქაურობას მიეჩვევი, ჩემი სახლი შენთვის მშობლიური სახლი გახდება, მამაჩემთან ერთად მიუჯდები ინსტრუმენტს. შენ არაფერზე არ გექნება საზრუნავი. შენ უნდა დაფიქრდე და დამეთანხმო, „კი“ უნდა თქვა, მე ხომ არ შემიძლია ძალდატანებით, იძულებით წაგიყვანო“. დაფიქრდი.

— არაფრის შემპირებელი დუმილი გუსტავს იმედით მსჭვალავდა.

— შენ არ უნდა დაიკარგო. მე შენს დაკარგვას არ დავუშვებ. მესმის, რომ შენ ფიქრობ დედაზე, მამაზე, მაგრამ ომში ყველაფერი შეიძლება მოხდეს...

— მამა დაბრუნდება.

არავინ არაფერი არ იცის. შენ მომავალი უნდა გექნეს. შენ ასეთი საშინელებიდან უნდა გაიმიჯნო... მერწმუნე, რომ...

— მამა დაბრუნდება.

— მე არ შემიძლია შენ ის შეგიცვალო, მაგრამ

— დაბრუნდება.

— არ იჩქარო... არ იჩქარო... მე შენი მტერი არა ვარ...

— ქუჩაში პანიკურმა შეძახილებმა, ყვირილმა გუსტავი ფეხზე წამოაგდო. გაძრობილმა კიტელმა ისევ მონახა თავისი სხეული, „მე დავბრუნდები“, — გაჯახუნდა კარი.

— რა უნდა მას ჩემგან, რაში მჭირდება მე მისი ზრუნვა. დედაჩემი აქაა, მამა მყავს, აქაა ჩემი სახლი. გუსტავი მტერი და მკვლეელია. ნუ დაბრუნდება თავის სახლში... მე არსადაც არ გავემგზავრები, მე ვერ მიყიდიან, მე მოლალატე არა ვარ. გერმანიაში წავიდე?! გიჟია... ეს რომ მამაჩემმა გაიგოს... გუსტავის მუსიკა მე არაფერში მჭირდება, გაუშვი, მოკლან, რათა მან სხვები არ დახოცოს. დასანანია, რომ მამაჩემი შორსაა... რა მოვიფიქრო ამ გერმანელის მოსაცილებლად, რა გავაკეთო?... — ანდრეი ეძებდა საშველს, და ისე იზღანდებოდა და იხლართებოდა მისთვის უცნობ სიტუაციაში, როგორც ოდესღაც უცნობი ქალაქის შესახვევებში თავგზაარეული დაბორილებდა მანამ, სანამ მამამისმა არ მოძებნა, ახლა კი არავის დახმარებას არ ელოდებოდა.

დილაბინდის ბურუსი ცუდი რეცხვით ჩაყვითლებული დაჭმუჭნული სახვევის სიბნელიდან ღივოდა. ის იქ, ქვევით, თავისიანებს შორის იყო და მსხვერპლს ეძებდა. ცრემლების ფენის იქით მხოლოდ სახლების კედლებს შორის მორიალე მქრქალი, ბუნდოვანი ლაქები იღანდებოდა. ფანჯრის მინას მიკრული ანდრეი დიდხანს უთვალთვალებდა მას. გუსტავი თავდაჯერებულად ბრუნდებოდა, მაგრამ მან თავის ზურგს უკან კარის მიკეტვა ვერ მოასწრო — ის მოპირდაპირე ბინიდან ორმა უეცარმა გასროლამ შეაჩერა. მისი სახე ავტომატის კონდახმა დამანჭა, მარცხენა ფეხი წინისკენ ფრთხილად წასწია, — თავის სიცოცხლეში უკანასკნელი ნაბიჯი გადადგა.

ის მიწაზე მის ფეხებთან წევს. ცხელი ქარი ქვიშას ჰაერში ატრიალებს, და თვლების გახელა სულ უფრო და უფრო უძნელდება. როგორც წყალში ჩასაძირად განწირულ ხომალდს ტოვებენ ადამიანები, ისე ეცლებოდა მის სხეულს ძალები. მიიღებს კი ის იმ ძალებს, სჭირდება კი მას ისინი? ამის შეტყობას ის უკვე ვერ მოასწრებს. ცრემლების მარილი, რომელიც ელვის სისწრაფით ხმება, სახეს კვერავს და ანიღბებს. და ეს ნიღაბი შეშდება... იმ სიცოცხლიდან კი მონეტების ჩხარუნი აღწევს — აღიარებები და ჯილდოები ახლოვდება.



დაღესტნური პოეზია



ქართული
წიგლისთქვა

თარგმნა სტეფანე მხარბრძელმა

გასული საუკუნის სამოცდაათიან წლებში ვიმოგზაურე დაღესტანში. თითქმის მთლიანად მაქვს შემოვლილი მისი აულები და ქალაქები. იქვე გადავწყვიტე, დაღესტნელი პოეტების ლექსები მეთარგმნა, რაშიც დახმარება გამიწიეს ჩემმა იქაურმა მეგობრებმა. ამჯერად მკითხველს ვთავაზობთ უფროსი თაობის გამოჩენილ შემოქმედთა პოეტურ ნიმუშებს. ციკლი იხსნება პოეტ-აშულის სულეიმან სტალსკის ლექსით. ცნობილია, რომ მ. გორკიმ მას „მეოცე საუკუნის ჰომეროსი“ უწოდა. აქვეა გამზათ წადასას, მისი შვილის რასულ გამზათოვის და სხვა ცნობილ პოეტთა ლექსები.

მთარგმნელი.

სულეიმან სტალსკი

ძველი მტერი მეგობარი არ არის

ძველ მტერზე არ თქვა, არის
ძმაკაცო,
მასთან მეგობრობა არ შეიძლება.
მოვა დრო — ნახე, რა დღე
დაგაწიოს,
მასთან სიტკბოება არ შეიძლება.

თუმცა ყურს არ მიგდებ
არასდიდებით,
მოსისხარს ყონაღად ნუ ეკიდები,
გახსოვდეს, იცოდე, საზღვარს
სცილდები,
ვერაგი ქომაგად არ შეიძლება.

მის კვალს ნუ დაჰყვები და შენთვის
იყავ,
ხაფანგს დაგახვედრებს აქაც და
იქაც,

არა, არ მიენდო დაშაქრულ
სიტყვას,
შიგ იყოს სიკეთე, არ შეიძლება.

მტერს ძველ იარაზე დაჰკარი,
გირჩევ,
რომ დარტყმა იგემოს პასუხად
ისევ:
სადაც სამასი წლის გუბეა მქისე,
იქ წყლის სიანკარე არ შეიძლება.

თუ დაგემუქროს, მიუხურე კარი,
მის მუხანათობას უქციე მხარი,
ხეირის მაგიერ დაგყვება შარი,
მასთან სხვანაირად არ შეიძლება.

და მე, სულეიმანს, წიგნი არ მესმის,
თუმც ჭეშმარიტების ვიპოვე თესლი:
არ იბადება ჰაიჰარად ლექსი,
უმაქნისი ლექსი არ შეიძლება.

გამჯათ წაღასა

ჩემი დაბადების სამოცდაათი წლისთავის გამო



რას ჩამაცივდით, რატომ ხართ
ნეტავ
უცნაურ ამბის მაუწყებელი,
თითქოსდა, ხალხნო, მოვხუცდი
მეტად,
არ დაიჯეროთ, რომ ვარ ბებერი.

ხანში შესულა ჩვენს ქვეყანაში.
სამოცდაათი გასწავლს წელი.
რამდენმა წყალმა იარა არმად,
გამისხლტა ბევრი დღე და საათი,
ორმოცი წელი წაიღო ქარმა
და მე მგონია, ვარ ოცდაათის.

სტუმართმრავლობას დავხვდი
ლაზათით
და სადღევრძელოც არ არის
გრძელი:

და თუკი ვინმე მოხუცს მიწოდებს,
ვიტყვი, რომ საქმე შემოღვევია,
ვინც ამას ფიქრობს, უნდა იცოდეს,
რომ ცუდუბრალოდ სტუმრად
მწვევია.

ვიმეპობროთ წიგნთან

ყველა შენი მეგობარი როდია,
შენს სუფრაზე ვინც დაგიწყებს
შექებას,
თუ ფული გაქვს, ჯარა-ჯარა
მოდიან,
თუ ქესატობ, ყველა შემოგეცლება.
შვილო ჩემო, დაიმოყვრე წიგნები,
მათი სიბრძნე შეუცნობელს
გაგაცნობს,
მდიდარი თუ უქონელი იქნები,
არ დაგტოვებს წიგნი მაინც
არასდროს.

ეს აბჯარი სასიკეთოდ გეძლევა,
ის დაგიცავს, გაჭირვების კვესია,
უწიგნურ კაცს ქვა აღმართში ეწევა,
სინანულით ბევრჯერ დაუკვნესია.

წინამძღვარი მასზე კარგი სად არი,
შეიყვარე მისი ყველა ფურცელი,
წიგნი არის ცოდნის დიდი ლამპარი,
მეგობარი უღალატო, უცვლელი.

იყავ ცოდნის განუყრელი ყონალი,
არ ჩაქრება მისი კერა ქებული,
მის ბალნარში ხეხილები მონახე
და დაკრიფე ხილი დამწიფებული.

ქვეყანაზე წიგნის სხივით იარე,
ბრძნული სიტყვით გზას გაგიხსნის
მგოსანი,
პოეზიის მადლი გაიზიარე,
მოგეცხება გულზე მალამოსავით.

რასულ გამჯათოვი

წ ე რ ო ე ბ ი

შინმოუსვლელნი, მტერს რომ
კაფავდნენ
თავგანწირულად და ღირსეულად,
ასე მგონია, გასცდნენ საფლავებს,
თეთრ წეროებად გადაქცეულან.

და ლაყვარდებში უსაზღვრო ზეცის
ფრენენ გუნდ-გუნდად,
წალიკ-წალიკად,
ფრენენ იმგვარი მხედრული წესით,
რომ მათი მწყობრი ღრუბლებს
წალეკავს.

დაუსაბამო სივრცენი ლახეს,
ვილაცას თითქოს უხმობენ ფრენად
და მესმის, რადგან წეროთა ძახილს
ავარიული ჩამოჰგავს ენა.

ყველა იმ შორეთს გადავარდნილი
ჩემი ძმობილი გახლავთ ნატრული,

მათ გუნდში არის ერთი ადგილი,
ეგებ საჩემოდ გადანახული.

დადგება დღე და წეროს წერტილი/
მე თვით გავხდები, მათვე ვეფხვენი
რომ მეც მოვიხმო აქ დაწერილი
მეგობრები და ამხანაგები.

შვილო, ამქვეყნად შენი გზა ნახე

მამა ალიონს მუდამ ასწრებდა,
დილის ბინდბუნდზე წამოდგებოდა,
შორ მწვერვალისკენ რწმენით
გასწევდა
და თავის ბილიკს დაადგებოდა.

იმ ვიწროებშიც ახლდა ნათელი,
როგორც მას სურდა, ვიდოდა
გზნებით
და გვერდს უვლიდა შარას
გათელილს,
ეჯავრებოდა იოლი გზები.

ერთხელ როგორღაც შევყევი
კამათს,
ეშმაკურ ღიმით გავუკარ ასე:
„უფრო ადვილი არ არის, მამავ,
რომ გაიარო გატკეპნილ გზაზე?“

მითხრა: „ჩემი გზა არის ცნობილი,
რა ვუყოთ, თუა ძნელი, ხვეული,

იქ, ჩემი ლექსის კვალს მინდობილი,
მასზე სიარულს ვარ მიჩვეული.

მერე ბევრმა დრომ იცვალა მხარი
და ბევრიც იქცა უამთასვლის
ნავლად,

მამამ დატოვა ის გზა და კვალი,
მოვიწადინე მეც მასზე გავლა.

ბილიკო მთისაგ, როგორ შველოდი
ჩანგის ჟღერაში ნეტავ მამაჩემს?
მივდევდი ბილიკს, ვერკი
ვმღეროდი,
არ ჰქონდა ბოლო იმ გზას
დანაჩვევს.

მაგრამ ბოლოს კი, მადლობა
გამჩენს,
მე გავიგონე ნაცნობი ხმები:
„შვილო, ამქვეყნად შენი გზა ნახე,
ნუ ივლი სხვისგან გათელილ
გზებით“.

დაღესტანს

ო, დაღესტანო, შენი შექლებით
რაც კი მხვდა მადლი, შენვე
გებაროს,
მინდა, რომ ჩემი ორდენ-მედლები
შენს მწვერვალებზე ავაელვარო.

მიიღე ჩემგან, რაც მაბადია,
ლექსი, ნამღერი გულის კარნახით,
ოლონდ მაჩუქე ტყეთა ნაბადი
და თოვლიანი მთების ფაფახი.

აბუთალიზ გაფუროვი

ს ი ა მ ა ყ ე



ცად აწვდილო ჩემო მხარევ,
 რით ამაყოფ, რით?
 ეგებ იმით, რომ ქვეყანას
 გადმოჰყურებ მთით?
 ეგებ იმით, რომ მიწაში
 განძს ინახავ ღრმად,
 ან ყვავილებს აბრიალებ
 ნაირნაირფრად?
 — არც ფერები, არც განძები,
 მე ვამაყოფ მით,
 რომ გამრჯეა ჩემი ხალხი,
 დალოცვილი ღვთით.
 მე ვაძოვებ ცხვრების ფარას,
 დავტრიალებ ბატკნებს,

ხეობებში, მთის ძირებში
 ცინცხალ წყაროს გაბნეულ
 არც ქვევ-ქვევით ქვას ვახვავებ,
 ვემუქრები არვის,
 ხალხს ვუგზავნი ცივ-ცივ შხეფებს,
 როგორც მძივებს ქარვის.
 ჩვენს მჩქეფარე მდინარეებს
 რით ვაცოცხლებ, რით?
 ჩვენი მწვერვალების თოვლით,
 დაუშრეტი წყლით.
 უფრო დიდი სიამაყე
 არის ჩემთვის ის,
 რომ გავზარდე ვაჟკაცები —
 არწივები მთის.

მაგოველ გაიდიოვი



განთიადისას გავდივარ გზაზე
 და თოვლიანი მელიან მთები,
 როგორც კოკურას იმედით სავსეს,
 ისე ვატარებ დილის მზეს მხრებით.

ყოველგან დაჰქრის ფიქრი
 ჯომარდი,
 მინდოდა მუდამ მთელი ქვეყანა —
 ჩვენი პლანეტა, როგორც ხომალდი
 ქარიშხლებიდან გამომეყვანა.

მისთვის აღვდგები, თუნდაც
 ბრძოლითაც
 და დაივიწყებ შიშსა და იჭვებს,
 უჩემოდ იქნებ ასცდეს ორბიტას
 და ნაცრად იქცეს, და ფერფლად
 იქცეს.

განუზომელი რწმენა მეძლევა,
 დავემორჩილო სხვის მიზანს,
 არ მსურს,

ჩვენს დედამიწას რაც შეემთხვევა,
 ასე მგონია, მე ვაგებ პასუხს.

სამსჯავრო ყველას მოგვკითხავს
 მკაცრად,
 არც გადაცდენა გვეპატიება,
 თუ დედამიწა ორბიტას ასცდა,
 ამაო არის გზათა ძიება.

სადღაც ზეცამდე ადის ხანძარი
 და განსაცდელის რეკენ ზარები,
 ჩვენც ვართ მხილველი ცეცხლში
 დამწვარი
 სოფელ-ქალაქის, სისხლის
 ღვარების...

ეს ფიქრი მახლავს შინ და გარეთაც
 და ვარ აღვსილი ურყევი ნებით —
 მსურს, მოსვენება ჰქონდეს
 პლანეტას,
 მის ბედს ვატარებ საკუთარ
 მხრებით.

მუტალიზ მიტაროვი

მეგობრობა



ერთხელაც ბრძენ კაცს მიმართეს
 კითხვით:
 — ქვეყნად ძვირფასი რაა საგანი?
 თქვა აღსაკალმა მცირე ხნის
 ფიქრით:
 — მეგობრობაა ძვირფასთაგანი.
 მაშინ მას უთხრეს: — რვალზე
 უმტკიცესს
 თუკილა გვეტყვი, შენს პირს
 შაქარი!
 და ბრძენი ყველას ასე უმტკიცებს:
 — მეგობრობაა უფრო მაგარი!

— თუკი გრიგალმა წამოუარა
 მუსხესაც მოთხრის შემჯერ, უმტკიცესსა
 გრიგალზე მძლავრი რამე თუ არი?
 — მეგობრობაა უფრო ძლიერი!
 — მოხუცო, თაფლი, მისგან სიამე?
 მზეებრ მჭვირვალე, ნუგბარი,
 ლბილი...
 თაფლზე უტკბესი თუ არი რამე?
 — მეგობრობაა ყველაზე ტკბილი.

შაჰილ კაზიევი



ნუ გგონივარ ღარიბი,
 შვილო, არ გეხუმრები,
 ჩემს სიმდიდრეს უწონელს
 ვერ გაზიდავ ურმებით.
 აი ჩემი ქონება:
 ცინცხალ წყაროს ვერცხლები,
 მოოქრული მთა-ველი,
 ვერცერთს ვერ გავეცლები.
 კლდეთა სალი კედლები,
 ცისარტყელის საყურე,
 უსაზღვრო ცის ფირუზი,
 ყოველდღე რომ გავყურებ.

ბავშვობიდან ნაჩვევი
 ვარსკვლავებთან თამაში,
 მთვარის სხივთა ალერსი
 ღამით ჩემს ფანჯარაში.
 შვილო ჩემო, გახსოვდეს,
 რა სიმდიდრე მქონია,
 განძეული ამგვარი
 არვის აუწონია.
 აღარა თქვა, მამა მყავს
 უქონელი, ღარიბი,
 შენც ეგ მხრები გაშალე,
 შესხენ განძის კარები.

გაზიმ-გეზ გაგანდოვი



თუ ვინმეს მწარე სიტყვას ვახლიდი
 და ჩემგან რამე წყენა მისდევდა,
 მამა მაგდებდა უმაღლ სახლიდან
 და დამნაშავეს ყურებს მიწევდა.

და ოღონდ ვინმეს ჩემგან რგებოდა
 საქმე კეთილი, საქმე ქებული,
 ყოველთვის დედა კართან
 მხვდებოდა,
 გახარებული, გაღიმებული.

ერთხელ როგორღაც ველარ
ვივარგე,
ჩამქრალ კერისკენ მივეშურები...
მამა არ დამხვდა, მე კი ვინატრე,
რომ აეწია ჩემთვის ყურები.

რომ მეკუთვნოდა მადლობა ბედად,
სახლში დავბრუნდი გამხნევებული,
მაგრამ კარის წინ არ დამხვდა დედა,
ტკბილი ღიმილით დამშვენებული.
ეროვნული
ბიბლიოთეკა

ანჰარ აჯიევი

მე პაპაჩემი მეტყოდა ასჯერ:
ნაუცბათეფი არარა ვარგა,
ასჯერ გაზომე და ერთხელ გასჭერ,
რათა სიმართლე შეიგრძნო კარგად.

ულელტეხილზე ასჯერ ავედი,
რომ მზის ამოსვლა მეხილა
ერთხელ,
ასჯერ გავკვესე ტრფობის აბედი,
მისი ანთება ერთხელდა შევძელ.

რომ ერთადერთი შემეცნო კვალი,
ბედმა ასი გზა გადამატარა,
მე ასი წყაროს გავსინჯე წყალი
და ერთი იყო მხოლოდ ანკარა.

ლამაზ თვალეში ას მთვარეს
ვჭკრეტდი,
რათა მეპოვა ერთი მნათობი
და მეგობარი შემომჩნა ერთი,
თუმცა კი მყავდა ასი ნაცნობი.

ხილის ბაღნარში ასი ხე მედგა,
ერთი გამოდგა ნაყოფიერი,
მე ასი გულის ვისმენდი ფეთქვას,
რომ ერთი ფეთქვა მეგრძნო
ძლიერი.

მე ას მხარეში მომიხდა გავლა
და სიყვარულზე სიმღერებს ვწერდი
და ასი ენის რომც შევძლო სწავლა,
მშობლიურია მხოლოდდა ერთი.

აგდულგაჟიდ ხაჩალოვი

მ ა დ ლ ო ბ ა

მადლობა იმას, წყარო ანკარა
ვინც მთების ძირას ააწანწკარა
და დასიცხულის საჩრდილობელი
უდაბნოეთში ალვა ახარა!

ვინც მეგობარზე არ თქვა აუგი,
ყველგან მართალი ამბავი მიაქვს!

ვინც უპოვართა არის მშველელი,
მათთვის ანთია, როგორც სანთელი,
ვინც შეიძულა ფარისეველი,
ზურგს მოფარებით ორმოს
გამთხრელი!

ვინც არ აკარებს სტუმარს ცივ
ნიაფს,
ხვდება გულლიანდ, ახლობლის
დარად,
ვინც მის ბედაურს დაუყრის შვრიას
და თავის გარჯას ჩააგდებს არად!

მადლობა, ვისაც ამ ჩვენს აულში
მოყვასისათვის კარი აქვს ღია,

მადლობა იმას, ვისი სახლ-კარიც
არ გამოილევს ნაღვერდლის კიაფს,
ვისაც ხალხისთვის, როგორც
ლამპარი,
ბედნიერების ნათელი მიაქვს!





რომანი

თარგმნა თამარ ჩიჯავაძემ

როგორც გადამწიფებულმა ალუჩამ იცის ერთბაშად ძირს დაშვება, ისე ერთბაშად და უცბად შექმეშვა ციება, მისი გამტანჯავი შეტევები, ყოველ წელიწადს რომ მიმეორდებოდა. დღითი-დღე ვმაგრდებოდი, ღონე მემატებოდა; სახსრებმა ძველებური მოქნილობა დაიბრუნეს, უსისხლო ლოყები ამივარდისფერდა, ისევ გამიწია გულმა თამაშისა და გართობისკენ. ერთ დროს მშვილდისარი და დამბაჩა შემაყვარა ბაბუამ, ახლა ცდილობდა, ცეკვებით მოვეხიბლე.

ცეკვის ხელოვნებას მადგუა მასწავლიდა. ერთხელ უკვე ვახსენე იგი. ვინც ერთხელ ნახავდა მადგუას, თავის სიცოცხლეში ვერ დაივიწყებდა. გრძელი, გაძვალტყავებული, საოცრად ვიწრო მხრებითა და თეძოებით; ცოცხალი მკვირცხლი თვალები დამბაჩის ლულაზე უფრო შავი ჰქონდა, ხმა კი ისეთი წვრილი და გაბყინავი, იფიქრებდით, ნებისმიერ კედელში ატანს და გარეთ ლურსმანივით არის გამოჩრილიო. სხვათა შორის, მადგუა ჩვენში ძალიან ცნობილი მოცეკვავე და კომენდიანტი იყო. ჩემს გაწვრთნას რომ მოჰკიდა ხელი, მადგუამ თვითონ შემიკერა გამოქნილი ტყავისგან წულები. ამ წულებით საოცრად ადვილი იყო ცერებზე სიარული. სამუხლეებიც თვითონ შემიკერა. სხვანაირად გამიჭირდებოდა მუხლებზე დაცემა და ისევ სწრაფად წამოხტომა.

— აბა, როგორ არის საქმე? — იკითხავდა ბაბუა.

— ოო, ეს ბიჭი შორს წავა! — ამაყად ეუბნებოდა ჩემი მასწავლებელი.

ასე რომ ჩემს პირველ წარმატებას ცხენოსნობაში, ცეკვაში წარმატებაც დაემატა. სროლითაც გვარიანად მარჯვედ ვისროდი და ხანჯალსაც კარგად ვხმარობდი. ყველაფერი კარგად მიდიოდა, მაგრამ ეტყობა, ეშმაკსაც არ ეძინა, კუთხიდან მითვალთვალებდა და ჩუმჩუმად ქირქილებდა...

მოულოდნელად მაჩიჩს წითელა შეეყარა. მესამე დღეს მეც გავხდი ავად.

— წითელა ბატონები ღვთის ნებითაა და კეთილი იყოს მისი მობრძანება. ჩვენ კი ღირსეულად უნდა დავხვდეთ. — თქვა ბაბუამ.

გავრძელება. დასაწყისი იხ. „საუნჯე“ № 1-2 2007 წ.

გამომაყარა თუ არა ტანზე, დედაჩემმა ზანდუკში დაიწყო ქექვა და ერთი პატარა შუაში გახვრეტილი ქვა იპოვნა. ნახვრეტში შავი თასმა იყო გაყრილი.

— ეს თილისმა, შვილო, ბებიაჩემისგან მაქვს გადმოცემული და ძალიან ვაფასებ. იმიტომ, რომ ეს წითელასთვის უებარე წამალია. დაიკიდე, არ მოიხსნა და მალე მომჯობინდები. — დამლოცა დედა და თილისმა ჩამომკიდა. მკერდზე ცივი ქვა დამედო.

უებარმა წამალმა შვება არ მომიტანა; სიცხისგან ვიწვოდი და თვალსა და ხელს შუა ვდნებოდი.

შემოდინოდნენ მეზობლები, სასთუმალთან მისხდებოდნენ და თანაგრძნობით ოხრავდნენ.

რა თქმა უნდა, ჩემი ავადმყოფობის გამო ცხოვრება არ გაჩერებულა და არ ჩამკვდარა. მაგალითად სტუმრები ძველებურად ხშირად მოდიოდნენ და ღირსეული დახვედრა იყო საჭირო; უნდა გამასპინძლებოდნენ, გაერთოთ. წინა დღეებში ვილაცები მოვიდნენ... ამხარში ვიწექი და მათი მხიარული ხმები ჩემამდე აღწევდა: მესმოდა როგორ მღეროდნენ, ხარხარებდნენ, ერთი-ორჯერ გაისროლეს კიდევც.

მეორე დღეს, სტუმრები თავის გზას რომ გაუდგნენ, ბაბუა ჩემთან შემოვიდა.

— სახლში წითელა ბატონები გვყავს და ჩვენ სტუმრებს ცხვარი დავუკალით, — თითქოს თავს იმართლებსო, ისე ჩაილაპარაკა ბაბუამ და თვალები ზეცისკენ ალაპყრო. — მაგრამ ეს არც უვიცობისგან მომსვლია და არც გულგრილობისგან. სტუმრები შორიდან იყვნენ მოსულები და თავს ხომ ვერ შევირცხვენდი. ო, თეთრო ხანია, მოოქროვილ ცხენზე ამხედრებული ოქროს ზოსხანის დედავ, ნუ მოაკლებ ავადმყოფ ბავშვს შენს მოწყალებას!

ლოცვა რომ აღასრულა, ბაბუა ეზოში გავიდა. დიდხანს ვერ დაწყნარდა, საკუთარ თავს წყევლიდა და შეაჩვენებდა.

ჩამთვლიმა, ბურანში წავედი, მაგრამ ძილ-ღვიძლში მაინც მესმოდა სასთუმალთან დედაჩემისა და ჩვენი მეზობლის ღიზას ჩურჩული.

— წითელა უფრო ხშირად იმ ოჯახში მობრძანდება, სადაც უქმე დღეებს არ იცავენ — დამრიგებლურად ამბობდა მეზობელი.

— ჩვენი უქმე დღე შაბათია და გეფიცები, არასოდეს დამირღვევია იგი! — ეუბნებოდა დედა.

— ასეა, ასე, ჩვენ რომ დილიდან საღამომდე საქმეში ვართ გართული, მთელი დღე ვტრიალებთ, გვავიწყდება ხოლმე... არაფერი დაშავდება, რომ მოვიწინაოთ და ღმერთს აღთქმა მივცეთ...

— არა, ღიზა, არა, არ შეიძლება უქმე დღე რომ დამვიწყებოდა. ჩვენს გვარში ათა-ბაბადან შაბათია უქმე, ძვალსა და რბილში მაქვს ეს გამჯდარი და სხვა ცოდვას უფრო ჩავიდენ, ვიდრე ამას ვულალატებდე. მგონი ასჯერ გიამბე, როგორ დაიღუპა ჩვენთან ერთი ქალიშვილი.

მეზობლის უსაფუძვლო ეჭვით აღელვებულმა დედამ თეთრი თავსაფარი მოიხსნა, მუნებზე დაიდო და ხელისგულით დაიწყო გასწორება. ამით იმშვიდებდა თავს.

მე ვიცოდი, როგორ დაიღუპა ის ქალიშვილი, დედამ რომ ახსენა. ის შავმა ღრუბელმა წაიყვანა უქმეს დარღვევისთვის. შაბათის წმინ-

დად დაცვას რომ უნერგავდა დედა ჩემს დებს, ამ ამბავს უყვებოდა ხოლმე. აი, რა შეიძლება დაემართოს გაუგონარ და ურჩ ადამიანს. შეიძლება იმიტომ, რომ სიცხემ დაძინა და უკეთესად ვაზროვნებდი, უცბად საოცარი სიცხადით წარმოვიდგინე, როგორ მოხდა ყოველივე ეს.

აი, ის აივანზე ზის, ახალგაზრდა და მშვენიერი; რაღაცეა... ჩემის უმცროს დას ნასის ჩამოჰგავს. ზის და ტარსიკონის ფესსაცმელებს იკერავს. შაბათია, მაგრამ მას არ ახსოვს ეს, ან არაფრად მიაჩნია. უცბად მზემ ბინდი გადაიკრა, ჩამობნელდა, თითქოს დაღამდა და შავი აბოლქვებული ღრუბელი აივანზე ჩამოწვა. „ღმერთო ჩემო, როგორ ბნელა“, — შეშინდა ქალიშვილი და საქმეს თავი მიანება. წამოხტა და კალთიდან შეკერილი ცალი ფესსაცმელი ჩამოუვარდა, მეორე კი ხელში შერჩა. დგას ამ ფესსაცმელით წერწეტა, მოხდენილი და უმწეო, უცბად მოსული ღამით შეშინებული. შავი ღრუბელი კი თითქოს თავის ფრთებს ახვევს და მასთან ერთად ცაში მიფრინავს. ამის მერე ქალიშვილისთვის თვალიც არავის მოუკრავს. მის მშობლებს კი მხოლოდ ის ფესსაცმელი დარჩათ, ძირს რომ დაუვარდა ქალიშვილს...

აი, ასე მეხატებოდა ეს სურათი ცნობიერებაში. ღრუბლისგან მოტაცებულ ქალიშვილზე ვფიქრობდი, მებრალებოდა და მის გადარჩენაზე ვოცნებობდი, სანამ ძილმა არ წამართვა თავი. თვალი რომ გავახილე, ჩინის შვილი ჩიჩინი დავინახე, თავზე მადგა და ჩემს გაღვიძებას ელოდებოდა. ჯიბიდან ორი დიდი ლოყაწითელა ვაშლი ამოიღო და ჩემი საწოლის ახლოს სკამზე დადო.

— როგორც ვხედავ, ძალიან ყოჩაღი ბიჭი ხარ, ლაგან. მალე მოიკეთებ, რა თქმა უნდა, ბატონების სურვილი თუ იქნება, — მითხრა და შეთავაზებულ სკამზე ჩამოჯდა.

ჩინის შვილი ჩიჩინი რომ დავინახე, თითქოს უცებ მოვმჯობინდი. ჩიჩინი ისე არ წავიდოდა, ჩემთვის რომ არ ემღერა...

— აბა, რა გიმღერო, ჩემო პატარა მეგობარო? — შემომხედა და თვალებით გაშიღიმა. რა დიდებულად უსვამდნენ ხაზს მის ფართო მხარბეჭს ჩოხის თეთრი ქილები. როგორ უხდებოდა მის წვრილ წელს ქამარ-ხანჯალი, რა ლამაზად ერწყმოდა ჩონგურს მისი გრძელი თითები, რომლებიც დაჭკნებოდნენ, ალბათ, ჩონგურის აბრეშუმის სიმებს რომ არ შეხებოდნენ, მოფერებოდნენ...

— ნება მიბოძე, ცოტათი გაგართო წასვლამდე... თქვენც პატივცემულეზო, ვინც ავადმყოფის სანახავად მობრძანებულხართ, ერთ ახალგაზრდა ფრანტზე მოგასმენინებთ სიმღერას...

ამღერდა ჩონგური და ჩინის შვილის ჩიჩინის ხმაც აჰყვა. ჩინის შვილს ჩიჩინს არ უყვარდა იმის გახსენება, რამაც, როგორც თვითონ ამბობდა, „უდროოდ დააბერა“. შეკითხვებს გაურბოდა და როგორც არ უნდა ეთხოვათ, მტკიცე უარს ამბობდა: „ეს იგივეა, ჭრილობას მარტილი რომ დააყაროთ“.

მაგრამ ზოგჯერ ზომამზე მეტს რომ დაღევედა, თვითონ დაიწყებდა თხრობას, ყოველგვარი თხოვნისა და ხვეწნის გარეშე. ჩურჩულებდა, თითქოს მხოლოდ ერთ ვინმეს უამბობდა. გაუნძრევლად იჯდა და გულზე ხელებგადაჭდობილი ერთ წერტილს მიშტერებოდა. მისი მხიარუ-

ფრენას ახლა სწავლობსო. რომ მცოდნოდა, ვისთან მივბოდა!.. ხშირად სინარულის გასაზიარებლად მამიდასთან მივბინა — პემბასთან, რომელიც მარტოდმარტო ცხოვრობდა სუნარის სახლში. ხშირად უმცოროსი იყო, მაგრამ მაინც მეგობრობდნენ, ერთმანეთთან ახლოს იყვნენ და ხშირად ასე ყველა თავის საიდუმლოს ანდობდა ხოლმე.

ხშირად არ იცოდა, რომ დედამიწაზე სიყვარულის, სინარულის და სიმართლის გარდა ვერაგობა, თვალთმაქცობა, შური და სიცრუეც არის; ყველაფერი ჩაუკაკლა მამიდას ჩვენს შესახებ და ჩვენი გადაწყვეტილება გაანდო, რაც მართლა გულში უნდა ჩაემარხა. „შაბათ ღამეს სახლიდან მივდივარ. ჩემმა ძმებმა რომ არ იდარდონ და არ შეშინდნენ, უთხარი, რომ გავთხოვდი. ვის მივყვები და რატომ, შენ უკვე იცი“. აი, ასე ჩაუგდო ხშირად ჩვენი ბედი ხელში პემბას.

გველი რო შემოეხვიოს ყელზე ჩვილს მიხვდება? ვერა, მძივები ეგონება, რომელიც დედამ მისცა სათამაშოდ და ყელზე ჩამოჰკიდა.

ხშირად ასე მოუვიდა.

„ჩემო საყვარელო, როგორ მიმალავდი გულისნადებს, მე ხომ შენი მეგობარი ვარ. ახლა მორჩა, აღარაფერზე იჯავრო, არაფერზე იზრუნო! ბედნიერებას გისურვებ ახალ ცხოვრებაში!“ ასეთ სიტყვებს ეუბნებოდა პემბა, ეხვეოდა და ეფერებოდა ძმისწულს. დილით კი ირიჟრაჟა თუ არა, თავისი შხამიანი ნესტარი გაუყარა. პემბა მის ძმებთან მივიდა და უთხრა: „ეი, თქვე სქელკანიანებო, სისხლი რომ გაგყინვიათ ძარღვებში და ძილის მეტს არაფერს აკეთებთ, აზრზეც არა ხართ. თქვენი ერთადერთი და, ვისაც ცივ ნიავსაც კი არ აკარებდით, თავის მოჭრას რომ გიპირებთ“. „რა მოხდა, რა ამბავია?“ — შემფოთდნენ ძმები. „დიახ, დიახ, პემბამ ცეცხლზე ნავთი დაასხა შაბათს თქვენი და სახლიდან გაპარვას აპირებს, ვილაც ვიგინდარას მიჰყვება ცოლად“. პემბამ დასხა ძმები და ყველაფერი ჩაუკენჭა, რაც ხშირად გაანდო. მერე როგორ უამბო! ბოროტი სიტყვა მართლაც რომ პირველი იარაღია კაცისთვის, რომელსაც ბოროტება განუზრახავს... რაღა არ უთხრა პემბამ ძმებს ჩემზე; „არც სახლი გააჩნია და არც კარი, შეთითხნილი გარეგნობის გარდა არაფერი აბადია! ლაპარაკი იცოცხლე, ბრტყელი ბრტყელი და ლამაზი იცის, მაგრამ სხვა რა მოგახსენოთ... თავისი გვარი და წინაპარი რომ იცოდეს, დედის სახელითაც არ მოიხსენიებდნენ...“ ამას მაინც დასჯერებოდა. გაგიგონიათ? თურმე ჭლექიანი ვარ, ფილტვები დამპალი მაქვს. თანაც ეს საშინელი სენი მემკვიდრეობითი ყოფილა და მთელი ჩემი ოჯახი ამიტომ ამოწყვეტილა!..

ძმები გაცოფდნენ და დას დაუძახეს. ხშირად რომ შევიდა, ძმებმა ხანჯლები დააძვრეს და დას მკერდზე მიაბჯინეს. ეკითხებოდნენ: გვითხარი რატომ გამოგვლადრე ყელიო. ჩემი ხშირად კი მშვიდად ეუბნებოდა: „თქვენ კი შემოგვევლეთ, ძმებო, რა დანაშაული მიმიძღვის, ასე მკაცრად რატომ მექცევით, ასე გაბოროტებულები რატომ მიყურებთ? არაფერი სამარცხვინო არ ჩამიდენია. მიყვარს ეს კაცი და იმაზე უკეთესი ქვეყანაზე არავინ მეგულება. იცოდეთ, ან მაგას გავყვები ცოლად, ან არასოდეს არავის!“

ძმებმა ხშირად ოთახში გამოკეტეს და დარაჯობა დაუწყეს.

ასე გავიდა რამდენიმე დღე. პემბას კი ეს ეცოტავა და ისევ გამოცხადდა ძმებთან.

— რამდენ ხანს აპირებთ ასე გამოკეტილი რომ გყავდეთ? განა არ იცით, ქალიშვილმა თუ მოინდომა, ბროლის კომპიდანაც რომ გაიქცევა?

შინაშა

— მაშინ გვირჩიე, როგორ მოვიქცეთ!..

პემბამაც ურჩია: „დაასწარით და სხვა ვინმეს მიათხოვეთ.“

ძმებმა იფიქრეს, იფიქრეს და დათანხმდნენ.

ერთი აზნაურიშვილი გაახსენდათ მერხეულიდან, სამოცი წლის ქვრივი, რომელსაც წინა წელს უთხოვია ხშიასას ხელი, მაგრამ უარით გაუსტუმრებიათ. ახლა კი სასწრაფოდ აცნობეს ძმებმა თავიანთი გადაწყვეტილება. საქმის ასე შეტრიალებამ, რა თქმა უნდა გაახარა იგი და მაშინვე დაიწყო ქორწილისთვის მზადება. ძმები ხშიასასთან მივიდნენ და უთხრეს: სვალ მერხეულელ აზნაურს უნდა გაჰყვე ცოლადო... ბებერი ქვრივი აზნაური კი ხშიასაზე სამჯერ უფროსი იყო, თანაც თვალითაც არ ენახა არასოდეს. ხშიასას თვალთ დაუბნელდა, სადაც იდგა, იქვე ჩაიკეცა. საწყალმა შეშლილივით დაიწყო თვალების ცეცება, ლოყები დაიხოკა, საჭმელზეც უარი თქვა და სასმელზეც, ყველაფერი აღიკვეთა... „არა უშავს! ქალწულის ცრემლები ცვარივითაა!“ თქვეს ძმებმა და ისევ გამოკეტეს საწყალი ხშიასა.

ძმები უცოლოები იყვნენ, ხშიასასთან ერთად ცხოვრობდნენ. იმ დროისთვის დედა აღარ ჰყავდათ. დილით საუზმე მოამზადეს და დასწაულეს, კარი შეაღეს და... ხშიასა გაცივებული დახვდათ...

ვერც ნაკაწრი, ვერც ჩალურჯებული ადგილი ვერ უპოვნეს სხეულზე. „აღბათ გული გაუსკდა“ — დაასკვნა ძმების ყვირილზე მოცვენილმა ხალხმა. სხვა არაფერი უთქვამს ხშიასას იღუმალ სიკვდილზე.

ვერ გეტყვი, რა მომივიდა, ამის ძალა არ შემწევს... შაბათს ხშიასა რომ არ მოვიდა დათქმულ ადგილას, მივხვდი, რალაც საშინელება რომ იყო ჩვენს თავს. როგორ ვეცადე მის ნახვას, მაგრამ ამაოდ. მერე მისი სიკვდილი გავიგე... დაკრძალვაზე არ წავსულვარ, არც მიფიქრია. შვიდი დღე და ღამე გაშხლართული ვეგდე ბაბუას დანატოვარ დანგრეულ ქოხში. არც ვჭამდი და არც ვსვამდი, მხოლოდ თუთუნს ვეწეოდი. ჩემს თავს ვაბრალებდი ხშიასას სიკვდილს, ვისი გულიც ჩემი სიყვარულით იყო აღვსილი. თავის მოკვლა მიინდოდა, მაგრამ კაცის გული მხდალია, ვერ გავბედე და აი, ვცოცხლობ.

ერთ საღამოს, კარგად რომ ჩამობნელდა, როგორც იქნა, წამოვდექი, ჩრდილივით გამოვედი სახლიდან და ცხენზე ავბობლდი. სამი სიცოცხლეს რომ მომცეს ღმერთმა, გაზაფხულის იმ მკვდარ ღამეს ვერ დავივიწყებ, მარტოდმარტო რომ ვიდექი ჩემი ხშიასას საფლავთან. თვითონაც გაქვავებული ვიდექი მისი სამარის ქვის წინ. საფლავის შემოღობვა ვერ მოესწროთ. მიწის ბორცვი მიმანიშნებდა, სად იყო დამარხული.

იმღამინდელი სასაფლაოზე მისვლა ბილიკის დასაწყისი აღმოჩნდა, რომელზეც მთელ ჩემს სიცოცხლეს უნდა გაეგლო. ყოველდღე დავდიოდი ხშიასას საფლავზე. მის გვერდით მთვრალი კაცივით მავიწყდებოდა მწუხარება, მაგრამ შევჯდებოდი თუ არა ცხენზე და იქაურობას

გავეცლებოდი, მთელს ქვეყანაზე მარტოდმარტო ვვრძნობდი თავს, ადგილს ვერ ვპოულობდი და უაზროდ დავეხეტებოდი.

სამშაბათს დაკრძალეს უბედურ დღეს გაჩენილი და მეც უოველ სამშაბათს დავდიოდი სასაფლაოზე, მერე თვეში ერთხელ მივდიოდი ბოლოს კი მხოლოდ წლისთავზე. ვასუფთავებდი ხშირად საფლავებს უძილო ღამეს ვატარებდი მის სიახლოვეს. ჩემი წინაპრებივით მეც ილორის ღვთისმშობელზე ვლოცულობდი, თუმცა, გამოგიტყდები, ეკლესიაში ხშირად არ დავდიოდი. ახლა კი აღარც მჭირდებოდა, ჩემი ხშირად საფლავმა შემიცვალა ეკლესია. იქ რომ მივდიოდი, მეგონა, საკუთარ ცოდვას ვინანიებდი მის წინაშე, ცოდვას რომელიც ლოდივით მაწვა გულზე.

ძმებმა, რა თქმა უნდა, შენიშნეს მათი დის საფლავზე ღამ-ღამობით ვიღაც რომ დადიოდა და დაუდარაჯდნენ. როცა მიხვდნენ, მე რომ ვიყავი, მწარედ ინანეს და ისე ატირდნენ, როგორც ხშირად გარდაცვალების დღეს ტიროდნენ. გული ჩაუწყვიტათ იმ გამოუსწორებელმა დანაშაულმა, დის წინაშე რომ ჩაიდინეს.

ძმები არ დაოჯახებულან, ცხოვრობდნენ მარტოდმარტო და ერთმანეთს აბერდებოდნენ. აღარც პეშმა იყო ცოცხალი.

ცხენიდან რომ ჩამოვქვეითდებოდი და საფლავისკენ წავიდოდი, ერთმანეთზე ჩაბლაუჭებულები ძლივს მობობლავდნენ ჩემკენ. მერე საჭმელი მოჰქონდათ და იქვე მიმასპინძლდებოდნენ. ზოგჯერ მიპატიუებაზე უარს ვერ ვეუბნებოდი და სახლშიც მივყვებოდი. ერთმანეთის პირდაპირ ვსხდებოდით და მდუმარედ ვსვამდით ხშირად შესანდობარს.

მე არ გამიგონია, მსგავსი რამ სადმე მომხდარიყოს, თუმცა ჩვენი გულქვა სამყარო ცოტა საიდუმლოს როდი ინახავს. ჩემსა და ხშირადსა ძმებს შორის ისეთი ურთიერთობა დამყარდა, რომ უერთმანეთოდ ვეღარ ვძლებდით. თითქოს ხშირად ამდგარიყოს სასიკვდილო სარეცელიდან, საბოლოო ერთმანეთის გვერდით დავეყენებინოთ და ფიცი ჩამოერთმოს, რომ ამიერიდან ძმადნაფიცები ვიქნებოდით. ერთმანეთის დიდი ხნით უნახაობა გვიჭირდა. მე, როგორც ყოველთვის, ერთ ადგილას ვერ ვჩერდებოდი. დავეხეტებოდი ხან საქმეზე და ხან უსაქმოდ. რამდენიმე დღე რომ არ გამოვჩენილიყავი, ძმები აწრილდებოდნენ, რაიმე ხერხს გამოძებნიდნენ და მაცნობებდნენ, სასწრაფოდ ჩამოდით. მეც მაშინვე ვანებებდი თავს საქმეს და თავქუდმოგლეჯილი მივრბოდი ძმებთან. შევევარდებოდი ეზოში ცხენით, მომაქახებდნენ: „კარგად ხარ, ძვირფასო? ცუდი სიზმრები გვქონდა და... შორს ნუ წახვალ, შეიბრალე ჩვენი სიბერე, შენ ერთილა დაგვრჩენიხარ ნუკეშად“. ტირილით შემიყვანდნენ სახლში და გვერდით მომისხდებოდნენ.

ეს, მაშინ რომ ყოფილიყო ვინმე კეთილი კაცი, როცა მე და ხშირადსა ერთმანეთის სიყვარულით ვიწვოდით, ვინც ჩვენს ამბავს გულთან მიიტანდა, იქნებ ეს უბედურება აგვცდენოდა კიდევ. ის გულს გაუთბობდა ხშირადსა უგრძნობელ ძმებს და ბოროტი პეშმას მოსათოკავ გზებსაც გამონახავდა. მაგრამ არ იყო ასეთი კაცი და არც გვიფიქრია, თუ დავჭირდებოდა იგი. განა მარტო ჩვენ ვიყავით ამ დღეში? განა ცოტანი არიან გულწრფელად და ძლიერად რომ უყვართ ერთმანეთი? მაგრამ სა-

ჭირო კაცი არ არის ახლოს და მინის ჭურჭელივით იმსხვრევა ეს სიყვარული...

ასეთი ფიქრები მეხვია გარს ხშირად საფლავთან რომ ვალამებდი და ვათენებდი. ერთხელ მიწის სიღრმიდან ხმა შემომესმა: „ცინც ორ კაცს გააბედნიერებს თვითონაც ბედნიერი იქნება“. გამაყრდნულა; ხშირად ხმა იყო! მაგრამ ახლა მისი ხმა წინანდელვით უნაბეზრად დასრულდა. კი არა, მბრძანებლური იყო. ავდექი, ცხენი შევკახე და გზას გავუდექი. დაპატიჟებული და დაუპატიჟებელი სტუმარი გავხდი. ქორწილებშიც დავდიოდი და ქელეხებშიც, დღესასწაულებზეც და კრებებზეც. სასიძოვების ძმობილი ვიყავი და მეჯვარე.

უფრო მეტად რომ ჩავწვდომოდი ადამიანის გულს, ჩონგურზე დაკვრა ვისწავლე. ბევრი სიმღერა შევისწავლე. ვცდილობდი, ხალხისთვის არ მეჩვენებინა ჩემი დარდი... ყველასთან მხიარულად ვიქცევი. ვისთანაც არ უნდა მივიდე, მაშინვე ჩონგურს მომაწოდებენ. იშვიათი გამონაკლისის გარდა ნაღვლიან სიმღერებს აღარ ვმღერი; არ მინდა, დარდი და მწუხარება მიეუმატო ადამიანებს, ისედაც ბევრი სადარდებელი აქვთ ცხოვრებაში. ჰოდა, ვამშვიდებ მათ ჩემი სიმღერებით, ხუმრობებით ვართობ.

რამდენი კაცი შემხვედრია, რომელსაც ისე გაქვავებული აქვს გული, როგორც ჩემი ხშირადს ძმებს ჰქონდათ. რამდენი დამიხსნია უბედურებისაგან, რამდენჯერ უვნებელმიყვია პემბასნაირი ხალხისგან გადმონთხეული შხამი. რამდენი ხელჩაქნეული, ძალაგამოცლილი კაცისთვის დამიბრუნებია გზა სინათლისაკენ.

ბევრი დამიწყვილებია და გამიბედნიერებია. ამიტომაც მხვდებიან სიხარულით ნებისმიერ სახლში. მიხარია, ბედნიერ ოჯახებს რომ ვხვდავ, ჭკვიან და ჯანსაღ ბავშვებს. ჭიქას ვიღებ და სადღეგრძელოს ვსვამ: „ღმერთმა გაამრავლოს თქვენი ოჯახი!“ „როგორ დაგძველებია ჩოხა!“ — მეტყვის ვიღაც და ახალს შემიკერავს, მეორე ახალუხს შემიკერავს, მესამე — ჩაბალახს. მე კი არც წუნია ვარ და არც ამაყი, საჩუქრების მადლიერი ვარ. სიღარიბეზე არასოდეს დამიწუნუნია; ხოლო როცა მოგკვდები, თუნდაც სადმე ხის ძირას დამმარხონ და დამიტრონ. ყველას მიწას აბარებენ და არც მე დამტოვებენ დაუმარხავს. ხოლო თავთან უბრალო შავ ქვას თუ დამიდებენ, ეს საუკეთესო ეპიტაფია იქნება ჩემთვის. ჯერ კიდევ უნდა ვიარო, ვიარო უსასრულო გზაზე... მეც ვჩქარობ... ვინ იცის, იქნებ ვიღაც ორს თავდავიწყებით შეყვარებიათ ერთმანეთი და სასწრაფოდ სჭირდებათ ჩემი დახმარება.

XVII

ავვისტოა, მაგრამ სიცხე არ კლებულობს, პაპანაქებაა, ჰაერში სპილენძის სუნი ტრიალებს, ერთი ფოთოლი რაა, ერთი ფოთოლიც კი არ იძვრის.

ერთ საღამოს ეზოში ჩვენი მეზობელი მიხა შემოვიდა. მის შესახებ ვედრად გასულმა მამაჩემმა და მიხამ ამაცურტას ზღურბლს რომ გადმოაბიჯეს, ყველანი ფეხზე წამოვდექით. ამაცურტაში მთელი დღე ნაჯაფარი მეზობლებიც იყვნენ ჩვენთან სალაპარაკოდ გადმოსული. სტუმარს მიესალმნენ და შუაში ჩაისვენს.

ჩვენს სოფელში ბევრს ერქვა მიხა და ერთმანეთისგან რომ განესხვავებინათ, წინ მეტსახელს უმატებდნენ. ეს მეტსახელი ან გარეგნობის თავისებურებაზე მიუთითებდა („დიდი მიხა“, „პატარა მიხა“, „ცხვირა მიხა“), ან სადაურობაზე („მიხა მდინარისპირელი“, „ქვემოური მიხა“, „ზემოური მიხა“), ჩვენი სტუმარი კი, ამ მხრით ერთი გამონაკლისი იყო. მიუხედავად იმისა, რომ ცალ ფეხს ვერ ხრიადა, არც „კოჭლ მიხას“ ეძახდნენ და არც „ცალფეხა მიხას“, „მოხალისე მიხას“ ეძახდნენ. ჰქონიათ კიდევ ამის მიზეზი. პირველ მსოფლიო ომში მიხა მოხალისედ წასულა და მეტსახელიც აქედან დაურქმევიათ. მიხა კავკასიის ცხენოსანთა დივიზიაში ჩაურიცხავთ, რომელსაც შინაურულად „ველეურს“ ეძახდნენ. მოწინააღმდეგესთან შეტაკების დროს, ავსტრია — უნგრეთის საზღვარზე ტყვიამ მარჯვენა ფეხი დაუმსხვრია. ჭრილობა შეუხორცდა, მაგრამ მას შემდეგ მუხლს ვეღარ ხრიადა და გაშეშებულ ფეხს მიათრევდა. როცა მიხასთან რაიმეზე გამაგზავნიდნენ, ყოველთვის ვხედავდი კედელზე ჩამოკიდებულ ჩოხას. თეთრი ქილების ზემოთ საბრძოლო ჯილდოები ბრწყინავდა, გვერდით კი გაქექილქარქაშიანი ხმალი ეკიდა.

რომ დაჯდა, ბაბუამ მიხას ასე მიმართა:

— ძვირფასო მიხა, ყველას გვიხარია, რომ ვხედავთ, როგორ მეურნეობას ეწევი. მამაშენს ერთადერთი ვაჟი ჰყავდა, შენ კი აი რამდენი გყავს, თანაც ყველა ოქრო ბიჭია.

— ჰო, ჩემო ბეჟან, ჰო, პატივცემულო, — თავს უქნევდა მიხა მოხალისე, — რატომ არ უნდა ვიცოცხლო? ახალმა ხელისუფლებამ მიწა მომცა, შემეწია, როგორც ყველა ღარიბს. მერე რა, რომ მხოლოდ ცალი ფეხი მაქვს საღი, უნდა გავისარჯო, აბა სხვანაირად როგორ შეიძლება?!

— გავიგე, — ბაბუამ მოუთმენლად დაიწყო ჯოხის კაკუნი მიწის იატაკზე, — ქალაქში ყოფილხარ, ახალი ამბები ხომ არ ჩამოგიტანიათ?

მიხამ ყურადღებით შეათვალიერა შეკრებილი ხალხი. ჯერ ერთი, ეტყობოდა კარგ ხასიათზე იყო და მეორეც, მართლა უნდოდა რაღაც ახლის თქმა. ცოტა ხანს მედიდურად დუმდა, მერე ამაყად გადაადგო უკან თავი და ბაბუას შეხედა:

— გახსოვს, პატივცემულო ბეჟან, პირველად ვინ გახარა აფხაზეთში საბჭოთა ხელისუფლების დამყარება?

— როგორ არ მახსოვს, ჩემო კარგო, განა ასეთი რამის დავიწყება შეიძლება?

— ჰოდა, აი დღესაც შესანიშნავი ამბავი მოგიტანე.

— ღმერთმა სიხარული არ მოგაკლოს, ძვირფასო მიხა! — ბაბუამ ხელისგულები ისე შეატყუპა, თითქოს ლოცვას აპირებდა.

— კარგ დროს მივედი გუშინ ოჩამჩირეში... ნამდვილი მასწავლებელი ჩამოვიყვანე. — ისეთი ამბით გამოაცხადა მიხა მოხალისემ, თითქოს ამის გაკეთება სხვას არავის შეეძლო. — ახლა, ლაგან, შენ და შენს თანატოლებს გყავთ ადამიანი, რომელიც ცოდნას გაზიარებთ.

— რას ამბობ?! ნუთუ ჩვენს ბავშვებს მასწავლებელი ეღირსებათ? მესამე წელია სკოლა დაკეტილია! — აყაყანდნენ ყველანი, ზოგი დაიმედებული და ზოგი დაეჭვებული.

— აბა რას გეუბნებით? თქვენ ხომ კარგად მიცნობთ, მე თუ რა-
ღაც მიხარია, ესე იგი სასიხარულოა. — და მისა მოხალისემ გვიამბო,
როგორ გაიცნო ოჩამჩირეში მასწავლებელი ქალი და როგორ წამოი-
ყვანა ჩვენთან.

ეს ამბავი მთელ სოფელს მოედო და დიდხანს ^{ქვემოთ} ~~გაგრძელდა~~ მი-
თქმა-მოთქმა.

— ოჩამჩირის ბაზრის ახლოს ფიჭვის ქვეშ მალაღი, ნათელსახია-
ნი ქალი იდგა, თან ერთი რვა წლის თეთრუა ბიჭი ახლდა.

ეს იყო ვერა ნიკოლოზის ასული ვოლგინა. შორიდან იყო ჩვენთან
გადმოხვეწილი. როგორც შემდეგში გამოირკვა პეტერბურგში ყოფილა
დაბადებული, იქვე გაუტარებია ბავშვობა და ახალგაზრდობა. ვერა ნი-
კოლოზის ასულის მამა მასწავლებელი ყოფილა. შვილიც მამის კვალს
გაჰყოლია. კურსებზე მოწყობილა. კურსების დამთავრების შემდეგ კი
გათხოვილა. ქმარი ოფიცერი გახლდათ, აზნაური, რომელიც პირველი
მსოფლიო ომის ფრონტებზე იბრძოდა და რევოლუციურად განწყო-
ბილ ჯარისკაცებს დაუახლოვდა. ოქტომბრის რევოლუციის გამარჯვე-
ბის შემდეგ საბჭოთა ხელისუფლების მხარეს გადავიდა. ვერა ნიკოლო-
ზის ასულმა, რომელიც ქმრის შესედულებებს იზიარებდა, მხარი დაუ-
ჭირა მის არჩევანს. მაგრამ ძველმა მეგობრებმა და ამხანაგებმა, ოფი-
ცრებმა ვერ აპატიეს, მათივე სიტყვებით რომ ვთქვათ, წოდების ღა-
ლატი. პირველ ხანებში ცდილობდნენ მშვიდობიანად დაებრუნებინათ
გზასაცდენილი მეგობარი თავიანთი დროშის ქვეშ, მაგრამ ეს რომ ვერ
მოახერხეს, სადღაც ჩაუსაფრდნენ და მუხანათურად მოკლეს. მერე შე-
იძლება ვერა ნიკოლაევნასაც გასწორებოდნენ, შინ დარჩენა საშიში
იყო და საწყალმა ქალმა თავის ოთხი წლის შვილთან ერთად რუსეთში
ხეტიალი დაიწყო. მალე სამოქალაქო ომი დაიწყო: ნგრევა, შიმშილი,
სიცივე. საკუთარი სიცოცხლისა და შვილის გადასარჩენად ვერა ნიკო-
ლაევნა სამხრეთისკენ დაადგა გზას. როსტოვი, ასტრახანი, პიატიგორ-
სკი, კრასნოდარი, დუაბზე... სწორედ დუაბზედან მოხვდა იგი აფხაზე-
თში. ამ მხარეში არასოდეს ყოფილა, გაგონილი კი ბევრი ჰქონდა მის
შესახებ. იცოდა, რომ ახალგაზრდა რესპუბლიკას მასწავლებლები აკლ-
და, მას კი დიპლომი ჰქონდა... რა თქმა უნდა, ქალაქელ ქალს, თანაც ინ-
ტელიგენტს, ოჩამჩირეში ცხოვრება უფრო გაუადვილდებოდა, სადაც იგი
ქვეყანაში უდიდესმა ძვრებმა გადმოავდო, ასე თუ ისე, მაინც ქალაქი
იყო. მაგრამ ვერა ნიკოლაევნამ სადღაც მთებში ჩაკარგული ჩვენი სო-
ფელი აირჩია, სადაც ნათესავი კი არა, უბრალო ნაცნობი რაა, ისიც კი
არ შეიძლებოდა ჰყოლოდა.

და ფიჭვის ჩრდილში მდგარ ამ ქალთან მივიდა ორი კაცი. ერთი
მათგანი, გახუნებული გიმნასტურა რომ ეცვა, ოჩამჩირის ბაზრის განა-
თლების განყოფილების გამგე იყო. მეორე კოჭლი კი, რა თქმა უნდა,
მისა მოხალისე გახლდათ.

— პატივცემულო ვერა ნიკოლაევნა, გაიცანით გეთაყვა, ეს მისა
გახლავთ. იმ სოფლიდანაა, მე რომ გეუბნებოდით, დანიშნულ ადგილას
თქვენი ჩაყვანაც ამან იკისრა, — უთხრა განყოფილების გამგემ და თან
შეწუხებულმა დაუმატა: — ოღონდ ნუ დაგვემდურებით, ურმით უნდა

ვაგამგზავროთ, სხვა ტრანსპორტი არა გვაქვს და, ალბათ, არც გვექნება კარგა ხანს.

— რას ბრძანებთ, შესანიშნავია... ურმით არასოდეს მიმგზავროს.

— ღიმილით უპასუხა ქალმა.

მალე ურემი, რომელზეც მიხა მოხალისე, ვერა ნიკოლაევნა და მისი ბიჭი ისხდნენ, ქალაქიდან გავიდა და იქითკენ დაადგა გზა. მისი დასაც ცადატყორცნილი თეთრად მოქათქათე მთები მოჩანდა. ბიჭი გაოცებული ათვალიერებდა უცნაური ცხოველების მსხვილსა და დაგრეხილ რქებს. ურემი ნელა მიგორავდა. ბიჭი ამკარად დამფრთხალი იყო, ცხოველები კი ზღაზვნით ადგამდნენ ფეხებს წინ, ყრუდ აბრაგუნებდნენ მტვრიან გზაზე ფართო, დახეთქილ ჩლიქებს, იცოხნებოდნენ და დრო და დრო დაძაგრულ კუდებს იტყლაშუნებდნენ ფერდებზე.

ურემი ისე მიდიოდა, დაჩაჩანაკებული ბერიკაციც კი გაუსწრებდა. მიხა მოხალისე წინ იჯდა და გაუთავებლად მღეროდა და მღეროდა. ვერა ნიკოლაევნა სიამოვნებით ისმენდა გაუგებარ სიტყვებს.

სიმღერა რომ მობეზრდა, მიხამ მასწავლებელს გაუბა საუბარი. რუსული სიტყვების ძალზე ღარიბული მარაგი ჯარისკაცის ყაზარმული ლექსიკონიდან ჰქონდა შემორჩენილი, მაგრამ მაინც გაუგეს ერთმანეთს. მიხამ კი წამოიწყო საუბარი, მაგრამ მალე მხოლოდ პასუხებს იძლეოდა, რადგან სტუმარმა საფანტივით მიაყარა შეკითხვები. ისიც კი ჰკითხა, ფეხში როგორ დაიჭერიო.

მიხამ მეხსიერება დაძაბა, არც ერთი რუსული სიტყვა რომ არ დაჰკარგოდა და თხრობა დაიწყო: — ეს კარბატების მთებში მოხდა. გაზაფხული იდგა. ყველგან დნებოდა თოვლი. მე აფხაზეთის ასეულში ვირიცხებოდი. ორ კილომეტრზე ცოტა მეტი ვიყავი დაშორებული ფრონტს...

ვერა ნიკოლაევნა, მებრძოლი ოფიცრის ქვრივი უსმენდა მიხას; ყველაფერი ესმოდა. მან ცხადად წარმოიდგინა: როგორ გადმოვიდნენ შეტევაზე ერთ დილას ავსტრია-უნგრეთის ჯარები ფრონტის იმ მონაკვეთზე, სადაც აფხაზეთის ნაწილი იდგა. მიუხედავად იმისა, რომ მოწინააღმდეგეს უდიდესი უპირატესობა ჰქონდა ცოცხალი ძალისა და არტილერიის მხრივ, უკან დახევა არავის უფიქრია. გააფთრებული ბრძოლა საღამომდე გაგრძელდა. ზარბაზნების გრიალი აყრუებდა ხალხს, გიზგიზებდა ჯოჯოხეთური ცეცხლი. შეუდრეკელ აფხაზ მებრძოლებს ერთი მტკაველითაც არ დაუხევიათ უკან თავიანთი პოზიციებიდან. ერთი ბრმა ტყვია მიხას მოხვდა ფეხში. ცხენი მოუკვდა.

— აქეთ მე ვწევარ და იქით ჩემი საყვარელი ცხენი. სისხლისგან ვიცლებოდი, მაგრამ მაინც მივცოცდი ცხენტან. „განისვენე, ჩემო მეგობარო, მშვიდობით“, — მეოქი ვუთხარი, თავზე ხელი გადავუსვი და უნაგირი და უზანგები ავყარე.

ფრონტიდან დაბრუნებულ მიხას დედ-მამა აღარ დახვედრია. მისი გვიმრით გადახურული, გადაფერდებული ქონის კარები ყრუდ ამოეგმანათ. გზაში, შინისკენ რომ მოდიოდა, ჭრილობა დაუჩირქდა და მთელი წელიწადი საწოლში გაატარა. მეზობლები დადიოდნენ ყოველ დღე,

საჭმელი მოჰქონდათ და უვლიდნენ. მოარჩინეს კიდევ, მაგრამ წინ სი-
ლარიბისა და გაჭირვების გარდა არაფერი ელოდა...

— ფეხზე რომ წამოვდექი, ჩემთან ყველაფერი გავერანებულ იყო. მიწა გამოფიტული, მოსავალი მცირე, არარა შინაური ცხოველები არც კამეჩები, მოკლედ არაფერი აღარ გაგვაჩნდა. სულზე მხოლოდ მისწავლის უფლებამ, თორემ ლატაკი ვიქნებოდი. — უამბობდა მიხა მასწავლებელს.

უამბობდა, რომ: ახალმა კანონმა ყველა გლესს მისცა მიწა, გამო-
ნაკლისი არავისთვის დაუშვია. ყველაზე ღარიბებმა კი ფულიც მიიღეს მეურნეობის მოსაგვარებლად. ასე რომ ცხოვრება შეიძლება თუმცა ჯერ მაინც გვიჭირს! ისევ არის ქურდობა და ძარცვა. ხან ეს არა გვაქვს და ხან — ის. აი, მასწავლებლებიც არა გვყავს, მესამე წელია ბავშვები სკოლაში არ დადიან.

მაგრამ მხოლოდ ბავშვები როდი გელოდებიან, ძვირფასო ვერა ნიკოლაევნა, — თითოეული გლეხი გელოდებოდა, როგორც უახლოეს ნათესავს ისე გელოდებიან... ჩვენში ერთი ანდაზაა: ცოდნა სინათლეა, უცოდინარობა — სიბნელეო. პოდა, აი, ჩვენს ხალხს სწავლა უნდა. ერთიც უნდა იცოდეთ, ჩვენო ძვირფასო სტუმარო, სხვისი შვილის გამზრდელს ჩვენში ძალიან აფასებენ! შენ ჩვენი ბავშვების მოძღვარი იქნები...

ცხელოდა. მზე ისე აცხუნებდა, გეგონებოდათ, ცოტაც და, თავისი სიმხურვალით თვითონვე დაიფერფლებოდა. ქანცვაწყვეტილი კამეჩები ფეხებს ძლივს ამოძრავებდნენ, სუნთქვა უჭირდათ, ქშინავდნენ და ურემი როგორც კი მიხას ნაცნობ წყაროს მიუახლოვდა მიხამ კამეჩები გააჩერა.

აკაციების ძირას პატარა წყარო მორაკრაკებდა. მიხამ საპატიო სტუმრები ჩრდილში შეიყვანა. ვერა ნიკოლაევნამ ქილა აავსო წყლით, მოსვა, მერე სახეზე შეისხა, ხელები დაისველა. ამასობაში მიხამ ფოთლები შეაგროვა, აკაციის ქვეშ მიწაზე გაშალა და ზედ ტომრიდან ამოღებული ხმელი ჭადი და შებოლილი ყველი დააწყო, მერე ერთადერთ თეფშზე კიტრი და პამიდორი დათალა.

— ეს ჩიტსაც კი არ ეყოფა საკენკად, მაგრამ მომიტევეთ, რაცა გვაქვს... მიირთვიოთ, ძვირფასო სტუმრებო, ნუ იუკადრისებთ, ჩემს პურმარილს! — მიიწვია მან „სუფრაზე“ დედა-შვილი.

ვერა ნიკოლაევნა მგზავრობას დაემშია, კეთილი გულით შემოთავაზებულ მცირე სუფრას გადახედა და თქვა: ამაზე გემრიელი რაღა უნდა იყოსო.

სახლში მხოლოდ მე და ბაბუა ვართ და საოცრად მიხარია, ბაბუასთან უფრო ლაღად ვგრძნობ თავს. ბაბუა კალათებს წნავს, დროდადრო გადმომძახებს: „სადა ხარ, ლაგან?“ „აქა ვარ, ბაბუ“ — ვუპასუხებ და ის სავსებით კმაყოფილდება. მე კი ზედმეტი მზრუნველობისა და შეკითხვებისგან თავისუფალი ვარ.

წითელა რომ მოვიხადე, მის მერე დედაჩემი კიდევ უფრო წუხდა ჩემს ჯანმრთელობაზე. განსაკუთრებით ეშინოდა, წყალში არ ჩავსულიყავი და არ გავციებულყავი. არც კი ფიქრობდა, რომ მოწყენილობის საგან გული მიწუხდა. ჩემი თანატოლები, რომლებთანაც ვთამაშობდი ხოლმე, უკვე სკოლაში დადიოდნენ. მარტოობა და იძულებითი კარბაკეტილობა საშინლად მაწუხებდა და ავადმყოფობაზე ნაკლებად მწუხარებდა. და, აი, ვისარგებლე, არც დედა და არც დები რომ არ იყვნენ შინ, წყლის წისქვილის გადამალული ნაწილები გამოვათრიე და ეზოდან გავედი. გზის პირას აქა-იქ პატარ-პატარა ნაკადულები მორაკრაკებდა, ალაგ-ალაგ კი გუბეები იდგა.

პირველ რიგში არხი გავჭერი და ნაკაუდლიდან წყალი გადმოვუშვი. მერე საგუბარი მოვაწყვე და წაბლის ხის ქერქის ღარი დავუგე, საიდანაც წისქვილის ბორბალს ესხმოდა წყალი. მერე მის ლილვზე კბილანა დავამაგრე, ფიქალისგან გამოთლილი დოლაბის ქვეშ გავიყვანე და წისქვილიც მზად იყო. გულისფანცქალით გავხსენი საგუბარი. აქაფებული წყალი ღარზე დაეშვა, ფრთებს დაეცა და ბორბალი ისე სწრაფად დატრიალდა, თვალი ვერ მივატანე. გაქანებული ბრუნავდა ბორბალი და დოლაბს ატრიალებდა. მე კი ბედნიერი და კმაყოფილი მუჭამუჭა ვაყრიდი და ვაყრიდი ნესტიან დაკოშტებულ მიწას და ისიც „წმინდად დაფქვილი“ წვრილ ნაკადად ცვიოდა ხვიშირაში.

უცბად ვიღაცამ მათრახის ტარი შემახო მხარზე. შევკრთი და მაღლა ავიხედე. თავზე უცნობი კაცი მედგა; ცხენი აღვირით ეჭირა, მხრებზე შავი მბზინვარე ნაბადი ჰქონდა მოგდებული, წვერ-ულვაშში ჭალარა შეჰპარვოდა. ისე ვიყავი გართული, რომ ცხენოსნის მოახლოვებაც კი ვერ შევნიშნე.

კაცმა ჩემგან წისქვილზე გადაიტანა მხერა.

— წისქვილის დადგმა ვინ გასწავლა, ჩემო ბატონო? — მკითხა მან.

— ძია ელიზბარმა.

— დოლაბი კი, ალბათ, მამაშენმა გამოგიტალა, არა? — და კაცმა მათრახის ტარი დოლაბზე მიმითითა, რომელიც გამალებით ბრუნავდა.

— არა, მე თვითონ! ვისწავლე და გავაკეთე. ეგ კი არა და საუნაუს სიმღერებიც ვიცი, — წავიტრაბახე მე.

— ვისი სიმღერებით?

— საუნაუს სიმღერები!

— არც კი გამიგონია, ხომ ვერ მიმღერებდი? — მითხრა კაცმა და ერთი-ორი ნაბიჯით დაახვევინა ცხენს უკან, რომელიც ძალზე ახლოს იყო წისქვილთან, ხელი ისე მოვატრიალე, თითქოს ხელის წისქვილს ვაბრუნებდი და დავიწყე:

სწრაფად იბრუნე დოლაბო,
ხორბალი დაფქვი წმინდად,
მდინარესავით დიოდეს,
ქათქათა ფქვილი მინდა.

კაცი მდუმარედ მომჩერებოდა და რაღაცაზე დაძაბული ფიქრობდა. ცხადი იყო ჩემს სიმღერას არც უსმენდა. მერე უცბად ჩემკენ დაიხარა, თვალებში ჩამხედა და მკითხა:

— შენ ბეჟანის შვილიშვილი არა ხარ?

— დიახ, — ვუპასუხე მე.

— წამომყევი, მგონი ბაბუაშენი აივანზე ზის.



ეროვნული
ბიბლიოთეკა

იდაყვზე მომკიდა ხელი და გამიყოლა. ეზოში შევედით, ცხენი უკან მოგვეყვებოდა ალვირის აქეთ-იქით ქნევით.

ბაბუამ დაგვინახა თუ არა, მოუმთავრებელი კალათი გვერდზე გადადო, ძირს ჩამოვიდა და შემოგვეგება.

— კეთილი იყოს შენი მობრძანება, ხაბიჯ! — დაიძახა, როგორც კი ნაბდიანი კაცი იცნო და მიბრძანა: — ჩამოართვი სტუმარს ალვირი და წაიყვანე ცხენი!

— არა, არა, ბეჟან, ერთი წუთით შემოვიარე, ძალიან მეჩქარება და მიხარია, შინ რომ დამხვდი. საქმე მაქვს შენთან.

— როგორც არ უნდა გეჩქარებოდეს, სახლში მაინც უნდა შემოხვიდე. დაჯექი და იქ მითხარი რა ამბავია.

ხაბიჯი არაფრით არ შევიდა სახლში და ეზოში დაიწყო საუბარი:

— ნუ დამძრახავ, პატივცემულო ბეჟან, და აქამდე ბრძენ კაცად გთვლიდი, ახლა კი დავრწმუნდი, თურმე ტყუილად ვფიქრობდი ასე...

— ღმერთო ჩემო, რა მოხდა, ხაბიჯ?!

— ძალიან ხარბი გახდი, ბეჟან! მთელი გორაკის ორივე მხრიდან გადახვნაზეც კი არ იტყვი უარს. დღე რომ არ გყოფნის, შუალამისას დგები და თოხნას იწყებ. შვილებიც ასეთებად დაზარდე, ახლა შვილიშვილსაც ასე ზრდი. არ იცი და ეტყობა, არც გინდა იცოდე, რომ ქვეყანაზე თოხისა და კავის გარდა სხვა რამეც არსებობს.

— რაშია საქმე, პატივცემულო ხაბიჯ, აზრზე ვერ მოვდივარ, რისი თქმა გინდა! — აღელდა ბაბუა.

— ერთადერთი მემკვიდრე გყავს, სანთელივით მისჩერებიხარ და მემკვიდრეობასაც იმას დაუტოვებ, მაგრამ რატომ არ გინდა შენი შვილიშვილისთვის ნამდვილი ბედნიერება? წისქვილის დადგმისა და ძველი სიმღერების გარდა სხვაც არსებობს. სკოლაში უნდა შეიყვანო და სინათლეს აზიარო. სწავლა ხომ სინათლეა. თუ ისწავლის, მთელ ხალხს მოუტანს სარგებლობას, შენ კი ეწინააღმდეგები...

— წისქვილის დადგმასაც სწავლა უნდა, ძვირფასო ხაბიჯ! — მკვახედ მოუჭრა ბაბუამ.

— ნუ გეწყინება, ბეჟან და ეს სიტყვები დაუფიქრებლადაა ნათქვამი... შენ ზიხარ და ახლაც კალათებს წნავ, როგორც მთელი ცხოვრება წნავდი, შენი შვილიშვილი კი ახლა ამის გამო შუა გზაში გუბეში ჩხირკედელაობს და რაღაც ხარა-ხურისგან წისქვილებს დგამს. გინდა გეწყინოს და გინდა არა.

ღმერთმა ხელი მოგიმართოს, შენ ველარაფერი გამოგასწორებს, მაგრამ შვილიშვილს რას ერჩი, შენკენ რომ ექაჩები და გასაქანს არ აძლევ? არა, ჩემო კარგო, თუ მოჰკიდე ხელი მაგის სწავლა-განათლებას, მაშინ ისე ასწავლე, როგორც საჭიროა, თუ არ შეგიძლია, ისეთ

ხალხს მიეცი, ვისაც შეუძლია, ვისთვისაც შესაფერისი ცოდნა მიუციათ. ნუთუ არ გაგიგია, რომ სოსუმში აფხაზური სკოლა გაიხსნა?

— შენ ხომ იცი, საბიჯო, რომ ეგ ერთადერთი გვყავს და ამ სი შორეს როგორ გავუშვათ?

— ახლა თქვენი სოფლის სკოლას ჩამოვუარე, ფანჯრებიდან ბავშვების ხმები ისმოდა. ანბანს სწავლობენ... იმას ხომ ვერ იტყვი, რომ სკოლაც შორს არის ჩვენი სახლიდანო?

— ჯერ ერთი, ლაგანმა ეს ესაა წითელა მოიხადა. მერე კიდევ სკოლის გარეშე თუ მოახერხებს, თავისი წინაპრების კურიაზე ცეცხლი რომ არ ჩაქრეს, ჩემთვის ესეც სავსებით საკმარისი იქნება!

— შენთვის კი იქნება, მაგრამ ამისთვის?.. კარგად დაუფიქრდი, რაც გითხარი, მეტს აღარაფერს დავუმატებ. — საბიჯომა აღვირი თავზე გადაუგდო ცხენს და ცქაფად მოახტა უნაგირს. — დაფიქრდი, ბენიან, სანამ გვიან არ არის, იმ ქვეყანაში რომ არ გიწიოს შვილიშვილის კრულვამ. კარგად იყავი! — საბიჯომა აღვირი მოქაჩა და ჭიშკრიდან გაუარდა. ბაბუამ კი ისე დაიდო შუბლზე ხელი, თითქოს უცნაური სტუმრის ბოლო სიტყვებმა მათრახით აუწვეს კანიო. წელში მოხრილი იდგა შუა ეზოში და დუმდა. მერე ხელები ზურგზე შემოიწყო და წინ დაუკან სიარულს მოჰყვა. ასე იცოდა, როცა რაიმე უსიამოვნო ამბავს შეიტყობდა, ან როცა ძალიან აღელვებული იყო.

იმ დღეს სამუშაოს აღარ მიბრუნებია.

(გაგრძელება იქნება)





შ ა პ ი ნ შ ა კ ი

(ღოკუმენტური პროზა)

პოლონურიდან

თარგმნა ანბროსი ბრიშიაკაშვიდმა

რ ვ ე უ ლ ი დ ა ნ (6)

შიიტის უკიდურესობამდე მისული ოპოზიციონერია. თავდაპირველად შიიტები მუჰამედის სიძის, მისი უსაყვარლესი ქალიშვილის, ფატიმას ქმრის — ალის მეგობრების და მომხრეების მცირე ჯგუფს წარმოადგენდნენ. მუჰამედის სიკვდილის შემდეგ, რომელსაც გვარის გამგრძელებელი, მამაკაცი მემკვიდრე არ დარჩენია და არც გარკვევით დაუბარებია, თუ ვინ იქნებოდა მისი საქმეების გამგრძელებელი, მუსულმანებს შორის დაიწყო ბრძოლა წინასწარმეტყველის მემკვიდრეობისათვის, იმის შესახებ, თუ ვინ იქნებოდა ალაჰის აღმსარებელთა მეთაური (ხალიფა), პირველი პირი ისლამის სამყაროში. ალის მომხრეები (ზუსტად ამას ნიშნავს სიტყვა „შიი“) ამ თანამდებობაზე თავიანთ ლიდერს ასახელებდნენ. ამას იმით ასაბუთებდნენ, რომ ზუსტად ალია წინასწარმეტყველის ოჯახის ერთადერთი წარმომადგენელი, მისი ორი შვილიშვილის — ჰასანისა და ჰუსეინის, მამა. მაგრამ მაჰმადიანთა სუნიტური უმრავლესობა უგულვებელყოფდა შიიტთა არგუმენტებს და სამი მომდევნო არჩევნებისას ხალიფად ირჩევდნენ აბუ ბაქრს, უმარს და უტმანს. ბოლოს ალიმ მართალია ხალიფატი მოიპოვა, მაგრამ მხოლოდ ხუთი წლით, რადგან ში ერთმა აჯანყებულმა მოკლა — თავი მოწამლული ხმლით მოკვითა. ალის ორი შვილიდან ერთი — ჰასანი, მოწამლეს, ხოლო ჰუსეინი ბრძოლის ველზე დაეცა. ალის ოჯახის ამოწვევტამ შიიტებს ხელისუფლების მოპოვების შანსი ერთხელ და სამუდამოდ დაუკარგა (ის ხელში ჩაუვარდა ომადების, შემდეგ აბასიდების, ხოლო ბოლოს — ოტომანების დინასტიას).

ხალიფატი, რომელიც წინასწარმეტყველის წარმოდგენით უბრალო და მარტივი დაწესებულება უნდა ყოფილიყო, მემკვიდრეობით მო-

დასასრული. დასაწყისი, იხ. „საუნჯე“, № 1-2, 2007 წ.

ნარქიად გადაიქცა. ასეთ სიტუაციაში უბრალო მაჰმადიანები, ღვთის მოშიში და ღარიბი შიიტები, რომელთაც თვალს სჭრიდა ახლადწამოჩიტული ხალიფების ცხოვრების მდიდრული სტილი, ოპოზიციაში დავიდნენ.

ეს ამბავი მეშვიდე საუკუნის შუა ხანებში ხდებოდა, მაგრამ საც უაღრესად მგრძობიარე და ცოცხალი ისტორიაა მაჰმადიანების ღვთის მოშიში შიიტთან საუბრისას, მისი რწმენის თემაზე, ის გამუდმებით იმ ძველ, ხანდაზმულ ისტორიას უბრუნდება და თვალეზზე ცრუმომომდგარი მოგიყვებათ კარბალასთან მომხდარი ხოცვა-ჟლეტის შესახებ, როდესაც ჰუსეინს თავი მოკვეთეს. სკეპტიკურად განწყობილი ევროპელი ამ დროს გაიფიქრებს — ღმერთო ჩემო, ახლა ამ ყოველივეს რა მნიშვნელობა აქვს! მაგრამ თუ ხმამაღლა წარმოთქვამ ამ სიტყვებს, ამით უდიდეს შეურაცხყოფას მიაყენებთ შიიტს.

ამ უკანასკნელთა ბედი მართლაც რომ ყოველმხრივ ტრაგიკულია. ისტორიული უსამართლობის ეს შეგრძნება, და კიდევ ის, რომ მათ განუყრელად თან სდევდათ უბედურება, შიიტის შეგნებაში ღრმადია ჩაჭრილ-ჩაბეჭდილი. არიან ერები, რომელთა მეგზურიც განუწყვეტელი წარუმატებლობა და მარცხია, რომელთაც ყველაფერში ხელი ეცარებათ, გაიელვებს თუ არა მათ გონებაში რაიმე იმედი, მყისვე ქრება, მათთვის ზურგის ქარი არასოდეს არ ქრის. მოკლედ, ეს ხალხი რაღაც ფატალური ნიშნითაა აღბეჭდილი. ზუსტად ასეთია შიიტების ბედიც. იქნებ ამიტომაცაა, ისინი ასეთი სერიოზული, უაღრესად დაძაბული, ყოველთვის თავის შეხედულებაზე მდგომი, ზედმეტად პრინციპული ადამიანების შთაბეჭდილებას რომ სტოვებენ.

იმ დროიდან, როდესაც შიიტები (რომლებიც მუსულმანთა მხოლოდ ერთ პროცენტს შეადგენენ, დანარჩენი სუნიტები არიან) ოპოზიციაში გადავიდნენ, მათი არნახული დევნა დაიწყო. ისინი ვერ ივიწყებენ, როგორ არბევდნენ, ან რამდენი მსხვერპლი აქვთ გაღებული.

ამიტომ შიიტები თავიანთ გეტოებში იკეტებიან, განცალკევებით ცხოვრობენ, ერთმანეთს მხოლოდ მათთვის ცნობილი ნიშნებით ეცნაურებიან და ქცევის კონსპირაციულ ფორმებს იმუშავენ. მიუხედავად ამისა, მაინც ვერ გაურბიან დევნას, თავიდან ვერ იცილებენ დამცირებას. შიიტები ძალზე გამობრძმედილი ხალხია. სუნიტებისაგან განსხვავებით, რომლებიც გამოირჩევიან მორჩილი ხასიათით, შიიტები ოპოზიციაში უდგებიან ხელისუფლებას, რომელიც მუჰამედის შემდეგ ძალზე ქედმაღალი და სიმდიდრის მოყვარული გახდა, გამოდიან არსებული ორთოდოქსული წესების წინააღმდეგ და ამიტომ, ცხადია, მუსულმანურ სამყაროში ამას ვერავინ შეეგუება.

თანდათან იწყებენ უსაფრთხო ადგილების ძებნას, რომელიც მათ გადარჩენის მეტს შანსს მისცემთ. იმ დროს, როდესაც ადამიანთა შორის კომუნიკაციური კავშირები უაღრესად ნელა და რთულად ვითარდებოდა, სივრცე და სიშორე, გამყოფი კედლის მეტად შედეგიან როლს თამაშობდა. ამიტომ შიიტები ცდილობდნენ, რაც შეიძლება დაშორებოდნენ ცენტრალურ ხელისუფლებას (რომელიც ჯერ დამასკოში, ხოლო მოგვიანებით — ბაღდადში იმყოფებოდა). მალე ისინი მთელ მსო-

ფლიოს მოედებიან, დახეტილობენ უდაბნოსა და მთებში, იმალებიან მიწისქვეშ. ამრიგად, წარმოსდგება მუსულმანურ სამყაროში დღემდე გადარჩენილი შიიტური დიასპორა. თავგანწირვის წარმოუდგენელი მაგალითებით, გაბედულობითა და სულის სიმტკიცით თავსე მათი ეპოპეა, ცალკე წიგნის მიძღვნას იმსახურებს.

მოხეტიალე შიიტების ნაწილი აღმოსავლეთისაკენ დაიძრა, გადალახა ტიგროსი და ევფრატი, გადავიდა ზაგროსის მთაზე და სპარსეთის ზეგანის უდაბნოს მიადგა.

ამ დროს სპარსეთი უკვე ბიზანტიასთან საუკუნოვანი ბრძოლით ქანცგაცლილი და გამოფიტული, არაბებს ჰყავდათ დაპყრობილი. ამ უკანასკნელთ სურდათ სპარსელების გამუსლიმანება, რასაც სპარსელები დიდ წინააღმდეგობას უწევდნენ. ამიტომ ამ ქვეყნის გამაჰმადიანებელი ტემპით, საშინელი ბრძოლის გზით მიდიოდა. იმ დროს სპარსელთა ოფიციალური რელიგია (ზოროასტრიზმი) გაბატონებულ რეჟიმთან (სასანიდების) იყო დაკავშირებული. ახლა კი არაბები ცდილობდნენ სხვა ოფიციალური რელიგია — სუნიტური ისლამი თავზე მოეხვიათ. მოკლედ, როგორც იტყვიან ხოლმე ასეთ დროს: ჯერ არ იყო ძმარიო და ზედ დაასხეს წყალიო.

მაგრამ ზუსტად ამ დროს სპარსეთში გამოჩნდნენ ღარიბი, უბედური შიიტები, რომელთა სახეზეც მთელი განცდილ-გადატანილი ცხოვრება იკითხებოდა. სპარსელებმა გაიგეს, რომ ეს შიიტები მუსულმანები იყვნენ, ამასთან (როგორც ამას ისინი თავად ამტკიცებენ) ერთადერთი მართლმადიდებელი მუსულმანები, წმინდა და შეუბღალავი რწმენის მქონენი, რომლისთვისაც თავის დადებასაც არ მოერიდებოდნენ — კეთილი, ეკითხებიან სპარსელები, მაგრამ ეს თქვენი ძმები არაბები, რომლებმაც ჩვენ დაგვიპყრეს, რა რწმენის არიან? — ძმები? — უკმაყოფილოდ პასუხობენ შიიტები, — ესენი ხომ სუნიტები არიან, უზურპატორები, ჩვენი მტანჯველები. მათ მოკლეს ალი და ხელისუფლება მიითვისეს. არა, ჩვენ მაგათ არ ვცნობთ. მათ მიმართ ოპოზიციაში ვართ.

ამის შემდეგ შიიტები ინტერესდებიან, თუ შეუძლიათ მცირე ხნით აქ გაჩერება და სულის მოთქმა გრძელი და დამქანცველი მოგზაურობის შემდეგ. თანაც ჭიქა წყალს ითხოვენ.

ფეხშიშველა მოხეტიალეთა ასეთმა განცხადებამ ირანელთა აზრს სრულიად სხვა მიმართულება მისცა. მათი ფიქრით — შესაძლებელია იყო მუსულმანი, მაგრამ არაა აუცილებელი რეჟიმის მომხრეც გახდე. უფრო მეტიც: იქიდან, რასაც ისინი ამბობენ, გამომდინარეობს, რომ შეიძლება ოპოზიციაშიც კი ედგე მათ. და ასეთ შემთხვევაში საუკეთესო მუსულმანიც კი ხარ! ეს ღარიბი და დაჩაგრული შიიტები სპარსელებს მოეწონებათ. ამ დროს სპარსელებიც მათსავით ღარიბი და დაჩაგრულები იყვნენ. ქვეყანა ომებისაგან განადგურებული იყო და უცხოელებს ჰყავდათ დაპყრობილი. ამიტომ მალე იპოვეს საერთო ენა შიიტებთან, რომლებიც თავშესაფარს თხოვდნენ და მათი სტუმართმასპინძლობის იმედი ჰქონდათ. სპარსელები იწყებენ შიიტთა ქადაგების მოსმენას და ბოლოს მათი რწმენა მიიღეს კიდევ.

ამ სწორ მანევრში, რომელიც სპარსელებმა განახორციელეს, ჩანს მთელი მათი ინტელიგენტურობისა და თავისუფლებისაკენ სწრაფვის

გამოხატულება, მიუხედავად იმისა, რომ დაპყრობილ მდგომარეობაში იმყოფებოდნენ. ასობით წელი სპარსეთი უცხო ქვეყნების აგრესიის მსხვერპლი ხდებოდა. საუკუნეების მანძილზე მას ან უცხო მართაფდა ან თავისი, რომელიც უცხო ძალების ძალისხმევით იყო ამ ქვეყნის ტახტზე დასმული. მიუხედავად ამისა, მაინც შეინარჩუნა კულტურა და ენა, განუმეორებლობა და იმდენი სულიერი ძალა, რომ ყოველ შემთხვევაში ფერის შემთხვევაში ფენიქსივით ფერფლიდან ამდგარიყო და ძალა მოეკრიბა.

თავისი ისტორიის ოცდახუთი საუკუნის მანძილზე სპარსელები ადრე თუ გვიან, ყოველთვის, უკუაგდებდნენ ხოლმე ყველა დამპყრობელს, რომლებიც ფიქრობდნენ, რომ მორჩა, უკვე შეუძლიათ მართონ სპარსეთი, როგორც მოესურვებათ. ზოგჯერ მიზნის მისაღწევად სპარსელები აჯანყებასა და რევოლუციას მიმართავდნენ და ბევრ სისხლსაც ღვრიდნენ, ხოლო ზოგჯერაც პასიური წინააღმდეგობის მეთოდებს არჩევდნენ, ამასთან, უჩვეულოდ თანმიმდევრულსა და უკიდურესს. როდესაც ხელისუფლების ატანა მეტად ნამდვილად აღარ შეეძლოთ, მთელი ქვეყანა ყურდებოდა, ხალხი თითქოს ქრებოდა, გეგონებოდათ მიწამ უყოთ პირობა. ხელისუფლება ბრძანებებს გასცემდა, მაგრამ არავინ უსმენდა, შუბლს იჭმუნხნიდა, ყვიროდა, მაგრამ მისი ყვირილი ჰგავდა მძას მლაღადებლისას უდაბნოსა შინა. და მაშინ ხელისუფლება იშლებოდა, როგორც ქვიშის სახლი. ამ გზით სპარსელები ახერხებდნენ წინ აღსდგომოდნენ მომხვდურთა ყოველგვარ მცდელობას მათი ასიმილიზაციის, ჩაყლაპვის და ამ ერის პიროსაგან მიწისა გაქრობის თაობაზე.

სპარსელები მაშინაც ასე მოიქცნენ, როდესაც ისინი არაბებმა დაიპყრეს. — გსურთ ისლამი მივიღოთ? — ეკითხებოდნენ ისინი თავიანთ დამპყრობს — კეთილი, გავხდებით მუსულმანები, ოღონდ ჩვენი, ეროვნული ფორმით. ეს იქნება რწმენა, მაგრამ სპარსული, რომელიც გამოხატავს ჩვენს ეროვნულ სულს, კულტურას და დამოუკიდებლობას. აი, ეს ფილოსოფია უდევს საფუძვლად სპარსელთა გადაწყვეტილებას, რომლებიც ისლამს აღიარებენ. — მას მივიღებთ, მაგრამ შიიტური ფორმით (რომელიც ამ დროს არის დამონებული და დაჩაგრულია რწმენა, წინააღმდეგობის გაწევის იარაღი), — ეუბნებოდნენ ისინი დამპყრობთ.

ამრიგად, შიიტოზმი გახდა სპარსელთა არა მხოლოდ ეროვნული იარაღი, არამედ მათი თავშესაფარიც, ეროვნული გადარჩენის და ასევე, — როცა ამის დრო დადგება — ბრძოლისა და გამარჯვების ფორმაც.

ამრიგად, სპარსეთი გადაიქცა მუსულმანური იმპერიის ყველაზე მოუსვენარ პროვინციად. აქ გამუდმებით შეთქმულებებს ამზადებდნენ, აჯანყებებს აწყობდნენ, საიდუმლო პროკლამაციებს თუ წერილებს ავრცელებდნენ. ოკუპაციური ხელისუფლება — არაბი გუბერნატორები მიმართავდნენ დაშინების ათასგვარ ფორმას, აწიოკებდნენ ხალხს, მაგრამ შედეგები იმის საპირისპირო იყო, რაც სურდათ, რომ ყოფილიყო. ტერორის საპასუხოდ სპარსელი შიიტები იწყებენ ბრძოლას, ოღონდ არა მახვილით, საამისოდ ისინი ჯერ ძალიან სუსტები იყვნენ. ამიერიდან შიიტური საზოგადოების ბრძოლის ერთ-ერთი ელემენტი ტერორიზმი

გახდა. ისინი აყალიბებდნენ კონსპირაციულ, მცირე, მაგრამ ისეთ ჯგუფებს, რომელთაც არ იცოდნენ, რა არის შიში და შებრალება. მათ მთელი სპარსეთი ძრწოლაში მოჰყავდათ. ამ ქვეყანაში მომხდარი მკვლევლობების ნახევარი, რომელსაც აიათოლებს მიაწერდნენ, სწორედ მათი ნახელავია. მიჩნეულია, რომ მსოფლიო ისტორიაში შიშები იყვნენ პირველები, ვინც შექმნეს თეორია და პრაქტიკაში განახორციელეს ინდივიდუალური ტერორის, როგორც ბრძოლის ერთ-ერთი ფორმა.

ისევე, როგორც ყოველ საზოგადოებას, რომელიც გეტომია გამომწვევდელი და გადარჩენისათვის უნდა იბრძოლოს, შიიტებსაც ახასიათებთ რელიგიური მგზნებარება, ორთოდოქსულობა, თავიანთ რწმენაზე ფანატიკური ზრუნვა და მისი დაცვა. დევნილმა ადამიანმა, თავი რომ გადაირჩინოს, უნდა შეინარჩუნოს ურყევი რწმენა თავისი არჩევანის სისწორისადმი და თვალის ჩინივით გაუფრთხილდეს იმ ღირებულებებს, რომელთა გამოც მან ეს რწმენა აირჩია. ამიტომ შიიტების ყველა მიმდინარეობას (ასეთი კი მრავალია) ერთი ძირითადი რამ ახასიათებს — ყველა ისინი ულტრამემარცხენეებია. ყოველ დროში მოიქცებნებოდა ფანატიკოსთა რალაც ჯგუფები, რომლებიც უტევდა დანარჩენ მორწმუნეებს და მათ რწმენის განუღებებაში, რწმენის მოთხოვნების შეუსრულებლობაში, ოპორტუნიზმში ადანაშაულებდა. შედეგად ხდებოდა მორწმუნეების გახლეჩა, მათ შორის ყველაზე მგზნებარენი ხელს იარაღს სტაცებდნენ და ისლამის მტრების წინააღმდეგ საბრძოლველად მიდიოდნენ (ხშირად თავადაც იხოცებოდნენ), რათა სისხლით გამოესყიდათ თავიანთი განდგომილი ძმების გამყიდველობა.

ირანელი შიიტები მიწისქვეშ, კატაკომბებში რვაასი წლის მანძილზე ცხოვრობდნენ. მათი არსებობა გვაგონებს რომში მცხოვრებ ქრისტიანთა უბედურებასა და ტანჯვას, რომელთაც ლომებს უგდებდნენ რომაელები დასაფლეთად. ზოგჯერ გვეჩვენება, რომ მცირე ხანიც და მათგან აღარავინ გადარჩება, რომ მათ სრული განადგურება ელით. ისინი წლობით მთებს აფარებენ თავს, ცხოვრობენ გამოქვაბულებში და შიმშილით იხოცებიან. იმ დროიდან შემორჩენილი მათი სიმღერები სავსეა ნალველითა და მწუხარებით, სამყაროს დასასრულის წინასწარმეტყველებით.

მაგრამ დგება მშვიდობიანი წლებიც და მაშინ ირანი ისლამურ სამყაროში ყველა ოპოზიციონერის თავშესაფარი ხდება. ყველა ასეთი ადამიანი იქით მიიწევს, რათა დევნას გადაურჩეს. ამასთან შიიტს ნება ეძლევა დროებით, თავის მოსაჩვენებლად იმ დროს გაბატონებული რეჟიმის რელიგია მიიღოს (ამას ტაგია ეწოდება), თავი იმ რელიგიის მიმდევრად გამოაცხადოს, რათა თვითონაც გადარჩეს და ახლობლებიც გადაარჩინოს. მას შეუძლია ასევე მოწინააღმდეგის დაბნევის, დეზორიენტაციის მეთოდს (კიტმანი) მიმართოს, ეს შიიტს ნებას რთავს საშინოების შემთხვევაში ყველაფერი უარყოს, რაც წუთის წინ გააკეთებდა, თქვა, მტერს თავი გიჟად მოაჩვენოს და სხვ.

ამიტომ შუა საუკუნეების სპარსეთი ყოველი ჯურის არამზადის, ყაჩაღის, წინასწარმეტყველის, მისტიკოსის, მკითხავის სამშობლოდ იქცა, რომლებიც აქ ჩამოდითდნენ ყოველი მხრიდან, ქადაგებდნენ, ლოცულობდნენ და კრებებს მართავდნენ. ეს ყველაფერი სპარსეთში ქმნიდა



ერქვენი

ამ ქვეყნისათვის ასე დამახასიათებელ რელიგიური ეგზალტურობისა და მისტიურობის ატმოსფეროს.

— სკოლაში ძალზე რელიგიური ვიყავი, — მეუბნება ირანელი, — და ყველა ბავშვს სჯეროდა, რომ ჩემი თავი ბრწყინვალე შარავანდედით იყო შემოსილი.

ახლა წარმოიდგინეთ ევროპელი ქვეყნის მეთაური, რომელიც შემდეგ ამბავს მოუყვება: იგი ცხენით მიდიოდა და უფსკრულში გადაინჩნა, მაგრამ მყის გამოჩნდა ანგელოზი, ჰაერში ხელი სტაცა და სიკვდილს გადაარჩინა. წარმოუდგენელია, არა? ზუსტად ასეთ ისტორიებს ჰყვება შაჰი თავის წიგნში, რომელსაც ყველა ირანელი დიდი გულით ყურით კითხულობს. სასწაულის რწმენა ირანელს სისხლსა და ხორცში აქვს გამჯდარი. მას სჯერა მკითხავეების, გამოცხადების, სულ სხვაგვარად აღიქვამს ციფრებს, სიმბოლოებსა და ნიშნებს.

XVI საუკუნეში საფანიდების სპარსული დინასტიის მეთაურებმა შიიტისმი ოფიციალურ რელიგიად გამოაცხადეს. ახლა შიიტისმი, რომელიც ოპოზიციური ხალხის იდეოლოგია იყო, ოპოზიციური სახელმწიფოს — სპარსეთის იდეოლოგია გახდა, რომელიც ანტაგონისტურ ურთიერთობაშია ოტომანთა იმპერიასთან. მაგრამ დროის გასვლასთან ერთად მონარქსა და შიიტურ ეკლესიას შორის ურთიერთობა თანდათან იძაბება და ფუჭდება.

საქმე იმაშია, რომ შიიტები არა მხოლოდ ხალიფების ხელისუფლებას უარყოფენ, არამედ უარყოფენ ყოველგვარ ხელისუფლებას და მათ შორის, სამოქალაქოსაც. სპარსეთი იქცევა უნიკალურ ქვეყნად, რომელშიც საზოგადოებას მხოლოდ თავისი რელიგიური მეთაურების — იმამების სწამს და სჯერა.

აქ უკვე მივაღწიეთ შიიტისმის არსებით დოქტრინას, მისი მიმდევრების რწმენის მთავარ აქტს. შიიტები, რომლებსაც არავითარი შანსი არ გააჩნიათ, იმისა, რომ ხალიფატი შექმნან, ხალიფებს ერთხელ და სამუდამოდ შეაქცევენ ზურგს და იმ დროიდან მოყოლებული მხოლოდ საკუთარი რწმენის იდეოლოგებს — იმამებს სცნობენ და აღიარებენ.

პირველი იმამია ალი, მეორე და მესამე მისი ვაჟები — ჰასანი და ჰუსეინი და ასე შემდეგ, მეთორმეტე იმამამდე. ამ იმამთაგან არც ერთი არ მომკვდარა ბუნებრივი სიკვდილით, ისინი ხალიფებმა გაგუდეს ან მოწამლეს, რადგან მათში ძლიერი ოპოზიციის მეთაურებს ხედავდნენ. მაგრამ შიიტებს სწამთ, რომ ბოლო იმამი — მუჰამედი, კი არ მომკვდარა, არამედ გაქრა უდიდესი მეჩეთის სამარის (ეყაყი) ხვრელში. ეს უნდა მომხდარიყო 878 წელს. შიიტებს სწამთ, რომ სანატრელი და ადამიანთა თვალს მიფარებული იმამი, რომელსაც ასე ელიან, მათ გამოეცხადებათ შესაბამის დროს, როგორც მაჰდი (ღმერთის მიერ მოგვრილი) და დედამიწაზე სამართლიანობის სამეფოს დაამკვიდრებს. შემდეგ სამყაროს დასასრული დადგება.

შიიტებს ღრმად სწამთ, რომ თუ ის იმამი არ იარსებებდა, სამყარო წყვდიადში შთაინთქებოდა. სწორედ ის იმამია შიიტების სულიერი ძალის წყარო, ისინი ამ რწმენით ცოცხლობენ და ამ რწმენით იხოცებიან. ეს არის ძალზე გასაგები ადამიანური სურვილი და მონატრება იმ საზოგადოებისა, რომელიც ასე გატანჯულა მთელი თავისი ისტორიის

მანძილზე. ის ამ იდეაში კპოვებს მცირეოდენ შვებას და უპირველეს ყოვლისა — ცხოვრების აზრს.

— არ ვიცით, როდის გამოგვეცხადება ის, მაგრამ შეიძლება მოვიდეს დღეს, ყოველ წუთში, აი, ახლაც კი. მაშინ ნამდვილად შეაშრებათ ადამიანებს ცრემლი და იგი ყველას თავის ადგილს მიაჩნის უხვად გაწყობილ მაგიდასთან, — ამბობენ შიიტები.

მხოლოდ ბოლო იმამია ის ბელადი, რომელსაც ყველა შიიტი უსიტყვოდ დაემორჩილებოდა. ამ უკანასკნელთა წარმოდგენაში იმამთან შედარებით გაცილებით დაბალ რელიგიურ საფეხურზე დგას აიათოლა და კიდევ უფრო ქვევით — შაჰი. საპირისპიროდ ბოლო სანატრელი იმამისა, რომელიც შიიტებს გაკულტებული ჰყავთ და თაყვანს სცემენ, უბრალოდ იძულებული არიან შაჰი მოითმინონ და აიტანონ.

შაჰიდების დროიდან სპარსეთში არსებობდა ორხელისუფლებიანობა — მონარქისა და ეკლესიის. ამ ხელისუფლებათა შორის ურთიერთობა სხვადასხვა დროს განსხვავებულია, მაგრამ არასოდეს ყოფილა თბილი და მეგობრული. ამასთან, თუ ამ ძალებს შორის წონასწორობა დაირღვევა, მაგალითად, თუ შაჰი მოიწადინებს თავისი ხელისუფლება ტოტალურად თავს მოახვიოს ხალხს (მით უმეტეს, უცხო სახელმწიფოს დახმარებით), მაშინ ის მეჩეთების ირგვლივ იყრის თავს და ბრძოლას იწყებს.

მეჩეთი შიიტებისათვის გაცილებით მეტია, ვიდრე უბრალოდ რელიგიური კულტის ადგილი. ის არის ასევე თავშესაფარი, სადაც შიიტს შეუძლია სიცოცხლაც კი გადაირჩინოს. ეს იმუნიტეტით დაცული ტერიტორიაა, რომელზეც ხელისუფლების ძალა ვერ გავლენა არ ვრცელდება. უძველესი დროიდან ირანში არსებობდა ტრადიცია, რომლის მიხედვითაც პოლიტიკისაგან დევნილი დამნაშავე თუ მეჩეთში შეაფარებდა თავს — გადარჩებოდა, მას იქიდან უკვე ვერავინ გამოიყვანდა (ასე იყო უძველეს, კლეოპატრას დროინდელ ეგვიპტეშიც. თუ დამნაშავე მდევარს ტაძარში შეასწრებდა, გადარჩენილი იყო — ა. გ.).

ქრისტიანული ეკლესიისა და მეჩეთის კონსტრუქციას შორისაც ვხედავთ არსებით განსხვავებას. ეკლესია დახურული ტიპის ნაგებობაა, ლოცვის, დაფიქრების და დუმილის ადგილი. თუ ვინმე აქ ლაპარაკს დაიწყებს, სხვები მას ყურადღებას მიაქცევენ. მეჩეთში სხვაგვარადაა მოწყობილი. მის უდიდეს ნაწილს გახსნილი ეზო წარმოადგენს, სადაც შეიძლება ლოცვა, მაგრამ ასევე სეირნობა, ერთმანეთს შორის კამათი და სერიოზული ყრილობის გამართვაც კი. აქ პოლიტიკური და სხვა სახის ცხოვრებაც მიმდინარეობს. ირანელი, რომელსაც სამსახურში ყოველ წუთს აკონტროლებენ, დაწესებულებებში მობუზღუნე მოხელეებთან უწევს ურთიერთობა, წერილმანი საქმის მოგვარებისთვისაც კი მისგან ქრთამს რომ მოეღიან, და ყველგან პოლიცია ჰყავს ჩასაფრებული, მეჩეთში მიდის, რათა სიმშვიდე და სულიერი წონასწორობა მოიპოვოს და თავისი ადამიანური ღირსება დაიბრუნოს. აქ არავინ არავის დაჩაგრავს, ვერ დაამცირებს, იერარქია ქრება, ყველანი ერთმანეთის ძმები, თანასწორნი არიან. მეჩეთი ის ადგილია, სადაც ადამიანები ამა თუ იმ საკითხზე, მოვლენაზე, ერთმანეთის აზრს ეცნობიან. ამას ადამიანისათვის გარკვეული შვება მოაქვს და ამიტომ მისთვის იქ სიარული მოთხოვნილებაა ქცეული.

შიიტები მეჩეთში იმიტომ დადიან, რომ ის ყოველთვის მეზობლად, გზაზე დგას. მარტო თეირანში ათასამდე მეჩეთია. ტურისტის გამოუცდელი თვალი ალბათ მხოლოდ რამდენიმე მათგანს, ქალაქის ცენტრში მდგარ შედარებით მოზრდილ მეჩეთს შეამჩნევს. გარეუბნებში მეჩეთები გაცილებით უბრალო ნაგებობებია, რომელთაც მდგარი ღარიბი მოსახლეობის საცხოვრებელი სახლისაგან განსხვავდება. ისინი ისევე ნახვში შეხვლილი თიხითაა აშენებული, როგორც დანარჩენი სახლები. ეს ქმნის საოცრად ინტიმურ ატმოსფეროს შიიტსა და მეჩეთს შორის. არაა საჭირო გრძელი გზა გაიარო მეჩეთში მისასვლელად, არაა აუცილებელი სპეციალურ სადღესასწაულო ტანსაცმელში გამოეწყო, მეჩეთი შიიტის ყოველდღიურობაა, თავად ცხოვრებაა.

პირველი შიიტები, რომლებმაც სპარსეთამდე ჩააღწიეს, წვრილი ქალაქელი ვაჭრები და ხელოსნები იყვნენ. ისინი იკეტებოდნენ გეტოში, სადაც აშენებდნენ მეჩეთს, ირგვლივ კი სახელოსნოები იწყებდნენ მუშაობას და პატარა მაღაზიები იხსნებოდა. ვინაიდან მაჰმადიანმა ლოცვამდე უნდა დაიბანოს, იქვე აშენდა და ამუშავდა აბანოები. მაჰმადიანს სურს ჩაიან ყავა დალიოს ლოცვის შემდეგ და ცოტა რაიმე შეჭამოს კიდევ — ამიტომ აქვე, სიხლოვეს გაიხსნა რესტორანი თუ კაფე. ამრიგად, წარმოსდგა სპარსული ქალაქური პეიზაჟი — ბაზარი (სწორედ ამ სიტყვით აღინიშნება მხიარული, ყაყანა, ბრბოს შეგროვების, ერთგვარად მისტიკური სავაჭრო-სამომხმარებლო ადგილი). თუ მაჰმადიანი ამბობს, ბაზარში მივდივარო, ეს სრულიადაც არ ნიშნავს, რომ იგი ხელში ჩანთას აიღებს, სადაც ნაყიდ პროდუქტს ჩააწყობს. ბაზარში შეიძლება წახვიდე, რათა შეხვდე მეგობრებს, მოილაპარაკო რაიმე საქმეზე, დაჯდე კაფეში. შეიძლება ასევე მოისმინო ახალი ჭორები და ოპორტიუნის შეკრებაზეც კი მიიღო მონაწილეობა. ყველაფერ ამას მოახერხებ ერთ ადგილას, ბაზარზე — არ არის საჭირო ქალაქში სირბილი,

მუნისტები და ლიბერალური დემოკრატები წარმოადგენდნენ. ამიტომ ისლამისტ ფუნდამენტალისტებს, როგორც მოკავშირეებს, ისე ეპყრობოდა. 1970-1975 წლებში ირანში გაცილებით მეტი მეჩეთი აშენდა, ვიდრე ოდესმე. ჯერ კიდევ წელიწადნახევრით ადრე, ვიდრე რევოლუცია მოხდებოდა, — ამბობს მილანი, — ციხეში მოლებთან, რომლებმაც შემდეგ რევოლუცია მოახდინეს, ერთად ვიჯექი. იქ მოვიდნენ სავაკელები და მოლებს შესთავაზეს, აქედან გაგიშვებთ, თუკი მემარცხენეებს ისევე აქტიურად შეებრძოლებით, როგორც ჩვენ გვებრძოდითო. შაჰს სულ სჯეროდა, რომ მოლები მისი მოკავშირეები იყვნენ! გარდაცვალების წინ, 1980 წელს იგი კვლავ იმეორებდა, რომ რევოლუცია კომუნისტებმა მოუწყვეს. ცხადია, შაჰს ეზიზლებოდა ჰომეინი, იჭერდა მასთან კავშირში შენიშნულ ყოველ ადამიანს, მაგრამ მოლათა უმეტესობა ყოველგვარი დაბრკოლების გარეშე მოქმედებდა — ლეგალურად ამზადებდა თავის კადრს, ხსნიდა ახალ-ახალ სასწავლებლებს, სადაც ახალგაზრდობას თეოლოგიას ასწავლიდნენ. დღეს ირანის ხელისუფლებაში მყოფი ადამიანების 4—5 სწორედ ამ სასწავლებლების მოსწავლეები არიან. — აგ. ო.).

შიიტი სულისა და სხეულის ყველა მოთხოვნილებას ბაზარზე დაიკმაყოფილებს.

აქაა ყველაფერი, რაც საჭიროა მიწიერი არსებობისათვის და ასევე ლოცვითა და მსხვერპლთშეწირვით სამუდამო ცხოვრების უზრუნველსაყოფად.

უსუცესი ვაჭრები, ტალანტით დაჯილდოებული მრეწველები ბაზრის მეჩეთის მოღებები ბაზრის ელიტას ქმნიან. მათ მოწოდებები აზრებს მთელი შიიტური საზოგადოება უსმენდა, იზიარებდა და ითვალისწინებდა. ისინი ხომ როგორც ამქვეყნიური, ისე სამუდამო, ზეციური ცხოვრების თაობაზე იღებდნენ გადაწყვეტილებებს. თუ ბაზარი გაიფიცებოდა და კარებს დაკეტავდა — შიიტები შიშნით იხოცებოდნენ, მაგრამ წინააღმდეგობას არ გაუწევდნენ ბაზრის ამ ნაბიჯს. აქედან გამომდინარე ბაზრისა და მეჩეთის კავშირი წარმოადგენს უძლიერეს ძალას, რომელსაც ხელეწიფება გაუშკლავდეს ნებისმიერ ხელისუფალს. სწორედ ასე მოხდა უკანასკნელი შაჰის დროსაც. მისი ბედი უკვე გადაწყვეტილი იყო — ბაზარმა მას განაჩენი გამოუტანა.

იმის კვალობაზე, თუ როგორ იკრებს ძალას ბრძოლა, შიიტები უფრო და უფრო მეტ მგზნებარებას იჩენენ. მათი ტალანტი ბრძოლაში გამოიხატება და არა შრომაში. დაბადებიდანვე უაღრესად ამაყი და გამოსწორებული ოპოზიციონერები სწორედ ბრძოლაში პოულობენ ცხოვრების აზრს, მოტივსა და გამართლებას.

სპარსელისათვის შიიტიზმი ყოველთვის ის იყო, რაც ჩვენი კონსპირატორისათვის სხვენში გადანახული ხმალი.

თუ ცხოვრება ასე თუ ისე გასაძლები იყო, სხვენში დამალული ძონძებში გახვეული ხმალი ელოდა თავის დროს. მაგრამ გაისმებოდა თუ არა საბრძოლო ყივილი, დადგებოდა თუ არა ჟამი, რომ პოლონელი სამშობლოს დასაცავად უნდა გამოსულიყო, დაიწყებდა ჭრიჭინს სხვენისაკენ მიმავალი კიბე, შემდეგ ცხენის ჭინვინიც გაისმოდა, მისი ფლოქვები გაყრიდა ნაპერწკლებს და ბოლოს, ალესილი ხმალი ჰაერს სისინით გაკვეთდა.

ჩვეულებანი (7)

მაჰმუდ აზარი თეირანში 1977 წლის დასაწყისში დაბრუნდა. რვა წელიწადი ცხოვრობდა ლონდონში, სადაც წიგნების თუ სარეკლამო ტექსტების თარგმნიდან მიღებული შემოსავლით გაჰქონდა თავი. იგი ასაკოვანი, უცოლშვილო კაცია, რომელსაც მუშაობის შემდეგ ძალიან უყვარდა სეირნობა, თავის თანამემამულეებთან შეხვედრა და საუბარი, რომლის დროსაც ისინი უმთავრესად იმ სიძნელეებზე საუბრობდნენ, რასაც ინგლისელები განიცდიდნენ. იქიდან გამომდინარე, რომ სავაკს ლონდონშიც კი გაშვებული ჰქონდა თავისი საცეცები, ირანელები თავიანთ სამშობლოზე საუბარს ერიდებოდნენ.

1976 წლის ბოლოს მაჰმუდმა ერთი საერთო ნაცნობის საშუალებით ძმის რამდენიმე წერილი მიიღო. იგი წერდა, რომ ქვეყანაში საინტერესო დრო დგებოდა. მართალია, მაჰმუდს ეშინოდა ასეთი საინტერესო დროისა, მაგრამ ძმას მათ ოჯახში დიდი გავლენა ჰქონდა, ამიტომ თავისი ნივთები ჩემოდანში ჩაალაგა და თეირანში დაბრუნდა.

ქალაქის ცნობა მართლაც შეუძლებელი იყო. ერთ დროს წყნარი, უდაბნოს ოაზისი, უალრესად ხმაურიან ადგილად, ჭიანჭველების ბუდედ გადაქცეულიყო. ხუთი მილიონი ერთად შეყრილი ადამიანი ცდილობდა რაღაც გაეკეთებინა, ეჭამა, ეთქვა, სადღაც წასულიყო. მილიონი ავტომანქანა ისწრაფოდა, ვიწრო ქუჩაში სხვა მანქანისთვის გაესწრო, ისინი მოდიოდნენ მარცხნიდან და მარჯვნიდან, ჩრდილო დასავლეთიდან სამხრეთ აღმოსავლეთისაკენ, ადგილ-ადგილ ქმნიდნენ საცობებს, სადაც იყო ერთი ყვირილი, გაწევ-გამოწევა, ლანძღვა-გინება, დიდიდან საღამომდე გაუთავებელი ათასობით ავტომობილის სიგნალი.

მაჰმუდმა ისიც შენიშნა, რომ ადრე წყნარი და მშვიდი ირანელები ახლა პატარა მიზეზის გამოც კი ერთმანეთს შორის ჩხუბობდნენ, ერთმანეთს ეჯიკავებოდნენ და ყელში სწვდებოდნენ ხოლმე.

ეს ადამიანები მას აგონებდნენ რომელიღაც საკვირველ, სიურეალისტურ, გაორებულ მონსტრს, რომლის სხეულის ზოგიერთი ნაწილი უსმენდა და უჯერებდა ვიღაც ძლიერსა და გავლენიანს, ხოლო მეორე იმავდროულად იმისათვის იყო მოწოდებული, რომ ვიღაც, თავისზე უფრო სუსტი დაეჩაგრა, დაებეჩავებინა. როგორც ჩანდა, ეს მონსტრი მის შედეგად იქნდა რაღაც შინაგან წონასწორობას, თუმცა ძალზე საბრალოსა და უბადრუკს, მაგრამ აუცილებელს თავის გასამაგრებლად და გადასარჩენად.

იგი გარკვეულ საგონებელში ჩავარდა იმის გამო, რომ ასეთ მონსტრთან შეხვედრისას, თუ სწორად აუღებდა ალლოს, მისი სხეულის რომელი ნაწილები გააკეთებდნენ პირველად რეაგირებას — ისინი, რომლებიც სიმშვიდეს ინარჩუნებდნენ, თუ ისინი, რომლებიც ძალზე აქტიურობდნენ სუსტის დაჩაგვრა-დამონებაში. მალე მიხვდა, რომ მჩაგვრელი ნაწილები გაცილებით აქტიურები იყვნენ, ისინი გამუდმებით წინ გამორბოდნენ და უკან მხოლოდ მნიშვნელოვანი გარემოებების გავლენით ბრუნდებოდნენ.

პირველი სეირნობისას იგი პარკამდე მივიდა. სკამზე დაჯდა, რომელზედაც უკვე ვიღაც კაცი იჯდა და შეეცადა მასთან საუბარი წამოეწყო. მაგრამ ორიოდვე სიტყვა თქვა თუ არა, კაცი უსიტყვოდ წამოდგა და იქაურობას გაეცალა. შემდეგ მაჰმუდი სხვას გამოეცნაურა, მაგრამ ეს მცდელობაც უშედეგოდ დასრულდა. უცნობმა მაჰმუდს ისეთი თვალით შეხედა, თითქოს გიჟი დაინახაო. მაჰმუდიც მოშორდა მას და სასტუმროში წავიდა, სადაც ცხოვრობდა ლონდონიდან ჩამოსვლის შემდეგ.

სასტუმროში შესვლისთანავე ადმინისტრატორმა უთხრა, რომ პოლიციაში უნდა გამოცხადებულიყო. მაჰმუდმა პირველად რვა წლის განმავლობაში იგრძნო რაღაც შიში. იგი ზუსტად ამ წუთს მიხვდა, რომ ესაა ის გრძნობა, რომელიც არ ბერდება. იგრძნო ზუსტად ისეთივე ცი-

ვი ოფლი და ფეხების ისეთივე დამძიმება, როგორც ეს ადრეულ წლებში მსგავს სიტუაციებში ემართებოდა ხოლმე.

პოლიცია ამავე ქუჩის ბოლოს ერთ ძველ, უბადრუკ შენობაში მდებარეობდა. მაჰმუდი შევიდა იქ და მოლუშულ, უხასიათო ადამიანებთან ერთად დაუწყო თავის რიგს ლოდინი. თხელი კედლის მეორე სართულში პოლიციელები იყვნენ. დიდ, ჩახუთულ შენობაში სრული სიჩუმე გმავდა. ფეხულიყო: პოლიციელები გაზეთის კითხვით ერთობოდნენ, ხოლო რიგში მდგარი ადამიანებიდან ვერავის გაებედა სიტყვის თქმა ან უკმაყოფილების გამოსატყვა. მალე, მაჰმუდისათვის რალაც უცნობი მიზეზის გამო, პოლიციელებმა დაუყოვნებლივ შეწყვიტეს გაზეთის კითხვა, სერიოზული სახე მიიღეს და უჯრებში დაიწყეს ქექვა.

— საიდან ამდენი თავხედობა? — დაფიქრდა მაჰმუდი.

როდესაც მისი რიგი მოვიდა, ანკეტა მიიღო, რომელიც ადგილზე უნდა შეევესო. იგი ყოველ გრაფაზე ყოყმანობდა და შენიშნა, რომ იქ მყოფნი ეჭვით შეჰყურებდნენ. ამით შეშინებულმა, სწრაფად, ნერვიულად, ბატიფეხურით დაიწყო წერა, თითქოს წერა-კითხვის უცოდინარი ყოფილიყო. გრძნობდა, როგორ დაუწყო ოფლმა შუბლზე და სახეზე დენა. ჯიბეში ცხვირსახოციც არ აღმოაჩნდა მის შესამშრალებლად.

ანკეტის შევსებისა და ჩაბარების შემდეგ სწრაფი ნაბიჯებით დატოვა პოლიციის შენობა. ქუჩაში ჩაფიქრებული მიდიოდა და კინაღამ წააქცია შემხვედრი გამვლელი. მან მაჰმუდს ხმამაღლა ჩხუბი დაუწყო. ირგვლივ ხალხი მოგროვდა. როგორც აღმოჩნდა, მაჰმუდმა ამ საქციელით დაარღვია კანონი, რომელიც კრძალავს ნებადაურთველად ხალხის ქუჩაში შეკრებას. მალე პოლიციელებიც გამოჩნდა. მაჰმუდი იძულებული იყო აეხსნა მისთვის, რომ ამ ადამიანს შემთხვევით დაეჯახა. რომ მთელი ამ ხმამაღალი კამათის მანძილზე მონარქიისა და შაჰის წინააღმდეგ არავის ერთი სიტყვაც არ წარმოუთქვამს. მიუხედავად ამისა, პოლიციელმა ჩაიწერა მისი სახელი, გვარი და თან ათასი რეალი გამოართვა.

სასტუმროში დათრგუნული დაბრუნდა.

უკვე კარგად აცნობიერებდა, რომ პოლიციას უკვე დაფიქსირებული ჰყავდა, თანაც ორჯერ. ახლა იმაზე დაიწყო ფიქრი, რა მოხდებოდა, თუკი ეს ჩანაწერი ვინმეს თვალში მოხვდებოდა. თუმცა მალე უკუაგდო იგი, რადგან ძნელი წარმოსადგენი იყო, ისეთ არეულობაში, როგორც მაშინ ქვეყანაში არსებობდა, ასეთი ჩანაწერებისათვის ვინმეს ყურადღება მიექცია.

დღით ძმა ესტუმრა და ერთმანეთის მოკითხვის შემდეგ მაჰმუდმა მას წინა დღით მომხდარი თავგადასავალი უამბო.

— უკეთესი ხომ არ იქნებოდა, ლონდონში დაებრუნებულიყავი?

— იკითხა მან.

წლების წინ მაჰმუდის ძმა დიდ გამომცემლობას ხელმძღვანელობდა, რომელიც სავაკმა გაუკოტრა. ეს უკანასკნელი წიგნებს მხოლოდ მათი გამოცემის შემდეგ კითხულობდა. თუ წიგნი მის დაეჭვებას გამოიწვევდა, მთელი ტირაჟი უნდა განადგურებულიყო, ხოლო მისი ხარჯები გამომცემელს აწვებოდა ზურგზე. ამ გზით სავაკმა მარტო მაჰმუდის ძმის გამომცემლობა როდი გააკოტრა. აღნიშნულის გამო სხვა

გამომცემლობები, იმის შიშით, რომ სავაკის რომელიმე წიგნის დაბეჭდვის შემთხვევაში მასაც ასე არ მოექცეოდნენ, მხოლოდ მცირე ტირაჟით ბეჭდავდა წიგნებს — სულ რაღაც ათასი ეგზემპლარის ოდენობით და ეს 35 მილიონიან ქვეყანაში. „დიდი ცივილიზაციის“ დროინდელი ბესტსელერი — „როგორ მოვუაროთ ავტომობილს“ — ათასი ტირაჟით გამოვიდა, შემდეგ შეწყდა მისი ბეჭდვა. ამის შემთხვევაში ის იყო, რომ იმ თავებში, სადაც გაფუჭებულ საყვირზე, ცუდ ვინტილიზაციაზე და ა. შ. სხვა ტექნიკურ საკითხებზე იყო საუბარი, სავაკმა ქვეყნის ხელისუფლებაში არსებულ სიტუაციაზე მინიშნებად ამოიკითხა.

ძმას სურდა მაქმუდთან საუბარი, მაგრამ მიუთითა ტელეფონზე, ლამის ნათურაზე, რადიოზე და უთხრა, რომ გარეთ გასულიყვნენ და ქუჩაში გაესეირნათ. ისინი ძველი, ჯაყჯაყა ავტომანქანით მთებისაკენ წავიდნენ. ცარიელ ქუჩაში შეჩერდნენ. მარტო იყო, თოვდა და ყინულივით ცივი ქარი ქროდა. ისინი ერთ დიდ ქვას მიეფარნენ და სიცივისაგან კანკალებდნენ.

(„მაშინ ძმამ მითხრა, რომ ირანში უნდა დავრჩენილიყავი, რადგან მალე რევოლუცია დაიწყებოდა და აქ ვიყავი საჭირო.

— რა რევოლუცია, გაგიჟდი? — გამიკვირდა. ყოველი მსგავსი არეულობა შოკში მაგდებს, არ მიყვარს პოლიტიკა. ყოველდღიურად იოგაში ვვარჯიშობ, პოეზიას ვკითხულობ და ვთარგმნი. რაში მჭირდება პოლიტიკა? მაგრამ ძმა მიმტკიცებდა, რომ მე არაფერი მესმის და სიტუაციაში გარკვევა დამიწყო. ამ შემთხვევაში უმთავრესად ვაშინგტონია გადამწყვეტი ფაქტორი, ჩვენი ბედი იქ წყდება. ვაშინგტონში კი ჯეიმს ბეიკერი ახლა ძირითადად ადამიანის უფლებებზე ლაპარაკობს. შაპი ვერ შეძლებს ამის უგულვებელყოფას! მან უნდა შეწყვიტოს ხალხის წამება, სატუსალოში ჩამწყვდეული ადამიანები გამოუმვას და ცხოვრების დემოკრატიზაციისაკენ მიმართული ღონისძიებები განახორციელოს. ეს კი დასაწყისისათვის საკმარისი აღმოჩნდება.

ჩემი ძმა ძალიან აღელვებული ჩანდა, ვაწყნარებდი, მიუხედავად იმისა, რომ ირგვლივ კაციშვილი არა ჩანდა. ამ შესვედრის დროს მან რაღაც ტექსტი მომცა, რომელიც 200 გვერდზე მეტს შეადგენდა. ეს აღმოჩნდა ჩვენი მწერლის — ალი ასფარი ჯავადის შემორჩილი — შაპისადმი მიწერილი ღია წერილი. მასში ჯავადი წერდა ქვეყანაში გამეფებულ კრიზისზე, ირანზე უცხო ქვეყნების გავლენის გაძლიერებაზე, სახალის კარზე მომხდარი სკანდალების თაობაზე, კორუფციაზე, ინფლაციაზე, რეპრესიებზე და ხალხის მორალურ დაცემაზე. ძმამ მითხრა, რომ ეს წერილი ხალხში ხელიდან ხელში გადადის და რადგან ირანელები მას ერთმანეთისაგან იწერენ, უკვე მრავალი ასლი ტრიალებს ქვეყანაში. ახლა ჩვენ იმას ველოდებით, თუ შაპი როგორ რეაგირებას მოახდენს მასზე, ჯავადის დაიჭერენ თუ არა. მან ჯერჯერობით ტელეფონით მიიღო მუქარა, მეტი არაფერი. იგი ჩვეულებრივად დადის კაფეში, ისე რომ, გექნება შესაძლებლობა მას გამოელაპარაკო. მე უარი ვთქვი ამაზე და ვუთხარი, რომ მეშინია იმ ადამიანთან საუბარი, რომელიც პოლიტიკის მეთვალყურეობის ქვეშ ცხოვრობს“).

ამის შემდეგ ქალაქში დაბრუნდნენ. მაჰმუდი სასტუმროს ოთახში ჩაიკეტა და მთელი ღამის განმავლობაში მემორიალს კითხულობდა. ჯავადი შაჰს იმაში ადანაშაულებდა, რომ მან ჩაკლა, გაანადგურა ერის სული. ყოველი ახალი და სალი აზრი ითრგუნება, — წერდა იგი, ხოლო ჩვენი საზოგადოების ყველაზე გამოჩენილი ადამიანები ციხეში სხედან. კულტურა გისოსებს იქით აღმოჩნდა ან იძულებული გახდა ტაკქვეშეთში წასულიყო. ჯავადი შაჰს აფრთხილებდა, რომ პროგრესის განმსაზღვრელად ტანკებისა და მანქანების რაოდენობა არ გამოდგებოდა. პროგრესის განმსაზღვრელია ადამიანი, მის მიერ თავისუფლებისა და ღირსების შეგრძნებაო. მაჰმუდი წერილს კითხულობდა და თან ყურადღებით იყო, დერეფანში ხომ არავინ მოდისო.

მეორე დღეს მაჰმუდი იმაზე ფიქრით გაიტანჯა, რა ექნა ტექსტისათვის. ბოლოს თან წაიღო, რადგან არ უნდოდა ოთახში დატოვება. მაგრამ ქუჩაში სიარულისას იმაზე დაფიქრდა, რა შეიძლება მომხდარიყო, თუ ვილაცის ყურადღებას მიიპყრობდნენ და ეჭვს აღუძრავდნენ. ამიტომ გაზეთი იყიდა და მემორიალი მასში შეახვია. მიუხედავად ამის, ძალზე ეშინოდა ნებისმიერ წუთს არ გაეჩერებინათ და არ გაეჩხრიკათ. განსაკუთრებით სასტუმროს ადმინისტრატორის წინ გავლის ეშინოდა: ხომ შეიძლება ეფიქრა, რა დააქვს ამ კაცს ილიაში ამოდებულიო. ყოველ შემთხვევაში, მაჰმუდმა გადაწყვიტა, რაც შეიძლება იშვიათად გასულიყო ქუჩაში.

მაჰმუდმა თანდათან თავისი ძველი, სტუდენტობის დროინდელი მეგობრების მოძებნა დაიწყო. სამწუხაროდ, მათი ნაწილი უკვე ცოცხალი აღარ იყო, ბევრიც ემიგრაციაში წასულიყო, ზოგიც — ციხეში იჯდა. ბოლოს ზოგიერთი მათგანის მისამართი მაინც დაადგინა. იგი წავიდა უნივერსიტეტში, სადაც ალი (მუსულმან შიიტთა უმრავლესობას თავიანთ წინასწარმეტყველთა სახელი ჰქვიათ. ალი მაინც განსაკუთრებით გამოირჩევა თავისი სიმრავლით — ა. გ.) კაიდის შეხვდა, ვისთან ერთადაც წლების წინათ დადიოდა მთებში სალაშქროდ, კაიდი ბოტანიკის პროფესორი გამხდარიყო, უხეშფოთლიანი მცენარეების განხრით. მცირე საუბრის შემდეგ ალიმ უთხრა, რომ მას ახლა მხოლოდ ბოტანიკა აინტერესებდა. შემდეგ საუბარი იმაზე დაიწყო, რომ იქ, სადაც უხეშფოთლიანი მცენარეები ხარობენ, ადგილები თავისებური კლიმატით გამოირჩევაო. კერძოდ, ზამთრობით იქ ხშირი წვიმები იცის, ხოლო ზაფხული მშრალი და ცხელიაო და ამ თემაზე კიდევ გააგრძელა საუბარი.

მაჰმუდმა, რომელიც მაინც და მაინც ვერ ერკვეოდა ამ საგანში, პირდაპირ ჰკითხა მეგობარს, არის თუ არა მოსალოდნელი ქვეყანაში სერიოზული მოვლენებიო. კაიდი კარგა ხანს ფიქრობდა და შემდეგ საუბარი კვლავ იმაზე გააგრძელა, როგორი მშვენიერი გვირგვინი აქვს ატლანტიკის კედარს (*Cedrus atlantica*). მერე კი ისა თქვა — ამ ბოლო დროს მივაკვლიე პიმალაის კედარს (*Cedrus deodara*), რომელიც ჩვენთან იზრდება და, მერწმუნე, ის კიდევ უფრო ლამაზიაო!

რამდენიმე დღის შემდეგ მაჰმუდმა მეორე მეგობარი ნახა, ვისთან ერთადაც სკოლაში სწავლობდა და პიესის ერთად დაწერასაც ცდილობდნენ. ეს უკანასკნელი ახლა ქალაქ ყარაჯის მერად მუშაობდა. მასთან

ერთად საუკეთესო რესტორანში სადილობისას მაჰმუდმა მას საზოგადოების განწყობილების შესახებ ჰკითხა. მაგრამ მერს ეტყობოდა, ამ თემაზე საუბრის სურვილი არ ჰქონდა. ისიც თავის ქალაქს უტრიალებდა. ამბობდა, ყარაჯიში ახლა მთავარ ქუჩაზე ვაგებთ ასფალტს და ისეთი კანალიზაციის მშენებლობა დავიწყეთ, თეირანსაც რომ არა აქვსო. თან იმდენი ციფრები დააყარა მაჰმუდს, რომ ამ უკანასკნელს დიდი სურვილი ჰქონდა, საუბარი როგორმე სხვა თემაზე გადაეტანა. ბოლოს თავს სძლია და შეეკითხა მეგობარს, ყველაზე ხშირად რაზე საუბრობენ ყარაჯელებიო. იგი ჩაფიქრდა. — ბოლოს კი — აბა, რა ვიცი?! — თქვა თავიანთ საქმეებზეო, და დაამატა: არაფერზეც არა ფიქრობენ, მათთვის ყველაფერი სულ ერთია. ძალიან ზარმაცები, აპოლიტიკურები არიან, მხოლოდ საკუთარი ოჯახის ბედი აფიქრებთ. ქვეყნის პრობლემები! რაში აინტერესებთ მათ ეს?

ამის შემდეგ ლაპარაკის საღერღელი აეშალა. ლაპარაკობდა იმის შესახებ, როგორ ააშენეს პარალდეჰიდის (paraldehyd) ფაბრიკა, რომ ამ ფუნქციით მთელ ქვეყანას ამარაგებდნენ. მაგრამ მაჰმუდმა ისიც არ იცოდა, რას ნიშნავდა ეს სახელი და თავი ჩამორჩენილ ადამიანად იგრძნო. — როგორ, საერთოდ არა გაქვთ პრობლემები? — ჩაფიქრებული შეეკითხა მეგობარს. — როგორ არა! უპასუხა მან, თავი მაგიდაზე დახარა და ჩუმი ხმით უთხრა — ამ ფაბრიკების მიერ გამოშვებული პროდუქცია კაპიკად არ ვარგა. ხალხს მუშაობა არ უნდა, ყველაფერს რაღაც უხალისოდ, აპათიურად აკეთებს, თითქოს ამით პასიურ წინააღმდეგობას უწევს ზემდგომებს. მთელი ქვეყანა ერთგვარად გაყურებულიაო.

— მაგრამ, რატომ? — შეეკითხა მაჰმუდი.

— არ ვიცი, ვერაფერს გეტყვი, — ორაზოვნად უპასუხა მეგობარმა და მეტი რომ არაფერი წამოსცდენოდა, ოფიციალტს უხმო. მაჰმუდმა შენიშნა, რომ ალალმართალი გული მხოლოდ ერთ მომენტში გაიხსნა, როცა ეს რამდენიმე უჩვეულო სიტყვა თქვა, შემდეგ კვლავ დაიმაღლა გენერატორების, ტრანსპორტიორების და სხვა ტექნიკური (კონკრეტული!) ნაწილების ბარიკადების მეორე მხარეს.

[„ამ ხალხისათვის კონკრეტული საუბარი თავშესაფრად, სამალავად, თავის საშველად იქცა. კედარი, კი ბატონო, ეს კონკრეტული საუბარია, ასფალტი — ასევე კონკრეტულია. ასეთ კონკრეტულ თემაზე ყოველთვის შეიძლება ილაპარაკო მეტ-ნაკლებად თავისუფლად. კონკრეტულის მიმზიდველობა ისაა, რომ მას აქვს თავისი შემოსაზღვრული დანაღმული საზღვრები. თუკი კონკრეტულ თემებზე მოსაუბრე გონება მიუახლოვდება ამ საზღვრებს, მას დაუყოვნებლივ მიეწოდება ნიშანი, რომელიც გააფრთხილებს, რომ ამის იქით გადასვლა სახიფათოა და უკვე დროა, შეეშვას ზოგად თემებზე საუბარს, დასკვნების გაკეთებას. ამ სიგნალის გაგონებაზე დამფრხალი გონება უკან დაიხევს და კვლავ კონკრეტულ თემას მიუბრუნდება. მთელი ამ რთული პროცესის შემჩნევა ჩვენ შეგვიძლია ჩვენი მოსაუბრის სახეზე დაკვირვებისას. მოსაუბრეს ეტყობა, რომ მეტად ჩართულია საუბარში და გაცხოველებული გველაპარაკება ციფრებზე, პროცენტებზე, სახელებსა და თარიღებზე. ვხედავთ, რომ ამ კონკრეტულზე იგი ისე ზის, როგორც კარგი მხედა-

რი — უნაგირზე. ამ დროს ვეკითხებით, — კეთილი და პატიოსანი, მაგრამ რატომ არ არის ხალხი კმაყოფილი. — და ვხედავთ, როგორ იცვლება ჩვენი მოსაუბრის სახე (მის გონებას უკვე მიეწოდება საგანგაშო სიგნალები: ყურადღება! ცოტაც და გადაკვეთავ კონკრეტულობის საზღვარს). მოსაუბრე დუმდება და გაცხოველებით ეძებს სიტუაციიდან გამოსვლის გზებს. ცხადია, შექმნილი მდგომარეობიდან ყველაზე უკეთესად გამოსავალია კონკრეტულობისაკენ მიბრუნება. კმაყოფილი იმით, რომ ზოგად თემაზე საუბრისას მოსაუბრეს რაიმეში გამოჭერის საშუალება არ მისცა, მან შვებით ამოისუნთქა, და კვლავ გაცხოველებით გააგრძელა საუბარი რაღაც კონკრეტულ მოვლენაზე, საგანზე თუ ამბავზე. კონკრეტულის ერთ-ერთი დამახასიათებელი თვისება ისაა, რომ იგი თავის თავში სხვა კონკრეტულთან დაკავშირებისა და ზოგადი სურათის წარმოდგენის საშუალებას არ შეიცავს. მაგალითად, უარყოფით კონკრეტულ საგანსა თუ მოვლენას შეუძლია იარსებოს მეორე უარყოფითი კონკრეტული საგნისა თუ მოვლენის გვერდით, მაგრამ ამით არ იქმნება რაიმე ერთმანეთთან დაკავშირებული სურათი, ვიდრე ამ ორ მოვლენას (საგანს) ადამიანის აზრი არ შეაერთებს. მაგრამ ამ აზრს, რომელიც საგანგაშო სიგნალის მიღების შემდეგ შეჩერდება ყოველი კონკრეტული მოვლენის საზღვართან, არ შეუძლია შეასრულოს თავისი დავალება და ამიტომ ცალკეულ უარყოფით კონკრეტულ მოვლენას შეუძლია დიდხანს იარსებოს ისე, რომ არ ჩაჯდეს არავითარ დამაფიქრებელ პანორამაში. თუ შესაძლებელი გახდება იმის მიღწევა, რომ ყოველი ადამიანი ჩაიკეტება თავის კონკრეტულ საზღვრებში, მაშინ წარმოიშვება ჩაკეტილი საზოგადოება, რომელიც შედგება კონკრეტული მოვლენების N რაოდენობისაგან, რომელთაც არ შეუძლებათ ერთმანეთთან დაკავშირება ურთიერთთანხმობით მოქმედ საზოგადოებაში].

მაჰმუდმა მოძებნა მეგობარი, რომლის შესახებაც სმენოდა, რომ გამოჩენილი პოეტი გამხდარიყო. პასან რეზვანიმ იგი თანამედროვე, უმდიდრეს აგარაკზე მიიღო. ისინი საგულდაგულოდ მოვლილ ბაღში დიდი აუზის პირას დასხდნენ (უკვე ცხელი ზაფხული იწყებოდა) და გაყინული ჭიქებიდან gin-tonic-ს სვამდნენ. პასანი ჩიოდა, რომ ძალიან დაღლილი იყო, რადგან ზუსტად გუშინ დაბრუნებულიყო მონრეალში, პარიზში, ჩიკაგოში და ათენში მოგზაურობიდან, სადაც ლექციების კურსი წაიკითხა შაჰისა და ირანელი ხალხის „დიდი ცვილიზაციისა“ და „რევოლუციის“ თაობაზე. — ეს ძალიან ძნელი აღმოჩნდა, — აღიარა პასანმა, — რადგან ლექციის დროს წამოძახილებით ხელს უშლიდნენ და გაგრძელების საშუალებას არ აძლევდნენ.

პასანმა მაჰმუდს თავისი ახალი ლექსების ტომი უჩვენა, რომელიც შაჰისათვის მიეძღვნა. პირველ ლექსს ასეთი სათაური ჰქონდა:

„სადაც გაიხედავ, იქ ყვაფილი აყვავდება“.
 „შაჰმა თუნდაც რომ მხოლოდ გაიხედოს,
 წამსვე აყვავდება ტიტა და მიხაკი.
 სამაგიეროდ, სადაც მზერას შეაჩერებს,
 იქ ვარდი გაიშლება“, — ნათქვამი იყო ლექსში.

სხვა ლექსის სათაური იყო: „სადაც შეჩერდება, წყარო ამოსჩქეფს“.

„იქ, სადაც მონარქი ფეხს დააბიჯებს,
 კრისტალურად წმინდა წყარო ამოხედავს,
 ხოლო თუ შაჰი შეჩერდება
 და ცოტას მოიციდის,
 მდინარე დაიწყებს დინებას“. — ირწმუნება ავტორი.



პასანის ამ ლექსებს რადიოში და სტუდენტებთან კითხულობდნენ. თავად მონარქს ისინი ძალიან მოსწონდა, და მათ ავტორს ფაქტობრივად სახელობის ფონდის პრემია მიანიჭა.

ერთხელ, როდესაც მაჰმუდი ქუჩაში გავიდა, ხის ქვეშ მდგარი კაცი დაინახა. მან იცნო (თუმცა ძლივს), მოჰსენ ჯალავერი, ვისთან ერთად სტუდენტურ გაზეთში წერილების წერა დაიწყო. მაჰმუდმა იცოდა, რომ მოჰსენი სავაკს ჰყავდა დაჭერილი და აწამეს კიდევ, რადგან თავის ბინაში მეგობარი მოჯახედი შეიფარა.

მაჰმუდი მისთვის ხელის ჩამოსართმევად შეჩერდა. ამ უკანასკნელმა ისე შეხედა, თითქოს ვერ იცნო. მაჰმუდმა თავი შეახსენა. ამაზე მოჰსენმა უპასუხა, რომ ამას მისთვის მნიშვნელობა არ ჰქონდა, კვლავ გაუნძრევლად იდგა ერთ ადგილას და მიწას ჩასჩერებოდა. — წამოდი, სადმე წავიდეთ, შენთან საუბარი მინდა, — შესთავაზა მაჰმუდმა. — ეს ჩემთვის სულ ერთია, — კვლავ უპასუხა მან და ისევ ისე გაუნძრევლად დგომა გააგრძელა. მაჰმუდმა იგრძნო, რომ მასთან ურთიერთობა ცივდებოდა.

— მომისმინე, — კვლავ შეეცადა მის დაყოლიებას, — იქნებ სხვა დღეს შევხვედრილიყავით? ამაზე ჯალავერს არაფერი უპასუხია, მხოლოდ მოულოდნელად კბილები გააკრაჭუნა და მოკუმული პირიდან გამოსცრა, — შემეშვი რა!

მცირე ხნის შემდეგ მაჰმუდმა ქალაქის ცენტრში უბრალო ბინა დაიქირავა. ჯერ კიდევ ჩემოდანი არ გაეხსნა, რომ სამი მამაკაცი ეწვია. ისინი მიესალმნენ როგორც მათი უბნის ახალ მოსახლეს, და შეეკითხნენ, თუ იყო შაჰის პარტიის — რასტაკისის წევრი. მაჰმუდმა უარყოფითად უპასუხა, რადგან ახალი დაბრუნებული იყო ევროპიდან, სადაც მრავალი წელი გაატარა. ამან მამაკაცების დაეჭვება გამოიწვია, ვინაიდან, ვისაც შეეძლო, ისინი უფრო გადიოდნენ ქვეყნიდან, ვიდრე ბრუნდებოდნენ. ამიტომ დაუწყეს გამოკითხვა, რატომ, რა მიზნით დაბრუნდა, ამასთან ერთ-ერთი მათგანი ყველაფერს რვეულში იწერდა. ცხადია, ეს მაჰმუდს არ სიამოვნებდა, რადგან მიაჩნდა, რომ ამ გზით იგი უკვე მესამედ აღმოჩნდა დაფიქსირებული. მოსულებმა მას პარტიის წევრობის განცხადების ფორმა გადასცეს, მაჰმუდმა უთხრა, რომ არ სურდა პარტიაში გაწევრიანება, რადგან მთელი სიცოცხლე აპოლიტიკური იყო და ასეთად სურდა დარჩენა. მამაკაცებმა ისეთი სახით შეხედეს, თითქოს ეკითხებოდნენ, თუ იცი, რას ამბობო. მათ მაჰმუდს მისცეს რეკლამა, სადაც დიდი ასოებით შავით თეთრზე ამობეჭდილი იყო შაჰის სიტყვები: „ისინი, ვინც არ მიეკუთვნებიან რასტაკისს, მოღალა-

ტეები არიან, რომელთა ადგილიც ციხეშია, თუ არ სწამთ შაჰის და სამშობლოსი, არ უნდა მოელოდნენ, რომ მათ სხვა დანარჩენთა მსგავსად მოვექცევით“. მაჰმუდმა იმდენი გაბედულება მაინც გამოიჩინა, რომ თხოვა, მოფიქრებისათვის ერთი დღე მიეცათ, რადგან სურდა ამ საკითხზე ძმას მოლაპარაკებოდა.

ერქვენული

ძმამ უთხრა, რომ სხვა გამოსავალი არა ჰქონდა, პარტიის წევრები ვართ! მთელი ერი, როგორც ერთი კაცი, მას უნდა ეკუთვნოდეს. მაჰმუდი სახლში დაბრუნდა და, როდესაც ის მამაკაცები კვლავ ესტუმრნენ, პარტიაში მიღების განცხადება დაწერა. ამგვარად, იგიც ჩადგა ქვეყანაში „დიდი ცივილიზაციის“ დამყარებისათვის მეზობლთა რიგებში.

მაღე მან მიწვევა მიიღო რასტაკისის ოფისიდან, რომელიც მისი სახლის ახლოს მდებარეობდა. იქ დანიშნული იყო შემოქმედთა შეკრება, რათა პარტივი მიეგოთ მონარქის ტახტზე დაბრძანების 37 წლისთავისათვის. ყველა წლისთავი, რომელიც შაჰის პიროვნებასთან და მის უმნიშვნელოვანეს დოკუმენტებთან — „თეთრ რევოლუციასთან“ და „დიდ ცივილიზაციასთან“ იყო დაკავშირებული, ხმაურითა და ზეიმით აღინიშნებოდა. იმპერიის მთელი ცხოვრება ხომ წლისთავიდან წლისთავამდე სწორედ ასეთ ამაღლებულ რიტმში მიმდინარეობდა. აურაცხელ შტაბებში დასაქმებული ადამიანები კალენდრით ხელში დაყურადებულნი იყვნენ, რომელიმე საიუბილეო თარიღი არ გამოჩენოდათ: მონარქის დაბადების დღე, მისი ქორწინების წელიწადი, ტახტზე დაბრძანების წლისთავი და სხვ. დროთა განმავლობაში ამ საიუბილეო თარიღებს ახალ-ახალი ემატებოდა. ერთი ზეიმი არ დასრულებულიყო, რომ ახალი იწყებოდა, რომლის დროსაც მთელ ქვეყანაში წყდებოდა მუსიკა, ეწყობოდა ბანკეტები, მისალმებებს და მილოცვებს ხომ ბოლო არ უჩანდა.

ამჯერად კრებაზე უნდა განეხილათ შაჰის ახალი ქანდაკების პროექტი, რომლის აღმართვაც მისი დაბადების დღისათვის უნდა მიეძღვნათ. დარბაზში ას კაცამდე იჯდა. თითოეულს თავმჯდომარე ისე არ მიმართავდა, ხაზი რომ არ გაესვა იმისათვის, თუ ცნობილი და გამოჩენილი ადამიანი ბრძანდებოდა. მაგრამ არც ერთი დასახელებული გვარი მაჰმუდს არაფერს ეუბნებოდა. — ვინ არიან, აი, ისინი, — შეეკითხა გვერდით მჯდომს, — ცენტრში, ხავერდის სავარძლებში რომ სხედან?

— ესენი განსაკუთრებით გამორჩეული ხალხია, — ჩურჩულით უპასუხა მან. — მათ ოდესღაც შაჰის წიგნი მიიღეს საჩუქრად, მისივე წარწერით.

კრებას მოქანდაკე კურუს ლაშხაი ხელმძღვანელობდა. იგი მაჰმუდმა ოდესღაც ლონდონში გაიცნო. ლაშხაიმ ლონდონსა და პარიზში მრავალი წელიწადი გაატარა და ცდილობდა კარგად დაუფლებოდა ქანდაკების ხელოვნებას. მაგრამ ტალანტი არ აღმოაჩინდა და მნიშვნელოვანს ვერაფერს მიაღწია. წარუმატებლობით გაღიზიანებული თეირანში დაბრუნდა. ძალიან ამბიციური ადამიანი იყო, ვერ შეძლო დამარცხებას შერიგებოდა და სულ რაიმე კომპენსაციის მიღებას ცდილობდა. მაღე რასტაკისის წევრი გახდა და თანდათან კარიერის გაკეთებაც დაიწყო.

იგი ფაქტის ფონდის ერთ-ერთი მთავარ ექსპერტად დანიშნეს და მისი დასკვნის გარეშე ამ ფონდის ჯილდო თუ პრემია არ გაიცემოდა. უფრო მეტიც, ბევრი მას იმპერიალიზმის თეორიის თეორიტიკოსადაც კი აღიარებდა. ირანში სჯეროდათ, რომ მის სიტყვას ქვეყანაში უდიდესი მნიშვნელობა ჰქონდა — იგი ხომ კულტურის საკითხებში შაჰის მრჩეველი იყო.

როდესაც კრების დარბაზიდან გამოდიოდნენ, მაჰმუდს შეერაღი და მთარგმნელი გოლამ ქაზემი მიუახლოვდა, რომელსაც მრავალი წელი არ შეხვედროდა — მაჰმუდი ემიგრაციაში წავიდა, ხოლო გოლამი ირანში ცხოვრობდა და „დიდი ცივილიზაციის“ მაქებ-მადიდებელ ნაწარმოებებს თხზავდა. ფუფუნებაში ამყოფებდნენ, შაჰის სასახლეში ნებისმიერ დროს თავისუფლად შეეძლო შესვლა. მის წიგნებს ტყავის ყდით გამოსცემდნენ. გოლამს უნდოდა მაჰმუდისთვის რაღაც მნიშვნელოვანი ამბავი ეთქვა და თითქმის ძალით წაიყვანა იგი სომხური კაფესაკენ. იქ მან მაგიდაზე რომელიღაც უურნალი დადო, გაშალა და მაჰმუდს ამაყად მიმართა — შეხედე, რისი დაბეჭდვა შევქელი! ეს იყო პოლ ელუარის (Paul Eluar) ლექსის თარგმანი. მაჰმუდმა ლექსს დახედა და შეეკითხა, რა იყო აქ განსაკუთრებული?

— როგორ თუ რა? — იწყინა გოლამმა — ვერ იგებ? დაკვირვებით წაიკითხე.

მაჰმუდმა ყურადღებით წაიკითხა ლექსი და კვლავ იკითხა, რა იყო მასში არაჩვეულებრივი, რა იწვევდა მთარგმნელის ასეთ სიამაყეს.

— ადამიანო, შენ რა, დაბრმავდი? შეხედე, — და ხმამაღლა წაუკითხა ლექსის ორი სტრიქონი:

„სევდის დროა დამდგარი, კუნაპეტი ღამეა,
ბრძმებსაც კი არ ვურჩევდი სახლებიდან გამოსვლას“.

თან კითხულობდა და თან ფრჩხილით ქალღმრთელს უკველ სიტყვას აღნიშნავდა. — იცი, რამდენი წვალეა გამოვიარე, ვიდრე ამის დაბეჭდვას მივალწევდი, ვიდრე სავაკს დავარწმუნებდი. ამ ქვეყანაში, სადაც ყველაფერი ოპტიმიზმით უნდა იყოს გაქლენთილი, ილიმებოდეს და ყვაოდეს, მოულოდნელად — „სევდის დრო დამდგარა“! შეგიძლია? შენ ამის წარმოდგენა? გოლამს გამარჯვებულის სახე ჰქონდა, ძალზე სიამოვნებდა თავისი გმირობა.

გოლამის მოლუშულ, ამასთან ინტელიგენტურ სახეს რომ უყურებდა, მაჰმუდმა ირწმუნა, რომ ქვეყანაში მართლაც ახლოვდებოდა რევოლუცია და იგრძნო, რომ მხოლოდ ახლაა ჩაწვდა არსებული ვითარების მთელ სიღრმეს.

ჩანდა გოლამმა იგრძნო კატასტროფის მოახლოება და თავისი ეშმაკური მოქმედებებით ფრონტის შეცვლა დაიწყო. იგი ცდილობდა განწმენდილიყო და მსხვერპლს სწირავდა მოახლოვებულ ძალებს, რომელთა საშიში ნაბიჯები ყრუ ექოდ გაისმოდა მის დამფრთხალ გულში. ჯერჯერობით წითელ ბალიშს, რომელზეც შაჰი იჯდა, გოლამმა მალულად მხოლოდ უჩხვლიტა. არა. ეს არ იყო ასაფეთქებელი ნაღმი. შაჰს ამისაგან არავითარი ზიანი არ მიადგებოდა, არ დაიღუპებოდა, სამაგიეროდ გოლამმა იგრძნო თავი უკეთ — იგი ხომ შაჰის წინააღმდეგ გამოვიდა! ახლა ის ხალხს აჩვენებს ამ წკმენტას და მოჰყვებოდა. მას სი-

ამოვნებას მიანიჭებდა ის გარემოება, რომ უკვე დამოუკიდებელი და წინააღმდეგობის წევრი იყო.

მაგრამ სალამოს მაჰმუდს კვლავ ძველი ეჭვები ეწვივნენ. მასთან ერთად თითქმის უკვე ცარიელ ქუჩაში სეირნობდა. გზად მო-
 ლუშულსახიანი, მოწყენილი და დაღლილი ადამიანები ხედავდნენ, რომლებიც სახლისაკენ მიიჩქაროდნენ ან მღუმარედ იდგნენ სის გაჩერებაზე. ვილაც კაცები კედელთან ისხდნენ, თავი მუხლებზე დაეყრდნოთ და თვლემდნენ.

— ვინ გააკეთებს ამ შენს რევოლუციას? — შეეკითხა მაჰმუდი ძმას და ხალხზე მიუთითა. — ამათ ხომ ძინავთ.

— ზუსტად ესენი! — უპასუხა ძმამ, — ამ ადამიანებს, ვისაც შენ ახლა აქ ხედავ, ერთ დღეს ფრთები გამოესხმებათ.

თუმცა მაჰმუდს ამის წარმოდგენაც კი უჭირდა.

(„ადრეულ ზაფხულზე უკვე დავიწყე იმის შეგრძნება, რომ რაღაც იწყებდა შეცვლას, რაღაცამ გამოიღვიძა ხალხში, ჰაერში. ეს ძალიან გაურკვეველი განწყობაა, დაახლოებით ისეთი, როგორც კოშმარული სიზმრიდან გამოღვიძება. ჯერჯერობით ამერიკელებმა აიძულეს შაჰი, რათა მას ინტელექტუალების ნაწილი ციხიდან გამოეშვა. შაჰი ყოყმანობდა, თავს იკავებდა, ზოგს უშვებდა, სხვებს — პირიქით, ციხეში ამწყვდევდა. მაგრამ უმნიშვნელოვანესი ის იყო, რომ ერთი ნაბიჯით დათმობამ მტკიცე სისტემაში გამოაჩინა პირველი ღრიჭო, პირველი ნაპრალი.

ამით ისარგებლა მწერალთა ჯგუფმა, რომელთაც სურდათ ირანის მწერალთა ორგანიზაციის (კავშირის) აღდგენა. შაჰმა იგი დახურა 1969 წელს. მაშინ თითქმის ყველა მსგავსი უდანაშაულო ორგანიზაცია დაიხურა. ქვეყანაში მხოლოდ რასტაკისი და მეჩეთი დარჩა. *Tertium non datur* (მესამე გზა არ არსებობს). მაგრამ ხელისუფლება კვლავ არ დათანხმდა, რომ ქვეყანაში ლიტერატორთა კავშირს ემოქმედა. ამის გამო ხელოვნების მოღვაწეებმა დაიწყეს კერძო სახლებში შეკრება, ძირითადად თეირანის გარეუბნებში მდგარ ძველ სახლებში, სადაც მათ კონსპირაციულ პირობებში შეეძლოთ ერთმანეთთან შეხვედრა, რასაც კულტურულ საღამოებს უწოდებდნენ. ჯერ ლექსებს კითხულობდნენ, ხოლო შემდეგ ქვეყანაში არსებულ ვითარებაზე იწყებდნენ კამათს. ამ შეხვედრებისას საუბრობდნენ, რომ შაჰის და მისი ხელისუფლების მიერ შეთხზული ქვეყნის განვითარების მთელი პროგრამა ჩაფლავდა, ირანში აღარაფერი ფუნქციონირებს, ბაზარი თანდათან ცარიელდება, ცხოვრება ძვირდება, ბინის ჭირა ადამიანთა შემოსავლების სამ მეოთხედს შთანთქავს, შაჰის უსუსური, მაგრამ ხარბი ელიტა ძარცვავს ქვეყანას, უცხო ფირმებს კი ქვეყნიდან უდიდესი თანხები გააქვთ, რაც რჩება ნავთობის შემოსავლიდან, ირანის უაზრო შეიარაღებას ხმარდება. ყოველივე ამის შესახებ აქ შეკრებილები თანდათან უფრო ღიად და უშიშრად საუბრობდნენ.

მახსოვს, ერთ-ერთ ბოლო შეკრებაზე იქ შევნიშნე ადამიანები, რომლებიც ციხიდან სულ ახლახან გამოსულიყვნენ. ესენი იყვნენ მწერლები, მეცნიერები, სტუდენტები. ვუყურებდი მათ სახეებს, მაინტერესებდა დამენახა, რა კვალს ტოვებს ადამიანზე დიდი შიში და ტანჯვა.

ისეთი შთაბეჭდილება მექმნებოდა, რომ მათ საქციელში რაღაც არანორმალური იყო. ისინი თითქოს ურწმუნოდ, სინათლისაგან და სხვების იქ ყოფნით გიჟებივით იქცეოდნენ. ურთიერთობაში ძალზე ფრთხილობდნენ, თითქოს ეშინოდათ, რომ სხვა ადამიანთან შეხება მათთვის ცუდად დასრულდებოდა. ერთ-ერთი მათგანი საშინლად გამოიყურებოდა. კანი სულ დახეთქილი ჰქონდა, ყავარჯენების დასმარებით დადიოდა. იგი უნივერსიტეტში, იურიდიულ ფაკულტეტზე სწავლობდა. შემოწმების დროს მას ფედაინების მოწოდებები აღმოუჩინეს. მახსოვს, ერთხელ ჰყვებოდა, როგორ შეიყვანეს სავაკელებმა ერთ დიდ დარბაზში, რომლის კედლებიც სიცხისაგან ელვარებდა. იატაკზე ეყარა საბურავები, საბურავების პატარა თვლებზე ლითონის სკამი იყო დამაგრებული, რომელზეც იგი დააბეს. სავაკელმა ღილაკს თითი დააჭირა და სკამმა ნელ-ნელა დაიწყო გაცურება გახურებული კედლისაკენ. სკამი ძალიან ნელა მოძრაობდა, წუთში დაახლოებით სამი სანტიმეტრით. როგორც გამოთვალა, ამ სისწრაფით სკამს კედლამდე დაახლოებით ორი საათი დასჭირდებოდა, მაგრამ უკვე ერთი საათის გასვლის შემდეგ ველარ გაუძლო სიცხეს და დაიწყო ყვირილი, ყვიროდა, რომ ყველაფერს აღიარებდა. თუმცა რა უნდა ეღიარებინა, რაც არ იცოდა, ეს მოწოდებები ხომ მან ქუჩაში იპოვა. ყველანი მდუმარედ უსმენდნენ, სტუდენტი ტიროდა. მახსოვს, ღმერთს როგორ შეჰღალადა — ღმერთო, რატომ დამსაჯე და ასე საშინლად დამამახინჯე ისეთი სიმახინჯით, რომელსაც აზროვნება ჰქვია! რატომ მასწავლე აზროვნება, იმის ნაცვლად, რომ მორჩილება გესწავლებინაო. ბოლოს ისე დასუსტდა, რომ იძულებული გახდნენ მეორე ოთახში გაეყვანათ. თუმცა სხვები, რომლებიც მასავით ციხიდან იყვნენ გამოსული, ძირითადად დუმდნენ, სიტყვას არა სძრავდნენ“.

სავაკმა მალე დაადგინა ამ შეხვედრების კვალი. ერთ ღამეს, როდესაც კონსპირაციის ადგილი დატოვეს და სახლებისაკენ მიდიოდნენ, მაჰმუდმა გზისპირა ბუჩქებში რაღაც ხმაური გაიგონა. მალე იქიდან ვილაცები წამოხტნენ და დაიწყეს ყვირილი. მაჰმუდმა კეფაში რაღაც მძიმეს დარტყმა იგრძნო. მიწაზე დაეცა და გონება დაკარგა. აზრზე მხოლოდ ძმის ხელებში მოვიდა. თვალები სისხლით ჰქონდა სავსე, ბნელადა და ძლივს გაარჩია ძმის შავი, მოლუშული სახე. მალე კვნესაც გაიგონა. ვილაც მშველელს უხმობდა. მან სტუდენტი შეიცნო. როგორც ჩანს, იგი შოკში იყო, რადგან თითქოს მიწის ქვეშიდან ესმოდა მისი ხმა: — ღმერთო, რატომ დამსაჯე და აზროვნება მასწავლე! რატომ დამამახინჯე ასე საშინლად?! მაჰმუდი თავის გვერდზე სხვა გასისხლიანებულ ადამიანსაც ხედავდა. მათ ნელ-ნელა გააგრძელეს გზა, თან სულ იმის შიში ჰქონდათ, კიდევ ვილაცეები თავს არ დაგვესხნენო.

ღილით მაჰმუდმა სახლში გამოიღვიძა. თავი შეხვეული ჰქონდა, ხოლო შუბლი — გაკერილი. მეთვალყურემ ახალი გაზეთი შემოუტანა, სადაც მაჰმუდმა წინლამინდელი ამბები ამოიკითხა.

„ვასულ ღამეს კანის მახლობლად მრავალგზის სასჯელმოხდილი საზოგადოების ნაძირლებმა ერთ-ერთ სახლში მოაწყეს საშინელი და სამარცხვინო ორგია. პატრიოტულად განწყობილმა ადგილობრივმა მცხოვრებლებმა არაერთხელ თხოვეს მათ, ასე არ მოქცეულიყვნენ, მა-

გრამ აღვირახსნილმა ბანდიტებმა ადგილობრივ პატრიოტებს არ დაუ-
ჯერეს. ეცნენ მათ და ჯოხებითა და ქვებით ცემა დაუწყეს. ადგილობ-
რივი მცხოვრებლებიც იძულებული გახდნენ თავი დაეცვათ და თავიან-
თი საცხოვრებელი უბნისათვის კვლავ დაებრუნებინათ ტრადიციული
სიმშვიდე და სიწყნარე“.

მაჰმუდს ჭრილობები აწუხებდა, გრძნობდა, ტემპერატურა უმა-
ტებდა და იმასაც მიხვდა, რომ ტვინის შერყევა ჰქონდა.

სალამოს ძმამ მოაკითხა. იგი ძალზე აღელვებული ჩანდა. მას მაჰ-
მუდის ჭრილობებისათვის არც დაუხედავს და თითქოს არც კი ახსოვდა
წინა ღამეს მომხდარი ამბავიო, ჩანთიდან მანქანაზე დაბეჭდილი ქალა-
ლდების სქელი დასტა ამოიღო და ავადმყოფს წასაკითხად გადასცა. მა-
ჰმუდმა ძლივს გაიკეთა სათვალე.

— კვლავ წერილი, — თქვა უგულოდ და ნაბეჭდი ქალაღები
გვერდზე გადადო, — თავი დამანებე, თუ კაცი ხარ!

— ჰო, მაგრამ, აბა ნახე, რა მნიშვნელოვანი დოკუმენტია! — არ
ემშვებოდა ძმა.

მაჰმუდს, თავი სტკიოდა და მიუხედავად იმისა, ამ წერილსაც ძა-
ლად აკითხებდნენ, მცირე ხნის შემდეგ იძულებული იყო ელიარებინა,
რომ წერილი მართლაც უაღრესად მნიშვნელოვანი იყო. კერძოდ, იგი
კითხულობდა იმ წერილის ასლს, რომელიც მოსადეჰის სამმა უახლოე-
სმა ადამიანმა შაჰს გაუგზავნა. მაჰმუდმა ხელმოწერებიც წაიკითხა —
ქერიმ სანდჯაბი, შაჰპურ ბახტიარი და დარიუშ ფორუჰარი. — ცნობი-
ლი სახელებია, — გაიფიქრა, — დიდი ავტორიტეტები. ყველანი სხვა-
დასხვა წლებში შაჰის პოლიტიკური პატიმრები იყვნენ, ბახტიარი ექვს-
ჯერაც კი იჯდა ციხეში.

„1953 წლიდან, — კითხულობდა წერილში მაჰმუდი, — ირანი
ტერორისა და შიშის ატმოსფეროში ცხოვრობს. ყოველგვარი ოპოზი-
ცია დათრგუნვილი, წელში გადატეხილი, სისხლში ჩახშობილია. დღე-
ები, როდესაც შეიძლებოდა ქუჩაში შეკრებები, დისკუსიები, როდესაც
საზოგადოება თავისუფლად ყიდულობდა წიგნებს, დროთა განმავლო-
ბაში სიზმარით გაუჩინარდა და მხოლოდ მეხსიერებასლა შემორჩა.
საზოგადოების ყოველგვარი საქმიანობა, რომელიც თუნდაც ოდნავა-
დაც რომ არ მოსწონდა ხელისუფლებას, აიკრძალა. ხალხი მდუმარე-
ბისთვისაა განწირული, მას სიტყვის დაძვრის, აზრის გამოთქმის პრო-
ტესტის გაცხადების უფლებაც კი არა აქვს. მას მხოლოდ ერთი გზა და-
რჩენია — იატაკქვეშეთიდან ბრძოლა“.

მაჰმუდი განსაკუთრებით წერილის იმ ნაწილს ჩაუღრმავდა, რო-
მელსაც ასეთი სათაური ჰქონდა: „ირანში არსებული საგანგაშო მორა-
ლური, ეკონომიკური და საზოგადოებრივი სიტუაცია“. მასში საუბა-
რი იყო ქვეყნის ეკონომიკაში შექმნილ კრიზისზე, საზოგადოების ფე-
ნებს შორის ქონებრივი უფსკრულის უჩვეულოდ გაღრმავებაზე, სოფ-
ლის მეურნეობის განადგურებაზე, საზოგადოებისათვის თვალში ნაც-
რის შეყრაზე და მორალურ დეპრესიაზე, როგორშიც ირანელები ჩაც-
ვივდნენ. „მაგრამ საზოგადოების სიჩუმესა და დუმბილს მისი მხრიდან
გულგრილობად და, მით უმეტეს, მდგომარეობისადმი შეგუებად ნუ აღ-
იქვამთ. საზოგადოების წინააღმდეგობამ სხვადასხვა ფორმა შეიძლება

მიიღოს და მხოლოდ კრიტიკულ მომენტში გადაწყვეტს იგი, თუ როგორი სახით გამოხატოს თავისი უკიდურესი უკმაყოფილება“.

ეს იყო ღია წერილი და თავისი პრინციპული ხასიათით ულტიმატუმივით ეღერდა. იგი მთავრდებოდა რეფორმების, დემოკრატიის და თავისუფლების მოთხოვნით.

— ეს ხალხი ნამდვილად ციხეში ჩასხდებოდა და დასუსტებულმა და გამოფიტულმა მაჰმუდმა და იგრძნო, როგორ უწევდა ტემპერატურა.

რამდენიმე დღის შემდეგ ძმამ ერთი კაცის თანხლებით მოაკითხა. მას მაჰმუდი პირველად ხედავდა. ის ყარაჯის ხელსაწყოების ქარხნის მუშა იყო. მან თქვა, რომ ყველგან იზრდება გაფიცვების რაოდენობა, რომ არასოდეს ყოფილა იმდენი გაფიცვა, რამდენიც წელს. გაფიცვები აკრძალულია და მათ ძალით შლიან, მაგრამ ხალხი თავისას არ იშლის. მათ სხვა გზა არ დარჩენიათ, ცხოვრება უკვე შეუძლებელი გახდა. ქარხანაც და მისი პროფკავშირებიც სავაკის ზედამხედველობის ქვეშაა, ხოლო მუშა მონის მდგომარეობაში ჩავარდა. ხელფასებს კი უმატებენ. მაგრამ ფასები გაცილებით სწრაფად იზრდება, თანდათან ჭირს ოჯახის შენახვა. ამასთან მუშამ ხელებით ისეთი მოძრაობა გააკეთა, თითქოს ვილაცასთან შეხვედრა უნდოდა, მაგრამ ეს უკანასკნელი ხელიდან უსხლტებოდა. ისიც თქვა, რომ ყარაჯის მუშები თეირანისაკენ დაიძრნენ, რათა შრომის სამინისტრო აეძულებინათ მათთვის ხელფასები გაეზარდა. ხელისუფლებამ მათ წინააღმდეგ სამხედრო ნაწილები გაგზავნა, რომლებიც მუშებს გზაზე დახვდნენ და ცეცხლი გაუხსნეს. გზის ორივე მხარეს უდაბნო იყო, ადამიანი ვერსად გაიქცეოდა. ვინც გაიქცა და ტყვიების სეტყვას გადაურჩა, მალევე უკან დაბრუნდა, რათა დახოცილებისა და დაჭრილებისათვის ეპატრონა. ოთხმოცამდე კაცი მოკვდა, ხოლო ორასამდე დაიჭრა. ახლა ქალაქი ძაძებშია გახვეული და შურისძიების მოლოდინშია.

— შაჰის დღეები დათვლილია, — წარმოთქვა მტკიცე ხმით მაჰმუდის ძმამ, — შეუძლებელია წლების განმავლობაში უიარაღო ხალხი ასე აწამო.

— დათვლილია? — შეხვეული თავი მალლა ასწია და ისე იკითხა მაჰმუდმა, — შენ რა, ვაგიჟდი? ვერ ხედავ, როგორი არმია ჰყავს?

რა თქმა უნდა, ძმამ იცოდა, როგორი არმია ჰყავდა შაჰს, შეკითხვა უბრალოდ რიტორიკული გამოვიდა. მაჰმუდსაც ხომ ხშირად უნახავს შაჰის დივიზიები კინოსა თუ ტელევიზიით — პარადები, მანევრები, ტყვიამფრქვევები, რაკეტები. ტანკების ლულები მაჰმუდს პირდაპირ გულში უმიზნებდნენ. იგი ზიზღით უყურებდა ამ სამხედრო ნაწილების მეთაურ გენერლებს, რომლებიც ნემსის ყუნწში ძვრებოდნენ, ოღონდ კი შაჰისთვის თავი მოეწონებინათ.

— ისე, საინტერესოა, სინამდვილეში როგორ მოიქცეოდნენ ეს ოფიცრები, მათ სიახლოვეს ბომბი რომ აფეთქებულიყო, — ფიქრობდა მაჰმუდი, — ალბათ ინფარქტს მიიღებდნენ!

წლების მანძილზე, როგორც ეს ტელევიზორის ეკრანიდან ჩანდა, სამხედრო ნაწილებს აღჭურვილობაც ემატებოდათ. მაჰმუდს მიაჩნდა, რომ ეს იყო საშინელი ძალა, რომელიც მტვრად აქცევდა ყველაფერს, რაც კი წინ აღუდგებოდა.

დაიწყო ზაფხულის ცხელი დღეები. უდაბნოდან, რომელიც თერანს ჩრდილოეთიდან ესაზღვრება, ცხელი ჰაერი იყო მოწოლილი. მაჰმუდი თავს უკვე კარგად გრძნობდა, ამიტომ გადაწყვიტა საღამოობით გაესეირნა ხოლმე და პირველად, ამდენი ხნის განმავლობაში, ქუჩაში გავიდა. უკვე ბნელდებოდა. იგი ერთი უზარმაზარი, ნაჩქარევად დასრულებული ნაგებობის სიახლოვეს პატარა ქუჩაზე სეირნობდა. ეს უზარმაზარი რასტაკისის ოფისი იყო. ერთ მომენტში მოეჩვენა, რომ სიბნელეში რაღაც მოძრავ საგანს ხედავდა. მალე თითქოს ისიც მოესმა, როგორ გამოვიდა ბუჩქებიდან კაცი. მაგრამ აქ ხომ არავითარი ბუჩქები არ იყო და შეეცადა თავის დამშვიდებას. მიუხედავად ამისა, უკვე შიშისაგან ატანილმა უახლოეს პარალელურ ქუჩაზე შეუხვია. თუმცა კარგად იცოდა, რომ მის შიშს საფუძველი არა ჰქონდა. მაჰმუდს კანკალი დააწყებინა და სახლში დაბრუნება გადაწყვიტა. იგი ქვევით, ქალაქის ცენტრისაკენ მიმავალ ქუჩას დაუყვა. მალე უკან მომავალი კაცის ფეხის ხმა შემოესმა. ამან ძალიან ჩააფიქრა, ქუჩა ხომ ცარიელი იყო, ახლოს არავინ დაუნახავს. უნებლიეთ ფეხს აუჩქარა, მაგრამ იმ კაცმაც უმატა სისწრაფეს და, როგორც ჩანს, ახლა უფრო ახლოს იყო მაჰმუდთან, ვიდრე ადრე. — უკეთესი იქნება, თუ ნაბიჯს შევანელებ, — ფიქრობდა მაჰმუდი. მაგრამ შიში უფრო ძლიერი იყო, ვიდრე გონების ხმა და ამიტომ, მდევარი რომ ჩამოეტოვებინა, თითქმის სირბილით წავიდა. მაგრამ მდევარი ისე მიახლოებოდა, რომ მაჰმუდს მისი აჩქარებული სუნთქვაც კი ესმოდა. მას უფრო სწრაფი სირბილი აღარ შეეძლო, მისი პერანგი, როგორც დროშა, ისე ფრიალებდა. მალე ისიც კი მოეჩვენა, რომ იმ ერთ მდევარს სხეებიც შეერთებოდნენ და ყველანი ერთად მისდევდნენ. მიუხედავად ამისა, იგი უფრო სწრაფად ველარ მირბოდა, ძლივს სუნთქავდა, ტანისამოსი ერთიანად ოფლით დასველებოდა. გრძნობდა, რომ ცოტაც და მიწაზე უგონოდ დაეცემოდა.

როგორც იყო, უკანასკნელი ძალა მოიკრიბა, ალაყაფის კარებამდე მიხობდა და მის საკეტს ჩამოეკიდა. ეგონა, საცაა გული გაუსკდებოდა. ისეთი შეგრძნება ჰქონდა, რომ ვიღაცის მუშტმა შეუნგრია ფერდი და იქ, შიგ, აუტანელ ტკივილს აყენებდა.

ბოლოს, როგორც იქნა, გონზე მოსვლა დაიწყო. ირგვლივ მიიხედ-მოიხედა. ქუჩაში კაციშვილი არ ჩანდა. კედელთან შავი კატა ჩაცუცქულიყო. ნელი ნაბიჯებით, თან ისე, რომ გული კინაღამ ხელით ეჭირა, მაჰმუდი სახლისაკენ გაემართა.

(„ყველაფერი იმ ზაფხულის იმ ღამეს დაიწყო, როდესაც კრებიდან გარეთ გამოსულებს თავს დაგვესხნენ. იმ დროიდან შიშის გრძნობა გამიჩნდა. იგი ხშირად მიპყრობდა ხოლმე ყველაზე უფრო მოულოდნელ დროს, როდესაც ამისათვის მოუმზადებელი ვიყავი. ძალიან მრცხვენოდა ამისა, მაგრამ თავისათვის ვერაფერი მომეხერხებინა, შიში ვერ დამეძლია. ეს ძალიან მიშლიდა ხელს. შეძრწუნებით ვფიქრობდი იმაზე, რომ რაკი გამუდმებით ჩემს თავში ვგრძნობდი შიშს, უნებლიეთ იმ სისტემის ნაწილად ვიქეცი, რომელიც შიშზე იყო დაფუძნებული. დიას, ასეა, წარმოსდგა რაღაც საშინელი, განუყოფელი კავშირი ჩემსა და დიქტატორს შორის, როგორც პათოლოგიური სიმბიოზი.

ამ ჩემი შიშის გამო მე გავხდი იმ სისტემის საფუძველი, რომელიც მძულდა და ვერ ვიტანდი. შაჰს შეეძლო ჩემი იმედი პქონოდა, სხვაგვარად რომ ვთქვა, ჩემში გაბატონებული შიშის იმედი, იმის იმედი, რომ მე ეს შიში არ მიმატოვებდა, ხოლო მე ამით გავამართლებდი მოსიარულ იმედებს და გათვლებსაც, კერძოდ კი იმას, რომ ზევიდან წამოსული ყოველი ხმის გაგონებაზე მე შიშით ვკანკალებდი. დიანს რეჟიმში ჩემზე იყო დაყრდნობილი, მე არ შემიძლო მას გამოვცლოდი. მე რომ ამ შიშისგან განთავისუფლება შემიძლო, შევარყევდი იმ ფუნდამენტს, რომელზეც შაჰი იდგა, ყოველ შემთხვევაში, მის იმ ნაწილს მაინც გამოვაცლიდი საყრდენს, რომელსაც ჩემი შიში უმაგრებდა ძირს, უფრო მეტიც, რომელიც სწორედ ჩემმა შიშმა შექმნა, მაგრამ მე ჯერჯერობით ეს არ ძალმიძდა“.).

მთელი ზაფხულის მანძილზე ცუდად ვგრძნობდი თავს, ყოველ შემთხვევაში, გულგრილი ვიყავი იმ ამბებისადმი, რაც ქვეყანაში ხდებოდა და ჩემს ძმას მოჰქონდა.

ამასობაში მთელი ქვეყანა, როგორც ვულკანზე, ისე ცხოვრობდა, მინავლებულ ნაპერწკალსაც კი ხანძრის გამოწვევა შეეძლო.

ქალაქ კერმანშაჰში გაგიჟებული ცხენი ქუჩაში მოსიარულეებს მივარდა და ტლინკები დაუშინა. თურმე, სოფლიდან გლეხი ჩამოსულა ამ ცხენით და იგი ქუჩაში ხეზე მიუბამს. ცხენი ავტომანქანამ დააფრთხო, საბელი გაწყვიტა და რამდენიმე ადამიანი დაასახინრა. ბოლოს ის ვიღაც ჯარისკაცმა მოკლა. მოკლული ცხენის ირგვლივ ბრბომ მოიყარა თავი. მალე პოლიციამ მოვიდა და შეჯგუფებული ხალხის დაშლა დაიწყო.

— მაშინ სად იყავით, როცა ცხენი ხალხს გაეკიდა? — პროტესტი გამოთქვა ერთმა.

ამის თქმა იყო და პოლიციამ ხალხის დარბევა დაიწყო. ხალხი მაინც მატულობდა. ბოლოს პოლიციამ ცეცხლი გახსნა. ქალაქი ყალყზე დადგა და ბარიკადების აგება დაიწყო. ხელისუფლებამ ჯარი გამოიყვანა. ქალაქში კომენდანტის საათი გამოცხადდა.

— ხედავ, რა ცოტა დააკლდა, რომ იქ აჯანყება არ მომხდარიყო? — შეეკითხა ძმა მაჰმუდს, როდესაც ამ ამბის მოყოლა დაასრულა. მაგრამ ამ უკანასკნელს, როგორც ყოველთვის, მიაჩნდა, რომ მისი ძმა აჭარბებდა.

სექტემბრის დასაწყისში მაჰმუდი რეზა ხანის ქუჩაზე მიდიოდა და რაღაც არეულობა შენიშნა. ცოტა ახლოს მივიდა, უნივერსიტეტის მთავარ შესასვლელთან სამხედრო სატვირთო ავტომანქანები, ჩაფხუტიანი ხალხი, კარაბინები და მწვანე სამხედრო ფორმაში გამოწყობილი ჯარისკაცები დაინახა. ეს უკანასკნელნი სტუდენტებს იჭერდნენ და სატვირთო ავტომანქანებში ყრიდნენ. მაჰმუდს ესმოდა ყვირილი, ხედავდა, როგორ უსხლტებოდნენ ჯარისკაცებს ხელიდან სტუდენტები და თავს გაქცევით შველოდნენ.

აი, ასე დაიწყო ახალი აკადემიური წელი უნივერსიტეტში.

იგი უკან წავიდა და გზა სხვა ქუჩით გააგრძელა. აქ კედელზე გაკრული მოწოდებები დაინახა, რომელთაც რამდენიმე ადამიანი კითხუ-

ლობდა. ეს ადვოკატი მუსტაფა ბაკხერის მიერ პრემიერ ამუხეგარისათვის გაგზავნილი ტელეგრამის ასლი იყო.

„თქვენ მოგეხსენებათ, რომ ბოლო ოცი წლის განმავლობაში ირანს ყველა მთავრობა არღვევს ადამიანის თავისუფლების პრინციპებს. ამის შედეგად ჩვენი უნივერსიტეტები უკვე აღარ წარმოადგენენ ადგილებს, სადაც ახალგაზრდობა სწავლა-განათლების უნდა იხილოს. ახლა ისინი ციხეებადაა გადაქცეული და მავთულხლართებით გარსემორტყმული. ამ დაწესებულებებს პოლიცია მართავს. ცხადია, ამას ახალგაზრდა, მოაზროვნე ადამიანებში მხოლოდ ზიზღი და აღშფოთება უნდა გამოეწვია. ამიტომ გასაკვირი როდია, რომ თეირანშიც და სხვა ქალაქებშიც უნივერსიტეტები დაიხურა ან მხოლოდ ნაწილობრივ ფუნქციონირებენ“.

ხალხი მოწოდებას კითხულობდა და უხმოდ ტოვებდა იქაურობას.

მალე ქუჩაში ავტომანქანების სიგნალი გაისმა და მაჰმუდმა დაინახა, როგორ მიჰყავდათ სატვირთო მანქანებს სტუდენტები. მათ ირგვლივ ჯარისკაცები ჰყავდათ შემოხვეული და ხელები გაკრული ჰქონდათ. ჩანს, მათ უკვე მოათავეს თავიანთი საქმე — გაიფიქრა მაჰმუდმა და გადაწყვიტა ძმასთან წასულიყო, რათა მისთვის ეცნობებინა უნივერსიტეტში მომხდარი ამბავი. ძმის ბინაში ვიღაც ახალგაზრდა კაციც იყო, გიმნაზიის მასწავლებელი ფერეიდუნ განჯი. მაჰმუდს გაახსენდა, რომ პირველად ამ კაცს კულტურული შეკრებისას შეხვდა, როდესაც მათ პოლიცია დაესხა თავს. შემდეგ ძმა მოუყვა მაჰმუდს, რომ მეორე დღეს განჯი ჩვეულებისამებრ გიმნაზიაში მივიდა, მაგრამ დირექტორმა, რომელიც სავაკის მიერ უკვე საქმის კურსში იყო ჩაყენებული, სამსახურიდან გამოაგდო და უყვიროდა, რომ იგი ხულიგანი და ავანტიურისტია, რომ სირცხვილიც კია სტუდენტებთან მისი შეშვება. განჯი დიდი ხნის განმავლობაში უმუშევარი და სასოწარკვეთილი იყო.

ძმამ მათ შესთავაზა, ბაზარში წასულიყვნენ და ესადილათ. ბაზრის სიახლოვეს ვიწრო და უჰაერო ქუჩაში მაჰმუდმა მრავალი ახალგაზრდა შენიშნა, რომლებიც ოპიუმით გაბრუებულნიყვნენ და ბანცალბანცალით დადიოდნენ. ზოგიც კიბეზე იჯდა და ცივი, უსიცოცხლო თვალებით უაზროდ იყურებოდა. სხვები გამვლელებს ეძიებდნენ და მუშტებით აშინებდნენ.

— როგორ ითმენს ამას პოლიცია? — იკითხა მაჰმუდმა.

— მოითმენს, აბა რას იზამს. ეს ხალხი ხანდახან მათთვის ძალზე საჭირო ხდება, — უპასუხა ძმამ. — ხვალ რამდენიმე გროშს მიუგდებენ, სამაგიეროდ დაურიგებენ რეზინის ჯოხებს და სტუდენტების დასარბევად გაუშვებენ. შემდეგ გაზეთები დაწერენ ჯანმრთელი, პატრიოტული ახალგაზრდების შესახებ, რომლებიც პარტიის მოწოდებას გამოეხმაურნენ და საკადრისი პასუხი გასცეს უნივერსიტეტის კედლებში შებუდებულ საზოგადოების პარაზიტებს.

ისინი რესტორანში შევიდნენ და დარბაზის შუაში მიუსხდნენ მაგიდას. მათ ჯერ არ დაეწყოთ სადილი, რომ მაჰმუდმა გვერდით მაგიდასთან ორი დაკუნთული ტიპი შენიშნა. სავაკიელები! — გაუელვა თავში ამ აზრმა.

— მოდით, სხვა მაგიდასთან გადავსხდეთ. — სთხოვა მან ძმასა და განჯის.

მართლაც გადასდნენ და ამასობაში ოფიციალტიც მოვიდა. ვიდრე ძმა სადილს უკვეთავდა, მაჰმუდის მზერა გვერდით მსხდომმა შავ ტან-საცმელში გამოწყობილმა ორმა ახალგაზრდა მამაკაცმა მირიანო, რომლებიც ხელიხელ ჩაკიდებულები ისხდნენ. — ესენიც საფაკიელები არიან და თავს კი ისე გვაჩვენებენ, თითქოს ჰომოქსენსტები იყვნენ, — გაიფიქრა ზიზლითა და შიშით მაჰმუდმა. მაჰმუდის იქნება, თუ ფანჯარასთან გადავსხდებით, შევხედოთ ერთი, ბაზარი რითი ცოცხლობს, — სთხოვა მაჰმუდმა ძმას. ისინი კვლავ ახალ მაგიდასთან გადასდნენ. ის-ის იყო დაიწყეს ჭამა, რომ დარბაზში სამი მამაკაცი შემოვიდა. უსიტყვოდ, თითქოს უკვე შეთანხმებული იყვნენო, ისინიც იმ ფანჯარასთან დასდნენ. — გვითვალთვალებენ, — ჩაიჩურჩულა მაჰმუდმა და იმავდროულად ისიც შენიშნა, როგორ უყურებდნენ მათ ოფიციალტიცები, რომლებიც პირიქით დაეჭვდნენ, რადგან მაჰმუდმა და მისმა მეგობრებმა სამჯერ შეიცვალეს მაგიდა. გამორიცხული არ იყო ისინი თავად მათ თვლიდნენ საფაკიელებად, რომლებიც მსხვერპლის მანქაში გასაბმელად იცვლიდნენ ადგილს. მაჰმუდს უკვე მადა დაეკარგა, საჭმელს ძლივს ყლაპავდა. მეგობრებს ანიშნა გარეთ გასულიყვნენ და რესტორანი დატოვეს.

ისინი ძმის ბინაში მივიდნენ და ავტომანქანით მთებისაკენ წასვლა გადაწყვიტეს, რათა მცირე ხნით მაინც შვეებით ამოესუნთქათ. ჩრდილოეთისაკენ წავიდნენ, გზად მდიდარ თეირანელთა საცხოვრებელი უბანი, შემირანი გაიარეს, სადაც მშენებლობა იყო გახურებული. გვერდი ჩაუარეს კომფორტულ რესტორანს, მოდის სახლს, ექსკლუზიურ კლუბს აუზითა და კორტებით. ამ უბანში უდაბნოს (რამეთუ ქალაქს უდაბნო ესაზღვრება) ყოველი კვადრატული საცხოვრებელი ფართობი ასობით, თუ ათასი არა, დოლარი ღირდა, და, მიუხედავად ამისა, მაინც ძნელი იყო აქ ბინის ყიდვა. ეს იყო სასახლის კარის მომხიბლავი სამყარო, სხვა დედამიწა, სხვა პლანეტა. მოულოდნელად ისინი „საცობში“ აღმოჩნდნენ, ეტყობოდა, რაღაც წინაღობა იყო შექმნილი. მანქანები დიდხანს იდგნენ ერთ ადგილას და წინ წასვლა უჭირდათ.

— ბულდოზერების ომი გრძელდება, — თქვა ძმამ.

მანქანა ტროტუარზე გააჩერეს და გზა ფეხით განაგრძეს. მცირე მანძილი ჰქონდათ გავლილი, რომ წინ ცამდე ასული მტვერი დაინახეს. ქუჩის გასწვრივ პოლიციელთა მანქანები იყო გაჩერებული, ხოლო შორს მოჩანდა შავი, გაღიზიანებული ბრბო. მაჰმუდმა ყვირილი დაკვნესაც გაიგონა. მალე სატვირთო მანქანა მოვიდა და მასზე ძონძებ-გადაფარებული ორი ადამიანის ცხედარი დადეს. მაჰმუდმა სროლის ხმაც გაიგონა. როცა შეჯგუფებულ ხალხთან უფრო ახლოს მივიდნენ, დაინახეს, როგორ ანგრევდა ხუთი ძლიერი ბულდოზერი ქოხმახებს. დაინახეს ქალიც, რომელიც ყვირილით ბულდოზერის ქვეშ შევარდნას ცდილობდა, უსუსურ მძღოლებს დროებით შეეჩერებინათ თავიანთი მანქანები, ხოლო პოლიციელები ჯოხებით ერეკებოდნენ ადამიანებს, რომლებიც თავიანთი სხეულით ცდილობდნენ დანგრევას გადაერჩინათ საკუთარი ხელით აჩოჩხილი ქოხები.

(„ — აი, ესაა ბულდოზერების ომი, — უთხრა მაშინ ძმამ მაჰმუდს, — რომელიც თვეობით გრძელდება. აქ მცხოვრებ ღარიბებს ერეკებიან, რადგან ამ ადგილების დაკავება ელიტას სურს. აქაა ქაღალდში საუკეთესო პაერი და ამ ადგილებს სამხედრო ნაწილები იცავს. იგი უკვე განაწილებულია, ახლა მხოლოდ აქ მცხოვრები ხალხის აქედან გაყრა და მათი სახლების დანგრევაა საჭირო. ამრიგად შემირჩინოთ გურებს მის ირგვლივ რკალივით შემორტყმულ სილარიბეს პერდასახლებას გაფართოების საშუალება მიეცემა. მასში სასახლის კართან ახლო მდგომი ხალხი დასახლდება. მაგრამ მიუხედავად ყველაფრისა, — დაუმატა ძმამ, — ეს საქმე ისე ადვილად არ მიდის წინ, როგორც მათ სურდათ. ამ ქოხმახებში მცხოვრებთა შორის ფედაინელებმა ნამდვილი წინააღმდეგობის მოძრაობა ჩამოაყალიბეს. აი, ნახავ, თუ სწორედ აქედან არ დაიწყოს ნამდვილი გალაშქრება შაჰის სასახლის წინააღმდეგ“).

მაგრამ მაჰმუდს ძმა ენთუზიასტად მიაჩნდა და მისი წინასწარმეტყველების არ სჯეროდა. ისინი ავტომანქანასთან დაბრუნდნენ და შეეცადნენ შემოვლითი გზებით წასულიყვნენ მთებისაკენ. ბოლოს მიაღწიეს იმ ადგილამდე და კლდეში გამოთხრილ ადგილას დასხდნენ. განჯიმ ჩანთიდან მაგნიტოფონი ამოიღო, კასეტა ჩადო და ღილაკს თითი დააჭირა. მაჰმუდმა დაბალ ხმაზე საუბარი გაიგონა:

„სახელითა ალაჰისათა, მწყალობლისა და მიმტევებლისა!

ხალხო!

გაიღვიძეთ!

უკვე ათი წელიწადია, რაც შაჰი ქვეყნის განვითარებაზე ლაპარაკობს, მაგრამ ხალხი აუცილებელ საგნებსაც კი მონატრებულია. შაჰი ახლა მომავალი ოცდახუთწილანი გეგმის პროექტს სახავს, მაგრამ ჩვენ ხომ ვიცით, რომ მისი დაპირება მხოლოდ ცარიელი სიტყვაა და მეტი არაფერი. სოფელი დანგრეულია, მუშებისა და გლეხების მდგომარეობა გაუარესებული, დამოუკიდებელი ეროვნული მეურნეობა ფიქციაა. და ეს ადამიანი ჩვენ რევოლუციაზე გველაპარაკება! რა რევოლუციაა, როდესაც ხალხი ასე დააბეჩავა, დაიმონა და უცხო დიქტატურის ხელში ჩააგდო? მოგიწოდებთ სტუდენტებს, მუშებს, გლეხებს, ვაჭრებსა და ხელოსნებს, ჩაებით ბრძოლაში, შევქმნათ წინააღმდეგობის მოძრაობა და გარწმუნებთ, რომ ეს რეჟიმი მალე დაემხო!

ხალხო!

გაიღვიძეთ!

სახელითა ალაჰისათა, მწყალობლისა და მიმტევებლისა!“

მაგნიტოფონში სიჩუმემ დაისადგურა.

— ვისი ხმა იყო? — იკითხა მაჰმუდმა.

— ჰომეინი ლაპარაკობდა, — უპასუხა განჯიმ.

განჯიმ მაჰმუდი იმ სამყაროში შეიყვანა, რომელიც მის შემეცნებაში დიდი ხანია უკვე დახშული იყო: მეჩეთი, მოლები, ყურანი, ისლამი, მექა. მაჰმუდიც, ისევე, როგორც მისი მეგობრები და ნაცნობები, წლების მანძილზე მეჩეთში არ შესულიყვნენ. მას თავი რაციონალისტად,

სკეპტიკოსად მიაჩნდა, პირფერობა მის შინაგან წინააღმდეგობას იწვევდა, ღმერთი არ სწამდა, არ ლოცულობდა.

(„ამ შეხვედრის დროს განჯიმ გვითხრა, რომ ის ამ კასეტებს ავრცელებს. იგი იმ ადამიანების წრეს მიეკუთვნება, რომლებიც ჰომეინის მოწოდებებს უწევენ აგიტაციას. მაშინ ჰომეინი ერაყის მსაჯულთა ქალაქ ნაჯაფში იყო გადასახლებული. იგი მედრესეში ასწავლიდა. მოწოდებები იქ იყო ჩაწერილი, რაზეც არავინ არაფერი იცოდა, არადა ის კონსპირაციული ფორმით წლების მანძილზე გრძელდებოდა. მოწოდებებში ჰომეინი უტევდა და აკრიტიკებდა შაჰის ყოველ გამოსვლას, მის ყოველ ღონისძიებას. ეს იყო მოკლე, რამდენიმე წინადადების შემცველი კომენტარები, გადმოცემული უაღრესად უბრალო, ყველასათვის გასაგები ენით. ყოველი მოწოდება იწყებოდა და სრულდებოდა ალაჰისადმი მიმართვით და ასევე ფორმულირებით — ხალსო, გაიღვიძეთ!

კასეტები ირანში საზღვარგარეთიდან იყო შემოტანილი, ხშირად შემოვლითი გზებით, პარიზისა თუ რომის გავლით. მაშინ განჯიმ ისიც თქვა, რომ სავაკისათვის თვალის ახვევის მიზნით ხშირად ხალხისადმი მოწოდებები მოთავსებული იყო კასეტის ბოლოში, იგი ძირითადად სხვადასხვა ანსამბლის სიმღერებით იყო შევსებული. კასეტებს ადამიანთა გარკვეული წრე ავრცელებდა, რომელთაგან ერთ-ერთი განჯი იყო. ამ ადამიანებს კასეტები შეჰქონდათ მეჩეთებში და მოლებს ურიგებდნენ. ამრიგად მოლები იღებდნენ მითითებას, თუ რა უნდა ექადაგათ ლოცვის დროს და როგორ მოქცეულიყვნენ. მთელი მოხსენების დაწერა შეიძლება კასეტების როლზე ირანის რევოლუციაში. ჩემთვის ეს ყველაფერი მაშინ სენსაცია იყო, წარმოდგენა არა მქონდა, თუ ასეთი ფართო მასშტაბი ჰქონდა მიღებული შიიტურ კონსპირაციას და ვფიქრობ ამას შაჰიც ვერ წარმოიდგენდა, თუნდაც შესაბამის ორგანოებს ამ თემაზე მისთვის მოხსენებები ეკეთებინათ. იმ დღეს მივხვდი, რომ ჩემს ირგვლივ არსებობს რაღაც სხვა, იდუმალი სამყარო, რომელსაც არ ვიცნობ და თითქმის არაფერი ვიცი მის შესახებ“).

ქალაქში დაბრუნდნენ.

მომდევნო კვირების მანძილზე ქალაქში ახალი მანიფესტები და საპროტესტო წერილები გამოჩნდა. გახშირდა საიდუმლო კრებები და პოლიტიკური დებატები. ნოემბერში დაფუძნდა ადამიანის უფლებების დაცვის კომიტეტი და სტუდენტთა იატაკქვეშეთის კავშირი. მაკმუდი ხშირად სტუმრობდა ახლომდებარე მეჩეთებს, სადაც უამრავ ადამიანს ხვდებოდა, მაგრამ იქ გაბატონებული უაღრესად ვნებიანი ღვთისმსახურება მისთვის უცხო და მიუღებელი რჩებოდა. მას იმ ადამიანებთან რაიმე ემოციური კავშირის დამყარება არ შეეძლო. — ვის უხმობს ეს ხალხი, საით სურს წასვლა? — ფიქრობდა იგი. მათმა უმრავლესობამ წერა-კითხვაც კი არ იცოდა. ისინი ერთი წლის წინ ან იქნებ სულ ორიოდე თვის წინ უდაბნოს ან მთის რომელიმე ლატაკი სოფლიდან ჩამოვდნენ დიდ ქალაქში. მათ სოფელში ათასი წლის მანძილზეც კი არაფერი შეცვლილა. ახლა ისინი აღმოჩნდნენ მათთვის გაუგებარ, მტრულ სამყაროში, რომელიც ყოველ ნაბიჯზე ატყუებდათ და რომლისთვისაც ისინი მიუღებელი იყო. თავშესაფარს ეძებდნენ, მოითხოვდნენ რაღაც

შელავათებს. მათ მხოლოდ ის იცოდნენ, რომ ამ ახალ და მათდამი აბსოლუტურად გულგრილ სამყაროში მხოლოდ ალაპი იყო იგივე, რაც მათ სოფელში, როგორც არის ყველგან და ყოველთვის.

მაჰმუდი ახლა ძალიან ბევრს კითხულობდა, ჯეკ ლონდონსა და დიარ კიპლინგს ინგლისურიდან სპარსულად თარგმნიდა. ხშირად სხვებთან ერთად ლონდონში გატარებული დრო და ფიქრობდა, რაოდენად დიდხანს განსხვავებაა ევროპასა და აზიას შორის და კიპლინგის სიტყვებს იმეორებდა: „აღმოსავლეთი არის აღმოსავლეთი და დასავლეთი — დასავლეთი. ეს ორი სამყარო ერთმანეთს არასოდეს შეხვდება. აზია უარყოფს რაიმეს შეთვისებას ევროპიდან და მას ისე უყურებს როგორც უცხო სხეულს. ამაზე ევროპელები შეიძლება განაწყენდნენ, მაგრამ ეს ბევრს ვერაფერს შეცვლის. ევროპაში ეპოქები იცვლება, ახალი უკუაგდება ძველს, რაღაც გარკვეული დროის განმავლობაში ცხოვრება წარსულისაგან იწმინდება, ჩვენი საუკუნის ადამიანი ძნელად გაუგებს თავის წინაპარს. აქ სხვაგვარადაა, წარსულიც ისევე ცოცხალია, როგორც თანამედროვეობა, უხეში ქვის ხანა თანაცხოვრობს ცივ, ანგარიშიან საუკუნეში, იგი ცხოვრობს იმავე ადამიანში, რომელიც არის შთამომავალი ჩინვის ხანისა, როგორც მოსწავლე ედისონის, რა თქმა უნდა, თუკი მას ოდესმე საერთოდ შეხება პქონია ამ სამყაროსთან.“

იანვრის ერთ ღამეს მაჰმუდს კარებზე კაკუნი მოესმა. იგი ლოგინიდან წამოვარდა.

(„ეს ჩემი ძმა იყო. უაღრესად ადგზნებულად გამოიყურებოდა. ჯერ ოთახში არ შემოსულიყო, რომ წარმოთქვა: ხოცვა-ჟლეტა! ერთ ადგილზე ვერ ისვენებდა, ოთახში დადიოდა და რაღაცა აბდაუბდას ბოდავდა. ამბობდა, რომ კუმის ქუჩებში პოლიციამ ხალხს ესროლა. თქვა, რომ ხუთასამდე მოკლულიაო. ძალიან ბევრი ქალი და ბავშვი დაიხოცაო.“

ყველაფერი კი ძალზე უბრალო ამბიდან დაწყებულა. თურმე, გაზეთ „ეტელატ“-ში გამოქვეყნდა სტატია, რომელიც ჰომეინს უტევდა. მას ვიღაც სასახლის ან მთავრობის წარმომადგენელი წერდა. სტატიის ავტორი ჰომეინს უცხოელს უწოდებდა, რაც ირანელის წარმოდგენაში საკმაოდ ზიზღის მომგვრელია. როდესაც გაზეთმა კუმამდე (ჰომეინის მშობლიური ქალაქი) ჩააღწია, ხალხი ქუჩაში გამოვიდა და კამათი დაიწყო. შემდეგ მათ მთავარ მოედანზე გადაინაცვლეს, რომელსაც პოლიციამ იმ წუთსავე ალყა შემოარტყა. პოლიციელები სახლების სახურავზეც გამოჩნდნენ. გარკვეული დროის განმავლობაში არაფერი არ ხდებოდა, სრული სიწყნარე იყო, ალბათ თეირანთან კონსულტაციები მიმდინარეობდა. შემდეგ ვიღაც ოფიცერმა ხალხს მოუწოდა — დაშლილიყვნენ, მაგრამ ადგილიდან ფეხი არავის მოუცვლია. კვლავ სიჩუმემ დაისადგურა. და ამ სიჩუმეში ერთდროულად სახურავებიდანაც და ქუჩიდანაც ხალხს სროლა დაუწყეს. მოედანზე პანიკა ატყდა. ხალხს გაქცევა უნდოდა, ერთმანეთს აწყდებოდა და თელავდა, მაგრამ ვერსად გაიქცეოდა, ქუჩები კბილებამდე შეიარაღებული პოლიციის მიერ ალყაში იყო მოქცეული. მთელი მოედანი გვამებით მოიფინა, — ამბობდა ძმა. თეირანიდან დამხმარე ძალები ჩაიყვანეს და ახლა იქ ხალხს აპატიმრე-

ბენ. სრულიად უდანაშაულო ხალხი დაიხოცა, მათი ერთადერთი დანაშაული ის იყო, რომ მოედანზე გამოვიდნენო. მაქსოვს, მეორე დღეს მთელი თეირანი აგზნებული იყო, იგრძნობოდა, რაღაც შავი და საშინელი დღეები ახლოვდებოდა“.

ეროვნული
ბიბლიოთეკა

მკვლარი ცეცხლის ენები (?)

ძვირფასო ბატონო ღმერთო,
რატომ არ ტოვებ მზეს ღამით,
როდესაც იგი უფრო საჭიროა?

ბარბარა

(„ბავშვების წერილი ღმერთისადმი“, ვანო-
ცემლობა ფაქსი, 1978 წ.)

შაჰის ბატონობას რევოლუციამ დაუსვა წერტილი. რევოლუციამ დაანგრია მისი სასახლე და მონარქია ნანგრევებში შთაინთქა. ეს მოვლენები, ერთი შეხედვით, მცდარი ნაბიჯით დაიწყო, რომელიც შაჰის ხელისუფლებამ გადადგა, ეს მისი უკანასკნელი შეცდომა აღმოჩნდა.

ჩვეულებისამებრ, რევოლუციის მიზეზად ობიექტურ პირობებს ასახელებენ ხოლმე — საყოველთაო სიღატაკეს, ხელისუფლების ბოროტად გამოყენებას, კორუფციას. მაგრამ ასეთი შეხედულება, თუმცა სწორია, თუმცა ცალმხრივია. ამგვარი პირობები ასზე მეტ ქვეყანაში არსებობს, მაგრამ რევოლუცია იშვიათად იფეთქებს ხოლმე. საჭიროა სიღატაკესა და კორუფციის არსის წვდომა, იმის რწმენა, რომ იგი სამყაროს ბუნებრივი წესრიგიდან არ გამომდინარეობს. საინტერესოა, რომ ამ შემთხვევაში მხოლოდ წვდომა, თუნდაც ძალზე აშკარა და მკაფიო, სრულიადაც არაა საკმარისი. აუცილებელია სიტყვა, აუცილებელია ამხსნელი აზრი. სახელდობრ, ამიტომაც, რომ ტირანებს, ნალმსა და ხანჯალზე მეტად სიტყვის ეშინიათ. სიტყვაზე, რომელიც იბადება მიწისქვეშეთში, მათ კონტროლის დაწესება არ შეუძლიათ.

მაგრამ ისეც ხდება ხოლმე, რომ სიტყვები საზეიმო ფორმითა და ბეჭდით იწვევენ რევოლუციას.

საჭიროა განვასხვავოთ შეთქმულება და სასახლის კარის გადატრიალება აჯანყებისაგან. შეთქმულება და გადატრიალება შეიძლება დაიგეგმოს, აჯანყება — არასოდეს. მისი აფეთქება და ამ აფეთქების დრო ყველას აოცებს, იმათაც კი, ვინც ყველაფერს აკეთებდა მის გამოსაწვევად. ისინი გაოცებული უყურებენ სტიქიას, რომელიც უცებ წარმო-

იშვება და თავის გზაზე ყველაფერს ანადგურებს. ამასთან ყველაფერს იმ დონემდე სპობს, რომ ბოლოს შეიძლება მისი წარმოშობი ხალხი და იდეაც კი გაანადგუროს.



მცდარია წარმოდგენა, თითქოს ისტორიის მიერ დაჩაგრული ქვეყნები (ხოლო ასეთები უმეტესობაა) სულ იმის ფიქრში იყვნენ, რომ მასში ხედავენ თავიანთი პრობლემების გადაწყვეტის გზას. ყოველი რევოლუცია დრამაა, ხოლო ადამიანი ინსტინქტურად ერიდება დრამატულ სიტუაციას. თუმცა თუ ასეთ სიტუაციაში აღმოჩნდება, ცდილობს როგორმე იქიდან გამოსვლის გზები მოიხსნოს, სიწყნარისაკენ და ხშირად ჩვეულებრივი ყოველდღიურობისაკენ მიისწრაფის. ამიტომაც, რომ რევოლუცია არასოდეს გრძელდება დიდხანს. ის უკანასკნელი სახის იარაღს წარმოადგენს და ხალხი წყვეტს, გამოიყენოს თუ არა ეს იარაღი. თუ ხალხი ამ უკიდურეს გზას აირჩევს, ესე იგი იცის, რომ სხვა გზა აღარ დარჩენიათ, სხვა ცდამ ვერ გაუმართლათ, ყველა იარაღმა უმტყუნათ.

ყოველი რევოლუცია წინ უსწრებს საერთო გამოფიტვის მდგომარეობას და ამ ფონზე — გამოღვიძებულ აგრესიას. ხელისუფლება მასზე გაღიზიანებულ, გაბრაზებულ ხალხს ვერ იტანს, რომელსაც არ უყვარს ხელისუფლება და ეზიზღებათ კიდევ. ხელისუფლებამ უკვე გაფლანგა ხალხის ნდობა, ახლა მათ ხელები ცარიელი აქვთ, უკვე დაკარგეს მოთმინება და მუშტებს კუმშავენ. მდგომარეობა თანდათან იძაბება, მძიმდება და იხუთება.

რაც შეეხება რევოლუციური ბრძოლის ტექნიკას.

ისტორიამ ორი ტიპის რევოლუცია იცის. პირველია — რევოლუცია შეტევითი, მეორე — ალყაში მოქცევით.

შეტევითი რევოლუციის დროს მის შემდგომ ბედზე, მის წარმატებებზე, გადამწყვეტ გავლენას ახდენს ის, რა სიძლიერისაა პირველი დარტყმა: დარტყმა აგრეთვე რაც შეიძლება დიდი ტერიტორიის დაკავება. ეს ძალზე მნიშვნელოვანია, რამდენადაც ამ ტიპის რევოლუცია, როგორც წესი, მოულოდნელი და იმავდროულად ზედაპირულია. მართალია, მოწინააღმდეგე დამარცხებულია, მაგრამ მან უკან დახევისას საკუთარი ძალების ნაწილი გადაარჩინა. იგი კონტრშეტევაზე გადმოვა და შეეცდება გამარჯვებულს უკან დაახევინოს. ამიტომ, თუკი პირველი დარტყმა ძლიერი იქნება და აჯანყებულები მეტ ტერიტორიასაც დაიკავენ, მიუხედავად დათმობებისა, შესაძლებელი იქნება გადარჩენა და მიღწეულის შენარჩუნება. შეტევითი რევოლუციის დროს პირველი ეტაპი განსაკუთრებით რადიკალურია. შემდგომი ეტაპები უკვე ნელი ტემპით, მაგრამ განუწყვეტელი უკან დახევით მიმდინარეობს, იმ პუნქტამდე, ვიდრე ორივე ძალა — აჯანყებულები და მდგომარეობის შენარჩუნების მოწადინეც — საბოლოო შეთანხმებამდე არ მივლენ.

სხვაგვარადაა საქმე, როდესაც რევოლუცია მოწინააღმდეგის ალყაში მოქცევით ხორციელდება: ამ დროს პირველი დარტყმა სუსტია,

იმდენად სუსტი, რომ ძნელად მოისაზრებს კაცი თუ იგი რისამე კატასტროფის მომასწავებელია. მაგრამ მალე რევოლუციური მოვლენების ტემპები მატულობს და უფრო დრამატულ სახეს იღებს. შაჰში უფრო და უფრო მეტი ხალხი მონაწილეობს. კედლები, რომლის იქითაც ხელისუფლება იმალება, თანდათან იფხვნება და სკდებზე რევოლუციის დროს გადამწყვეტი მნიშვნელობა აჯანყებულებას მატულობს, მათ სულიერ ძალასა და გამობრძნეულობას ენიჭება. კიდევ ერთი დღე! კიდევ ერთი მონდომება! ბოლოს ალაყაფის კარები იხსნება, ბრბო შიგნით შევარდება და ტრიუმფს ზეიმობს.

სწორედ რომ ხელისუფლება იწვევს რევოლუციას. რა თქმა უნდა, იგი ამას შეგნებულად არ აკეთებს. მაგრამ მისი ცხოვრების სტილი და მართვის მეთოდები რევოლუციური მოვლენების პროვოკაციად იქცევა. ეს მაშინ ხდება, როდესაც ელიტის წარმომადგენლებს შორის დაუსჯელობის სინდრომი ვითარდება: ჩვენ ყველაფერი გვეპატიება, ჩვენ ყველაფერი შეგვიძლია. ეს ძალზე მცდარი შეხედულებაა, თუმცა არაა რაციონალურ საფუძვლებს მოკლებული. მდგომარეობა რეალურად ისე გამოიყურება, თითქოს მართლაც ყველაფერი ხელეწიფებოდეთ. სკანდალი სკანდალზე, უსამართლობა უსამართლობაზე ეპატიებოდათ. ხალხი დუმდა, იგი მომთმენი და ფრთხილია. მას ეშინია კიდევ, საკმაოდ ვერ აცნობიერებს საკუთარ ძალებს, მაგრამ იმავედროულად ყველა დამცირებასა და შეურაცხყოფას აღნუსხავს და ერთ მშვენიერ დღეს აჯამებს კიდევ. აი, რა დროს აკეთებს ამას, ეს ისტორიის უდიდესი გამოცანაა. რატომ გამოდის ხალხი ქუჩაში ზუსტად იმ დღეს და არა სხვა დროს? რატომ დააჩქარა იგი ამ და არა სხვა მოვლენამ? ხელისუფლება ხომ გუშინ უფრო უარესის გაკეთების უფლებას აძლევდა საკუთარ თავს, მაგრამ ამაზე რეაგირება არავის მოუხდენია. — ახლა ასეთი რა გავაკეთე? — კითხულობს გაოცებული ხელისუფლება, — ხალხი ასე მოულოდნელად რატომ გაცოფდა? გააკეთა: ხალხს მოთმინების ფიალა აუვსო. მაგრამ სად გადის ამ მოთმინების ფიალის ავსების ზღვარი, როგორ განვსაზღვროთ იგი? ალბათ, თუკი შეიძლება მისი დადგენა, იგი ყოველ შემთხვევაში სხვადასხვა იქნება. დარწმუნებით მხოლოდ ის შეიძლება ითქვას, რომ ხელისუფლებას, რომელმაც იცის ასეთი საზღვრის არსებობის შესახებ და ფრთხილობს მას არ გადააბიჯოს, შეუძლია წყნარად იყოს: მას დიდი ხნის მმართველობა უწერია. მაგრამ ასეთი ხელისუფლება ბევრი არაა.

რანაირად დაარღვია შაჰმა ეს საზღვარი და თავის თავს განაჩენი როგორ გამოუტანა? ყველაფერი გაზეთში დაბეჭდილი ერთი წერილიდან დაიწყო. გაუფრთხილებელ სიტყვას შეუძლია ყველაზე დიდი იმპერიაც კი ძირს დასცეს. ხელისუფალმა ამის შესახებ უნდა იცოდეს. მან ეს თითქოს იცის, თითქოს გრძნობს კიდევ, მაგრამ რომელიღაც მომენტში თვითგადარჩენის ინსტინქტი ღალატობს. საკუთარ თავში დარწმუნებული, მიუტევებელ, თავხედურ შეცდომას უშვებს და იღუპება.

1978 წლის 8 იანვარს სახელისუფლებო გაზეთ „ეტელატში“ დაიბეჭდა პომეინის შეურაცხმყოფელი სტატია. ამ დროს პომეინი ემიგრაციაში იმყოფებოდა, შაპს იქიდან ებრძოდა. დესპოტიზმსაგან დევნილი შემდეგ კი ქვეყნიდან გაძევებული პომეინი, ხალხის სინდისსა და ნამუსს წარმოადგენდა. პომეინის შესახებ მითის განადგურება მოასწავებდა ხალხის სიწმინდის განადგურებას, დამცირებულთა და დაბეჩავებულთა იმედის გაქრობას. სწორედ ასეთი გახლდათ ამ სტატიის ძირითადი თეზა.

რა უნდა დაწერო ისეთი, რომ მოსპო მოწინააღმდეგე? ალბათ, ყველაზე უკეთესი იქნება, თუ მასზე იტყვი, რომ იგი უცხო ადამიანია. ამ მიზნით ვქმნით ნამდვილი ოჯახის კატეგორიას. ჩვენ აქ, შენ და მე, ხელსუფლება და ხალხი, ნამდვილი ოჯახი ვართ. ვცხოვრობთ თანხმობით, ერთმანეთს ვუგებთ, გვაქვს საერთო ჭერი. საერთო მაგიდა, გაჭირვების დროს ერთმანეთს ვეხმარებით. სამწუხაროდ, ჩვენ მარტო არ ვართ. ირგვლივ მრავლადაა უცხო ადამიანი, რომელთაც სურთ ჩვენი თანხმობის დარღვევა და ჩვენი სახლის დაკავება. კი მაგრამ, ვინაა ის უცხო? უცხო ისაა, ვინც ცუდია და იმავდროულად — საშიშიც. რა უჭირდა, მხოლოდ ცუდი რომ ყოფილიყო, და თავისთვის ყოფილიყო! როგორ გეკადრებათ! იგი ყოველნაირად ცდილობს გვაგნოს. მას შენ არ აინტერესებ, ის შენი უბედურების წყაროა. რაში მდგომარეობს უცხო ძალა? იმაში, რომ მის უკან ასევე უცხო ქვეყნები დგანან. შეიძლება იყოს ან არ იყოს დასახელებული ის უცხო ქვეყნები, მაგრამ ერთი კი ნამდვილია — ისინი ძალიან ძლიერნი არიან. ანუ ძლიერნი არიან მაშინ, თუ მათ უგულვებელყოფთ. სამაგიეროდ, თუკი მათ მიმართ ფრთხილად ვიქნებით და ბრძოლას დავუწყებთ, ჩვენ აღმოვჩნდებით მათზე ძლიერნი.

აი, ვთქვათ, პომეინი. ის უცხოა. პაპამისი ინდოეთიდანაა. ამიტომ შეიძლება დაისვას კითხვა — ვის ინტერესებს ემსახურება ამ უცხოელი პაპის შვილიშვილი?

ეს იყო სტატიის პირველი ნაწილი. მეორე ეძღვნებოდა ჯანმრთელობას. რა კარგია, რომ ჯანმრთელები ვართ! ჩვენი ნამდვილი ოჯახიც ჯანმრთელი ოჯახია, სალ-სალამათი სულისა და სხეულის. ვის უნდა ვემადლიერებოდეთ ამას? ხელისუფლებას, რომელმაც უზრუნველყო ჩვენი კარგი, ბედნიერი ცხოვრება და სწორედ ამიტომ იგი ყველაზე კარგი ხელისუფლებაა მზის ქვეშ. საკითხავია, ვინ უნდა იყოს ასეთი კარგი ხელისუფლების წინააღმდეგი? მხოლოდ იგი, ვისაც არეული გონება აქვს. რადგან ქვეყანაში საუკეთესო ხელისუფლება გვყავს, გიჟი არ უნდა იყო, რომ მას ებრძოლო?! ამიტომ ჯანმრთელმა საზოგადოებამ იზოლაციაში უნდა მოაქციოს ასეთი არეული გონების ხალხი, შორეულ ადგილებში უნდა გადაასახლოს ისინი. რა კარგია, რომ შაპსა ქვეყნიდან გაასახლა პომეინი, სხვანაირად საჭირო იქნებოდა მისი საგიჟეთში გაგზავნა.

როდესაც გაზეთმა, სადაც ეს წერილი იყო დაბეჭდილი, კუმამდე ჩააღწია, ხალხი აღშფოთდა. მათ ქუჩებში და მოედნებზე იწყეს თავშეყრა. ვისაც კითხვა შეეძლო, სხვას ხმამაღლა უკითხავდა. გაღიზიანე-

ბულმა ადამიანებმა ხალხმრავალი ჯგუფების შექმნა დაიწყეს, სადაც ერთმანეთს ეკამათებოდნენ. ირანელთა ვნება ხომ სწორედ ესაა — იკამათონ ყველგან გაუთავებლად, ნებისმიერ საკითხზე და ნებისმიერ დროს. ისინი სხვა ადამიანებზე მაგნიტივით შემოქმედებდნენ და მათაც იზიდავდნენ თავისკენ. შედეგად კი თითქმის მთელმა ქალაქმა მოედანზე მოიყარა თავი. პოლიციას ასეთი რამე არ შეეძლო, ვინც მისცათ უფლება, რომ ასე ბევრი ადამიანი ერთად შეჯგუფებულიყო? არა, არა. ასეთი ნებართვა არ გაცემულა. ვინ აძლევს მათ ასე ყვირილის და ხელების ქნევის ნებას? პოლიციამ წინასწარ იცის, რომ ეს რიტორიკული კითხვებია და უკვე დროა, უშუალოდ საქმეს შეუდგნენ.

დგება უმნიშვნელოვანესი წუთები, რომლებმაც უნდა გადაწყვიტოს ქვეყნის, შაჰისა და რევოლუციის ბედი. ეს ის წუთებია, როდესაც პოლიციელთა პოსტს ერთი მათგანი გამოეყოფა და შეჯგუფებული ხალხის განაპირას მდგარ ადამიანს ყვირილით სახლში წასვლას უბრძანებს. ისინი ერთი ჩვეულებრივი, ანონიმური პიროვნებებია, მაგრამ მათი ეს შეხვედრა ისტორიულ ხასიათს მიიღებს. ორივე ასაკოვანი ადამიანია, რომელთაც გარკვეული ცხოვრებისეული გამოცდილება აქვთ. პოლიციელის გამოცდილება ასეთია: თუ ვინმეს დავუყვირებ და ჯოხს მოვუღერებ, იგი შეშინდება და გაიქცევა. ხოლო ბრბოს წარმომადგენლისა კი ასეთი: მოახლოებული პოლიციელის დანახვაზე შემეშინდება და გაიქცევი.

მოდით, ამ გამოცდილებების საფუძველზე განვაფიქროთ შემდგომი სცენარი: პოლიციელი ყვირის, ადამიანი გარბის, მას სხვები მიხედვენ და მოედანი ცარიელდება. მაგრამ ამჯერად ყველაფერი სხვაგვარად მოხდა. პოლიციელი კი ყვირის, მაგრამ ადამიანი არ გარბის, დგას და შეჰყურებს მას. ეს არის ძალიან მგრძობიარე, დაძაბული ყურება, მასში ჯერ კიდევ იგრძობა შიში, მაგრამ ამავე დროს არის მტკიცე და მოურიდებელი ყურებაც. დიას, ფეხსაც არ მოვიცვლი! დემონსტრანტი ჯიქურ უყურებს სამხედრო ფორმაში გამოწყობილი ხელისუფლების წარმომადგენელს და ადგილიდან არ იძვრის. შემდეგ იგი ხედავს, თუ როგორი აგზნებულები და ოდნავ დაშინებული სახით უყურებენ სხვები, თუმცა მაინც მტკიცედ დგანან. არა, არა, გარბის, მიუხედავად იმისა, რომ პოლიციელი კვლავ აგრძელებს ყვირილს. ბოლოს დგება წამი, როდესაც ისიც დუმდება და გარკვეული დროის განმავლობაში მთელ მოედანზე სამარისებური სიჩუმე ისადგურებს. არ ვიცი, იცოდნენ თუ არა მათ, რაც უკვე მოხდა, ანუ, ის, რომ ადამიანმა უკვე დაძლია შიში და ეს უკვე რევოლუციის დასაწყისია. დიას, ზუსტად ამ მომენტიდან იწყება რევოლუცია. აქამდე, რამდენჯერაც ეს ორი ადამიანი ერთმანეთის პირისპირ დადგარა, დაუყოვნებლივ გამოჩენილა რაღაც მესამე — შიში. ეს უკანასკნელი გამოჩნდებოდა ხოლმე როგორც პოლიციელის მეკავშირე და რიგითი ადამიანის მტერი. იგი ამ ადამიანს თავს ახვევდა თავის უფლებას, ყველაფერს ის წყვეტდა. მაგრამ ახლა ეს ორი ადამიანი უშუალოდ დადგა ერთმანეთის პირისპირ, შიში გაქრა, სადღაც მიწის ქვეშ ჩაძვრა.

აქამდე მათ შორის ურთიერთობა ემოციით იყო სავსე. ეს ზიზლის, აგრესიის, გაბრაზების და შიშის რაღაც ნარევის წარმოადგენდა. მაგრამ ახლა, როდესაც შიში საღვალად დაიკარგა, ეს წყეული და საზიზლიარი ვშირი უცებ დაირღვა, რაღაც გადაიწვა, რაღაც ჩაქრა. ეს ორი ადამიანი ერთმანეთის მიმართ გულგრილი, ერთმანეთისადმი უსარგებლო და. თითოეულ მათგანს შეეძლო თავის გზას გადგომოდა. პოლიციელი შეტრიალდება და მძიმე ნაბიჯებით იწყებს თავისი პოსტისაკენ წასვლას, სამაგიეროდ ის კაცი, ბრბოს წარმოადგენელი რჩება მოედანზე და რაღაც მომენტის განმავლობაში მზერით აცილებს მიმავალს.

შიში ხარბი, დაუნდობელი მხეცია, რომელიც ჩვენში ზის. თავს ყოველთვის გვასხენებს. განუწყვეტლივ განგვაიარალებს და გვტანჯავს. გამუდმებით გვთხოვს საჭმელს, ჩვენც უნდა ვკვებოთ და ვკვებოთ. თავად ვცდილობთ, რომ მისი საკვები საუკეთესო იყოს. მისი საყვარელი საკვებია — ბოროტი ჭორები, ცუდი ცნობები, საგანგაშო აზრები, კომპარული ხილვები. ათას ჭორს, ცნობას და აზრს შორის ყოველთვის ყველაზე უარესს ვირჩევთ, ანუ მას, რომელიც შიშს განსაკუთრებით უყვარს. რათა დავამშვიდოთ, მოვეფეროთ ამ მხეცს. აი, ვხედავთ ადამიანს, რომელიც სხვას უსმენს და თან სახე მიტკალივით უთეთრდება, ნერვიულად ტოკავს. რა დაემართა? ის საკუთარ შიშს კვებავს. მაგრამ თუ არ კვებება მისი მოსაწონი საკვები? დაუყოვნებლივ მოვიფიქრებთ. თუ ვერ მოვიფიქრებთ (რაც იშვიათად ხდება), მაშინ სხვა ადამიანებს მივაშურებთ, მოვძებნით, გამოვიკითხავთ, მოვისმენთ და იმდენ ხანს ვიწრიალებთ, ვიდრე კვლავ არ დავაწყნარებთ ჩვენს შიშს.

ნებისმიერი წიგნი, რომელიც რევოლუციების გენეზისსა და განვითარებას ეხება, იმაზე მოგვითხრობს, თუ რა დამპალი იყო ძველი ხელისუფლება და რა სილატაკეში ცხოვრობდა ხალხი. არადა, წესით ის ფსიქოლოგიის შესახებ განყოფილებით უნდა იწყებოდეს — ანუ იმით, თუ როგორ ხდება, რომ დაბეჩავებული, გაწამებული, დაშინებული ადამიანები უცებ ძლევენ შიშს და აღარავისი ეშინიათ. აღწერილი უნდა იყოს მთელი ეს უჩვეულო პროცესი, რომელიც ზოგჯერ ერთ წუთში ხდება. ადამიანი სძლევს შიშს და თავს თავისუფლად გრძნობს. ამის გარეშე რევოლუცია წარმოუდგენელია.

პოლიციელი პოსტზე ბრუნდება და თავის უფროსს მოხსენებას უწერს. ეს უკანასკნელი გააგზავნის მსროლელებს და მათ მოედნის ირგვლივ სახლებზე პოზიციების დაკავებას უბრძანებს. თავად ავტომატურად ქალაქის ცენტრისაკენ მიდის და ხმის გამაძლიერებლით ხალხს მიმართავს, დაიშალონ. მაგრამ მას არავინ უსმენს. მაშინ იგი უსაფრთხო ადგილას დგება და სროლის დაწყების შესახებ იძლევა ბრძანებას. მაშინვე ტყვიის წვიმა მიდის ხალხისაკენ. იქმნება განგაში, ხალხი ერთმანეთს თელავს, გარბიან, მოედანზე მხოლოდ დახოცილები რჩებიან.

ცნობილი არაა, აჩვენებს თუ არა შაჰს მოედნის ფოტო, რომელიც პოლიციამ გადაიღო ამ ხოცვა-ჟლეტის პროცესში. ვთქვათ, რომ არ

აჩვენეს. შაჰი ძალიან ბევრს მუშაობდა, შეიძლება ამის დრო არც
 ჰქონდა. მისი სამუშაო დღე იწყებოდა დილის შვიდ საათზე და შუალა-
 მისას მთავრდებოდა. წესიერად მხოლოდ სამთარში იწყებდა, რო-
 დესაც წმ. Mortiz-ში მიდიოდა თხილამურებზე სასრიადოდ. მაგრამ
 იქაც მხოლოდ ერთი-ორი დღე თუ სრიალებდა, შემდეგ მუშაობდა
 თავის რეზიდენციაში და მუშაობდა, ამ დღეებს რუმულურულ ქალბა-
 ტონი ლ. ამბობს, რომ შაჰის მეუღლე წმ. Mortiz-ში ძალზე უბრალოდ
 იქცეოდა. ამის დასამტკიცებელ საბუთად მოაქვს ფოტოსურათი, რომე-
 ლზედაც ჩანს, თუ როგორ დგას იგი თხილამურებით ჩამსრიალებულთა
 რიგში. ასე, უბრალოდ, დგას თხილამურებზე დაყრდნობილი მშვენიერი
 ქალბატონი. არადა, — ამბობს ქალბატონი ლ. — მათ ხომ იმდენი ფუ-
 ლი ჰქონდათ, რომ საკუთარი სასრიალბლის აშენება შეეძლოთ.

დახოცილებს თეთრ ზეწრებში ახვევენ და ხის საზიდრებზე აწყო-
 ბენ. ისინი, ვისაც საზიდარი მიაქვს, სწრაფი ნაბიჯებით დადიან, კაცს
 ისეთი შთაბეჭდილება რჩება, რომ ძალიან ეჩქარებათ ამ საქმის მოთა-
 ვება. მთელი სამგლოვიარო პროცესია ჩქარობს, ისმის ყვირილი და ტი-
 რილი, მგლოვიარეთა შორის იგრძნობა მოუსვენრობა და ნერვიულო-
 ბა. თითქოს მკვდრები თავიანთი იქ ყოფნით აღიზიანებთ მათ და ამი-
 ტომ ჩქარობენ, რაც შეიძლება მალე მიაბარონ მიწას. შემდეგ კუბოზე
 აწყობენ საკვებს და ატარებენ წირვას. ვინც იქ მივა, სთავაზობენ რაი-
 მეს შეჭმას. თუ მშიერი არაა, ხილს — ვაშლს ან მანდარინს მაინც შეს-
 თავაზობენ. მაგრამ რაღაც აუცილებლად უნდა შეჭამოს.

მეორე დღეს იწყება გარდაცვლილთა გახსენება. ხალხი იგონებს
 გარდაცვლილთ, ამბობენ, რა კეთილი გული და კარგი ხასიათი ჰქონდა
 მას. ეს პროცესია ორმოც დღეს გრძელდება. მეორმოცე დღეს გარდაც-
 ვალეზულის ოჯახში ოჯახის წევრები, მისი მეზობლები და მეგობრე-
 ბი იკრიბებიან. სახლის გარშემოც მთელი ქუჩა, სოფელი, ნაცნობები,
 იყრიან თავს. ესაა გამოსათხოვარი თავმოყრა, ისმის ტირილი და მო-
 თქმაგოდება. იგი ამ დღეს თავის კულმინაციას აღწევს. ეს რომ ბუნე-
 ბრივი სიკვდილი ყოფილიყო, ანუ რაც ადამიანს ბედით აქვს განსაზღვ-
 რული, მაშინ თავმოყრილი ხალხის ქცევა გაცილებით მორჩილი, მომ-
 თმენი იქნებოდა. მაგრამ როდესაც ესაა ვილაცის მიერ იძულებით გა-
 მოწვეული სიკვდილი, მაშინ ხალხის გული სავსეა ბოღმით, ის შურის-
 ძიების წყურვილითაა გამსჭვალული. რისხვითა და ზიზღით დამძიმე-
 ბულ ატმოსფეროში ისმის მკვლელის — ამ უბედურების ჩამდენის სახე-
 ლი. ეს უკანასკნელი, თუნდაც აქედან ძალიან შორის იყოს, შიშისაგან
 უნდა კანკალებდეს: დიახ, მისი დღეები დათვლილია, მას ველარაფერი
 უშველის.

ერი, რომელიც დაჩაგრული და დამონებულია დესპოტური ხელი-
 სუფლების მიერ, თავშესაფარს, გადარჩენის ადგილს ეძებს, სადაც შე-
 ძლებს საკუთარი თავის პოვნას, ჩავვრისაგან გაქცევას. ეს აუცილებე-
 ლია რათა შეინარჩუნოს საკუთარი სახე, საკუთარი თავისთავადობა.
 მაგრამ მთელ ერს როდი შეუძლია სხვაგან გადასახლება, ამიტომ იგი
 მიდის არა სივრცით, არამედ — დროით ემიგრაციაში ანუ უბრუნდება

წარსულს, რომელიც უხეშ რეალობასთან შედარებით, მას გარს რომ არტყია, დაკარგულ სამოთხედ ეჩვენება. და იგი პოულობს თავს ძველ ჩვეულებებში და ისეთ წმინდაში, რომ ხელისუფლებას ეშინის კიდევ მის წინააღმდეგ გამოსვლა, მასთან ბრძოლა. სწორედ ამიტომაც უფრო ძლიერი დიქტატურის საფარქვეშ ადგილი აქვს — მისდაუნებურად და მისი წინააღმდეგ — უძველესი წეს-ჩვეულებების, რწმენის და სიმბოლოების აღდგენას. ამასთან ისინი სრულიად ახალი აზრით ივსებიან. თავიდან ესაა გაუბედავი და ხშირად ფარული პროცესი, მაგრამ იმის მიხედვით, თუ როგორ ხდება დიქტატურა თანდათან აუტანელი და მძიმე, მატულობს მისი ძალა, ფართოვდება მისი მოქმედების არეალი. შეიძლება მოვისმინოთ კრიტიკული აზრიც, რომ ეს არის შუა საუკუნეებისაკენ დაბრუნება. ასეც ხდება ხოლმე. მაგრამ უფრო ხშირად ესაა ფორმა, რომლითაც ხალხი თავის წინააღმდეგობას გამოხატავს. ხელისუფლება აცხადებს, რომ ის არის პროგრესისა და თანამედროვეობის სიმბოლო, ჩვენ კი ვაჩვენებთ მას, რომ ჩვენი ღირებულებები სრულიად სხვაა. ამიტომ ეს უფრო პოლიტიკური სიჯიუტეა, ვიდრე წინაპართა უკვე დავიწყებული სამყაროსაკენ დაბრუნების სურვილი. საკმარისია ცხოვრება უკეთესობისაკენ წავიდეს, რომ ძველი წეს-ჩვეულებები კარგავენ ემოციურ შინაარსს და იქცევიან იმად, რაც იყვნენ — რიტუალურ ფორმად.

ასეთ წეს-ჩვეულებად, რომელიც მზარდი ოპოზიციის სულის ზეგავლენით მოულოდნელად პოლიტიკურ აქტად გადაიქცა, მოგვევლინა გარდაცვალებულთა სულის მოსახსენიებელი. სამგლოვიარო პროცესი-ამ, ოჯახურ-მეზობლურმა სამგლოვიარო შეკრებამ საპროტესტო ყრილობის სახე მიიღო. კუმის მოვლენების ორმოცი დღის თავზე ირანის მრავალი ქალაქის მეჩეთში შეგროვდა ხალხი, რათა გაეხსენებინათ მაშინდელი ხოცვა-ჟლეტის მსხვერპლნი. ამ დღეს თავრიზში სიტუაცია ისე დაიძაბა, რომ აჯანყებამდე მივიდა. ხალხი გამოვიდა ქუჩაში და შაჰის სიკვდილით დასჯა მოითხოვა. პასუხად ქალაქში ჯარი შეიყვანეს და აჯანყება სისხლში ჩაახშეს. შედეგად რამდენიმე ასეული კაცი დაიღუპა, მრავალი დაიჭრა. ორმოცი დღის გასვლის შემდეგ ქალაქები ძაძებში გაეხვია — დადგა თავრიზში დაღუპულთა სულების მოხსენიების დღე. ერთ-ერთ ქალაქში — ისპაჰანში — გააგებულნი და ზიზღით სავსე ბრბო კვლავ ქუჩაში გამოვიდა. ჯარმა ალყა შემოარტყა მანიფესტანტებს და ცეცხლი გაუხსნა, რასაც მრავალი ადამიანის მსხვერპლი მოჰყვა. კვლავ გადის ორმოცი დღე და ქვეყნის მრავალ ქალაქში ისევ იმართება სამგლოვიარო პროცესიები, რათა ისპაჰანში დაღუპულთ პატივი მიაგონ. ამას კვლავ მანიფესტაცია და ხოცვა-ჟლეტა მოყვა. ორმოცი დღის გასვლის შემდეგ იგივე განმეორდა მეშხედში, შემდეგ — თეირანში. მერე ისევ თეირანში, ბოლოს უკვე ირანის ყველა ქალაქში. ამრიგად, ირანის რევოლუცია პიკს ყოველ მეორმოცე დღეს აღწევდა. მას შედეგად კვლავ და კვლავ სასოწარკვეთა, აღშფოთება და სისხლი მოსდევდა. ამასთან, ყოველი შემდეგი ხოცვა-ჟლეტა თავისი სისასტიკით გამოირჩეოდა, ყოველ მათგანს პროტესტის ნიშნად უფრო მეტი

ხალხი გამოჰყავდა ქუჩაში და უფრო მეტი მსხვერპლიც მოსდევდა. ტერორის შექანიზმმა საწინააღმდეგო მიმართულებით დაიწყო მოქმედება. ტერორს იყენებდნენ დასაშინებლად, ამ პერიოდის ირანში კი ტერორი ხალხს ახალი შეტევების განხორციელების, შემდგომი ბრძოლებისაკენ უბიძგებდა.

ეროვნული

ამ მოვლენებზე შაჰის პასუხი ტიპიური იყო ავღანეთის მიმართულებით. ჯერ დაფარტყათ და ჩაეახშოთ, შემდეგ გადავწყვიტოთ, როგორ მოვიქცეთ მომავალში. ანუ ჯერ მუსკულები, ძალა ვაჩვენოთ, ხოლო შემდეგ დავუმტკიცოთ, რომ გონებაც გაგვაჩნია. დესპოტური ხელისუფლება ხომ სულ იქით ისწრაფის, ძლიერად მიიჩნიონ და უფრო ნაკლებად ცდილობს ხალხს თავისი გონიერება აჩვენოს. ისიც საკითხავია, რა არის დესპოტის გაგებით — გონიერება? ესაა ძალის გამოყენების უნარი. ბრძენია ის, ვინც იცის, როდის და როგორ დაარტყას. ძალის განუწყვეტელი ჩვენება აუცილებელია, ვინაიდან ყოველი დიქტატურის საფუძველი უმდაბლესი ინსტინქტებია, რომელიც მან ქვეშევრდომებში გამოიწვია — ესაა შიში, აგრესია თანამოქმედის მიმართ, ესაა მლიქვნელობა და ლაქიობა. ამ ინსტინქტებს კი ყველაზე საუკეთესოდ აღვიძებს შიში, რომლის წარმომშობიც ძალაა.

დესპოტები დარწმუნებულნი არიან, რომ ადამიანი მდაბიო არსებაა. სწორედ ასეთები ედებიან მას ფეხებში სასახლის კარზე, სწორედ ისინი შეადგენენ მის გარემომცველ საზოგადოებას. ტერორიზებული საზოგადოება გარკვეული დროის გასვლის შემდეგ უაზრო და მორჩილ ბრბოდ გადაიქცევა. საკმარისია ის გამოკვებო, მომთმენი და დამჯერი გახდეს, ხოლო თუ გასართობსაც მისცემ, მაშინ ხომ მთლად ბედნიერად იგრძნობს თავს. აქედანაა ამდენი მოყვარული ადამიანი პოლიტიკაში, რომლებიც დარწმუნებულნი არიან, რომ თუკი ხელისუფლება ჩაუვარდებათ ხელში, მართვა შეუძლიათ. და აი, გამოკვებილ და გართობილ ხალხს აღარ სურს მორჩილად ყოფნა, იწყებს უფრო მეტის მოთხოვნას, ვიდრე გართობაა. სურს თავისუფლება, მოითხოვს სამართლიანობას. დესპოტი შეფიქრიანებულია. რეალობა მოითხოვს, რომ ადამიანს შეხედო მის მთლიანობაში, შეიცნო მისი მდიდარი ბუნება. მაგრამ ეს დიქტატურას არ სურს, ასეთი ადამიანი მას ემუქრება, იგი მტერია და ამიტომაც ხელისუფლება ამრავლებს და აძლიერებს ჯარს, რათა მოსპოს და გაანადგუროს ადამიანი.

დიქტატორი, თუმცა ეზიზლება ბრბო, ყველანაირად ცდილობს ხალხის აღიარება მოიპოვოს. მიუხედავად იმისა, რომ არის უკანონო, უფრო სწორად — ვინაიდან არის უკანონო, იგი მიისწრაფის ლეგალურობის ილუზია მაინც შეიქმნას. ამ ასპექტით დიქტატორი ძალზე მგრძნობიარეა, ავადმყოფურად მგრძნობიარე. გავითვალისწინოთ ისიც (თუმცა ეს უაღრესად შეფარულია), რომ მას ბოლომდე არა აქვს თავისი ძალების რწმენა. ამიტომ მცდელობას არ აკლებს, საკუთარ თავსაც და სხვებსაც დაუმტკიცოს, თუ ხალხის როგორი მხარდაჭერა და ნდობა აქვს მოპოვებული. და თუნდაც ხალხის მხარდაჭერა მოჩვენებითი იყოს — ეს მას უჩვეულო კმაყოფილებასა და სიამოვნებას ჰგვრის. მერე რა,

რომ ის ილუზორულია, მოჩვენებითია? განა დიქტატურის მთელი სამყარო ილუზიებით არაა სავსე?!

შაქსაც ასევე სჭირდებოდა ხალხის მხარდაჭერა. ამიტომ თავრიშში ჯერ კიდევ არ აეღოთ სოცვა-ულეტის ბოლო მსხვერპლის გვამი, რომ ქალაქის ქუჩებში უკვე მონარქის მხარდამჭერი დემონსტრაციები იმართა. დიდ მოედნებზე შაქის პარტიის — რასტაკისის აქტივისტების შეიკრიბნენ. მათ თავიანთი ლიდერის პორტრეტები მოჰქონდათ, რომელზედაც შაქის თავს ზევით მზე იყო გამოსახული. ტრიბუნაზე მთელი მთავრობა ავიდა. შეკრებილებს პრემიერ-მინისტრმა ჯამშიდ ამუზეგარმა მიმართა. მომხსენებელმა განსაკუთრებით იმაზე გაამახვილა ყურადღება, თუ როგორ შეუძლია რამდენიმე ანარქისტსა და ნიჰილისტს საფრთხე შეუქმნას ხალხის ერთიანობას და დაარღვიოს მისი მყუდრო ცხოვრება. მან განსაკუთრებით წესრიგის ამრევთა რაოდენობაზე გაამახვილა ყურადღება და თქვა: „ისინი ისე ცოტანი არიან, რომ მიჭირს მათ ჯგუფი ვუწოდო. ესაა ერთი მუჭა ხალხი. საბედნიეროდ, მთელ ქვეყანაში ისმის მათი დამგმობი სიტყვები, ვინც ანგრევს ჩვენს საერთო სახლს და ზიანს აყენებს ჩვენს კეთილდღეობას“.

ამის შემდგომ შეკრებილებმა შაქის პოლიტიკის მხარდამჭერი მოწოდება მიიღეს. შეკრების ბოლოს მისი მონაწილეები, ვინც კი აღგილობრივი იყო, ჩუმად გაიპარა სახლისაკენ. მათი უმეტესობა ავტობუსებით მეზობელ ქალაქში წაიყვანეს, საიდანაც ჰყავდათ ისინი თავრიშში ჩამოყვანილი.

ამ მანიფესტაციის შემდეგ შაქმა უფრო ლალად იგრძნო თავი. ჩანდა, ფეხზე მყარად დგომას იწყებდა. თუ აქამდე სისხლში მოსვრილი კარტებით თამაშობდა, ახლა სუფთა კარტით დაიწყო თამაში. ხალხის სიმპათიის მოსაპოვებლად რამდენიმე ოფიცერი გადააყენა, რომლებმაც თავრიშში ხალხის სოცვა-ულეტის განკარგულება გასცეს. გენერლებს შორის უკმაყოფილების გამომხატველი ხმები გაისმა. მათ დასაწყენარებლად განკარგულება გასცა ესროლათ ისპაჰანის მცხოვრებთათვის. სახლმა ამას ზიზღით და აღშფოთებით უპასუხა. მათი გულის მოსაგებად შაქმა სავაკის უფროსი გადააყენა. ამაზე სავაკი გაოგნდა. სავაკისათვის რომ ესიამოვნებინა, ნება დართო, დაეჭირა, ვინც უნდოდა. და აი, ასე, ზიგზაგებით, მიხვეულ-მოხვეული გზებით, შაქი ნაბიჯ-ნაბიჯ, ნელ-ნელა უფსკრულს უახლოვდებოდა.

შაქს საყვედურობდნენ, უფრო მეტი პრინციპულობა გამოიჩინეო. — პოლიტიკოსი, — ამბობენ მისი კრიტიკოსები, — უფრო პრინციპული უნდა იყოს. მაგრამ პრინციპულობა — რა გაგებით? შაქი პრინციპული იყო, რათა ტახტზე მყარად მჯდარიყო და ამის მისაღწევად არავითარ საშუალებას არ ერიდებოდა. ხალხსაც ესროდა და რეჟიმის გადემოკრატიულობასაც ცდილობდა, ზოგს ციხეში სვამდა, ზოგს — უშვებდა. ერთს რომ თანამდებობას ართმევდა, მეორეს აძლევდა, ერთს აქებდა, მეორეს პირიქით — აძაგებდა. მაგრამ ყველაფერი ამო

იყო. ხალხს უკვე ყელში ამოუვიდა შაპიც და მისი ხელისუფლებაც. მათ, უბრალოდ, აღარ უნდოდა ასეთი მმართველობა.

შაპი თავისმა მედიდურობამ დალუპა. საკუთარი თავი მას ხალხის მამად მიაჩნდა, მაშინ, როდესაც ისინი შაპის წინააღმდეგ გამოდიოდნენ. შაპი ამას განიცდიდა, თავს შეურაცხყოფილად გრძობდა, უნდოდა ნებისმიერ ფასად (სამწუხაროდ, სისხლის საფასურად) დაებრუნებინა წლების მანძილზე ნაფერები სახე ბედნიერი ერისა, რომელიც მუხლს იყრიდა თავისი კეთილისმყოფლის წინაშე. მაგრამ ავიწყდებოდა, რომ ვცხოვრობთ ეპოქაში, როდესაც ხალხი ითხოვს უფლებებს და არა — პატივის დაღებას.

შესაძლოა ის დალუპა იმანაც, რომ საკუთარ თავს მეტისმეტად პირდაპირ, ძალზე სერიოზულად უდგებოდა. ნამდვილად სწამდა, რომ ხალხი მას ეთაყვანებოდა, მიაჩნდა თავიანთ უმაღლეს და საუკეთესო წარმომადგენლად, უეცრად კი დაინახა, რომ ხალხი აჯანყდა. ეს წარმოუდგენელი და გაუგებარი რამ იყო მისთვის. ამის ატანა მის ხერვებს ძალიან გაუჭირდა, და ჩათვალა რომ ამაზე აუცილებლად რეაგირება უნდა მოეხდინა. რასაც მისი მოულოდნელი, ისტერიული, გიჟური გადაწყვეტილებები მოსდევდა. შაპს გარკვეული დოზით ცინიზმი არ ეყო. მას შეეძლო ეთქვა: მანიფესტაციებს მართავენ? დაე, გამართონ. რამდენ ხანს შეძლებენ დემონსტრაციებზე სიარულს? ნახევარ წელიწადს? ერთ წელიწადს? ვფიქრობ, გავუძლებ. სასახლიდან არ გავალ და ხალხი, სასოწარკვეთილი და გასაგათებული, ენდომება თუ არა, ბოლოს და ბოლოს, სახლში დაბრუნდება, რადგან ძნელი წარმოსადგენია, რომ ვინმეს სურვილი ექნეს მთელი სიცოცხლე დემონსტრაციებს შესწიროს. მაგრამ მას ლოდინი არ შეეძლო. ეს კი ნამდვილად აუცილებელია პოლიტიკაში.

შაპის დალუპვის უმთავრესი მიზეზი ისიც გახდა, რომ კარგად არ იცნობდა საკუთარ ქვეყანას. ანდა საიდან მოვიდოდა ეს ცოდნა, როდესაც მთელი ცხოვრება სასახლეში გაატარა, რომლის დატოვებისას შაპს ისეთი გრძნობა ეუფლებოდა, თითქოს თბილი ოთახიდან ყინვაში გაყო თავი. მცირე ხნით გავიდოდა და მალევე უკან ბრუნდებოდა! ისე, მუდამ ასე ყოფილა, — ყველა სასახლის ცხოვრებას ხელისუფლისათვის ხელი-სშემშლელი, უფრო მეტიც, მმართველობის სისტემის გამანადგურებელი ერთი და იგივე კანონი მართავდა. ასე იყო უხსოვარი დროიდან, ახლაც ასეა და მომავალშიც ასე იქნება. შეიძლება ათასი სასახლე ააგო, მაგრამ ყველა მათგანში მსგავსი კანონი გაბატონდება, ანალოგიური წესი დაისადგურებს, როგორც არსებობდა ხუთი ათასი წლის წინანდელ სასახლეებში. აქედან ერთადერთი გამოსავალი ისაა, რომ სასახლე მივიჩნიოთ დროებით სადგომად, ისე, როგორც ტრამვაის ან ავტობუსს მივიჩნივთ, ვსხდებით მასში გაჩერებაზე, გარკვეული დროით ვმგზავრობთ, ხოლო შემდეგ ჩამოვდივართ. ამასთან, უნდა გვახსოვდეს, რომ ჩვენს გაჩერებაზე ჩამოვიდეთ და არ გავცდეთ.

დე გოლი ღირსეული ადამიანი იყო. როდესაც რეფერენდუმი წავაგო, მოაწესრიგა კაბინეტი, დატოვა სასახლე და არასოდეს იქ აღარ

დაბრუნებულა. იგი მხოლოდ იმ პირობით დათანხმდებოდა ქვეყნის მართვას, თუ მოსახლეობის უმრავლესობა მხარს დაუჭერდა. ხოლო როდესაც დაინახა, რომ უმრავლესობამ უარი თქვა მის პრეზიდენტობაზე — იგი გადადგა. მაგრამ რამდენია ასეთი პოლიტიკოსი? სხვები ტირილს დაიწყებენ, მაგრამ ადგილიდან ფეხს არ მოიცივლიან, გატანსაც არ შეუძლიან, მაგრამ ჯიუტად არ გადადგებიან. ერთი კარებიდან გაგდებულნი, მეორე კარებიდან შევლენ. დაიწყებენ ახსნა-განმარტებას, ქედის მოხრას, ტყუილისა და სიმართლის ერთმანეთში არევას — რათა დარჩნენ, ან — იქნებ დაბრუნდნენ. შლიან ხელებს, აი, ნახეთ, სადაა მათზე სისხლი. მაგრამ თავად ფაქტი იმისა, რომ ხელის ჩვენებაა საჭირო, უკვე დიდი სირცხვილია. ჯიბეებს ამოიტრიალებენ — ნახეთ, არის რამე? მაგრამ თავად ფაქტი — უკვე დამამცირებელია. როდესაც შაჰმა სასახლე დატოვა — გზაში ტიროდა. აეროპორტშიც ტიროდა. შემდეგ ინტერვიუებში ამბობდა, გაცილებით ნაკლები ფული მაქვს, ვიდრე ფიქრობენო. რა საცოდავი, რა საზიზღარი, გულისამრევი სანახაობა იყო ეს ყველაფერი.

მთელი დღეები თეირანში დავდიოდი. სრულიად უმიზნოდ და უაზროდ. ჩემი სასტუმროს სიცარიელეს გავურბოდი, ვერიდებოდი თავხედსა და მომაბეზრებელ დამლაგებელ ქალს. იგი გამუდმებით ფულს მთხოვდა. საამისო მიზეზი რომ ჰქონოდა, აიღებდა ჩემს სუფთა, გაუთოებულ, ქიმწმენდიდან გამოტანილ პერანგს, ჩააგდებდა წყალში, გაათეთრებდა, გასაშრობად გაფენდა და ფული უნდოდა. რატომ? პერანგის გაფუჭებაში? გამხდარი ხელი სულ გამოწვდილი ჰქონდა. ვიცოდი, რომ უჭირდა, მაგრამ მეც ხომ უფულოდ ვიყავი დარჩენილი?! მას ამის გაგება არ შეეძლო, არ სურდა. მისი აზრით, ადამიანი, რომელმაც ასე შორიდან ჩამოდის მის ქვეყანაში, მდიდარი, ფულიანი უნდა იყოს. სასტუმროს მეპატრონე უსასოოდ შლიდა ხელებს: მაგ ქალს ვერაფერს ვუხერხებო.

— ეს რევოლუციის შედეგია, ჩემო ბატონო, ახლა ძალაუფლება მაგ ქალს აქვს! სასტუმროს მეპატრონე მე, როგორც თავის ბუნებრივ მეკავშირეს, როგორც კონტრრევოლუციონერს, ისე მეპყრობოდა. მას მიაჩნდა, რომ მე ლიბერალური შეხედულებები მაქვს, ხოლო ლიბერალებს ყველაზე მეტად ებრძოდნენ. ოფიციალური პროპაგანდა ყოველი ადამიანისაგან მოითხოვდა გარკვეულ განცხადებას, იწყებოდა წმენდის პერიოდი და ყველასათვის ხელებში ყურება.

აი, ყოველდღე ასე დავხეტიალობდი ქალაქში და ამასობაში დეკემბერიც მიიწურა. მოახლოვდა 1979 წლის ბოლო დღე (კათოლიკურად — Sylwester — ა. გ.). ერთმა მეგობარმა დამირეკა და მითხრა, რომ აწყობენ ნამდვილ საახალწლო საღამოს, თუმცა შეფარული ფორმით და მთხოვა, მივსულიყავი. მე უარი ვუთხარი და მოვიმიზეზე, რომ სხვა გეგმა მაქვს-მეთქი. — რა გეგმა? — გაუკვირდა, რადგან მართლაც სხვა რა უნდა გამეკეთებინა თეირანში ასეთ საღამოს? — ძალზე საკვირველი გეგმა, — მიუუგე. და ეს სიმართლესთან ახლოს იყო. გადაწყვეტილი მქონდა, საახალწლო საღამოს ამერიკის საელჩოში წავსულიყავი. მაინტერესებდა, მენახა, როგორ გამოიყურებოდა ამ დღეს ადგილი, რომლის შესახებაც მაშინ მთელი მსოფლიო საუბრობდა. მართ-

ლაც ასე მოვიქეცი. თერთმეტ საათზე სასტუმროდან გამოვედი და სა-
 ელჩოსაკენ, რომელიც სასტუმროსთან ახლოს იყო, გავემართე. ყინავ-
 და, მშრალი, ცივი ქარი ქროდა. მივდიოდი ცარიელ ქუჩაში, გზაზე კა-
 ციშვილი არ შემხვედრია. ერთი მილიციონერიც კი, მხოლოდ ვალაპ-
 დის მოედანზე ქალი თხილს ყიდდა. იგი შალში ისე შეფუთულიყო, რო-
 გორც ჩვენი მოხუცი გამყიდველები შემოდგომაზე ვაჭარბაზარებში.
 მისგან ერთი პარკი თხილი ავიღე და მუჭით რეალები მივეცი, ბევრი
 რეალი, რადგან ეს უნდა ყოფილიყო ჩემი საახალწლო საჩუქარი. ვერ
 მიხვდა ჩემს განზრახვას. აიღო, რაც ერგებოდა, ხოლო დანარჩენი ამა-
 ყი, სერიოზული სახით უკან დაშიბრუნა. ამრიგად ჩემი სურვილი,
 რომელსაც შეეძლო დამხმარებოდა, თუნდაც მცირე ხნით. ერთ ადამიანს
 მაინც დავახლოვებოდი ამ გაყინულ და ჩამკვდარ ქალაქში, მარცხით
 დასრულდა. გავაგრძელე გზა, რათა დამეთვალყურებინა თანდათან გა-
 მოცარიელებული მაღაზიათა ვიტრინები, ჩავუსვამე ტახტე-იამშიდის-
 კენ, გვერდი ავუარე დამწვარ კინოთეატრს, გადაბუგულ ბანკს, ცარი-
 ელ სასტუმროს, აეროპორტის ჩაბნელებულ სალაროებს და ბოლოს
 საელჩოს მივაღექი. დღე ეს ადგილი უდიდეს ბაზარს მოგვაგონებს, სა-
 დაც უამრავი ხალხი ირევა. აქ უფლება გაქვს თავს ნება მისცე და იყ-
 ვირო, იხმაურო. შეიძლება აქ მოხვიდე და ყველაფერი გაუბედო ძლი-
 ერთა ამა ქვეყნისათა და ამის გამო ადამიანს არაფერი მოუვა. ამიტო-
 მაც აქ მრავალი ხალხიც გროვდება. მაგრამ ახლა, შუალამით, არავინ
 არ იყო. აქ ისე დაგდიოდი, როგორც ვრცელ, დაცარიელებულ სცენაზე,
 რომელიც უკანასკნელმა მსახიობმა კარგა ხანია, რაც მიატოვა. დარჩა
 მხოლოდ უწყესრიგოდ განლაგებული დეკორაციები და რაღაც უჩვეულო
 განწყობა, რომელიც ყოველთვის გეუფლება ასე მიტოვებული ადგილის
 ნახვისას. ქარი ტრანსპარანტებს და ერთ დიდ ნახატს აფრიალებდა,
 რომელზედაც გამოსახული ეშმაკების ჯოგი ჯოჯოხეთის ალში იწვო-
 და. ცოტა მოშორებით კარტერი იდგა ცილინდრით ხელში, რომელზე-
 დაც ვარსკვლავები იყო გამოსახული. იგი მარჯვენა ხელით ტომრიდან
 ოქროებს ბერტყავდა, ხოლო მის გვერდით გასპეტაკებული იმამი ალი
 მოწამებრივი სიკვდილისათვის ემზადებოდა. პლატფორმაზე, რომელ-
 ზედაც ეგზალტირებული ორატორები ალაგზნებდნენ ბრბოს
 ზიზღისა და გაბრაზებისათვის, მიკროფონი იდგა. ამ დადუმებული
 ხმის გამაძლიერებლების შეხედვა კიდევ უფრო აღრმავებდა სიცარი-
 ელისა და მდუმარების შთაბეჭდილებას. საელჩოს მთავარ კარებამდე
 მივედი, რომელიც, როგორც ყოველთვის, ურდულით და ჯაჭვით იყო
 დაკეტილი, ვინაიდან კლიტე, რომელიც საელჩოზე იერიშის დროს და-
 იმსხვრა, შემდეგ აღარავის გაურემონტებია. ალაყაფის წინ, ორი თბილ
 ქურთუკში გამოწყობილი მამაკაცი იდგა. მათ მხარზე ავტომატი ჰქო-
 ნდათ გადაკიდებული. ისინი იმამის მიმდევრები იყვნენ. ისეთი შთაბე-
 ჭდილება დამრჩა, თითქოს თვლემდნენ. კარებს იქით, სიღრმეში განა-
 თებული შენობა მოჩანდა, სადაც მძევლად აყვანილი ხალხი დაემწყვდი-
 ათ. მიუხედავად იმისა, რომ ფანჯარაში შეხედვა შეუძელი, იქ ვერავინ
 დავინახე. საათს დავხედე. შუა ღამე იყო, ყოველ შემთხვევაში — თეი-
 რანში. ახალი წელი იწყებოდა, სადღაც ახლა საათი თორმეტს აჩვენებ-
 და და შამპანურის ბოთლი იხსნებოდა, სიხარული დამკვიდრებულიყო,

ათასფერად აელვარებულ დარბაზში ხალხი დღესასწაულობდა. და ეს ყველაფერი ხდებოდა თითქოს სხვა პლანეტაზე, საიდანაც თეირანში არ აღწევდა არავითარი ხმა, შუქის ნაპერწკალიც კი. და მოულოდნელად, როდესაც ვიდექი და ვიყინებოდი, უცებ იმაზე დავიწყე ფიქრი, თუ რატომ მოვედი აქ, ამ მიტოვებულსა და უდაბურ ადგილას. საღამოთი მივიდა აზრი, რომ ახლა აქ ვყოფილიყავი. არავის არ ვიცნობდი. საელჩოში მყოფ იმ ორმოცდაათ ამერიკელს, არც ამ ორ ირანელს, მათთან საუბარიც კი არ შემიძლო. შეიძლება ვფიქრობდი, რომ აქ რაიმე მოხდებოდა? მაგრამ არაფერიც არ მომხდარა.

ახლოვდებოდა შაჰის გაქცევისა და მონარქიის დაცემის წლისთავი. იუბილესთან დაკავშირებით ტელევიზორში რევოლუციისადმი მიძღვნილი მრავალი ფილმის ნახვა შეიძლებოდა. ისინი სულ ერთმანეთის მსგავსი იყო. მათში ერთი და იგივე სახეები და მოვლენები მეორდებოდა.

პირველი ნაწილი დიდ დემონსტრაციას ეძღვნებოდა. ძნელია მისი ზომების განსაზღვრა. ზღვა ხალხი იღებს მასში მონაწილეობას. ვერ გარკვევდა, სად იწყებოდა და სად მთავრდებოდა ხალხის ეს ტალღა. ისინი მთავარ ქუჩაზე მთელი დღის განმავლობაში მიდიოდნენ. მაგრამ მოულოდნელი წარღვნა და ამ ყველაფერს წალეკავს. შემდეგ რიტმულად, ზევით, მუქარის ნიშნად აწეული მუშტები აღიმართება. ბრბოთან მღერის და თან ყვირის — სიკვდილი შაჰს! ამ კადრებს ახლოდან იშვიათად უჩვენებენ, სახით გარკვევით ვერავის დაინახავ. ოპერატორები აღფრთოვანებულები არიან ამ მოვლენის მასშტაბებით და მას ისე განცვიფრებით შეჰყურებენ, თითქოს მოულოდნელად ევერესტის წინაშე აღმოჩენილიყვნენ. ამ სახის დემონსტრაციები ქვეყნის ყველა ქალაქში ეწყობოდა. ეს იყო უიარაღო ადამიანების ბრბო, რომელთა ერთადერთ ძალას მათი რაოდენობა შეადგენდა. ირანის მთელი მოსახლეობა იმ დღეებში ქუჩაში იყო გამოფენილი.

მეორე ნაწილი კიდევ უფრო დრამატული იყო. ოპერატორები სახლების სახურავზე დგანან. სცენა, რომლის ნახვის შესაძლებლობაც ახლა მოგვეცემა, სწორედ იქიდანაა გადაღებული. ჩვენ ჯერ იმას გვაჩვენებენ, რაც ქუჩაში ხდება, სადაც ორი ტანკი და ჯავშანტრანსპორტირი დგას. ქუჩის სავალ ნაწილზე და ტროტუარებზეც ჯარისკაცებს საბრძოლო პოზიცია მიუღიათ. ისინი ბრძანებას ელოდებიან. შემდეგ ოპერატორები უფრო ახლო პლანით გვაჩვენებენ მანიფესტაციას. მას ჯერ ძლივს გაარჩევ, მაგრამ მალე კარგად დავინახავთ. დიახ, აი მსვლელობის პირველი რიგები. მოდიან მამაკაცები, თუმცა მათ გვერდით ბევრი ბავშვიანი ქალიც ჩანს. ისინი თეთრ ტანსაცმელში გამოწყობილან. ოპერატორები მათ სახეებს და თვალებს გვაჩვენებენ. ისინი ჯერ კიდევ ცოცხლები არიან. მრავალი მათგანი ბავშვია, დაქანცულები, გამოფიტულნი ჩანან, თუმცა ცოცხალი და მოძრავი თვალებით, დაინტერესებულნი იმით, თუ შემდეგ რა მოხდება. ბრბო, რომელიც ტანკების წინააღმდეგ მიდის, არაფერს ეპუება, თითქოს ჰიპნოზირებული, მოჯადოებული იყოს, თითქოს წინ ვერაფერს ხედავდეს, უკაცრიელ მიწაზე ხეტიალობდეს. ეს იყო ბრბო, რომელიც წამიც და ცაში გაე-

მართებოდა. მათი სახეები უკვე კანკალებს, რადგან კანკალს აუტანია ოპერატორის ხელები. ისმის წყევლა, ტირილი, ყვირილი, ტყვიების სისინი. გვაჩვენებენ ჯარისკაცს, იგი ავტომატს ახალი ტყვიებით ტენის, აგრეთვე ტანკების ლულებს, რომლებიც აქეთ-იქით ტრიალებენ. ვხედავთ ჩაფხუტჩამოფხატულ ოფიცერს, რომელიც საკმაოდ კლამპურად გამოიყურება. დამრბევებს მალე ცხენოსანი არმია (შეღწეულია). მომდევნო კადრი საპირისპირო მხარეს მდგარ სახლის კედელს გვიჩვენებს, მის სახურავს, საბუხრეს, შემდეგ ცას, პატარ-პატარა ღრუბლის ფთილებს, შემდეგ ფირი მთავრდება და სიბნელე ისადგურებს. ეკრანზე წარწერა გვამცნობს, რომ ეს იყო ამ ოპერატორის უკანასკნელი გადაღება, მაგრამ სხვები გადარჩნენ და ისინი შეძლებენ მისი საქმის გაგრძელებას.

მესამე აქტი წარმოადგენს სცენებს ხალხის დარბევის შემდეგ. წვანან დაჭრილები, სასწრაფო დახმარების მანქანები აქეთ-იქით მიდიან, ქალი ტირის, გაოფლიანებული მამაკაცი ვილაცის გვამის გადატრიალებას ცდილობს. დაბნეული, დარეტრიანებული, გაავებული ბრბო მიმდებარე ქუჩებით ტოვებს იქაურობას, სახლების სახურავების სიახლოვეს თვითმფრინავი გადაიფრენს. რამდენიმე ქუჩის იქით იწყება ნორმალური მოძრაობა, ყოველდღიური ცხოვრება.

მახსოვს კიდევ ასეთი სცენა: მიდის მანიფესტაცია. როდესაც ის საავადმყოფოს მიუახლოვდა, ბრბო დადუმდა. მას არ უნდა, რომ ავადმყოფებს მყუდროება დაურღვიოს.

ანდა სხვა სცენა: დემონსტრაციის ბოლოში მიდიან გლეხები, რომლებიც გზაზე დაყრილ ხაგავს კრეფენ და ტომრებში ყრიან: გზა, რომელზედაც ხალხმა გაიარა, სუფთა უნდა იყოს.

ესეც იმ ფილმის ფრაგმენტი: ბავშვები სკოლიდან ბრუნდებიან. ისმის სროლის ხმა. მოსწავლეები ტრიალდებიან და ტყვიების წვიმაში უშიშრად გაიქცევიან იქით, საითაც მანიფესტანტები ეგულებათ. შემდეგ ჩანთიდან რვეულებს იღებენ, იქიდან ფურცელს ამოხევენ, მიწაზე დაქცეულ სისხლში ჩაასველებენ, მალლა ასწევენ და ასე დარბიან ქუჩაში, რათა ის ხალხმა დაიხახოს. ეს გამაფრთხილებელი ნიშანია — ფრთხილად იყავით, იქ ისერიან!

განსაკუთრებით ბევრჯერ აჩვენებენ ისპაჰანში გადაღებულ ფილმს. დიდ მოედანზე დემონსტრაცია მიდის. მასში უამრავი ადამიანი მონაწილეობს. უცებ ჯარი მათ ყოველი მხრიდან ცეცხლს უხსნის. ხალხი ყვირილით გარბის და მოედანი ცარიელდება. და უცებ, როდესაც იგი უკანასკნელმა დემონსტრანტმა დატოვა, რომელიც ისე იყო გადაფარებული ტელეაპარატის ეკრანს, რომ მის გამო ამხელა მოედანი არ ჩანდა, ვხედავთ, ცარიელი მოედნის შუაგულში დარჩენილ მოხუცს, ინვალიდის ეტლში, მასაც უნდა გაქცევა, მაგრამ მიდის. ეტლის ერთი ბორბალი ველარ ბრუნავს (ფილმში არ ჩანს, რატომ გაფუჭდა), სასოწარკვეთილი კაცი ცდილობს ეტლი ადგილიდან დაძრას, მაგრამ ამაოდ. ეტლი წრეზე ტრიალებს.

ეს ისეთი თავზარდამცემი სურათია, რომ ჯარისკაცები დროებით წყვეტენ სროლას, თითქოს რაღაც განსაკუთრებული ბრძანების მოლოდინში არიანო. სიჩუმე ისადგურებს. ვხედავთ ფართო, ცარიელ კარებს და მხოლოდ მის სიღრმეში ძლიერ ეასრნე, წელში მიბრუნდნენ ფიგურას, შორიდან ის თითქოს ბადეში გაბმულ მწერს ჰგავს, რომელიც შრქნის ალებს, ჯერ კიდევ ებრძვის ქსელს, რომელშიც ისაა გაბმული. ყველაფერი დიდხანს არ გრძელდება. კვლავ ისვრიან, მაგრამ ახლა მხოლოდ ერთი მიზნით, რომელიც როგორც ქანდაკება, მალე გაქვავდება და გარკვეული დროის განმავლობაში მოედნის შუაგულში დარჩება.

ოპერატორები დიდ ყურადღებას უთმობენ ზოგად კადრებს, რის გამოც მნიშვნელოვანი წვრილმანები იკარგება. არადა, წვრილმანებით უკეთ შეიძლება ყველაფრის ჩვენება. წვეთში ხომ მთელი სამყაროა. წვრილმანები, ანუ კერძო და კონკრეტული, უფრო ახლოსაა ჩვენთან, ვიდრე ზოგადი. ადვილად ვამყარებთ მასთან კონტაქტს. ახლოს არ გვაჩვენებენ იმ ადამიანებს, რომლებიც დემონსტრაციაზე მიდიან და მათი საუბარი ვერ გვესმის. რამდენი იმედია დემონსტრაციაზე მიმავალ ადამიანში! ის იმიტომ მიდის იქ, რომ რაღაც საქმის მოგვარების იმედი აქვს. დარწმუნებულია, რომ ცხოვრებას გაიუმჯობესებს. მიდის და ფიქრობს — თუ გავიმარჯვებთ, ისე ველარავინ მომეპყრობა, როგორც ძაღლს; ცოლსაც და ბავშვებსაც ახალ ფესსაცმელებს ვუყიდი; ბინაზეც ფიქრობს — იქნებ გვეღირსოს ადამიანური ცხოვრება, საბინაო პირობებს გავიუმჯობესებთ. მაშინ სულ შეიცვლება ყველაფერი, მე, უბრალო ადამიანს, მინისტრთანაც კი შემეძლება თავისუფლად შესვლა და საქმეების მოგვარება. ანდა მინისტრი რა საჭიროა, ჩვენ თავად ვერ შევქმნით საბჭოს და ხელისუფლებას ვერ ავიღებთ ხელში?! მას სხვა გეგმებიც აქვს, რომლებიც ჯერ კიდევ არაა საკმაოდ ნათელი და გამოკვეთილი, მაგრამ ყველა კარგია, ყველა იმედის მომგვრელია, რადგან ყველა მათგანს ერთი უმნიშვნელოვანესი ღირსება გააჩნია — შესრულებაღია. მიდის კაცი და კარგ ხასიათზეა, გრძნობს, როგორ ემატება ძალა. იგი ხომ ცხოვრებაში პირველად გახდა საკუთარი ბედის გამომწყვდეული.

ერთხელ საკუთარი თვალთ ვნახე დემონსტრაციის დაწყება. აეროდრომისაკენ მიმავალ ქუჩაზე კაცი მიდიოდა და ალაპისადმი მიძღვნილ სიმღერას — ალაპ აკბარს ნიიმღეროდა. მშვენიერი, ტკბილი, უჩვეულო ტემბრის ხმა ჰქონდა. მიდიოდა თავისთვის და არავის და არაფერს არ აქცევდა ყურადღებას. მეც გავყევი მას უკან, მისი სიმღერის უფრო დიდხანს მოსმენა მინდოდა. მცირე ხნის შემდეგ ჩვენ ქუჩაში მოთამაშე ბავშვები შემოგვიერთდნენ და მათაც წამოიწყეს სიმღერა. შემდეგ მამაკაცების ჯგუფი შემოგვიერთდა, შემდეგ — მორცხვად და გაუბედავად — რამდენიმე ქალიც. როდესაც ასე ას კაცამდე მოვგროვდით, მას შემდეგ ჩვენმა რიგებმა გეომეტრიული პროგრესიით იწყოზრდა. ბრბო იზიდავს ბრბოს, როგორც ეს სწორად შენიშნა ცანეტიმ (Canetti). ირანელებს უყვართ ბრბოდ ყოფნა, ერთად ყოფნა მათ ახალი ძალით ავსებს, ღირსებას მატებს. ბრბოს ფორმით გამოხატავენ თავიანთ სათქმელს. მარტო ყოფნის დროს თავს კარგად ვერ გრძნობენ.

იმავე ქუჩაზე (რომელსაც ადრე შაპი რეზას სახელი ერქვა და ახლა ენგელობის სახელობისაა) ერთი სომეხი კაცი რაღაც სანელებლებს და გამხმარ ხილს ყიდის. ვინაიდან მაღაზია ძალზე ვიწროა, ის თავის საქონელს ქუჩაში, ტროტუარზე გამოფენს ხოლმე. დედას ექვთიმოები და ქილები ნუშით, ფინიკით, ზეთისხილით, ბროწეულთ, ყურყურასგვარი წიწაკით და სხვადასხვა სახის ხილით და სანელებლით, რომელთა სახელი მე არ ვიცი. რუს და ჩამოფხაჭნილ-ჩამოკაწრული და ჩამოცვენილი თაბაშირის ფონზე შორიდან ისე ჩანს, როგორც ფერებით სავსე, მდიდრული ფერწერული ტილო, გემოვნებითა და ფანტაზიით შესრულებული მშვენიერი ნახატი. ამასთან ხანდახან ვაჭარი ამ ფერებს ადგილს უცვლის, რადგან ზოგჯერ ყავისფერი ფინიკი დგას მოწითალო მიწის თხილთან და მწვანე ზეთისხილთან, სხვა დროს თეთრი, ლამაზ ფორმიანი ნუშები ხორციანი ფინიკის ადგილს იკავებენ, ხოლო იქ, სადაც ადრე ნიორის გალა იყო ჩამოკიდებული, ახლა წითელი წიწაკის წნულებია. მე ამ სომხის ფარდულის სანახავად იმიტომ კი არ დავდივარ, რომ თვალს სიამოვნებს ასეთი ლამაზი ფერების ყურება, არამედ იმიტომ, რომ ამ გამოფენის ყოველდღიური ბედი ჩემთვის გარკვეული ინფორმაციის მომცემია იმის შესახებ, თუ რა მოხდება პოლიტიკაში. ენგელობის ქუჩა ხომ დემონსტრანტების საყვარელი ადგილია. თუ სომეხი დილით ადრე თავის საქონელს არ გამოამზეურებს, მაშასადამე, იგი ცხელი დღისათვის ემზადება — დემონსტრაცია იქნება. ამიტომ უმჯობესია, თუ მაღაზიის კედლებს შეაფარებს საქონელს, რათა დემონსტრანტებმა არ გათელონ. ასეთ დღეს მე მუშაობას უნდა შევუდგე, ანუ დავადგინო, ვინ აწყობს დემონსტრაციას და რატომ. თუ ენგელობის ქუჩაზე მივდივარ და შორიდან ლამაზად გამოფენილ საქონელს დავინახავ, უკვე ვიცი, რომ იქნება ჩვეულებრივი დღე, ყოველგვარი ექსცესების გარეშე და სუფთა ნამუსით შემიძლია ლეონთან წასვლა და ერთი ჭიქა ვისკის დაღევა.

თუ ენგელობის ქუჩაზე გზას გააგრძელებთ, მცირე მანძილის გავლის შემდეგ პურის საცხობს მიადგებით, სადაც ახალი, ცხელი პურის ყიდვა შეიძლება. ირანში პურს დიდი ბრტყელი ლავაშის ფორმა აქვს. ლუმელი, სადაც ამ პურს აცხობენ, წარმოადგენს სამმეტრიან ჭვას, რომელიც მიწაშია ამოშენებული. მის ძირში ცეცხლს ანთებენ. ამ ქვეყანაში თუ ცოლი ქმარს უღალატებს, მასაც ასეთ ჭვასი აგდებენ.

ფურნეში რაზაკ ნადერი მუშაობს. იგი ოცი წლის ბიჭია. კარგი იქნებოდა ვინმეს მასზე ფილმი რომ გადაეღო. თორმეტი წლის იყო, როდესაც სამუშაოს საძებნელად თეირანში ჩამოვიდა. მშობლიურ სოფელში, ზანიანის ახლოს (დედაქალაქიდან ათასი კილომეტრის დაშორებით), მან დატოვა დედა, ოთხი უმცროსი და-ძმა. რაზაკი იძულებულია თეირანში იმუშაოს და ოჯახი შეინახოს.

რაზაკი დილის ოთხ საათზე დგება და ლუმელის დანთებას იწყებს. ასე ხუთი საათისათვის ცეცხლი მძლავრდება და ფურნეში აუტანლად ცხელა. გრძელი ნიჩბის მსგავსი ფიცრის ნაჭრით რაზაკი თონის გახურებულ კედლებზე ცომის გუნდას აკრავს და ყურადღებით დაჰყურებს, რომ გამოცხობისთანავე ამოიღოს. ასე მუშაობს საღამოს ცხრა საათამ-

დე. გამომუშავებულ ფულს დედას უგზავნის. აქ მთელ მის ავლა-დიდებას შეადგენს სამგზავრო ზურგჩანთა და საბანი, რომელშიც ღამე გაეხვევა ხოლმე. რაზაკი ხშირად იცვლის სამუშაო ადგილს და ზოგჯერ უმუშევარიც რჩება. იცის, რომ ამაზე ვერავის დაადანაშაულებს. უბრალოდ, სამი-ოთხი თვის შემდეგ ძალიან მოენატრება ხოლმე დედა და ძმები. რამდენიმე დღე უძლებს ამ გრძნობას, შემდეგ კი ჯდება ფეხითა და ხუსში და მშობლიურ სოფელში ჩადის. ძალიან სურს რაც შეიძლება დიდი ხანი დარჩეს აქ, მაგრამ შეუძლებელია. იგი ხომ ოჯახის ერთადერთი მარჩენალია. ამიტომ ბრუნდება დედაქალაქში, მაგრამ მის ადგილზე სხვა მუშაობს. ამიტომ რაზაკი მიდის გომრუკის მოედანზე, სადაც უმუშევრები იყრიან თავს რაიმე სამუშაოს მოლოდინში. ესაა იაფი სამუშაო ძალის ბაზარი, ვინც აქ მოდის, თანახმაა ჩალის ფასად იმუშაოს. მიუხედავად ამისა, რაზაკს მაინც უხდება ერთი ან ორი კვირა ლოდინი, ვიდრე მას ვინმე დაიჭირავებს. მანამდე კი მთელი დღე მოედანზე დგას, სცივა, აკანკალებს, აწვიმს და შია. ბოლოს, ვიღაც გამოჩნდება, რომელიც მას ყურადღებას მიაპყრობს. რაზაკი ბედნიერია — კვლავ შეუძლია მუშაობა. მაგრამ მისი სიხარული ძალზე ხანმოკლეა, მალე კვლავ მოენატრება დედა და ძმები, ისევ ანებებს სამუშაოს თავს და მშობლიურ სოფელში ბრუნდება. შემდეგ კვლავ ბრუნდება ქალაქში და კვლავ გამოდის გომრუკის მოედანზე. რაზაკის გვერდით არსებობს უდიდესი სამყარო — სამყარო შაჰის, რევოლუციის, პომეინის და მძევლების. ყველა მათზე ლაპარაკობს. მაგრამ როგორც ჩანს, რაზაკის სამყარო კიდევ უფრო დიდია, რადგან იგი დახეტილობს მასში და გამოსავალი ვერ უპოვია.

1978 წლის შემოდგომა-ზამთარში ენგელოზის ქუჩაზე განუწყვეტელი საპროტესტო დემონსტრაციები მოეწყო. ზუსტად ასეთივე მდგომარეობა იყო ირანის სხვა ქალაქებში. საპროტესტო მოძრაობას მთელი ქვეყანა მოეცვა. დაიწყო გაფიცვებიც, გაჩერდა მრეწველობა და ტრანსპორტი. მიუხედავად ათიათასობით მსხვერპლისა, დემონსტრაციები და გაფიცვები უფრო ძლიერდებოდა. მაგრამ შაჰი მაინც ტანტზე რჩებოდა, სასახლეს არ ტოვებდა.

ყოველი რევოლუცია ორი ძალის დაჯახებას იწვევს (ან პირიქით, მათი დაჯახების შედეგია): ძველი სტრუქტურისა და ახალი ძალის. ეს უკანასკნელი უტევს სტრუქტურას, მისი განადგურება სურს. ორივე ძალას, ერთნაირად ძლიერს, სხვადასხვა თვისება ახასიათებთ: ახალი ძალისათვის დამახასიათებელია სპონტანურობა, მგზნებარება, დინამიური ექსპანსიურობა და ამასთან — მოკლევადიანობა. სამაგიეროდ სტრუქტურისათვის დამახასიათებელია აპათია, ინერტულობა, სიმყარე, ჯიუტობა და გასათვრად დიდი უნარი თავის შენარჩუნებისა. ვაცილებით ადვილია სტრუქტურისათვის სულის ჩაბერვა, ვიდრე მისი განადგურება. თუმცა იცვლება მისი წარმომშობი აზრი, მაგრამ იგი მაინც აგრძელებს არსებობას. შექმნილა მრავალი სუსტი, მხოლოდ ფიქციური ხასიათის სახელმწიფო, მაგრამ იგი უკვე სტრუქტურადაა ჩამოყალიბებული და ველარ გააქრობ რუკიდან. თითქოს სტრუქტურათა ერთიანი სამყარო არსებობდეს და თითოეული მათგანი ერთმანეთს ეხმარებო-

დეს. საკმარისია ერთ მათგანს რაიმე საფრთხე შეექმნას, რომ სხვა ყველა დანარჩენი, მისი მსგავსნი, მის დასახმარებლად მიისწრაფიან. სტრუქტურისათვის დამახასიათებელია უაღრესი ელასტიურობა, რაც ასევე გადარჩენაში ეხმარება მას. შევიწროებულსა და შეზღუდულს შეუძლია, მუცელი შეკუმშოს და დაელოდოს, თუ როდის შეეცდნენ, რომ კვლავ თავის ძველ მდგომარეობას დაუბრუნდეს, კვლავ შეეცდნენ თავისი გაფლენა. საინტერესოა, რომ მისი ხელახალი გაფართოება სწორედ იმ მიმართულებით მიდის, საიდანაც იგი შევიწროებულ იქნა. ერთი სიტყვით, ყოველი სტრუქტურის მიისწრაფებას წარმოადგენს თავისი სტატუს კვოსაკენ დაბრუნება, რომელიც მას იდეალურად, ყველაზე საუკეთესოდ მიაჩნია. ამაში გამოიხატება ასევე სტრუქტურის უძლეურობაც. მას მოქმედება მხოლოდ დაპროგრამებული კოდის თანახმად შეუძლია. თუკი მას ახალ სამოქმედო პროგრამას მისცემ — ამაზე რეაგირებასაც კი არ მოახდენს. ერთ ადგილას იდგება წინა პროგრამის მოლოდინში. სტრუქტურას შეუძლია ასევე ვანკა-სტანკასავით მოქცევა. ვითომ დაეცა, მაგრამ მალე კვლავ ფეხზეა. მოძრაობა, რომელმაც არ იცის სტრუქტურის ამ თვისებების შესახებ, დიდხანს ეჭიდავება მას, ვიდრე ბოლოს არ დასუსტდება და ძლეული თავად არ დაეცემა.

შაჰის თეატრი. შაჰი რეჟისორი იყო, რომელსაც სურდა უმაღლეს, მსოფლიო დონეზე მდგარი თეატრი ჩამოეყალიბებინა. მას უყვარდა ხალხის თვალწინ ყოფნა და ყველასთვის თავმოწონება. ოღონდ იმის გაგება უჭირდა, რა არის ხელოვნება, რა არის რეჟისორის სიბრძნე და წარმოსახვა. იგი ფიქრობდა, რომ საკმარისი იქნებოდა მისი ტიტული და ფული. ეს ყველაფერი მას მართლაც თავზე საყრელად ჰქონდა, მაგრამ... ამასთან მის განკარგულებაში იყო ასევე უდიდესი სცენა, სადაც მოქმედება შეიძლება მრავალ ადგილას ერთდროულად წარმართულიყო. მან გადაწყვიტა, რომ ამ სცენაზე დაედგა წარმოდგენა, სათაურით: „დიდი ცივილიზაცია“. ფანტასტიური თანხების საფასურად საზღვარგარეთიდან შემოიტანა დეკორაციები. ეს იყო მრავალი სახის მანქანადანადგარები, აპარატურა, ცემენტის მთელი მთები, სადენები და ა. შ. დეკორაციის მნიშვნელოვან ნაწილს სამხედრო ტექნიკა — ტანკები, თვითმფრინავები, რაკეტები წარმოადგენდა. შაჰი ამ სცენაზე კმაყოფილი და ამაყი დადიოდა. ესმოდა, მრავალი რეპროდუქტორიდან როგორ გადასცემდნენ მის ქება-დიდებას. რეფლექტორების შუქი დეკორაციებს ანათებდა, რის შემდეგაც შაჰის სხეულზე ჩერდებოდა. ისიც იდგა ან მოძრაობდა მათ შუქზე. ეს იყო ერთი მსახიობის თეატრი. ყველა დანარჩენი სტატისტიკის როლით კმაყოფილდებოდნენ. სცენის ყველაზე მაღალ სართულზე მოძრაობდნენ გენერლები, მინისტრები, ელევანტური ქალბატონები, ლაქიები — სასახლე დიდი იყო. შემდეგ იწყებოდა შუა საფეხური, ხოლო ყველაზე დაბლა უმდაბლესი კატეგორიის სტატისტიკები იდგნენ. აქ ყველაზე მეტი ხალხი ირეოდა. ისინი ქალაქში ღარიბი სოფლებიდან იმ იმედით ჩამოდიოდნენ, რომ ცოტა მეტი ფული გამოემუშავებინათ. შაჰიც მათ ოქროს მთებს ჰპირდებოდა. მთელ დროს შაჰი სცენაზე ატარებდა და სტატისტიკების თამაშს ხელმძღვანელობდა. მისი ხელის მოძრაობაზე გენერლები „სმირნაზე“ დგებოდნენ, ხოლო მინისტრები ხელზე კოცნიდნენ. ქალბატონები რევერანსებს უკეთებდ-

ნენ. როდესაც ქვემო საფეხურზე ჩადიოდა და თავს დახრიდა, მოხელე-
ები, რომლებიც დაწინაურებასა და ხელფასის მომატებას ელოდნენ, მი-
სკენ მივბოდნენ. იგი იშვიათად, ისიც მცირე ხნით, ჩადიოდა პარტეზ-
ში. ყველაზე მეტად აპათიურად აქ მყოფი სტატისტიკი იქცეოდნენ. მინი-
ნი დაბნეულები, დიდ ქალაქში ორიენტაციადაკარგულები, მუშაობის
ლები და გაცურებულები იყვნენ, თავს უცხოდ გრძობდნენ მუშაობის
მიუღებელ დეკორაციაზე, ამ ავრესიულ სამყაროში, რომელიც ახლა
გარს ერტყათ. ერთადერთი ადგილი, რომლის მიმართაც მათ ორიენტა-
ციის გაკეთება შეეძლოთ, მეჩეთი იყო, იგი იდგა მათ სოფელშიც, ამი-
ტომ მიდიოდნენ იქ. მათთვის ერთადერთ ახლობელ ადამიანს მოლა წა-
რმოადგენდა, რომელსაც ასევე სოფლიდან იცნობდნენ. სოფელში მოლა
ყველაზე დიდი ავტორიტეტია — მეგობრებს შორის ჩხუბი ატყდება,
წყლის გაყოფაა საჭირო თუ სხვა რამ, იგი სულ მათთანაა დაბადებიდან
სიკვდილამდე. ამიტომ აქაც მოლასკენ მიისწრაფოდნენ, უსმენდნენ მას
და ესმოდათ ხმა, რომელიც მათი ბავშვობის ხმა იყო, მშობლიური და
დაკარგული მიწის იმა.

მოქმედება რამდენიმე სართულზე ერთდროულად მიმდინარეობს.
სცენაზე რამდენიმე მოქმედება ხდება. ცვლიან დეკორაციებს, ტრიალე-
ბენ ბორბლები, ბოლი ამოდის, გრუხუნით მიდი-მოდიან ტანკები, მი-
ნისტრები შაჰს კოცნიან, მოხელეები მიწაზე სოხავენ, რომ ხელფასი გა-
უზარდონ და სამსახურში დააწინაურონ, პოლიციელები წარბებს იჭ-
მუნხნიან, მოლები ქადაგებენ, სტატისტიკები დუძან და მუშაობენ. საზო-
გადოებაში თანდათან მეტი მოძრაობა შეინიშნება. შაჰი დადის, იქით
ხელს დაუქნევს, აქეთ თითით მიანიშნებს. იგი მთელი დრო რეფლექტო-
რების შუქზეა. მაგრამ მალე სცენაზე რაღაც ჩოჩქოლი ატყდება, თი-
თქოს ყველას დაავიწყდა, რა უნდა ითამაშოს. დიახ, ძველ სცენარს სა-
ნაგვეში ისვრიან და ახალს თავად იგონებენ. თეატრში ბუნტია! სპე-
ქტაკლი სახეს იცვლის და ბობოქარ, მხეცურ სანახაობად იქცევა. ქვე-
და სართულის სტატისტიკებმა, რომლებიც დიდი ხნის განმავლობაში იმედ-
გაცრუებულნი იყვნენ იმით, რომ ცუდად უხდიდნენ, დაიწყეს ზედა სა-
რთულეებზე ასვლა. შუა სართულების მსახიობებიც ებუტებიან შაჰს და
ქვედა სართულების მსახიობებს უერთდებიან. სცენაზე გამოჩნდება ში-
იტების შავი დროშა, იმის გამაძლიერებელში ისმის დემონსტრანტების
საბრძოლო სიმღერა — ალაჰ აკბარ! ტანკები სცენაზე მიდი-მოდიან,
პოლიციელები ისვრიან. მინარეთიდან მუეზინის გაბმული მოწოდება ის-
მის. ყველაზე მაღალ სართულზეც უჩვეულო დაბნეულობაა! მინისტ-
რები ფულს ჩემოდანში აწყობენ და გარბიან, ქალბატონები ხელს სტა-
ცებენ თავიანთი ოქროსულობის ხელჩანთას და ქრებიან, ლაქიებმაც არ
იციან, რა ქნან. მალე სცენაზე ჩნდებიან მწვანე ქურთუკებში გამოწყ-
ობილი ფედაინები და მოჯაჰიდები. მათ უკვე იარაღი — არსენალი აუ-
ლიათ. ჯარისკაცები, რომელიც აქამდე ბრბოს სროლას არ ერიდებო-
დნენ, ახლა ხალხს ძმობას ეფიცებიან და ავტომატის ლულაში წითელ
მიხაკებს არჭობენ. სცენაზე ვაჭრები კამფეტებს ყრიან და საერთო მხი-
არულებას უერთდებიან. მიუხედავად იმისა, რომ შუადღეა, ყველა ავ-

ტომობილს შუქი აქვს ანთებული. სასაფლაოზეც ხალხი იკრიბება. ყველანი მოვიდნენ, რომ აჯანყების მსხვერპლნი დაიტყვედნენ. ლაპარაკობს დედა, რომლის შვილმაც თავი მოიკლა, რადგან, როგორც ვარისკაცს, თავისი მოძმე დემონსტრანტებისათვის სროლა არ უნდოდა. გამოდის ჭაღარა აიათოლა ტელეჰანი. რეფლექტორების შუქი თანდათან ქრება. წარმოდგენის ბოლო სცენა: სულ ზედა, უკვე ცარბუჭის მსახურებიდან პარტერში ჩამოდის ფარშევანგივით ათასფერი ქვით აჭრელებული შაჰის ტახტი. მას მთვარის შუქი სცემს და კიდევ უფრო ჭრელდება. ტახტზე ზის უზარმაზარი ზომის საოცარი, გაბღენძილი არსება. რომელსაც ასევე თვალისმომჭრელი შუქი ანათებს. მას კისერზე, მკლავებზე, ხელებზე და ფეხებზე შემოხვეული აქვს სადენი, მსხვილი თოკი და მავთულები. ამ ურჩხულის ერთი შეხედვაც კი ადამიანს შიშის ისეთ კანკალს აწყობინებს, რომ მუხლები ეკეცება და მზადაა დაიხოქოს. მაგრამ მალე სცენაზე გამოჩნდებიან ელექტროშემკეთებლები, რომლებიც გადაჭრიან სადენს და თოკებსაც ერთმანეთის მიყოლებით მოაცილებენ მას. შუქი, რომელიც ამ ურჩხულს ანათებდა, ნელ-ნელა ჩაქრობას იწყებს და იგიც თანდათან პატარავდება. ბოლოს ელექტროშემკეთებელი გვერდზე გადაგება და ტახტზე დგება გამხდარი მოხუცი კაცი, დაახლოებით ისეთი, რომლის მსგავსსაც მრავალს შეხვდებით კინოთეატრში, კაფეში თუ რიგში. ის ადგომისთანავე იბერტყავს კოსტიუმს, ჰალსტუხს ისწორებს და სცენას ტოვებს. ის აეროდრომისაკენ გასწევს.

შაჰმა ისეთი სახელმწიფოებრივი სისტემა შექმნა, რომ მხოლოდ მისი დაცვა შესძლებოდა, სამაგიეროდ უძლური იყო რაიმეთი დაეკმაყოფილებინა ადამიანების მოთხოვნილებები. სწორედ ეს იყო მისი სისუსტე და უმთავრესი მიზეზი მისი ტახტიდან ჩამოგდების, რომლის ფსიქოლოგიური საფუძველია საკუთარი ხალხის ზიზღი და უგულვებელყოფა, იმის რწმენა, რომ ყოველთვის შეიძლება ამ ბნელი მასის მოტყუება, გამუდმებით მათთვის რაღაც ამაო დაპირებების მიცემა. მაგრამ ირანული ანდაზა ამბობს: „დაპირებას მხოლოდ მისთვის აქვს რაიმე ფასი, ვინც მას იძლევა“.

ჰომეინი ემიგრაციიდან დაბრუნდა და ვიდრე კუმში წავიდოდა, თეირანში შეჩერდა. ყველას სურდა მისი ნახვა, მილიონობით ადამიანს უნდოდა მასთან მისალმება, მისთვის ხელის ჩამორთმევა. სკოლის შენობა, სადაც ის შეჩერდა, ხალხით გაივსო. ყველას მიაჩნდა, რომ მას აიათოლასთან შეხვედრის უფლება ჰქონდა. ისინი ხომ მის დასაბრუნებლად იბრძოდნენ, სისხლს ღვრიდნენ. ქვეყანაში ეიფორიული განწყობა გაბატონებულიყო, ადამიანები ერთმანეთს მხარზე ხელს ისე უბარტყუნებდნენ, თითქოს ამით ერთმანეთისთვის უნდოდათ ეთქვათ — ხედავ? ჩვენ ყველაფერი შეგვიძლია!

მართლაც იშვიათად განიცდიან ადამიანები მსგავს წუთებს! მაგრამ ახლა გამარჯვების შეგრძნება ბუნებრივი და დამაჯერებელი ჩანდა. შაჰის „დიდი ცივილიზაცია“ ნანგრევებად ქცეულიყო. რას წარმოადგენდა იგი თავისი არსით? უცხო სხეულს, უცხო ნერვს, რომელმაც

სპარსულ ნიადაგზე ვერ გაიხარა. ეს იყო უცხო ცხოვრების წესის, ტრადიციებისა და ღირებულებების ირანულ ხალხზე თავსმოხვევის ცდა, ეს იყო იძულება, ქირურგიული ოპერაცია, რომლის უმთავრეს მიზანსაც პაციენტის გადარჩენაზე უფრო ის წარმოადგენდა, რომ თავად ეს ოპერაცია განხორციელებულიყო, უპირველეს ყოვლისა კი — ტანტის შენარჩუნება.

ეროვნული
ზიზღიერება

უცხო სხეულის უარყოფა — როგორი დაუნდობელი და გარდუვალია ეს პროცესი, თუკი იგი დაიწყება. ამისათვის კი საკმარისია საზოგადოებამ ირწმუნოს, რომ მის თავსმოხვეულ არსებობის ფორმას ბოროტება უფრო მეტი მოაქვს, ვიდრე სიკეთე. ამის შემდეგ იგი თავისი წინააღმდეგობის გამოხატვას დაიწყებს. თავიდან — მალულად და პასიურად, შემდეგ თანდათან ღიად და დაუნდობლად. ვერ მოისვენებს, ვიდრე თავის ორგანიზმს ამ ახალი სხეულისაგან არ გაითავისუფლებს. იგი ყრუ დარჩება ნებისმიერი არგუმენტის მიმართ, გახდება ვნებიანი, დაკარგავს ფიქრის უნარს. „დიდი ცივილიზაციის“ საფუძვლად ხომ მრავალი კეთილშობილური იდეა, გონივრული აზრი იდო, მაგრამ ხალხი მას მხოლოდ ირონიულად უყურებდა, ანუ ხედავდა იმ ფორმით, როგორც მათ პრაქტიკაში შეიძინეს. ამიტომ მშვენიერი იდეების მიმართაც კი ხალხს ეჭვი გაუჩნდა.

და შემდეგ? რა მოხდა შემდეგ? რის შესახებ უნდა დავწერო ახლა? იმის შესახებ, თუ როგორ მთავრდება ძლიერი განცდები? სევდიანი თემაა. რადგან აჯანყება ნამდვილად დიდი განცდაა, გულის თავგანდასავალი. შეხედეთ იმ ხალხს, რომლებიც მასში მონაწილეობენ. როგორ აღტკინებული, ალგზნებული გამოიყურებიან, თავის შესაწირად არიან მზად. ამ დროს ისინი ცხოვრობენ ერთფეროვან სამყაროში, რომელიც მხოლოდ ერთი აზრით იმის სურვილითაა შეპყრობილი — რომ სასურველ მიზანს მიაღწიონ, ახლა ყველაფერი ამას ექვემდებარება, ამ გზაზე ყოველგვარი წინააღმდეგობა ადვილად გადასატანი ხდება, არავითარი მსხვერპლი არაა ამ საქმისათვის შეუძლებელი. ამბოხი გვათავისუფლებს ჩვენ საკუთარი „მეს“-გან, ყოველდღიურობისაგან, რომელიც ახლა თანდათან უფრო და უფრო პატარად, არარაობად და ჩვენთვისვე უცხოდ გვეჩვენება. განცვიფრებულები, ენერჯის აქამდე ჩვენთვის უცხო მარაგს ვნახულობთ, ისეთი კეთილშობილური ქცევების უნარს ვამჟღავნებთ, რომ თავად გვიკვირს. და მერე რამდენი სიამაყეა იმის გაფიქრებაში, რომ შევძელით ასე ავმალღებულებიყავით. როგორი კმაყოფილი და ნასიამოვნები რჩება ადამიანი იმის გაფიქრებით, რომ ასე ბევრი რამის ვაკეთება შესძლებია! მაგრამ დგება დრო, როდესაც ეს განწყობა ქრება და ყველაფერი მთავრდება. კვლავაც ჩვეულებისამებრ, ინსტინქტურად, ვიმეორებთ იმ უესტებსა და სიტყვებს, კვლავ გვსურს, რომ ძველებურად, როგორც „გუშინ“, ისე იყოს. მაგრამ უკვე ვიცით — და ეს აღმოჩენა შიშის გრძნობით გვავსებს — რომ ეს „გუშინ“ მეტად აღარ განმეორდება. ირგვლივ ვიყურებით და ერთ ახალ აღმოჩენას კიდევ ვაკეთებთ — ისინი, ვინც გუშინ ჩვენთან იყვნენ, მა-

თმაც რაღაც ჩაქრა, რაღაც გადაიწვა. მოულოდნელად ჩვენი ერთობა, კავშირი და თანამეგობრობა იშლება, ყველა თავის ყოველდღიურ „მე“-ს უბრუნდება, რომელიც თავიდან ესამუშებათ, ისევე, როგორც ცუდად შეკერილი ტანსაცმელი, მაგრამ იციან, რომ, სწორედ, ესაა მათი და სხვა არ ექნებათ. ყოველგვარ სურვილს ვკარგავთ, ვერცხვით თვალელებში შევხედოთ, საუბარს გავუბრუნებთ, ვგრძნობთ, რომ მსუბუქვე აღარ ვართ ერთმანეთისათვის ძველებურად საჭირო.

ტემპერატურის ეს დაცემა, კლიმატის ცვლილება, ყველაზე ცუდ და დამთრგუნველ განცდებს განეკუთვნება. იწყება დღე, როდესაც რაღაც უნდა მოხდეს, მაგრამ არაფერიც არა ხდება. არავინ გვიხმობს, არ გველოდება, უკვე ზედმეტი გავხდით. თავს უკვე ძალიან დაღლილად ვგრძნობთ, თანდათან აპათია გვეუფლება. საკუთარ თავს ვეუბნებით — უნდა დაისვენო, ძალა უნდა აღიდგინო. რა თქმა უნდა, გვინდა სუფთა ჰაერი ჩავისუნთქოთ, სახლი დავალაგოთ, ფანჯარა გავარემონტოთ. ყველა ეს საქმიანობა თავდაცვითია, მათ იმიტომ ვაკეთებთ, რომ თავი დეპრესიისაგან დავიცვათ. ამიტომ ძალას ვიკრებთ მათ გასაკეთებლად. მაგრამ თავს მაინც ვერ ვგრძნობთ კარგად, რაღაც მოწყენილები ვართ, რადგან გვაწუხებს ის, თუ როგორ მჭიდროდ გვაწვება სევდა, დარდი, რომელსაც ჩვენ საკუთარ არსებაში ვატარებთ.

ეს განწყობა მეც გამომიცდია, როდესაც მინავლებულ კოცონთან ვმჯდარვარ. დაუდიოდი თეირანში, საიდანაც გამქრალიყო გუშინდელი განცდების კვალიც კი. გამქრალიყო მოულოდნელად, ისეთი შთაბეჭდილება მრჩებოდა, რომ უკვე აღარაფერი აღარ ხდებოდა. რამდენიმე გადამწვარი კინოთეატრი, რამდენიმე განადგურებული ბანკი — უცხო გავლენათა სიმბოლოები. რევოლუცია დიდ მნიშვნელობას ანიჭებს მათ, ანგრევს ერთ ქანდაკებას და მის ადგილას აუცილებლად დგამს მეორეს — საკუთარს, რადგან სურს მყარად იდგეს და ამ მეტაფორული გზით გადარჩეს. ქუჩაში შემთხვევითი გამვლელები დადიოდნენ. ზოგიც ქუჩაში დანთებულ კოცონთან მისულიყო და ხელებს ითბობდა. აქაც ყველა თავისთვის იდგა, გულჩათხრობილი და მდუმარე. ვინ იცის, იქნებ ელოდებოდნენ, იქნებ სურდათ კიდევ, რომ რამე კიდევ მომხდარიყო, რაღაც უჩვეულო რამ? არ ვიცი, არ შემიძლია ამის თქმა.

ის ყველაფერი, რაც რევოლუციის გარეგან, აშკარა მხარეს წარმოადგენს, სწრაფად ქრება. ცალკეულ ადამიანს აქვს ათასი მეთოდი, რომლითაც შეუძლია გამოხატოს თავისი გრძნობა და აზრი. ის უსასრულო სიმდიდრეა, სამყაროა, რომელშიც განუწყვეტლივ რაღაცას აღმოვაჩინებთ. სამაგიეროდ ბრბო ამცირებს, აკნინებს ინდივიდის უნარს, მის პიროვნებას, ადამიანი ბრბოში რამდენიმე ელემენტარული მოქმედებით შემოისაზღვრება. ფორმები, რომელთა საშუალებითაც იგი თავის მისწრაფებას გამოხატავს, უჩვეულოდ მწირია და ამასთან, გამუდმებით მეორდება — მანიფესტაციები, გაფიცვები, შეკრებები, ბარიკადები. ამიტომაც, რომ ადამიანის შესახებ მთელ რომანს დაწერ, ბრბოს შესახებ კი — ვერაფერს. თუ იგი დაიშლება, სახლებში წავა და მეტად აღარ შეიკრიბება, ვამბობთ, რომ რევოლუცია დასრულებულია.

კომიტეტების ოფისებში ვიყავი. კომიტეტი — ასე ერქვა აიალი ხელისუფლების ორგანოებს. ვიწრო და აქოთებულ ოთახებში მაგიდას წვერმოშვებული ხალხი უსხდა. მათ სახეებს პირველად ვხედავდი. აქ რომ მოვდიოდი, მახსოვდა იმათი გვარები, რომლებიც შაჰის ეპოქაში ოპოზიციაში იყვნენ ან აქტიური პოლიტიკიდან შორს იდგნენ. ვიხსენებ რომდღი, რომ ისინი ლოგიკურად, ქვეყნის მმართველობაში ინტენსიურ მონაწილეობას უნდა იღებდნენ. ვიკითხე, ეს ხალხი სად შეიძლება ვნახო-მეთქი, მაგრამ არავინ არ იცოდა მათი ადგილსამყოფელი. დიდხანს და მყარად არსებული მთელი წყობა, რომელშიც ერთი ხელისუფლებასთან იდგა, მეორე — ოპოზიციაში, მესამე — ბიზნესში, ხოლო მეოთხე — ხელისუფლებას აკრიტიკებდა, მთელი ეს წლობით დალაგებული სტრუქტურა და კონსტრუქცია, რევოლუციამ, როგორც სათამაშო კარტისაგან აწყობილი სახლი, ისე დაშალა. ამ წვერებიანი ახმანებისათვის, რომლებიც ძლივს ახერხებდნენ წერასა და კითხვას, არავითარი მნიშვნელობა არ ჰქონდა, თუ ვის ვკითხულობდი. ყველა იმ ადამიანებს, რომელთა შესახებაც ვეკითხებოდი, მათ სულაც არ აინტერესებდათ, რომ რამდენიმე წლის წინათ ჰაფეზ ფარმანი შაჰს აკრიტიკებდა, რის გამოც თანამდებობა დაკარგა, ხოლო კულსუმ კიტაბი როგორც უკანასკნელი მატყუარა, ისე იქცეოდა და კარიერას იკეთებდა. ეს ხომ წარსულში მოხდა, ის სამყარო კი უკვე აღარ არსებობდა.

რევოლუციამ ხელისუფლებაში სულ სხვა, ახალი ხალხი მოიყვანა, რომლებიც ჯერ კიდევ გუშინ სრულიად ანონიმურები, საზოგადოებისათვის უცნობნი იყვნენ. ეს წვერებიანი ადამიანები მთელი დღე კომიტეტებში ისხდნენ და თათბირობდნენ. რაზე? იმაზე, თუ რა ეკეთებინათ. აბა, როგორ, კომიტეტმა ხომ რაღაც უნდა აკეთოს. ერთმანეთს სიტყვის თქმას არ აცდიდნენ. ყველას უნდოდა გამოსვლა, რაღაცის თქმა. იგრძნობოდა, რომ მათთვის ეს ძალზე არსებითი იყო და დიდ მნიშვნელობას ანიჭებდნენ. შემდეგ თითოეული მათგანი მეზობელთან წაიტრაბახებდა — მოხსენებით გამოვედით. მისი ნაცნობები ერთმანეთს დაეკითხებოდნენ — მოისმინე მისი მოხსენება? როდესაც ქუჩაში გაივლიდა, ნაცნობები გააჩერებდნენ და აღფრთოვანებით ეტყოდნენ — მართლაც კარგად გამოხვედი! თანდათანობით დაიწყება არაფორმალური იერარქიის ჩამოყალიბება — მის მწვერვალზე დადგებიან ისინი, რომელთაც ყოველთვის საინტერესო მოხსენება ჰქონდათ, დაბლა კი მოქუჩადებიან ინტროვერტები, ანუ ისინი, რომელთაც არ ეხერხებათ საუბარი, მით უფრო მოხსენებებით გამოსვლა, ისინი მთელი არმიაა, რომელთაც არ შეეძლოთ დაეძლიათ მღელვარება, ხოლო ბოლოს ისინი, რომლებსაც მიაჩნდათ, რომ დაუსრულებელ ლაუბობას არავითარი აზრი არა აქვს. მეორე დღეს კვლავ იწყებდნენ თათბირობას, თითქოს გუშინ არაფერი გაკეთებულყო და თითქოს ყველაფერი აუცილებლად თავიდან უნდა დაეწყოს.

ირანი — ეს იყო ოცდამეშვიდე რევოლუცია, რომელიც მესამე სამყაროს ქვეყნებში მინახავს. ცეცხლში და ბოლში იცვლებოდნენ ხელისუფლებები, ეცემოდნენ მთავრობები, სავარძლებში ახალი ხალხი იკალათებდა. მაგრამ ერთი რამ უცვლელი რჩებოდა, რაც მუდმივ არ-

სებობას განაგრძობდა, — ეს იყო: უსასობა, უიმედობა, უპერსპექტი-
ობა. რა ძალიან წააგავდა ირანში ნახული კომიტეტები, იმას, რაც მი-
ნახავს ბოლივიაში, მოზამბიკში, სუდანსა თუ ბენინში. რა ვაკეთოთ?
შენ იცი, რა ვაკეთოთ? მე? რა, არ ვიცი. იქნებ შენ იცი? მე? საქმე
ბოლომდე უნდა მივიყვანოთ. კი მაგრამ, როგორ? ~~მარტინი~~ მივიყვანოთ
საქმე ბოლომდე? დიახაც, ესაა პრობლემა. ყველა ~~მარტინი~~ ~~მარტინი~~ ~~მარტინი~~ იმა-
ზე, რომ ესაა რთული საკითხი, რომელზედაც მსჯელობა აუცილებე-
ლია. უპაერო, ბოლით სავსე დარბაზი. კარგი და ცუდი მოხსენებები,
ზოგიერთი ნამდვილად მშვენიერი. ასეთი მოხსენების მოსმენის შემდეგ
ყველა კმაყოფილი გამოიყურება — მათ ხომ რაღაც ისეთში, რაც ნამ-
დვილად იდეალური და ღირსეული იყო, მონაწილეობა მიიღეს.

ამ კომიტეტების საქმიანობამ ისე დამაინტერესა, რომ ერთ-ერთ
მათგანში დავჯექი იმ მიზეზით, ვითომ აქ ვილაცხას ველოდებოდი. ვაკ-
ვირდებოდი, როგორ აგვარებდნენ მომსვლელთა თუნდაც უმნიშვნელო
საქმეებს. ბოლოს და ბოლოს, ცხოვრება ხომ საქმეების მოგვარებაზეა
დაფუძნებული, ხოლო პროგრესის არსი კი იმაში მდგომარეობს, რომ
აღამიანთა საქმეები კარგად და სამართლიანად მოვაგვაროთ, რათა ისი-
ნი კმაყოფილები დარჩნენ.

მალე ოთახში ერთი ქალი შემოვიდა და რაღაც ცნობა მოითხოვა.
კომიტეტის ის წევრი, რომელსაც ეს საქმე ეხებოდა, კამათში იყო ჩაბ-
მული. ქალი იცდიდა. ხალხს აქ ლოდინის საოცარი უნარი აქვთ, მათ
შეუძლიათ ქვად იქცნენ და ასე მდუმარედ იდგნენ უსასრულოდ. ბო-
ლოს ის კაცი მოვიდა და მათ საუბარი დაიწყო. კაცი უკითხებოდა, ქა-
ლი პასუხობდა. ქალი უკითხებოდა, კაცი პასუხობდა. ბოლოს რაღაცაზე
შეთანხმდნენ და ქალაღს დაუწყეს ძებნა. მაგიდაზე უამრავი ქალაღ-
დი იდო, მაგრამ ამ მიზნისათვის არც ერთი არ გამოდგებოდა. უცებ კა-
ცი გაქრა, ალბათ ქალაღდის მოსაძებნად, თუმცა არც ისაა გასაკვირი,
რომ გვერდით ოთახში ჩაის დასალევად შესულიყო (ძალზე ცხელოდა).
ქალი წყნარად ელოდებოდა. კაცი დაბრუნდა, ტუჩებს კმაყოფილი ილო-
კავდა (ნამდვილად ჩაი დალია), თუმცა ქალაღდიც მოიტანა. ახლა და-
იწყო ყველაზე დრამატული ნაწილი — კალმის ძებნა. არსად არ ჩანდა
კალამი — არც მაგიდაზე, არც უჯრებში, არც იატაკზე. ჩემი კალამი
გავუწოდე. ქალმა შვებით ამოისუნთქა, კაცმა გაიღიმა და დასაწერად
დაჯდა. როდესაც წერა დაიწყო, გამოირკვა, რომ კარგად აღარც ახ-
სოვდა, თუ რა ცნობა სჭირდებოდა ქალს. დაიწყეს საუბარი, კაცი თან-
ხმობის ნიშნად თავს უქნევდა. ბოლოს დოკუმენტი მომზადდა. მხო-
ლოდ მაღალი თანამდებობის პირის ხელის მოწერა აკლდა. მაგრამ ეს
უკანასკნელი ადგილზე არ აღმოჩნდა. ის სხვა კომიტეტში კამათობდა.
მასთან დაკავშირება ძნელი აღმოჩნდა, რადგან ტელეფონზე არ პასუ-
ხობდა. მის მოსვლამდე ქალს უნდა დაეცადა. იგი კვლავ ქვად იქცა და
ლოდინი დაიწყო. ეს კაციც კვლავ სადღაც გაქრა. მეც დავტოვე ოთა-
ხი და ჩაის დასალევად წავედი.

ეს კაცი ისწავლის ცნობების დაწერასაც და კიდევ მრავალ სხვა
საქმესაც. მაგრამ რამდენიმე წლის შემდეგ მოხდება გადატრიალება,
იგი, რომელსაც ჩვენ ვიცნობთ — გადადგება, მის ადგილს სხვა დაიკა-

ვებს, ისიც დაიწყებს კალმისა და ქალღმერთის ძებნას. იგივე ან სხვა ქალი ქვად ქცეული ლოდინს დაუწყებს. ვილაც თავის კალამს ათხოვებს, ყველანი კამათში იქნებიან ჩართულნი. ეს ყველანი კვლავ დაიწყებენ მოჯადოებულ და უიმედო წრეზე ტრიალს.

ვინ შექმნა ეს წრე? ირანში ის შაჰმა შექმნა. ის ფიქრობდა, რომ ქვეყნის გათანამედროვეობის გასაღებს ქალაქი და მრეწველობა მოადგენდა, მაშინ, როდესაც სინამდვილეში მისი წინსვლის გასაღები სოფელში იდო. შაჰი ძალიან გაიტაცა ატომურმა ელექტროსადგურებმა, კომპიუტერების საშუალებით მომუშავე ტექნოლოგიურმა საზებმა და დიდმა ნავთობქიმიამ. მაგრამ ჩამორჩენილ ქვეყანაში ეს ყოველივე თანამედროვეობის ბუტაფორიას წარმოადგენს და მეტს არაფერს.

ასეთ ქვეყნებში მოსახლეობის უმეტესობა ღარიბ სოფლებში ცხოვრობს, რომელსაც ტოვებს და ქალაქში მირბის. ისინი ქმნიან ახალგაზრდა, ენერგიულ ძალას, რომელთაც ცოტა შეუძლიათ (ესენი ძირითადად უკვალიფიკაციო, წერა-კითხვის უცოდინარი ხალხია), მაგრამ დიდი ამბიცია აქვთ და მზად არიან ყველაფრისათვის იბრძოლონ. ქალაქში უკვე არსებულ სტრუქტურას ნახულობენ, რომელიც ასე თუ ისე ხელისუფლებასთანაა დაკავშირებული. ამიტომ ისინი თავდაპირველად ვითარებაში ერკვევიან, ცოტა მოშინაურდებიან, დაიკავებენ საწყის მდგომარეობას და — იერიშზე გადადიან. ბრძოლისათვის იყენებენ იმ იდეოლოგიას, რომელიც თავიანთი სოფლიდან ჩამოიტანეს — როგორც წესი, ეს რელიგიაა. ვინაიდან ეს ადამიანები წარმოადგენენ ძალას, რომელიც ნამდვილად იმსახურებს ცხოვრებაში წინსვლას, ხშირად წარმატებას აღწევენ კიდევ — ძალაუფლება მათ ხელში გადადის. მაგრამ რაში უნდა მოიხმარონ ის? იწყება კამათი, შედიან გამოუვალ მდგომარეობაში, ლაბირინთებში. ხალხი როგორღაც ცხოვრობს და როგორღაც არსებობს, სხვა რა გზა აქვთ, მაგრამ ეს ახალი ხელისუფლება თანდათან უკეთესად ცხოვრობს. ამასთან, გარკვეული დროის განმავლობაში წყნარად, უშფოთველადაც არის. მათი შემცველები ჯერ კიდევ მინდორში დარბიან, აქლემებს დასდევენ და ცხვრის ფარას მწყემსავენ. მაგრამ მალე გაიზრდებიან, ისინიც ქალაქში წამოვლენ და ხელისუფლებას ბრძოლას დაუწყებენ.

რა არის ამაში ყველაზე მნიშვნელოვანი? ის, რომ იმ ახლებს უფრო მეტი ამბიცია შეუმაქვთ თავიანთ ბრძოლაში, ვიდრე ცოდნა. შედეგად ყოველი გადატრიალებისას, ქვეყანა, როგორღაც ამოსავალ მდგომარეობას უბრუნდება, ნულიდან იწყებს ცხოვრებას, ვინაიდან გამარჯვებულმა თაობამ თავიდან უნდა ისწავლოს ის ყველაფერი, რისი სწავლაც ასე დიდ ჯაფად დაუჯდა იმ თაობას, რომელიც მან საგარძლებიდან ჩამოყარა. ეს იმას ნიშნავს, რომ ისინი, ვინც მათ შეცვალეს, სამართლიანები და გონიერები იყვნენ? სრულიადაც არა. წინა თაობის გენეზისი ანალოგიური იყო იმათი წარმომავლობისა, რომლებიც ახლა მოვიდნენ ხელისუფლების სათავეში. რა გამოსავალია შექმნილი სიტუაციიდან? მხოლოდ სოფლის განვითარება. მანამდე, ვიდრე სოფელი ჩამორჩენილი იქნება, ვერც ქვეყანა განვითარდება, თუნდაც იქ ათასობით ქარხანა ააშენო. მანამდე, სანამ ქალაქში გადასახლებული შვი-

ლი მშობლიურ სოფელს, როგორც ეგზოტიკურ მხარეს, ისე მოინახულებს, მანამდე მისი მშობელი ხალხი თანამედროვე ვერ გახდება.

კომიტეტებში მიმდინარე დისკუსიებზე, — ყველა თანამდებობა იმაში, რომ ჯერ აუცილებელია შური ვიძიოთ, ჯავრი ვიყაროთ. ამიტომ იწყება დასჯების მთელი სერია. ამისაგან გარკვეულ სიკვდილებას ღებულობენ. გახეთების პირველ გვერდზე ათავსებენ ინსტრუქციებს აკრული ადამიანის და გლეხებისას, რომლებიც მას კოცნიან. დიდ ხანს და დეტალებში აღწერენ მთელ ამ შემთხვევას. რა თქვა სიკვდილმისჯილმა სასჯელის აღსრულების წინ, როგორ იქცეოდა, რა დაწერა თავის ბოლო წერილში. ევროპაში ამ დასჯებმა ხალხის უდიდესი წყრომა გამოიწვია. მაგრამ ვის ესმოდა აქ ევროპელთა გულისწყრომა? მათთვის შურისძიების პრინციპი ისევე ძველი იყო, როგორც სამყარო და მისი საწყისი შორეულ წარსულში იკარგებოდა. შაჰი მართავდა ქვეყანას, შემდეგ მას თავი წააჭრეს, მოვიდა შემდეგი, ამათ მოკვეთა თავები და ა. შ. აბა, სხვანაირად როგორ უნდა გათავისუფლებულიყვნენ შაჰისგან. დაეტოვებინათ იგი ან მისი ხალხი ცოცხლები? მაშინ ისინი შექმნიდნენ ჯარს და ხელისუფლებისათვის ბრძოლას დაიწყებდნენ. ციხეში ჩაესვათ? მოისყიდინდნენ დარაჯებს, გამოვიდოდნენ გარეთ და დასჯიდნენ მათ, ვინც ისინი თანამდებობიდან გამოყარა. ასეთ სიტუაციაში სიკვდილით დასჯა თავის გადარჩენის ყველაზე უმარტივესი გზაა. ჩვენ ისეთ სამყაროში ვცხოვრობთ, სადაც სამართალი გაგებულია, არა როგორც ადამიანის დაცვის საშუალება, არამედ, როგორც მოწინააღმდეგის განადგურების ინსტრუმენტი. ჰო, რა თქმა უნდა, ეს საშინლად უღერს, არის მასში რაღაც კომპარული დაუნდობლობა, მაგრამ რას იზამ?

აიათოლა ხალკალი ჩვენ, ჟურნალისტების ჯგუფს, მოგვიყვა, თუ ყოფილი პრემიერ-მინისტრის პოვეიდის სიკვდილით დასჯის განაჩენის გამოტანის შემდეგ, როგორ დაეჭვდა იმ სამხედრო ჯგუფის ნდობაში, რომელსაც მისთვის განაჩენი სისრულეში უნდა მოეყვანა. ეშინოდა, მათ ყოფილი პრემიერი არ გაეშვათ. ამიტომ პოვეიდი ავტომატურად ჩაისვა. ლამე იყო. ხალკალიმ გვითხრა, რომ ერთმანეთში საუბრობდნენ, ოდონდ არ უთქვამს — რაზე. არ ეშინოდა, რომ გაქცეოდა? არა, არაფერი ამის მსგავსი მას გონებაში არ მოსვლია. დრო გადიოდა, ხალკალი ფიქრობდა, თუ ვის ნდობოდა და ვისთვის ჩაებარებინა პოვეიდი დასასჯელად, „ნდობოდა“, ანუ ისეთი ხალხისათვის დაეტოვებინა, ვინც განაჩენს აუცილებლად სისრულეში მოიყვანდა. ბოლოს გაახსენდა, რომ ასეთი ხალხი ერთ-ერთ კომიტეტში ეგულებოდა, ბაზართან ახლოს. მართლაც პოვეიდი მათთან მიიყვანა და დაუტოვა.

ძალიან მსურს ამ ხალხის გაგება, მაგრამ ამასობაში ვაწყდები შავ სფეროს, სივრცეს, რომელშიც გზა მეზნევა და ვერ გავრკვეულვარ. მათ სხვანაირი დამოკიდებულება აქვთ სიცოცხლე-სიკვდილისადმი, სხვაგვარად რეაგირებენ სისხლზე, რომლის დანახვა მათში უდიდეს შინაგან მღელვარებას იწვევს, ისინი თითქოს მოიხიბლნენო, თითქოს ერთგვარ ტრანსში ვარდებიან, უფრო სხვანაირად, აგზნებულად იქცევიან, ყვირილს, უცნაურ მოძრაობას იწყებენ.

ერთხელ ჩემს სასტუმროსთან ახლოს მდებარე რესტორნის მფლობელმა სალონიდან თავისი ახლად გამოყვანილი, მშვენიერი, ოქროსფერი „Pontiac“-ი გააჩერა. იმწამსვე ხალხი შემოეხვია, ახლო-მახლო ქუჩების ეზოებში დაერივნენ ქათმის დედლებს და რამდენიმე დაკლეს. შემდეგ მათი სისხლით ჯერ ერთმანეთი გაწუწეს, ხოლო შემდეგ მთელი მანქანის ძარა სისხლით ისე შეღებეს, რომ ეს ოქროსფერი ავტომანქანა უკვე წითლად გამოიყურებოდა. ეს, მათი გაგებით, „Pontiac“-ის მონათვლა, დასველება იყო. ირანელები ერთმანეთს ასწრებენ, რომ იქ, სადაც სისხლია, ხელი დაისველონ. ვერაფერს ვერ ამიხსნა, თუ რისთვისაა ეს საჭირო.

კვირაში რამდენიმე საათის განმავლობაში აქ უჩვეულო წესრიგი ისადგურებს. ეს ხდება პარასკევს, ერთობლივი ლოცვის დროს. დილით ადრე დიდ მოედანზე მოდის პირველი, ყველაზე მკზნებარე მორწმუნე მაჰმადიანი, გაშლის ხალიჩას და დაიწყებს ლოცვას. შემდეგ მოდის მეომარი და თუმცა მოედანი ცარიელია, ისიც მის გვერდით გაიშლის ხალიჩას. შემდეგ მოდიან და მოდიან მლოცველები. ათასობით, ათიათასობით. მლოცველი გროვდება აქ. შლიან ხალიჩებს და მუხლებზე დგებიან. ჩამუხლულები სწორ რიგებად, მდუმარენი, სახით მექისაკენ. დაახლოებით შუადღისით, პარასკევის ლოცვის წამყვანი იწყებს რიტუალს. ყველა დგება და თაყვანისცემის ნიშნად შვიდჯერ თავს ძირს, მუხლებამდე ხრის, შემდეგ სწორდებიან და კვლავ მუხლებზე ეცემიან, კვლავ სახეს მიწას ახებენ. სრულყოფილი, აუძღვრეველი რიტმი მილიონობით ადამიანის სხეულისა ძალიან ძნელი აღსაწერია და ჩემთვის — ცოტა სამიშიც. საბედნიეროდ, როდესაც ლოცვა მთავრდება, მწყობრი რიგები მაშინვე იშლება, იწყება ყაყანი, ხმაური და მყარდება ერთობ სასიამოვნო, თავისუფალი ატმოსფერო.

მალე რევოლუციის ბანაკში ურთიერთშორის კამათი დაიწყო. ყველანი შაჰის წინააღმდეგნი იყვნენ, მისი გადაგდება სურდათ, მაგრამ მომავალი მათ ყველას სხვადასხვანაირად წარმოედგინათ. ხალხის ნაწილს სჯეროდა, რომ ქვეყანაში ისეთი დემოკრატია დამყარებოდა, როგორსაც ისინი იცნობდნენ შვეიცარიაში და საფრანგეთში ყოფნის დროს. მაგრამ შაჰის გაქცევის შემდეგ ზუსტად ამ ხალხმა წააგო პირველმა ბრძოლა. ეს იყო ინტელიგენტი ხალხი, გონიერები, მაგრამ სუსტები. ისინი მალევე მოექცნენ პარადოქსულ სიტუაციაში — დემოკრატია არ შეიძლება ძალით დაამყარო, დემოკრატიული სისტემის აშენება მოსახლეობის უმრავლესობის ნება-სურვილი უნდა იყოს, მაგრამ უმრავლესობას სურდა ის, რასაც პომეინი მოითხოვდა — ისლამური რესპუბლიკა. ლიბერალების ბრძოლის ველიდან გასვლის შემდეგ ასპარეზზე დარჩნენ ისინი, ვინც რესპუბლიკის დამყარებას უჭერდა მხარს. მაგრამ მალე მათ შორისაც დაიწყო ბრძოლა. ამ ბრძოლაში მაგარმა, კონსერვატიულმა ხაზმა თანდათან უპირატესობა მოიპოვა ლიბერალურ და გამჭვირვალობის მომხრე ხაზთან დაპირისპირებაში. მე, როგორც ერთი, ისე მეორე ხაზის წარმომადგენლებს შორის მყავდა ნაცნობები,

და რამდენჯერაც არ დავფიქრებულვარ მათზე, რომელთა მიმართაც სიმპათიები გამაჩნდა, ყოველთვის პესიმიზმი მიპყრობდა.

სინათლისა და გამჭვირვალობის მომხრე ხაზის ლიდერი იყო ბანი სადრი, გამხდარი, წელში ოდნავ მოხრილი კაცი, სულ სპორტულ ტან-საცმელში გამოწყობილი დადიოდა, გამუდმებით ვილფრედის კლასში არ-წმუნებდა, სულ ერთთავად კამათობდა, ათასი აზრის მქონე ათაფში, ბევრი ლაპარაკი უყვარდა, წერდა წიგნებს რთული, გაუგებარი ენით. ასეთ ქვეყნებში ინტელიგენტი პოლიტიკაში, როგორც ჩანს, ვერ არის მაინც და მაინც თავის ადგილზე. ინტელიგენტს მეტისმეტად მდიდარი ფანტაზია აქვს, დაბნეულია, სულიერ გაორებას განიცდის, აქეთ-იქით აწყდება. რა ხეირია წინამძღოლისაგან, რომელმაც თავადაც არ იცის, თუ რომელი გზა აირჩიოს?

ბეჰემი (მტკიცე ხაზის ლიდერი) ასე არასოდეს იქცეოდა. შეკრებდა თავის ხალხს და კარნახობდა, რა და როგორ ეკეთებინათ. ყველა მისი მადლიერი იყო, რადგან იცოდნენ, თუ როგორ მოქცეულიყვნენ, საით წასულიყვნენ. ბენემს მხარს შიიტები უჭერდნენ, ბანი სადრს — მეგობრები და თანამოაზრეები. ბანი სადრის მხარდამჭერთ ინტელიგენცია, სტუდენტები, მოჯაპედინები წარმოადგენდნენ, ბეჰემისას — მოლების ერთ დაძახილზე ყველაფერზე წამსვლელი ბრბო. ცხადი იყო, რომ ბანი სადრი ამ ბრძოლას წააგებდა. თუმცა ბოლოს ბეჰემსაც წასწვდა კეთილისმყოფელისა და ყოვლადღმობიერის ხელი.

ქუჩებში მებრძოლები გამოჩნდნენ. ეს იყო ჯანიანი ახალგაზრდების ჯგუფი, რომელთაც შარვლის უკანა ჯიბეში დანები ჰქონდათ გარჯობილი. ისინი თავს დაესხნენ სტუდენტებს, სასწრაფო დახმარების მანქანამ დაჭრილი გოგონა წაიყვანა საავადმყოფოში. დაიწყო მანიფესტაციები, ბრბო მუშტით ვილფრედს ემუქრებოდა. კი, მაგრამ, ახლა მაინც ვის ემუქრებიან? იმ ადამიანს, ვინც წიგნებს რთული, გაუგებარი ენით წერს. მილიონობით ადამიანი სამუშაოს ვერ პოულობდა, გლეხები მიწურებში ცხოვრობდნენ, მაგრამ ამას რა მნიშვნელობა ჰქონდა? ბეჰემის ხალხი სრულიად სხვა რამით იყო დაკავებული — ის კონტრრევოლუციას ებრძოდა. დიახ, მათ ბოლოს იცოდნენ, რა გაეკეთებინათ, რა ეთქვათ. საჭმელი არა გაქვს? არ იცით, თავი სად შეაფაროთ? ჩვენ დაგანახვებთ მას, ვისი ბრალიცაა ეს ყველაფერი. ესაა კონტრრევოლუციონერი. ვიდრე მას არ გაანადგურებ, მანამდე ადამიანურად ვერ დაიწყებ ცხოვრებას. კი მაგრამ, რანაირი კონტრრევოლუციონერია, ჩვენ ხომ ჯერ კიდევ გუშინ ერთად ვიბრძოდით შაჰის ჩამოსაგდებად?! ეგ გუშინ იყო, მაგრამ დღეს ის შენი მტერია. და გააგებულ ბრბოსაც მეტი რა უნდოდა, მათ უსმენდა, უჯერებდა და ამ ადამიანის წინააღმდეგ თავდასხმაზე ისე გადადიოდა, რომ მაინც და მაინც თავს არ იტკივებდა იმაზე ფიქრით, იგი ნამდვილი მტერი იყო, თუ არა.

მაგრამ ამაში ბრბოს დადანაშაულება ნამდვილად არ შეიძლება, ვინაიდან მათ, მართლაც უკეთესი ცხოვრება სურთ და უკვე დიდი ხანია, რაც ამისკენ ისწრაფიან კიდევ. არ იციან და ვერ იგებენ, რომ მსოფლიოში მიუხედავად გამუდმებული ჩავარდნებისა, მსხვერპლისა და

ბევრ რამეზე უარის თქმისა, უკეთესი ცხოვრება კვლავაც ცხრა მთის იქითაა.

ბევრი ჩემი მეგობარი მეტად დათრგუნვილი გამოიყურებოდა მათი თქმით, ქვეყანას კატაკლიზმები ემუქრებოდა. როგორც ყოველთვის, როდესაც მძიმე დრო დგება, ინტელიგენტები, ძალასა და სიძინეს კარგავდნენ, რა უნდა ეკეთებინათ. დაბნეულები და დაშინებულნი იყვნენ. მათ, რომლებიც ადრე ერთ დემონსტრაციას არ გამოტოვებდნენ, რომ აქტიური მონაწილეობა მიეღოთ, ახლა ბრბოს ახლოს გაკარებაც კი ეშინოდათ. მათთან საუბრისას შაპზე ვფიქრობდი. შაპი მთელ მსოფლიოში მოგზაურობდა. ხანდახან მისი პორტრეტი გახეთშიც დაიბეჭდებოდა ხოლმე, იგი თანდათან გახდა. სიკვდილამდე იმედი ჰქონდა, რომ ირანში დაბრუნდებოდა. ვერ დაბრუნდა, მაგრამ ბევრი რამ იქიდან, რაც მან გააკეთა — დარჩა. დესპოტი წავიდა, მაგრამ არც ერთი დიქტატურა არ დასრულებულა. ამ უკანასკნელის არსებობის პირობა ბრბოს სიბნელე, მისი გაუნათლებლობა იყო. ამიტომ ცდილობენ დიქტატორები, რომ რაც შეიძლება დიდხანს ამყოფონ ხალხი სიბნელეში. საჭიროა მთელი თაობების შეცვლა, რათა მდგომარეობა გამოსწორდეს, ხალხში სინათლე გაბატონდეს. ვიდრე ეს არ მოხდება, ხშირად ვინც დიქტატორი შეცვალა, თავისდა უნებურად ზუსტად ისე იქცევიან და იმისი შემკვიდრე ხდებიან, ვისაც ასე სასტიკად ებრძოდნენ. ისინი თავიანთი პოზიციითა და აზროვნების წესით აგრძელებენ იმ ეპოქას, რომელიც თავად გაანადგურეს. ეს მათი მხრიდან იმდენად გაუცნობიერებლად ხდება, რომ მათთან ამის შესახებ სიტყვაც რომ დავცდეს, ძალიან გაანაწყენებ. მაგრამ განა შეიძლება ყველაფერში შაპი დაადანაშაულო? იგი გარკვეული ტრადიციების, დამკვიდრებული წეს-ჩვეულებების ფარგლებში მოქმედებდა, იმ ტრადიციების და წეს-ჩვეულებების, რომლებიც ათასწლეულების განმავლობაში არსებობდა. ძალიან ძნელია ასეთი საზღვრების გადალახვა, ძნელია წარსულის შეცვლა.

განწყობილების გამოსაკეთებლად და დროის საინტერესოდ გასატარებლად ფირდიუსის ქუჩაზე მივდივარ, სადაც ბატონი ფირდიუსი სპარსული ხალიჩებით ვაჭრობს. მან მთელი ცხოვრება სილაშაზესთან და ხელოვნებასთან ურთიერთობაში გაატარა და გარშემო მყოფ რეალურ სამყაროს ისე უყურებს, როგორც არც თუ ისე ხარისხიან ფილმს სოფლის კინოთეატრში.

— ყველაფერი გემოვნების საკითხია, ჩემო ბატონო, — მეუბნება იგი, — ყველაზე მნიშვნელოვანი ისაა, რომ გემოვნება უნდა გქონდეს. ჩვენი სამყარო ნამდვილად უკეთესად გამოიყურებოდა, ხალხის უმრავლესობა ამ მხრივ უფრო დახვეწილი რომ იყოს. ყველაფერი საშინელება (მე ამას საშინელებას ვუწოდებ), ისეთები, როგორიცაა სიცრუე, ღალატი, დანაშაული, დაბეზლება, საბოლოოდ ერთ მნიშვნელოვან დანის — ასეთ რამეს მხოლოდ უგემოვნო ადამიანები სჩადიან. მათ სწამთ, რომ ხალხი ყველაფერს აიტანს. მშვენიერებას ვერაფერი გაანადგურებს. უნდა გახსოვდეთ, ჩემო ბატონო, — მეუბნება და თან მორიგ ხალიჩას შლის (რომელსაც, ვიცი, რომ არ ვიყიდი, მაგრამ მინდა კიდევ ერთხელ დავატკბო თვალი მისი, თვალიერებით), — რომ ის, რამაც ჩვენ შეგვაძლებინა სპარსელებად დარჩენა 25 საუკუნეზე მეტი


ხნის განმავლობაში, ის, რამაც შევვადლებინა საკუთარი ორიგინალურობის შენარჩუნება, ათასგვარი მომხდურისათვის გაძლება, იყო ჩვენი სულიერი და არა მატერიალური სიმტკიცე, ჩვენი პოეზია და არა ტექნიკა, ჩვენი რელიგია და არა ფაბრიკები.

ჩვენ რაღა მივეციტ სამყაროს?

ჩვენ მივეციტ პოეზიას, მინიატურები და ხალხურ მოთხრობებს, ხედავთ, ჩემო ბატონო, ძალზე უსარგებლო საგნებია მოხმარების თვალსაზრისით, მაგრამ სწორედ ამით გამოვსატავდით ჩვენს მეობას. მსოფლიოს მივეციტ ეს სასწაულებრივი, განუმეორებელი უსარგებლო ნივთები, რომლებიც არ აიოლებს ცხოვრებას, სამაგიეროდ ალამაზებს და ამკობს, თუკი საერთოდ აზრი აქვს ასეთი განსხვავებების გაკეთებას. თქვენ ხალიჩას გადამწვარ-გადახრუკულ უდაბნოში შლით, მასზე სხდებით და თავს ისე გრძნობთ, თითქოს მწვანე, ხასხასა ტყეში იყოთ. დიას, ჩვენი ხალიჩები ყვავილოვან მინდვრებს მოგვაგონებს, თქვენ ხედავთ ყვავილებს, ხედავთ ბაღა-ბაღებს, ტბებსა და შადრევნებს, ბურქებს შორის ფარშევანგები დაგოგმანობენ. ხალიჩა კი უკვდავი რამაა, კარგი ხალიჩა დიდხანს ძლებს, საუკუნეობით ინარჩუნებს თავის ხასხასა ფერებს. ამგვარად, თუმცა ცხოვრობთ ტიტველსა და მონოტონურ უდაბნოში, მაგრამ თავს ისე გრძნობთ, თითქოს ლამაზ პარკში იყოთ, რომელიც მუდმივია, უკვდავია, რომელიც არ კარგავს ფერებს და არც სიხასხასეს. თქვენ კიდევ იმის წარმოდგენა შეგიძლიათ, რომ ბალი სასიამოვნო სურნელსაც გამოსცემს, შეგიძლიათ წყაროების რაკრაკიცა და ჩიტების გალობაც მოისმინოთ. და მაშინ თქვენ თავს აუცილებლად კარგად, ცაში ამაღლებულად იგრძნობთ, პოეტად იგრძნობთ.

კრაკოვი.

4 ნოემბერი, 5.30 საათი.





„იცხოვრო, რათა მოკვდე“

თავი I

(ფრაგმენტი)

დედამ მთხოვა, სახლის გასაყიდად გავყოლოდი. დილით ბარანკილიაში იმ მიყრუებული სოფლიდან ჩამოვიდა, სადაც ჩემი ოჯახი ცხოვრობდა, და ვერც კი წარმოიდგენდა, თუ მომძებნიდა. აქა-იქ ნაცნობებში მკითხულობდა, როცა მიასწავლეს, რომ ჩემს ნახვას მხოლოდ წიგნების მაღაზია „მუნდოში“ ან ახლომდებარე კაფეებში შეძლებდა, სადაც მეგობარ მწერლებთან ერთად სასაუბროდ დღეში ორჯერ დავდიოდი. ამასთან, დედა გააფრთხილეს კიდევ: „ფრთხილად იყავით, საბოლოოდ შეიშალნენ“. ზუსტად თორმეტ საათზე გამომეცხადა. თავდაპირველად საგამოფენო წიგნებით სავსე მაგიდებს შორის მარდად დააბიჯებდა, შემდეგ უცრად ჩემს წინაშე ადგილზევე გაშემდა, თვალეში ჩვეული, ეშმაკური ღიმილით ჩამხედა და, სანამ გონს მოვეგებოდი, მითხრა:

— დედაშენი ვარ.

ერთი შეხედვით ვერც კი შევიცანი. თითქოს ეს ქალი რაღაცამ შეცვალაო: ორმოცდახუთი წლის ასაკში თერთმეტ მშობიარობას, ორსულობის ათ წელიწადსა და ჩვილების გამოკვებაში გატარებულ ამდენივე წელს ითვლიდა. სრულიად უდროოდ გაჭაღარავებულიყო, სათვალისა და კაცილებით ფართო და განცვიფრებული

თვალეში უჩანდა. ეტყობოდა, დედას ჯერ კიდევ გლოვობდა, თუმცა ქორწინების სურათზე ალბეჭდილი რომაული სილამაზის კვალი ისევ შერჩენოდა. სანამ გადამეხვეოდა, ჩვეული მოკრძალებით მითხრა:

— მოვედი, რომ გთხოვო, სახლის გასაყიდად გამომყვე.

განმარტებაც კი ზედმეტი იყო, რამეთუ ამქვეყნად ჩვენთვის მხოლოდ ერთი სახლი არსებობდა: წინაპართა ძველი სახლი არაკატაკაში, სადაც ღვთის წყალობით დავბადებულვარ და რვა წლის ასაკამდე ვიზრდებოდი. ის-ის რომ ექვსი სემესტრის გასრულებისთანავე სამართალმცოდნეობის ფაკულტეტი მივატოვე. გულმოდგინედ ვკითხულობდი ყველაფერს, რაზეც ხელი მიმიწვდებოდა, და ესპანეთის ოქროს საუკუნის განუმეორებელ პოეზიასაც ზეპირად ვსწავლობდი. წაკითხული მქონდა ყველა იმ წიგნის თარგმანი, წერის ტექნიკის ასათვისებლად რომ ვითხოვე. გაზეთის „დამატებაში“ ექვსი მოთხრობაც გამოვაქვეყნე, რამაც ჩემი მეგობრების აღტაცება და ზოგიერთი კრიტიკოსის ყურადღებაც დაიმსახურა. მომდევნო თვეს ოცდასამი წელი მისრულდებოდა. სამხედრო სამსახურის კანონდამრღვევი და ორჯერ გონორეამონდილი ვეტერანი, ყოველდღიურად

ბარბაროსული თამბაქოს სამოც
 ღერს ვეწეოდი. მოცალეობისას
 დროს ბარანკილიასა და კარტახე-
 ნა დე ინდიასში, კარიბის ზღვის
 სანაპიროზე ვატარებდი, თავს კი
 იმით ვირჩენდი, რასაც „ელ ერალ-
 დოში“ ყოველდღიური უწყებების-
 თვის მიხედვით ვეწვდებოდი. ყველაზე უკეთეს
 შემთხვევაში იქ მეძინა, სადაც მი-
 ლამდებოდა.

უფრო სიმწირის, ვიდრე გემოვ-
 ნების გამო, მოდას ოცი წლით გა-
 ვუსწარი: ველური უღვაშები, გა-
 წეწილი თმა, ჯინსები, ორაზროვა-
 ნი ყვავილებით შემკული პერანგე-
 ბი და პილიგრიმის სანდლები. ერ-
 თხელ, ჩემმა მეგობარმა გოგონამ
 ჩაბნელებულ კინოდარბაზში ვერ
 შემნიშნა, როცა ვილაცას ჭადაუ-
 ლაპარაკა: „საწყალი გაბიტო,
 მთლად წყალწაღებულია“. ასე რომ,
 დედაჩემის თხოვნას, სახლის გასა-
 ყიდად გავყოლოდი, დაუყოვნებ-
 ლივ დავთანხმდი.

ყოველდღიურ „უწყებანში“ სამ
 პესოს მიხდიდნენ, ოთხს კი იმ მო-
 წინავე სტატიაში, რომელიმე რე-
 დაქტორის არყოფნის შემთხვევა-
 ში დავწერდი. ეს თანხა ძლივს მყო-
 ფნიდა. ვცადე ფული მესესხა, მაგ-
 რამ გამგემ შემახსენა, რომ ჩემი
 ვალი რეალურად ორმოცდაათ პე-
 სოს აღემატებოდა. სწორედ იმავე
 საღამოს ბოროტმოქმედების ჩა-
 დენა განვიზრახე, რასაც, ალბათ,
 ვერცერთი ჩემი მეგობარი ვერ შე-
 სძლებდა. კაფე „კოლუმბიის“ გა-
 სასვლელში, წიგნების მაღაზიას-
 თან, კატალონელ წიგნებით მო-
 ვაჭრეს, მოხუც მაესტრო დონ რა-
 მონ ვინიეს წამოვეწიე და ათი პესო
 ვთხოვე, თუმცა მას მხოლოდ იქისი
 აღმოაჩნდა.

ვერც მე და, რა თქმა უნდა, ვერც
 დედაჩემი ვერასდროს წარმოვიდ-
 გენდით, რომ ის ორდლიანი, გულ-
 მოდგინე გასეირნება ისეთი გადა-

მწყვეტი და ხანგრძლივი გამოდგე-
 ბოდა ჩემთვის, დროც რომ არ მე-
 ყოფოდა მოსაყოლად. ახლა კი,
 სამოცდათხუთმეტს გადაცილებუ-
 ლმა, კარგად ვიცი, რომ ეს ჩემი
 სამწერლო მოღვაწეობის უკეთეს
 რომ ვთქვათ, მთელი ჩემი ცხოვრე-
 ბის მანძილზე მიღებული ყველაზე
 მნიშვნელოვანი გადაწყვეტილება
 იყო.

მოზარდის მესხიერება უფრო
 მეტ ინტერესს წარსულის კი არა,
 მომავლისადმი იჩენს. ასე რომ,
 იმხანად ჩემი სოფლის მოგონება-
 ნი ჯერ კიდევ არ იყვნენ ნოსტალ-
 გიით იდეალიზებული. მახსენდე-
 ბოდა საცხოვრებლად ხელსაყრელი
 ადგილი კამკამა მდინარის პირას,
 რომელიც ისტორიამდელი კვერ-
 ცხის მსგავს უზარმაზარ ქვიან კა-
 ლაპოტში ჩაედინებოდა, ის ადგი-
 ლი, სადაც ყველა ერთმანეთს სცნო-
 ბდა. შებინდებისას, განსაკუთრე-
 ბით დეკემბერში, როცა წვიმები
 გადაივლიდა და ჰაერიც გრილდე-
 ბოდა, სანტა მარტას სიერა ნე-
 ვადა თეთრი მწვერვალებით თი-
 თქოს, მოპირდაპირე მხარეს გა-
 შენებულ ბანანის პლანტაციებს
 ერწყმოდა. მოჩანდნენ მთაგრე-
 ხილიდან მწყობრად მომავალი,
 ჯანჯაფილით¹ დატვირთული ინდი-
 ელი არუაკები², კოკაინის ლეჭვით

1. ჯანჯაფილი — მცენარე.
2. არუაკები — სამხრ. ამერიკა-
 ში ინდიელ ტომთა ლინგვისტური
 ნიშნით გაერთიანებული ჯგუფი,
 რომელსაც ევროპელები დაპყრო-
 ბის შემდეგ პირველად შეხვდნენ
 სამხრ. ამერიკაში. ამჟამად არუა-
 კები ცხოვრობენ დასავ. ვენესუე-
 ლაში, კოლუმბიასა და პერუს აღმ.
 ოლქებში. შეინარჩუნეს გვაროვ-
 ნული წყობილება და ანიმისტური
 რელიგია.

ცხოვრების შემსუბუქებას რომ ლამობდნენ. მარადიული თოვლის დანახვისთანავე ბავშვებს გუნდაობის, სიცხისაგან გავარვარებულ ქუჩებში კი „ომობანას“ თამაშის სურვილი გვამოძრავებდა. აუტანელი სიცხის გამო, განსაკუთრებით სიესტის დროს, უფროსები ჩივილს ისე მოჰყვებოდნენ, თითქოს ეს მათთვის ყოველდღიური სიურპრიზი იყო. ჩემი გაჩენის დღიდან მესმოდა, რასაც დაულალავად იმეორებდნენ, რომ „იუნაითიდ ფრუთ კომპანის“ ბანაკები და რკინიგზაც ღამით აუშენებიათ, რადგან დღისით, მზეზე გავარვარებული ხელსაწყოების გამოყენება შეუძლებელი ყოფილა.

ბარანკილიდან არაკატაკაში მისაღწევად ერთადერთი გზა არსებობდა: კოლონიის პერიოდში ტყვეთა ხელით გაჭრილი საზღვაო არხი ჯერ მოტორიანი დაშლილი ნავით უნდა გადაგელახათ, შემდეგ მღვრიე, გამოცარიელებული და ვეებერთელა ჭაობნარის გზით „სიენაგას“ მისტერიულ დასახლებაში მიაღწევდით, საიდანაც ჩვეულებრივი მატარებელი, იმხანად ქვეყანაში საუკეთესოდ რომ ითვლებოდა, ბანანის უზარმაზარი პლანტაციების, მტვრით დაფარუ-

ლი სოფლების, განმარტოებული სადგურების ბაქნებზე ამაო გაჩერებების შემდეგ ფინალურ მგზავრობას ასრულებდა. სწორედ ამ გზას დავადექით მე და დედა 1950 წლის 18 თებერვლის, მამათ სკოლის შვიდ საათზე. ჩვენი მგზავრობა კარნავალის წინააღმდეგ, კოკისპირული წვიმის ფონზე წარიმართა. ჯიბეში სულ 32 პესო გვქონდა და, თუ სახლი წინასწარი გათვლით არ გაიყიდებოდა, ეს თანხა უკან დასაბრუნებლად არ გვეყოფოდა.

სამდინარო პორტში იმ ღამით ქარი ისე მძვინვარებდა, რომ დედა დიდი თხოვნის შემდეგ გემით მგზავრობაზე დამთანხმდა. ეს ნიუ-ორლეანის გემის იმიტაცია იყო, საწვავზე მომუშავე მოტორით, რომლის წყალობით ყველაფერი ციებცხელებიანივით ცანცახებდა. პატარა სალონში ჰამაკის ჩამოსაკიდებელ სხვადასხვა სიმაღლის საბრჯენებსა და ხის საზურგიან სკამებზე იდაყვდაყრდნობილი მგზავრები ცოცხალი ღორებით, ქათმის გალიებითა თუ ნავაჭრით დატვირთული ჩემოდნებიანად შექუჩებულ იყვნენ. დახუთულ კაიუტებში, როგორც ყაზარმებში, ორ-ორი საწოლი იდგა, სადაც უღირს მეძავეებს თითქმის ყოველთვის შეეძლოთ „სასწრაფო დახმარების“ აღმოჩენა. რაკი ცარიელი ადგილი ვერ ვიპოვეთ და არც ჰამაკები გვქონდა, მე და დედამ ცენტრალური დერეფნის ორი რკინის სკამი იერიშით ავიღეთ და ღამის გასათევად მათზე მოვკალათდით.

დედაჩემის შიში ამაო არ გამოდგა. ქარიშხლისაგან აღელვებული ზვირთები ჩვენს გემს ეხეთქებოდა. გადავცურეთ მდინარე მაგდალენაც, რომელიც ოკეანის ტემპერამენტით გამოირჩეოდა. იაფფასიანი სიგარეტი და თუთუნის პორტშივე მქონდა მოწარაგებული და მოწე-

3. „იუნაითიდ ფრუთ კომპანი“ — ევროპისა და ამერიკის ბაზარზე ბანანი პირველად მე-19 ს-ნის 60-70-იან წლებში გამოჩნდა. 1889 წელს კი „იუნაითიდ ფრუთ კომპანი“ ჩამოყალიბდა, რომელმაც ცენტრალური ამერიკის უზარმაზარი ტერიტორიები ჩაიგდო ხელთ. კომპანიამ ეს მიწები მოგვიანებით ბანანის პლანტაციებად აქცია და სულ მალე ა.შ.შ.-ში ბანანის მწარმოებელ მონოპოლისტად იქცა.

ვასაც ჩვეული მანერით შევუდექი. უილიამ ფოლკნერის „აგვისტოს ნათელის“ ხელმეორედ გადაკითხვით გართული, სიგარეტს სიგარეტზე ვაბოლებდი. უილიამ ფოლკნერი იმხანად ჩემს მფარველ ყველაზე ერთგულ დემონად მიმაჩნდა. უეცრად დედა თავის კრიალოსანს ჩაებლაუჭა და ღმერთს საკუთარი თავისთვის არაფერი, სამაგიეროდ თერთმეტი მიუსაფრის ხანგრძლივი სიცოცხლე და იღბალი შესთხოვა. მისი ვედრება უფალმა ნამდვილად შეისმინა, რადგან არხში შესვლისთანავე წვიმამ იკლო, სიოც ხანდახან, მოსკიტების დასაფრთხობად თუ დაუბერავდა. დედამ კრიალოსანი შეინახა და დიდი ხნის მანძილზე მდუმარედ აკვირდებოდა ჩვენს ირგვლივ ატეხილ ცხოვრებისეულ ალიაქოთს.

მართალია, დედაჩემი მოკრძალებულ სახლში დაიბადა, სამაგიეროდ, ბანანის კომპანიის ეფემერული დიდების ფონზე გაიზარდა. მდიდარი გოგონას მსგავსად, სანტა მარტას ღვთისმშობლის სახელობის კოლეჯში შესანიშნავი განათლების მიღებაც მოასწრო. საშობაო არდადეგების დროს მეგობრებთან ერთად ფანჯრის რაფაზე ქარგავდა, საქველმოქმედო ბაზრობებზე კლავიკორდზე უკრავდა, ხოლო მდიდარ მამიდასთან ერთად, ადგილობრივი, ღვთისმშობიში არისტოკრატიის ყველაზე უმწიკვლო ცეკვებს ესწრებოდა. ამის მიუხედავად, მშობლების ნება-სურვილს მაინც წინაღუდგა, როცა სოფლის ტელეგრაფისტზე დაქორწინდა. თავიდანვე იუმორის გრძნობა და რკინის ჯანმრთელობა მოსდგამდა, რომელსაც ხანგრძლივი ცხოვრების გზაზე დაგეხული მახეები ვერაფერს აკლებდა. ვასაოცარი იყო, რომ ლომის ზოდიაქოს ნიშნის ქვეშ დაბადებული, შიშისმომგვრელი ძა-

ლის შენიღბვას როგორ ახერხებდა, სწორედ ამ თვისების დამსახურებით, სამზარეულოდან, მზის სისტემის მსგავსად, წერილი ხმითა და თვალის დაუსამხამებლად მატრიარქატული ძალაუფლება დაამყარა, რომელიც ყველაზე შორეულ ნათესავზეც კი ვრცელდებოდა.

დედა ყოველგვარი აღელვების გარეშე, მოთმინებით იტანდა იმ უღმობელ მგზავრობას, და მე საკუთარ თავს ვეკითხებოდი, როგორ შეძლო ასე სწრაფად სილატაკის უსამართლობას დამორჩილებოდა. სხვა თუ არაფერი, იმ ავადმოსაგონარი ლამის გახსენებაც კმარა: სისლმოწყურებული მოსკიტები, სულის შემხუთავი და გულისამრევი სიცხე, უძილო მგზავრთა გაუთავებელი ბორიალი, საკუთარ ტყავში უცხოდ რომ გრძნობდნენ თავს და უფრო თბილი ადგილისათვის ჩხუბსაც არ თაკილობდნენ. დედაჩემი გაუნძრევლად იჯდა და იმ დაქირავებულ გოგონებს აკვირდებოდა, რომელნიც გვერდითა კაიუტებში კარნავალის წყალობით ხან მამაკაცის, ხანაც მადრიდელი ქალბატონის სამოსში გადაცმულნი, შემოსავალს იღებდნენ. ერთ-ერთი მათგანი სხვადასხვა კლიენტთან ერთად კაიუტაში უამრავჯერ შევიდა. თავდაპირველად მეგონა, რომ დედას ის არც კი შეუბჩინევია, მაგრამ მეოთხე თუ მეხუთე ჯერზე გამოსულს კორიდორის ბოლომდე სიბრალულით მიაღვევნა თვალი და:

— საბრალო გოგონებო, — ამოიოხრა. — ის, რითაც თავი უნდა ირჩინონ, მუშაობაზე უარესია.

ეს ყველაფერი შუალამემდე გაგრძელდა. კორიდორის მკრთალი სინათლისა და აუტანელი ჯანჯლარის გამო კითხვით დაღლილმა მოწვევა გადავწყვიტე. გასულ წელს

უნივერსიტეტი უგუნური ილუზიის წყალობით მივატოვე, მეგონა ლიტერატურისა და ჟურნალისტიკის ხარჯზე თავის რჩენას უსწავლელადაც შევძლებდი. ამასთანავე ბერნარდ შოუს ფრაზაც მამხნევებდა: „სკოლაში რომ წავსულიყავი, პატარაობიდანვე განათლების მიღება შევწყვიტე“. შეუძლებლად მიმაჩნდა ამ თემაზე დისკუსია მომეწყო, რადგან ისედაც ნათელი იყო, რომ ჩემი არგუმენტები მხოლოდ საკუთარი თავის წინაშე გასამართლებლად თუ გამომადგებოდა. მშობლები, რომლებმაც ამხელა იმედი დაამყარეს ჩემზე და ამდენი ფული დამახარჯეს, მსგავს სიგიჟეს ნამდვილად ვერ შეეგუებოდნენ. განსაკუთრებით მამაჩემი, რომელიც ყველაფერს მაპატიებდა, კედელზე ჩამოკიდებული დიპლომის გარდა, თვითონ ვერასდროს რომ ვერ მოიპოვა. ჩვენ ურთიერთობა გვქონდა გაწყვეტილი. თითქმის ერთი წლის შემდეგ მის მონახულებას ვაპირებდი, რათა ყველაფერი დამესაბუთებინა, ამ დროს დედაც გამოჩნდა და მთხოვა, სახლის გასაყიდად გავყოლოდი. შუაღამემდე დედა საქმეზე არც დამლაპარაკებია. მხოლოდ ხელსაყრელი მომენტის წყალობით შეძლო გულახდილად გამსაუბრებოდა, რითაც მგზავრობის ჭეშმარიტ მიზანსაც ნათელი მოჰფინა. ჩვენი დიალოგი ზომიერების ფარგლებში წარიმართა, რამაც ცხადყო, რომ დედას სათქმელი გამომგზავრებამდე დიდი ხნით ადრე, უძილობით დაღლილს, მარტობაში მოუძწიფდა.

— მამაშენი ძალიან დაღონებულა, — თქვა.

ამ სიტყვების ვაგონებას ჯოჯოხეთს ვამჯობინებდი. დედას ყოველთვის ასე სჩვეოდა: საუბარს მაშინ იწყებდა, როცა ყველაზე ნაკ-

ლებად ელოდი, და თან ისეთი მშვიდი ხმით, რომ წინ ვერაფერი დაუდგებოდა. ამიტომაც მხოლოდ მოვალეობის მოხდის მიზნით ვკითხუ-

- ვითომ რატომ?
- სწავლა რომ მიატოვე.
- არ მივატოვე, მხოლოდ პროფესია შევიცვალე.

დისკუსიამ დედას განწყობა აუმაღლა.

— მამაშენი ამბობს, რომ ეს ერთი და იგივეა. აშკარად ვგრძნობდი, ცრუობდა და ამიტომაც ვუთხარი:

— მამაჩემმაც ხომ მიატოვა სწავლა, ვიოლინოზე რომ დაეკრა.

— ეს სულ სხვა რამ იყო, — მკვირცხლადვე შემეკამათა დედა. ვიოლინოზე მხოლოდ დღესასწაულებისა და სერენადების დროს უკრავდა. სწავლა კი იმიტომ მიატოვა, რომ პურის ფულიც არ ჰქონდა. ტელეგრაფიის შესასწავლად ერთი თვეც არ დასჭირვებია. იმხანად ეს ყველაზე ხელსაყრელი პროფესია იყო, განსაკუთრებით არაკატაკაში.

— მეც გაზეთებში სტატიების გამოქვეყნებით ვსულდგმულობ, — ვუპასუხე.

— ამას იმიტომ მეუბნები, საბოლოოდ რომ არ გამანადგურო, — თქვა მან. — თუმცა გასაჭირს კაცი შორიდანვე მიგინვდება. წიგნების მალაზიაში რომ დაგინახე, ვერ გიცანი.

— ვერც მე გიცანით, დედა.

— სულ სხვა მიზეზის გამო, — თქვა მან. მე კი გლახაკს მიგამსგავსე.

— ჩემს გაცვეთილ სანდლებს გადმოსხედა და დასძინა: — წინდაც არ გაცვია.

— ასე გაცილებით მოსახერხებელია, — ვუთხარი. ორი პერანგი და

ორი საცვალი: თითო ჩასაცმელად და თითო გასაშრობად ჩამოკიდებული. მეტი რა საჭიროა?

— უფრო ღირსეულად მოქცევა გმართებს, — მითხრა მან და მაშინვე ტონი შეარბილა: — ყოველივე ეს შენდამი უსაზღვრო სიყვარულმა მათქმევინა.

— ვიცი, მაგრამ ერთი რამ ამიხსენით: ჩემს ადგილას თქვენ იგივეს არ გააკეთებდით?

— თუ ამით მშობლებს დავუპირისპირდებოდი, არ გავაკეთებდი, — მითხრა მან.

გამახსენდა, როგორ დაუინებით ცდილობდა დედა ოჯახის წინააღმდეგობა დაეძლია, ტელეგრაფისტზე რომ დაქორწინებულიყო, და ღიმილით ვუთხარი:

— თვალი გამისწორეთ.

მან თვალი ამარიდა, რადგან კარგად იცოდა, რაზეც ვფიქრობდი.

— მხოლოდ მშობლების ლოცვა-კურთხევით დავქორწინდი; ნებით თუ დაუინებით, ეს დალოცვა მაინც დავიმსახურე.

დედამ დიალოგი შეწყვიტა. არა იმიტომ, რომ ჩემმა არგუმენტებმა დაამარცხა, არამედ საპირფარეშოში გასვლა დასჭირდა. სანიტარულ პირობებს უნდობლობა გამოუცხადა და მე ბოცმანს გამოველაპარაკე, მაგრამ ამაოდ. მან უმაღლვე განმიმარტა, რომ თავადაც საერთო საპირფარეშოთი სარგებლობდა და საუბარი ჯოზეფ კონიადის სიტყვებით დაასრულა: „ზღვაში ყველანი თანასწორნი ვართ“. ასე რომ, დედაჩემი საერთო კანონს დამორჩილდა, უკან დაბრუნებული კი სიცილს ძლივს იკავებდა:

— წარმოიდგინე, რას იფიქრებს მამაშენი, დასნეულებული რომ დავბრუნდე?

შუალამე გადავლილი იყო, როცა სამი საათით გავჩერდით. საზღ-

ვან არხის წყალმცენარეებმა გემის პროპელერის მოძრაობა შეაფერხა, რის გამოც მანგროს ტყით დაფარულ, ტროპიკულ სანაპიროზე განსაცდელში დაღმარებით. უამრავმა მგზავრმა თავს გაქცევით უშველა. აუტანელი სიცხისა და მოსკიტების მიუხედავად, დედა დრო და დრო თვლემდა კიდევ. როდესაც გზა განვაგრძეთ და გრილმა სიომაც დაბერა, საბოლოოდ გამოფხიზლდა.

— ყოველ შემთხვევაში, — ამოიხრა, — რალაც ხომ უნდა ვუპასუხო მამაშენს.

— უმჯობესია, თუ არ შეწუხდებით, — გულუბრყვილოდვე ვუპასუხე. დეკემბერში ჩამოვალ და ყველაფერს ავუხსნი.

— იქამდე ათი თვეა, — თქვა მან.

— წელს უნივერსიტეტში მაინც აღარაფერი მოგვარდება, — ვუპასუხე.

— მპირდები, რომ მართლა ჩამოხვალ?

— გპირდები, — ვთქვი და პირველად შევნიშნე, დედაჩემის ხმას მღელვარება რომ დაეტყო.

— ესე იგი მამაშენს გადავცე, რომ ეთანხმები?

— არა, — გადაჭრით ვუპასუხე. ცხადი იყო, დედა გამოსავალს ეძებდა, მაგრამ გასაქანი არ მივეცი.

1 მანგროს ტყე — მარადმწვანე ტყე ტროპიკულ სანაპიროზე, რომელიც მხოლოდ ზღვის მოქცევისას იფარება წყლით. ძირითადად გავრცელებულია აფრიკის აღმ. სანაპიროზე, მადაგასკარზე, სამხ. აზიასა და ავსტრალიის სანაპიროებზე; გვხვდება აფრიკის ცენტრალურ და სამხრ. ამერიკის ატლანტის სანაპიროებზე.

— მაშინ უკეთესი იქნება, სრულ სიმართლეს თუ ვუამბობ, რასაც სიცრუესთან არანაირი კავშირი არ ექნება, — თქვა მან.

— კეთილი, — შვებით ვუპასუხე, — უამბეთ ყველაფერი.

საუბარი შევწყვიტეთ. ვიღაც იფიქრებდა, ყველაფერი დასრულდაო, მაგრამ მე ვიცოდი, რომ ეს პაუზა სულის მოსათქმელად იყო საჭირო. ცოტა ხანში დედას ღრმად ჩაეძინა. როდესაც სიომ მოსკიტები დააფრთხო და ჰაერი ყვავილების სურნელით გაიჟღინთა, იალქნიანი გემიც მწყობრში ჩადგა.

სიენაგა გრანდეს — ჩემი ბავშვობის მითიურ ადგილს მივადექით. ამ ადგილს გადაცურვა ბევრჯერ გვიხდებოდა, როცა ბაბუას, პოლკოვნიკ ნიკოლას მარკეს მეხიას, რომელსაც შვილიშვილები „პაპალელოს“ ვეძახდით, არაკატაკადან ბარანკილიაში მშობლების მოსანახულებლად მივყავდი. „ჭაობნარს კი არ უნდა უფრთხოდე, პატივს უნდა სცემდე“, — მითხრა ერთხელ ბაბუამ, როცა მას დაუოკებელ ოკეანეს ადარებდა და დინების მოულოდნელობით აღსავსე ხასიათზე მესაუბრებოდა.

იმ ღამით, საბედნიეროდ, ჭაობნარი ერთ წერტილში გაყინულიყო. ფანჯრიდან ჰაერი რომ ჩამესუნთქა, გემის ცხვირს მივუახლოვდი. თენდებოდა. თევზსაჭერი ნაგების მოციმციმე შუქი წყლის ზედაპირზე მოტივტივე ვარსკვლავს მაგონებდა. იქვე, შორიანლოს უჩინარ მეთევზეთა საუბარიც ისმოდა. მოაჯირზე იდაყვდაყრდნობილს, სიერას კონტურული მონახაზის დაკვირვებით გართულს, ნოსტალგიის პირველმა ტალღამ გადამიარა.

იმდროინდელი გარიჟრაჟი გამახსენდა, სიენაგა გრანდეს გავლისას, „პაპალელომ“ კაიუტაში ჩაძინე-

ბული რომ დამტოვა თავად კი ბუფეტში გავიდა. არ ვიცი, რომელი საათი იქნებოდა, როდესაც ხარხარა აურზაურმა გამომაღვიძა. მაშინ ხუთი წლისაც არ ვიქნებოდი, რად საშინელმა შიშმა შემოვიკრა. საბედნიეროდ, სულ მალე სიმშვიდემ დაისადგურა, მე კი უმალვე ყოველივე სიზმარს მივაწერე. შევეცდები ეს მოგონება დაწვრილებით აღვიდგინო: დილით „სიენაგას“ ნავსადგურში გავჩერდი. წვერის გაპარსვით გართულ ბაბუას პერანგიც არ ეცვა, თუმცა მაისურზე ფართო, მწვანე ზოლიანი თასმები გადაეჭიმა. ვიღაც კაცს ესაუბრებოდა, რომლის ამოცნობაც, ერთი შეხედვით, ახლაც კი შემიძლია. პროფილში ყორანს ჰგავდა, მარჯვენა ხელს მეზღვაურის სვირინგი, კისერსა და მაჯას კი ოქროს ჯაჭვები და სამაჯურები უმშვენებდა. ის იყო ტანთ ჩავიცვი და საწოლზე ჩამომჯდარი ფეხსაცმელს ვიცვამდი, როცა ამ მამაკაცმა ბაბუას უთხრა:

— ეჭვი არ შეგეპაროთ, პოლკოვნიკო. თქვენი წყალში გადაგდება სურდათ.

ბაბუას ჩაეცინა. აზრადაც არ მოსვლია, წვერის გაპარსვა შეეწყვიტა და თავისი ჩვეული ქედმაღლობით უპასუხა:

— არ უღირდათ გაბედვა. მაშინ კი მივხვდი, თუ რა მოხდა გასულ ღამეს. ვიღაცის იდეამ, ბაბუა წყალში გადაეგდოთ, ძალიან ამაღელვა.

ამ ბურუსით მოცული ეპიზოდის მოგონებამ კიდევ ერთხელ გამაოგნა იმ დღის გარიჟრაჟზე, როცა დედას სახლის გასაყიდად მივყვებოდი. სანამ დათოვლილი, მზის პირველი სხივებით გაციკროვნებული სიერას მზერით ვტკბებო-

დი, საბოლოოდ ინათა და მეთევ-
ზეებით დასახლებული ქვიშის თა-
ვთხელიც გამოჩნდა: ძალზედ შთა-
შბეჭდავი იყო სანაპიროზე გასაშ-
რობად გამოკიდული ბადეების,
იალქნისგან შეკოწიწებულ ფეხბუ-
რთის ბურთით გართული, ჭუჭყია-
ნი, გაძვალტყავებული ბიჭების,
უდროოდ გადაგდებული დინამიტ-
ისაგან დასახიჩრებული მეთევზე-
ებისა და გემიდან გადაყრილი მო-
ნეტებისათვის წყალში მყვინთავი
ბავშვების დანახვა.

შვიდი საათი იქნებოდა, როდე-
საც სიენაგას დასახლებამდე ოდნავ
მოშორებით, გახრწნილ ჭაობს მი-
ვადექით. მუხლამდე ტალახით მო-
სვრილმა მტვირთავებმა ნავსადგუ-
რამდე წყალში ჭყაპა-ჭყუპით, ხელ-
ჩაკიდულებმა გადაგვიყვანეს. პო-
რტში მაგიდას მივუსხედით. საუზ-
მედ მწვანე ბანანის შემწვარ ნაჭ-
რებს შევექცეოდით, როცა დედამ
ისევ ომი გამომიცხადა და შეკითხ-
ვებით თავს დამესხა:

— ბოლოს და ბოლოს არ მეტყუ-
ვი, რა გადავცე მამაშენს? ვცადე
მოსაფიქრებლად დრო მომეგო და
ამიტომაც ვკითხე:

— რას გულისხმობთ?

— ერთადერთი, რაც მას აინტე-
რესებს, — თქვა წყრომით, — შენი
განათლებაა.

უეცრად ბედმა გამიღიმა, როდე-
საც ვაცხარებული დიალოგით და-
ინტერესებულმა ერთმა კადნიერმა
მუქთახორამ ჩემი არგუმენტების
მოსმენა განიზრახა. მე დედას დაუ-
ყოვნებელმა პასუხმა კი არ დამა-
შინა, არამედ მისმა ემოციურობამ
გამაოცა.

— ესე იგი მწერლობა გადავწყ-
ვიტეთ, — თქვა მან.

— კარგი მწერალი კარგ გასამრ-
ჯელოს იღებს, — წამოიძახა მთე-
ლი სერიოზულობით მუქთახო-

რამ. — განსაკუთრებით, თუ ის
მთავრობასთან თანამშრომლობს.

არ ვიცი მახვილგონიერების წყა-
ლობით, თუ მოულოდნელად გამო-
ჩენილი თანამშრომლების არგუმენ-
ტებით დაშთხვებულმა დედამ თემა
მარჯვედ შეცვალა. ისინი თანაუგ-
რძნობდნენ, ეჭვის თვალთ შეპ-
ყურებდნენ ჩემს თაობას და ერთ-
მანეთს სევდას უზიარებდნენ. ბო-
ლოს, საერთო ნაცნობების ნუსხა-
საც გადახედეს და დაასკვნეს, რომ
ჩვენ იგუარანებისა და კოტესების
ორმხრივ ნათესავებად ვითვლებო-
დით. იმხანად, კარიბის ზღვის სა-
ნაპიროს ყოველი სამი დამხვდუ-
რიდან ორი მაინც იგივეს გვეუბნე-
ბოდა. დედა კი ამ ფაქტს ყოველთ-
ვის უჩვეულო მოვლენად აღიქვამ-
და.

ლეგენდარული წარმოშობის, მო-
ძველებული და მსოფლიოში აღ-
ბათ უკვე უკანასკნელი ერთი ცხე-
ნის ძალის სიმძლავრიანი მანქანა
„პობედით“ რკინიგზის სადგურამ-
დე მივალწიეთ. დედაჩემი გვარჯი-
ლით გადამწვარ, ხრიოკ დაბლობს
გაპყურებდა, რომელიც ჭანჭრო-
ბით იწყებოდა და პორიზონტს ერ-
წყებოდა. პირადად ჩემთვის ეს ის-
ტორიული ადგილი იყო: სამი თუ
ოთხი წლის ასაკში ბაბუასთან ერ-
თად ჩემი პირველი მოგზაურობი-
სას ბარანკილიაში სწორედ ამ
მცხუნვარე, უდაბური ადგილის გა-
ვლით მოვხვდი. მახსენდება, ჩვენს
თვალწინ ფართოდ გადაჭიმული, და-
მხრჩვალი ქათმეებით მოტივტივე,
მწვანე ფერის წყლის ზედაპირი რომ
გადაიშალა.

— ეს ზღვაა, — მითხრა ბაბუამ.

იმედგაცრუებულმა ვკითხე, მე-
ორე ნაპირას რა ხდება-მეთქი. მან
კი უყოყმანოდ მიპასუხა:

— მეორე მხარეს ნაპირი არა აქვს.

დღესდღეობით კი, ზღვის უთვალავჯერ ნახვის მიუხედავად, მაინც ვფიქრობ, რომ ეს ბაბუას ყველაზე გონივრული პასუხი იყო. ყოველი შემთხვევისათვის, არც ერთი ჩემი ურიცხვი წარმოსახვიდან არ შეესაბამებოდა ამ ჭუჭყიან, ბილწ, გაშლილ ზღვას, რომლის გვარჯილით, დამპალი მანგროს ხის ჩამოკაფული ტოტებითა და ნიუარის ნამსხვრევეებით მოფენილ სანაპიროზე გავლა ფაქტობრივად შეუძლებელი იყო. ყველაფერი ამაზრზენად გამოიყურებოდა.

შესაძლოა, „სიენაგას“ ზღვაზე დედაც იგივეს ფიქრობდა. მხოლოდ მაშინ, როცა მანქანის მარცხენა მხრიდან ზღვის კვალი უეცრად გაუჩინარდა, ამოიოხრა და თქვა:

— არ არსებობს უფრო დაკლაკნილი ზღვა, როგორც რიოაჩაშია!

მეც დრო ვიხელთე და დამხრჩვალე ქათმების მოგონება ვუამბე. სხვების მსგავსად, მან ეს ყველაფერი ბავშვობის პალუცინაციად აღიქვა. დედა გზაზე შემხვედრ ყოველ კუთხე-კუნჭულს ისეთი დაკვირვებით ათვალიერებდა, რომ სახის გამომეტყველებიდანვე ვხვდებოდი, რასაც ფიქრობდა. სარკინიგზო ხაზის მოპირდაპირე მხარეს „ბარიო დე ტოლერანსიას“ ჩავუარეთ, რომელიც, ერთის მხრივ, ფერადი ქონების უანგმოკიდებელი სახურავებით იწონებდა თავს, მეორე მხრივ კი, ფარდულზე დაკიდებული რგოლებიდან პარამარიბოს ბებრუხანა, პორტუგალურ ენაზე მოლაპარაკე თუთიყუშებით კლიენტებს იზიდავდა. ორთქლმავლების სარწყულეზე, უზარმაზარ რკინის სარდაფსაც გავცდით, რომელიც გადაშრენი ჩიტებისა და გზააბნეული თოლიების თავშესაფრად ქცეუ-

ლიყო. ქალაქი ისეთი მიხვეულ-მოხვეული გზებით შემოვიარეთ, რომ არც კი შევსულვართ. სამაგეროდ, კარგად დავინახეთ დატორილებული ფართო ქუჩები, ერთ-სართულიანი, ძველებური ქვიშის სახლები, რომლის ფანჯრებშიც გამთენიიდან პიანინოზე უწყვეტი დაკვრის ხმა ისმოდა. უეცრად დედამ თითით მიმანიშნა:

— შეხედე, — მითხრა. აი, სწორედ იქ არის სამყაროს დასასრული.

მე მის საჩვენებელ თითს თვალი გავაყოლე და სადგური დავინახე: ეს იყო გამოფიტული ხის შენობა თუთიის სახურავით, დაკიდებული აივნებითა და იმ პატარა, ხრიოკი მოედნით, ორას ადამიანს ძლივს რომ იტევდა. როგორც დედამ განმიმარტა, სწორედ აქ, ამ მოედანზე, 1928 წელს ჯარმა ბანანის პლანტაციების მუშათა დაუდგენელი რაოდენობა ამოჟლიტა. ბაბუასგან ეს ამბავი ათასჯერ მაინც მსმენია და მეხსიერებაში ისე ჩამებეჭდა, თითქოს მეც ამ მოვლენის მონაწილე ვიყავი: სამხედრო პირი იმ დადგენილებას კითხულობდა, რომლის მიხედვითაც გაფიცულ მუშათა რაზმი ბოროტმოქმედთა პარტიად გამოცხადდა. მცხუნვარე მზის ქვეშ მდგომ სამი ათას კაცს, ქალსა თუ ბავშვს, ოფიცრის ბრძანებით, ხუთ წუთში მოედანი უნდა გაეთავისუფლებინა. ამას მოჰყვა ცეცხლის გახსნის ბრძანება, ტყვიამფრქვევის ჯერის ხმა, პანიკისაგან დამფრთხალი ბრბო, რომელსაც საფანტი, გაუმაძლარი და გეგმაზომიერი მაკრატლის მსგავსად, მტკაველ-მტკაველ აცოტავენდა.

სიენაგას მატარებელი დილის ცხრა საათზე ჩამოდგებოდა ხოლმე, რომელსაც გემებიდან ან სიერადან

გადმოსული მგზავრები თხუთმეტ წუთში ბანანის პლანტაციების ზონაში გადაჰყავდა. რვა საათს გადაცილებული იყო, როცა მე და დედა სადგურს მივადექით. მატარებელი უკვე ჩამომდგარიყო, რომლის მგზავრებიც მხოლოდ ჩვენ გახლდით. დედამ ცარიელ ვაგონში ასვლისთანავე მხიარული ტონით წამოიძახა:

— რა ფუფუნებაა! მთელი მატარებელი ჩვენს განკარგულებაშია! ყოველთვის ვფიქრობდი, რომ დედაჩემის ეს მოჩვენებითი სიხარული უფრო იმედგაცრუების შენიღბვას ემსახურებოდა, რადგან ვაგონებს დროის მსახვრალი ხელი ერთი შეხედვითაც ეტყობოდა. უწინდელი მატარებლისაგან მხოლოდ მოჩვენებალა დარჩენილიყო: მოძველებულ, მეორე კლასის ვაგონებში მინებისა და ტირიფის ხის სკამების ნაცვლად, ლატაკებისთვის განკუთვნილი ცხელი და ხის თხელძირიანი სკამები დაგვდებოდათ; მესამე კლასის ვაგონი უფრო ხის ყუთს მაგონებდა, სადაც ბანანისა და მსხვერპლშეწირული პირუტყვის გვერდით, ლატაკნი გრძივ, უხეშ ხის სკამებზე მგზავრობდნენ. მეორე კლასის ვაგონს უწინ ტირიფის ხის სკამები და ბრინჯაოს ჩარჩოები ამშვენებდა. დერეფანში დაგებულ ნოხებითა და წითელი ხავერდის სავარძლებით მოწყობილი პირველი კლასის ვაგონით კი, ძირითადად, მთავრობის წევრები და ბანანის კომპანიის მაღალჩინოსნები სარგებლობდნენ. თუ კომპანიის სუპერინტენდანტი, მისი ოჯახი ან საპატიო სტუმარი მგზავრობდა, მატარებელს უკან მდიდრულ ვაგონს ჩაუბამდნენ ხოლმე, რომელსაც მზისვან დამცავი, მოოქროვილ ჩარჩოიანი ფანჯრები და ჩაის მისართმე-

ვი ღია ვერანდა ჰქონდა. თუმცა დღემდე ერთი მოკვდავიც კი არ მინახავს, ასეთი სადღესასწაულო კარეტის წარმოსახვა რომ შესძლებოდა. ბაბუაჩემს ალკალდის თანამდებობა ორჯერ ეკავა, გარდა ამისა, არც უსახსრობას უჩიოდა, თუმცა მეორე კლასის ვაგონით მხოლოდ მაშინ სარგებლობდა, როცა ოჯახის წევრი ქალი ახლდა. შეკითხვას, რატომ მგზავრობდა მესამე კლასით, პასუხობდა: „იმიტომ რომ არ არსებობს მეოთხე კლასის ვაგონი“. თუმცა იმხანად ყველაზე დასამახსოვრებელი, ალბათ, მატარებლის პუნქტუალურობა იყო. სოფლის საათებს ხომ სასტვენის ხმაზე ასწორებდნენ.

იმ დღეს, ამა თუ იმ მიზეზის გამო, მატარებელი საათნახევრის დაგვიანებით ზანტად, ჭრიალით დაიძრა. დედამ პირჯვარი გადაისახა, მაგრამ მალევე რეალობას დაუბრუნდა და თქვა:

— ამ მატარებლის რესორები დასაზეთია.

ვაგონში ჩვენ გარდა არავინ იყო, შესაძლოა მთელს მატარებელშიც კი, ამიტომაც ჩემს ინტერესს არც არაფერი იწვევდა. უილიამ ფოლკნერის „აგვისტოს ნათელის“ კითხვამ ისევ გამიტაცა, თან დაულალავად ვეწეოდი და გზადაგზა ზოგიერთი ადგილის გასახსენებლად თვალიც გამირბოდა. მატარებელმა გაბმული საყვირის თანხლებით სიერას დაბლობები გადაიარა და მთელი სისწრაფით ალისფრად მოელვარე კლდეებს შორის მოექცა, სადაც ვაგონების გრუხუნის ხმა უფრო აუტანელი გახდა. სულ რაღაც თხუთმეტ წუთში სვლა შეანელა და მშვიდი ქშინვით პლანტაციების მკრთალი ჩრდილის სიგრილეს შეერწყა. ზღვიდან მონაბერი სიო

აღარ იგრძნობოდა და დროც გაი-
რინდა. მართალია, ბანანის პლან-
ტაციების ჰერმეტიკულ სამეფოში შე-
ვალწიეთ, მაგრამ კითხვა მაინც არ
შემიწყვეტია.

აქაური სამყარო მართლაც შეცვ-
ლილიყო. სარკინიგზო ხაზების გა-
სწვრივ ხეივნები უსასრულოდ გა-
დაჭიმულიყო. იქვე ურემში შებმუ-
ლი, მკვანხე მტევნებით დატვირთუ-
ლი ხარებიც მოჩანდნენ. უნათესო
მიწებზე წითელი აგურით ნაშენი
ბანაკები და ჭერზე ვენტოლატორდა-
კიდებული ოფისები წამოუჭიმავთ,
ყაყაჩოებით მოფენილ მინდორს
კი განმარტოებით მდგარი საავა-
დმყოფო ამშვენებდა. აქ ყოველ სო-
ფელს თავისი მდინარე ჩამოუდიო-
და. კივილით მიმავალი მატარებ-
ლის ხმის გაგონებაზე ყოველი მდი-
ნარის ხიდზე ყინულივით ცივ წყა-
ლში მობანავე გოგონები საბალო-
სავით¹ ამოხტებოდნენ ხოლმე, თა-
ვიანთი დიდებული ძუძუებით მგზა-
ვრებისათვის გული რომ მოეკლათ.

რიოფრიოს დასახლებიდან მა-
ტარებელში არუაკების რამდენიმე
ოჯახი ამოვიდა. სიერას ყველაზე
გემრიელი ავოკადოს პირთამდე სა-
ვსე ზურგჩანთები მხარზე მოეგ-
დოთ. თავდაპირველად ვაგონი სულ
ხტუნვა-ხტუნვით შემოირბინეს,
თითქოს დასაჯდომად ხელსაყრელ
ადგილებს ეძებდნენ. როდესაც მა-
ტარებელმა გზა განაგრძო, ორი
თეთრკანიანი ქალბატონი ჩვილი
ბავშვით და ახალგაზრდა მღვდელი
დარჩნენ. მთელი გზის მანძილზე
ბავშვი გამუდმებით ტიროდა.
მღვდელს ჩექმები, მკვლევარის მუ-
ზარადი და უხეში ტილოს ოთხკუ-
თხედებად შემოკერებული ანაფო-
რა მიჰქონდა. ჩვილის ტირილს მის-

თვის ხელი არ შეუშლია და ისე სა-
უბრობდა თითქოს ამბიონზე დგა-
სო. მისი ქადაგების ძირითადი თე-
მა ბანანის კომპანიის დაბრუნების
შესაძლებლობას ეხებოდა. მას შე-
მდეგ, რაც ეს უკანასკნელი გაქრება
პლანტაციების ზონაში სალაპარა-
კოდ სხვა თემა აღარ არსებობდა.
შესაბამისად, აზრიც ორ ნაწილად
გაიყო: ერთნი, ვისაც უნდოდა და
მეორენი, ვისაც არ უნდოდა კომპა-
ნიის დაბრუნება. თუმცა, საბო-
ლოო ჯამში, ორივე მხარე ამ შესა-
ძლებლობას იმედის თვალით შეჰ-
ყურებდა. მღვდელი მოწინააღმდე-
გეთა ბანაკს განუკუთვნებოდა, ხო-
ლო საკუთარი პოზიცია ისეთი სუ-
ბიექტური არგუმენტით გამოხატა,
რომ ქალებს უაზროდაც კი მოეჩ-
ვენათ:

— სადაც კი კომპანია შეაღწევს,
ყველაფერი გაჩანაგდება.

თუ მისი საუბრიდან გამომდინა-
რე ვიმსჯელებთ, ეს ერთადერ-
თი ორიგინალური ფრაზა იყო.
მღვდელს მეტი აღარაფერი განუ-
მარტავს, ამიტომაც ბავშვიანმა ქა-
ლმა ის უმალვე შეარცხვინა და და-
უდასტურა, რომ მისი არგუმენტე-
ბი უფლის ნებასაც კი ეწინააღმდე-
გებოდა.

ნოსტალგიამ, ბუნებრივია, ავ-
ბედით მოგონებათა კვალიც გააქ-
რო, ტკბილი მოგონებანი კი — გა-
ნადიდა. მიყენებულ ზარალს ვერა-
ვინ გადაურჩა. ვაგონის ფანჯრიდან
მამაკაცები მოჩანდნენ. ისინი სა-
კუთარი ჯიშკრის წინ ისხდნენ და
ერთი შეხედვითაც ეტყობოდათ,
რასაც ელოდნენ. გვარჯილით გა-
ნოყიერებულ პლაჟებზე გამოსუ-
ლი მრეცხავებიც მიმავალ მატარე-
ბელს იმედის თვალით გასცქერო-
დნენ. აქ საქმიანი პორტფელით ჩა-
მოსული ყოველი მამაკაცი ხომ
„იუნაითიდ ფრუთ კომპანის“ წა-

¹ საბალო — კარიბის ზღვის
თევზი.

რმომადგენლად მიაჩნდათ, ის ვისაც მათთვის წარსულის დაბრუნება შეეძლო. ყოველ წერილობით ტექსტში, ვიზიტისა თუ შეხვედრის დროს, ადრე თუ გვიან, ეს საკრალური ფრაზა მაინც გაიჟღერებდა ხოლმე: „ამბობენ, რომ კომპანია დაბრუნდება“. არავინ იცოდა, ეს სიტყვები ვინ, როდის ან რატომ წარმოთქვა, თუმცა ამ ფრაზის ჭეშმარიტებაში ეჭვი არავის შეჰქონდა.

დედაჩემს თავი ყოველთვის უშიშრად მოჰქონდა. მშობლების გარდაცვალებისთანავე არაკატაკასთან ყოველგვარი კავშირი გაეწყვიტა. თუმცა მისი გამოტეხვა მხოლოდ სიზმრებს შეეძლოთ. ყველაზე უკიდურეს შემთხვევაში, საუზმობისას ხანდახან სიზმრის გამხელას მოისურვებდა ხოლმე, რომელიც უთუოდ ბანანის ციებ-ცხელების ნოსტალგიით იყო გაჯერებული. თავისი ცხოვრების ყველაზე მძიმე პერიოდი დედამ სახლის გაყიდვაზე ფიქრს შეაღია, იმ ილუზიას, რომ კომპანიის დაბრუნების შემთხვევაში, ის ოთხჯერ მეტ სარგებელს მოუტანდა. საბოლოოდ კი ამ მიზანმა რეალობის აუტანელ ზეწოლას ვეღარ გაუძლო. როცა მატარებელში მღვდელმა კომპანიის დაბრუნების ჭეშმარიტებას ხელმოწერედ გვაზიარა, დედა დანადვლიანდა და ყურში ჩამჩურჩულა:

— სამწუხაროა, მოსაცდელად ცოტაოდენი დროც კი არ გვრჩება, სახლი უფრო ძვირად რომ გავკეყიდა.

სანამ მღვდელი საუბრით იყო გართული, ხალხმრავალ მოედანსაც გავცდით, სადაც ორკესტრი მომქანცველი მზის ქვეშ მწუხრის მელოდიას ასრულებდა. ჩემთვის ყველა სოფელი ერთნაირი იყო. როცა „პაპალელოს“, დონ ანტონიო და-

კონტის ახლად გამომცხვარ კინო „ოლიმპიაში“ დავყავდი, ვამჩნევდი ხოლმე, რომ ვესტერნებში ასახული სადგურები ჩვენი/მატარებლისას ძალიან ჰგავდა. უფრო მოგვიანებით კი, როცა უილიამ ფოლკნერის კითხვა დაგიწყე, მის რომანებში აღწერილი სოფლებიც აქაურთან გავაიგივე. გასაკვირი არც იყო, ისინი ხომ „იუნაითიდ ფრუთ კომპანის“ მსგავსად, მესიანური შთაგონებით, დროებითი, სახელდახელოდ აღმართული ქანაკების სტილში იყო გადაწყვეტილი. უკლებლივ ყველა სოფელი მახსოვს: მოედანზე მდგარი ეკლესიითა და ჯადოსნური ზღაპრებიდან გაცოცხლებული, პრიმიტიული საღებავებით შეღებილი ქოხმახებით; მახსენდება შებინდებისას მომღერალ შავ მუშათა ბრიგადა; საკარმიდამო ფარდულების ქვეშ სატვირთო მატარებლის მომლოდინე გუშაგები; უქმეებზე ხმაურიანი დროსტარებით მოქანცული ტყის მჭრელები; მახსენდება არაკატაკასა და სევილიაში რკინიგზის მოპირდაპირე მხარეს გაშენებული გრინგოების¹ კერძო ქალაქები: ელექტროფიცირებული საქათმის მსგავსად, უზარმაზარი მავთულხართით გარშემორტყმულნი, მზისგან მეტისმეტად შებრაწული მერცხლების წყალობით შავად რომ ანათებდნენ; მახსენდება მათი უსიცოცხლო, ფარშევანგებითა და მწყერებით სავსე ცისფერი მდელოები, მავთულხლართით შემოღობილი ფანჯრები და წითლად გადახურული რეზი-

¹ გრინგო — ესპ. მექსიკაში: უპროტივცემულობის გამომხატველი მეტსახელი უცხოელისა (უპირატესად ა.შ.შ. წარმომადგენლისა), რომელიც არ ლაპარაკობს ესპანურად.

დენციები, ტერასებზე, დამტვე-
რილ პალმებსა და ვარდის ბუჩქებს
შორის სასადილოდ ჩადგმული
მრგვალი მაგიდები; ხანდახან, მა-
ვთულხლართის მიღმა, გაზის თავ-
საბურავსა და მუსლინის სამოსში
გამოწყობილი ქალბატონებიც გა-
მოჩნდებოდნენ ხოლმე, საკუთარ
ბალებში ყვავილებს ოქროს მაკრა-
ტლით რომ კრეფდნენ.

ბავშვობიდანვე მიჭირდა ერთი
სოფლის მეორისაგან განსხვავება.
არც ოცი წლის შემდეგ მიაღვილ-
დებოდა, რამეთუ არც ერთი სადგუ-
რის აბრას აღარ ამშვენებდა ეს
იდილიური სახელები — ტუკური-
ნკა, გუამაჩიტო, ნეერლანდია, გუ-
აკამაია. ისინი ხომ მხოლოდ ჩვენს
მეხსიერებას შემორჩინენ. მატარე-
ბელი სევილიაში დაახლოებით
დღის თორმეტის ნახევარზე ჩა-
მოდგა. მას ორთქლმავლის გამოც-
ვლა და წყლით მომარაგება ესაჭი-
როებოდა. სიცხეც სწორედ აქ ვიგ-
რძენით. მატარებელი ძაღვზე და-
იძრა. ახალი ორთქლმავალი ყოველ
ბრუნზე ნახშირის მტვრით გვაჯი-
ლდოვებდა, რომელიც შეუძინავი
ფანჯრიდან ადვილად აღწევდა და
შავი თოვლივით გვეფინებოდა.
მღვდელი და ქალები რომელიღაც
გაჩერებაზე ისე ჩავიდნენ, ვერც კი
შევამჩნიეთ. იმ ფაქტმა, რომ მე და
დედა ისევ მარტონი ვმგზავრობ-
დით ამ უულ მატარებელში, განწყ-
ობა უფრო მეტად დამიძძიმა. დე-
და ჩემს წინ იჯდა და ფანჯარაში
მომზირალს ორ-სამჯერ ჩასთვლ-
იმა კიდევ. თუმცა სწრაფადვე გა-
მოცოცხლდა და კიდევ ერთხელ,
შიშისმომგვრელი შეკითხვა მტყო-
რცნა:

— მაშ, რა ვუთხრა მამაშენს?

ასეც ვფიქრობდი, რომ დედა
არასდროს დათმობდა და ჩემი გა-
დაწყვეტილების საბოლოო დასამა-

რებისთვის სუსტ წერტილს ეძებ-
და. ცოტა ხნით ადრე კომპრომი-
სისკენაც მომიწოდა, მე კი დაუსა-
ბუთებლად უარი განვუცხადე. ვი-
ცოდი, დიდი ხნით უკან რომ არ და-
იხევდა. ახალი გამოცდა მომეწყო,
მე კი ამას ბრძოლისთვის განწყო-
ბილმა, უწინდელისგან განსხვავე-
ბით, მშვიდად ვუპასუხე:

— გადაეცით, ერთადერთი, რა-
საც ცხოვრებაში ვესწრაფვი —
მწერლობა და მივალწევ კიდევ.

— ვინც არ უნდა გამოხვიდე, თუ
აკადემიურ ხარისხს მოიპოვებ, არ-
ასდროს შეგეწინააღმდეგება.

დედა ისე მელაპარაკებოდა, არც
კი მიყურებდა, თითქოს ჩვენს დი-
ალოგზე მეტად ფანჯრიდან დანა-
ხულმა ცხოვრებისეულმა დინებამ
გაიტაცაო.

— არ ვიცი, ასეთ შეუპოვრობას
რატომ იჩენთ; ხომ იცით, არაფერს
დავთმობ, — ვუთხარი მას.

მყისვე თვალეში ჩამხედა და
ცნობისმოყვარეობით შეპყრობილ-
მა მკითხა:

— რატომ გგონია, რომ ვიცი?

— იმიტომ რომ, მე და თქვენ
ერთნაირები ვართ, — ვუთხარი.

მატარებელი უკაცრიელ სადგუ-
რზე გაჩერდა, ცოტა ხნის შემდეგ
კი ბანანის პლანტაციის იმ ერთად-
ერთ სამფლობელოს ჩაუარა, რომ-
ლის აბრაზეც შემდეგი სახელი იკ-
ითხებოდა: „მაკონდო“. ამ სიტყ-
ვამ ჩემი ყურადღება ჯერ კიდევ
ბაბუასთან ერთად პირველი მოგ-
ზაურობისას მიიქცია, მაგრამ მხო-
ლოდ მოზრდილმა აღმოვაჩინე, რომ
მე ამ სიტყვის პოეტური ფლერადო-
ბა მომწონდა. შემთხვევით ენციკ-
ლოპედიაში ამოვიკითხე, რომ მა-
კონდო სეიბას¹ მსგავსი ტროპიკუ-

¹ სეიბა — მსხვილტანიანი ტრო-
პიკული ხე.

ლი ხეა, რომელიც არც ყვავილს იძლევა და არც ნაყოფს, სამაგიეროდ მის პოროვან მერქანს თურმე კარჭაპებისა და ჭურჭლეულობის დასამზადებლად იყენებდნენ. უფრო მოგვიანებით, ბრიტანულ ენციკლოპედიაში აღმოვაჩინე, რომ ტანგანიიკაში მაკონდოელებისაგან წარმომდგარი ეთნიკური ჯგუფი არსებულა და მეც სიტყვის წარმოშობა ამ ფაქტს დავუკავშირე. თუმცა ეს ხე არასდროს მინახავს. ბანანის პლანტაციების ზონაში ბევრჯერ ვიკითხე და პასუხი ვერავისგან მივიღე. შეიძლება ის არც არასდროს არსებულა.

მატარებელმა მაკონდოს სამფლობელოს თერთმეტ საათზე ჩაუქროლა, ათ წუთში კი არაკატაკაში უნდა გაჩერებულიყო. ის დღეც, როცა მე და დედა სახლის გასაყიდად მივდიოდით, საათნახევრით გვიან მიიღია. მე საპირფარეშოში გახლდით, როცა მატარებელმა სიჩქარეს უმატა. ჩატეხილი ფანჯრიდან მონაბერი პირქუში და მწველი ქარი მოძველებული ვაგონების გრუნუნისა და ორთქლმავლის დაფეთებული სასტვენის ხმას შეერწყა. გული ისე მიცემდა, კინაღამ გონება დავკარგე, გულისრევის შეგრძნებამ კი — შიგნეულობა გამიყინა. ისეთი გრძნობა დამეუფლა, თითქოს მიწა იძრაო და საპირფარეშოდან მთელი სისწრაფით გამოვვარდი. დედა აუღელვებლად იჯდა და ხმამაღლა იმ ადგილებს თვლიდა, ფანჯრიდან წუთისოფლის მსგავსად, წამიერად რომ უჩინარდებოდნენ.

— ეს ის ნაკვეთებია, მამაშენს ოქროს ფასად რომ მიჰყიდეს, — თქვა დედამ.

მატარებელმა ელვის სისწრაფით ჩაუქროლა იმ უცხოელი მასწავლებლების სახლს, რომელსაც ერთი

მხრივ, აყვავებული ბალი, მეორე მხრივ კი ჭიშკარზე გაკრული ინგლისურენოვანი აბრა ამშვენებდა: „The sun shines for all“¹

— ეს იყო პირველი ზრახვა, ინგლისურ ენაზე ბრძოლა მუქსწავლე, — მითხრა დედამ.

— პირველი არა, ერთადერთი, — ვუპასუხე.

ბეტონის ხიდი და ის მღვრიე სარწყავი არხიც გავიარეთ, თავის დროზე გრინგოებმა პლანტაციების მოსარწყავად რომ გაიყვანეს.

— ეს კი სიცოცხლით სავსე ქალების უბანია, სადაც მამაკაცები სანთლების ნაცვლად აგიზგიზებულ ქალაღდის დასტით ხელში კუმბიამბას ცეკვავდნენ და განთიადს ასე ეგებებოდნენ, — თქვა დედამ.

თვალის დახამხამებაზე თებერვლის იმ კაშკაშა კვირა დღეს მატარებლის ფანჯარაში სოფლის სრული სურათი აირეკლა: მზისგან გადამწვარი ნუშის ხეები, ხის ვარცლები სკამების ნაცვლად და სოფლის იმ პატარა სკოლის ბალი, სადაც წერა-კითხვა შევისწავლე.

— სადგური! — წამოიძახა დედამ. რამ შეცვალა ასე ეს ქვეყანა, მატარებელს არავინ რომ არ ელოდება.

ორთქლმავალმა სტვენა შეწყვიტა, სვლა შეანელა და ბოლოს, ხანგრძლივი ქოთქოთის შემდეგ, გაჩერდა კიდევ. პირველი, რამაც ამ აღელვა, მღუმარება იყო. ის ყოფითი მღუმარება, მსოფლიოს დუმბილთა ფონზე თვალემახვეულს რომ ჰკავდა. გავარვარებული მზის ათინათი იმდენად გაძლიერდა, რომ

¹ „The sun shines for all“ — ინგ. „მზე ყველასთვის ერთნაირად ანათებს“.

ყველაფერმა ირგვლივ გამდნარი
მინის ფორმა მიიღო. სიცოცხლის
ნიშანწყალიც კი არსად იგრძნობო-
და. ყველაფერს მზეზე მოციმციმე
მტვრის თხელი ფენა ფარავდა. მი-
ყრუებული ქუჩებისა და დასამარე-
ბული სოფლის მზერით შეძრწუნე-
ბული დედა რამდენიმე წუთით
გაუნძრევლად იჯდა, ბოლოს კი,
თავზარდაცემულმა წამოიძახა:

— ღმერთო ჩემო!

ეს ერთადერთი ფრაზა იყო, მა-
ტარებლიდან ჩასვლამდე რომ წარ-
მოსთქვა.

სანამ მატარებელი უძრავად იდ-
გა, ვგრძნობდი მთლად მარტონი
არ ვიყავით. მალევე გულგამგირა-
ვი საყვირის ხმა გაისმა და მატა-

რებელიც დაიძრა. მწველი მზისგან
დაუცველებს თითქოს მთელი სო-
ფლის მწუხარებაც თავს დაგვიტყუ-
დაო. თუმცა ერთმანეთისთვის არა-
ფერი გვითქვამს. თუთიის სასურა-
ვითა და დაკიდებულნი ვიყავით,
თავმომწონედ მდგარმა ხის ძველმა
სადგურმა ვესტერნებში ნანახი
ტროპიკული ვერსია გამახსენა. მი-
ტოვებულ სადგურსაც გავცდით,
რომლის მოძველებული ფილებიც
ამოსულ ბალახს დაეხეთქა და სი-
ესტის ხვატში ჩანთქმულნი ყოველ
წუთს ნუშის ხეების ჩრდილქვეშ
შეფასებას ვლამობდით.

2002 წ.



ლევ ტოლსტოი

თარგმნა ანზორ სანშაძემ



და მაინც, რა ვაკეთოთ!

ეკითხებოდა მას ხალხი, მაშ რაღა ვქნათო? პასუხად ეტყოდა მათ: „ვისაც ორი მოსასხამი აქვს, მისცეს უქონელს. ვისაც საზრდო აქვს, ისიც ასე მოიქცეს“ (ლუკა III, 10, 11).

ნუ დაიუნჯებთ დედამიწაზე, სადაც ჩრჩილი და ჟანგი სპობს და სადაც ქურდები თხრიან და იპარავენ.

დაიუნჯეთ ცაში, სადაც არც ჩრჩილი და ჟანგი სპობს და სადაც არც ქურდები თხრიან და იპარავენ.

ვინაიდან, სადაც შენი საუნჯეა, შენი გულიც იქვე იწყება.

სხეულის სანთელი თვალია; ჰოდა, თუ შენი თვალი სუფთაა, მთელი შენი სხეულიც ნათელი იქნება.

ხოლო თუ შენი თვალი ბოროტია, მთელი შენი სხეულიც ბნელი იქნება. ამრიგად, თუკი ნათელი, რომელიც შენშია, სიბნელეა, სიბნელე რამდენად დიდი იქნება?

არავის არ შეუძლია ორ ბატონს ემსახუროს: ან ერთი უნდა სძულდეს და მეორე უყვარდეს; ანდა იმ ერთს შეეთვისოს და მეორე დაამციროს. ვერ შეძლებთ ღმერთსაც ემსახუროთ და მამონისაც.

ამიტომ გეუბნებით თქვენ: ნუ ზრუნავთ თქვენი სულისათვის, რა ჭამოთ ან რა სვათ, ნურც თქვენი სხეულისათვის, თუ რითი შევიძლოსოთ. განა სული საზრდოზე მეტი არ არის და სხეული — სამოსელზე?

ამრიგად, ნუ ზრუნავთ და ნუ ამბობთ: რა ვჭამოთ? ან: რა ვსვათ? ან: რითი შევიძლოსოთ?

ვინაიდან ყოველივე ამას წარმართნი ეძებენ; ვინაიდან თქვენმა ზეციურმა მამამ იცის, რომ თქვენ გჭირდებათ ყოველივე ეს.

თქვენ კი უწინარეს ეძიეთ ღვთის სასუფეველი და მისი სიმართლე, და ეს ყოველივე შეგემატებათ.

ამრიგად, ნუ იზრუნებთ სვალინდელ დღეზე, ვინაიდან სვალინდელი დღე თვითონ იზრუნებს თავის თავზე. ყოველ დღეს საკმარისად აქვს თავისი საზრუნავი (მათე VI, 19-25, 31-34).

კიდევ გეუბნებით თქვენ: უმალ აქლემი გაძვრება ნემსის ყუნწში, ვიდრე მდიდარი შევა ღვთის სასუფეველში (მათე XIX, 24; ლუკა XVIII, 25; მარკოზი X, 25).

I.

მე მთელი ცხოვრება ქალაქში არ მიცხოვრია. როცა 1881 წელს საცხოვრებლად მოსკოვში გადავედი, ქალაქურმა სიღარიბემ გამაკვირვა. მე ვიცნობ სოფლურ სიღარიბეს; მაგრამ ქალაქისა ჩემთვის ახალი და გაუგებარი იყო. მოსკოვში არ შეიძლება ქუჩაში ისე გაიარო, რომ ღარიბებს არ შეხვდე, თანაც განსაკუთრებულ ღარიბებს, რომლებიც

სოფლებს არ გვანან. ეს ღარიბები — არ არიან გუდიანი და ქრისტეს სახელით მოწყალეების მთხოველი მათხოვრები, როგორც თავის თავს უწოდებენ ხოლმე სოფლის ღარიბები, არამედ ესენი არიან გუდიანი და ქრისტეს სახელის გარეშე მოწყალეების მთხოველი მათხოვრები. მრავალნი ღარიბები გუდას არ ატარებენ და მოწყალეებს არ ითხოვენ. ისინი, უმეტესწილად, როცა გვხვდებიან ან გვერდზე ჩაგივლიან მსუქან ლოდ თქვენთან თვალებით შეხედრას ცდილობენ. და თქვენს უმთხვევად დვიდან გამომდინარე, ისინი ან გთხოვენ ან არა. მე ვიცნობ აზნაურული წარმომავლობის ერთ ასეთ ღარიბს. მოხუცი ნელა დადის და თითოეულ ფეხზე იხრება. როცა ის გვხვდებათ, ერთ ფეხზე იხრება და თითქოსდა თავს ვიკრავთ. თუკი თქვენ ჩერდებით, ის კოკარდიან ქუდზე ხელს იკიდებს, თავს ვიკრავთ და გთხოვთ; თუ თქვენ არ ჩერდებით, ის ცდილობს ისეთი სახე მიიღოს, თითქოს მხოლოდ მან იცის ასეთი სიარული, ისევ აგრძელებს გზას და მეორე ფეხზე იხრება. ეს ნამდვილი მოსკოველი ნასწავლი ლატაკია. თავიდან არ ვიცოდი, მოსკოველი მათხოვრები პირდაპირ რატომ არ ითხოვენ, მაგრამ შემდეგ ვავიგე, თუ რატომ არ ითხოვენ ისინი, მაგრამ ვერ გავიგე მათი მდგომარეობა.

ერთხელ აფანასევის შესახვევში გავლისას დავინახე, რომ ქალაქის პოლიციელი ეტლზე სვამდა წყლულებისაგან გასიებულ და დაძონძილ კაცს. მე ვკითხე:

- რისთვის?
- ქალაქის პოლიციელმა მიპასუხა:
- მოწყალეების თხოვნისათვის.
- ნუთუ ეს აკრძალულია?
- როგორც ხედავთ, აკრძალულია, — მიპასუხა პოლიციელმა.

წყლულიანი ავადმყოფი ეტლით წაიყვანეს. მე მეორე ეტლი გავაჩერე და მათ გავყევი. მინდოდა გამეგო, მართლა აკრძალულია თუ არა მოწყალეების თხოვნა და როგორ არის ეს აკრძალული. მე არ შემიძლო გაგება, როგორ შეიძლება აუკრძალო ერთ ადამიანს რაიმე სთხოვოს მეორეს, გარდა ამისა, არ მჯერა, რომ აკრძალული იყო მოწყალეების თხოვნა, მაშინ როცა მოსკოვი საფსეა ლატაკებით.

შევედი იმ განყოფილებაში, სადაც ღარიბი მიიყვანეს. განყოფილებაში მაგიდასთან ხმლიანი და პისტოლეთიანი კაცი იჯდა. ვკითხე:

- რისთვის დაიჭირეთ ეს კაცი?

ხმლიანმა და პისტოლეთიანმა კაცმა მკაცრად შემომხედა და თქვა:

- რა თქვენი საქმეა? — მაგრამ გრძნობდა ჩემთვის რაიმეს გან-

მარტების აუცილებლობას, დასძინა: — უფროსობა გვავალებს, რომ ასეთები დავიჭიროთ; მაშასადამე, საჭიროა.

მე წამოვედი. პოლიციელი, რომელმაც მათხოვარი მოიყვანა, წინკარში ფანჯრის რაფაზე იჯდა, და რომელიღაც უბის წიგნაკში უხალისოდ იყურებოდა. მე მას შევეკითხე

- მართალია, რომ ღარიბებს ქრისტეს სახელით მათხოვრობას უკრძალავენ?

პოლიციელი გამოფხიზლდა, შემომხედა, შემდეგ კი არა თუ დაიბღვირა, თითქოს ხელახლა დაიძინაო და ფანჯრის რაფაზე დაჯდომისას თქვა:

— უფროსობა გვაგალებს — მაშასადამე, საჭიროა, და კვლავ თავის უბის წიგნაკს მიუბრუნდა.

მე პარმალთან გამოვედი და მეეტლესთან მივედი.

— მაშ, აიყვანეს? — შემეკითხა მეეტლე. ამ საქმემ, როგორც ჩანს, მეეტლეს დააინტერესა.

— აიყვანეს, — ვუპასუხე მე.

მეეტლემ თავი გადააქნია.

— როგორ, თქვენთან, მოსკოვში, ქრისტეს სახელით მათხოვრობა აკრძალულია თუ რა? — შევეკითხე მე.

— ვინ იცის? — თქვა მეეტლემ.

— როგორ, — ვთქვი მე, ლატაკი ქრისტიანია, ის კი განყოფილებაში მიჰყავთ?

— ეს ახლა უკვე მიატოვეს, აღარ ავალებენ, — თქვა მეეტლემ.

ამის შემდეგ კიდევ რამდენჯერმე ვნახე, პოლიციელებს როგორ მიჰყავდათ ღარიბები განყოფილებაში და იქიდან იუსუპოვის მუშათა სახლში.¹

ერთხელ ასეთი ღარიბების ბრბოს მიასნიკოვის ქუჩაზე შევხვდი, დაახლოებით ორმოცდაათ კაცს. წინ და უკან პოლიციელები მიჰყვებოდნენ. შევეკითხე:

— რისთვის?

— მოწყალეების თხოვნისათვის.

გამოდოდა, რომ კანონით მოსკოვში მოწყალეების თხოვნა აკრძალული აქვს ყველა ლატაკს, რომლებიც მოსკოვში თითოეულ ქუჩაზე რამდენიმე გვხვდება და რომელთა მწკრივებიც დგას ხოლმე ყოველ ეკლესიასთან წირვის, განსაკუთრებით კი გასვენების დროს.

მაგრამ რატომ არის, რომ ზოგიერთს იჭერენ და სადღაც ამწყვრევენ, ხოლო სხვებს ტოვებენ? მე ამის გაგება მაინც ვერ შევძელი. ან მათ შორის არიან კანონიერი და უკანონო ღარიბები, ან ისინი ისე ბევრია, რომ შეუძლებელია ყველას დაჭერა, ან ზოგიერთებს იჭერენ, ხოლო სხვები კვლავ გროვდებიან?

ღარიბები მოსკოვში ბევრია, ყველანაირი: არიან ისეთები, რომლებიც ამით ცხოვრობენ; არიან ნამდვილი მათხოვრებიც, ისეთები, რომლებიც რატომღაც მოხვდნენ მოსკოვში და ზუსტად გაჭირვებაში.

ამ ღარიბებს შორის ხშირად გვხვდებიან გლეხურ ტანსაცმელში გამოწყობილი უბრალო გლეხები და დედაკაცები. მე ხშირად შევხვედრივარ ასეთებს. ზოგიერთი მათგანი აქ დაავადმყოფდა, საავადმყოფოდან გამოვიდა და არც თავის რჩენა შეუძლია, არც მოსკოვიდან წასვლა. გარდა ამისა, ზოგიერთი მათგანი ლოთობდა კიდევ (ალბათ ასეთი იყო ის დაწყულულებული ავადმყოფიც). ზოგიერთი არ იყო ავადმყოფი, მაგრამ იყო სახლ-კარ დამწვარი, ან მოხუცი, ან ბავშვებიანი

¹ რუსეთში „მუშათა“ სახლები წარმოიშვა XVIII საუკუნის მეორე ნახევრიდან და იარსება ოქტომბრის რევოლუციამდე. წარმოადგენდა იძულებითი შრომის ადგილს ლატაკებისა და უსახლკაროებისათვის. აქ აღნიშნული სახლი აშენდა 1836 წელს თავად ბ. ნ. იუსუპოვის საქალაქო მამულში (ხარიტონოვის დიდ შესახვევში. სუფთა ტბების მახლობლად).

დედაკაცი; ზოგიერთი კი სრულიად ჯანმრთელი და შრომისუნარიანი იყო. მე განსაკუთრებით მაინტერესებდა, ეს, სრულიად ჯანმრთელი, მოწყალეების მთხოვნელი კაცები. ეს ჯანმრთელი, შრომისუნარიანი ლატაკი — კაცები მე კიდევ იმიტომ მაინტერესებდა, რომ მოსკოვში ჩემი ჩამოსვლის შემდეგ ჩვევად გავიხადე მოციონისათვის ვიწრობილვის მთებზე სამუშაოდ იმ ორ კაცთან მივსულიყავი, რომლებიც იქვე მას ხერხავდნენ. ეს ორი კაციც ზუსტად ისეთივე ლატაკი იყო, როგორც ისინი, ვისაც ქუჩებში ვხვდებოდი. ერთი იყო კალუგელი ჯარისკაცი — პეტრე, მეორე — ვლადიმირელი გლეხი, სიმონი. მათ, თავიანთი ხელებისა და იმ სამოსის გარდა, რაც ზედ ეცვათ, არაფერი გააჩნდათ. და ამ ხელებით, ძალიან მძიმე შრომით ისინი დღეში 40-დან 45 კაპიკამდე გამოიმუშავებდნენ, რომლიდანაც ორივენი გარკვეულ ნაწილს ინახავდნენ — კალუგელი ქურქისათვის, ხოლო ვლადიმირელი იმისთვის, რომ სოფელში გასამგზავრებელი ფული დაეგროვებინა. ამიტომ ქუჩაში ასეთივე ადამიანების ნახვისას მე განსაკუთრებით ვინტერესდებოდი მათით.

რატომ არის, რომ ისინი მუშაობენ, ესენი კი მათხოვრობენ?

ასეთი კაცის ნახვისას მე, ჩვეულებრივ, ვეკითხებოდი, როგორ მივიდა ის ასეთ მდგომარეობამდე. ერთხელაც ვხვდები წვერებში ჭალა-რაშერეულ, ჯანმრთელ კაცს. ის მათხოვრობს; ვეკითხები, ვინ არის, სადაურია. ამბობს, რომ სამუშაოდ კალუგიდან ჩამოვიდა. თავდაპირველად იშოვეს სამუშაო — ძველმანების შეშად დაჭრა. ამხანაგთან ერთად ერთ მეპატრონესთან ყველაფერი დახერხეს; ეძებეს სხვა სამუშაო, ვერ იპოვეს, ამხანაგმა მიატოვა, და აი უკვე მეორე კვირაა, ასე იბრძვის, ყველაფერი, რაც ჰქონდა, გამოჭამა — არც ხერხის, არც საპოხი ცულის საყიდელი ფული არ გააჩნია. მე მას ვაძლევ ხერხის ფულს და ვუჩვენებ ადგილს, სადაც სამუშაოდ უნდა მივიდეს. წინასწარ უკვე მოველაპარაკე პეტრესა და სიმონს, რათა მათ მიიღონ ამხანაგი და მას მეწილე მოუძებნონ.

— აუცილებლად მიდი. იქ ბევრი სამუშაოა.

— მივალ, როგორ არ მივალ! განა შეხალისება მათხოვრობა, — ამბობს იგი. მე მუშაობა შემიძლია.

გლეხი იფიცება, რომ მივა და, მე მგონია, რომ ის არ იტყუება, არამედ განზრახული აქვს მისვლა.

მეორე დღეს მივდივარ ნაცნობ კაცებთან. ვეკითხები, მოვიდა თუ არა გლეხი. არ მოსულა. და ასე რამდენიმე კაცმა მომატყუა. მე ისეთებმაც მომატყუეს, რომლებიც ამბობდნენ, რომ მათ ფული მხოლოდ ბილეთისათვის სჭირდებათ, რათა სახლში გაემგზავრონ, ხოლო ერთი კვირის შემდეგ კვლავ ქუჩაში მხვდებოდნენ. ბევრი მათგანი უკვე ვიცანი და მათაც მიცნეს, ხოლო ზოგჯერ, თუ აღარ ვახსოვდი, იმავე ტყუილს მიმეორებდნენ, ზოგჯერაც, როცა თვალს შემასწრებდნენ, მიდიოდნენ. ასე, მე ვნახე, რომ მათ შორისაც ბევრი მატყუარაა; მაგრამ ეს მატყუარებიც ძალიან საცოდავები იყვნენ; ყველა ისინი ნახევრად შიშველი, ლატაკი, გამხდარი, ავადმყოფური გარეგნობის ადამიანები იყვნენ; ესენი სწორედ ისინი იყვნენ, რომლებიც, როგორც ჩვენ გახეთებიდან ვიცით, მართლა იყინებიან ან თავს იხრჩობენ.



ეროვნული
ბიბლიოთეკა

მირზაკარიმ ნორბეკოვი

ფსიქოლოგიის მეცნიერებათა დოქტორი, პედაგოგიკის დოქტორი, ფილოსოფიის დოქტორი მედიცინაში, რუსეთისა და საზღვარგარეთის რიგი აკადემიების ნამდვილი წევრი და წევრკორესპონდენტი, უამრავი დაპატენტებული მეცნიერული გამოგონებებისა და აღმოჩენების ავტორი.

მაგრამ ამაზე მოგვიანებით...



მოსკოვის ადამიანის თვითაღდგენის ინსტიტუტის ამერიკავკასიის წარმომადგენლობა გთავაზობთ უნიკალურ წინგ-ტრენინგს, რომელიც მიმართულია ადამიანის ორგანიზმის თვითრეგულაციისა და თვითაღდგენისკენ, მისი შინაგანი პოტენციის ამოქმედებისა და გამოყენებისაკენ, ასევე წიგნში თქვენ შეძლებთ მოიპოვოთ პასუხი უამრავ კითხვაზე და იმ პრობლემებზე, რომელიც გაწუხებთ, თუმცა ხშირად ვერც კი აცნობიერებთ მათ.

წიგნი დასაბეჭდად მოამზადეს და რედაქციას მოაწოდეს მოსკოვის ადამიანის თვითაღდგენის ინსტიტუტის წარმომადგენლებმა ამერიკავკასიაში: ხათუნა მუზაშვილმა და ბექა თოფურიამ. ტელ: 98.36.76.



თარგმნა ჯამალ ჟალიძემ

სულელის გამოცდილება, ანუ თვალის ახელის გასაღები
როგორ გადავაგდოთ სათვალე

რეკლამა წიგნისა, რომელიც ხელში გიჭირავთ

უმორჩილესად გთხოვთ, იუმორზე აცრილ ადამიანებს, ადამიანებს კასტრირებული ოპტიმიზმის გრძნობით, ჰიპერტროფირებული გაბუტულობით, სიცრუის ხელოვნების, ანუ ეთიკის სპეციალისტებს, სამსახურიდან გამოგდებულებს ან გამოგდებადაპირებულებს, სიბერე შეპარებულებს, ან სიბერეზე მოფიქრალთ, განქორწინებულებს ან მათ ვინც განქორწინებას აპირებს, ვისაც საერთოდ არ გააჩნია სექსუალურობა, ასევე მეტეორიზმით დაავადებულ ჭკუისკოლოფებს და განსაკუთრებით ცხვირზე მოდურ სანტექნიკა დაკოფსებულ „აჩკარიკებს“

ამ წიგნის
ხელში ალებას,
წაკითხვას
და, მითუმეტეს, ამ წიგნით ვარჯიშს
არ გირჩევთ!



მიუხედავად იმისა, რომ წიგნში ყველა ამ პრობლემას ვწყვეტთ დადებითად, იგი მაინც არაა თქვენთვის დაწერილი!

ავტორის შესახებ

მირზაკარიმ ნორბეკოვი კურსებზე ხშირად იმეორებს: „მე ისეთივე ჩვეულებრივი ადამიანი ვარ, როგორც ყველა, არც თქვენზე მეტი, და, ვიმედოვნებ, არც ნაკლები. რასაც მე მივალწიე ცხოვრებაში, თქვენც შეგიძლიათ მიაღწიოთ, მთავარია მონდომება!“

მან კი მართლაც ბევრს მიაღწია. დღეს ნორბეკოვი არის ფსიქოლოგიის მეცნიერებათა დოქტორი, პედაგოგიკის დოქტორი, ფილოსოფიის დოქტორი მედიცინაში, რუსეთისა და საზღვარგარეთის რიგი აკადემიების ნამდვილი წევრი და წევრკორესპონდენტი, უამრავი დაპატენტებული მეცნიერული გამოგონებებისა და აღმოჩენების ავტორი.

მირზაკარიმ ნორბეკოვი — ჭეშმარიტი მეცნიერი მკვლევარი.

მისი ინტერესების სფერო ფართოა. უკვირთ, როგორ ითავსებს ყოველივე ამას ერთი ადამიანი — მხატვარი, კომპოზიტორი, მწერალი, კინორეჟისორი, მსახიობი, სპორტსმენი, მწვრთნელი, შავი ქამრის მფლობელი კარატეში მეორე დანი და შავი ქამრის მფლობელი სამ-ჩონ-დო-ში მეცხრე დანი, რაც მთავარია, წიგნის ავტორი — სპეციალისტი, სუფისტური მედიცინისა და პრაქტიკის, რომელიც ერთ-ერთი უძველესია ყველა არსებულთ შორის.

სუფიზმი — სიბრძნის მოძღვრებაა, რომელიც აღმოსავლური კლასიკური ფილოსოფიის ტრადიციას მიეკუთვნება.

მან მისცა მსოფლიოს ალგებრა, დამწერლობა, მისგან იღებს სათავეს სამი ძირითადი რელიგია.

სუფიები ღრმად მორწმუნენი არიან. თუმცა საკუთარი წმინდა ქალაქები, ტაძრები, იერარქია და ატრიბუტიკა არ გააჩნიათ. ტაძარი ღვთის გულშია. მისინი არ უარყოფენ არც ერთ რელიგიას, ღმერთის შესახებ მსჯელობა კი ფარისევლობად მიაჩნიათ. ყველას შეუძლია სიკეთეზე ლაპარაკი!

ეს ადამიანები სიტყვას საქმეს ამჯობინებენ! მოქმედებით, საქმიანობითა და საკუთარი ცხოვრებით ირგვლივ სიყვარულს თესენ და ყველგან იცავენ ღვთიურ სინათლეს. სუფიები — სინათლის რაინდები არიან, სიკეთის, სიყვარულის, ჰარმონიის, სილამაზისა და სიბრძნის მცველნი. გარეგნულად არაფრით გამოირჩევიან ჩვეულებრივი ადამიანებისგან. ცხოვრობენ ჩვეულებრივად: მუშაობენ, ბავშვებს ზრდიან,

ახლობლებზე ზრუნავენ; მათი მთავარი წესია „გული ღმერთთან, ხელელები — შრომაში“.

მირზაკარიმ ნორბეკოვი სუფიაა, ანუ მოხეტიალე დერვიში. მან აირჩია შემოქმედებითი გზა მსახურებისა, გზა ცოდნის შენახვისა და გადაცემისა მასწავლებლიდან მოსწავლემდე, რათა ათასწლეულობით დაგროვილი სიბრძნე ხელმისაწვდომი გახდეს მათთვის, ვინც მსჯელობდა ამის მისაღებად.

ყველა სფეროში ჰყავს მიმდევრები, მისი გზის გამგრძელებელი. ეს აძლევს მას საშუალებას, არ იდგეს ერთ ადგილას, იაროს წინ, დაიპყროს ახალი სიმაღლეები.

მის გვერდით ყოფნა არ არის ადვილი. მის მხარდამხარ მუშაობა მოითხოვს მუდმივ სრულყოფილებას, შინაგან ცვლილებებს, რათა მასთან ერთად იარო წინ და წინ.

იგი მომთხოვნი, მკაცრი და გაბედულია, როცა საქმე ჩანაფიქრის განხორციელებას ეხება. ყველა ადამიანს აძლევს შანსს, გაიხსნას და წარმოაჩინოს ღვთისმომადგენელი ბუნება. თქვენ, ძვირფასო მკითხველო, ეს შესაძლებლობა ამ წიგნის საშუალებით გეძლევათ.

უძველესი ადამიანები ზეცას ერთიანობისა და მარადისობის სიმბოლოდ აღიქვამდნენ. როცა ადამიანები ვარსკვლავებს შესცქერიან, თუნდაც ერთმანეთისგან შორს მყოფნი, მაინც ერთნი არიან. დაე, ამ წიგნის ფურცლები იქცნენ მცირე სიმბოლოებად, რომლებიც გაგვაერთიანებს ჯანმრთელობისა და წარმატების გზაზე და ყოველთვის, როცა ამ წიგნს ხელში აიღებთ, გახსოვდეთ — ჩვენ ერთად ვართ!

ლიტერატურული რედაქტორი.

მჯლავნელისაგან, ანუ ჩემგან

ძვირფასო მკითხველო!

თქვენს ხელთაა წიგნი, რომელიც დაიწერა თქვენთვის, რათა დაგეხმაროთ მხედველობის აღდგენაში, გაგიღვიძოთ სულში ფარული უნარი და მოახდინოს თქვენი, როგორც პიროვნების რეალიზება.

მზად იყავით, წიგნის პირველივე სტრიქონებიდან შეცბუნდებით, სულში უარყოფითი ემოციების ქარიშხალი ამოვარდება, ავტორის მიმართ შეგუქმნებათ უკმაყოფილების, არაკეთილგანწყობის, ბრაზის, წყენისა და აგრესიის გრძნობა.

მზად ვარ ყველაფერი საკუთარ თავზე ავიღო. და თუ მართლაც ყოველივე ასე მოხდება, ჩავთვლი, რომ მიზანი მიღწეულია.

წინასწარ ვიცი, იტყვი, რომ წიგნები ასე არ იწერება!!!

ის, რაც ზეპირად შეიძლება ითქვას, დაუშვებელია ბეჭდურ გამოცემაში!!!

რომ ყოველგვარი შეურაცხყოფა და უხეშობა ვულგარულია და ავტორსა და მწერალს არ შეეფერება!!!

რომ არსებობს ეთიკის ვარკვეული საზღვრები, ნორმები და მორალი, რომლის გადალახვა არც ერთ შემთხვევაში არ შეიძლება და რომ წარმოუდგენელია ამის გამართლება!!!

რომ ეს ყოველივე შეიძლება დელიკატურად აიხსნას, ინტელიგენტურად განიმარტოს, მაშინ ყველა ყველაფერს გაიგებს და მიხვდება და ა. შ.

მეც ასე ვფიქრობდი 20 და მეტი წლის წინ, როცა ექიმებზე, მათ/ პროცედურებზე და წამლებზე ვიყავი დამოკიდებული, ცხვერუშვილი არარეალიზებული, უპერსპექტივო, თვითმკვლელობაზე მთავარი ადამიანი.

ღიას! იყო ასეთი მომენტი!

აბა, სხვა რა უნდა მოსთხოვო სისხლის ხელოვნურად გამწმენდ აპარატთან „მიჯაჭვულ“ პირველი ჯგუფის ინვალიდს?! სასიკვდილოდ განწირულს?! და ეს მხოლოდ 20 წლის ასაკში!

ოფიციალური მედიცინა, ასეთ დაავადებას ვერ ჰკურნავს, მომაკვდავს მხოლოდ აკვირდებიან, არსენალში არსებული საშუალებებით ეხმარებიან და უყურებენ, როგორ ქრება ნელ-ნელა სიცოცხლე.

განა, ეს საშინელება არაა?!

იმდენად ვაფასებ სიცოცხლეს, რომ რევერანსების, ქედის მოხრისა და კუდის ქიციინის დრო არ მაქვს, მითუმეტეს მაშინ, როცა დრო საერთოდ აღარ რჩება, როცა საჭიროა სწრაფად დაგეხმაროთ, რათა გათავისუფლდეთ იმ ბორკილებისაგან, რომლითაც ავადმყოფობის ჭაობს და არარეალიზებულობას ხართ მიჯაჭვული.

თქვენ ფუსფუსებთ, რაღაცას აკეთებთ, მუდამ სადღაც მიიჩქარით, სულაც არ ფიქრობთ, ერთი წუთით შეჩერდეთ და ჩაფიქრდეთ: „რისთვის ვაკეთებ ყოველივე ამას? საით მივდივარ, რა დარჩება ჩემს შემდეგ?“ თუმცა სულის სიღრმეში, სადღაც ძა-ა-ლიან ღრმად, ხანდახან ყრუ ტკივილი გაგკრავთ ხოლმე, თითქოს რაღაც მთლად ეგრეც არაა!

მაგრამ დრო არა გაქვთ! საჭიროა, საჭირო მუდამ სადღაც გაქცევა. საინტერესოა, სად და რისთვის? სინამდვილეში, ერთ ადგილს ვტკეპნით, დავრბივართ წრეზე და თავად ვერც ვგრძნობთ ამას. ყოველგვარი გარჯა საწყის წერტილს უბრუნდება.

შესაწყვეტად, პრობლემათა და წარუმატებლობების მოჯადოებულ წრეზე უაზრო სირბილი, შეგნებულად გაცლით ფეხქვეშ ნიადაგს. ამაში მდგომარეობს მეთოდის არსი.

ეს არის მხედველობის სწრაფად აღდგენის მეთოდი, რომელიც ნებაყოფლობითი ემოციური თვითდაალების გზით მიიღწევა.

ადამიანების უმრავლესობა ემოციურნი და შებორკილნი, უფრო სწორად, ემოციურად კასტრირებულნი არიან. დადიან სამუშაოდან სამუშაოზე, სამუშაოდან სამუშაოზე როგორც მოსამართი თოჯინები. განცდები კი შიგნითაა და თუ რამე გარეთ ამოხეთქავს ხოლმე, ეს, როგორც წესი, აგრესიაა.

ჩემი ამოცანა იმ ბოროტების გარეთ გამოთრევაა, რომელიც ღრმადაა ჩაფლული თქვენში და შიგნიდან გხრავთ. დაჩირქებული სულით დადიხართ, ამ პარკუჭს გახეთქვა და გარეთ გამოშვება უნდა, გაწმენდაა საჭირო! მაშინ გაიხსნება აღმშენებლობის, შექმნის, ჩანაფიქრის განხორციელების ნიჭი და უნარი.

ძალიან არ მინდა, წიგნის წაკითხვის შემდეგ გულგრილნი დარჩეთ, თან იმავე სათვალეებით, რომელსაც ახლა ატარებთ. წიგნში შეგნებულად შექმნილი ემოციათა ცვალებადობა — „ქირურგიული“ ინსტრუმენტია.

არსებობს უბრალო ფორმულა — ხასიათი და ბუნება განსაზღვრავს ცოლფასია.

ე. ი. ბუასილიან ადამიანს როგორი ხასიათი ჰქონია?

ეს დამტკიცებულია დროში და პრაქტიკული გამოცდილებით, მათ შორის საკუთართაც. ანუ, იმისათვის, რომ საკუთარი ჯანმრთელობა და ცხოვრება უკეთესობისაკენ შეცვალო, საჭიროა ხასიათის შეცვლა. მხოლოდ დაპირებებით კი ამას ვერ მიაღწევ.

ხასიათის შინაგანი გადადნობა თქვენზე აუცილებელი მონაწილეობით ხდება. მე მხოლოდ კატალიზატორის როლს ვასრულებ. ასე რომ მოემზადეთ ბეჭდური გამოცემისათვის ყველაზე მოულოდნელი და არატრადიციული თავდასხმებისათვის.

თქვენში უდიდესი აღმასია ჩადებული, საჭიროა მხოლოდ მისი მოძებნა, რათა ისე დავამუშავოთ, რომ მთელი თავისი წახნაგებით აკიაფდეს. მაშინ სრულიად სხვა თვალთ შეხედავთ ყველაფერს, აღმოაჩენთ ცხოვრების ახალ-ახალ ჰორიზონტებს. მიგულეთ ამ გზაზე თქვენს სამსახურში!

ცხოვრება არც ისეთი ცუდი და რთული რამაა. იგი არის ის, რაც არის!

გულწრფელი და გულითადი პატივისცემით
მირზაქარიმ ნორბაქოვი.

წინასიტყვაობის მაგიერ, ანუ საკუთარი თავისათვის გილიოტინა თქვენ შეუკვითეთ?

ყურადღება!

წიგნში ინფორმაცია გადმოცემულია დაჩქარებული სწავლების ტექნიკის გამოყენებით! რათა გამოვრიცხოთ შესაძლებელი წყენა ავტორის მიმართ, ძალიან გთხოვთ, გაეცანით გეთაყვა თავს: „ჩამუშული დაჩქარებული სწავლების მეთოდისაგან და მისი მოხმარების წესი!“

თქვენს ხელთ არის მცირე მოცულობის სახელმძღვანელო, გენიალობა მისი კი იმაშია, რომ იგი სარმაცებისთვისაა დაწერილი.

ანუ თქვენთვის!

მხედველობის გამოსწორება ძალზე ადვილი და მარტივია. თქვენგან მხოლოდ პატარა სურვილი, მონდომება, გონების ხვეულების ერთი ბეწოთი განძრევა და ოდნავი შრომაა საჭირო. თუ თქვენ ეს ძალიან დიდ რამედ არ მოგეჩვენებათ, მაშინ — მორჩა! მიზანი მიღწეულია: ხოლო გონების მინიმალური რაოდენობა, ჩვენი გამოთვლებით, ასე, 50 გრ. იმედი მაქვს გექნებათ (თუმცა იმედის აუცილებლად ფაქტი არაა).

დღეისათვის გამოსაცემად მზადდება წიგნი სპეციალისტებისათვის, დაახლოებით 600 გვერდიანი თალმაუდი. იქ ყველაფერი თანმიმდევრუ-

ლადა განხილული: ფსიქოფიზიოლოგიური და მიზნ-შედეგობრივი ფაქტორების მიხედვითაა უჯრა-უჯრა დალაგებული.

გჭირდებათ ეს რამეში? ვფიქრობ რომ არა!

ამ შემთხვევაში ჩვენი მთავარი ამოცანა მხედველობის აღდგენაა სახელმძღვანელო მათთვისაა დაწერილი, ვისაც თქვენთვის მინად მიაჩნია, საკუთარი ძალებითა და შრომით იღვწის, მხედველობის გამოსწორებისა და აღდგენისათვის.

ამიტომ აქ მთავარი კოზირი იქნება გულწრფელობა. აგრეთვე მოკლე ახსნა, აზრის გამჭვირვალობა, პოპულარული ენა, ადვილად გასაგები აზროვნება, ანუ, შინაურულად გადმოცემული, ხანდახან თქვენი მისამართით გამოყენებული იქნება გაღმევი პროვინციელის ლექსიკა!

ასე რომ, მოემზადეთ!

დაჩქარებული სწავლების ტექნიკა მოიაზრებს „უხეშობას“ და ადვილად გასაგებ განმარტებებს ორი სიტყვით 500 გვერდზე! ნუ გეშინიათ, ზედმეტად უხეში არ ვიქნები. უბრალოდ, გიწოდებთ იმას, რაც ხართ სინამდვილეში, რადგან მრავალი წლის განმავლობაში ზურგით ატარებთ საკუთარ გადაუჭრელ პრობლემებს!

მუშაობისას ვეცადეთ, წიგნი რაც შეიძლება მცირე ზომის ყოფილიყო, მაგრამ ძალიან ზარმაცებს რომ ვასიამოვნო, შემიძლია კიდევ შევკვეცო და მხედველობის აღდგენის მექანიზმი შევამცირო ზუსტად სამ სიტყვამდე!

ძალიან ჭკვიან და განსაკუთრებულად გამორჩეულ ზარმაცებს, ვისაც ესეც გრძლად მოგეჩვენებათ, მაშინ სამ სიტყვას სამ ახომდე დავიყვან და ვთხოვ, რაც შეიძლება სწრაფად, სწრაფი მატარებლით გაემგზავრონ იქ სამუდამოდ!!!

აბა, ახლა, რას გრძნობთ, შეურაცხველით?!

გეწყინათ? — ეგრე გინდათ!

ჯერ ერთი, იმიტომ, რომ აქამდეც უნდა მიგეხედათ თავისთვის! მეორეც, მინდა გავახაროთ — დაგერხათ!

თუ ამან გაგაღიზიანათ, ე. ი. საკუთარ თავს თვითონვე მიიჩნევთ ნიჭიერ ზარმაცად. ადამიანს წყინს მხოლოდ ის, რაც სიმართლეა.

თუ უხეშ სიტყვას ვიტყვი, თქვენთვის უცხო ენაზე, ვერ გაიგებთ. მაშ, არც წყენის საფუძველია. ეს კანონია. ასე რომ, ნუ გაიმეორებთ ასეთ შეცდომებს მომავალში!

... დაავადდა იმპერატორი. შეძრწუნდა ამაღლა, გაიხარა ამაღამ. ავადმყოფობამ სნეული საწოლს მიაჯაჭვა. ექიმები ძალიან ცდილობდნენ, მაგრამ საშველი არ ჩანდა“.

მიჰქროდნენ დღენი, გადიოდნენ თქვენი, იწურებოდნენ წლები, ის კი, როგორც იწვა პარალიზებული, ასევე დარჩა. რამდენი ქვეყანა დაიპყრო, რამდენი ხალხი დააჩოქა! ნახევარი დედამიწა დაიმორჩილა, მაგრამ ავადმყოფობის წინაშე უძლური აღმოჩნდა!

ერთხელაც უიმედობამ განარისხა:

— მკურნალებს, რომელთაც ჩემი მორჩენა ვერ შეძლეს, თავი მოჰკვეთეთ და ქალაქის კედლებზე ჩამოჰკიდეთ.

გავიდა დრო. ჩონჩხადქცეული სწავლულთა თავებისაგან კილომეტრიანი კედლები გადათეთრდა. ერთხელაც იმპერატორმა მთავარი ვეზირი იხმო:

— ვეზირო! სად არიან შენი მკურნალები?

— ჩემო მბრძანებელო! ისინი აღარ არიან. თავად თქვენს ბრძანეთ მათი დასჯა?

— ნუთუ ერთიც არ დარჩა?

— დიას, ჩემო მბრძანებელო, თქვენი საკადრისი მკურნალი მთელს სამფლობელოში არავინ დარჩა.

— ეგრეც მოუხდებათ...

და კვლავ გრძლად გაიწელა უსიხარულო დღეთა რიგი. ერთხელ, კიდევ იკითხა იმპერატორმა:

— ვეზირო, გახსოვს, შენ მითხარი არავინ დარჩა თქვენი საკადრისი მკურნალიო, მითხარი, რას გულისხმობდი?

— ჩემო მბრძანებელო, თქვენს სამფლობელოში ერთადერთი მკურნალილა დარჩა. იგი აქვე ცხოვრობს.

— მკურნალობა შეუძლია?

— დიას, მბრძანებელო, ვიყავი მასთან, ძალიან უკულტურო, უზრდელი ვინმეა! პირის ვალებისთანავე უშვერ სიტყვებს აფრქვევს. ამას წინათ კი თქვა, რომ იცის იმპერატორის განკურნების საიდუმლო.

— აქამდე რატომ არ მომახსენე?!

— თუ მოგიყვანთ, მაშინვე ჩამომახრჩობთ მისი საქციელის გამო.

— პირობას გაძლევ, ამას არ ვიზამ. მომგვარე დროზე!

რამოდენიმე ხანში ვეზირმა მკურნალი მიჰგვარა იმპერატორს.

— შენზე ამბობენ, მკურნალობსო.

მკურნალი დუმდა.

— ხმას რატომ არ იღებ, მიპასუხე! — ბრძანა იმპერატორმა.

— ჩემო მბრძანებელო, მე ავუკრძალე პირის ვალება, — მიუგო ვეზირმა.

— ილაპარაკე, უფლებას გაძლევ! ნუთუ შენი შესაძლებლობები საკმარისი იქნება ჩემს მოსარჩენად?!

— ეგ შენი უტვინო თავის საქმე არაა! შეგიძლია ეჭვი შეიტანო ჩემს მიერ სახელმწიფოს მართვის საქმის ცოდნაში, რადგან მეფე ხარ. მაგრამ მეფური გონებით ცხვირს რად ჰყოფ მედიცინაში? შენ ამის რა გესმის? შენს საქმეში ხარ დიდი, მაგრამ მედიცინაში მეწაღეზე მეტი არ გაგეგება.

— მცველებო!!! — დაიღრიალა გამხეცებულმა იმპერატორმა — თავი მოჰკვეთეთ... არა... ჯერ მარგილზე წამოაგეთ, შემდეგ მდულარე ზეთში ჩააგდეთ, შემდეგ კი ნაწილ-ნაწილ აკუწეთ.

არაფის არასოდეს გადაკვრითაც კი არ გაუბედავს ისეთი რამ, რაც სასახლის ეტიკეტის ფარგლებს სცილდებოდა, მით უმეტეს ასე ეპასუხათ თავად იმპერატორისათვის!

დაცვამ მკურნალი შეიპყრო, ხელები გადაუგრიხა და გასასვლელი-საკენ წაათრია, მან პირუკულმა დაციხვით წამოიძახა:

— ეი! მე შენი უკანასკნელი იმედი ვარ! შეგიძლია მომკლა, მაგრამ ჩემს გარდა აღარავინაა, ვისაც შენი მორჩენა შეუძლია. მე კი დღესვე შემიძლია ფეხზე დაგაყენო.

უმაღვე დაცხრა იმპერატორი:

— ვეზირო, უკან მომგვარეთ!

მკურნალი დააბრუნეს.

— დაიწყე მკურნალობა. შენ თქვი, რომ დღესვე დამაყენებ ფეხზე.

— კი, მაგრამ, ჯერ სამი პირობა უნდა შემისრულო, მხოლოდ ამის შემდეგ შევუდგები მკურნალობას.

კვლავაც ჩაიკლა სიბრაზე იმპერატორმა, სიბრაზისგან კბილებში გამოსცრა:

— თქვი!

— უბრძანეთ, შემოსასვლელ კარიბჭესთან თქვენს სამეფოში ყველაზე ფეხმარდი რაში დააბან და ერთი ტომარა თქროც მოამზადონ.

— რატომ?

— საჩუქრად, ცხენები ძალიან მიყვარს.

— თუ მომარჩენ, თქროთი სავსე ტომრებით დატვირთულ ორმოცი ცხენისგან შემდგარ მთელ ჯოგს გაჩუქებ.

— ამას მერე, მერე... მერე გამომიგზავნი. მეორე პირობაა: მკურნალობის დროს სასახლეში არავინ იყოს.

— ვითომ რატომ?

— მკურნალობის დროს შეიძლება ტკივილი მოგაყენო, ყვირილს მორთავ. არ მინდა, ვინმემ ასეთ მდგომარეობაში გნახოს.

— კარგი, კიდევ?

— მესამე. უბრძანე დაცვას, სიკვდილის დასჯის მუქარით, ერთი საათის განმავლობაში არ გამოეხმაურონ შენს ბრძანებას.

— რატომ, ამისსენი!

— ისინი ხელს შემომლიან, მკურნალობას ვერ დავასრულებ.

იმპერატორი მკურნალის პირობებს დათანხმდა და ყველას უბრძანა სასახლის დატოვება. ისინი მარტონი დარჩნენ.

— აბა, დაიწყე!

— რა უნდა დავიწყო, შე ბებერო ვირო! ვინ მოგახსენა, რომ მკურნალი ვარ? გაები ხაფანგში?! ერთი საათი მაქვს დრო. ამას დიდი ხანია ველოდი, ყველაფერი უნდა გაზღვევინო შე სისხლისმწოველო, ბილწო! სამი დიდი ხნის ოცნება უნდა ავიხდინო. 1-ლი: მაგ მეფურ სიფათს მივაფურთხო!

ჰოდა, მკურნალმა მთელი მონდომებით, კარგა ბლომად მიაფურთხა იმპერატორს სახეში.

გაფითრდა მბრძანებელი უსუსურობისა და სიბრაზისაგან, მიხვდა რა მდგომარეობაშიც აღმოჩნდა.

თავის განძრევა სცადა, ცოტათი რომ მაინც გაეწია წინააღმდეგობა ასეთი გაუგონარი და დახვეწილი თავხედობისათვის!

— შე დამპალო ბებერო და მყრალო ძუკნავ, უყურე ამას... თავსაც რომ ანძრევს?!. ტფუ, შენი! მიიღე კიდევ ერთხელ! მეორე ოცნება იყო, ო-ო-ო-ო! როგორ ვოცნებობდი, დამეფსა მაგ იმპერატორულ სიფათზე!



ეროვნული
ბიბლიოთეკა

და მან დაიწყო მეორე სანუკვარი ოცნების ასრულება.

— ჰეი, მცველნო!!! ჩემთან!!! — აფეთქდა იმპერატორი, მაგრამ შარდის ნაკადმა ხმა ჩააწყვეტინა. თავის მორიდება სცადა, მხრები შეათამაშა, რათა კბილებით ჩაფრენოდა ყანყრატოში შეურაცხყოფელს. დაცვას ესმოდა იმპერატორის ხმა, მაგრამ ვერ გაეშინებინა მისი და-რღვევა.

— შე აყროლებულო საქონელო! — თქვა მკურნალმა და წიხლი ჩააჩილა.

იმპერატორმა ტკივილი იგრძნო, უმაღლესი გაიხსენა, რომ ბალიშთან ახლოს ხანჯალი იდო. გაიფიქრა, მივწვდები და დავაჭრი ფეხებს. შეურაცხყოფელის დასჯის ერთადერთი სურვილით ანთებულმა იარაღისკენ იწყო გაწევა.

— ააა, შენ თურმე განძრევაც შეგძლებია? — ზიზღით გამოსცრა მკურნალმა, — მესამე ჩემი ოცნებაა...

და როდესაც იმპერატორს თვითმარქვია მკურნალის მესამე სურვილი ჩაესმა ყურში, დაჭრილ მხეცივით დაიდრიალა, კბილები გააღრჭიალა! ტიტანური ძალა მოიკრიბა, ადგილიდან წამოიწია, იდაყვებზე დაყრდნობილი დაიკლაკნა, გაფოფხდა იარაღისკენ.

— აგჩეხავ, — ღრიალებდა იმპერატორი — ნაკუნაკუნ აგჩეხავ!!! მოჩვარულ ფეხებზე წამოდგა, კედელ-კედელ დაყრდნობილმა შეძლო დგართან მისვლა. აკანკალებული ხელით მისწვდა ხმალს, იშიშვლა და როცა შემოტრიალდა, სასახლეში აღარავინ იყო... იმპერატორი ძლივს გალასლასდა კარისკენ.

ოი, როგორ ინანა, რომ ამ ნაძირალას ჩაუვარდა ხელში და ყველაზე ფეხმარდი ცხენი მისცა. მიხვდა რა თავის გამოუვალ მდგომარეობას, ძლივსძლივობით მივიდა პირველივე შემხვედრ ცხენთან და უნაგირზე შეჯდომა სცადა, მაგრამ სადღაა ის ძალები! კბილებით ჩააფრინდა ფაფარს, დაუძღურებულ მკლავებზე აიწია და უნაგირზე შეჯდა.

გაიღვიძა ბუმბერაზი მეომრის სულმა, გამოიღვიძა დიადი მბრძანებლის, დიადი სარდლის სულმა.

— სად არის? — შეჰყვირა ირგვლივ შემოგროვილ მსახურთ.

შეშინებულები ხმის ამოღებასაც ვერ ბედავდნენ, ამიტომ უხმოდ, თავის მოძრაობით უჩვენეს გზა, საითკენაც გაჰქუსლა მკურნალმა.

იმპერატორი მკურნალს დაედევნა. თანდათან გრძნობდა თუ როგორ ემატებოდა ძალ-ღონე. გასცდა ქალაქის კარიბჭეს, ჭენებით მიჰქროდა შორს და შორს.

უცბად იაზრა: „ღმერთო ჩემო! ოცი წელია, რაც უნაგირზე არ ვმჯდარვარ! ოცი წელია გაფრენილი ცხენის ფაფარი არ დამინახავს! ოცი წელი ხელში მახვილი არ მჭერია! ოცი წელი ჩემს სახეს ნიავის ქროლვა არ უგვრძნია!“

უცბად, ზურგიდან დიდი ხნის მივიწყებული ხმები შემოესმა. ცხენის ფლოქვების თქარა-თქური და მხედართა ყიყინის ხმა უახლოვდებოდა, ასობით ამხედრებული მხედართმთავარი ხმალამოწვდილი კვალში მისდევდა მას ყიყინით და ჟრიაშულით:

— გაუმარჯოს იმპერატორს!

როდესაც იმპერატორს მიუახლოვდნენ, დაინახეს, რომ იგი ვეზზე გაწოლილი მტვერში გორაობდა, ფეხებსა და ხელებს იქნევდა, ძვრებს სუნთქავდა და სიცილისგან იგუდებოდა:

— ოი, შენი დედა...! მკურნალო! შე, ძაღლის შვილო! დაიშინა შენ ქარავანი ოქრო!

ბიბლიოთეკა

ახლა მიხვდი, მკითხველო, რაში ყოფილა საქმე?

იმისათვის, რომ თქვენი ჭეშმარიტი მბრძანებლური სული გამოვადვიო, მობილიზება ვუყო, სახეში გაფურთხებთ, მაგრამ თავზე დაფსმას ვერ დამაბრალებთ, მით უმეტეს...

ახლა კი, ზეციდან ჩამოვხსნათ მბრძანებლის და აღმაშენებლის გვირგვინი და სწრაფად, ყურებამდე ჩამოვიფხატოთ.

ნებისყოფის დატანებით გავშალოთ მხრები, რათა ამ წუთიდან ცხოვრებას მბრძანებლისა და შემოქმედის თვალით ვუყუროთ.

არ გეწყინოთ, განწყობის შესაცვლელად თქვენში აგრესიის გამოწვევა უფრო ადვილია, ვიდრე თქვენი გაღივება. ჩემი ამოცანა თქვენი წონასწორობიდან გამოყვანაა.

როცა ქათქათა პერანგზე ჭუჭყიანი ლაქაა, თქვენ პირველ რიგში მას აქცევთ ყურადღებას. ასე არ არის? ასე თუ ისე, მსგავსი მსგავსს ეძებს!

ამიტომაც, ჩემთვის თქვენში წყენის შეგრძნების გამოწვევა უფრო იოლია, როცა ვამბობ, რომ თავანკარა აღმასი ხართ, ამას ჩემგან თქვენი განწყობის ხელოვნურად ასამაღლებლად მიიჩნევთ, თითქოს კომპლიმენტებს გეუბნებოდეთ, ა. შ. და ა. შ. ამიტომ თქვენ დაეჭვდებით, არ დამიჯერებთ.

ხოლო, როცა დამპალ მძორს გიწოდებთ, უმაღვე რეაგირებას მოახდენთ, და ეჭვისათვის უკვე დროც აღარ დაგრჩებათ! ახლა ჩვენ ერთად ერთი წუთით მაინც მივადწიეთ საჭირო მდგომარეობას!

რა მდგომარეობაა ეს? დაე, ეს ჯერ-ჯერობით დაჩქარებული სწავლების პედაგოგის ერთ-ერთ საიდუმლოდ დარჩეს.

ჩაუუშული დაჩქარებული სწავლების მეთოდისაგან და მისი მოხმარების წესი

მიპასუხეთ, თუ შეიძლება, რა დროში შეიძლება უცხო ენის შესწავლა?

ერთ წელიწადში? ორში? იქნებ მეტში? გაასუხობთ!

თქვენში დაფარული გენიალური შესაძლებლობების გამოყენებით ერთ თვეში პინგვინების ენასაც ისწავლით! საკითხავი ის არის, როგორ აღმოვაჩინოთ და ავამოქმედოთ ეს შესაძლებლობები?

აი, სწორედ ამ საკითხებით დავკავდებით მე და თქვენ.

სახელმძღვანელო შედგენილია იმგვარად, რომ ათვისებულ იქნას დაჩქარებული სწავლების ხერხები, რომ მკითხველმა ერთხელ და სამუდამოდ აითვისოს და მკაცრი კონტროლის ქვეშ მქონდეს სისწავლის ყველა ძირითადი მომენტი, სწორად და სასარგებლოდ გამოიყენოს და გაამყაროს საჭირო ინფორმაცია.

ასე, რომ, როცა უხეშ სიტყვებს, მკვასე, არასერიოზულად გამოგნებელ გამონათქვამებს წააწყდებით (რომლებიც უკვე წარსულს შეგვ-დათ), გახსოვდეთ — ეს სპეციალურადაა!

ღიას, ღიას სპეციალურად ვიცოდებ ეთიკას და ყველა საგანს თავის სახელს ვარქმევ.

თუ გნებავთ, აი, პირველი საშინაო დავალებაც, რომელიც აუცილებლად უნდა შეასრულოთ, თუ, რა თქმა უნდა, იუმორის გრძნობა არ გაგაჩნიათ.

შეეცადეთ, დეტალურად გაიხსენოთ ყველა ადამიანი, რომელიც გუშინ ნახეთ, მანქანაში, ქუჩაში, — ყველგან. რა ეცვათ, რა ფერის თვალები მქონდათ, რა ფერის თმა, რაზე საუბრობდნენ და ა. შ.

დარწმუნებული ვარ, რომ თქვენი გულმავიწყობა 100%-ით გაგიმართლებთ! მე კი გთავაზობთ დღეს ჩაატაროთ ექსპერიმენტი და გააანალიზოთ შედეგი.

ჩაჯექით ავტობუსში, ან ნებისმიერ სხვა ტრანსპორტში, რომელსაც კარები ავტომატურად ეკეტება. შედით და მოიცადეთ. როცა კარი დახურვას დაიწყებს, ეგრევე გაყავით თავი ისე, რომ კარებებს შორის მოეცქეს თქვენი კისერი.

ასე უნდა გაიაროთ მთელი გაჩერება. შეკითხვა: როდესმე დაგავიწყდებათ ეს მომენტი?

არა! იმიტომ, რომ შემთხვევა არაორდინალურია და თითქმის წარმოუდგენელი. თქვენ მკაფიოდ და სამუდამოდ დაგამახსოვრდებათ ყველა ადამიანი, ვინც თქვენს დახმარებას ცდილობდა, არ დაგავიწყდებათ კომპლიმენტები თქვენს სისულელეზე, ზოგიერთის პახმელიის სუნი, დაიხსომებთ ყოველ გამვლელ ავტომანქანას. ერთი სიტყვით, იმ მოგზაურობის ყველა წვრილმანი მყარად გაჯდება მენსიურებაში.

დაჩქარებული სწავლების ტექნიკაშიც ასეთი მექანიზმებია გამოყენებული, ნუ, რა თქმა უნდა, არა პირდაპირი გაგებით, ნუ გეშინიათ, თუმცა მაინც მოგელიტინებათ!

უბრალოდ დადგენილია, რომ მცირე სტრესის შედეგად ინფორმაციის მიღება და დამახსოვრება ძლიერდება დაახლოებით ათასჯერ!

ეს ნიშნავს, რომ ყოველი ჩვენგანი შეიძლება ერთი წამით აქციო გენიალურ, ბრწყინვალე მახსოვრობისა და აღქმის მქონე ადამიანად. თქვენნაირ გენიას ვერ ნახავთ ვერსად! ასე, რომ მომიშვირეთ თავი, უნდა მოვრწყა...

და თუ საკუთარი თავის მოტყუებას თავს დაანებებთ, გულზე ხელს დაიდებთ, ამბიციებს, წყენას უკუაგდებთ, გამოიჩინოთ გამბედაობას და საკუთარ თავს გვერდიდან შეხედავთ, თუ დამეთანხმებით, რომ არის რაღაც ისეთი, რაზეც ღირს მუშაობა, ეს უკვე იქნება პირველი ნაბიჯი წარმატებისაკენ.

ვიდრე ახალი საღისის მშენებლობას შევუდგებით, თავდაპირველად ძველი ხუნულას დანგრევა, ადგილის მოსუფთავება და ნაგვის გატანაა

საჭირო. მხოლოდ ამის შემდეგ უნდა დავიწყოთ საძირკველის ჩაყრისათვის მზადება.

მაგრამ, თუ თქვენ მაინც რაღაც გეწყინათ, გეტყვი: ~~კაცს რომელიც წყენის მიზეზს ეძებს, ან ეძებს საბაბს, რომ არ იმუშაოს და არ გაანძროს...~~ რა?

თქვენ იფიქრეთ — ტვინი, მაგრამ მე პირდაპირ ვამბობ: ~~წინააღმდეგობა~~ ^{წინააღმდეგობა} — რა უნდა ველაპარაკო?! ასე, რომ დაახვიეთ თქვენი გზით! კეთილი მგზავრობა!

ამრიგად, როგორც არ უნდა გამოვიდეს წიგნი, ნება მიბოძეთ, გადმოვალაგო მასალა ისე, როგორც ამას მეცადინეობებზე ვაკეთებ.

და მათთვის, ვინც „იქით“ არ დაახვია და წინ სიარული გადაწყვიტა, ვავრძელებ!

ჩემი მოძღვარი ხშირად იმეორებდა: „ნუ მკვებავ შხამით სხვისი გამონათქვამების გამეორებით“. ევროპაში მიღებულია „დიდი ბრძენი ადამიანების პირით“ საუბარი, ანუ მათი ციტირება.

აღმოსავლეთში ეს ცუდ ტონად ითვლება, რადგან ორატორის გონებაგამოვლილი ციტატა უკვე მეორადი მოხმარების ინფორმაციაა. მუცელში გატარებულ ნებისმიერ საჭმელს აქვს საკუთარი არსის ცვლის ტენდენცია.

თუ არ გჯერათ, შეჭამეთ გემრიელი ტორტის ნაჭერი, დააცადეთ მუცელში გადამუშავება და შეეცადეთ ამ ნაჭრის ხელმეორედ ჭამა. აი, ესაა ციტატა.

ჰა, როგორია? მოგეწონათ სუნი და გემო?

ჩემო ძვირფასო! ომარ ხაიამის ოთხსტრიქონიან სასიყვარულო ლექსს, მხოლოდ მის ბაგეთაგან წარმოთქმულს აქვს სულის აღმაფრენისა და მარადიულობის განცდის შეგრძნება.

აზრი გასაგებია?

თუ კიდევ ვერ გაიგეთ, მაშინ ჩამჭრელი კითხვა: რაზე ფიქრობდა დეზდემონა, თავისი სიცოცხლის ბოლო წუთებში? გაქვთ რაიმე ვერსია?

რა თქმა უნდა, ახლა ათას სისულელეს მორიშავთ: „ცხოვრებაზეო, მთავრობაზეო, ამინდზეო“.

თუ ოტელო პირადად თქვენ არ გახრჩობდათ, მაშინ ყველა მოსაზრება იქნება თქვენს მიერ შეთხზული. მაგრამ, თუ გახრჩობდათ, მაშინ უნდა დაეხრჩვეთ! ამ შემთხვევაში მიკვირს, როგორ კითხულობთ ამ წიგნს?

ანდა მეორე კითხვა: რაზე ფიქრობს ადამიანი, როცა ის მეათე სართულიდან ქვასავით ვარდება ძირს?

როდესაც ამ კითხვას აუდიტორიაში დავსვამ ხოლმე მსმენელები სხვადასხვანაირად მპასუხობენ: მთელი ცხოვრება გაირბენს შენს თვალწინ, შიში გიპყრობს, საშინელებაა და ა. შ.

და ჯერ არც ერთხელ არავის აზრი არ დამთხვევია ჩემს საკუთარ განცდებს. სტუდენტობის დროს მესამე სართულიდან გადმოვარდნის პირადი გამოცდილება მაძლევს უფლებას ვთქვა, თუ რაზე ვფიქრობდი ამ მომენტში. მხოლოდ ერთი სიტყვის თქმა მოვასწარი და მერე ძალიან დიდხანს, დიდხანს ველოდი.

მიუხედავად იმისა, რომ უკულტურო ადამიანი ვარ, ამ სიტყვის წარმოსათქმელად ენა მაინც არ მომიბრუნდება, მითუმეტეს ხელი, ეს სიტყვა რომ დავწერო.

გა-და-კრუ-ლად კი გეტყვით!

რა ჰქვია რუსულად თეთრს ციმბირულ მელას!

ამრიგად, ჩემი დასკვნა: ადამიანს თავისუფალი გული მეცნიერებისაკენ მიუწევს, ჩემს შემთხვევაში — ზოოლოგი-საკენ!



ერქენული

ბიჭუქიძის

ვარდის დროს

— ზოოლოგი-

ამის გამოა სწორედ, რომ წიგნში მხოლოდ ისეთი შეხედულებებია განხილული და განმარტებული, რომლებიც პირად გამოცდილებაზე დაყრდნობილი, ან ჩემს მსმენელ-პაციენტებს გადახდომიათ თავს.

რამოდენიმე ისტორია უაღვილო აღვილას

მოყოლას ერთ-ერთი ჩემი პირველი მოძღვრიდან დავიწყებ.

თავიდან იგი კარგა მაგრად მაქოთავებდა ხოლმე, მერე კი ცოდ-ნითაც მიმასპინძლებოდა, რისი დასმარებითაც, მადლობა ღმერთს, ცხოვრებაში რალაცას მივალწიე.

მამ ასე, სეიდ მუჰამედ ჰასანი, ღმერთმა ნათელში ამყოფოს მისი სული, გარდაიცვალა 112 წლის ასაკში.

იგი უზბეკეთში დაიბადა, ჯერ კიდევ ბავშვი დიპლომატ მშობლე-ბთან ერთად ინგლისში აღმოჩნდა. იქ შესანიშნავი განათლება მი-იღო. გაიკეთა კარიერა, მაგრამ, ავადმყოფობის გამო ორმოცდაექვსი წლის ასაკში დატოვა დიდი ბრიტანეთის დიპლომატიური კორპუსი.

სერიოზულად დაინტერესდა აღმოსავლური ფილოსოფიით. 47 წელი ნეპალისა და ინდოეთის ტაძრებში გაატარა, აქედან 19 წელიწადს შიშველი, განდევნილად ცხოვრობდა მალალ მთებში.

95 წლის ასაკში სამშობლოს, წინაპრების საფლავს დაუბრუნდა.

იგი გამორჩეული პიროვნება იყო. მისთვის ადამიანი გადაშლილ წიგნს წარმოადგენდა. ხანდახან ამოიოხრებდა ხოლმე: „რა ბრწყინვა-ლე ყდა აქვს ამ ადამიანს. საწყენია, რომ შიგნით მსხვილი ნაწლავის გა-რდა არაფერი გააჩნია“.

ახალგაზრდობისას, როდესაც პირველად შევხვდი მას, დამამაზ-სოვრდა ერთი ფრაზა, რომელიც დღემდე არ ამოდის ჩემი ყურებიდან:

— წადი, შეილო, იარე მშვიდობით! მე მიცვალებულებს არ ვკურ-ნავ. შენ იმიტომ მოხვედი ჩემთან, რომ საკუთარი დაჩამიჩებული სხე-ული ჩემს ბებერ ძვლებს აჰკიდო... რომ შენი სნეულების გამოსასვლე-ლი გზების ძიებაში ვიტანჯო — არ გამოგივა! მოდი — როცა გამო-ცოცხლდები!“

რალა უნდა მექნა? წამოვედი და თან ერთი მაგრადაც შევუკურ-თხე. მაგრამ ავადმყოფობამ მაინც მაიძულა ჩემს „სასტიკ“ მოძღვარ-თან შეხვედრა.

თუმცა, მასთან ერთი თვის შემდეგ დავბრუნდი, მაგრამ ამ მოხუცის ნათქვამის აზრს „ძალიან ძალე“ — სადღაც, ათი წლის შემდეგ მივხვდი, როდესაც თავად ჩავწვდი ქრონიკულ ავადმყოფთა ხასიათს, მივხვდი, რომ ისინი დახმარებას მხოლოდ გარედან ელიან, ხოლო საკუთარ თავს — როგორც შემოქმედ პიროვნებას, ბლოკავენ.

ახ, რა ძნელი იყო საკუთარი სიზარმაცის დაძლევა, რამდენიმე წელი მისი უბრალო რჩევა-დარიგებების შესრულება, მაგრამ ფაქტი ფაქტად რჩება. მან, თავისი უზარმაზარი სულითა და სიყვარულით საკუთარი ძალების რწმენა დაძიბრუნა და მერე უკვე ერთად, ერთი წლის შემდეგ, დაფაძარცხეთ ინვალიდობა, ექვსი წლის შემდეგ კი სრულიად გამოვ-ჯანმრთელდი.

შემდეგ კი მის მოწაფედ განდომას ვცდილობდი, რა თქმა უნდა, მან დიდი სიამოვნებით, კისრისტეხით მომიხროლა. მაინც არ ვეშვე-ბოდი. ვთხოვდი და ვთხოვდი მოწაფედ აყვანას. აშკარად ვგრძნობდი ჩემი ყოველი მისვლა როგორ უფუჭებდა ხასიათს. ერთხელად ველარ გაუძლო და თხუთმეტი წუთი დამითმო, აჩინა, რომ ღმერთის წინაშე ვერ აიღებდა ვალდებულებებს ჩემზე, რადგან უკვე 106 წლის იყო და დღეს თუ ხვალ სულს მიაბარებდა გამჩენს. და რომ სხვების დასამახინ-ჯებლად უსწავლელს დამტოვებდა.

თუ ფიქრობთ, რომ მოვეშვი, ძალიან შემცდარხართ. ძველი ხურ-ჯინივით გადავეკიდე, რადგან არც ერთ სიტყვას არ დავუჯერე. რა სიკვდილი, რის სიკვდილი, იგი ისეთ ჯანზე და მხნედ იყო, მისი უფროსი ვაჟის წლოვანება რომ არ მცოდნოდა, რომელიც მან წლის გა-ხლდათ, ჩემს მწვალებელს სამოცზე მეტს არ მივცემდი.

მოკლედ, კედელთან მივიმწყვდიე! ჩემს შეუპოვრობას რომ ველარ გაუძლო, ტაქტიკა შეცვალა. წარმადგინა თავის ამხანაგებთან და განაც-ხადა, მოსწავლედ ამყავს და მოწმეები იყავითო. მოხუცებმა რალაცნა-ირად ჩაიციინეს, თავი დაუქნიეს, მე კი სიხარულისაგან მეცხრე ცაზე დავფრინავდი როგორც იქნა!

ჩემმა მომავალმა მოძღვარმა აბუ რაიხან ბირუნის სქელი წიგნი გამოაძვრინა და მიბრძანა, დამეზეპირებინა. თუ ვერ მთვახერხებდი, ამ ხალხის წინაშე პირობა უნდა დამედო, რომ ამ ადვილს აღარ გავე-კარებოდი.

ხრიკის არსებობა არ მიგრძენია და დავთანხმდი, თუმცა სხვა რა გზა მქონდა? მხოლოდ ერთი წუთის შემდეგ მივხვდი, რაშიც იყო საქ-მე. მან ლიქნად გამიღიმა, ხელი ჩამომართვა და გამახარა — გამოცდა... ხვალ იქნებაო.

— რა-ა-ა-ო? — გაოცებისაგან ყბა ჭიპამდე ჩამომივარდა, კულ-უბრყვილოდ ვფიქრობდი, რომ სულ ცოტა ერთ წელს მაინც მომცემ-დნენ მოსამზადებლად. ერთ დღეში შეიძლება რამოდენიმე ლექ-სი დაიზეპირო და არა უზარმაზარი ტრაქტატი. ეს აბსურდია! ჩემს გა-კვირვებას მან ყური არ ათხოვა და გადაჭრით მითხრა:

— თუ თანახმა არა ხარ, დაახვიე აქედან!

მეორე დღისთვის რომ რაიმე საპატიო მიზეზი არ მომეფიქრებინა,

მაგალითად ნახევარი საუკუნის წინ გარდაცვლილი ბების დასაფლავება, მიზრძანა გამოცდისთვის აქვე მოვმზადებულიყავი...

მან შუა ეზოში, დაბალ მაგიდასთან, ვაზის ხეივნის ქვეშ დამსვა, თავად მეგობრებს დაუბრუნდა და ლაყბობა განაგრძო, ვითომცა არაფერიყო...

მე ზუთხვას შევუდექი. დავიხევირე ერთი ფურცელი, ორი, სამი, ათი...

დაღამდა. მათ უკვე დიდი ხნის წინ ივანეშემს (მე არ დამპატიყეს). ერთი დასაძინებლად მოემზადა, ორმა ჩაის სმა გააჩაღა, თან თვალს არ მაცილებდნენ. ადგომა და გაზმორება მინდოდა, მაგრამ მათმა ცინიკურმა რეპლიკებმა განზრახვაზე ხელი ამაღებინეს:

— რა, მოთმინება ხომ არ დაგელია? — და ამდაგვარები.

— კარგი, ვიფიქრე, ვიჯდები ჯინაზე, ასე ვიქნიათ, ჩაითი გამსკდარხართ!

დილა, შუადღე. მე დაბინდული თვალებით ჩავცქერი წიგნს. უნებლიედ ცხვირში სამზარეულოდან გამომაყალი სუნის მცემს. წამოვიდარძის სუნის, შემდეგ ფლავის... ოო, როგორ მომაწვა ნერწყვი და თავბრუ დამესხა...

მოხუცებმა ჭამეს, დალიეს და დასასვენებლად წამოგორდნენ, თან დროდადრო ჩემსკენ აპარებდნენ მხიარულ მზერას, გამოცდა კი ჯერ არ ჩანს. მოსაღამოვდა. თვალები მეხუჭება, ერთი ზედამხედველი მითვალთვალებს, დანარჩენები კი ხვრინავენ...

თავში მომივიდა აზრი და თანდათან ფესვიც გაიდგა, რომ დილაამდე გამეძლო, მერე ავმდგარიყავი და ყველა წვერებით მეტრია. ნათლად წარმოვიდგინე, თუ როგორ ვათრევ რიგრიგობით ამ თხელწვერიან მოხუცებს, შემდეგ როგორ ვიშხლართები ხეივნის ქვეშ და ხვრინვას ვუშვებ.

არ მახსოვს, როგორ გავძელი ის ღამე. გულში ზიზღი თუხთუხებდა, ამომავალი მზის სხივების შემყურეს, უკვე აღარ მახსოვდა წიგნი, დასისხლიანებული ხარის თვალებით მივჩერებოდი მწვალებლებს და ვფიქრობდი, პირველად რომელს მივმწვდარიყავი ყელში, მიმეხრჩო, მწვალებელი მასწავლებელი თუ მისი მეგობარი, რომელიც ნახევარი ეზოს მომცველ გაღრეჭვაზე ერთადერთ კბილს მაჩვენებდა.

... მანჯღრევდნენ, უცებ ვერ მივხვდი, თურმე უკვე მიხმობდნენ. ეზოში კი სახლის პატრონის შვილები, შვილიშვილები და მეზობლები მოგროვილიყვნენ, რათა უფასო წარმოდგენით ეხალისათ.

მინდოდა ღირსეულად წამოვმდგარიყავი, მაგრამ ტომარასავით ჩავიჩუტე და გვერდზე გადავვარდი. თავში მხეცურმა აზრმა გამიელვა, ვაი, თუ ფეხები აღარა მაქვს. შეშინებულმა ხელებით მოვისინჯე, ფეხები ადგილზეა, მაგრამ მომჩვარულია. ხუმრობა საქმეა ორი დღე და ღამე გაუნძრევლად ჯდომა?

ვდგებოდი, ისევ ვიქცეოდი, მაყურებელთა ჩუმი სიცილის თანხლებით ფეხზე დავდექი, ისევ დავეცი. წყენისა და ტკივილისაგან ტუჩები მოვიკვნიტე, დავწყველე მწალებლები, ის დღე და საათი, როცა ამ სახლის ზღურბლს გადმოვაბიჯე.

უკვე თავს ვეღარ ვფლობდი, დაწყევლილი წიგნის თრევა-თრევით მივბობლავდი მოხუცებისაკენ. ღიმილით წამომაყენეს და შეკითხვები დამაყარეს.

არ მახსოვს, რამდენი კითხვა დამისვეს, არც წაკითხულიდან მახსოვდა რაიმე. ბოლოს და ბოლოს მოძღვარმა მთხოვა:

— წიგნის სათაური მაინც მითხარი, მაშინ მოწაფედ ავიყვანო.

ბევრი ვეცადე, დავიძაბე, იქნებ როგორმე გამეხსენებინა, მაგრამ ამაოდ, არაფერი გამოვიდა!

— უტვინო ხარ! — დაასკვნა სისხლის მთავარმა მწოველმა, სხვებმაც თავის კანტურით დაუმოწმეს.

უკვე ფეხებზე შევიდა, ამიყვანდა თუ არა მოწაფედ. მინდოდა სწრაფად გავცლოდი ამ სირცხვილს და წვალებას. ჩემმა მოძღვარმა კი უეტრად ირგვლივ მყოფთ განუცხადა, რომ მოწაფედ ავყავარ, ვინაიდან მე ჯიუტ უტვინოთა შორის იშვიათ გამონაკლისს წარმოვადგენ და რომ მისთვის ძალიან საინტერესოა, როგორც ხოჯა ნასრედინმა, გამოსცადოს ვირის (ამ შემთხვევაში ორფეხას) სწავლება...

სწავლების მთელ პერიოდში ერთხელაც არ შევუქივარ, არც დაუტუქსივარ, მხოლოდ მცემდა, მისი ხელჯოხი უფრო ხშირად იყო ჩემს ზურგზე, ვიდრე მის ფეხებთან.

მახსოვს, ერთხელ, მასთან ანგარიშის ჩასაბარებლად წარვდექი. ძალიან მიხაროდა, ასი კაციდან ორმოცი გამოვაჯანმრთელე.

სასწავლებელმა მომისმინა და დაასკვნა:

— მკვლელო! ტრაბახობ, რომ ორმოცი განკურნე, დანარჩენს რა ეშველება? შეიძლება მათში განკურნების უკანასკნელი იმედიც კი ჩაკალი!

შევეწინააღმდეგე, ვუხსნიდი, რომ დანარჩენებზე ოფიციალურმა მედიცინამ ხელი ჩაიქნია.

— ხანდახან თქვენც ხომ შეგხვედრიათ ასიდან ორი-სამი უიმედო...

დიდხანს არ შემკამათებია — ბაბახ! და ჯოხი კვლავ ჩემს ზურგზე დაეშვა. მაშინ აღზრდის ეს მეთოდი ძალიან შემზიხლდა, მაგრამ მალე მივხვდი, ეს სრულიად გამართლებულია.

ჩემს პრაქტიკაში, ადრეც და ახლაც, ძალიან ხშირად გამჩენია ხელში ჯოხის აღების სურვილი.

ე-ე-ეჰ! დიდი სიამოვნებით გადავუჭერდი ზურგზე ისეთ ჭკუისკოლოფს, თავისი ავადმყოფობის განუმეორებლობაზე ფილოსოფიურად რომ მსჯელობს და თან თითზე თითის დაკარება არ უნდა გამოსაჯანმრთელებლად.

ხელის გატოკება არ უნდათ — ეზარებათ! აბის გადაყლაპვა, ნემსი უკანალში — უფრო ადვილი არაა? მაგრამ ჯანმრთელობას ვერ იყიდი, მუქთადაც ვერ მიიღებ. იგი ოფლით უნდა მოიპოვო; თუ არადა, სამი თითის კომბინაცია მშობელი ბუნებიდან და პროფკავშირებიდან.

მე ამის თქმის სრული უფლება მაქვს, თავად გავიარე გზა წუწუნა ინვალიდობიდან აკადემიკოსობამდე. ამიტომაც არ მჯერა თქვენი მოურჩენელი დაავადების! ა-რ მჯე-რა!

გზას დაძლევს მიმავალი!

ჩემი მოძღვრის საშუალებითა და დაუღალავი შრომით სიკვდილის კლანჭებს თავი დავაღწიე. ხოლო, როცა მუშაობა დახოუკიდებლად დავიწყე, მრავალი წლის განმავლობაში ვატარებდი ექსპერიმენტებს/ვაკვირდებოდი, ვადარებდი, ვაანალიზებდი ათეულ ათასობით სხვადასხვა სტაჟისა და ნაირგვარი სიმძიმის ავადმყოფთა უთვალავ მრავალს.


ამოცანა იმაში მდგომარეობდა, რომ აღმოგვეჩინა ადამიანი, რომელიც ავადმყოფობა და მახასიათებელი თვისებები, რომლებმაც დასძლიეს ავადმყოფობა. რითი განსხვავდებიან ისინი დანარჩენებისაგან?

სხვა სიტყვებით რომ ვთქვათ, მინდოდა გამარჯვებული ადამიანის დეტალური პორტრეტი.

ვიცოდი რა, თუ რა შეცდომებს უშვებდნენ გამოჯანმრთელების გზაზე მყოფი ტიპიური ქრონიკული, უიღბლო ადამიანები, ჩემთვის ძნელი აღარ იყო მათი წარმოშობის მიზეზებისა და თავიდან აცილების შესაძლებლობების პოვნა.

ვინც ეძიებს — პოულობს! ნაპოვნი იქნა II კანონზომიერება, რომელთა მეშვეობითაც შეიქმნა სასწავლო-გამაჯანსაღებელი და სხვა სისტემები.

ვაგრძელება იქნება



[Faint, mostly illegible text continues on the page, appearing as bleed-through or ghosting from the reverse side.]